



# 叢書集成續編 第一四三冊目錄

文學類



詩文別集——明

楊弘山先生存稿十二卷·····	明	楊士雲著	雲南	一
夢澤集十七卷·····	明	王廷陳撰	湖北先正	二三一
內方先生集八卷附鈔一卷附錄一卷·····	明	童承敘撰	沔陽	三六七
玩鹿亭稿八卷·····	明	萬表著	四明	四八七
介山稿略十六卷補遺一卷·····	明	林應麒著	仙居	六三九
圭山近稿六卷·····	明	張儉著	仙居	七一一



雲南叢書集部之四

楊宏山存稿

共十二卷

雲南圖書館藏板

甲寅年刊

重刊楊弘山先生存稿序

明太和楊弘山先生存稿若干卷余於同治庚午獲筆  
橋後并得之先生後人篋藏有年今付印發其書  
行世先生古文簡重有義法得力於經者深古近體詩  
亦與雅高亮不趨時好其平日流覽子史星曆之書雜  
用長短韻語記之意取備忘無關詞術影存稿中似可  
芟蕪重以漢中先輩遺書面目孤存一仍其舊先生於  
明一代棟樑士夫中獨倡明理學躬修實踐不爲口耳  
之談至性純孝難進易退清介絕俗爲言官垂四十年  
子孫猶倚刀耕自給宜乎中谿雪屏敬遜弗如此其人  
楊弘山先生存稿序

楊弘山先生存稿序

一

豈復待文字傳而文字之發見已如此惟其有之不可  
假也嗚呼世衰道喪士風掃地盱衡蒼洱間徒見山高  
而水深存踵先生之芳躅而興者乎余與印泉延頸望  
之矣中華民國元年壬子四月劍川後學趙藩撰

先生諱士雲字從龍號弘山別號九龍真逸名其居曰  
乾乾齋由解元進士起家官歷庶吉士歷兵科歷戶科  
辭司業辭提學辭尚寶卿復入翰林院辭右春坊家居  
累詔累起累辭唯坐臥小樓萬卷橫襟一點靈光獨照  
舉外物毫無足以入其靈府無染無著無求胡道以正  
學正學以扶世班班可攷是其人也

楊弘山先生存稿序

一

其地迺已終日儼然危坐萬卷橫陳齋肅靜默以存其  
心研精覃思以窮此理熟復經義以究聖賢心術之微  
歷考傳疏以服儒先識鑒之確無一事一物不致體驗  
以約其變無一書一言不入精神以辨其歸不變說以  
獨人不過高而立異殘文羨語皆不敢忽於微辭與義  
有未釋者不忘不助於怡然渙然惟其擇既精是以守  
彌固澆養凝寂則戒懼孔嚴省察於幾微愈加謹密思  
慮未形自惺惺靈照非絕聖素智者之爲靜定也既交  
事物自中節度不爲物喜己悲全天理之正人心弗能  
淫杌也謂人得天地之精英有生凡根於衷通於感形



於身見於事者固非太極二五之妙聖賢教詔實欲人踐形盡性庸完此賦畀之初耳是以明消息達盛衰察天時稽人事盡性情之蘊任綱常之責險夷常變不貳厥心

見諸身者色溫而貌恭氣清而神定無疾言無忤視無窘步無箕坐無叱喝聲完粹精純端詳閉泰宏厥而矩矱自存從容而果斷隨寓薰然而可親毅然不可犯動止有定儀居物有常所飲食菲而甚潔書器雖敝甚整五鼓而衣盥濯見祠寢必夜分既覺擁衾而坐涵泳緇緇有得輒取燭以書達旦常耳遇披閱倦焚香瞑坐起

楊忠先生存稿

二

則綈步吟哦霽然晬益可掬年彌高矣加以有疾謹飭於禮無異平時家人未嘗見其情容見諸事者不匿情不匿詐不伐善不較利害隆於孝愛友誼昆弟儼大賓以臨中閨崇仁愿以處族姪慈子孫則愛而能勞御僮僕則寬而有制孝於奉先朔望如墓拜謁衰年弗弛諱日則感愴泣下不食終日喜賓客至則趁時延款小大以一誠接雖孺子兒亦肅容將迎口絕爾汝無一燕語語久與之居愈益生敬學者親其矩範聆其誨言自然鄙吝潛消

或有問遺未有處者一介不苟留餽之典籍驩爾拜受

故達時產業不墾於舊田疇所入卒歲爲難布衣糲食清苦終身處之宴如也三十餘年坐臥一樓非應賓客不下始終掃迹城府自入科第以訖易簪無片刻私于公家閭人之善若己有之不幸不能矜導不已不面搗人短亦不終默進退古人之得失使之自寤人或未孚弗與也先生制行固甚嚴而所以應世者不滯諸古不沿諸今介而不僻通而不同雖晦迹林壑而心切王家

凡政務民情人才邊慮有未宜者愀然累月沉江逆賊之變者惻然在身庚戌京師之警寢食俱廢士人有不欲仕者質於先生先生曰丈夫負荷甚大窮則爲己達

楊忠先生存稿

三

則爲人其終於窮焉命也使能盡己之性而不推以及人是自過其躬而已其愛人槩如此居鄉無異編氓雖不立言要約其廉約仁厚之風風諸鄉邑里中咸知愧恥每行事輒曰恐涉不義而爲弘山所知雖無賴惡少經先生虛懷感化

滇俗尙佛家毀遺也喪葬率皆火化設齋事佛惟日不足祖奠之日盛陳孝筵豐酒崇鑄哀樂相伴甚而孝子酣飲與客交錯弔客臨紼稱觥將敬延款或箇爭端從起附身附棺之具無留意者大家巨族因喪破產中人而下多以力不克辦終世停殯相沿日久先生深悼美



俗弊於喪紀迺於居憂時躬行禮制與鄉之篤實士之英敏者講明儀節凡以節文乎喪禮洗滌乎頽風者聞導勸諭無不懇至甚而泣涕以感動之且曰人之生存也疾痛疴癢無尺寸之不受全而歸之尚存競業故中門倚廬寢苦枕塊哀親之在外與在土也奈何燥膚消骨忍而爲之供佛飯僧亦何益也又曰孝子之喪親也不甘旨不聽樂毀容不飭唯而不對奈何破家陳寔忘哀樂賓客欲達忱菓餅茶具足可况孝子不食菜菓不食醯醬爲禮之經乎其始也士大夫前而爲其既也雖婦人走卒樂循無厭火化停殯之俗日消飲酒事佛之風

楊伯生存稿

四

自革至今冠婚喪祭之道家有其書人行其禮風俗獨甲他處皆先生之功也

於易謂伏羲畫卦有畫無文當時用之惟觀象耳近日學易惟誦易辭不玩諸畫殊非也又曰文王不惟繫卦辭而爻辭皆文王所繫如文王止繫卦辭是易爲未完之書周公繫爻辭以成之其功固有大於文王者孔子作繫辭傳屢贊文王不置使周公成文王未成之書孔子亦當贊美周公不置也河洛第九篇曰周文轉序三百八十四爻參同契亦爲文王帝之宗結體演爻辭也謂周公繫爻辭實有未安者有謂伏羲止畫八卦文王

因而重爲六十四卦者尤非也此凡以履虎尾否之匪人習坎諸卦疑之殊不知諸卦卦辭之上或遺卦名意當時竹簡之脫落點漆之模糊耳程傳本義精識卓見無容輕議但解比之匪人公弋取彼在穴鶴鳴子和之類其爻位之相應象辭之意義可疑者容有數爻不敢從也最後得西樵翁易說與先生所論冥合信非臆說可知也

於書謂昔人疑今文之艱澁反不若古文之平易要之辭雅義正皆帝王致治之道非若經解之王霸雜也天時地宜人情世態靡所不備借紫陽不及盡註蔡氏時

楊伯生存稿

五

亦有誤金氏表註矯之或過離合經文恐未盡然若夫五紀皇極三德庶徵五福六極經文之次序引蘇氏王氏改定似長蔡氏可疑處周文安公之辯最當然當疑者殆不止疑辨錄所載也謂洪範絕與洛書無與經文止言不界洪範九疇天錫禹洪範九疇初不言洪範爲洛書也孔安國劉向欽父子班固鄭康成輩以爲洛書錫禹果何所稽夫圖書奇耦之數生成之位推驗於易無不符合若洛書之爲洪範厥義何取不過以數之九而已夫洛書有陰陽奇耦之數而九疇之文亦有陰陽奇耦之義乎洪範九疇乃治天下之大法其類有九言



常理耳與洛書絕無相與明矣或曰乃疑天錫之言  
不知天錫公純嘏天錫王智勇類也大傳曰河出圖洛  
出書聖人則之程子曰聖人見河圖洛書而畫八卦予  
惟信此語說過也其咏圖書詩曰羲皇畫卦豈無初河  
出天也洛地符洪範九疇天錫禹漢儒錯認作占書詩  
占書作

於詩謂學詩別有門庭與諸經迥異不可阨於義例局  
於訓詁要須潔淨胸次反覆吟哦隨文尋義使此心有  
所感發興起處第觀庸學孟子之所引左氏諸大夫之  
所賦斷章取義而已義例云乎哉朱註超絕古說小序

楊弘山先生存稿

序

六

中時亦有可觀者然千百之什一也昔人云讀詩之法  
本乎朱子用詩之法取乎呂氏蓋得之又曰韓詩外傳  
引用多乖經旨如誣孔子阿谷之事尤為悖瑣玩味思  
無邪一言則魯齋之論王公直之辨似亦有說然聖人  
之意蓋取諸勸戒也

於春秋謂經文本自明白名傳異同未必皆得經旨至  
如諸儒以周建子惟以十一月為正朔而時日不改或  
以為改月而不改時或以為俱改互相糾議乃千古不  
決之疑但左氏作傳去聖人不遠即其所書春王正月  
而附以日南至之文必魯史之舊也且禮云正月七月

日至則周之改時改月奚俟於疑而世儒以為不改旁  
引曲證亦大勞矣或又謂周人以改時月至孔子作春  
秋始以夏之時月紀年最可驚駭夫春秋為亂臣賊子  
而作所以遵周也周天子在上聖人雖有德而無位使  
其擅改王制其去亂賊幾何此亂常拂理之尤者而謂  
聖人為之何以服當時而昭勸懲也若夫謂春秋為天  
子之事者蓋以賞罰褒貶明王法於天下言也謂行夏  
之時者惟對顏子論王道當如是耳否則與從周之論  
不議禮制度之論生今反古之論何相悖哉胡氏詞富  
義正其斷言以最宋高則可質之孔子未知何如也且

楊弘山先生存稿

序

七

於分合經文大有可議者如隱公二年莒人入自自是  
一事無駭帥師入極自是一事胡氏合傳解之桓公二  
年戊申宋督弑其君與夷及其大夫孔父本是一事分  
為二傳解之如此最多皆不知其說也乃手錄經文正  
其分合二氏自不同者固亦附見日者又錄經文定為  
新例分國備書公及鄭儀父盟於蔑一條魯國書之  
邾國亦書之凡不與之國不書也

於禮則從先儒以儀禮為經禮記為傳謂周禮六官亡  
一世儒以攷工記補之宋元間俞王丘輩始辨其異  
幼清作三禮考註謂冬官未嘗亡地官之文實缺無有



定一之說者然書道李斯之變殘缺非獨周禮一書也  
以考工記非周禮之文良是然文雖不類意亦聯屬後  
世有志復古者師聖人之意不必泥其迹可也禮記取  
吳氏纂言深以未見魏徵禮類為憾嘗曰禮記之文明  
白平正亦多有駁雜欲摘篇中未醇者附本篇末未行  
於世

謂學庸語孟學問大本大根看得融貫終身有餘用果  
然實下功夫得其旨意所在求諸六經自迎刃而解謂  
朱子補大學缺遺固得格致之說然本傳實未嘗亡董  
業王方已有辨論論其次第蔡氏得之方氏謂異於朱

楊山先生存稿

序

子而不乖乎道固朱子之所取也此數言甚善或曰新  
民作親民何如曰曾子作傳皆引新字釋之今欲作親  
民固無不可但於日新新命新民上說不過去謂中庸  
子思受之曾子原之孔子所以立萬世聖學之標準也  
表章於程子章句於朱子天德王道炳如日星為學而  
異此者異端也出治而異此者霸術也書中戒慎恐懼  
謹獨篤恭皆示人以用力處也謂論語想有次第秦火  
之餘或為漢儒顛倒中間弟子所言當如子張篇別為  
附類且惜顏子之死未聞有好學者既列第六篇中又  
不當退問仁問為邦於十一篇十五篇內今之論語恐

非當時弟子所記之次序也齊論魯論雖無明辨辭氣  
自有不同者讀者當涵泳見之謂孟子七篇氣勢雄渾  
論議爽快篇章完全如畫實孟子所自作非門人輩綴  
輯可就也又曰聖經千言萬語總不出孔孟所言誠於  
此二書致操存涵養體驗擴充之功措之人常變無不  
可者

又謂諸儒解書惟朱子周詳縝密宋元之間草澤之儒  
紛然雜出其於五經四書各加訓註主於立說炫奇圖  
勝而不盡以解經問有可取數家亦未甚醇備故讀書  
之要當以經文為主蓋此理本吾固有諸傳詎可盡信

楊山先生存稿

序

以為必然須是求之吾心而安推之於人而通達之華  
夷而無坎坳方為道之正也學術不正誤天下後世者  
多矣其害何可勝論某常言經書所載止形容得聖人  
之氣象道理之模肖耳而真聖人真道理皆在於吾人  
之心  
於歷代則傳之二十一史溫公通鑑旁考各家編記志  
錄拾遺小說約諸文公綱目謂宋元綱目綱弛而目裂  
終未若晦翁綱目嚴而密也故於丘文莊世史正綱時  
亦有取隨園擇事有可紀人有可則可戒者隨摺成輯  
以寓勸懲有出於他書亦咏附之周程張邵之書莫不



沈潛反覆謂先儒所論各有異同然道具於心一而

矣不必強其同亦不必會其異惟求其是耳  
於皇極經世書尤所肆力元會運世之相經天時人事  
之交驗陰陽剛柔聲音律呂動植飛走之數推之無不  
準真有以盡萬物之感應聖賢之事業天地之體用變  
化始終皆有所不能違消息吉凶無非若燭照數計  
而龜卜也嘗曰經世書足備一經邵子雖不明言意蓋  
微寓昔人言其書元會運世如易上經聲音律呂如易  
下經觀物十二篇如易有繫辭信也其數雖加一倍法  
實該乎道出於自然非假智營力索而後合也太玄諸

楊山先生存稿

序

十

作望其藩籬逸矣往者借書於中溪公書原缺圖二本  
遍求無有先生推而布之若瑣瑣也晚年得意忘言惟  
玩先天方圓圖或喜溢顏色如出宇宙暇日取全書中  
理數體要咏成詩句不限長短積久成帙觀其咏先天  
圖云八卦方圓內外圖從無生有有舍無誰知安樂高  
中老親見庖養問泰初則先生所得不特登康節之堂  
已也

謂律呂關世道日用不淺以之測樂審度審量平衡昔  
人謂黃鐘爲萬事根本良是至於用之候氣則一十二  
月之中氣以正曆之節氣不爽民之作止得宜一天人

贊何育莫此爲聖潛古器既亡今無可據雖有金門山  
竹羊頭山黍先儒以疑黍之大小難一筭之廣狹不勻  
欲求之遺制得其上下相生五聲二變與諧聲調之弊  
惟琴之絃弦可攷然不足以盡律之用也迺參考經傳  
史志歷代名人議論會之朱子鍾律蔡氏新書隨得咏  
紀及其神會心悟謂古律可復方擬著論制管以裨闕  
典未行於世

於天文曆紀謂古先聖王所重載之六經匪一而足非  
通儒未易語此此欽天勤民是爲政首且懸象在天原  
然可畏其伏見早晚邪正存亡虛實闕陋及五緯所行

楊山先生存稿

序

十一

合散犯守陵歷門食彗孛飛流日月薄食暈適背宄抱  
珥虹蜺迅雷風妖怪雲變氣此皆陰陽之精其本在地  
而上發乎天政失於此則變見於彼是以人君遇之而  
克謹天戒以弭其變也又謂聖人揆天行而序景曜分  
辰野辨躔歷敬農時興物利皆以繫順兩儀紀綱萬類  
者矣國家固不可一日而不留意儒者可以茫然而不  
察識其理乎故其數年俯察載籍仰稽軋象所得甚深  
非孰定法論天者可窺其涯涘也嘗與人露坐指謂之  
曰某星入某次某分野當何如此驗不爽又見金木同  
度口吟云金木煌煌咫尺間金臨木位恐相干野人不



識占天象今夜靈臺仔細觀謂古之治曆隨時考驗以合於天而已蓋天有不齊之運歷惟一定之法久則必差差必修改理勢然耳

國家承運以來曆雖以大統為名而積分仍授時之舊自洪武庚申迄今百八十餘年曆元豈容於不差而亦不可以不改也迺集洪武辛亥宋濂設為楚客對中辨五星躔度與七政曆所載不合以見歲差之由及洪武甲子刻漏博士元統所上論授時曆歲差氣閏准分與洪武甲子歲差氣閏准分不應及正德年間禮部祠祭司郎中鄭善夫所上日月食歲差氣朔閏餘分秒合三

楊山先生存稿

序

氏之論為改正曆元議其味至日詩云歲差年限幾人知星火牽牛細莫思六曆于今都不應日躔黃道有參差至如推理盡法之妙有兼子雲康節之精固許郭劉高於範圍矣然以國典所禁不傳其祕焉凡七政變異曆紀參差皆隨遇成咏庸誌歲月於古書奇辭與文諸子百氏釋典道書之類謂不有以究之無以見其邪異駁雜之病故靡所不讀咸拔其根而斥其非作字道勁備六書制不襲俗譌雖札下人未嘗行草單削片牘人咸藏襲為榮謂古人制字點畫聲音各有義意矧文字者六籍之宗王教之始前人所以垂令今人

其由識古不能以日缺也而其制該禮樂射御數象形即禮之儀諸聲即樂之律指事即射之設會意即御之範轉注假借用數之則豈合隨筆損益若文龐藝舛形體變異音義阻艱焉得為文哉凡說文六書統諸篆籀字說韻書罔弗研求其義而訂其譌會升菴翁輒舉以辨一音一畫要歸於安

其教人率以行示不別立科條每日學務求其諸心而見諸行不能無資於言言而無行切亦奚補惟願真知允迪不可須臾無道學之實不願矯中飭外互相標榜以樹道學之名若褒衣博帶閉眉合眼謹誦叫喚此言

楊山先生存稿

序

聖賢修之於身無所聞推之於行則無用吾不敢出也理欲二字迺升陞大關聖賢同歸非類之入皆於是而分判士之講學正以明此而辨之非以資口耳也且如科舉一途學行兼舉強學篤行失得勿恤今以富貴利達入心求獲所欲蠱視萬姓凡可以美宮室悅妻妾得所識者獲譽而肆其計願聖賢之啟迪我之所記舉者果為是耶朝矣以作育生民之屬望果若是耶理之辨不可不嚴諸心也

又曰士惟廉耻之尚故列子之妻寧忍寒而不受人之緇餓人寧餓死而不食其嗟來自禮義折腰簞食



緼袍不耻者可多得乎此士志於道而耻衣食之惡之不足與議也問為學曰盡性性命於天而具於人學者須是天人合一昔人謂教人性非所先謬矣人而不克盡性耳目四體雖正其違禽獸幾何聖人亦不過盡此性耳然作聖之本當在於吾心而開悟成就非講習不可必先本之經書以式繩墨博諸羣史以觀世變次及諸子以辨異同亦須體之身心驗之人我儻徒多尚靡是玩物喪志反於本體有累然是知也尤須警惺此心使之常常靈照則理自明而行不疚其根又在立志而有守立志之說往哲所重人人誦聖賢行則反之問

楊弘山先生存稿

序

丙

有循聖賢之轍又中道而輟惟不牽習俗不怵利害生死一意直前斃而後已奚虞聖賢之不可及乎學技藝而造其闢域者不失為良工獨求聖賢而不至其地者何哉所以立志貴堅不容斯須闕也  
又曰人心不可為外物所據吾無過人者但於富貴無所慕貧賤無所憂不忻戚於得喪不取舍於愛憎耳人能如此則心之本體不蔽為學之功半矣或曰先生詣極有年不著作以覺來學何以自解於後世先生曰夫人為學所以求至於聖賢已也經書有程式先儒有定說此入都適國之大道也惟立志持敬明諸心而服行

耳焉用著述為哉然六經所載非外人心立言也榛蕪之餘欲入門下手惟在獨知上用力為第一著耳久則人盡天純無獨可慎人固聖人也又曰學者只是勤謹收拾身心養節義不淡薄固性含情下人謙己已上儘好商量聖賢堂奧若徜徉歲月傲慢夸大奢侈遂非甚而決藩破籬皆不可救藥之病也

鶴齡時亦集有語錄尙未哀類先生平生惟急於踐履不輕著述暮年所得輒形於詩然非工咏寫興者比誠詩中經詩中史也

大理郡名曷為而議也帝王有天下之鴻號必曰稱大

楊弘山先生存稿

序

五

自宋畫大渡河段氏據為大理國者三百年亦曰稱大國號倂於帝王僭也夷也我太祖高皇帝混一字宙削平僭亂用夏變夷郡名豈可仍段氏大之一字耶宜疏請於朝所當亟正也先生曰黜僭竊於既往正名號於方來洗夷風於前朝揭清明於今日天下萬世之快也亦春秋之法也有正議補議見文集

金沙江曷為而議也滇中四大水唯金沙江合江漢朝宗於海為南國方紀蓋天設地造也自蒙氏以來諸夷據險為亂流成南詔亡唐之禍武侯渡瀘南征首奪此險斬雍闓擒孟獲定滇池平西南之夷太祖高皇帝曰



關索嶺非正道也正道在西北蓋指此江也東西僅  
黔中一線諸夷資其桀驁緩急不應手足爲腹心之所  
不可言也倘蚤議開沅江無叛志東川無逆謀武定不  
致兵燹瘡傷如今日也善乎先生之先見也議曰續神  
禹疏鑿之迹恢四海會同之風息東西兩路之肩拊滇  
雲百蠻之背昔爲絕險奧區今爲掌中腹裏皇明大一  
統無外之治億萬年無疆之休其在斯乎出存稿  
先生在科陳端本立極之道維世福民之德臨交州之  
師正曆元之度諸所多薦賢汲引升菴先生云仙郎高  
議留青瑣學士新詩滿碧山又方伯胡云瑣闥赤心留

楊弘山先生存稿

序

諫草江湖白髮見弘山

先生齋居定靜安慮形著動變出處行藏宛然孔顏家  
法文章則直祖秦漢班馬安崖黃公臣云遵經筆下羞  
班馬尋樂年來學孔顏

先生坐卧小樓號七尺書樓仰齋督學胡公相與講明  
邵康經世之學宿村南舍亭欲登書樓不果卽席贈聯  
云百年人物忻相際七尺書樓未易攀

先生性學唯提靈知一字當時禪宗內典萬卷鑽研所  
私淑者白沙陽明所遠交者念菴東廓雖曰與中谿公  
兀坐累紙探尋開覺獨先而佛學中所得不淺但未形

於言耳題咏云熱湖白鹿幾千秋朱陸高蹤尙可求天  
下何曾之知己念菴今日記東遊又云心齋千里謁陽  
明問蒼鏗鑿聽耳傾十載神交元有夢一時仰止二死  
生

先生性學既到非富貴利達無動於中卽吉凶災祥神  
於究見凡占驗觀玩知靈自照耳嗟乎中谿公之言曰  
先生之學靜極通達非必得數也見郡志

蒼山石先時京師繁取爲地方患先生憂形於色致草  
與巡按陳公察先生曰禹貢所載惟服食器用而耳目  
之役不與焉梁州璆鐵銀鏤磬雍州球琳珣玕咸

楊弘山先生存稿

序

器用也點蒼石細玩爾工匠之伐鑿終歲血指人力之  
傳送何日息肩君子不以養人者害人况非養人者乎  
陳公得之疏請封止民亦有利哉見郡志

侍御金嵩李公東嘗曰弘山先生家無負郭之田堂僅  
旋馬之地卻當塗之饒麾土司之金豈獨性體定哉亦  
佛學精而世味輕耳慕學最先後蒼洱諸君子耿慕  
迄今不衰

本道姜公飭榆號時川與先生最相臭味或延升菴輩  
結盟崇聖寺慈壽驛地從直訪傲廬輒有講明海內名  
流爭識其面姜公一日符饒青龍池爲周子蓮亭池曰



可法千人即當善施予可乎不受今池上禱國謀下濟  
民生如昔鄧川江田年潦千畝聖壽寺門地俱止受其  
符券日惟遙望山原松楸手植千株偃息其中與王公  
卓峰談唐刻石經

巡按帥公號石吾批查報聖壽寺地為顯祖楊公簪筆  
承明潛心經史清修隆於朝守素行重乎鄉評仰慕遺  
芳合當頌祀

巡按李公號晴野取皇極經世丹鉛餘錄等書行府嘉  
與本宦直道行於科省建辭詔而德彌高清節著於居  
鄉至恬真而論益重

楊弘山先生存稿

序

末

提學道劉公號小鶴取天文律曆詠史理學等書嘉興  
分巡道胡公號雲屏楊公清德淳行表表於立朝居鄉  
人雖已逝風範尤存

都察院吳公號瞻山

察院馮公批本宦先達蓋有學行者會請嘉興之意  
餘如當時大學士石齋楊公日人品學術當于三代以  
上求之及科道內外交章疊出不能盡述結舉邇來所  
獎借者附之

靈知一點足照千古祖弘山氏誦世味而理真靈為  
天地陰陽之鏡聖賢人物之鑑諸所讎校中籍公等

願為之忠臣當途

明公競賞不置其光耿耿至今未磨豈與澆水陋巷並  
其烜耀耶不肯記忍蠹蝕而汨汨也敢倒篋笥重加  
編次其梗概云

萬曆乙卯冬仲長至日抱一守櫻孫士揚德薰沐百頓  
謹識

楊弘山先生存稿

序

末



戶科左給事中弘山先生墓表

點蒼五臺峯之麓有隱君子曰弘山先生以嘉靖甲寅秋九月八日卒年七十有八是冬十二月二十四日葬于弘圭山先塋之次越五年先生之子準率諸孫來謁曰吾考之葬門人楊鶴齡既為誌于玄堂而未有以表諸封隧懼久人無得而稱焉敢惟子也請陽少時望見先生古貌秀爽談論亶亶喜汲引來學心甚慕之後於京邸得奉周旋先生每折行輩以相傾下里居以來雖不得日侍談塵而先生之一言一行無非教鄉閭風後進之懿矩陽中心服而佩藏之先生屬續前三日陽夢

楊弘山先生存稿 墓表

先生來為別既葬後一年陽夢先生來屬碑與懷疇昔鏤骨不忘竊願以一言自託于先生不可得而陽亦老矣矧以汝推重有請乎先生少力學工于文辭督學使小試大奇之弘治辛酉以詩經薦雲貴鄉試第一人上春官失意乃游太學同舍生曾確為白沙門人述其師之說一言孚契深悔舊業之非因研究性理清修益篤楊公宗堯舊同筆視與講明此學輟意進取亦既有年鄉之老宿以及母之命強之先生知不可以口舌爭勉強應試雖累墮場屋終不變其學以狗時好正德丁丑登舒芬榜進士以文望改翰林庶吉士由是名動公卿

一時同館如崔如玉以博洽自負獨推先生以為莫及

己卯冬授工科給事中奉詔查盤湖貴糧積事訖取道

省親比入鄉國十里之外輒弛導從不欲以使節凌鄉

人惟單車匹馬逡巡而趨會丁外艱哀毀骨立與疾復

命往返燕黔不受驛廩苦塊飢粥如在喪次萬里長途

寒暑載變守禮畏法有如一曰服除之後親識勸駕先

生曰太孺人在堂何忍去離且萬無奉以俱往理遂決

意不出坐卧一小樓左右圖史非親族慶弔足不踰戶

屨甚愷隘貴官閱焉欲拓其居先生曰先人容焉於某

侈矣風雨燥濕人不堪其陋先生曾無聲容嘉靖己丑

楊弘山先生存稿 墓表

太孺人寢疾先生衣不解帶目不交睫比歿悲慟垂絕

復世既葬欲廬墓嫌于沽名遙望松楸朝不問夕閉戶

讀書一坐十年更於土者欲一見而不可得先生之居

去城二舍兵憲姜公每造其廬信宿而後去謂人曰弘

山清氣逼人可敬可畏督學孫公把手臨語噴噴嘆賞

謂當世鮮有其儔時雲南撫按部院科道論薦章疏交

出幾至不謀而同嘉靖丁酉吏部尚書薦起光祿卿馬

公理及先生等若干人有司勸促日至不得已就道至

京補兵科給事中尋轉戶科左給事中先生見俗尚趨

別當途非數候不得見閩人非重賂弗為通遂閉關不



出以病報有頃吏部遣人至曰補提學先生曰老弗能也又曰補司業曰提學且弗勝况司業乎乃擬改尙賓卿先生亟辭于天官曰尙寶僚屬膏粱族也固非貧士所堪任而疾病餘生非可久於京師者迺上疏乞骸骨會內閣議選宮僚先生預焉輔臣見疏因除名甚惜之命下允還家調治痊日赴部先生既得歸來仍坐小樓探討六籍爲士者往往聞其緒言而有所開悟康節皇極甘石星經枕藉弗去各爲詠贊以明其所得巡按御史劉公郝公林公巡撫都御史應公論薦相續皆謂先生負士林之重望爲一方之鉅儒不宜老于牖下有司

楊弘山先生存稿 墓表

三

勸駕懇懇先生不應竟以是終先生平生清介凡交際有餽遺輒面赤若將浼焉居鄉與物無忤人有盜其弟室豚羝者弟既偵知先生輒止之日豚羝細物惡可以盜名加人也有監司饋金使武吏致之竟爲武吏懷去亦不復問其敦行古道類如此身爲言官垂四十年子孫無羨布餘粟僅能力耕以食視世之盱睢以取容龍斷以足欲其賢不肖何如哉先生諱士雲字從龍別號弘山一號九龍真逸名其居曰乾乾齋于成化丁酉六月十日世爲太和县喜洲人祖本董氏其先有諱昇寶者仕元爲鄧州同知寶孫高祖諱俊爲大理宣慰儒學

學錄俊生曾祖文道文道生祖鉉鉉生考珙考之幼也祖姑董氏愛其穎敏遂抱爲己子祖鉉弗難也許之因姓楊氏今贈兵科給事中母陽氏同邑斌女鄉稱其賢贈太孺人妻陽氏同鄉鐸女族歸其善封孺人子男二人準模模早世女一適周吾爲孫四人應柳應胃應虛應井女孫三人楊東鬯杜承勳王萬春其婿也先生先踐履而後著述嘗分錄春秋正文以證胡傳之誤又訂尙書蔡傳之得失皆未及脫稿所著有黑水集證一卷郡大記一卷先生究心皇極經世書天文曆誌律呂諸史韓詩外傳老莊列子說苑太乙皆有詠詩可證其

楊弘山先生存稿 墓表

四

門人方彙次未行  
賜進士第中憲大夫知荊州府事前翰林院庶吉士江西道監察御史邑人後學李元陽拜撰



明恩儒官隱君子七十三翁鶴臺楊公行狀

嗚呼先曾大父太史弘山公以聖賢為學考大賢之裔也居恆謂吾門有聖賢爾肯爾曾足矣聖賢教人復性求仁考仁者並止是耶絕筆訣言尤以適求為訂孤忍念此且悼且恨上之不能綬章奉老食金之報下之不能磨純顯考享一日之名罔極之恩何日酬之謹血淚以狀考諱應昌字西陸號鶴臺應眉豐準醇厚無他腸陶太史曾治不受金鑄而受瓦鑄故行多謹靜嗚呼豈獨得之天性茂哉明經受義畫鐸燈單光丙夜不輟僅僅家塾鬻序補名弟子員彼其時博紫班榮無難者蓋

楊公先生行狀

太史曾葆恬養素教類然也曾無遺產田每孫數弓考多拮据先妣懿婉同攻苦茹淡迺出妝奩稍有負廓之賴孤幼子嬰疾考妣拱壁以有今日孤六歲知讀妣不容論闕考為內侍後八歲方出孤于師所不幸妣瘵棄孤考以嚴易慈以父道兼母道閉門課讀不譙議每作激勵聲後又出孤于麓泉舅師所專督孤以繩尺之法會部學使查劉公進孤聲籍中谿公尋召學節期孤光大考且勵之曰謂爾髫年初試即遵倫藉甚乎祖清行我苦志咸未竟酬在爾矣爾其堅爾志孤唯唯燈火山中三年不出山考一羹一盂分哺管兒具躬自饋導

呼艱矣乙四孤文成計借蒼洱錄孤一人座主都諫官

菴楊公主政生洲彭公直指毓華李公當鹿鳴而譚先系僉謂山川之鍾詎知世德之產耶考捷尉志愜而不色喜丈人僉憲明齋楊公縉紳相賀考遂巡偃僕楊公曰是能不鑿弘翁者有子當宣木發宜也考益下氣不驕奉恩例檄下今儒官耀隱也考冷然善也且勵孤曰爾知今日之自乎爾曾累德植爾有年矣則今日纂刻一事也高棹樸一事也修墓一事也肩在爾故迄今成功又申勵之曰爾欲肖爾曾必自今日始毋謂公母獵私益培此冥鷲母鑿事大父晨昏侍案輒得其懽心有

楊公先生行狀

幹濟必曰考某考某諸子雖多賢行自為弗及也值大母何翳目令妣婦事開明刺翳母何多慰晚年供子舍于親唯適何瀉脾負桶身自浣滌兄有緩急為畫生人始終不覺垂涕道之母他戚之也繼妣蚤世子女遺囑考曰二子即爾子也令二子歲時禮事今歲七者成立歲三者無異已出其喪葬孤代考畢力考淚慰曰當如禮生死聚爾爾善珍攝孤屢上春官考輒萬里淚書爾寸進當報君親若直畏途俛仰已乎計不若修爾曾之業以慰我頽年于一堂今孤恨不出若出當如考之靈何生平樂易喜施埋枯佐賑損蔬參斗捧玉經登天臺



禮樂山種種善事不靳爲長者口不言人過每以愛敬  
故起橫逆容受不啻江河却喧愛寂避陰息念終日不  
譚人事嗚呼蚤爲黃門之孫口不勝言體不勝衣晚膺  
賢書之父居室之隘依然服用之陋依然動必令德顯  
承爲念義方啟佑爲謀慈忍鎮定爲功獨行懷君子之  
德素封恬處士之居有賢不彰有貴不繡是皆孤之罪  
也孤以考嗇于享必豐於數考終直獲孔之年耶考眞  
仁者也亦可謂靜且壽矣慈光定慧預知其瞑當年累  
疾累壑今以後事論孤解脫如歸不散不亂蓋吾儒仁  
靜之證也嗚呼讀聖賢書生不見于用死能符其言亦  
楊弘先生存稿行狀 三

無愧于大賢之裔已願丐名言以光來禩奚忍不摭其  
槩嗚呼痛哉萬曆二十四年 月 日孤哀子楊

德薰沐泣血謹狀

明孝廉遂初楊公墓誌銘

予閱榆郡志見文獻從祀者濟濟標人物者僅二人原  
任翰苑諫垣弘山夫子居首焉夫弘山道德文章我朝  
理學名臣龔雲仍踵盛美難矣迺於曾孫楊公得之公  
諱德字敬修號遂初考楊公諱應胃號鶴臺爲博士名  
弟子屢科數奇確守先聖賢矩矱遂以隱終嘉靖辛酉  
生公公髫齡穎脫異常六歲通經史考爲內傳妣趙氏  
誨比孟母不容踰闕八歲妣降割繼妣楊氏又加撫李  
令伯訓公文文伯考擇師母舅孝廉麓泉先生蘊藉日  
宏器識夙成也萬曆己卯督學劉公拔爲青衿赤幟撫  
楊弘先生存稿墓誌銘 一

院詢及滇西人才劉公曰已成之士平平耳榆得一新  
進不啻球琳鄧珥中谿侍御公召試擊節明齋僉憲公  
珍其品以少女常坦腹焉考廟之曰祖清聖我苦志俱  
未之竟不謂爾初冲嶠起盛名續緒成先其屬爾手公遵  
考訓惟謹下帷聚螢富五車高八斗乙酉果掄壁經魁  
是科榆僅發公一人主試楊都諫彭主政監臨李直指  
會稱爲光岳獨鍾祖德發祥之明驗內戊己丑辛丑連  
上公車擬取竟未取命也公飄飄凌雲氣終未懈考萬  
里淚書曰吾景逼桑榆弘山祖聖賢德業未經表其  
惟爾紹衣者之任公檢遺彙參訂彙纂分爲十卷自詠



史以及天文律曆自經世以及序記奏疏并語錄悉捐  
貲就梓又聞之撫按動官帑建瑩珉坊表就圯拮据修  
勛郡加聖賢名世匾額弘山夫子光祿閣淡清畏人知  
一旦德言功勳乎煥然垂三不朽非公力耶且妣楊氏  
早世喪費悉自闕文

楊弘山先生文集  
墓誌銘

二

弘山楊先生文集敘

蓋聞之德成而上者也藝成而下者也德成固不可及  
藝成亦難言之蓋藝有二道爲比興者流爲著述者流  
兼是二長而後成藝然自文行殊科故德藝兩歧若藝  
出于德則德固有言豈判然上下乎哉吾里弘山先生  
以省元舉進士讀中祕書諫垣值外艱歸奉母不出  
當路者累疏薦起遷右垣請病歸遂不出坐一小樓探  
討載籍古今人物之繁夥天地陰陽之隱奧無不博綜  
而冥會作爲詩文有遺稿若干卷錄諸梓其曾孫春元  
遂初君德屬東爲敘既拜愛之讀其詩言暢而意美讀  
其文詞正而理備蓋比興著述綺互融微可謂藝之成  
矣然先生高節清風冰雪同其皎涵容蘊籍淵海同其  
深踐履精純圭璋同其粹蓋創道義之塗入性命之域  
者也則夫窮載籍而發揮於詩文豈鋪糟粕飭輪轆者  
哉後之人玩其藝者可以志其德矣東也涼且伐易稱  
是役然兒童時猶及見公雖知嚮慕今請歸里者十年  
於茲乃得先生之文而讀之幸矣又得姓名其文字中  
以自託於門下士之末尤非深幸者哉是爲敘

萬曆辛卯孟夏吉賜進士第文林郎江西道監察御史

後學李東嶺首撰



楊弘山先生文集序

君子之學莫先於辨志志於道德則功名富貴舉無足  
以撓其中而於文辭也末矣夫言無文行不遠辭之弗  
可以已也顧以為末何哉自華靡之習日熾而樸茂之  
風漸微聖人懼焉則曰文莫吾猶人躬行未有得嗚呼  
此其挽偽還淳之心亦何深且切也乃今志道據德追  
迹古人安靜守約百行齊備而又能博學以厚基造  
醇辭而釀味如吾弘山先生者殆今之華夏鮮見其儔  
者哉先生少以好學博極羣書發為文章一於根柢見  
時義浮騁無當壞人心術輒皆屏去乃以弘治辛酉獨

楊弘山先生存稿序

二

冠雲貴省試既而舉進士遊翰苑陟諫垣皆清華之選  
也第以剛德正行弗協於時遂引疾適歸日惟坐卧小  
樓探討索丘九族中表終歲莫窺其面尤必鈎深極微  
窮覽妙旨居則玩其辭動則察其變時或籠天地於形  
內控萬象於筆端豈徒曰直白情以屬辭已耶如詠史  
諸什皆卓有定見而天文律呂經世以下又皆洞悉其  
闕奧而各有所闡明足以擴前賢所未發非末學可以  
易易通解者夫富濶源之蘊握清要之樞葆純素之真  
泯幾微之迹所謂志於道德功名富貴無足撓其中者  
微斯人吾誰謂是誠躬行君子足慰聖門之思矣文辭

特其末耳初何心於傳也因慨昔之為文如繁星麗天者

盛矣矣思不傳猶即抵書托於其友矧後世操觚之士  
好為名高剽獵炫飾萃萃求售是又何可勝嘆先生之  
歿距今三十餘年幸有曾孫德以薦名乙酉鄉書之後  
力加搜輯始克鉅梓以傳然而歲久渙遺僅存什一於  
千百在先生亦惟望道未見焉爾又何心於傳也德為  
余甥日以序請其可以不敏辭却孟氏有曰誦其詩讀  
其書不知其人可乎故君子於斯集也玩索其辭想見  
其為人於其行也知其堅白純粹如玉如金將必取之  
以為範身之模而德日進於其文也知其渾深簡古不

楊弘山先生存稿序

三

雕不琢將必取之以為研幾之鑑而道日明其於挽偽  
還淳之化亦未必無小補云抑又聞之蘇子瞻自幼斗  
仰范文正公後因其季子屬序遺稿即以挂名文字中  
為至願東也陋謬以不斐之辭獲附名於先生集未又  
厚幸矣萬曆十九年歲次辛卯六月既望浙江按察司  
僉事眷晚生楊應東首拜撰



弘山語錄敘

宇宙儲英乾坤間氣蒼洱一隅有弘山夫子出焉道高  
古人而搜羅探討恬雅慈祥不足為高望重海內而省  
元甲第翰苑諫垣不足為重粹衷對天地懿行炳日星  
清節凜霜雪大度包寰宇曩今嘉於升菴修撰仰齋  
文宗中谿柱史及文人院道之掄揚聲稱爛然登之國  
史問於鄉評載於郡乘也久矣有文集存稿紀述則漢  
之班馬題咏則唐之李杜著作則宋之周程張朱至天  
文曆律則登康節之堂曾孫遂初編輯而鐫梓之有金  
高明齋兩名公敘在仕路獲如拱璧遠近競傳倘未聞

楊弘山先生存稿

敘

四

有語錄也甲寅夏余自黔中旋至葉榆入弘翁廬行釋  
菜禮晤遂初為晚年一快臨歧以所撰語錄請敘余  
携歸晨夕玩之見其表章引翁之立德立功立言簡而  
明精而確秩然其次第井然其條理燁然其章光藹然  
其親切而有味真所謂三不朽矣有存稿豈可無語錄  
哉蓋遂初穎資純詣發祥於祖乙酉薦名在榆一不為  
少識者謂天昭顯道於明誌之後非偶然爾是祖是孫  
錄為實錄美且彰者盛且傳此其是已有此振家聲懸  
世澤表正鄉邦儼然一弘山夫子振衣而處彈冠而出  
厥施之溥可勝道哉余敢稱慶而颺言之毋媿竊有厚

幸矣萬曆甲寅仲秋望日知湖廣湘潭縣前四川壬午  
總裁考試官劍陽年家眷晚生楊應科頓首撰

楊弘山先生存稿

五



刻弘山先生存稿語錄序

儒之見囿于世者章句耳英特之士屬厭蟬噪汗漫百家詎不亦脫俗自命迺高者潤辭賦卑者資口耳嘗試撮其進止周折質之朝誦而夕維者一切不合也斯其去蟬噪作先合者幾何而傲言自命為由是聲國家察情事者翹然表樹率功見言信遇衰衣博帶無當名實之輩甚或反刺豈儒者非耶其所為儒非耳當年累世之誚弗見謂欺我矣弘山先生洵無書不讀其由詞苑諫垣而起宮坊也每不樂就冥鴻高引寧惟是讀書深山適官諫垣時慷慨言天下事首以端本立極獻天子

楊弘山先生存稿序

而阻交師正曆元薦拔善類抑何不遺餘力也而居鄉即貧無負廓願絕迹公府弗受餽遺及採石病民即又趨當路疏止之如大理郡名議正黜僭號也如金沙江議開防叛微也此其出處之際何如嗟呼僅僅蠹魚窮歲抱囊賸馥自喜乎哉子生也晚未獲從先生遊然聞先生于里中前輩又與先生之孫遂初氏同舉于鄉更悉先生蓋居敬守靜博物有道之士夙具聖種身心性命立其大者安必長守其官為功見言信哉語錄具在千百什一耳海內鉅公達達見索遂初氏謀梓之書來屬于弁其端予章句晚進何能知先生願頤衰老慈事

力割世俗誦修供設諸惡狀壹遵儒禮以自範感先生先得我心幸莫大焉雖然先生秉禮喻俗而俗化予以禮自勉而俗齟識澆德涼何辭于先生第特聞先生之道以告來者萬曆乙卯長至日吏部司務前翰林院孔曰後學年家晚生廣山閃繼勉頓首撰

楊弘山先生存稿序

二



楊弘山先生存稿目錄

雲南叢書集部之四

第一卷

咏史

圖書

九鼎

治家子

秦非子

寶法

狐突

荀息

讀趙韓世家

呂相絕秦

晉厲公

子鮮

季札

子產韓起

叔孫昭子

郊子

韓宣子

大辰

吳王夢

吳公子光

越石及晏嬰

晏子

爽鳩氏

梓慎禪竈

楚囊瓦

楊弘山先生存稿

目錄

魯救火

軍政

國語

監天

輔果

周太史儋

孟子去齊

趙烈侯

鄭襄

春申君

趙孝成王

田單

秦徙九鼎

茅焦

呂不韋

徐福

秦坑

秦始皇

廝養卒

殺博士正先

共嘉

黃石公

鮑生

鄭君

魯兩生

田橫客

張良

田皓

曹參

張辟疆

陳平周勃

淮南王

月出北辰間

董仲舒

竇嬰灌夫

德昆

田仁

金日

李夫

黃霸

劉向

鄭朴

胡嶠

西國

應姬

楊弘山先生存稿

馮衍

趙意

邳惲

班固

張衡

陳寔

隗相

龐參

鄭泰

宋翼



李咸	劉焉	臧洪	陳容	蔡邕
田橫	呂布	韓嵩	華歆	
橋玄	孫策	太史慈	關羽	
孫湖妻徐氏	荀悅	孔融盛憲		
孔融	荀彧	梁甫吟	龐德公	
韓信周瑜	星亨	谷利		
耿紀華晃	賈詡	魏諷		
魏星	讀南中志	李平		
王宗許蓋卻正	陳震	楊儀魏延		
陸遜	徐邈	高堂隆	曹爽	
楊戲	曹元首	賓友目	虞翻	
劉曄	費禕	司馬孚	魏舒	
陸抗	晉書	李密	王祥	
王覽	韋昭	司馬懿	李苾馮該	
唐彬	衛瓘	稽阮	張華	
魯勝	王沉蔡洪	賈克荀勗		
嚴續	石崇	向秀	劉弘	
汲冢書	王統	稽紹	星隕化為肉	
清談	周破	衛玠	束皙	
劉殷	劉惔	劉公榮	戴淵祖逖	

楊弘先生存稿

目錄

三

陶侃	晉明帝	劉琨盧誌	昝宿
常璩	王羲之	桓温	王坦之
謝安	孫盛	謝玄	桓伊
謝石	王允之	劉牢之	穆后
郗愔何克	比丘尼	爨雲	
虞駿	王湛	符郎	宋纖
許邁	孟嘉	王珉	習鑿齒蕭常
郗超劉琨之	吐谷渾	林邑扶南	
劉毅劉裕	王裕之	到溉	
到洽	徐寧	謝弘微	陶潛
王弘	檀道濟	雷次宗	何承天
宋文帝	王固	祖冲之	顧法
蔡興宗	狂泉	王景文	袁粲
沈攸之	謝朓	王儉	齊武帝
齊高帝	張緒	張敷	劉焯
明僧紹	蕭子雲	王融	顏延之
袁象	王僧虔	陳顯達	
關明	董僧慧陸超之	蕭懿	
王老	馬仙琕袁安	謝淪	
何胤何點	顏見遠	吉玘	

楊弘先生存稿

目錄

四



康綯 沈約 韋叡 蕭綜

蕭歡 金樓子 蕭寶寅 何尚之謝朓

梁武帝 寇謙之 蕭確 楊愔魏收

二曹 王晞 永安 王高澄

蕭方等 江子一 梁元帝 殷不害

蘇綽 柳虬 陶弘景 王僧辯

周文育 章質 黃蒼 吳明徹

章昭達 庾季才 文中子 何妥

張賓張胃玄 劉焯 柳述元巖

王劭袁克 徐鴻客 王威高君雅

楊弘先生存稿

目錄

五

補遺

東晉 主父事 卞壺

陶侃

雀鴻 崔浩高允

王績陳叔達

王績杜之松

第二卷

咏史

李密 竇建德 蕭銑

劉文靜裴寂

同谷子 十八學士

郝三寶

許敬宗 陳子昂 武后 崔融楊炯

孫思邈 楊再思 裴炎 田游廣

李敬業駱賓王 張易之母 葉靜能

自都內人 韋丹 河套

九曲河源 張說蘇頌 五王

李嗣真 鄭欽說 王方慶狄仁傑

盧藏用 祀欽明 姚宋 吳兢

張文收 李又 李約 玄宗

花萼樓 王后 趙仁獎 唐三傑

天寶改元 楊妃 李白

羯鼓 衛包 李公 張虔陀

王玄翼張均 嚴挺之崔隱甫

楊弘先生存稿

目錄

六

李嗣業 陳玄禮 張巡許遠 三賢論

陳希烈 南霽雲 虢王巨 趙彥肅

元次山 歸崇敬 元載 穆寧崔那

李泌 韋皋 李晟 陸贄

段平仲 顧少連韋夏卿 段成式

鮑防 薛嵩 杜棕 董晉竇參

唐次 高愍女 張傑舉 董晉

南韶原樂 李愬 開元雜報

西齋錄 簡雍 蕭範 韓皋

李絳 劉禹錫 柳宗元 二教論衡



白樂天	姚崇李德俗	劉黃
段文昌	令狐楚	牛李維州
王羽賈庠	裴休	鄭薰李景讓
杜牧	王建	賈林
李紳李雲	唐說	許欽明
新聲	宋沈	楊收
鄭畋王鐸	秦宗權	廣明元年
黃頭軍	高駢呂用之	高駢
崔瑕丁柔立	田令孜陳敬瑄	羅隱梁震
朱樸	楊涉	韓偓
楊弘先生存稿 目錄 七		
張登	蘇循等	司空圖
司空圖讀詩有感	司空圖	宋令詢
王仁裕	馮道王浦	二卒
鄭昭淳	王凝妻	契丹行入閣禮
易學發蒙太祖召問	陳搏	陳搏龍圖序
雅樂	平蜀	平江南
柳開	盧多遜	薛居正等
彗星	葉齊	李昉等
辛怡顯	錢若水	桃花犬
東封	漳州進珠	李立遵
		宋眞
		種放
		張詠
		鄒沐

眺迥	許希	寇準	金主
李照楊傑魏漢津樂	練氏	元昊請和	王向記客言
王拱辰	包拯	三等	靈鳥賦
賑濟錄	呂夷簡夏竦	石介	錢鄧州
范馬論樂	宋皇祐漏刻		
宋宮漏	賈昌朝	滕宗諒	宋白等
唐史	五代史	仁宗	劉敞
孔道輔	特磨	狄青	邵堯夫
郭雍	刑昺	宋祁	蔡襄
楊弘先生存稿 目錄 八			
館職	錢公輔司馬光	李師中	
諸賢	新法	呂惠卿	潘良能等
五韶等	渾儀	蘇頌製儀象	
元絳	河決	資治通鑑	三墳
趙抃	元令道旁父老言	宋守約	
嘲鬼以道	韓玉汝	馬正卿	
詔求直言	譙定	鄧孝甫	
孔攸	富呂聽法	張懷素	
四星	劉摯	丙中車子	同文館獄
九鼎	李階	黨人碑	李復



尊堯集 元圭 林靈素 朱勝非

李彞 鳴鑾堂 梁師成 卍字

童貫 良嶽 蔡攸 平濼營三州

陳瓘 陳師道 紇石烈良弼

女貞退師 詳議司 孫翊折可求

歐陽珣 孫傳 秦檜 張魏公德遠

許瓊許永 宗澤 張浚

水門 計氏 趙鼎 魏星

和議 岳州 交子 陳康伯

辛棄疾

楊山先生存稿 目錄 九

劉后村釋陸放翁沈園詩楊誠齋無題詩

月食 王鬱趙復 李顯忠

胡宿 曾誕 趙蕃 角端

理宗 太學生 青城 崔與之

趙卯發 文文山 陳文龍 陸秀夫

張世傑 楊載 有子子張 十等

紀異 緣督先生 漢洋生

元世祖 伯顏 趙璧 郭守敬

海運 會通河 劉因 留夢炎葉李

趙孟頫 元明善虞集 四家詩

許有士 虞集馬祖常 大理傳

楊維禎 常中孚

補遺

唐戰士 宋沈 魏闕 潘輿嗣

秦人無黨 陳伯玉 晁公想

任文公 大理國 漁夫 諸晉

第三卷

天文曆志

星禽 牽牛建星 弧星建星

八穀 樽盤缶 五星 日食二

楊山先生存稿 目錄 十

月食五 紀異 月食三

七月四日金星與月相逼 月食六

元史太陰屢犯昴彗亦出昴 太陰大辰

梓慎禘靈三 金土 太白三

金星 隋志 張賓張胃玄

又寄李中 天度 日曆

月曆 月行 月 九道

日月述 合朔 交道自月至此均缺文 辰星

昏中星 盈虛 沒滅 章會統元

曆法 至日 曆法 日晷



暑影	漏刻	渾儀	古漏刻
宋皇佑漏刻	宋宮漏	蘇頌製儀象	
太初元年冬十月	太初曆	熹平曆	
南北朝閏	永元曆	開元正曆	
元和四分曆	開甲申七政曆		
癸酉夜	秋夜	十六夜對月	
日躔	書感	偶成	魯勝
洛下關	信都芳	織督先生	讀律曆志
新曆	乙巳曆	閏正月	新曆三
立春	謝班曆	新曆	
楊弘先生存稿 目錄 二			
謝鞠壇先生班曆	渾天六位	元歲陰陽災	
納甲	支干	主氣卦位	客氣卦序
歲氣始終	候地動儀	建除家	
璿樞	天心復要	立春	
觀新曆	太陰重出		
闕七政曆閏九月	丁未春牛		
謝郝石梁憲伯班曆			
謝顧司馬班曆	立冬	立春	
穀日			

律呂	律呂	中央土
黃鍾之實	律呂	
律直日	闕西山律呂新書	六氣算法
第五卷		
皇極經世		
追次邵子皇極經世一元吟	先天圖	
方圖	辟卦	卦及當年
律呂聲音圖	八卦宮	先天數
一衍十二衍十二	天地	八卦變化
用數	既濟圖	乾坤策
		四象變數圖
楊弘先生存稿 目錄 三		
天體八變終於十六		
地用六變終於十二		
天地消長十六變數		
日月天地大小運變		
心學	僻卦祖先天圖	
天數地數左右行圖		
天體一節十地體用十二		震巽無策
正卦為變卦祖變卦為變卦祖		震巽
十六卦方圖	四象用數	伏羲四圖
春		



運經世後天下十二世運世歲圖	坎離不當月	六二天地數	卦象古今	沒數	經世元	小大運起止	交數用數	餘分數	左方用交數	右方交有數	天地用數	有數交數無數	體數用數	環中	太極	全數	半數	四分數	存乾存坤	十一月	開物	六位成章	名位	先後天	十二卦圖	逆數	楊弘山先生存稿	目錄	三	言意象數	左右二圖	天地	變應	親上親下變應反對	八卦陽數	八卦天地數	天地之交十之三	神	交變不變	先天四象	配藏府	色聲氣味	耳目口鼻	坤草	體用	八卦相配	既濟大小	四象	經緯	星月	動靜	順逆	因革消長	八卦次序	乾至用坎離半用	坎離	有無之極	體數用數
---------------	-------	-------	------	----	-----	-------	------	-----	-------	-------	------	--------	------	----	----	----	----	-----	------	-----	----	------	----	-----	------	----	---------	----	---	------	------	----	----	----------	------	-------	---------	---	------	------	-----	------	------	----	----	------	------	----	----	----	----	----	------	------	---------	----	------	------

用七	八卦六爻	已會	中數	觀物	三建	孟仲季	天地中數	日子日甲	大小元	玄玄集	變通	消長數	閏數	元會運世	陽與剛交陰與柔交四象	剛與陽交柔與陰交四象	卦數	開物數	生物數	不用而用	四仲	用日	天聲地音	分積	八卦	先天後天	三圖	大衍經世異同	四易	靜動	楊弘山先生存稿	目錄	四	卦氣圖	三十六宮	周易皇極	大小運	溟滓生	第六卷	韓詩外傳	說苑	閏老	列子	莊列	莊子	太玄	附地志詠	罷谷山	靈鷲山	蒼山	青蛉河	隗相	哀牢	雍闔孟獲	建寧郡	爨雲	常璩	崔鴻	張虔陀	韋皋	南詔驃國獻樂	段文昌
----	------	----	----	----	----	-----	------	------	-----	-----	----	-----	----	------	------------	------------	----	-----	-----	------	----	----	------	----	----	------	----	--------	----	----	---------	----	---	-----	------	------	-----	-----	-----	------	----	----	----	----	----	----	------	-----	-----	----	-----	----	----	------	-----	----	----	----	-----	----	--------	-----



辛謙 鄭昭淳 辛怡顯 儂智高

大理國 角端 畢鉢羅樹 永昌

唐次

第七卷

三言

四望

五言古體

采蘭引為時川先生作

采蘭三章章五句 和李中谿饋蘭梅韻

梅蘭疊韻奉酬李中谿 鱖鯉甲

楊公先生存稿

目錄

五

贈尹子字立夫 次樊沙坪招飲韻

疊韻 再疊韻 次韻奉酬樊石菴

次韻酬琢菴

奉和升菴先生留別韻一首

奉和仰齋趙州道中筆點蒼山韻

和仰齋先生浪滄橋亭緬懷先哲用勛諸生韻

代杜鵬花贈琢菴主人 蘭亭圖

和升菴篋侯韻 閱栢溪憲伯甘澗堂記

讀東坡書東皋子傳後 陶靖節別傳

韻無為寺 亥韻

登高丘望遠海 春日田家詞

新秋苦雨 讀史書富鄭公救荒事

慶早 題蔣鶴田憲長三壽堂

讀昌黎詩 花朝向榮席上

擬客從遠方來謝伯繡同年侍御

上賓菊 八寶菜 飲器 秋聲

陶靖節別傳 飲石馬泉 山寺菜芹

讀南中志 奉和郭翰壇遊泰華寺韻

古今文尚書 詩 偶成

七言古體

楊公先生存稿

目錄

六

女王行 不雪 飛鳶操百舌吟

汎舟行 九月八日擬晴 高天臺初度

龍關混混亭送別升菴用韻 題墨梅

和中谿宿觀音岳 黃河九曲

題趙希周獨鯉朝天圖

初夏醉後用時川觀水長句韻

正月樂辭用李長吉韻

二月樂辭用李長吉韻

九月樂辭用韻 十月樂辭用李長吉韻

十一月樂辭用李長吉韻



十二月樂辭用李韻  
久雨喜晴

五言絕句

次樊沙坪韻  
次韻奉酬魏江村招飲

閱山海圖讚  
堂前桂 偶成

荅楊琢菴  
龍關道中 次沙坪韻

奉和升菴先生立夏日三塔寺鐘樓韻

復酬魏江村  
陶靖節形影神

烏鵲 雷 師曠 郡名

璿樞 鶴嘆 伴問 沙門彈琴

陶隱居 琢菴邀賞蓮池 寄徵仲

楊弘山先生存稿

目錄

七

喜霽詩 鍊脚道人 齊宣王

次韻 八角菴 和升菴林居

送獻仁向榮應雷上京口占 漫興

畫魚 元宵 偶書 齋

雲谷菴醉歸 題扇 洗盆池

墻下葵 木瓜 刺花

奉酬樊沙坪和韻

六言

和韻減字邀琢菴賞花

奉和升菴韻用武夷仙翁

次沙坪韻 偶成

宿蕩山感通寺次韻

第八卷

七言絕句

奉和升菴雨中漫興

江村邀飲值疾東謝

初雪 讀大學 奉和南園和白巖先生韻

謝世行德如惠油漁

升菴東還不獲温温混混亭之席借龍尾關歌韻

夢中題筍 席上櫻梅 盆魚

楊弘山先生存稿

目錄

六

羊棗 恭紀慶成宴面諭羣臣

下弦月 製幅巾 簡落第

李必登送松竹梅同盆 偶見

炙背 山樓 訪李鳳谷不遇

訪趙希周書堂 晚霞 老農

李中谿饋香蘭紅梅 蠶花

蟹志 宿江村樓

竹林七賢燈圖 淵明賞菊燈圖

春風 棗酒 角中

楊守約送碧桃花 閏正朔 栽松



種竹 雨中海棠花 關寺經

跣跌 次沙坪龍津江村韻 復次沙坪韻

席上小芙蓉 再酬沙坪韻

龍關道中 老鶴洲 雉

山中四月 晴 向榮寄鷄樅

南北朝閨 蘭蠶 修蘭

栽秧 閱農書 裁罷 雨中拜墳

洗池移魚 牧童 珊瑚鳥

道遇子壽天樂 匾竹 睡起

觀蕙蘭 陸菱荷白赤一種

楊弘山先生存稿

目錄

九

讀白沙定山集 東高孟嶽貢士歸省

寄段竹垣求清肺湯 竹鼠化蝟

研硃 牧牛題畫

中秋弘圭山詠月 是日東琢菴太守

種竹 食笋 桂花 向榮寄菴醬

美人壺 龍湫 迎客 夢

趙希周席上杜鵑花 向榮寄鼓

蔡龜崖惠紙册 偶成 厥

盆魚 次向榮元宵夜歸韻 紀夢

剪春羅 洗菊 鳧此閨 牡丹譜

窓漏 黃河 拜墳 中元

旱 書感 和史城惠丹桂韻

和梁禹承 霜降日讀霜鍾賦

次楊琢菴韻 次復江村韻

次復沙坪韻 琢菴印刻 集句

琢菴邀賞杜鵑花次韻戲酬 白芍藥集句

奉酬升菴先生追送不及口占韻一首

行路難 江心雙魚

和升菴泛舟龍關 謝櫟峰惠同年錄

有饋丹心千葉梅者走筆賦之 見杏花

楊弘山先生存稿

目錄

三

盆池碧桃 病起拜墳 傷時薦弟

輞川圖 畫羊 早藕長春藤

月下對鴛鴦菊 弘圭山雨中種竹

中元登弘圭山 菱茨 蝥蛴

羣蟻 和李中谿約遊鷄足山韻

節後對菊 中谿饋香笋鷄菌

入城 中谿惠絨帽

希周邀賞杜鵑病不能赴以花酒兼詩來贖口

占和答

趙希周園中觀杜鵑花和前韻 紫笋茶



食奈 紛西菊 中筵惠百味 充兼酒

蘭本

偶閱本草見鼠狼事與義鶻正同漫賦二絕

觀新曆 十一月初日紀夢 次韻謝仰齋

謝黃安厓翁 閱登科錄

送杜仙厚楊廷聞會試 贈楊廷聞

聞胡仰齋先生轉瀛大案 雀燕

郭鞠壇兵憲惠松雪巫山十二峯詞帖

琢菴席上用杜句足石前江大尹蘇句末仍鄙

句

楊弘山先生存稿

目錄

三

別魏江村墓

夢中

結蒼雪後

寄胡仰齋

升菴寄南中續集董西泉侍御亦有書至因和

升菴篋中自江川之激江東西泉以寄二公

奉和次韻琢菴賞花

琢菴席上

青苗 答郭鞠壇寄永昌講義

弔魏江村樓

謝仰齋公書篇

郭鞠壇憲副寄露虹橋記多少箴

雪後 和琢菴見招賞芍藥韻

四經三禮

紅梅

弘圭寺見山茶 三日感懷

謝時川惠蘇筆 賣酒 再賞丁香花

偶成 醉後二首 草堂

思日 憶升菴夢中句足成小絕

栢枝甘露湯 元日 望長陵有感

拜墳追和唐歐陽詹韻

送張獻仁進士奉母之京口占

題盡田氏紫荆 和草池雨中對蒼山

元宵 清明復用歐陽前韻

三月朔日用前韻 松下卧用前韻

楊弘山先生存稿

目錄

三

紅梅圖 墨竹圖 漫興

寄石前江大尹 雲雪 五峯

登圓覺菴 檳榔 蘭開

次魏江村相訪馬上夜歸韻 商頌

雲雪 紀邊報 虜退 閱登科錄

滄父 賀天臺老人初度 鷄冠花

松江漁翁 三笑圖

周潭左轄汪公冬遊記

寄胡仰齋先生總憲 題扇

重陽 紅梅與松竹同盆 盆池雨



上元 約遊鷄足

贈楊廷周赴會試 永昌郡葉榆縣

碧桃 小山茶 賞春 種蘭

春山 簡向榮 訪琢菴 密雪

看花 訪樊沙坪 登江村亭臺

飲周龍津花下 龍關道中 太乙數

望雨 過趙春汀墓 山雀

法資寺見露下花 次韻 雙犢

贈杜伯厚會試 輓李母

輓王處士維賢同年之父

楊弘先先生存稿

目錄

三

丁香花折 直益池半月尚開次前韻賞之

蕙花 殺龍 枸櫞

第九卷

五言律

立春 是日有送紫薇花 廷鷺

九日 次韻王仁伯墓草

次韻仁伯 即事 秋鷄 又寄李中諮

又和禹承 寄韻 醉夢 曠白羔

大風 升菴至榆 疊韻呈升菴

與琢菴投壺 人日

邀沙坪江村琢菴 喜晴夜坐 九日

十月 疊韻謝和 和竹園韻

八月十五夜月 十六夜月

趙希周邀飲雲谷菴

送唐通府以憂去任 牡丹圖韻

和曲池聯句 懷郭鞠壇 謝楊郡博

人日 梅花亭 小雪

會石馬泉亭次韻 宿圓照寺 蕨齋

夜鼠 題周青城春江使節卷

新燕 八日 喜晴 飲雲谷菴

楊弘先先生存稿

目錄

詞

春牛 和許少華中丞寄韻 泛洱海

登蒼山 羅陋宿民樓 建立蒼山廟

投壺 雷雨 送國賓還汴

送劉戶侯 送楊秉德丞邾城繹

蜘蛛 立冬拜墳 雙犢

除夕次肩吾韻 元旦椒酒

醉後用退之韻 雲谷菴醉歸

重陽東琢菴

五言排律

鴛鴦菊 三月朔日



中秋日弘幸山待月

候地動儀

西山採蘭

賀天臺初度

忌日

趙希周送栢枝甘露

崇聖寺

千葉瓶梅

蘭蕙

立春試筆

風雨

柳池惠玉蘭

文獻邀飲靈會寺

觀燈

琢菴邀賞池蓮

送高雲川正郎之任留部

二月十五日甲子花朝寒食同日值雨

第十卷

七言律

楊弘山先生存稿

目錄

三

元夕用王岐公應制韻

新春懷升菴

立春

清明避雨山寺

布穀

李向榮送千葉桃花口占

偶成

清明

春事龍關作

洱水浩然閣次時川韻

崇聖寺次時川韻

雨後望西山

恭望長陵有感

初見內閣芍藥

院中古槐

歸燕

聞災異有感

見野婦挑菜

八日菊

同升菴宿寺寄月鏡上人

追和東坡雪後北臺題壁韻

上元展墓感懷

又次浩然閣韻

和草池賦方池得一子韻

和余草池僉憲閣武韻

題兩依精舍

九日菊未開

夜讀用韻

再用草池九日韻

病後拜墓

用前韻

病中偶成

和安厓寄韻

過寺殿舊瓦

送友人

送王振德再別蜀教

送張驛丞

送朱給事

栢棟亭爲升菴題

楊弘山先生存稿

目錄

三

寄雷孟升侍御巡兩淮

寄時川

題升菴悠然亭

弘圭寺陪飲庭中雙桂盛開

和時川喜雨韻

九月對菊

送東洱之南寧

賀孟郡博被薦

飲酒自警

謝時川惠茯苓膏

和侯雲溪梅花對飲韻

和雲溪寄題無爲山寺

見慶雲

卓峰登弘圭山失候奉謝

弘圭寺雨中見梅

至日遣興

至後用杜韻



傷模子 望雨用疊韻呈卓峰

三塔寺見龍女花 題嚴懋修山茶海棠

石經并序

向榮席上山茶杏花兼聽仙辭

正覺菴千葉山茶對飲 用夏英公韻

臘日用杜少陵韻 題樊沙坪園居

題魏任村水榭亭 間行

送尹鳴皋赴京 和李中谿書院韻

江村相訪夜歸次韻

席上題楊石橋鶴杖

楊弘山先生存稿

目錄

三

雪後登弘圭山雷雨交作

再飲嚴懋修園疊韻

飲江村北園用前韻 亭飲疊韻

靈會寺醉後晚歸 初度感懷 六月拜掃

對蒼山 漫興 題劉都憲白崖別號

山水題畫 武侯祠 中秋對月

客到 飲弘圭寺 九日

立冬 雪後 客夫 杜鵑花

和梁禹成寄詩扇韻 謝希周饋梅

喜雨追和韓魏公韻 次向榮寄韻

向榮寄交南香 白駒 小鼓蘭

奉次蔡都尊枉顧賦詩用黃安厓韻

中秋弘圭待月 十六日

雨中送董清峰壑代輓

九月弘圭寺見山茶花 蒼山晚眺

忌日雪夜宿弘圭山 元夜

龍關道中 花朝

次禹承席上韻 次升菴紀異韻

龜崖召飲大觀堂 雪夜山中早起

送龜崖入觀 壽孫菴太守

楊弘山先生存稿

目錄

三

和升菴喜靖留別諸友

壽高天臺柱史 新春臥病

中秋值雨酬孫菴兼簡中谿 病起

白芍藥 黃芍藥 詠桂

中秋值雨疊韻酬孫菴柬中谿 賀魏江村壽

閏月對菊 病中謝問 自和

元宵 初度 瑞蓮

喜廷聞進士瑞蓮之紀

謝郝兵憲枉顧 賀孫菴七十

賀孫菴坊表 瑞蓮疊韻



奉和天臺初度

梁應台主政相訪次韻奉酬

謝胡伯齋寄點蒼諸詩

和仰齋話中谿竹園韻

賀天臺初度

酬升菴太史

白芍藥初收

初度石前江

看周遊飲雲谷菴

復和倒韻

升菴寄前江大尹韻

次韵謝衡山寄畫扇并詩

立冬日喜晴

自和 遊上羊溪

紀事

中元病餘望墳

送子文赴仁和

楊忠先生存稿

目錄

三

題重觀滇海卷

題栢溪行臺甘露

賀胡大參

花甸水洞

賀雪屏得男

和天台次伏波祠韻

扶苓膏

向榮成閣侍祖母不赴春試

傷龍津津

輓杜易德

輓趙松山

傷李鳳谷同榮

輓馬聖祥

輓蘇江村

輓楊應雷

輓楊史城母

輓陳復清泊譚夫人

輓時川父母

望武侯祠

七言排律

八月對菊效香山六韻

第十一卷

序

甫見素林公生祠集序

蒼山別園詩序

送貳守曾君榮滿詩序

贈馬柳泉茶滇藩政序

送邦伯劉公入觀序

送邦伯祝君入觀序

東平振旅詩序

慶劉嬰七十壽詩序

送余先生知魯峨詩序

江祀編序

楊忠先生存稿

目錄

三

重刊家禮四要序

送李君廷實知都勻序

轉注古音畧後序

古音餘序 董氏族譜序

楊氏族譜序

寧邊茂績詩序

壽楊母七十序

聚峰奏議序

三燕鹿鳴序

萱節福壽圖詩序

重觀滇海序

春遊倡和詩序

民事錄引

題跋

書范滂攬轡圖後

書待漏院後

書董氏族譜後

登峨山詩書後



題述書賦後

書歌鳴集後

題南巡紀畧

記

太和縣學尊經閣記

壽萱堂記

南郭輿造記

梧桐書院記

復建北關門記

太平橋記

新建會講堂記

鶴慶府儒學進士題名記

鶴慶府南供河記

新建楚雄府龍岡書院記

鶴慶府西龍潭水利碑記

忠臣祠記

大姚縣新建儒學記

楊弘山先生存稿

目錄

議

張濟飢民議

金沙江議

大理郡名議

補議

辯

星野辯

山川辯

贊

石齋贊

林念憲畫像贊

蔡龜崖像贊

頌

敬所頌

雜著

送姜時川東歸

雪後望蒼山

贈葛石巖新建文廟

贈石巖參藩廣

江遙岑樓韻

代送蔡龜崖入覲

贈諸貢士會試

贈遊湖諸君子

第十二卷

墓銘

董母趙氏墓銘

恩官王公及繼配王氏墓銘

四川按察司僉事張公墓銘

楊弘山先生存稿

目錄

處士董公墓銘

南岡居士及配楊氏墓銘

故椽董公墓誌銘

董母趙氏墓銘

碑

檢菴隱壽翁碑

張家婦墓碑

董母尹氏墓碣

表

官處士及配宗孺人墓表

敬菴先生墓表

董孺人墓表

檢史董公墓表

處士尹公墓表

進士楊公墓表



文

祭黔國王岡公文 祭復齋先生文

祭敬菴先生文 祭楊孺人文

祭吳安人文 祭外舅楊公文

祭檢菴伯父文 祭春汀先生文

祭蘭谷先生文 祭立齋楊公文

祭東洱先生文 祭蕉圃逸人文

禱雨文 祭張處士楊孺人文

祭周雲岑文 祭周太孺人文

祭潛菴尹公文 祭亡弟叔亭墓文

楊山先生存稿

目錄

三

代仲弟祭李鳳山文 祭周龍津文

代子諱祭姻親益菴戴公文

王岡公文



楊弘山先生存稿卷之一

雲南叢書集部之四

太和楊士雲山著

大和季元楊中銘選

咏史

圖書

羲皇八卦豈無初 河出天苞洛地符 洪範九疇天錫禹

漢儒錯認作龜書

語錄引此句 龜書作占書

九鼎

九金神鼎鑄昆吾 編寫山川物象圖 第一九州圖籍在

巍巍夏德配天初

楊弘山先生存稿卷之一

治家子 周武王

治家子泣白旗下 三世易業淚盈把 周家用鉞四海清

誰料包戈復舊治

秦非子

禹錫玄圭費皂游 石棺華氏問譙周 自從八駿歸來後

幾世兒孫得大丘

寶法

春秋遊夕為斯民 不是荒亡為一身 管仲對君真寶法

晏嬰悟主豈無因

狐突 獻公十七年

僕人贊也獨知微里克 雖忠未見機 伯氏善謀誰得似 共君地下尚依依

荀息

荀息不食言 孔父仇牧類 春秋聖人情 同文不同義

讀趙韓世家

程杵楚九地 韓厥雷九大 誰續趙氏祀 誰與趙氏田 豈 惟龜策告 亦有夢兆先 感應真不爽 撫卷興喟然

呂相絕秦

不待韓原曲 直分令狐盟 後更紛紜 休將勝負論 秦晉

呂相書詞仔細論

楊弘山先生存稿卷之一

晉厲公

夢卜無端也 應占射元射 月中鋒銛行 間剩有諸君子 釋楚何人立馬前

子鮮

割雉盟河托木門 邯鄲約織便終身 獻公亦有終身照

小忿安能廢懿親

季札

上國馳驅歷聘時 吳中魚劍事誰知 楚椒秦術應同例 未必書名是貶辭

子產韓起



出玉起三罪子產真知禮求玉微二罪知過惟宣子獻馬敢拜德賜玉且免死

叔孫昭子

六月周王孟夏初三辰弗集是誰辜周公制禮今安在  
不肯君君魯大夫

邾子

邾子來朝喜問官雲龍鳳鳥制班班仲尼好學九耽古  
威儀猶存特筆問

韓宣子

魯師欲伐陸渾戎只有長弘見客容宣子欲徵他日夢

楊弘存稿卷之一

却教穆子獻文宮

大辰昭公十年

辰見天漢西李出辰西東梓慎占壬午四國火災同

大辰非心星沴氣作李形流火冬不見角宿日前明見經

書補註黃潤玉引王賈道之言

吳王夢見吳越春秋絕書同

夢入章明宮兩鑿蒸不炊兩犬黑噪以南噪以北兩鋏  
殖宮墻流水湯湯越宮堂後房鼓震應有鍛工前圍橫

索生梧桐

吳公子光

長鬣三人作楚人餘皇舟側夜藏身三呼迭對聲相亂  
戰取餘皇壓楚氛

越石父晏嬰

士誰不知己而伸于知己嚮也見客容而今見客意

晏子

據同焉得和和與同自異和羹欲平心宰夫齊五味水

火醴鹽梅洩過濟不及君臣亦有然可否皆獻替政平

民靡爭駭假無言際先王和五聲平心先一氣二體至

九飲精成復相濟心平德乃和德音無瑕類若以水濟

水誰能食斯味若琴瑟專壹誰能聽斯器君臣可否問

楊弘先籌稿卷之一

同不可如是

爽鳩氏

爽鳩之樂樂何如古樂于今更有無逢伯也知如季節

太公猶恐似蒲姑

梓慎神龜

歲在星紀淫玄枵蛇乘龍兮宋鄭耗歲棄星紀玄枵旅

害鳥帑兮惡周楚

太歲在辰歲在亥亥次娥背歲當在歲在星紀太歲辰

長歷何人問元愷

太歲左行歲星右一紀周天常作偶班馬于今有異同



甘石大初誰細究

楚囊瓦

二女爭桑怨未忘兩師滅邑釁非常郢城空自防吳子  
令尹何曾正楚疆

魯救火

敬叔出御書景伯出禮書桓子藏象魏舊章不可無周  
禮盡在魯魯國有真儒

軍政

顏高與顏息射頰或射眉冉猛與冉會後殿乃先歸

國語

楊弘山先生存稿

卷之一

五

宋衛秦豪國胡為棄不錄吳越亦無他上下篇重複舖

黻金石文震曜人耳目是是與非非千古誰能讀

監突周安王十七年  
秦出公二年

小主夫人失令名河西公子入興兵一時守塞分恩怨

監突忠言敢力爭

輔果

宣子當年欲立瑤五賢誰識不如霄二家未必能分晉  
果也全身智獨高

周太史儋周烈王二十一年  
獻公十一年

周秦始別自何年復合誰知五百年合十七年王霸出

史遷三筆入青編周紀合十七歲秦紀合七  
歲老子傳合七十歲

孟子去齊

宿書居休去始終更兼出書獨從容誰知孔氏行藏意  
只在金聲玉振中

趙烈侯

拾石歌人未賜田番吾進士有三賢衣裳在笥非嘖笑  
二襲還應與仲連

鄭襄一作  
補

宮花一朶掌中新辜負機華過一春誰遣君王疑掩鼻

芳魂千古怨夫人

楊弘山先生存稿

卷之一

六

春申君

无妄成災不是災離亭誤見女環來棘門有士君知否

珠履三千安在哉

趙孝成王周報王五  
十三年

趙王占夢意遲回上黨馮亭使者來平陽不受平原受

應悔長平長禍胎

田單

安齊賴有貫珠言下狄還因魯仲連能殺九臣封萬戶

更教貂勃轉相賢

秦徙九鼎周赧王  
丙午



九鼎西遷一鼎飛天教神物竟安歸砮礮雲氣隨龍變  
泗水真人建赤旗

茅焦

脫衣就鼎真烈士爭共二十七人死直指四矢力回天  
龍逢比干未足齒

呂不韋 秦始皇十二年

異人一販得封侯大賈誰知有點謀賓客著書稱呂覽  
終隨嫪毐敗除休

徐福

徐福區區抱簡編至今日本百篇全先王大典真堪嘆

楊弘先生存稿 卷之一

七

誰泛東倭萬里船

秦坑 三十五年

半多方士半儒生冬月看瓜馬谷坑聊識古文奇字者

當時也得冒儒名

秦始皇 二十六年

六國新墟四海兵昔時天醉此時醒鎬池君獻岷江璧

泗水龍飛赤帝精

廝養卒 二一年

竈下翩翩策士風片言能折萬夫雄君王得載同歸趙

一朵宮花為報功

殺博士正先 秦二世二年

獻鹿秦廷擅主權諸侯兵已破三川趙高未族秦先族  
只為當時殺正先

扶嘉

胸臆誰知出異人漢中獻策定三秦高皇賜姓非無意  
廷尉湯溪早降神

黃石公

地下辛勤跪履時一編尚父帝王師誰教博浪沙中事  
芥付當年孺子知

鮑生 漢高帝五年

楊弘先生存稿 卷之一

八

豁達高皇也忌猜漢中勞苦使頻來子孫昆弟從軍後  
相國于今免禍胎

鄭君 高帝五年

憎人何必及餘胥項籍諸臣列大夫獨有鄭君甘逐去  
君臣大義未應無

魯兩生 高帝五年

諛秦楚製盜儒名翻笑先生不就徵綿絕紛紛營野外  
漢家禮樂幾時興

田橫客

烈烈高風播海中頓令賓客死相從畫工不入丹青裏



嘆息徒勞太史公

張良高帝五年

人間欲覓赤松遊避穀因辭萬戶侯一自為韓歸漢後

高皇常在術中游

四皓十二年次高季迪韻

紫芝一曲已遐哉聞道龍樓去復來青史似非還似是

白雲堪賞亦堪哀

又次蒙泉白沙韻

臧否元之一記開貪夫見此更何顏高名直與素齊並

萬古乾坤此二山

楊弘山先生存稿

卷之一

九

又次蒙泉白沙韻

七國爭雄眇二周六王纔畢遂吞謀真龍御極逢羸豕

誰強留侯是建侯

又次蒙泉白沙韻

千載商人入畫圖四人名姓兩合胡當年執筆疑遷史

只有溫公與二蘇

曹參惠帝二年

曹參相業似蕭何東郭諸人入禮羅獨喜挾書除舊律

試聽畫一有新歌

張辟疆

誰殺王昌得專兵不念高皇白馬盟一涕固應悲太后

片言未免誤陳平

陳平周勃呂后八年

平勃交驩陸賈謀黃金壽酒更相酬北軍一入先誅呂

左袒何人不為劉

淮南王文帝八年

一椎曾奮辟陽侯天子應憐報母讎記得民間歌斗粟

雲中鷄犬浪悠悠

月出北辰間景帝二年

九道當天應日行先天八卦象分明如何却出中垣裏

楊弘山先生存稿

卷之一

十

應兆東方七國兵

董仲舒

國手調絃軫上分小弦廉折大弦溫却教袖手旁觀坐

千古咸池不復聞

寶嬰灌夫元光四年

寶灌啣冤竟不伸鄭韓論罪恐當均武皇自是英明主

汲黯何如社稷臣

德星元封三年

德星文采大如瓜封禪歸來報漢家太乙祠前明畫炬

三星中夜倍光華



參星

武帝問三星光晦端有由古訓民猶水載舟亦覆舟曰  
坐明光殿因封富民侯

辰太子征和三年

武皇追悔族江充思子臺邊更築宮那邸孤孫猶未赦

獨煩丙吉護持功

封富民侯征和四年

欲止奔流一葉舟萬篙那用救沉浮何如五尺維舟纜  
一繫江干便不流

田仁任安

楊伯生先生存稿 卷之一

十一

田仁與任安畧能相推第俱坐戾太子富貴果為禦

漢武帝征和四年

親耕鉅定悔心萌萬里輪臺不復屯方士一朝都罷去

秦皇漢武莫同論

胡建天漢中

秦書已具在懷中為論軍容與國容丞也敢誅 監御史

漢廷三尺似兒童

金日磾後元元年

容貌嚴嚴馬又肥殿前咫尺近天感受遺輔政 知何為

華胄遙遙七葉輝

弘羊贊

飯牛版築是何人汲黯諸賢尙可論賈豎刀錐何足算  
班生史筆未全真

吾丘壽王元鼎元年

周鼎飛潛導渺茫彭城出鼎笑秦皇汾陰漢鼎非周鼎

贏得黃金賜壽王

李夫人天漢中

傾國傾城入後庭甘泉宮裏寫丹青嫋嫋樂府連娟賦  
不說當年有尹邢

大過爻

楊伯生先生存稿 卷之一

十二

白楊生華何可久老婦士夫亦可醜貳師軍敗降匈奴

太卜反占又誰咎

馮子都

黃金葢蓋翠光重繡畫網憑香霧濃明月流蘇煙霧窳

一生花底醉春風

蘇武甘露二年

海上歸來鬢已皤子卿節義許誰過昔年通國今郎署

功比麒麟第一多

黃霸曾恭

穎川治行獨寬和更有中牟異政多兩漢循良知有幾



不知相業竟如何

王褒劉向五鳳三年

中和樂奏鹿鳴聲萬里來求金碧精枕中祕獻淮南術

洪範還勞註五行

韋玄成甘露元年

高節佯狂欲讓侯亭亭砥柱立中流淮陽作尉非無為

更作詩章表自修

劉向永始二年

三十餘年列大夫一朝上疏論親疏立苗那得容非種

曾許劉章為一劍

楊弘先生卷之一

三

張禹

經術為帝師天變不知變床下眩小男卒成新室篡

王咸元壽元年

舉幡太學會諸生丞相朝車不得行守闕上書告天子

鮑宣忠義犯雷霆

彭宣戴崇

傳經蘊藉說安昌弦筦優人滿後堂不遺彭宣曾一到

戴崇終日聽鏗鏘

鄭模嚴遵

谷口躬耕有子真成都賣卜亦君平從頭細勘楊雄論

執戟何須更美新

辛慶忌元延元年

烈烈將軍在漢廷匈奴西域識威名更看劉輔朱雲傳

留得丹心照汗青

趙昭儀綏和二年

壁帶黃金白玉除赫隲書更綠囊書可憐壯髮兒何在

燕燕童謠已告符

胡嶠

胡嶠當年陷虜中牛蹄狗國遍行踪珍重契丹多好語

漢人努力事君忠

楊弘先生卷之一

丙

司馬相如揚雄

作春秋一藝襲舊六為七誰與仲尼匹作帝典一篇襲

舊一為三證與堯舜參

邴曼容元始二年

師友真堪邴曼容琅邪千載尚清風郭欽蔣詡還相似

青史于今並兩龔

西國

東風入律不曾休干呂青雲謫未收似說漢皇真有道

不辭萬里獻膠裘

龍丘長元始元年



四輔三公辟到門會稽都尉更殷勤議曹祭酒低頭署  
誰識龍山舊聘君

二唐

早著聲名並二龔晚際好  
罰點清風做衣空履渾閒事  
上疏區區欲効忠

耿弇更始二年

上谷漁陽突騎雄寇恂吳漢合成功耿弇一發昌平議  
料得邯鄲在掌中

應姬建武中興初

忽見神光照社生汝南應姬得黃金一門七世俱通顯  
楊弘先生存稿卷之一

賡有文章映古今

吳賀母

南宮三復白圭詩孔子兄之子妻之出語忘親答壹百  
吳家嚴母母中師

五行志

董子公羊向穀梁劉歆左氏易京房五行有傳分同異  
漢志當年費表章

後漢志

范志當年蠟履車殘篇多少尙遺餘劉昭補注當誰據  
司馬彪會稽八書

馮衍

堅守并州不肯降忠言直節貫秋霜可憐光武猶修怨  
高祖同符怨未當

杜林建武六年

千里崎嶇一鹿車春鶴原上晚風吹隗囂不識東方士  
隴底空令劍客追

王元建武十年

不學當時豐饒翁函關欲用一九封隗囂父子緣誰誤  
馬首何顏又向東

侯霸建武十年

楊弘先生存稿卷之一

聖書忽降司徒府黃鉞一下無處所賴有懇勤爲解申  
不然幾中狂奴語

趙憲

蘭粟犢豈能致遠鄉名家駒努力勉英雄所保婦人懷  
伯陽政迹輝青簡

蔡茂

大段極上三穗禾取得中穗輒復失人臣上祿位中台  
禾失所以得祿秩

鄭敬

早從南野步重華松子歸來住碧霞都尉聽前青木汪

肯將甘露一般誇

鄧敬

斐席荷盤酌瓠瓢笑談終日寄逍遙琴書違孽餘生計  
空使徵車下漢朝

鄧悼董子張歐陽欽

子在吾憂不須手子亡吾手不須憂奉觥明府可無受  
明府奉觥當請收

仲尼車輿冠履

牀頭懸甕有丹書後世修書董神舒拭履護車兼發筒  
鏡離意者是吾徒

楊山先生存稿

卷之一

七

朱勃

梁松床下恨難平葦苳珠犀誇未明彭越尚令樂布哭  
伏波勳業照丹青

班固 永平十七年

封禪靡不典美新典亡竄典引論唐皇後先同一律

元和四分曆 又載天文

太初曆漸失天行近日分明在斗星差入牽牛中五度  
四分從此欲施行

袁安任侗 永元元年

免冠力爭伐匈奴何傲諸人數上書堪笑宋山真愧殺

列卿顏甲定何如

張衡

三輪自轉木雕飛垂翅依然復故棲文章欲擬班生賦  
制作潛伴造化機

楊震 延光三年

關西夫子重堪哀一旦幡然舉茂才漢室三公多策免  
何如歸釣子陵臺

胡廣

巨儒位上台首鼠定策際利害不利明遂成當塗計

馬融 建初元年

楊山先生存稿

卷之一

六

高才博學號通儒絳帳高堂坐授徒李固獄成誰草奏  
不知面目見人無

陳寔郭泰

太丘能容眾有道善誘人猛犴暴不革麒麟焉得仁惡  
鳥聲不息鳳凰亦非神

徐稭 延熹二年

江南傑出此高賢常著袁閔未敢先千古祠堂誰作記  
曲江文字獨流傳

黃憲 延熹二年

舉世名賢復幾人一時師表更無倫陳蕃已佩三公印



猶嘆徵君未致身

魏相又載地志

慈顏愛飲江心水每汲江心水急流一石江心俄湧出

天教孝子好停舟孝子石在慶符南二里

爰延二年

面稱中主犯龍顏折檻朱雲是一班密問客星經帝坐

忠言不細乞身還

李燮王成三年

市中賣卜酒家傭十載江東似夢中他日上賓顏設奠

至今誰不仰高風

楊駘先生集卷之一

九

管寧三年

遼東避地復西還誰識潛龍築九淵皂帽裹頭渾不惡

藜床當膝久應穿

龐參二年

司隸乘風本不情段恭上疏最分明誰知吉甫真慈父

却被夫人損令名

樊英

無用亦為用有用歸無用用夏可變夷夏返為夷用

許誠張濟五年

舉刺何曾按六條幽囚鸞鳳放鴟鴞吏民詣闕徒勞訴

終使陳耽下北曹

鄭太

欲輔何公知未易欲謀仲穎竟無成朋僚不惜揮金義

千載清風有鄭生

鄭泰盧植六年

乘時千里草青青誰遣天狼入洛京按劍忽聞伊霍事

幾人力謀敢廷爭

皇甫嵩朱儁三年

黃妖掃蕩黑山平聞命馳驅已就徵狼狽一朝遭虎口

却教范滂為議評

楊駘先生集卷之一

三

宋翼王宏三年

扶風馮翊擁西都糾合關東賊可圖戮力協謀聲大義

二兇安敢殺司徒

田疇四年

奇才年少為劉虞銜命問關達帝都恨殺公孫空泣涕

君讎未報入徐無

趙溫二年

犯關屠城戮宰臣乘輿南北轉遂巡再三滅頂援交象

獨抗兇殘有趙溫

李咸元年

左手資章右手椒思桓配食議難搖同心頗有陳廷尉  
賡把忠清立漢朝

劉焉 初平二年

蜀道金牛是舊蹤連雲閣斷傲奸雄草廬定計先刑益  
誰把劉瓛病卧龍

藏洪 陳容 興平二年

仁義何常只在人一朝烈士共忘身本初亦是曹瞞輩  
不念台階漢世臣

蔡邕 初平二年

江海飄零十二年三臺周歷侍中還漢家大典誰當續  
楊弘先生 續 卷之一

曠世才名亦可憐

田橫 呂布 建安三年

田橫不肯屈高皇一死于今尚有光堪笑白門窮呂布  
欲將將騎事曹瞞

韓嵩 建安四年

從事中郎入許都零陵太守佩銅符自知不負荆州議  
豈意荊州忍負吾

華歆 建安四年

夷皓高風已莫攀王臣蹇蹇道終難試看組地揮金日  
不顧先輪管幼安

橋玄

太尉知人似子將生民先已付曹郎他年墓下追知已  
腹痛還思作酌章

孫策 建安五年

天下爭衡兩陣間江東霸業一時安白龍不被豫且制  
只恐姦雄過老瞞

太史慈

蚤赴孔融稱烈士晚從孫策作良臣至今尚憶神亭事  
千載封侯廟額新

關羽 建安五年

楊弘先生 續 卷之一

萬古忠魂恨呂蒙

孫翊妻徐氏

女子雄於烈丈夫堂堂大節古今無漢廷有賊無人討  
慮愧夫人置下奴

荀悅 建安十年

獻納無階祗著書一編申鑒奏公車免為文舉兼文若  
獨惜申商氣未除

孔融 盛憲

可憐魯國真男子欲救平生盛孝章他日復巢兼破朝



空教曹操勸孫郎

孔融

孝廉國俊選舉是殺還非惑故應仲遠難免邴原譏

荀彧 建安十年

才應管仲張良後道似伯夷召忽間試讀古今蘇邵論

紫陽書法重於山

梁甫吟 建安十二年

殺殘刑修族孔融忠魂無地報奸雄草廬抱膝吟梁甫

豈合終身作卧龍

龐德公

世先生存稿 卷之一

世人遺後總遺危我獨遺安豈未遺千古尚傳於忽操

鹿門山是德公碑

韓信周瑜 建安三年

漢傑吳英俱第一安成孟德敢爭衡左車黃蓋知多算

自有胸中百萬兵

星李 初平四年至建安十七年

天市大梁東井李斗 鷲尾五諾侯范生亦似班生史

獻帝終非武帝儔

谷利 建安十年

紫髯駿馬渡津橋橋北將軍恨未銷馬後音鞭真烈士

至今青史想英標

耿紀韋晃 建安二十三年

金生唱義共興兵攻魏援劉事不成千古忠魂猶未死

獨令范史炳丹青

賈詡 建安十二年

誤聽丁儀問易儲屬思不對意何如袁劉父子真堪笑

始信成城是哲夫

魏諷 建安十四年

據吏才名動鄴都欲誅吉利惜雄圖不緣相國鍾繇免

漢史何人特筆書

楊弘先生存稿 卷之一

星 又見咏宋之紹興十九年

魏星曾出建安中天意分明在魏公誰識紹興還又出

檜奸真與操奸同

讀南中志 又見付地志咏應作魏孟獲

雍闓拒漢命孟獲欺夷叟烏狗三百頭螭腦亦三斗斫

木三千枚問渠能得否丞相奮南征四郡平如帚

李平 建興九年

胸中鱗甲不可犯舌上鯨張非所圖一自營中星隕後

澗池無復塑桑榆

王崇許蓋郤正

飛傳東嶽藏書郎文采翩翩似蔡張誰道史官都不置  
繁星黃氣兩書祥

陳震

腹中鱗甲不可近意外蘇張更可疑諸葛不緣陳孝起  
李平心事有誰知

楊儀魏延建興十二年

鵬跌區區牧豎才無端羽檄一朝來魏延已斬楊儀徒  
始信吳王識禍胎

陸遜赤烏八年

吾家遭讒已不幸更憐陸遜獨忠謨柴桑別日空流涕  
楊弘先生存稿卷之一

姜

從此江東促霸圖

徐邈

舉世無常獨有常素絲誰不受青黃景山亦有羔羊節  
應與朱公作鴈行

高堂隆景初元年

一時學業說高堂汗簡忠言日月光何事景初更正朔  
却教曹魏祖虞黃

曹爽嘉平元年

燕巢先已兆鷹揚獨有司農號智囊馬果然甘棧豆  
子丹豚豕不知亡

楊戲

輔臣贊述炳丹青烈烈休風動後聽嘆服允南終莫及  
醉嘲伯約暗相傾諺周姜維

曹元首

日足之蟲死不殭誰將六代鑒興亡當時不聽曹元首  
空建諸侯設禁防

竇友目

羊祜胡綜異品評東宮多士恨難平誰知疎狼弁浮陞  
貌得當時四子形

虞翻嘉禾元年

楊弘先生存稿卷之一

姜

張昭猶自論神仙周賀遼東去不還長歎海隅緣骨相  
吳王悔不聽忠言

劉琨太初六年

事主何如釣大魚一朝出作大鴻臚待中膽智人難測  
莫怪曹郎日漸疎

費禕延熙十六年

安閒應敵共團圓恭省讀何書更有餘不信寧彭來歛戒  
獨憐孤負使君書

司馬孚秦始八年

不夷惠也不伊周千仞高岡萬里流晉室宗祊魏貞士



百年遺令闕山丘

魏舒景元四年

百日功夫了一經書籌破的坐中驚誰知守碓登台

獨有王生鑒識精

陸抗鳳凰三年

忠諫平生滿汗青西陵一疏更垂情龍駒雛鳳尤堪賞

分領荊州數萬兵

晉書太康永熙

正史嘉平議起年獨從泰始作開元公閱謚法荒更武

只有秦郎議不偏

楊弘先生存稿

卷之一

毛

李密泰始三年

蜀漢堂堂豈偽朝似隨蹠犬吠神堯自從一上陳情表

千載丹青任畫描

王祥泰始四年

魏朝三老晉三公孝子忠臣豈異同魏史不書書晉史

欲從伯始問中庸

王覽

曾憶休徵與佩刀玄通六子並時髦中興相業歸文獻

江左風流冠六朝

章昭鳳凰二年

紀傳分明敢力爭那堪嘲弄待公卿從容問難惟經義

從此孫郎意未平

司馬懿嘉平三年

後人掩面為遮羞還惹胡雛笈未休借問夢中誰作祟

彥雲梁道是仇讎

李必馮該

數萬流民入漢川更求人蜀寄生全翻資巴氏窺梁益

御史相尋却愛錢

唐彬咸寧六年

平吳將帥日爭功不伐何曾聽范通退讓知機先託疾

楊弘先生存稿

卷之一

天

高名千古獨儒宗

衛瓘元康元年

豈為當年醉林釀成鍾鄧豈非常怨生榮晦如田續

天假南風降禍殃

稽阮

漫慙柳下愧孫登顧景彈琴不自勝幾哭途窮笑禪龜

草辭醉案已先成

張華元康元年

斗間龍氣識豐城天上中台已折星堪嘆茂先真博物

不知禍在夕陽亭

曾勝元康初

日月無千里星亦不百里立晷測三光欲正天地紀

王沉蔡洪元康初

釋時孤奮論俱雄玉潤金相價並同未許光塵聊混迹

獨標高節灑清風

賈充荀勗晉書

頂城有府君陰隨賈與荀既已惑君子又且亂吾孫黜

汝使任愷晉汝使庾純上表斬張華東征沮吾軍旦夕

當加罪聊以衛府動係嗣死鍾虛太子斃金母小子因

木下荀勗罪宜鈞先德乃小儂後世亦蒼溟

楊弘先存稿卷之一

嚴續元康元年

兩疏曾鳴太子寃東宮兵馬尚須嚴周昌丙吉堪垂令

青史誰知有姓閻

石崇元康元年

咄嗟豆粥非萍蘩金谷園中日易低爭入浴城遊賞處

蹠轆牛似野禽飛

向秀

妙演南華內外篇子期解義別流傳馬蹄至樂兼秋水

千古于合說子玄

劉弘大安二年

聞道劉公一紙書十州從事未應如皮初合作襄陽守

陶侃終當繼老夫

汲冢書咸寧五年

汲冢書多左氏同古文科斗幾人通馬遷史記猶相似

千古師春纂集功

夏統

一唱小海曲風雷倏奔走誰知洛水濱伍胥立左右

稽紹元興元年

父母之讎敢戴天蕩陰死節亦堪憐試看延祖沾衣血

未論鴻毛與泰山

楊弘先存稿卷之一

星隕化為肉

星出牽牛入紫微龍光燭地轉委蛇須臾隕肉平陽北

晝夜哀聲哭阿誰

清談元康六年

一時朝野慕清談被髮奔伊川已兆端試讀逸民崇有論

似將抔土障狂瀾

周覆永嘉五年

表請遷都幸春壽揚州先見已如神琅邪不急京師難

翻為兇藩剪翰臣

衛玠永嘉六年



叔寶當時第一人珠明玉潤更風神永嘉止此應相似

玉振金聲兩絕倫

東晉太康

汲冢遺書七十篇嵩山竹簡尚留傳流觴曲水逸詩在  
都得先生爲了然

劉殷永嘉六年

幾諫何勞事犯顏轉移只在片辭間六劉不敢嫌同姓  
領下龍鱗未易攀

劉惔

居官豈有官官事處事全無事事心三叔洛中眞雅雅

楊弘先生存稿卷之一

三

高標元自出瓊林

劉公榮

王阮交觴二斗酣公榮不得一杯嘗三人談笑渾無異  
千古風流尙未忘

戴淵祖述太興四年

投劍歸來被薦書若思才氣世應無看來士雅猶差勝  
却恨江淮屈壯圖

陶侃太興四年

蘇峻王敦敢脅君太眞甘卓約興兵試將心迹從頭看  
頗怪長沙似不情

晉明帝大寧三年

屈指當朝社稷臣紀瞻之外更何人巴滇駿馬微行處  
處仲營中夢亦驚

劉琨盧諶太興元年

非常詩句暢幽懷酬和常辭頗自乖他日桓温亦切伏  
辟閭王據重堪哀

昂宿咸和六年

昂宿天街北應胡五胡石氏起幽都幾占太白兼焚惑  
歷歷天心厭羯奴

常璩永和三年又載地志

楊弘先生存稿卷之一

三

野戰羣龍百六鍾氏羌四紀盜巴庸漢書入晉刪稱蜀  
又見華陽國志中

王羲之永和八年

滿腹經綸未得輸只遺殷浩兩封書世人漫說龍蛇字  
爭看先生筆陣圖

桓温寧康元年

著帽何須幘裏頭久知司馬性遲留他時輒改袁宏草  
九錫應知死後休

王坦之寧康三年

坦之眞不及家尊有女誰知欲嫁温更看新亭流汗日

刑持手板爲何人

謝安 升平三年  
太元九年

高卧東山負重名擾龍馴虎未會驚圍棋少屐知何爲  
更對桓伊涕淚橫

孫盛 太和  
四年

元子枋頭失利羞孫公已作晉陽秋諸兒泣請空刪改  
定本遼東下詔求

謝玄 太元  
二年

芝蘭玉樹在庭階羯末封胡總俊才大捷滄澗誰第一  
未清河洛更堪哀

楊弘先集 續 卷之一

桓伊 太元  
九年

吹笛呼奴更撫箏高歌一曲不勝情謝安獨下霑襟泣  
豈爲柯亭有異聲

謝石

誰謂爾堅石打碎石奴都督符堅敗桓家名子空邀功  
將軍遜位那容退

王允之 太  
寧

卧中大醉豈真情不是都生入幕賓大義滅親如石磻  
一時橋梓號純臣

劉牢之 太元  
八年

五千勁卒破梁成水陸諸軍氣益爭永固壽陽城上望  
八公草木盡皆兵

穆后

玉牀連後星金波合羲壁二女同降虞十亂誰伴劫

借何克 咸康  
升平

方回兄弟奉天師喜向親知散不嘗次道弟兄崇釋氏  
不嘗誰肯念祝知

比丘尼

比丘尼稱有道術室中剖腹兼斷足竊窺誰者問吉凶  
頓使姦雄暗消伏

楊弘先集 稿 卷之一

爨雲 又載  
地志

驃騎豐碑翳綠苔陸涼州外半崔嵬文章剝落無由辯  
只有鄉山是白崖

虞駿

公望公才有幾人思行之外更無倫鯉魚豈是揚州貢  
嘯父當年欲獻新

王湛

少年隱德許誰如上比山濤下魏舒奕世清風真不忝  
一時良史合重書

符郎



食好且小生雞相恆半露鵝肉知黑白善識味鹹醋

宋纖

遠操清規插德馨南山高並少微星楊宣畫象曾留頌  
馬岌人龍更作銘

許邁

餘杭懸霽近茅山五嶽潛通咫尺間玉室金堂何處是  
山陰南去到臨安

孟嘉

龍山落帽豈真情入幕應知笑郝生元子漫誇能駕馭  
外孫猶自有淵明

楊弘先存稿 卷之一

三

王珉

法護非不佳僧爾難為兄幼講毗曇經大是小未精中  
書有二令當時亦齊名

翼麤齒蕭常

漢晉春秋已不存臨終上疏獨慙慙廬陵貢士尤精史  
昭烈當承漢統尊

郝超劉穆之

郝生入幕私元子遺民出廁附劉氏死後方回不復悲  
生前謝混何曾齒

吐谷渾

渾子六十人長口吐  
延解卑謂凡為

東馬西悲不肯還阿干歌曲想陰山馳驅未定中原鹿  
慚愧偷觀日月光

林邑扶南

鯉魚變化治雙刀銅柱曾勞馬拔標夢裏神弓浮大海  
明珠時或入天朝

劉毅劉裕義熙八年

應邵胡藩與鄭鮮當時來往二劉間試看議論青編上  
畢竟龍文勝豹班

王裕之

典年初度江茂弘卜家世淮流幾時竭漫說何東筮  
楊弘先存稿 卷之一

美

到溉

齋前有山池奇石丈六尺輪置華林園臣禮安敢失  
磨墨視騰文飛毫筆書信毫年其已及得無假手蓋

到洽

正情過於沈文章不減漑情言殆難及家聲馳四代  
徐寧

應有不必有應無不必無海岱清修士真堪吏部除

謝弘微元加三年

滿腹精神凜若神應憐僕射獨知人異同之際真無間  
贏得當時冠五臣

陶潛元嘉四年

黃石一編傳履下卧龍三顧起隆中可憐五柳陶彭澤  
獨詠蕭蕭易水風

王弘

虎子眈眈奪鳳凰博基十二累如山他年志業俱懸定  
滿眼兒孫弄席間

檀道濟元嘉十三年

功高自古為身累吳子何曾為國謀萬里長城容易壞  
江州忍聽白符鳩

雷次宗元嘉十五年

楊弘先生存稿卷之一

仲倫亦是愛清談開館鷄籠恐未堪青瑣郎官知不耐  
隔江終日望江南

何承天元嘉廿二年

古今曆法到元嘉二至誰知有歲差朔望細推盈縮定  
林鍾六寸一釐加

宋文帝元嘉三十年

惠公未免輿人誦里克難逃晉國誅千載覆車如一轍  
春秋直筆是刑書

王固

宴會昆明池池設大罟網一鱗遂不獲咒法應如響

祖沖之

六曆寥寥未易推沖之算術更無疑漢初周末求差遠  
只恐劉班亦未知

顧法大明六年

英英孝秀策中堂神聖形全對不看逆耳忠言應擲地  
空勞披腹獻琅玕

蔡興宗

金陵忽報廣陵平敕下軍中萬歲聲鄭伯效尤將有咎  
侍中正色敢先爭

狂泉宋泰始初

楊弘先生存稿卷之一

狂泉國裏盡狂人強酌狂泉飲國君從此君臣狂若一  
不狂獨立更何人

王景文泰豫元年

談笑從容就義難叩函竟局羨江安慶之掩被綠何事  
地下相逢亦厚顏

袁粲昇明年

東府高樓坐語時司徒蕭散未應知石頭城下爭看燭  
大廈難將一木支

沈攸之昇明年

約誓常韜在補襦誰將隻鏡寄襄陽郢城不用攻曹計



勝敗何須問沈郎

謝朓昇明三年

三讓彌高論晉文侍中解綬是何人掛冠徑去惟裴顛  
不愧袁劉作宋臣

王儉永明三年

江左風流有建昌斜簪散髻更商昌闔棺却得平頭憲  
何點齊書已贊揚

齊武帝

萬歲虛稱願百年君臣遊樂極流連西門記得車轍折  
獨拜將軍問景先

楊弘先生稿

卷之一

元

齊高帝建元四年

王道休存絕侈風黃金與土價難同永明放飯甘流歡  
珠翠如雲滿後宮

張緒

蜀柳長條萬縷絲舊宮芳苑落成時天家移植靈和殿  
思曼風流宛似之

張敷

天地逸人元自許靜修早作異人看二有一無俱不可  
知人則哲帝應難

張敷

狄周管機務景胤同省郎一牀先旁設客去色蒼黃

劉焯

墓山有鷓鴣三年不敢來阿稱真孝子亦是東南才

明僧紹

既不食周粟而乃食周薇鑿坏遂高尙賜冠仍遯肥

蕭子雲

始變王子敬全範鍾元常心手相應處崔杜那能當

王融永明十一年

寂寂那堪笑鄧侯車前何日擁羣騶登高不懼真胥靡

空嘆三公負黑頭

楊弘先生稿

卷之一

甲

顏延之孝建三年

乘羸駕笨笑兒郎鹵簿相逢屏道旁糞土雲霞知不久  
一麾出守殞東陽

袁彖建武元年

魏生膽破一身青道路相逢問竟陵天下蒼生正塗炭  
誰當瀝耳向人聽

卞彬建武元年

孝子忠臣萃一門更憐卞壺有曾孫蕭郎不殺真難事  
千載何人為細論

王敬則永泰元年

愜懣聞歌已自疑東平遣將欲平誰眼紅翻睡公林面

浪喜檀公上策時

陳顯達 永元元年

太尉稱兵襲建康平南遣將拒尋陽潛軍敗死臺臣下

弘遠臨刑尙結冠

關朗

子明易學幾人傳戴老張生問答問夫革卦爻占變後

河汾 永元元年

董僧慧陸超之

僧慧那辭鼎鑊身即君書到更悲辛超之侯命還端坐

楊弘山先生存稿 卷之一

只恐田橫客笑人

蕭懿 永元二年

峴山投箸將援兵一戰江南建業平不聽襄陽伊霍計

省中甘死愛金罍

王志 中興元年

百僚箋入石頭城右衛將軍不署名天地豈容守腹混

范生終亦愧王生

馬仙琕袁安

道素家門天下容忠臣孝子道應同豫州刺史吳興守

宛有夷齊義士風

謝淪 隆昌元年

國基竟局了無聞縛袴王徐敢廢君數解吳興宜力飲

人間萬事任紛紛

何胤何點 天監元年

共占青山與白雲少微星動映衡門世間塵土那能沈

只愛談經不茹葷

顏見遠 天監元年

不成南海徒巴陵姑熟醇醪醉不勝他日夢中誰斷舌

一時死節獨中丞

吉玢 天監二年

楊弘山先生存稿 卷之一

吉玢何曾似緹紫代死應知異贖刑千古一男并一女

班班純孝在丹青

康絢 天監十五年

鎮星守天江浮山堰正興鎮星還退舍淮水東奔騰 童

荆山為上格浮山為下格 潼沱為激溝併灌鉅野澤

沈約 天監十年

幾年端揆望台司多病應憐帶孔移更奏赤章論禪代

懷情不盡此公知

韋叡 普通元年

大捷鍾離讓景宗得慮作塞似無功一時俱化金山教



獨立頽波萬仞中

蕭綜普通六年

七月生兒爵豫章一朝降魏拜丹陽忍將血灑東昏骨

誰使中山亦在梁

蕭欽中大通三年

鹿子城門開未開我心此日正徘徊昭明地下應知否

終遣徐方歸去來

金樓子承聖元年

雨雪飄蕭下玉房多情誰不嘆徐娘試看今日金樓子

猶怒當時半面妝

楊弘先生存稿卷之一

望

蕭寶寅孝昌二年

鸞生十子九子鸞一子不嫌關中亂窮鳥投人羽翼成

守關問鼎翻成叛

何尙之謝朓

投老方山避俗紛袁生作傳似移文雲龍門下尙書令

猶自輕頭戴角巾

梁武帝大清元年

江南夢裡得河南一旦金甌恐自傷覽啟不勝慙十事

梁亡未必是天亡

寇謙之

千載天師立道場一朝符錄受君王誰知誣矯同崔浩  
輔相眞君惑萬方

蕭確

引弓射鳥發深謀茲斷無因斷賊頭蕭氏子孫多負國

孤忠惟有永安侯

楊悛魏收

我綽有餘暇如山立不動只恐遇當塗翩翩驚舞弄

二曹

放曹膽力萬夫雄破敵韓陵第一功更有盧曹眞國士

范陽城上射般弓

楊弘先生存稿卷之一

望

王晞北齊建元元年

不同外客入東廊疎緩那堪作侍郎顯昭當年曾欲殺

而今欲殺濟南王

永安王高浚北齊

祭神神在不須如八歲奇王解讀書可惜明經盧博士

不如董相對江都

蕭方等大清三年

此生無地可逃天得死甘心世共憐舊著春秋三十國

至今遺恨滿青編

江子一大清

大義孤忠萃一門承明門外共捐生太清名宦知多少  
千載英風看易名

梁元帝承聖三年

龍光殿上講筵開萬卷圖書一夜灰月犯大辰猶不悟  
郢州聞命獨空迴

殷不害承聖三年

冰雪如山凍滿溝悲號載道淚如流雪中捧出慈顏面  
不負孤兒七尺求

蘊綽大統元年

並馬徐行入夜譚卧聽還起整衣冠夜深不覺尤前席  
楊弘先生存稿卷之一

喜得當年賈治安

柳虬拓拔廓元年

執簡朝堂南董流誰頌大誥為包羞自從王莽欺人後  
黑獺于今敢效尤

陶弘景大同二年

早掛衣冠神武門山中宰相出塵紛分明識得昭陽殿  
只聽松風看白雲

王僧辯

北人外庫是江南共向江南更立王不救江陵守姑熟  
晉安纔奉奉真陽

周文育紹泰二年

青墩斬將復還東抽梁先馳轉逆風幕府山前成大捷  
賞仔賀酒醉軍中

章翼周武元

不負南華第一篇人間亦自有神仙徵車空到逍遙里  
只有河東酒似泉

黃蒼梁蕭明天

烈烈張彪屈壯圖黃蒼嗜賦更號呼血中宛轉悲哀狀  
堪與鳥龍合傳書

吳明徹大建

楊弘先生存稿卷之一

舉旗陷陣將軍事長算計謀是老夫淮口一朝歸路斷

吳兒三萬人周俘

章昭達陳平

勤王不讓欺奔功行已還同吳漢恭臣節自應償帝夢  
相王先已識侯封

庾季才周建德

稍伯當年兩紙書因占緯象獻忠謨靈臺秘苑還留在  
會勸梁元返帝都

文中子

小人無是當年棄君子有非萬世譏誰為仲淹新作傳



大都疑是又疑非

中國有一聖賢明中國有並聖賢除九原欲起文天子  
為問元經與讀書

何安開皇十四年

滔滔和雅會黃鍾何安新聲八帝聰獨使寶常空下泣

一時附和是牛公

張賓張胃玄開皇十七年

土圭至日影初長先後參差較二張八百年當差一日  
舍人漫道應隋皇

劉焯仁壽四年

楊弘先生存稿卷之一

聖

渾天儀象蓋天圖三器于今更有無制作幾人倖造化  
獨窮天數冠諸儒

柳述元巖

幾殿何人蓄禍機抵牾大志為更衣嶺南謫死猶餘負  
青史于今有是非

王劭袁克開皇仁壽

河朔清流愧史臣江東望族繆占星開皇仁壽陳符應  
誰使新垣在漢廷

徐鴻客大業十三年

黃石素書傳履下魯連約矢射城中道人亦有新城策

不獻唐公獻魏公

王威高君大業十三年

參墟得歲應真人唐室龍興晉水濱不似沛公誅不道  
枉因突厥殺忠臣

補遺

東哲

汲冢遺書科斗文廣徵博學擅多聞東萊太守曾相難  
應請王郎名接為解紛大守王庭堅

顯節陵中漢策文嵩高山下簡猶存兩行科斗無人識  
博物張華更問君

楊弘先生存稿卷之一

吳

主父事

主父金銀渭水傍田夫掘得土中藏生烹五鼎非無為  
千載汗名久更彰

十壹

厲色正頽俗當軸共抑止膠舟汎巨浸朽索馭奔駟晉  
亂豈敦陵稔亂導亮始

陶侃

機神明鑒似魏武忠順勤勞似孔明用法意恆存法外  
當時梅謝有公評

八翼天門上九重八州都督奏膚功後人流落誰生謗

晉史難憑夢寐中

崔鴻又載地志

紛紛十六國春秋為史當年各自修只恐虛辭浮實錄

彥鸞南北貫蒐求

崔浩高允

魏武譏前恐后譏國書隨筆未多迷可徒可惜嗟何及

管仲因懷鮑叔悲

王績陳叔達

大業何人注起居尚留清約往來書丙城記室稱良史

得似元經筆削無

楊弘先生存稿

卷之一

完

王績杜之松

燉煌孝廉守奇節酒泉太守竟空還濁酒一杯琴一弄

白茅丹桂映青山

楊弘山先生存稿卷之一終



楊弘山先生存稿卷之二

雲南叢書集部之四

太和楊士雲弘山著

太和李元陽中谿選

咏史

李密武德元年

蒲薦乘牛一束書胸中已負伯玉圖黎陽賴存田橫客

陳涉當年恐不如

寶建德

祭酒書生也識兵閨中女子未應輕陳餘肯聽軍中策

韓信安能下井陘

楊弘山先生存稿卷之二

蕭銑

決策歸朝出款誠區區不比漢田橫若從李靖岑文本

只恐神堯亦濫刑

劉文靜裴寂

龍起雲從虎嘯風晉陽首事列元功尚書已殺司空斥

不似蕭曹受漢封

同谷子

五子何人敢作歌乘輿奈此播遷何秦王潛奉中宮令

千載詩名炯不磨

十八學士武德四年

天策府中真妙選瀛洲會上許誰登褚公作贊國公畫  
不愧丹青有幾人

郝三寶真觀

一曲行天也喜歌隔簾諸女笑瑳瑳一聲纜發真方等

三寶于今敢自多

許敬宗咸亨三年

列傳奸臣第一人嘯凶先遣牝晨瀛洲學士誰圖像

都省尙書更易名

陳子昂

鏘鏘鳴鳳牝晨朝太學明堂議益高圭璧可容房闕薦

楊弘山先生存稿卷之二

獨憐風雅變離騷

武后韋后永昌元年 神龍三年

天下雌鷄幾處雄金輪皇獻萬神宮桑條十二歌聲起

空辨虞淵取日功

崔融楊炯

啟母當年有少姨崔氏 穹碑兩家天下文章手

雲漢于今在斗箕

孫思邈

酒星太白醉西川酒肆藏名費酒錢仙格最高誰識得

孫公當日亦真仙

楊再思

泥中翻謂陷車牛九尾狐偏恨未休巧把蓮花爭獻媚  
高麗舞罷不成羞

裴炎

放桐曾擬霍光忠誅呂應多周勃功不識牝鷄如翼虎  
空憐少海有潛龍

田游巖

許由祠畔號東鄰未說商山四老人泉石煙霞留不得  
親煩萬乘到衙門

李敬業賂賓王嗣聖元年

楊弘山先生存稿卷之二

三

敬業衡山滅跡時賓王靈隱朗吟詩黃巢依附張全義

青史傳疑總未知

張易之母龍神元年

鶴監麟臺被寵私迎仙兵起早生兒誰知上表昌期女

正遇金刀相國時

葉靜能景龍初國子祭酒

誰傳禁架自餘登又到宮中葉靜能方士紛紛持左道  
五經掃地幾人曾

宜都內人長壽二年

女媧昔日佐義皇天后臨朝服袞裳控鶴少年內供奉

更教白馬作明堂

韋丹

平子歸休計未成空餘事業照丹青一人林下何曾見  
五老峯前月自明

河套景龍二年

聞道黃河十月冰河南虜騎任從橫何人得似張仁愿  
免使天驕拔漢旌

九曲河源景龍四年

九曲河源應列星水泉甘美草青青金城下降供湯沐  
終遣哥舒再用兵

楊弘山先生存稿卷之二

四

張說蘇頌

一時燕許擅文宗誰念江潭一老翁投木報瓊休息却

五君新詠泣蘇公

五王神龍二年

英王藉手豈深圖諸武當時不盡誅非是先天興大業  
漢家平勃未應如

李嗣真永昌初

太清新曲辯宮商地下黃鍾補太常獨引趙孤寤天后  
片言能正側堂堂

鄭欽說



旬服黃鍾啟靈祉控三上庚墮七已六千三百後辰交

二九重三四百圮

王方慶狄仁傑聖曆二年

五龍夾日中興功大半王公與狄公豈獨倉唐能悟主

不煩四皓定儲宮

盧藏用

仕途捷徑是終南不待移文林壑慚萬里新州終未免

九宮太乙漫勞探

祝欽明

詩書破冢坐儒科五經掃地舞鸞梁兩觀得逃才放逐

楊弘山先生存稿

卷之二

五

鼎文學士老金坡

姚宋

姚宋篇章素頡頏開元相業冠皇唐試看月賦梅花賦

未許王楊獨擅場

吳兢

自宗引證魏齊公賴有文自轉禍功直筆豈容相假借

至今猶想董狐風

張文政

潤州十一二舊琳瑯應留誰知有十三只在黃鍾東九尺

文收音律極幽探

李又

海內且有名李下無蹊徑不附太平主亦沮紫微令

李約

片鐵擊清越山公嘯和琴獨憐招隱寺疎野少知音

玄宗

太平天子說玄宗乾羅一元非似至忠開寶初年誰將相

翠華西幸忽匆匆

花萼樓

雲間花萼出飛樓羯鼓聲高樓上頭妃子琵琶新學遍

寧王玉笛許誰偷

楊弘山先生存稿

卷之二

六

王后開元十年

仙樹空花未怨春阿忠脫紫記生辰可憐翠帳當年賦

不用長門費百金

趙仁獎

一曲黃塵一束薪柏臺駉馬避行人當州一尉因誰授

知是中書姚令君

唐二傑

唐傑何如漢傑二明皇御賜有詩章中興相業歸姚宋

燕國安陽恐未當

天寶改元

弘農白石赤桑文 天寶開元自此分甲子已更當甲午  
皇天曆數爲誰屯

楊貴妃

長門剪髮戀君恩 得賜珍珠拭淚痕  
留以香囊霖雨後 丹青別殿寫芳魂

李白

鶉奔奔與鵲疆疆 蝮螻淫昏掩太陽從  
青蠅生白壁 不關飛燕在昭陽

白骨交情手自携 青山高卧共忘機  
神龍未免泥沙困 猶恐裴君大作威

楊弘先集稿卷之二

七

羯鼓

都臺蒼臘合鷄婁 羯鼓聲中春復秋  
召得漁陽繫鼓動 霖鈴一曲雨聲愁

衛包天寶九載

龍尾今霄集五星 殷周漢後作二賓  
集賢學士知天意 韓介鄒公已廢淪

李宓

史作天寶六三載詩序十一載

西洱全軍敗沒時 捷音猶自報京師  
歸來召見甘泉殿 高適分明爲賦詩

張虔陀

天寶九載又

紀出歌公傳宋公虔陀死事異還同不書太守嘗都督  
又見張雲者錄中

王玄翼張均

玄元皇帝降真言 妙寶真符出洞天  
徐福少翁多變幻 秦皇漢武好神仙

嚴挺之崔隱甫

天寶

從來曲直不相函 編棧應知事最難  
試看嚴崔真不屈 何曾牛李一相干

李嗣業

一觀賢於數萬兵 英雄許國是生平  
櫪中宛馬一千匹 楊弘先集稿卷之二

獵獵追風驃騎營

陳玄禮

桓桓杖鉞護行宮 天下嗷嗷怨國忠  
西幸翠華千萬里 于今國活竟誰功

張巡許遠

至德二載

巡遠孤忠一代動 傳憑李翰誅蕭昕  
兩家子弟俱才下 韓愈當年有定評

三賢論

元德秀劉

道欲紀天下仁堪 位師保六籍諧人心  
參謀出精妙中 古易今世死生堅  
節操三賢真偉然 篤論誰能到



陳希烈

侍澳南華至七篇德充符應館崇玄至今遺臭姦臣傳

林甫分明共一編

萬世南霽雲

南八男兒烈丈夫臨淮斷指射浮圖賀蘭未滅終當滅

天網恢恢信不疎

鏡王巨

濟淮得資三萬斛睢陽不慮癸庚呼彭城失守臨淮走

應愷軍中陸氏姑

趙彥蕭

楊弘先生文集卷之二

九

彥蕭猶傳十二詩譜中律呂協歌辭開元千載遺音在

試問宮商幾箇知

元次山

一頌中興聳大唐華星秋月兩詩章道州謝表初元日

刺史何人似漫郎

歸崇敬貞元十五年

萬古斯文在仲尼春秋天子奠先師不從北面從東面

誰起宗元與退之

元載

帳裏金絲褥却塵龍綃席上舞衣新昭陽長信誰能入

猶念飢寒共入秦

穆寧崔邠

大曆元和太和

孝友家風更直臣一時良史盡傳馨酥醒共羨俱珍味

里社爭看聚德星

李泌

革夏興周豈誤來避秦安漢未須哀胸中自有餐霞術

火棗交梨不用栽

兩京收復竟訃功巫蠱宮中一尺桐范蠡魯連爭得似

太陰忽蝕壁星東

韋皋

貞元元年又見地志

楊弘先生文集卷之二

十

城武誰知是武侯後生終恐愧前修胡僧漫說三生夢

伊呂何人許匹儔

李晟

貞元二年

烈烈興元社稷功如何延賞不相容武成十哲禩從祀

特出重華聖意中

陸贄

炳炳如丹數百篇忠州別駕幾多年盤桓獨有延齡寵

不念間關在奉天

段平仲

自古忠言犯逆鱗斷裾折檻更何人蒼黃失對雷霆下

留與元和作直臣

顧少連韋夏卿

驪虎移文動嶽神酒酣奮笏擊毒臣晚歲洞門題大隱  
早時冰鑑號知人

段成式

自喜當年為鑿池塵埋片鐵少人知幾迴密室窺金字  
會報靈臺十二時

鮑防

儀形別殿寫丹青穆質諸賢策大廷甘與蕭斯同告老  
當時宰相恨難平

楊弘先生存稿

卷之二

二

薛嵩

大曆

青衣紅線去如飛半夜遙從魏博歸金合封還田節使  
頓令絕倒謝恩私

沈懷

咸通二年

局中唐事屬淳夫治鑑全瀉范史書借問杜棕楊慶事  
未知寶錄定何如

董晉

寶曆五年

屈指貞元社稷臣陸公經濟更無倫  
獨向君前薦二人

唐次

貞元九年 又

曾述驟國樂亦上辯謗畧十年積不遷一旦

關

高愍女

愍女誰如高妹妹建中二年生七歲甘死不  
曹娥緜縈何足異

張保皋

周召俱稱百代師聖賢當日頗相疑汾陽泣與臨淮別  
千載何人得似之

董晉

擁節單車入汴州幕中甲士罷番休也知卻毅真儒將  
司馬何勞數獻籌

楊弘先生存稿

卷之二

三

南詔驪樂

貞元九年 又

五舞翩躚應五歌試看取象意如何雅羌十二清商曲  
五譯鏗鏘奏太和

李愬

元和十年

平蔡誰居第一功天津橋上舊龍鍾宣王不作中興主  
虎也安能似召公

開元雜報

大中男子喜孫樵得見開元事百條數幅丹青縵尺帛  
太平功業出清朝

西齋錄



孫氏西齋錄幾通春秋大義  
學蒙奸魂忠骨千年在  
似與長源錄不同

簡師

鱷水蛇山萬里行獨將一拜尉平生簡師自是尊山斗  
多少衣冠落塹坑

蕭俛崔稹元和十五年

騎官車陣及軍門積卒陳常更羽林誰遣鎗兵招巨盜  
也知眯目共糊心

韓皋長慶四年

唐陵止息已無傳留得金聲在七弦誰識幸陽亭上調  
楊弘先存稿 卷之二

永嘉風景尚依然

李絳

叔元遣問嗾御軍握節登城不出門唐史固應憑寶錄  
晉公猶為撰碑文

劉禹錫永貞元年

武相誰人已左遷曲江無子亦堪憐玄都觀裡看花句  
又被看花誤幾年

柳宗元永貞元年

幾向中朝漫寄書著書更欲獻貞符馬遷文字離騷思  
不作明卿才丈夫

二教論衡

第一升堂是樂天義林陪坐次弘元斯文六籍應難解  
枉與談空更說玄

白樂天

吟醉先生幾石樽香山居士半桑門誰言元白還劉白  
只恐元劉落後塵

姚崇李德裕

夢裏相逢問口箴百年金石見曾孫更作舌箴應有意  
二公精爽至今存

劉蕡

楊弘先存稿 卷之二

一叫天高不為聞秦廷逐客楚冤魂西隔鳳巢千萬里  
何人灑淚問乾坤

段文昌又載地志

荆南飛檄到安南城下蠻兵即解還留得聲名滿西蜀  
鶴鳴驛口見巴山

令狐楚太和九年

御殿猶煩問宰臣不勝悲憤欲沾巾一言肯為王涯計  
免族無辜數百人

牛李維州

千載公評合與誰長源城武識允機温公欲矯橫山議

青史于今有是非

馮定

帝誦西江送客詩  
禁中賜錦荷夫知  
商山黑水傳碑記  
留得芳名滿四夷

王羽賈庠

甘露何人爲洗冤  
王涯賈餗更堪憐  
衛公精爽應知否  
萬里朱崖休問天

裴休

衲衣乞食歌姬院  
語法傳心黃蘗山  
梵唄時聞齋飯後  
鈍根仍落箭鋒間

楊岫先生存稿

卷之一

五

鄭薰李景讓  
太和咸通

七松處士隱巖高  
桃李門墻總俊髦  
客去不容留驕石  
樂安公獨愛清操

杜牧  
太和七年

杜牧才華未易量  
罪言原衛賦何房  
白駒皎皎嗟過隙  
青史文章尙有光

王建

龍鳳龜麟萃蜀都  
紛紛祥瑞史官書  
王郎未必能當此  
空把丹青作像圖

賈林  
建中四年

河北連兵應逆臣  
賈林一語寤元英  
幽燕從此姦鋒折

李晟諸軍復上京

許欽明

米醬還須墨一枝  
東兵選將夜昏時  
靈州千古忠魂在  
麥麵豈窮幾介知

李紳李雲

賊臣亂江東抗節有  
二李劉騰書落莫  
沈亞傳入史

唐說

河北強唐弱河北  
弱唐亡一旅興大夏  
千古惟少康

吳武陵

楊岫先生存稿

卷之二

六

霆評電射不終朝  
半世羈魂久未招  
山海尙留猿鳥伴  
至今遺恨寄離騷

新聲

新聲遺恨重堪論  
張谷徒懷一飯恩  
不學當年紅線去  
至今猶自惜芳魂

宋沆  
宋璟曾孫

誰識當年筆策工  
神遊墟墓管聲中也  
知師曠曾占楚  
只聽南風與北風

楊收  
咸通

總角書生識古鍾  
五聲一少論璇宮  
武聲漫作文王操



應笑知音七十翁

辛謙乾符六年又

詩書刀劍濟時雄淮泗援兵第一功  
膂力少年牛折角

嶺南建節更輸忠

鄭畋王鐸中和二年

社稷才當大過時將顛大厦借支持  
中興事業緣誰誤

大半盧攜與令孜

秦宗權保逆陳蔡王鎔專兵鎮陽李昌符抗兵鳳

翔王重榮擅兵蒲陝諸葛爽擁兵孟洛孟方立

控兵刑洛李克用阻兵并代朱全忠瀆兵汴滑

楊弘山先生存稿 卷之二

七

時溥弄兵徐泗朱瑾窮兵齊鄆王敬武握兵淄

青高駢玩兵淮南劉漢宏恃兵浙東王處存結

兵易定李可舉堅兵幽薊光啟元年

方鎮稱兵總不臣宗權保逆最無君細看經世嚴書法

字字分明下得真

廣明元年

廣明年號兆唐亡下分明字著黃丑口去時兼日月

天教巢賊竟亡唐

黃頭軍中和元年

金杯行酒賜都頭誰遣黃頭怨未休天子登樓平亂後

拾遺忠骨在嘉州

高駢呂用之中和二年

誰授先生號白雲玲瓏青石玉皇文院中鸞鶴何時降

幢節相陪列上真

高駢

月滿池中花滿園功成不泛五湖船酒旗終被征旗誤

却笑吹笙便得仙

崔瑕丁柔立

舍人草詔拾遺書得貶甘心世有無回首崖州多下淚

一時義士肯相孤

楊弘山先生存稿 卷之二

六

田令孜陳敬道景福二年

烹鰲巨鼎如滄海斬鯨長劍倚青天不知鐵券如何石

遺臭千年在史籍

朱樸乾寧三年

魏公謝傅表才華渭水商巖列相麻欽望弭兵能活國

豚儒那得拒獮牙

楊涉天佑二年

立朝前後不相侔二子佯狂為避羞只願身家甘負國

六臣同日勒歸休

羅隱梁震唐天佑四年

終古空懷事賊羞侯門孤負五湖遊白衣母祖稱前哲

參議荆南節使謀

韓偓天復三年

濮王不利利輝王天子還宮召致光終作濮州司馬去

不知何事佐緇郎

張登

求居寄別與懷人證相諸篇筆有神可惜姚姁猶未見

夜光明月竟沈淪

蘇循敬翔等天祐四年

鴟鴞何事誚鴟鴞未論新朝與舊朝千載惡聲還作孽

楊弘先生存稿卷之二

春秋斧鉞總難逃

司空圖

臂鷹手送佛燈錢孤負烏紗頂上天便欲借騎珠樹鶴

藥鑪碁局自年年

司空圖論詩

今古文難詩更難須於味外辨鹹酸紛紛作者應誰似

裂月撈霆琢肺肝

司空圖讀史有感

春風堪賞亦堪嗟纔見開花便落花可惜佳人空折得

不知春色到隣家

司空圖天祐二年

王官谷口舊郎官墮笏天階得放還高節獨居韓偓右

蔡邕周勃未能班

司空圖

渡江飄落十年間借笏朝參五十三試讀休休亭上記

二疏四皓合歸山

宋令詢

五代干戈日戰爭君臣大義竟何人死生不負唐新主

只有磁州宋令詢

王仁裕

楊弘先生存稿卷之二

黃鑠聞奏失和聲知有爭機在禁門肺腸夢滌江西水

沙石分明篆籀文

馮道王浦周顯德元年

笑讀瀛公長樂敘頗似祁公自問詩初進四朝誰相得

欠周一死幾人知

二卒見五代史長從簡傳

匹夫懷璧漫招尤玉帶誰知啟寇讎翼缺夫妻今易得

踰垣二卒古難求

鄭昭淳同光三年

朱鬢白馬遠求昏好學能文有鄭淳遊宴賦詩誰得似



增城縣主入雲南

王凝妻

五代紛紛傳雜臣可憐死節只三人誰知斷臂王家婦  
不說男兒七尺身

契丹行入閣禮

入閣非衙也作衙朝儀從此變唐家五代紛紛何足論  
誰教耶律入京華

易學發蒙太祖召問陳搏

重離先畫畫明夷二百年間掌上推青史不書徵召事  
六爻問對盡堪疑

楊山先生存稿卷之二

陳搏龍圖序

天散龍圖顯示人義皇合用已如神仲尼九卦三陳後  
默會應知有幾人

雅樂 建隆元年

雅樂新裁自建隆咸平皇佑定誰從崇寧又變元豐制  
應待淳熙蔡季通

平蜀 乾德元年

新年餘慶入成都嘉節長春誕育初偽蜀自當歸聖主  
天教詩識上桃符

平江南 開寶七年

命將南征賜處分實封文字付齒彬歸來納上親開示  
神武機權迴絕倫

柳開

都汴何如都洛陽山河形勝獨長安待收靈夏并燕薊  
民力他年恐亦殫

柳開

六籍篇亡欲捕亡河汾事業畧相當試看范杲諸文賦  
嘆息斯文似董常

盧多遜 太平興國七年

流落朱崖未必冤誰教小子毀元勳子牟魏闕心常在  
楊山先生存稿卷之二

無復班超入玉門

薛居正沈倫盧多遜宋琪

賊擒千僧活民飢百萬廩多中竟投荒守道俱登哀非  
幸非不幸機括誰能省

張詠 雍熙四年

鄉書首薦讓張覃列傳惟應請崔光歌舞筵中忙救火  
圖南當日有詩章

彗星 端拱二年

彗星出井會南郊天變安能一夕銷循省虛文徒廢祀  
元勳魏國

葉齊端拱二年

九十九人已無葉猶擊登聞鼓白列一葉落知天下秋  
三十一人先得捷

李助呂蒙正張齊賢賈黃中

多遜毀不校張紳汚不辨同列累不言士人多密薦卓  
哉四宰輔青史堪同傳

种放淳化三年

退居稱病樂巖耕退跡還應更退名誰遣聲名動天關

希夷早已識先生

辛怡顯淳化五年

楊弘先存稿卷之二

千載猶懷諸葛公渡瀘遺命一金龍殷勤節度書相逐

七戰分明記舊蹤

錢若水至道元年

何日拂衣歸華山飄然勇退急流間也知自是辭樞密

強擬求聞未得聞

槐花犬至道三年

白魚赤鴈只尋常桃花馴犬戀先皇不登寶錄徵浮俗

空作歌詩負李郎

宋真

夢裏來和瞻御像禁中赤脚驗仙蹤赫赫天書兼帝號

紛紛西祀與東封

東封大中祥符二年

郊廟君臣齋戒同臣董君疏笑東封不欺惟有馬知節  
圖瑞紛紛獻九重

漳州進珠大中祥符六年

大珠中有小珠明七顆渾如七曜形蛇口蚌胎何足異  
月華星彩照天庭

李立遵大中祥符八年

贊普我王位號尊論通屢表欲為恩宋廷持議援恩例  
節度西蕃保順軍

楊弘先存稿卷之二

眇迴天禧

學道工夫晚歲成耳中聲與陸間形一堂凝寂何人到  
獨坐蕭然養性靈

許希

針工猶自念醫師扁鵲封侯得立祠堪笑李斯居相位  
焚書那復問宣尼

寇準天聖元年

二黜元非出帝心公安兩度竹枝生誰言也似盧多遜  
曾與皇家致太平

金土天聖五年又載天文類



金星晝見上留參天意分明告戒深日官希旨司天直

御史忠言拂帝心

李照揚傑魏漢津樂

景祐歌工歌不成鑄工銅齊減稍清元豐大晟重更定

誰識工師暗任情

王向記客言康定元年

廟堂用兵輕任使中人監軍敗邊事將佐失身還贈官

郭應元孫俱不死

練氏章得象之高祖母節公申公皆其後也

反旗二將免屠城義感仁驥肯獨生幾代兒孫登將相

楊弘山先生存稿卷之二

皇天上帝限分明

元昊請和慶歷三年

不和害少害和多底事當時急欲和獨有歐公伸大議

試看三說竟如何

靈鳥賦慶歷三年

都官當日賦靈鳥碧雲駮更著書無范老靈鳥還屬和

同歸感物却殊塗

于拱辰慶曆四年

一網諸賢俱打盡一時諸老更難留誰憐朋黨空人國

獨惜科名作狀頭

包拯

論罷方平又罷祁三司借問更誰官包老不之關節到

整冠納履似嫌疑

三等慶曆四年

黨分邪正正邪間三等分明為辨奸宋又似唐遷似淡

知人千古放勳難

石介慶曆五年

大學博士作頌時大小先生知禍機提刑不言當發塚

妻子羈管安能歸

張濟錄慶曆七年

楊弘山先生存稿卷之二

元鼎鴻嘉遣使臣詔書惻惻為飢民當時守令孤天子

誰似青州賈濟勤

呂夷簡夏竦

丞相之語尚可遲參政之言不可違張禹復生林甫出

一時朝野任嘲譏

錢鄧州

古來幣帛禮神祇末俗紛紜只自欺舉世何人能獨立

不燒楮織絕羣疑

范馬論樂皇祐二年

景仁君實本同心鍾律相爭竟未半巧拙秦豈分勝負

古來難定是元聲

宋皇祐漏刻見律曆志又載天文

上渴烏流下渴烏均調水勢入蓮壺四十平八箭分升降昏曉中星次第書

宋宮漏見志又載天文

夜漏五點傳自古五五相遞二十五誰知宮漏有六更

暗把庚申如漏數

賈昌朝景祐元年

韋路諸經撰法言宣公持此望文元崇政說書居第一

邇英將相侍經筵

楊弘先生存稿卷之二

毛

滕宗諒

宗諒有罪富公懼杜公不留范公去安能彼此兩不違天子之法吾何與

宋白蘇易簡歐陽修王珪

宋老魯為尺木附蘇公今是青雲友王公喜賜黃金帶

歐老俄為白頭叟

唐史

歐宋當年總擅名唐書紀傳兩家成景文表

人見

六一春秋學更精

五代史

五十餘年史更修歐陽書法本春秋可憐不說韓陸限

一死何人不欠周

仁宗至和二年

恭默焦勞有所思天心惟有侍臣知廟堂一日登文富

却慮賢于夢卜時

劉敞至和二年

來往虛危識歲星山川明習愧遠人立馬紫微將下直

一揮九制演絲綸

孔道輔

殿中奮笏擊蛇頭正氣稜稜鬼魅愁白日青天千古獨

楊弘先生存稿卷之二

毛

狂瀾誰復障東流

特磨

農家種與羅家收收得東南十二州留下特磨遺種在

立牌山上有高樓

狄青嘉祐元年

漢似胡兒胡似漢只在河汾川子畔誰將君羨比忠襄

陳州出判嗟良翰

邵堯夫

經世書成手自封子雲後世儻相逢一丸留待人問弄

誰解鞭霆與駕風



郭雍

乾本四德為一德立天之道陰與陽坤本四德為一德立地之道柔與剛乾兩君德無兩君坤兩臣德無兩臣

刑房

日昃憂勤食不遑魚麗平安樂頌洋洋君王賦命皆天定識緯云云恐未當

宋祁嘉祐四年

宴罷編摩夜未眠隔簾紅燭大如椽翠娥和墨分神紙那園分明見洞仙

蔡襄

楊弘先生存稿卷之二

元

密雲龍與瑞雲龍大小龍團入禁中誰信端明真學士貞茶也與黃花同

館職治平三年

館職年來都不試士人抱槧望登瀛室蘭清資兼禁從何須為監更為卿

錢公輔司馬光治平元年

樞密新除一上章滁州團練出錢郎陝西義勇章類上求罷不從司馬光

李師中熙寧三年

包公參政竟何為白眼王敦是亂基不附平戎二策議

秦州經畧獨先機

諸賢熙寧四年

范鎮六十三呂誨五十八歐陽六十五富弼六十八司馬與王陶五十皆求罷

新法熙寧七年

傳法沙門護法神紛紛殊未識經綸誰知欹枕看兒戲翰與林間高卧人

呂惠卿

九金聚粹圖魁魅孤劍埋光負斗牛東土幾時歸赤烏崇山何日放驪兜

楊弘先生存稿卷之二

辛

潘良能游操沈介洪适紹興十三年韓維陳繹元絳鄧綰楊繪熙寧中

四祕書共泛瀛洲五學士同總綸綉四珠樹映五朵雲一時佳話何人續

五部王贍王厚

熙寧紹聖喜開邊直到宣和更議燕臭怪靖康終誤國宋家從此失中原

渾儀又載天文

省賦蘇公冠本場遂窮曆學步穹蒼渾儀制作高千古巧思猶傳部史張廉士

蘇頌製儀象又載天文

上儀中象下司辰激水藏機自轉輪時至刻臨星度出  
晦明晝夜驗如神

元絳寧熙

虛傳橫水明光甲危事雲中赤白囊從此文章動天意

玉堂學士召仙郎

河決元豐四年

辛酉陽明紀涸流大河復決到瀛州若從伯鯨陘洪水

洪範何時錫九疇

資治通鑑元豐七年

楊弘先生存稿卷之二

開局成書十九年勝之曾閱一終篇諸君纔讀還思睡

精力誰知盡此間

三墳元豐七年

孔筆刪書已不存二千年後見三墳連山未免疑劉炫

及深先生費討論

趙抃

子順清兼獻子賢鄭僑叔向幾人全平生檢點知何事

只有焚香夜告天

王令道旁父老言

十羊求牧九皮歸小子惟知怨歲飢借問老翁投杖意

未知誰作太平基

宋守約

入夏輪兵日接蟬軍中號令此為先也知殿帥真難犯  
不遣蟬聲到耳邊

嘲晁以道

六六峯前只一家又携猿鶴到京華故山巖壑增惆悵  
借問何人更作牙

韓玉汝

閨中一曲忽流傳誰為吹噓送上天卷耳東山無限意  
邊庭明月共娟娟

楊弘先生存稿卷之二

馬正卿

馬正卿作太學吏諸生不喜博士忌一聞子美秋雨嘆  
即日辭官不復出

詔求直言元豐八年

詔開言路傍朝堂六語何人為設防賴有溫公尋改詔  
一時封事上千章

譙定

師友淵源自落中譙巖門下幾人從對勉之胡憲稱  
時行張行成翁篋叟俱精易誰識三陽未濟窮

鄧孝甫



山中宰相虛有才文昌先生虛有詞獨抱伊周平素縵

同羈封明范中黨人碑

孔叵

玄圖壁上轉回斜外列方州與部家虛却規中元有意

寂然不動渾無涯

富呂聽法

擬把表公起富公公還自笑已龍鍾貪佛一時隨悔叔

開堂說法聽修願

張懷素

曾諫仲尼誅正卯又觀楚漢戰成泉飛禽走獸能呼遣

楊弘先生存稿卷之二

蔡十虛誇道術高

四星元祐紹聖元符

室壁靈臺四出星星官元不識星經諸賢放逐章惇相

漫把禎祥奏帝廷

劉翥元祐六年

休復他時尙可期永州佳處也相宜誰將復辟生讒語

貝錦南箕巧中奇

內中車子

王母當年欣上壽宓妃王女輟從班內中車子今爭道

得在鈞陳豹尾間

同文館獄元符元年

大防當國如司馬嘉彥之兄是粉昆快意眇躬爲及甫

一時此意向誰論按馬日粉昆故兄日粉昆

李階崇寧二年

集英策士選倫魁第一南宮是李階誰道黨人輕棄置

安家兄弟擢英才

九鼎崇寧五年

鼎成帝獻九成宮水土隨方納鼎中寶鼎忽然驚水漏

北方誰解辨燕雄

黨人碑崇寧五年

楊弘先生存稿卷之二

朝望重定黨人碑半夜黃門忽奮椎不是書星天告變

直言誰肯聽劉達

李復崇寧

奏罷河舟五百艘更罷戰車三百兩萬卷書樓聊一讀

五言長城屹千丈

尊堯集政和元年

四明辛苦集尊堯前後分明六十條介甫私書留日錄

了翁辨論入秋毫

元圭政和二年

模糊金石已難分雲氣旁橫篆籀文誰道元圭天錫禹

蔡京妄誕敢欺君

林靈素政和六年

長生大帝下人間八百仙官列從班左元仙伯文華使

褚慧安妃內外官

朱勝非

老火未退稚金征炎涼勝負變陰晴紛紛桃李春過眼

奈久黃花晚自榮

李彥

劉向楊雄果孰優子瞻文字冠羣流一章登第緣方叔

誰道明珠是暗投

楊弘先生存稿卷之二

鳴鑿堂宣和元年

家人上壽肯從酬稚子牽衣為挽留小輦輕車幾臨幸

鳴鑿堂上紀皇休

梁師成

從府先生隱相家蒼蠅無數集于瓜幾時六賊同傳旨

下噉噉正怨嗟

卮字

幾見胸前卮字開珠林漫說是如來奸臣朽骨真相似

造化生成未易猜蔡

童貫宣和三年

在廷空點宰臣班入內旋看易窄衫賤役可堪當體貌

穹階尤進太師銜

民獄宣和四年

排空良獄產金芝萬壑千巖獻秀奇金碧樓臺在雲表

東南花石萬民脂

蔡攸宣和四年

駭童何事敢佳兵功業爭看唾手成歸來不說黃金印

欲問君王覓二嬪

平濼營三州宣和四年

請關羅列護燕山關內諸州已復還獨有平濼營未得

楊弘先生存稿卷之二

却教狂虜作兵端

陳瓘

試問當今濟世八了齋忠亮更無倫辨姦抗疏真先見

責沈貽文啟後昆

陳師道

卽榻蒙頭思入冥忍貧忍欲是平生不爭虛駱迫陶謝

峭峭霜中玉萬莖

紇石烈良弼

日光旦暮應東西觀象占天恐不稽四海太陽同一照

豈分夏國與高麗



女真退師元康

邀擊臨河竟付空 讓歸出境漫承風 二三朝論真兒戲

東省西樞故不同

詳議司元康

講議司如條例司 更開詳議亦知之 紛紛制作兼新法

况復艱難欲濟時

孫翊折可求元康

兩師并力擣雲中 粘罕還應顧大同 可惜不知孫臏策

走梁爭取救韓功

歐陽珣元康

楊忠先生存稿 卷之二

致命登車羨解揚 狄山乘障出張湯 不知何地埋忠骨

千古祠堂記有光

欲持寸鐵爭排圍 兩戒河山詎容割 救月之矢救日弓

力胡能及心難還

孫傳元康

欲散千金計不成 請從東駕赴青城 託孤大節終當死

抗虜英魂凜若生

秦檜元康 用正韻

力辭三鎮割兵機 四事陳倡和甘誤 國恢復沮行軍共

薦因游酢移書獨尹焞 全家還白虜 一策竟無聞一德

推元老羣邪驟率臣 金營傳草檄政府 代彈文喜雪開

筵日妖星示變辰 論功存趙氏 學術禁程門 祥瑞丹青

繪中興賦頌頻 戮孽連大獄 逐客眾冤魂 史筆專憑子

肩輿並掖孫安然 疑九錫 兼為請金根 陰險深崖穿包

藏祕鬼神潛光心 黨李商 隱意輕秦寧 知漢社稷修作

莽乾坤趙鼎名 書閣施全而 磔身帝前 惟出涕死後欲

希恩祖述猶餘黨 崇好尙幾人 謚追更謬醜 爵奪復封

申誅心難盡法極惡擬誰倫

張魏公德遠與韓魏公 事類同

苗劉刺客入堂中 賞格空懷報魏公 翼日斬囚狗幕下

楊忠先生存稿 卷之二

一時大畧許誰同

許瓊許永

子年七十五父三 九十九長兄八十一 次兄七十九 特

授鄆城令寵賜黃耆

宗澤建炎 二年

乘時奮把魯陽戈 易箆連呼欲渡河 恨殺奸臣甘誤國

英雄千古淚滂沱

張浚紹興 七年

節制延儀免異同 縱橫法正獨相容 試將忠武方忠獻

青史誰家論最公



水門紹興十年

樂平二水鬪杉墩虹雉雷聲勢未分千古異常如穀治  
宋家君相幾會聞

計氏張浚母紹興十五年

慧星抗疏欲回天鶴髮高堂范母賢一誦先朝廷對策  
連州萬里竟南遷

趙鼎紹興十六年

中興相業更誰過國是紛爭在戰和白首丹心瀕九死  
身騎箕尾氣山河

魏星紹興十九年又見咏漢之建安二十四年謹按前

楊弘先生存稿卷之二

指操此指檜均不可缺

魏星曾出建安中天意分明在魏公誰識紹興今又出  
檜奸真與操奸同

和議

不信且亦信其然豈其然道南長慮尊中國暫急解倒

懸折和議須先備詢藝二十篇張行

岳州紹興二十一年

頂氏曾聞賜姓劉岳州今見改純州武穆駐軍元在鄂  
嫌名何用苦相讎

交子紹興二十一年

朱墨兼藍六印分四圖俱飾五花紋紅團印尤殊樣  
更把先民故事論

陳康伯紹興三十一年

江左偷安二十年新亭誰泣望中原回天忽下親征詔  
獨喜萊公策萬全

辛棄疾紹興三十二年

筆任當年喜遇離東平書記勸南歸一登密院遷龍閣  
回首雲山遂拂衣

劉后村釋陸放翁沈園詩揚誠齋詩

舊池老柳沈園荒竹實桐花笑鳳凰惟有后村能會得

楊弘先生存稿卷之二

國風千古幾篇章

月食慶元三年二月三月望俱月食十月二十日

十二月十七日夜又載天文

一年七食更非常羅計當交掩月光連日何曾拘望夜

星官一一費推詳

王鬱趙復嘉熙二年

論文韓柳獨名家析理程張泳聖涯河朔百年蘇氏學  
一朝濂洛見中華

李頌忠淳熙五年

遨遊三國幾多年萬死來歸節更堅大志未酬遺表在



老天何日復中原

胡宿

學貫天人幾抗章立朝大節更堂堂湯施陰報知何德  
揚子江頭拯溺忙

曾誕

玉山主人對客問或比昌黎爭臣論志完可惜迷先幾  
廉頑立懦清之型

趙蕃

老去須防未路難難齊老子獨盤桓典刑文獻誰兼似  
千古歸德有玉山

楊弘山先生稿

卷之二

聖

角端素聖十五年又見地志

碣石城西見角端分明天遣大軍還西印度非東印度  
鐵門關豈石門關

理宗景定五年

金華進講只虛談聖學源淵未必探九廟丘墟緣底事  
空傳濂洛到江南

太學生咸淳八年

太學餐錢費水衡科場恩例濫題名扣閣上書甘媚竈  
登臺投卷笑明經

青城紹定五年

金人俘宋入青城蒙古俘金入舊營百六年間無此事

誰知天報最分明

崔與之瑞平三年

海上澄清錄一通揚州彈壓到山東四蜀五年平定後  
相麻懸待菊坡翁

趙卯發德祐元年

夫妻節義喜成雙誰道從容就義難忍氣填膺瞪目視  
不知都統是何官

趙復字仁甫元史

家殘國破敢逃生解髮叫天夜月明姚許儒宗名一代  
楊弘山先生存稿

卷之二

聖

程朱正學在諸經

文文山

集杜二百首如自肺腑出千古性情同甫作天祥述

陳文龍景炎元年

節義文章滿腹中男兒到此是英雄笑殺夢炎顏甲厚  
交山地下喜相從

陸秀夫祥興二年

大星墜海小星隨無地從龍次日飛萬古厓山忠義騰  
夜騎箕斗共爭輝

全人張世傑祥興二年

匡山山下復收兵欲入安南竟不成爲取薺香卜天意  
大風特爲覆南溟

楊載 延祐二年

取材漢魏遺風雅音節宗唐溥六朝子美熟精文選理  
何當重定首離騷

有子子張 咸淳三年

有若當年似聖人咸淳十哲補顛孫誰從孝弟支離語  
千古丹青在魯論

十等 德祐二年

人物江南幾等殊八娼十丐九爲儒大元制典誰能諱

楊弘先生存稿 卷之二

望

賴有瓊山特筆書

紀異 景炎元年 祥興元年 又見天文

日中黑子盪光輝三日江潮又失期星隕廣南天上門

天星陸海小星隨

緣督先生 趙敏字子公或曰名友欽鄱陽人 又見天文

革象新書善步天芝山酒肆過神仙異法無人得

獨注義經數萬言

溟滓生 又載皇極經世

算起聲音在畫前百年溟滓學先天著書十萬餘言在

只謂同徵傳立傳

元世祖 至元初至十八年

黃籙年年啟玉宮赤章夜夜奏金龍一茅壘上丹臺近

龍虎山中紫氣重

伯顏 德祐元年

相加一矢便屠城留得常州只七人築壘煎膏那忍說

伯顏安得比曹彬

趙璧 至元十年

平生一身都是膽帝亦爲握兩手汗十車驚死萬戶劉

不讓當年真鐵漢

郭守敬 至元十年

楊弘先生存稿 卷之二

望

七儀之外更三圖闕几還先有景符測驗幾人窮四極

夜時曆法古來無

海運 至元十年

元人海運自唐朝一片雲帆徑渡遼北極風濤高萬里

東吳航稻幾千艘

會通河 至元二十年

汴水隋開待宋人會河元鑿待皇明也知天意非無爲

百萬漕舟達帝京

劉因 至元三十年

商嶺初聞四皓迴漢廷猶望兩生來傷周詞賦追南鏡



斥老文章寓退齋

留夢炎葉李元貞元年

宰相立朝阿似道布衣末路附桑哥可憐往事那堪說

欲報皇元奈若何

趙孟頫至治二年

借問人間有意無文章經濟欲何如退藏只合蝸廬卧

射雉猶嫌夜讀書

元明善虞集至治二年

復初經學伯生文二子風流天下聞自飲董公卮酒後

一時交好復平生

楊弘先生存稿卷之二

四家詩范德機楊仲弘揚曼碩虞伯生

唐臨晉帖獨師王健兒百戰更難當新婦靚妝三日豔

漢庭老吏是張湯

許有士

託交方外有因閉相贈雲林小影還終日畫圖相對笑

一時幽興滿湖山

虞集馬祖常至順四年

張耳陳餘勿頸交一朝仇敵不相饒中丞獨被奎章薦

却為龔黃怨未消

大理傳又見地志

大理傳如南詔傳宋人未辨大理唐人辨南詔春秋大義在綱常萬古日星容易見

楊維禎

萬卷書樓起鐵崖白頭不下小蓬臺玉光劍氣終難掩

正統文章太史才

常中孚

巡檢俄登吏部郎黃金補玉訝非常深宮召試防人見

眞賜還多出尙方

補遺

唐戰士

楊弘先生存稿卷之二

唐兵十萬舊殘魂風雨瀟瀟暗白門無祀千年今有祀

一朝枯骨益荷恩

宋沈

窰堵無風鐸自搖編鍾姑洗認前朝度支車下鈴相應

千古知音更寂寥

鵝闕

斯膾鮮鱗獨可人胡瓜椒葑細調勻金盞玉筋空飛闕

更把瓢笙勸酒巡

潘興嗣

作尉歸來懶折腰徜徉山水自逍遙瑞州召命何曾赴

千古清風宛似陶

秦人無黨

三黨憑誰七等分諸賢流落嶺南雲可憐秦蜀元非黨  
江海冤魂有二君

陳伯玉

陽宣客邸會紛如擲碎胡琴有意無百軸高文相贈遍  
聲華一日滿京都

晁公慤

身與萬物有不有心與太虛無不無日誦金剛經數過  
幾人能會得真如

楊弘山先生存稿

卷之二

三

任文公

任文公知號無雙石笋俄驚折武擔料得西州幾高士  
只應爲我更誰堪

大理國

政和七年

又見地志

天統如天覆萬方蠻夷誰許錯相干後來史筆知何似  
吳楚稱王總未刊

叢祠鬼恨古來傳僭號于今六百年掩卷幾番成太息  
漫郎癡語在殘編

漁父

竹竿簞簞水泚泚貪餌吞鈎樂未休誰識先生真有道

非夷非惠足忘憂

諸酋

滿會王大酋猛可不卽傳可都留三部入寇無時休  
把蒼罕奈者部領哈喇噴失喇台吉者亦領哈速營俱  
在宣大外入寇時從橫

古囊今巨魁舊屬亦不喇奄蒼兒不孩舊屬少節下入  
寇據套中乘冰渡人馬

瓦刺黑水外西域爲比隣連虜亦不刺遁跡青海濱乘  
機亦入寇西北多風塵

北有亦克罕東受降城外一部分五營入寇憂方大近  
楊弘山先生存稿

卷之二

四

有兀良哈舊屬小王子自從歸天朝狼心時或起結媼  
連迤北挾心鬻邊鄙

楊弘山先生存稿卷之二終



楊弘山先生存稿卷之三

雲南叢書集部卷之三

太和楊士雲訪出書

太和李元陽瑯琊雜錄

天文曆志

星禽

四禽衍作四七禽三三兩兩分淺深總是日月五行精

陰陽變化無常形

牽牛建星見律曆志

牽牛為宿自何年丁丑元封改曆元古宿建星知幾度

都關日月屬離纏

楊弘山先生存稿卷之三

弧星建星見月令

弧建星中定日昏須知井斗度難分建居斗上弧連井

借取旁星替正星

八穀

八穀焚焚列紫宮五車三柱透西東萬家濟濟塗高廩

壺酒豚蹄報歲豐

樽簋缶

辰在丑上值斗斗上建星似簋建上弁星如缶玉臣出

會諸侯主國樽簋缶酒

五星

察日月行揆歲星察剛罰氣處焚惑曆斗之位定垣

察日之行處太白欲治辰星察日辰五常得失恒占國

日食元祐九年

祖禹疏不報楊畏疏尋入日食雲霧昏天人交感疾

日食

嘉靖乙巳年五月壬戌朔日中見斗沫地上喧鼓角聞

道烏鴉翻翻被蝦蟆啄安得弋妖邪髮然洗昏濁

日食

月為黑陰宗所以配太陽下上同照臨萬象蒙輝光于

里表厥景萬里配厥行晦朔正終始弦望分中央循軌

楊弘山先生存稿卷之三

乃其常相犯則匪滅云胡一月間彼此兩見我昔在參

之墟今在斗之傍我笑既屢挾我弓亦屢張兵麾森烈

烈金鼓聲皇皇乾坤似反側刻漏徒悠揚人事有感召

天道斯昭彰春秋謹書法後史宜更詳載誦 激

烈興衷腸

月食

聞有暗虛圖云出張平子羅侯與計都正是交中始

昔日韓昌黎曾效玉川子今日犁眉公一鬼亦如此

月食

月上地之中日居地之下地影隔日光月食知多寡



月食八月十四日

月離斗十七日纏并廿三鶉首與星紀東北當西南

月食慶元三年二月望七月望俱月食三月廿二日

月十七夜十又見咏史題解內無七月字作二

八夜俱食甚

月三月望俱云方合七食數

一年七食更非常羅計當交掩月光連日何曾拘望夜

星官一一費推詳

日中照子盪光輝三日江湖又失期星隕廣南天上門

大星墜海小星隨

楊忠先生存稿卷之三

月食

大梁大火次中天氏度離交昴度離食甚轉看還食既

玉川當日有詩篇

月食十五日

四月丁酉月離氏十月癸巳月離胃冬夏之初兩入交

須求羅計二餘氣

三月十六日月食計胃和氏一度

去夏食氏冬食胃今春食氏加食既太陰行度自有常

天象告人豈無意

青道半交黃道東月離春入氏星中日躔黃道知何處

胃宿西方正值衝

七月四日丁丑酉刻金星與月相去五寸許星少

西上月少東下俄而雲起不見謹識之

太白新秋逼太陰片雲遮處恐相侵欲知分野當辰次

一點煌煌月戴金占書云月戴金星

九月十六日月食在離胃羅躔

陰雨何由見太陰夜寒鼓溼漏沈沈胃宮空望蟾蜍影

弓矢徒勞救護心

九月十六日望月食月離奎羅十五

日月今年兩食奎誰教羅躔掩光暉無形有度名天首

楊忠先生存稿卷之三

千古臺官子細推

月食辛亥正月十六日

日躔室三度月離翼三度天尾在翼宮正值入交處

寧宗慶元四年九月月食

太史月食書草澤月食夜大史天文學乃在草澤下

正十六望夜月食

去年翼三度今年張十度張在燈火看元宵太陰蝕南陸天

張在

壬子七月十五日月食

日躔張初度月離虛六度天首在虛宮正值暗虛處



元史太陰履犯昴彗亦出昴

太陰犯昴彗星生掃蕩腥風四海清日月當天開大統  
乾坤萬象應皇明

太陰

太陰入氏失常行東魄殘光掩小星鷄正三號更五點  
霜風吹鬢鬪星經

大辰昭公十又見咏史

辰見天漢西亭出辰西東祥麟占壬午四國火災同

大辰非心星沴氣作亭形流火冬不見角宿日前明見

書神書黃濁玉引王貫道之言

楊弘治卷之三

五

梓慎神籠又見咏史

歲在星紀淫玄枵蛇乘龍兮宋鄭耗聲平歲棄星紀玄枵

旅害鳥宿兮惡周楚

太歲在辰歲在亥亥次娥背歲當在歲在星紀太歲辰

長歷何人問元愷

太歲左行歲星右一紀周天常作偶班馬于今有異同

甘石太初誰細究

金土天聖五年又見咏史

金星晝見土留參天意分明告戒深日官希旨司天首

御史忠言拂帝心

太白二

十一月當十二日金星晨入氏星中靈臺明日書雲瑞  
太陰應相奏九重

二十五日

日高太白獨燭耀近午侵離抗太陽借問清朝太史局  
未知何日奏明光

十一日

金星晝見復經天木火繼房土亦連欲識水星今日次

斗邊尺太陽前

金星漢書上詔曉日歲時金星九月四日考宋史天文志有星太府月食星太白八月月食辰

楊弘治卷之三

六

星辰星入月之市而上記與史所書未及詳考也因漫識於此以俟再考

丙午閏五月金星入月中當左角一尺煌煌太陰宮偽

史相變異國史將無同左

隋志

月旁二十五星名五色方雲應五星風角雜星尚書在

似分六十律宮聲

張寶張胃開皇十七年

主事至日駭初長先後參差較二張八百年當差一日

舍人謾道應隋皇

又寄李中谿又見五古

交限當黃道行宮到實沈羣龍乾六位贏豕始初陰玉  
兔明東井金烏暗白參五星如禦侮何物敢相侵

天度

天事本無度曆家因寓數三百六十五二十八宿布星  
度有間狹日躔隨測步匪直目力觀亦由心妙悟壺漏  
分氣候儀象更新故安得張平子制作神明如

日曆

秋分至春分行百八十度春分至秋分百七十六度二  
十四氣中損益率有數

月曆

楊弘先存稿卷之三 七  
入道絡黃道表裏求交術入十三日出出十三日入逢  
交有淺深是謂辰弗輯

月行

月行有遲疾似遲日十二度算極疾日十四度半遲漸  
疾疾漸遲廿七日半一終時月行帶黃道十三日奇黃  
道表十三日奇黃道裡表裏去黃道極遠六度止廿七  
日奇一終始

月食

缺文

九道

缺文

日月述

缺文

合朔

缺文

交道

缺文

出辰戌入丑未

辰星

晨雨水後立夏前夕處暑後霜降前惟有四氣內不見

楊弘先存稿卷之三 八

喜與四星相周旋

昏中星

角亢氏房心尾箕午未申月中星移斗牛女虛危室壁

酉戌亥月中星歷奎婁胃昂畢觜參子丑寅月中星臨

井鬼柳星張翼軫卯辰巳月中星炯

盈虛

六盈日各七十二六虛日各六十三盈日七分虛日八

一年間數此中函

沒滅

六盈與六虛間法傳自古五沒與六滅近曆亦何祖三



百六十交五分沒日數三百八十四六分減日數沒日七分求減日八分取氣盈朔虛滋朔虛氣盈補九八九七間沒減居其所八七七八合盈闕為三五體用數不同去存各有主珍重無名公為我重觀續

章會統元 一章閏分盡一會月食盡一統朔分盡一元六甲盡

二十七章名一會八十一章名一統九會三統名一元六甲運行申季 孟上聲

曆法

甲子至甲辰甲辰至甲申甲申還甲子章會統元分元有三統統三會會二十七章章一十九歲會五百一十

楊忠先生存稿 卷之三

九

三歲統八十一章千五百三十九歲元二百四十三章四千六百十七歲一章閏分盡一會月蝕盡一統朔分盡一元六甲盡又三之而萬有三千八百五十一歲而十二辰盡太初額項曆皆應

至日

歲差年限幾人知星火牽牛細算思六曆于今都不應日躔黃道有參差

今年亥至明年巳歲遷六日終復始一陽動處見天心不違惟稱顏氏子

至日彤廷合八能黃鍾聲應樂均清試看長晷懸輕炭

一畫微陽地下生

曆法

日差黃道與俱差夏短冬長不必嗟神聖裁成隨世出古今曆法幾多家

一月易一位一時易一方天度運有常冬真必致日春秋必致月四時氣自別

日晷

日行地上疾四十一刻漏聲急日行地下遲五十九刻漏聲隨日短晷長丈三尺歲占美惡二曜食

晷影 張衡鄭陸績等皆以影何止天以六百五千里差一寸公孫

楊忠先生存稿 卷之三

十

崇以二百五十里差一寸

立表馮圭測短長須知風雨更陰陽誰言一寸差千里丹穴空桐子細量

漏刻 古今漏刻皆百哀帝時改為一百二十梁武又為四帝改為九十六又改為一百八十簡四十一

書夜循環命掣壺隨天增減漸乘除九十六刻猶餘四分入初初與太初

渾儀 熙寧元年

省賦蘇公冠本場遂窮曆學步宮蒼渾儀制作高千古巧思猶傳部史張廉士



古漏刻

夜天池入日天池平萬分壺 遞入之水海滿時浮筒出  
分明百刻報人知

宋皇作漏刻見律曆志

上渴烏流下渴烏均調水勢入蓮壺四十平入箭分

升降昏曉中星次第書

宋宮漏見五行志

夜漏五點傳自古五五相遞二十五誰知宮漏有六更

暗把庚申如漏數

蘇頌製儀象

楊弘先生存稿卷之三

上儀中象下司辰激水藏機自轉輪時至刻臨星度出

晦明晝夜驗如神

太初元年冬十月

一年周而四時成漢曆更秦復夏正丁丑轉多冬一季

春秋史筆合議評

太初曆

丁丑分明起曆元曆書選載甲寅年慈湖自昔譏班固

朱老于今識馬遷

熹平曆

熹平歲在甲寅年冬至天先曆後天乙亥夜為丁丑日

隱居算術已無傳

曆元亦可用庚申光冕何須易甲寅三府儒林同奉詔

蔡邕曆議冠諸人

南北朝閏

置閏歸餘異見閩國書南北自紛紜古今長曆推劉更

通鑑編年仔細論

承元曆

太初新曆本相通三百年來漸不同合朔紛紛爭晦朔

誰能飛步太虛中

開元正曆

楊弘先生存稿卷之三

三百有四歲八元一運起七百又六十倍運為一軌千

有五百二十歲為天地出符四千五百六十歲為七精

返初自堯凡千五百餘仲尼春秋曆可記迄唐三千四

十年開元大衍曆斯繼古今曆法驗日星重黎羲和凡

幾更燕國緯說本康成五德之數恐不經

元和四分曆

太初曆漸失天行至日分明在斗星差入率半甲五度

四分從此欲施行

閏甲申七政曆正月一日木室初四日火室初一日

初室



天啟周王與宋皇會占五緯聚奎房大明天子中興日  
營室職珠夜夜光

癸酉夜十二月二日

宋老鄱湖夜泊船月明楚客問星纏曾將五緯論辛亥  
只恐金星似昔年

五步靈臺推續宿願異  
十二月十四日

五步參差總在東木星火氏土房宮女金箕水龍蛇次  
為問清朝太史公

秋夜九月十一日

露下天清月未生一天星斗最分明兩河分合東西轉  
楊弘山先生存稿卷之三

萬古璇璣在玉衡

十六夜對月

昨夜月全暗今宵月最明人心原有異天意竟難評  
莫羨占初落簾灰量亦生人皆愛光采我獨玩虛盈漸覺

南箕失應從東壁行是日月在壁五度攜童頻出戶遙指列星

名

己酉年十二月日躔

朔躔星紀晦玄枵日月窮冬兩度交借問幾年如此數

庚寅先後已三遭九年庚寅十一月三日日躔星紀之次六年丁亥

十月初一日日躔太火之次三十日日躔乙酉五月初一日日躔實沈之次三十日日躔丁亥

次

書感

測景何曾識短長斗星先已報輝光杞人自是憂天地  
不覺年來兩鬢霜

偶成

時易正見斗曆難明差閏氣與斗相迎閏正斯曆正  
日甲月子星甲辰子循環無端終而復始

魯齋元康

日月無千里星亦不百里立晷測三光欲正天下紀

洛下關

楊弘山先生存稿卷之三

西

冬至子夜半牽牛一度初日月如合璧五星若連珠  
朔後天三日氣後天四日曆自次初來漸與天相失

信都芳

二十四輪扇測二十四氣一氣一扇動律管相符契

緣督先生趙敬字子公或曰名友欽都陽人

革象新書善步天芝山酒肆遇神仙丹方兵法無人得

獨注義經數萬言

讀律曆志

玉管鳴雙鳳簫韶合九成兩京留故事六代漸新聲  
府當空黑漸臺近水明何時遇神醫洗耳聽咸英



六曆遭秦廢諸家迭代與太初終古意大衍至今稱甲子原三紀陰陽會八能先天經世數寥落竟誰憑

新曆

羲和曆數古來傳洪武新開大統天歲會再逢正化日太陽又轉甲辰年自從顓頊更二統獨有先生冠太玄誰似當時元博士直推差法上元前

乙巳曆

鳳鳥分司後疇人受職初建時因斗極積數衍河圖六甲流年轉羣星附日書歲當金運主政是厥陰敷白氣瞻方位青陽值閏餘中黃居太乙四綠握靈符大統堯

楊忠先生存稿

卷之三

天闕皇明舜日如帝廷頌正朔春色徧寰區

律聲調嶰谷帝夢入華胥太歲逢荒落黃鍾應厲玄轉

牙分進退積算定盈虛測景憑圭尺觀星驗漏壺江左

推乾象西京讚太初兩輪真合璧五緯信連珠許衡郭

守敬今誰似劉基高翼古獨如璇璣資佐助共仰泰階

符

閏正月

新春逢閏月聖曆喜重正花柳參差發煙雲駘蕩生梧桐一葉小萼莢兩番更嫩警瞻黃道招搖轉玉衡獻桃移令節吹律聽餘聲從此羲和駕遲遲西陸行

新曆

鳳軒轉曆蒼龍丙午年少陰生太羽水運屬玄天次第盈虛數參差十一躔泰階調玉燭萬國共寒暄

秋曆

丁未逢開歲玉寅起建正蒼天新木運少角轉風聲分積餘當閏躔差次又更潛淡不可得誰問五星行

新曆謝馬璞岡方伯

流年紀成申閏正建甲寅太歲今方轉丹天火運新聖祖龍飛日初頒鳳曆辰劉高遺法在玉燭萬方春

立春

楊忠先生存稿

卷之三

正頭臘尾兩逢春一氣循環轉太鈞三百八十有二日卦爻閏月細推論

謝班曆

壬子天開歲壬寅月建正太陽當木運大角轉風聲雲物登臺望星躔下漏更羲和唐帝命千古獨分明

大統皇明曆遙傳夏后正土圭分日景律琯合元聲玄象周天度銅儀歷代更太初重議後差法最難明

庚子新曆

五運五行周六氣六化備支干相加同陰陽交錯異子宮遞巡還十二分躔次日月有盈虛四季自成歲



謝鞠壇先生班曆用前韻

古來存六曆人統冠三正龍轉東方宿鷄號五夜聲攝  
提星軌應車運斗杓更珠璧交輝處清臺紀數明正月  
日月會虛水斗牛火女虛  
危上虛金危虛惟未在井

附

渾天六位

乾統甲壬子衝午坤統乙癸丑未輔震配六庚子午屬  
巽配六辛丑未輔震申屬戊坎得配卯酉屬巳離作對  
六丙配辰辰戌衝六丁配巳亥同

元歲陰陽災

楊山先生存稿 卷之三

七

八元百六初陽九三百七十四陰九四百八十次陽九  
七百二十次陰七七百二十次陽七次六百陰五次六  
百陽五四百八十次陰三四百八十次陽三四千六百  
十七歲四千五百六十歲災歲五十七

納甲

三日震象日出庚八日兌象月見丁十五乾象盈甲壬  
十六巽象日退辛二十二消丙象艮三十減乙癸象坤  
晦夕朔日戊坎水日中則離火就巳戊己上佐象在中  
虞翻納甲備參同

支干

每支五行備行周十二支每干受三行二行尚關之甲  
乙不為木此理誰能知納音與納甲先後天可推

主氣卦位

風木冬春交北東維艮震君火春夏交東南維震巽相  
火正夏時正南方離位濕土夏秋交南西雜坤兌燥金  
秋交西北維兌乾君水正冬時正北方坎焉主氣乃  
定布土居一火後

客氣卦序

地初正氣應子中丑中震地後間氣隨丑申卯中離天  
前間氣會卯中巳中兌天中正氣應己未中乾巽天後  
楊山先生存稿 卷之三

六

間氣感未中西中坎地前間氣應酉中亥中艮地終正  
氣存亥中子中坤客氣乃加臨土二火間行

歲氣始終

子午始燥金卅日禪寒水遞至相火日五六甲子小  
雪後卅日燥金復終此

丑未始寒水卅日禪風木遞至燥金日五六甲子足小  
雪後卅日寒水復終續

寅申起風木卯酉起君火辰戌起溼土巳亥起相火皆  
肇端子半循環無間斷冥契先天義卓哉楊子建

候地動儀 又見五言古



尊中樹都柱八道隱機關蓋密無際躡能測其端  
外環八龍印首銜銅九蟾蜍下張口各各仰面觀地  
丸自吐條忽蟾蜍含一首聲自激七首寂莫干由茲驗  
方面萬里只尺間制作倅造化巧妙絕垂班

建除家

建除滿平日主生定執主陷破主衝成主少德敗火德  
開主太歲閉太陰欲知危日是杓星

補遺

璿樞

璿樞周四七玉瑄載十二三合洞  
分至

楊弘先生存稿 卷之三 六

天心復妄 歙縣人鮑素所著

天心復要近流傳氣朔齊當八十年歲歲氣交常定刻  
諸家曆法不相沿

立春

癸丑臘未盡甲寅春早逢口噤迎斗建雲物望年豐一  
夜花饒發千峯雪半融老來餘興在吟詩倚東風

觀新曆

書新又到九龍池六甲年來自不知六六循環無了日  
白頭呼酒笑題詩

閱七政曆閏九月

九月重逢閏月三喜過七十四重陽幾年九月還逢閏  
更看黃花晚節香

丁未春牛 身色頗異詩以記之

精氣成星宿方隅位丑宮送寒班月令獻瑞表年豐離  
火鴉為首坤裳美在中一鞭春信早萬國勸三農

謝郝石梁憲伯班曆

幹應屆維歲枝當作郵年星移隨玉斗氣轉屬鈞天太  
乙三元數容成六術傳五官承帝命萬彙待陶甄

奉謝司馬顧 溪先生班庚戌曆

歲氣開金運商音屬素天星辰依舊轉日月換新躔七  
楊弘先生存稿 卷之三 二

色占方位餘分值閏年庶徵元不爽調歷自軒轅

烏府新班朔蘭臺小印封一函霜氣重六甲歲華穠莫  
羨堯堦上梧桐舜苑中山間無曆日多謝靜虛翁

立冬

陰陽甲子雨烈烈立冬晨氣應分烏管星纏大火辰衣  
裝綿畏冷酒釀黍迎春歲月隨流水乾坤一病身

戊子十二日立春日夜有白氣一道橫于天自西

至東入于天漢二十二日後漸微而短因書  
西巨天邊東漢旁千尋白練夜流光也知天象關人事  
誰向周廷問保章



五勝輪環運羣 立起宮日行當正化天幹是焉逢小  
大餘應幾盈虛數未窮重黎千古後七政幾番同

穀日

穀日喜天晴熒熒八穀精日華花下暖風色柳邊輕四  
望無雲翳千峯有雪明隣翁笑相慰千此驗秋成

楊弘山先生存稿 卷之三

三

弘山先生存稿卷之三終

楊弘山先生存稿補遺

月

望日在月下月明全體盈弦日在月側月半虧半明晦  
日在月上月死既不生儻飛步大虛弦月如望盈若乘  
凌倒景晦月亦望形

月

西方為坎禮東方配離明哉生震在庚上弦兌在丁甲  
壬乾乃望辛巽始生下弦丙艮象乙癸坤晦形

九道

春秋分五行青白冬至立行朱黑黃道內外分陰陽

楊弘山先生存稿

卷三補遺

三

列宿方陽符氣節

日月述

日月交望前朔食望亦食日月交望後望食朔復食交  
正在朔日食既望不食交正在望日食既朔不食大率  
交之數百七十三日一月兩值交疏密難識更有西  
竺法加以羅計測

合朔

曆法應知合朔難大初平朔是開端元嘉定朔翻成異  
進湖希時笑日官

交道

交道月返一度餘二百四十九交替西天羅計今交道  
日月當之是食期

楊弘山先生存稿

卷三 禮道

三



楊弘山先生存稿卷之四

雲南叢書集部之四

太和楊士雲弘山著

太和李元陽中谿選

律呂

黃鍾之實

一十七萬七千一百四十七數黃鍾歷十二辰未見有餘不足

律呂

元氣子一參三於五參實得九參之於卯得二十七參之於辰得八十一已得二百四十有三午得七百二十

楊弘山先生存稿

卷之四

一

九單未得二千八百八十七申得六千五百六一酉萬九千六百八二戌得五萬九千册九亥十七萬七千一百四十七數陰陽合得化生萬有

黃鍾歷六陽辰寸分釐毫絲數黃鍾歷六陰辰寸分釐毫絲法三歷數生法法生數九歷數自數法自法數與法當細察

陽自下上升未及半屬陰上升已及半屬陽為官音每變漸益上商角徵羽生

黃鍾九寸全乃生十一律有十二子聲正律正半律仲

呂六寸奇又生十一律有十二子聲變律變半律正變

及半間四十八聲由贖用三十六聲又

黃鍾宮始之始中之中十律宮始之次少過中應鍾宮

中已盡始之終諸律半聲始之外中之上半聲之外外

之外上之上大輕清 不陽

七聲皆正律無空積忽微諸律皆半變有空積忽微黃

鍾聲氣元十一律所進

正律六十三變律二十一六十三九七十二二十七黃鍾

獨至尊不為他律設

律十二正律為十二子管徒仲長寸數上生黃鍾管以

管之寸數子聲得一半

楊弘山先生存稿

卷之四

二

黃鍾

黃鍾八十一分管含少三十九分聲五音六律何由定千古伶倫學鳳鳴

律呂

黃鍾生律呂律呂生五聲五聲與二變網紀互相生十

二宮既偏六十調乃成宮商角卅六老陽韻重鐘徵羽

二十四老陰韻輕清

大呂夾鍾律仲呂陰居陽位用倍數益二半生陰隨陽

氣距地面各幾許

在聲為中聲在氣為中氣在人為中和黃鍾最為貴



十天地全數九損益相生全數體由立相生用由行用  
生十一律體以定中聲

陽律商角陽變徵變為陰變宮變為陰陰律商角陰變  
徵變為陽變宮變為陰

金石陰後玉鐘竹陽後木革絲陰陽正先後各有屬八  
音與五聲損益各有數

方響易鐘磬箏笛易笙簫篳篥代祝故撥斗代笙苑塤  
土變為甌古樂何寥寥

生次相生律呂圖數分正倍法何如旋宮正變還兼半  
千古西山著此書

楊山先生稿 卷之四

三

陰陽辰位至旋宮聲律分明法數同試看晦菴律鍾解  
新書訂入兩篇中

二陰一陽成氣二一陽二陰成氣三陽數用全陰數半  
五音六律此中函

合氣而為音合陰陽為律律自倍為辰音自倍為日  
黃鍾用合字大呂太簇四夾鍾姑洗一夷則南呂二無

射應鍾凡上下清濁是仲呂用上字蕤用勾林尺黃鍾  
清用六大大夾五字

二十四輪扇測二十四氣一氣一扇動律管相符契  
黃大姑林南得位生五子五五二十五大夾仲射無失

位生三子三五十五并本五九賓應鍾交際間不得  
不失生四子二四為八并本二角

陽律為宮商角陽變徵為陰徵羽陰變宮又自變為陽  
陰律為宮商角陰變徵為陽徵羽陽變宮又自變為陰

一氣二體三類四物五聲六律七音八風九歌心平德  
和事畢

細鈞有鍾無罇大鈞有罇無鍾大昭小鳴和平純明久  
固則終

京房有律準子母調和同國語謂之鈞梁武謂之通  
百四十四體二百十六用乾坤策在茲京房律誰中

楊山先生稿 卷之四

四

蔡邕亦有言不知耳決明安得師曠聽一齊六律聲  
邵雍亦有言人見漢律歷三代前律歷後世所未及

古寓器以聲今求聲更器更器凡幾家音律得無整  
徐復

古樂與今樂木木不相遠上古聲器朴後世稍更變  
房庶

黃鍾合大簇仲呂合黃鍾李照與王朴音律多不同  
太常鍾三等李照鍾旋宮正律既相應清聲亦相同

太常磬三等胡阮磬聲高法古摩其旁鍾呂始相交  
古鍾形例垂改鑄正其紐奔鬱聲不揚大小徒費叩



無射鍾長甬震悼聲不和景王鍾類此將如風眩何  
樂成鳳不至天地有一指帝親付蔡京蜜命劉易試  
一下必一上既上而復下相生法之窮於蕤賓大呂

歐陽之秀

十律皆下生一律獨上生下生損之極上生益難行

歐陽之秀

竅盡合黃鍾竅盡開應鍾損篋聲相和兄弟心相同  
堂上象朝庭堂下象萬物後世乃失傳設樂雜不第

每律三十五管律百七十五聲合四百二十管計二千

一百聲

楊弘山先生存稿 卷之四

五

鹿鳴等六詩為黃鍾清宮正宮聲雄洪關雎等六詩為

無射清商雄調聲鏘鏘

魏晉孝金石梁隋泰和黍王朴據紫黍金石不復取

蕤賓生大呂夾則生夾鍾無射生仲呂三品上生同淮

南典京鄭煩異太史公

仲呂徵甲子夾鍾羽丙子黃鍾宮戊子無射商庚子夾

則角壬子

六間揚沈狀兼以點收越變通隨事宜贊助不可闕

相生互上下蕤賓重上上將以吹候用過會 正聲

姑洗律微強西京臬微弱魏尺長古尺四分半可度

漢官始平尺兩器同長短易尺短四分蕤長四分半  
子歸比正聲正聲為倍算正聲比子聲子聲得一半  
陽律不用變聲黃鍾不用正半陰呂不用正半應鍾不  
用變半三十六聲之中實用二十八算

又

變宮不成宮變徵不成徵古人謂和繆安得師曠耳

中央土

中央律中黃鍾宮音土音聲正同黃鍾子月第一管

林鍾末月安得重不用候氣虛設律四季土王當居中

律直口

楊弘山先生存稿 卷之四

六

黃鍾終狀進下生安連一百五十律下生官徵次皆三分損

一依行上生終億兆二百有九律上生宮徵次皆三分

益一凡三十四律每律直一日二十四分日日之三

一凡二十七律每律直一日二十七分日日之三者是

安連終不生數取實鍾黃

閱西由律呂新書兩山律呂元聲子厓律呂統

阿閣千年鳳不鳴伶倫玉管寂無聲虞廷何日夢重命

試聽簫韶九奏成

六觚算法

徑一分長六寸二百七十一枚竹成六觚為一握徑象

乾黃鍾律之一長象坤林鍾呂之率數以大衍四十九  
乾策二百一十六用成六爻象其數

楊弘山先生存稿

卷之四

七

楊弘山先生存稿卷之四終



1434 965 版

楊弘山先生存稿卷之五 一雲南叢書集部之四

太和楊士雲弘山著

太和李元陽中谿選

皇極經世

追次邵子皇極經世一元吟

大化無停機晝夜運斗極終始若輪環嘘吸自成息粵  
從混沌初開閉誰能測試以一日言小者大可識積秒  
已為分積刻遂臻百明日復如是變化了無迹太極生  
陰陽大衍五十策乘除加倍間億萬斯年歷

先天圖

楊弘山先生存稿卷之五

八卦先天因外圖從無生有有含無誰知安樂高中老  
親見危義問泰初

方圖

西北東南八卦交轉坤六子巧相遭須知隔八相生處  
咬緊危義為畫爻

辟卦

十二辟卦十二會六十四卦四周週四爻一運起泰初  
造化一元開復閉

卦爻當年

六年有餘當一卦一年有餘當一爻三十年當五卦

84

其半當閏為餘饒三百六十五年奇六十卦爻正當算  
五年有奇為閏差乾之全用坎離半

盈虛

六盈與六虛閏法傳自古五沒與六減近歷亦何祖三  
百六十爻五分沒日數三百八十四六分減日數沒日  
七分求減日八分取氣盈湖虛滋湖虛氣盈補九八九  
七間沒減居其所八七七入合盈闕為三五體用數不  
同去存各有主珍重無名公為我重觀縷

律呂聲音圖

三千八百五十圖三萬四千冊八字二百五十六卦中

楊弘山先生存稿卷之五

天地萬物盡在是

八卦宮

元會運世年在天生數五月日時分秒在地成數五乾  
宮分八卦天地大元數七宮各八卦人物小元數

先天數

天數從乾止震宮天辰不見入無中地數去就從夫起  
地火常潛與震同

前虛四立存天象進數當求十二中地象後存虛四位  
欲求年數與前同

一衍十二衍十二



數起參天兩地中只從一二衍無窮試看九六乾坤例  
妙用分明在變通

天地

四季天餘天與地四中地正地承天四維四仲分天地  
體用須求動靜間

八卦變化

乾兌離震聚西北坤艮坎巽聚東南暑寒晝夜無窮變  
雨露風雷萬化函

用數

二百五十二為天用數祖天之用數九二百五十六為

楊弘山先生精義 卷之五

三

地用數祖地之用數九萬二百六十四為物用數祖物

用數三萬四體用數不同去存各有主賢者欲消詳內

外圖中取

既濟圖

既濟圖乾一位元會運世分次第日月星辰變數生

生數主進天倡地

既濟陰圖坤一位歲月日辰分次第水火土石化數成

地和天成化數遲

乾坤策

三復乾坤策二篇易中象數此當先希夷去後誰能會

又得堯夫夢裏傳

乾策三百十有六坤策百四十有四二簡之數萬若干  
算法惟因三十二

四象變數圖

乾坤七變晝夜分數艮兌六變月數六離坎五變日數

五震巽四變四象數

天體八變終於十六

一變六十大有三百變壯四千二百小畜十二萬九三變

需萬一千五百二十五大有四千六百六四變泰五百八十七萬

履一千六百六七變九屬五變為兌二千三百九十二萬

楊弘山先生精義 卷之五

四

臨六萬四千六百六十六億六變歸七十二萬五千五百九

亨二千二百七七十六萬七千八續七變為節二千一百

二十一萬三千八百損七十六萬三千六百四十一八

變臨九萬四千九兆三千六百九十九萬九千九百

九十萬七千四足更歷革迄始大運蓋天數十六卦又

遂得七種之數

地用六變終於十二

變小畜九千六百需五千二百二變大有四千六百

五萬泰八十七萬五千九百三變為履一千六百三十七

三千一百九十二四變睽六萬四千六百六十六歸六



二萬五千五百九十萬  
 億一千一百二十萬  
 六億二千八百八十萬  
 萬九千九百九十九萬  
 又六變迄震小運地數交  
 之數隨天致用之數止于此  
 矣

天地消長十六變數

秒十三億九千九百六十分  
 一十八萬九千九百六十分  
 三十八億八千四百  
 八十萬數為一時  
 日六萬六千六百六十六億一千  
 八十一萬三千九百八十八  
 億二千八百萬數為一月  
 年二千八百七十三萬七  
 千三百六十七億八千  
 六百萬數為一世  
 運千六百四十  
 萬數為一會  
 元二千八百五十六億  
 一兆九百九十九萬七  
 千三百六十七億八千  
 六百萬數為一元  
 天地十  
 六變三十二圖

楊伯生存稿 卷之五

五

日月天地大小運變  
 日月數窮惟一變天地數窮十六變大小運第十二變  
 一一按圖皆可見

心學

太極生兩儀兩儀生四象四象生八卦八卦自相盪六  
 十四卦成陰陽互升降變通不可窮心學在圖上

辟卦祖先天圖

運數元會天之天年數運世天之地運數歲月地之天  
 年數日辰地之地

天數左行地數右行圖

天數五十六二十八位偶  
 地數四十四二十四位偶  
 用卦數六十四三十二位偶  
 天與日相應一左與一  
 右

天體一即十地體用十二

天體圓而一一氣自周流始一終于十終復始無休  
 地體方而四四回極十六四角去交數十二支數足

楊伯生存稿 卷之五

六

震巽無策

震巽皆無策陰陽皆勿用乾之初九復潛龍下勿用坤  
 之初六姤履霜至冰凍

正卦為變卦祖變卦為變卦祖

三十六中二十八二十八中五十六五十六下八不動  
 重為六十四卦是六十四止三十六上下

震巽

陰至巽而伏亦自巽而止陽至震而伏亦自震而起陰  
 陽二氣交坎離會于此心腎交黃庭取象寓至理







天以乾兌離地以巽坎艮二三合為六不用坤與震猶有明夷位不當屬坤震乃合為餘分加千分之正用數惟存七居然斯可證

左方用交數

用數自賁上用不盡明夷明夷非天猶交數明夷下交不極無妄無妄為地倚

右方用有數

交數儉入否以謙附艮位有數溢出晉以豫存坤位寧使坤無用不使乾無配

天地用數有數交數無數

天用數起顯自賁震上有數用未盡地用數起止自艮

九

晉有數數未盡交數在用不用間無數八卦坤後先

體數用數

二百六十數十千十二支藏閏通運行乾坤乃主之三百八十四聲十二音顯閏表生物坎離乃主之運行天圖圖上物地方圖合之於卦一同歸而殊途

環中

循環本無端環中即皇極環中有倫理環中有方域環中象可觀環中時可詭環中有音樂環中有一貫

太極

一役二生三三去一則二三生九去一則八三生九去三則六一役三三復役二三役九復役八六二生四八生十六六生十二兩其數三并一為四九并三十二十二并四為十六四一為本三為用十二三本九為用十六四本十二用太極本一靜一動

全數

一萬四千四百全口為一三千六百四分一四分日千四百四十餘虛分虛數一二百一十餘分實一分所得實數

半數

七千二百為一日七百一十餘分虛一百五為餘分實

楊密山先生存稿卷之五

四分數

二千六百為一日三百六十餘分虛五十二半餘分實

存乾存坤

乾爻分止始坤爻長止夫止始若不止夫若無極所去非所取所取非所去上存乾主有下存坤主無右乾存始左藏坤存復

十一月

自震至夬二十七自晉至姤二十七兼乾五十四知牛八八各得一為本五十六卦相對立三百卅六十一月加以餘分四之一三百二十四十一月除却中間小盡



日三百三十一月五十五卦足數日

閉物開物

閉物立冬初開物立春後三百六十中一百七十數開物驚蟄後閉物寒露前一百五之合二百一十全陰陽相侵如晝夜治亂相因如變化

六位成章

乾分則為赤坤翕則為黑震長黑趨青巽消黑趨白氣變色亦變陰陽不可測

名位

乾坤名位不可易坎離名易位不易震巽位易名不易

楊山室存稿 卷之五

十一

兌艮名位皆可易

先後天

乾坤縱六子橫震兌橫六卦縱先後天易體用

十二卦圖

縱橫七十二陰陽消息盈虛運有常復至日兼臨八月

卦圖原不出京房

逆數

震一離兌二乾三而巽四坎艮五坤六逆數八卦次分

明納甲法陰陽交感意

言易象數

象數如論語言意如魚兔誰能得言意而不由象數談看作易初直到成書後

左右二圖

左卦五十六往來生物象各二十八卦天數行左向右卦四十八往來成時象各二十四卦地數行右向四七與四八方圓二圖上

天地

天裁四為三三用一不用地析一為四半用不用天重三則六六從一起并本七去本則六陽存一主進退為三十六地二用十二從四本十六去本十二陰晦

楊山室存稿 卷之五

三

一主退還為二十四

變應

變內必應外變外必應內性情形體變走飛草木類變下必應上變上必應下晝夜雨風變暑寒露雷化

親上親下變應反對

本天者親上本地者親下乾兌巽坎上初畫垂向下坤艮震離下初畫倒向上

八卦陽數

乾八卦陽三十六坤八卦陽得十二離兌巽陽各廿八



坎艮震陽各二十陽合一百九十二統陰一百九十一

八卦天地數

地四卦數從天數天四卦從地數震艮兌巽皆干數坤離坎乾皆支數四偶為地得奇數四方為天得偶數姑氏說

天地之交十之三

天地有交數十分數之三六十四卦中交卦十八函地上交于天夷進无妄上天下交于地否退至謙下用數起自艮交數起自否用數不取謙交數不止否猶有未盡分餘爻二十四以六爻屬交十八爻屬用地得十八

易山先生存稿 卷之五

卦為交天得四十六為用以日晝得七夜三以歲七用

三不用亦有夜七分不敵日七分

神

天之用主日人之用主神將寐神在脾熱寐神在腎將寤神在肝亦作正寤神在心子午卯酉間乾兌離震應

交變不變

一爻一而二二爻二而四三爻十有六太少分四四或聚西北間或聚東南際陽剛數皆十陰柔數十二日星水土皆不變月辰火石皆可變地之二剛升從陽陽十數不變陰十二可變天之二陰降從柔柔十二不變剛

大亦可變不變體之體變者用之體

地黃四象配藏府

天地有八象人得十六象位參天地間靈出萬物上入純兼八交卦象為府藏

色聲氣味

乾目艮色合石遜訟始與大畜損太陽從太剛離鼻巽氣合音旅宋濟鼎與小畜中少陽從少剛兌耳坤聲合字家人益為離巽之合少陰從太柔震口坎味合豫小過坤為震坎之合坤之合太陰從太柔震口坎味合解恆與水水為精精發為聲巽石石為骨骨發斯為氣坎土

易山先生存稿 卷之五

土為肉肉發斯為味

耳目口鼻

坤聲兌耳合泰臨明夷復與萃咸太柔從太陰坎味震口合需節既濟屯與小過少柔從少陰艮色乾目合大損賁頤與否遯訟太剛從太陽巽氣離鼻合小畜中孚旅未濟巽少剛從少陽兌月月為膽膽發斯為耳乾為巽離之合坤目為心心發斯為目震辰辰為腎腎發斯為口離星星為脾脾發斯為鼻

坤草

入合太極一物分天地兩欲知無盡數草總類坤象



體用

體無定用惟變是用用無定體惟化是體與用交不  
謝謝地存乎地用與體交不違諸天道存乎天道本  
未極分爲天地又爲人物人皆物蔽惟道者斯立人  
極

八卦相配

坤剝比觀以類配乾乾開十六類配坤焉謙艮蹇漸以  
類配兌兌開十六與艮類配師蒙坎渙以類配離離開  
十六類坎配之升巽井巽以類配震震開十六爲類配  
巽一分一合天地感應

楊弘山先生存稿

卷之五

五

既濟大小四象

乾履同安夫四象坤謙師升小四象乾坤一八互進退  
否泰助成既濟義

艮兌革隨大四象剝艮蒙蠱小四象艮兌二七互進退  
咸損斯成既濟義

有睽離嗑大四象比蹇坎井小四象坎離三六互進退  
未濟斯成既濟義

繼妹豐震大四象觀漸渙巽小四象震巽四五互進退  
益斯成既濟義

經緯

經卦無不尚緯卦無不異諸卦唱和門皇帝王伯類

星月

日月既望星不能不希借問星胡然難與月爭輝  
此正動靜

躁動逆亦馳因靜行者月一動一靜間唯聖者能之

順逆

乾兌離震坤艮坎巽順逆循序正命受命坤艮坎巽乾  
兌離震順逆反序改命攝命

因革消長

因因長長因革長消元會運世四數之交革革消消革  
楊弘山先生存稿

卷之五

六

因消長歲月日時四數之象

又

因因心之心因革心之跡革因跡之心革革跡之跡  
長長乾與坤長消兌與艮消長離與坎消消震與巽

八數次序

一元數起乾兌離震次之年月日時數一二三四推天  
始陽先陰在茲

陰元數起巽坎艮坤繼之年月日時數五六七八推天  
地成物終陰承陽在茲

既全用坎離半用



更有六陽爻全用贏數六坎離半用陽亦成贏數六三  
百六十六先天自然數

離坎

離東居卯中自坤至乾半坎西居酉中自乾至坤半春  
秋晝夜門陰陽交際判

陰陽有定限陰陽有溢數寅卯申酉間坎離交錯處立  
春當用數立秋當交數

有無之極

天一變四地一變四四者有體二者無體固有之極一  
無之極有無之極是謂太極

易山先生書稿 卷之五

七

體數用數

天體四用者三不用一去太陽地體四用者三不用一  
去太剛體數八并交數用數六去交數兼餘分爲七數

朱說  
異此

用七

天見南潛乎北極于六餘于七人知前昧其後亦用七  
略左右

八卦六爻

自復至乾陽止六自姤至坤陰止六震巽至坎艮卦氣  
盡于八乾坎至坤兌卦位盡于八六爻迭至十二是足

成一歲功八卦分主十二月亦成一歲功策數二十四

最少三十六最多二十八次少三十二次多卅六合共

四數亦合六十廿八合卅二數亦合六十六十卦當歲

之一一卦六日六十卦適當三百六十日尙餘四卦二

十四以當二十四之氣卦八乾一至坤八爻六下三至

卅三十其三十六有餘乃虛一四卦數內十一三十六

不足乃虛二六爻數外三百六十爻成用三百八十四

成體用當一歲之常數體當同歲之間數用也無非體

體也無非用

已會

易山先生書稿 卷之五

六

元經六會爲月已運百八十爲星癸二千百六十辰亥

一歲已月日時已陽盛陰消正在茲典章文物當助此

中數

元經會七運癸卦同人會經運亥世未卦既上五賁二運

經世紀歲甲辰卦大有在既濟圖爲晉未合卦一爲師聚

正帝堯甲辰年肇位

觀物

觀地起於寅觀人起於巳兩發收閉圖治亂興衰紀

三建

三元經會運起子以會經運世起寅以運經世年起丑



三建實備天地人

孟仲季

元之元起卯取帝出乎震大運起甲子小運甲己孟一  
氣分三候每候五日定甲己孟仲季分用不可紊

元會運世卦起宮甲己仲年月日時卦起自甲己孟仲  
申卯酉起孟中朔離矣二數用不同皆藏閏在中五日  
四分一散二十四氣一氣十五日二時五刻畢二時五  
刻數自然踰一日一氣十六日三百八十四

天地中數

大數中於五倍五斯為十十千數既生元運取諸十地  
楊密齋存稿卷之五

數中於六倍六為十二十二支數生會世取十二

月子日甲

月紀日子至月亥日紀日甲無日癸繫日以甲計已往  
一元既終一元始

大小元

大運元起子申支干起甲與子小時元起寅初支干皆  
起甲己

玄玄集

開闢二會半二萬七千年開物後閉物前八萬六千四  
百年兼未開物前四千三百二十年九萬七百二十年

先天圓圖用數全閉物後動物無四千三百二十年植  
物盡為混沌九萬七千二百年先天方圖用數全

變通

二百五十二為生物時數餘百十四日十二為閏數二  
百六十四為動植用數一年三百六日有六日數

消長數

一十百千萬兆京長數天生  
珍稀壤薄潤正載極消地立

閏數

一百六十爻二十四爻閏三百六十運二十四運閏  
楊密齋存稿卷之五

年閏百三十三時紀閏百三十三日氣之盈得六十三

朔虛之餘得七十

元會運世

元總綱不用會條理不紊運變動不居世接絲逆順  
元經會觀天會經運觀地運經世觀人聲音觀萬彙

陽與剛交四象陰與柔交四象

乾日泰卦心生日巽石大過肺生骨離月既濟膽生耳  
艮土小過肝生肉

剛與陽交四象柔與陰交四象

兌星中孚脾生鼻坎火未濟胃生髓震辰腎生口為頤



坤水膀胱生血也

卦數

數所配卦有體卦不及數無體易不用五數卦自有太極意不用九十道皆歸于一取卦法得九為乾九亦一數十百千萬為一十亦一

開物數

開物之數用八會八會二百四十運八萬六千四百年九萬七百二十閏

生物數

四象用三百六十生物三百八十四人參天地用閏餘

楊弘先集精義卷之五

三

閏三百八十四日

不用而用

天去世不用為律呂太數地去辰不用為律呂細數律呂聲音圖為生萬物之數

四仲

二十四氣首得子午卯酉十干為一會三甲取

用日

軌車遲一日易乃遲六日玄遲四日半皇極無定日卦的三者中用備諸家術

每日用四爻十五日十六藏閏四爻是每氣六十四

天聲地音

天用一百十二聲併屬西北十六卦地用百五十二音併屬東南十六卦

分積

自日而下分日為時分時為分分分為秒愈細愈小自日而上積日為月積月為歲積歲為世愈大愈巨

八卦

元會運世乾兌離震歲月日時坤艮坎巽分之為八八卦未交合之為四十六象交四卦為陽四卦為陰象有大小匪立虛名

楊弘先集精義卷之五

三

先天後天

堯之前先天堯之後後天皇帝六會前王伯七會聯

三圖

橫圖中斷作圓圖左右回環對待鋪更作方圖重八疊乾坤法象自然殊

大衍經世異同

大衍用九六經世十二十二極數九六得無異十去一則九十二分則六立法雖不同四象本同數

四易

圖成卦一即連山官分紬甲即歸藏後天移易先天位

八卦翻更配八方

靜動

對待流行靜裏生流行對待動中成吉凶悔吝無事

一片義文萬古情

二百五十六卦氣千五百三十六爻六十四爻直一氣

二十四氣兼閏爻

三十六宮

先天八卦三十六圖圖八卦三十六三十六宮都是春

一陰一陽生姤復

楊弘山先生存稿

卷之五

三

周易皇極

周易分明祖洛書也知皇極祖河圖先生傳得連山易

五六之間極有無

大小運

運分大小數何如數分體用用須除用數也知還有用

乘除多少總相符

溟滓生

算起聲音在畫前百年溟滓學先天著書十萬餘言在

只許同徵傳立傳

楊弘山先生存稿卷之五終



楊弘山先生存稿卷之六

雲南叢書卷之四

太和楊士雲弘山著

太和李元陽中谿選

韓詩外傳

鳳凰覽九德來止帝東國梧相捧金枝竹實供玉食  
去婦疑盜肉抱恨告里母東鄰請火後房姑還去婦  
仲尼似陽貨乃遭帶甲圍歌罷圍亦罷自有道德威  
桓公伐山戎燕君送出境失禮反割地恐為識者哂  
阿谷有處子三對子貢辭曾謂大聖人喬木欲休息  
北犬與晨鴈黍離與晨風賢哉趙蒼唐奄有立嗣功

楊弘山先生存稿卷之六

一

人猶死亂君我當死治長荆刺驅車入僕夫列車上  
執籥憑於馬遂伏太行山力辭三公命遠矣去索餐  
嗜魚不受魚受魚不自給不受長給魚惟損能受益  
魯有監門女終夜績涉涕姊獻兄死越馬佚圍亡利  
見表未見裏關門不入中子夏喜讀書夫子為變容  
惜薪鬪丘下誰觸韞匠上巫馬嘆投鎌子路慙先返  
美哉顏無父御馬真有法如使馬能言人意皆可答  
尺玉千仞光寸珠百仞瑩溫良苟在中眉睫相輝映  
齊楚有狂者齊楚言不變自說忘芻豢飯上忘梁飯  
孔子遭程子傾蓋語終日先生天下士束帛贈十疋

枯魚銜索蠹茂木凋霜露親壽忽遺隙烏鳥空懷哺

丈夫佩桃及日日慎桃亡義同亡國社稷戒恆不忘

五步一喝雉終日乃得飽鳴聲響陵澤羽毛光皎皎

人主十二疾時時乖間作若匪良醫治熇熇不可藥

罰飲一經程欲半亦棄半仲父恐棄身桓公乃稱善

齊有弓人妻請喻射之道一發穿七札乃見弓人巧

齊王厚送女欲妻屠牛吐自知肉不善難以附益賈

喔咻十步雀初笑鳳凰起誠信青雲間落木終難比

鴻鵠舉千里所恃惟六翮背毛與腹毳何能為損益

子卿相仲尼靡若喪家狗丘也何敢當惜哉時不偶

楊弘山先生存稿卷之六

二

神淵斬蛟龍雷神擊左目勇哉苗丘訴能忍要離辱

抱石投河中棄蔬槁浴上人道穰為下君子未必尙

程木烹鱷魚意在奉君子南假子不食高山懷仰止

不貴五德鷄而貴千里鶴魯公思田饒避寢滅上履

晉公藏臺火晏子束帛賀君富藏於民無乃賦斂過

說苑

瓦食進仲尼懼然如太牢食美思我親豈必珍梁膏

舟綽有三言亦足於賜也參偶則必賦伍備則必下

石子不學詩賜也請投師公宣不讀書參也謝不如

七十學已莫胡不炳燭明炳燭代日中孰與昧昧行



鄉人皆惡臬逢鳩欲東徙倘不能更鳴東徙猶惡子  
智伯欲襲衛遺璧伴亡子明者魏未萌賴有南文子  
晉平城遺丘秦楚能無慰公子午既歸三百車亦獻  
辛櫟小人言安知命龜意姬旦封曲阜在天非擇地  
臧氏家有蔡三兆為之先欲問三大夫孰知賢不賢  
仲尼齊郭外嬰兒相與行趨驅復趨驅壽樹韶樂聲  
擅駕知為母食桃知愛君前賢後獲罪愛憎何遽分  
晉平二白誣師曠真如神翟國非三妖封茶知有因  
建王舍蕭氏猶知巷不善不知疇與麻惜哉王子建  
疎播中蛟頭掩目別白黑鵲豈生死人太子本尸厥

楊明先生集卷之六

三

孤蓬根本惡徒為枝葉美飄然根且拔亂逐秋風起  
齊有王滿生言內且言大筆牘藉無言周公誅管蔡  
河以蟻穴潰山以小隄崩直如矢者死直如繩者稱  
齊有東郭垂執杵臺上視能知伏莠謀君有兵革色  
鄭桓欲會封賴有逆旅與時哉不可失援纒接漸走  
車右死左轂子狄死越甲何為鳴吾君義氣爭相歷  
田基願入鼎義不避斧鉞耻受中牟力入楚馳高節  
張急而調下鼓瑟聲斯悲良材而官卑厥聲亦如之  
武帝好祥瑞寶鼎出汾陰漢鼎非周鼎壽王獨賜金  
陶丘不拜賜望壽望富貴齊王善厥言遂請登相位

敬父不兼于兼子為不 肅請誦共王言賴有田子方  
公乘為觴政飲不酬者 浮設令令不行舉白飲魏侯  
葵父與日夷相讓俱逃 衛伯也不愧兄仲也不愧弟  
愛醜不愛過愛過不愛醜 尹綽與赦厥於茲判賢否  
尺蠖食黃黃尺蠖食蒼 蒼辭賞正君過廉哉齊弦章  
出陽仰見橋山陰俯見 梓二子見周公知是見商子  
二里走者速百里步者 遲寧越學不止宜為諸侯師  
手培科雉不出三月 死厥弟請賞功故記果有此  
孔子受獻魚再拜掃除 祭務施不腐餘得非聖人賜  
安坐尚有跌美食尚有 噎機子不釋恭常恐虧行節

楊明先生集卷之六

四

黃口從大爵大爵從黃口 君子慎所從恐有網羅咎  
肉食者已慮藿食者何 與御固當呼車駟亦當助御  
惡有一枝梅以遺列國 君諸發能專對韓子徒爾云  
學道如日光獨思如火 明大智普照臨小見惟星星  
懸琴以為符潰旒以為 戒文侯知引過師經亦何罪

老子

常無欲觀妙常有欲觀 微斯同謂之玄玄出眾妙  
美美斯惡已善善不善 已功成而弗居弗居斯不去  
虛心實其復弱志強其 骨聖人常使民無知亦無欲  
道冲用不窮淵乎萬物 宗不知誰之子象帝之先同



天地豈不有萬物爲芻狗天地猶囊籥愈出而愈有  
谷神玄牝門是謂天地根綿綿常若存用之自不勤  
上善莫若水水利物不爭處衆人所惡幾於道之真  
有之以爲利無之以爲用惟無斯生有惟靜能制動  
何謂寵辱驚貴大患若身身可寄天下天下可託身  
邈不見其首隨不見其有誰執古之道以之今之有  
孰濁而徐清孰安動徐生保道欲不盈能蔽不新成  
以爲文不足故令有所屬惟見素抱朴惟少私寡欲  
衆若春登臺我獨嬰未孩衆人皆有餘而我獨若遺衆  
人皆有以我獨頑似鄙我獨異於人而貴食母爾

楊弘山先生存稿

卷之六

五

忽况中有像况忽中有物冥中有精察甫閱古今  
所謂曲則全古人豈虛言不爭莫與爭全歸誠自然  
希言以養氣養氣法自然飄風與驟雨不終朝自閒  
善人不善而不善善人資雖智亦大迷要妙有誰知  
爲俗德不離復歸於嬰兒爲式德不忒復歸於無極爲  
谷德乃足復歸於太朴聖人爲官長大制不割散  
孤寡與不穀王公以爲稱強梁不得死教父子其懲  
走馬却以糞戎馬生於郊知足常足罪禍咎自招  
善善善不善信信不信誰不注耳目聖人孩百姓  
行不遇兇虎軍不被甲兵以其無死地聖人善養生

含德比赤子精至亦和至勿祥以益生勿強心使氣  
孰爲天下始以爲天下母既得母知子復知子守母  
惟善爲早服早服重積德積德無不克克莫知其極斯  
可以有國惟有國之母斯可以長久

聖人治大國有若烹小鮮夫兩不相傷故德交歸焉  
大國下小國或以取小國小國下大國或以取大國  
道者萬物與善寶不善保拱璧先駟馬誰坐進此道  
不爲主爲客不進寸退尺禍莫大輕敵喪吾寶無日  
知不知者上不知知者病天病病不病聖不病不病  
夫代司殺者未有不受殃代大匠斲者希有不手傷

楊弘山先生存稿

卷之六

六

能受國之垢是爲社稷主能受國不祥是爲天下王

列子

姑射有神人心淵形虛子仙聖爲之臣愿慤爲之使  
欲見所不見視人所不窺欲得所不得修人所不爲  
游固與人同游固與人異務內與務外游至游不至  
人游觀所見我游觀所變列子豈好游游乎誰能辯  
三年始一踴五年始解顏七年引並席九年乘風還  
捕鴈欲放鴈恩過不相補物我並生類知力作網罟  
龍叔云有疾文摯不能已方寸地已虛去聖亦無幾  
以瓦握者巧以鈎握者憚黃金握者昏輕重較然判



輕水斯能游忘水游斯數没人淵者陵舟覆猶車却  
生陵安於陵長水安於水不知所以然出入泊齋裏  
高山履危石下臨百仞淵垂足二分外泊然神氣全  
悉淵真有道用志凝于神滯焉舞不下機心誰與羣  
梁鸞養禽獸無獸猶其儕試言養虎法喜怒不敢乖  
衛人善數訣臨死傳其子子言不能行也人傳厥旨  
人或自獸心同狀乃見親獸或有人心狀與不見親  
虞氏搏搏上笑得雨榜魚腐鼠中俠客滅家於忽諸  
東方爰旌目不受狐丘飯海上陸厲叔徒起苦公難  
勸伐枯梧樹胡然請爲薪扣谷得亡鎮疑疑禍鐵人

楊弘先存稿

卷之六

七

利出者害入怨往者害來賢者慎所出禍福自有胎  
多歧者亡羊多方者喪生本同末乃異是非誰與明  
素衣易緇衣無怪犬迎吠己身有變異難免外物議  
宋人得遺契歸藏密數齒齋人從馬醫免辱乞城市  
與遊莫汝告小言盡人毒莫覺與莫悟其何能相孰  
榮叟能自寬林類可與言不遇尼宣父孰知子子賢  
孫人爲歸人生人爲行人行而不知歸失家者何人  
紀國過天地舍然因大喜災憂奚不憂一彼與一此  
天地有委形天地有委順天地有委蛻孰非強陽道  
國民盜公道向氏盜私心孰盜孰不盜有名與無各

帝夢入華胥天下幾六治姑射有神人人物無天厲  
醉者雖墜車得酒神乃全乘墜俱弗知况得全於天  
以瓦搗者巧以鈎搗者憚黃金搗者昏仲尼茲譏嘆  
縣水三十仞流沫四十里魚龍不能游丈夫能蹈水  
十漿五先饋列子乃自驚戶外履忽滿發粟求先生  
老子仰天嘆楊朱請聞過往也公執廢反也與子坐  
旅人有二妾貴賤不相若美者不知美惡者不知惡  
學幻已三年一朝聞至譚三月苦深思四時乃乖序

莊列

莫鑑於流水而鑑於止水王貽非最人惟止止衆止

楊弘先存稿

卷之六

八

鷓鴣巢一枝偃鼠飲滿腹庖人雖不治不代以尸祝  
古莽與阜落國俗異中央夢覺相反用動寢各一方  
役夫夢爲君尹氏夢爲僕苦逸數之常晝夜相反復  
厲人夜生子夜半遽求火汲汲往視之惟恐或似我  
季真莫之爲接子或之使孰正於其情孰偏於其理  
耕報有鹵莽耘報有滅烈深耕與熟耨終年殮可厭  
師文從師襄三年不成章無何扣五音曠衍何能當  
秦青響遏雲薛譚不敢歸韓娥過雍門一里喜忘悲  
偃師造倡人能使穆王驚大怒旋悅巧與造化拜  
八徵與六候形接神所交晝想夜思夢神凝想自清



易變而爲一一變爲七九九復變爲一一者變之首  
不生者疑獨其道不可窮不化者往復其際不可終  
楚有聖人僕亦是陸沈者市南熊宜僚弄丸未嘗舍  
未收牂生與未田鶉生矢綦也泣不祥樹也遭燕盜  
釣髮懸輻重髮絕髮不釣釣也絕莫絕此理誰識真  
詩禮乃發冢大儒傳小儒金椎按其頤無傷口中珠  
神龜能見夢不能出網籠鑽甲無遺策不能免刀鋒  
女偶得聞道欲教卜梁倚七重聞玄冥九重聞疑始  
轍中有鮒魚欲求升斗水若待激西江旱涸魚市  
許由逃帝堯務光怒商湯紀佗跋窾水申徒路河上  
楊弘山先生存稿 卷之六 九

三釜吾心樂千鍾吾心悲鶴雀與蚊虻何以哀樂爲  
重言恆十七寓言恆十九后言惟日出和以天倪久  
伯牙善鼓琴子期善聽音高山與流水想像猶吾心  
徵以隋侯珠而彈千仞雀魯使空往來安能屈顏闔  
謫子以不完求鍾以束縛夜半門舟人在岑怨已作  
褚小不懷大綆短不汲深而形有所適而命有所成  
神奇化腐朽腐朽化神奇天下通一理有知與不知  
井竈擅一壑欲請海鼈觀一閭東海樂不覺規規然  
養生若牧羊牧羊鞭其後單翁獨巖居張謇無不走  
小童知具茨又且知大隗少遊六合內今遊六合外

以石投水中善沒能取之以水投水中知味能別之  
外獲將內捷內獲將外捷欲聞衛生經嬰兒所當辨  
演門有善毀偶爵爲官師黨人毀死拌捧心效西施  
衛有五丈夫負缶頻灌非終日病一區肯事桔槔否

莊子

小知絕大知小年絕大年斥鴳笑鯢鵬朝菌忌大椿  
儵忽德渾沌日試鑿一竅七日渾沌死雖報猶不報  
漢陰有丈人抱甕厭機巧假修渾沌術不計功多少  
不材得天年材有斧斤患不祥爲大祥神人斯所難  
散木匠不顧樛社乃見夢文水苦其生不用得大用

楊弘山先生存稿 卷之六 十

黃帝遺玄珠三子索不得象罔索得之異哉不可測  
莊周爲蝴蝶蝴蝶爲莊周變化俱夢中一體何綢繆  
三年學屠龍技成單千金苞苴與竿牘小知徒勞心  
游統百金鷲客有裂地封瓠落五石樽子心猶有蓬  
緯蕭得驪珠適遭驪龍睡寤則爲壘粉九淵詎能出  
有弟則兄啼緩也胡自殺秋霜旣成實僞墨猶相軋  
神龜留死骨巾笥廟堂上塗中龜曳尾楚懷空先往  
堂下老斲輪問公讀何書古人不可傳無乃糟粕餘  
烏黑不日黔鴟白不日浴鶴長非所斷鳧短非所續  
里耳辭大音嗑然笑折楊或以二缶鐘所應應無方



鼓琴有成虧不鼓無成虧不鼓聲自全鼓之聲或遺  
朝三則莫四朝四則莫三名實都未虧眾狙應未詰  
雜雜發南海飛於北海濱鳴得腐鼠嚇豈知朱鳥神  
真夢不知夢夢中復占夢俄覺乃知夢大覺知大夢  
三命滋益恭三命滋益侮考父與而夫孰傷于唐許  
鳴目有所適鶴脛有所節風日俱過河恃源如斯逝  
真人自無續於蠅胡弁知於魚胡得計於羊胡失意  
庖丁善奏刀騞然中桑林所解數千牛刀刃新發矧  
指窮於為薪為薪則火傳火傳不知盡安得謂解縣  
壺子屢示機季咸不可相至人時變化難以形迹狀

楊弘山先生稿

卷之六

七

與天為徒邪與人為徒邪與古為徒邪心齋為虛邪  
與之為嬰兒與之為無畦與之為無崖達之入無庇  
養虎達其怒愛馬拊以時螳螂當車轍不勝豈不知  
藏舟固於壑藏山固於澤叶夜半負而走昧者宜不覺  
身在江海上心居魏闕下重生則利輕重傷則壽寡  
心險於山川人難於知天君子有九徵不肖斯得焉  
松柏受命獨冬夏常青青受命舜獨正幸能正眾生  
為鶴求時夜為鵲求鳴炙為龍乘神馬馳逐豈更駕  
嗟來桑戶乎嗟來桑戶乎而已反其真而我猶為人  
無莊矣其美操梁失其力黃帝亡其知皆在鑄槌耳

與受天損易無受人益難無始而非三人只一般  
靡陵忘吾身眾林志吾真虞人遂相誅莊河反不庭  
無為謂真是狂屈乃似之爾汝終不近知默言不知  
堯欲伐三國南面不釋然舜欲德之進日照蓬艾間  
純子棄母走得非情不類戰死不娶資刑者不愛履

太玄

月運月疾本無常年病年安合有債顯頊太初須並用  
踰巖二贊費平章

附地志詠

罷谷山

山海經曰罷谷之山在涇陽縣

山涇水出焉志要曰罷谷和之北涇水出於

楊弘山先生稿

卷之六

七

此流入寧河

罷谷源初導寧河委更深西江來鳳羽東水自觀音回  
下蒲陀口還經迢迢潯瀆為榆椽澤流過點蒼陰漾潯  
交奔注蘭津渺帶襟三危何處是黑水入南溟

靈鷲山

靈鷲山胡語者謂

瞿山都臨恆河一名伽

五印皆天竺塞種還身毒水流伽毗黎山聳耆闍崛峰  
似鷲鳥頭都臨恆河曲人享三百壽牛戴四尺角叶漢

武空指求歷代巨臣伏舍利傳釋迦花氏稱阿育四裔  
邊防考萬里吳船錄可信亦可疑聊以紀殊俗

蒼山

後漢地理志引南中志曰雲南縣西高山相連有大泉水周旋萬步名馬河野西北百數



十里有山衆山之中特高大狀如扶風太乙鬱然高峻與雲氣相連結因視之不見其山固陰沔寒雖五月成暑不蒸廣志曰五月霜雪皓然不曰者山而曰縣西北百數十里有山特高大正指蒼山此蒼山之實錄真史筆也

大山特出衆山中峻極扶風太乙同雲氣結連看不見

陰寒五月起秋風南中志點蒼山有神鹿兩頭蒼山始見此

青蛉河見南中志在姚安府大姚縣

青蛉河水出三窠流向青蛉縣外過一派窮宗心萬里

金沙江上水增波

隗相見一統志孝子石在敘州府慶符縣南二里又見咏史

慈願愛飲江心水每汲江心水急流一石江心俄湧出

楊弘治卷之六

天教孝子好停舟

哀牢永平十七年

樹頭甘露殿前芝更兼神雀集京師哀牢貢獻先諸種

西域爭來質子時

雍閩孟獲南中志又載咏史題作讀南中志

雍閩拒漢命孟獲欺夷叟烏倫三百頭蟠騰亦三斗斫

木三千放問渠能得否丞相奮南征四郡平如帶

建寧郡建寧本白崖建寧三年改益州郡爲建寧郡分建寧永昌雲南郡分建寧郡何置

與古

白國山川擅白崖九隆八族是渠魁建寧改號兼張姓

千古南征酋亮來

爨雲見雲南總志又見咏史

驃騎豐碑翳綠苔陸涼州外半崔嵬文章剝落無由避

只有鄉山是白雌

常璩永和三年又見咏史

野戰羣龍百六鍾氏羌四紀盜巴庸漢書入晉劄稱蜀

又見華陽國志中

崔鴻魏永安中見史通又見咏史

紛紛十六國春秋偽史當年各自修只恐虛辭浮實錄

彥鸞南北費蒐求

楊弘治卷之六

張虔陀天寶九載紀書都督張虔陀死之存中國之體傳書太守張虔陀淫虐見攻殺之由德化碑以虔陀飲醜乃閣羅鳳又罪之極密也又見咏史

紀出歐公傳宋公虔陀死事異還同不謂太守書都督

又見張雲著錄中

章皋貞元元年又載咏史

城武誰知是武侯後生終恐愧前修胡僧漫說三生夢

伊呂何人敢匹儔

南詔驃國獻樂貞元元年又載咏史

五舞踟躕應五歌試看取象意如何雍羌十二清商曲

南詔驃國獻樂貞元元年又載咏史

五舞踟躕應五歌試看取象意如何雍羌十二清商曲



五譯鏗鏘奏太和

段文昌 太和四年 又載咏史

荆南飛檄到安南城下蠻兵即解還留得聲名滿西蜀

鵝鳴驛口見巴山

辛諱 乾符六年 又載咏史

詩書乃劍濟時難准酒援兵第一功膂力少年牛折角

嶺南建節更輸忠

鄭昭淳 同光三年

朱崇白馬遠求昏好異能文有鄭淳遊宴賦詩誰得似

增城縣主人南雲

楊山先生存稿 卷之六

五

辛怡顯 淳化五年

千載猶懷諸葛公渡瀘遺命二金龍殷勤節度書相逐

七戰分明記舊踪

饒智高 佑五年

農家種與羅家收收得東南十二州留下特磨遺種在

立碑山上有高樓

大理國 政和七年 又載咏史

大理傳如南詔傳宋人未辯唐人辯春秋大義在綱常

萬古日星容易見

大統如天覆萬方蠻夷誰許錯相干後來史筆知何似

吳楚稱王總未刊

叢祠鬼怪古來傳借號於今六百年掩卷幾番成太息

漫郎竊語在殘編

角端 宋寧宗慶元十七年 又載咏史

礪石城西見角端分明天遣大軍還西印度非南印度

鐵門關豈石門關

畢鉢羅樹 出中印度摩揭陀國即菩提樹也見佛經及唐三藏傳范石湖吳船錄白崖之

畢鉢羅窟雞足之迦葉入定皆段名以稱異之也

畢鉢羅高高幾何惡王翦伐已無多于今不見金剛座

零落鏡花牽落波

楊山先生存稿 卷之六

六

永昌 永昌本東漢郡名國初為永昌府洪武壬申省府置金齒軍民指揮司金齒在郡南千餘

里夷名也嘉靖改元巡撫燕泉何公孟春巡按請公連章疏聞復永昌府仍漢之舊名也

永昌舊號幾時還矯矯仁臣一誦間大理借稱何曰革

遙遙直待兩臺端

唐次 貞元九年 又載咏史

晉述驃國樂亦上辯謗畧十年積不遷一旦發薇閣

吳楚冊先生存稿卷之六終



楊弘山先生存稿卷之七

雲南叢書集部之四

太和楊士雲註

太和李元陽中

三言

四望

望蓬萊駕蒼龍爽如瓜獻木公

望崑崙騎白虎騰九霞侍王母

望鳳巢騎朱雀過洞庭聽廣樂

望增冰御玄武殄沆瀣養氣母

五言古體

楊弘山先生存稿卷之七

采蘭引為時川先生作

秋風泉草歇叢蘭揚其香綠葉與紫莖猗猗山之陽結  
根不當戶無人自芬芳密林交翳翳鳴泉何湯湯欲采  
往無路踟步愁褰裳美人馳目成要余以昏黃山空歲  
復晚修佩為誰長采芳者何人蓀芷乃升堂徒令楚老  
惜坐使尼宣傷感此與中懷絃琴不成章

采蘭三章章五句

言采蘭兮于山之谷清露滑兮載霑我服于嗟乎蘭兮  
言采蘭兮于谷之中清風發兮載襲我躬于嗟乎蘭兮  
維谷之蘭維國之馨其誰知之迺此美人于嗟乎蘭兮

和李中谿饋蘭梅韻

蘭紫梅已紅得意先春吐化機妙無言揚芳似能語主  
人封殖勤愛重置堂廡分餉同心人風味曠今古紛紛  
桃李蹊兒女何足數自念君子花香色誰為主采蘋有  
季女調羹有嚴父佳樹傳未忘擬續二芳譜

梅蘭疊韻奉酬李中谿

梅蘭似美人郁郁天葩吐俱抱歲寒姿不共春花語忽  
經美人贈拜賦列堂廡兼聞金玉音倚以五言古紫萼  
與黃頰一一親指數汲泉灌朝夕對案分賓主遂使弘  
山翁如見中谿父援毫成報章欲補離騷譜

楊弘山先生存稿卷之七

餒鯉甲

鱗鱗復如鰓能水還離陸鱗甲時開闔心兵隨起伏螻  
蟻安得知倏忽中所欲自矜利爪鱗尤愛穴山谷物各  
有智能誰不累口腹請看鳥賊魚鱗汗浮綠綠又見蜃  
噓氣樓臺高矗矗皆藏殺伐機天地為反覆

贈尹子字立夫

鷓鴣雖累百乃不如一鷓昔人為此言取譬固有託惟  
此神俊姿誰謂羣燕雀每聞風颺生一舉雲霄薄雅性  
好峙立屹然登山岳所止更不移豈獨在擊搏矧伊萬  
物靈而可不相若丈夫貴立身立身當卓犖丈夫貴立



志立志當磊落富貴無驕淫貧賤無隕穫子名真有義  
子字匪虛作願子益勉旃愧予亦既耆

次樊沙坪招飲韻

煙霞蔭桃李約窈仙家窩新水長碧溪輕風動織羅金  
蘭契乃潤玉書邀相過醉倒紫霞觴翻成絳雪歌迢遙  
出塵寰彷彿登兜羅天遊者誰子忙忙蟻羣多不減商  
山樂何用揮日戈更作秉燭遊如此良夜何千里神且  
交一笑言無佗若士元有期汗漫非蹉跎

疊韻

我愛無名公行有十二窩嬉遊乘春風談笑入煙蘿高

楊弘山先生存稿

卷之七

三

閣林間望小車花外過飲酒到微醺吟詩送浩歌手中  
一丸弄胸前萬象羅兒童每迎候諸公誠見多喜作太  
平人四朝已包戈試看擊壤集其樂當如何至今伊水  
上高蹤尙委佗我欲往從之此意竟蹉跎

再疊韻

樊魏俱高人住逼蛟龍窩漁網集澄潭釣絲冒飛蘿仙  
舟獨自泛龍門許誰過夜坐見浦燈午夢聞舫歌萬頃  
碧琉璃一幅青綃羅雅志在樂水豈必得魚多興來有  
佳句筆陣如揮戈俯仰宇宙間安復知有佗吾欲濯滄  
浪幸勿笑蹉跎

次韻奉酬樊石菴

關中有良友交期誰最真早得沙坪翁江村與龍津晚  
更得石菴亦是同心人家學自淵源仰鑽彌苦辛不待  
戰勝肥味道甘於貧審子愧薄劣久矣奉清塵中雖契  
濶多歲序驚屢新夢想或見之月夕兼風晨茲喜花柳  
天笑語頻相親重荷琳琅篇何以報殷勤

次韻酬琢菴

共作採春遊盤桓花柳間柳暗江更碧花明山欲然流  
鶯巧初弄飛燕輕可憐傾蓋擁翻翻立馬停喧闌欲劇  
浮羽觴坐久移瑤筵闕傳次第送盧呼宛轉旋雨點吼  
楊弘山先生存稿

卷之七

四

鼙鼓雷響抹鯢絃不覺玉山倒還成金谷篇山林豈城  
市官府亦神仙九龍我卧病五馬君榮還別駕新監州  
廣文老鄭虔高會此落落雅意真惓惓

奉和升菴先生留別韻一首

飛樓構遙岑遙岑久留旆騰駕弭雙珥雙珥欣重會道  
遙蓬島遊容與蓮葉舟皎皎河漢夕泠泠風露秋澄潭  
千丈綠漚鳥萬羣玉君山老龍吟咸池洞庭曲寫入瑤  
華琴調出清商音感茲投白壁願言鑄黃金

奉和仰齋趙州道中望點蒼山韻

蒼蒼十九峯壁立接天路孱顏冰雪姿變態煙雲驚時



聞天樂聲樂忽見笙鶴度鶴龍蟠九池水山頂九池色  
豹隱七日霧離豹何當汗漫遊高舉若士步濯纓天漢  
津拂衣扶桑樹對此融心神凝眺窮朝暮想御風人  
久已得真悟

和仰齋先生浪滄橋亭緬懷先哲用最諸生韻

聞道浪滄江山自石鹿下奔騰西極來直向南溟鷗一  
輩詎可航橫空金鼇跨六詔未定先諸夷梗難化伏龍  
王佐才誰云管蕭亞天威隱雷霆西南同中夏大  
明正當天邊微起費舍洋弦誦餘猶習烏號柘交星  
入海雲煌煌明午夜多士仰輝光紛此謁旌架

楊弘治年稿

卷之七

五

代杜鵑花贈琢菴主人

花饒咲主人孤我不置酒偶爾得劉郎爲我招二叟亦  
有同心人俱是探花手不惜十千錢一飲八九斗醉來  
插滿頭醒後香在口我本園苑姿帝命雙娥守春色挽  
相留明日能來否

蘭亭圖

魏滂與羲之一授一按應桓偉然晉問都曇凝卷聽謝  
藤倦伸身謝瑰握筆寫廣友捲軸成疑之回身把丘旄  
探流杯渙之息竹下孫統據膝問謝安印地聽曹茂收  
卷捲任凝紐頂觀孫綽安筆硯端坐整衣冠庾嶺過酒

眼僕者乃城之楊模隔流躍狀若優人嗤獻之攝衣悲  
蕭散自得時肅之取觴俯虞說凝軸言呂系踏地聽后  
綿握卷眠孔熾昂首觀劉密袒衣取玄之與彬之相揖  
構妙語謝繹晉濟養微之攀幅讀勞繫杯鵲下役阮鵲  
遞斟華香轉他視曹華聞卷舒蘊之方肆坐卡迪迎流  
觴謝萬顧長松曹誣回目張華茂袒執筆呂本筆搔耳  
虞谷勸他飲孫嗣掀髯爾嶠之贊他文豐之誦無已恭  
述御製篇雲漢光圖史

和升菴先生筮篋韻

廿三聞舊柱十四見新弦借問誰神解因之國手傳朝

楊弘治年稿

卷之七

六

陽選桐樹婉姪合絲綿出塞彈徐暖迴風寫麗娟節飄  
紅粉袖席泛紫霞船白雪歌翻郢霓裳舞奪仙龜身斜  
入抱鳳首半樓肩畫梁終日繞錦瑟一時價鐵擊珊瑚  
碎盤傾珠顆圓感浪奔濤歇清水皎月懸木蘭當戶啣  
桃葉映花鮮滄海龍吟水縵山鶴唳天溟雲韻十六蜀  
道遞三千踴厲邁翁句高華子建篇欲廢愁未得把讀  
敢忘旂幾回金馬望獨立點蒼巖

閩柏溪憲伯甘澍堂記

堂成名甘澍志喜轉心小不敢比顏公亦未信坡老曲  
池在堂下水鑑揭亭表至平可取法至明還自照哲人



無疆辭祥刑用此道霖雨大旱餘甘露青松杪玩芳對  
時物生意見天巧花酒歐陽公風詠王逸少岷峨東井  
精文章三峽倒

讀東坡書東臯子傳後

不飲喜客飲家常多釀酒無病憂人病蓄藥欲來取藥  
病吾體輕客飲適吾口得非專自爲此樂人知否待詔  
醞三斗東臯給一斗三升難及客五斗良不似東坡月  
釀斟復賴五太守二升半及客六斗真所有氣味頗相  
似千載可相友

陶靖節別傳

楊弘先存稿卷之七

七

倚杖聽水聲剖胸洗荆棘煮粥拜火發充腹伊誰力林  
米投酒中清歡少延得

詠無爲寺

寶樹接三天香爐裏孤煙騎羊五仙子飛步青松巖金  
繩繫落景玉虹明晴川雲斂經臺霽瓶空佛爪懸八紘  
浮顛氣萬籟鳴商絃汗漫遊茲始豈爲塵鞅牽

次韻

英英白雲岑冷冷碧澗尋何人布地金種此雙樹林飛  
流掛白龍青壁爭崎嵌偶陪東山客一壺松下斟天香  
襲我衣清風被我襟恍然同仙遊逸興不可任且有書

三車兼之詩四深山水來絕倡千載正始音

登高丘望遠海

獨步崔嵬巖極目滄溟杳浮天迴無岸冷日方知曉回  
懸石神坐笑填波鳥蓬萊宮闕在何許太帝神人信  
濛濛青童素女虛飄飄華臺桂殿雪之表漆皇竟已迷  
漢武晚來復君不見沙丘鮑風七月腥泰山方士一朝  
還

春日田家詞

大雪玉萬頃小雪珠萬斛雨雪皆及時共說今年熟麥  
苗被我隴桑陰繞我屋白水候暖耕黃犢凌晨牧雞茲  
東作勤無勞占鳥卜上可輸官租下可供饑團團榆  
柳間依依鷄犬伏幸茲度歲華此是田家福

新秋苦雨

農家望秋成新霽衆方喜淫陰胡戾常雷車亦奔駛金  
蛇無停掣滂沱竟未止連旬復經月萬落化一水蒼生  
憂爲魚木際見生耳炊竈鳴青蛙庭波走白豕白賈業  
俱廢漁舟乃穿市借問災眚來孰爲主張是唐虞斯微  
子禹湯必罪己庶徵列箕疇眠履載周禮五行各有性  
胡爲失其軌安得成周風一救偃禾起

讀史書富鄭公救荒事

楊弘先存稿卷之七

八



憶昔山之東大水元元苦嗷嗷百萬眾誰為手摩撫富  
公善經濟荒政良於古糜粥固無多散處亦有所雷腸  
漸可充癘氣不相瘡緊茲更生徒詎能忘我父中書二  
十考賢勞無與伍寥寥千載間何人步遐武

憂旱

農家望有年得雪眾方喜天胡愆雨期嘆早復茲始蘊  
隆蒸兩間赤地幾千里麥苗何以秋生靈孰欲死安得  
呼天公雷車即奔駛亦欲頌風伯金蛇掣無止翻騰四  
海波倒瀉銀河水慰茲大地渴一灑山川燬中有感通  
機庶徵迺其理願修雲漢誠斯異或可弭

楊弘山先生稿

卷之七

九

題蔣鶴田憲長三壽堂

高堂榜三壽佳氣茲鬱葱同慶垂百齡鶴髮秋波瞳霞  
帔珠翟冠儼在瑤池宮笑撫石麒麟花甲參商同伯也  
仙曹翁金紫膺皇封仲亦京兆郎連山遺清風翻翻五  
色衣花幄春融融共侍王母燕幾見蟠桃文  
濯濯始出水一一如翻萍益池倘可畜猶能吹沫行庶  
見化機動坐使神心清咄哉青釜中下筋自驚回思  
新春餉紅糝香瓶罌復荷孟冬饋白雪光燦燦未羨蛟  
龍鮮絕勝尊鱸羹過嘗海錯味感激故舊情惜以香自  
焚亦以油自烹浮陽非等儔造物忌美名耶齒幾人和

讀昌黎詩

今日曷不樂玉蓮 開太華南山高樹衰東方明星大猛  
虎坐無助瘧鬼亦 遭罵苦寒怨顛項月蝕疑蝦蟇朝蠅  
不須驅訓狐所當 射魯連細而黠方朔不可赦劉豚從  
客噴誰氏子者詐 仙人邀我敬華女真成差三星嗟斗  
牛雙鳥鳴造化永 真豐陵行風雅誰齊駕

花朝向榮席上

春半花齊放春風 正貽蕩朝作青山遊莫入名園賞海  
棠低千絲山茶高 幾丈舞席亂殘暉歌臺餘妙響雨點

楊弘山先生稿

卷之七

十

催摻搗爵飛兢來 往散步西復東離五三或兩娟娟粉  
簪淨嫋嫋孫枝長 藉草襲芳非觀流挹清澹袖中出短  
章物外縱遐想認 花纔誤眼浮白已在掌主人情極懽  
坐客醉猶強秉燭 費松膏傾尊盡椒釀月色孤皎潔煙  
光四蒼莽參橫更 已闌沉吟歸騎上

擬客從遠方來謝伯繡同年侍御

客從遠方來贈我 青絲總絲以喻綢繆青以市不變懿  
彼蕙蘭芳光猶錦 繡段裁為身上衣服之不忍厭常念  
故人心如見故人 回

上寅菊



三月名玉英六月名容成九月名金精臘月名長生一  
采陰百日千許鴉四瓊蜜和手細九酒下身漸輕子喬  
玉函方古來載圖經

八寶菜

仙丹有八瓊仙菜名八寶衆香內厨積細切天孫巧景  
宜祛二彭豈屬厭一飽滌我心胸塵使我顏色好更泛  
紫霞觴不覺玉山倒

欵器

東京已中絕三改杜巧思南齊復再成五觚曹創意仙  
盤徒侈美更漏乃瀾志徐鉉傳江  
南易簡玩內直宥坐

楊弘山先生稿

卷之七

二

太廟中孔子取水試持滿固有道  
損挹戒萬世

秋聲

碧天淨於水萬籟迎空墮安石減風流巨源損多可就  
是無心人敢云詎非我

陶靖節別傳

秋容忽新沐逸園忻細履清空照水中羅幕垂鏡裏萬  
狀不可名如媚閒居子

飲石馬泉

清冷通山骨縈環似水晶點池寒露重觸石野雲輕竹  
映殘暮潤龍聞暮笛驚興來思卜築谷口訪潘生

山寺菜芹

菁菁祇園菜縈繞山澗芹勻割石醋酸細梅椒花宰為  
開香積厨未下鹽豉尊侑此般若湯恰當桑落春

讀南中志

雍圖拒漢命孟獲欺夷叟烏狗三百頭螭脂亦三斗斷  
木三寸枚尚渠能得否丞相奮南征四郡平如帶

奉和郭執事遊秦華寺韻

諸天金色界出頃碧波晴水月觀禪性魚龍識梵聲香  
臺香鮮合窰培白雲平更愛松風颯蕭韶一派生

古今文尚書

楊弘山先生稿

卷之七

三

二十八篇今自漢伏生授二十五篇古至晉梅賾奏二  
十八宿外二十五宿又仲尼不可作誰復百篇舊

詩

舜勅皋陶賡正雅所由起禹戒五子述變雅亦已始詩  
行先春秋胤征俱後此

偶成

反妒情恆易恕義情恆難陳軫桃妻管丹青尤不刊苟  
悅情易納持正理難求先號乃後笑尤也君子傳

七言古體

女工行



桃花開杏花開搓線女工春又來  
瓦甌不惜指尖凍  
根還煮竈邊灰參差長短有人度  
縫裳結襪常相催  
洗妝細雨紛紛落病挽烏雲亂作堆

不雪

一冬望雪頻無雪凍雲模糊不肯結  
點蒼壁立如積鐵  
雪山翠黛孤嶽嶮于今已近陽生節  
蒼發浸浸將栗冽  
翻行春令溫和泄瑤藥瑤華誰剪切  
銀盃縞帶應飄瞥  
玉龍百萬俱藏穴遺蝗千尺何由滅  
總被飛廉渾作孽  
空教積霰時霏屑巖竹崖松吹欲折  
河水難冰地未圻  
上帝不知誰敢說  
虎豹九關那得微  
欲往訴之心斷絕

楊弘山先生存稿

卷之七

三

獨閉荆扉寒結舌  
嗚呼獨閉荆扉寒結舌

飛鳶操百舌吟

飛鳶戾天螻蟻心百舌萬變笙簧音  
饑鳥相聚爭腐鼠  
朱鳥一見蒿下瘠

汎舟行

老夫病瘡妨兩膝閒遊頗好騎  
生馬醉餘不覺血淋漓  
太守肩輿聊暫假呼僮疾走倩歸舟  
水邊忽遇相知者  
北湖收網打魚回南湖撒網魚還打  
自言未得早逢迎  
禮意勤渠貌温雅須臾入室出庖中  
遂請登舟坐蓬下  
二人侍側隨飄搖兩翁對案恣瀟灑  
輕風細浪鴨綠浮

小酌大約鵝黃瀉亂眼銀花送細鱗  
旋生蘆火烹鮮魚  
吹笛只恐驚波濤搥鼓猶疑震原野  
迤邐撐入青龍池  
紅蓼灘頭摘盈把昏黃上岸笑相辭  
老來翻學兒童也

九月八日擬晴

明日是重陽東籬正芬馥風雨莫相妨  
好采鮮鮮菊盃  
嘉落帽不須嘲陶令葛巾尙堪漉  
只恐惹得一身泥  
不見南山高壘墮天意倘可憐  
遮莫從人欲清風捲片雲  
晴旭映茅屋白衣雖不來牀頭酒  
應熟滿把金銀花細酌  
尊中綠夜深醉未眠高燒燭銀燭

高天臺初度

楊弘山先生存稿

卷之七

四

四洲三島不在遠清風明月間  
相伴雪作鬚眉雲作衣  
世間甲子那能管何曾誤讀黃庭經  
案上羲皇經一卷  
何曾解食青精飯甌底桃花飯  
一盃有時頗好陶翁吟  
五言冲澹更蕭散先生有道出塵氛  
萬事從來未掛眼  
龍關混混亭送別升菴先生用韻

登高山兮臨遠水之茫茫羅華亭之祖席繫美人之歸  
艎綠青蘿之窈窕乘翠雲以相伴  
卷荷衣而憩止解蕙帶而聊浪  
緬亭伯兮泛遼海懷昌黎兮窺衡湘  
風播奇芬獨立遐軌慨班荆於茲夕  
惜咸池之餘曷林色淡兮欲沈  
颯風颯兮四起騰駕山椒兮鬱盤  
復碎巖阿兮磔



倚嚼仙粧吸靈水蔭喬松藉芳芷滴玄香灑側理成光  
誦述終始問良夜之何其寫深衷為曷已聽天鷄而撫  
枕忽東方之啟明感江淹之賦別兼行居之萬情對倚  
天也楚劍歌凌雲之案筆悲瑤琴兮鶴操怨錦瑟兮鸞  
聲且日望明月兮歸倚闌懷杖杜兮情莫殫惟玉音兮  
時嗣俾雀躍而鯢桓

題墨梅

歲寒籜木凍欲折突兀老梅根似鐵橫斜交映珊瑚枝  
萬藥千葩亂成雪迎春獨占百花魁天桃穠李皆與塵  
黃昏明月一輪滿時有萬斛清香來冰肌玉骨天然色

楊弘先春稿

卷之七

五

吸露含風那泥得羽衣霓袖弄福襪駕鳳駝虬朝帝闕  
珠宮琳館羣仙會清娥瑤姬接鳴珮醉裏尤憐絳雪歌  
夢中尙憶玄霜味幾時還逐綵雲下化作箕星落商野  
金鼎調羹更待渠問渠物色何人寫

和中谿宿觀音岳

青壁丹崖高矗矗門角鉤心牢置屋依稀天上白玉京  
白山道人騎白鹿瓊漿石髓送滔滔瑤草金花迎簇簇  
千尋瓊瑤揭流蘇一幅煙霞鋪錦敷忽聞縹緲放歌聲  
驚裂琳琅萬竿竹九龍真逸好閉關安得逍遙同信宿

黃河九曲

崑崙地首上權勢規其地契距樓是積石地肩上市別符  
龍門地根管室次卷重地咽當卷舌關流地喉樞星列  
浴會地神堂紀星大岷地肱輔星攝大陸地腹爲虛旱  
黃河九曲天上傾

題趙希用獨鯉朝天圖

神魚特稟坤元數脊上鱗鱗三十六一朝變化乘風雲  
霄漢崢嶸見頭角誰知本是蒼龍精一點煌煌龍尾宿  
春雷一鼓卷江河霖雨萬方肥草木遨遊時與仙聖俱  
飛越湖山何忽候九色駕車降王母五彩負圖呈帝籙  
盤桓豈受尋常釣出沒波濤雄海族宕山仙隱獲靈符

楊弘先春稿

卷之七

六

渭水瀟瀟揚獻璜玉我愛神魚因愛畫何人寫此贈雲谷  
披圖得意已忘言雷雨冥冥般書屋

初夏醉後用時川觀水長句韻

病夫失却逍遙遊藥爐丹竈無時休肘後神方未易得  
仙翁豈必千金酬開門紅稀綠漸暗新雨初歇鳴鈞輓  
我有所思在何許彼美人兮真好迷明河可望不可卽  
終日神往形獨留寂歷蓬蒿沒深巷欲采杜若臨芳洲  
滄波萬頃琉璃碧何當一笑同蘭舟恨不此身生羽翮  
飄然便與雲俱浮裴回獨立心自語何用乃爾空白頭  
青州從事老斂帚急呼爲掃今日愁但願天風一朝發



翩翩鸞鳳相爲傳鏗鏘六律應六呂我心苑結胡不瘳  
日斜爛醉花生眼杖藜更覓雙童擲旁人怪問如泥否  
細看曳履仍啾啾須臾酒醒展書讀仰視河漢天邊流  
做牀疏席清夢覺星月滿窗光未收來朝若借風日好  
海上裁詩投白鷗

正月樂辭用李長吉韻

東方青帝邀春歸金盃玉箭春晝遲微微小雨弄花姿  
翦翦輕風分柳絲鄰鄰披凍水光冷露濡浮陽野煙暝  
醉艷庭梅不忍折笑看九陌千鐙結

二月樂辭用李長吉韻

楊柳春在稿卷之七  
風暖綠楊津青囊拾翠多玉人花氣如酒香於鶯鶯嬌  
燕鶯疑爭春夜來微雨浥輕塵夢中醉卧梨花雲金鈿  
珠翠石榴裙紛紛紫陌如流水桑婦采桑忙欲死

九月樂詞用韻

一聲南鴈秋江水木蓮花發荷花死銀漢無聲流脉脉  
凝條殺木霜華白紅葉滿林催碧草殘金一抹斜陽道  
回風何處玉瓏璫半鉤新月掛疏桐

十月樂詞用李長吉韻

華堂蟻綠金樽傾紅爐炭獸紫焰明蒸裏千家開翠幙  
焦糟一椀登暖閣玉漏沉沉未得眠銀河一凍天風寒

起弄明月纖纖環

十一月樂辭用李長吉韻

人間飛電驚流光柔荔香芸弄早芳雲和絲管流霞酒  
踐長履襪稱眉壽雲鴈皎皎霜鶴素玉岸瑤林知幾處  
十二月樂辭用李韻

英英雪月霜風灑歲蛇欲赴大壑下星回斗轉玄駒賁  
一聲爆竹燒殘夜

久雨喜晴

積雨淫陰無時開萬落一水真堪哀欲詠靈靈苦不得  
兼有白霓爲此災清風倏破陰雲陣金盃捧出陽光來

楊柳春在稿卷之七

銀河夜見清淺遠西山朝見芙蓉堆寒不生蛾不耳  
老農笑舞如嬰孩腐儒素有國閭憂喜將秀句臨風裁  
五言絕句

次樊沙坪韻

滿酌紅霞漿莫訝烏紗仄只恐明日花不如今日色

次韻奉酬魏江村招飲

花柳正芬芳遊人何個仄燕歸與鶯嬌遮莫爭春色

閩山海國韻

高嶽通天漢崑崙貫月精岷山絡東井幡家應狼星

堂前桂樹賦



桂樹生仙府分香到小山終朝堂上見疑是月中攀  
桂樹生仙府移來傍五臺花神如有意不許等閒開

偶成

蘭氣薰牆綠苔紋匝地青閉門無客到白首太玄經  
堂下幾叢菊庭前數竿竹得酒卽成歌一杯還一曲

荅楊琢菴

金有誤持郎鐵曾疑竊客萬里魚書來何人暗開拆

龍關道中

白姐祠正花白石江初斷白馬客來遊白雲菴好看

次沙坪韻

楊弘山先生稿

卷之七

九

洗天風雨來蔽日雲如掃萬里江山春更深涼生紫陌

紅塵道

奉和升菴先生立夏日三塔寺鐘樓韻

金界開蒼麓鯉魚吼洱涯何日陀羅雨今朝簷樹花

復酬魏江村

河魚乃腹疾安得山鞠窮止酒還元亮君當恕病翁

抱病起常遲安能更有詩進來兼廢飲應報故人知

陶靖節形影神

形苦欲得酒影苦欲立善縱浪大化中神有自然辯

烏鵲

鵲有不善言鳥亦能報喜吉凶終在人何勞數甲癸

雷

不扶顏閔行不歿躡蹠壽壽壽屋龍煦育吹堯狗

師曠

耳如天下耳心神天下心安能乞神化家家知舜琴

郡名

我本樸榆人羞稱大理國欲奏明天子千古事當白

璿樞

璿樞周四七玉珥載十二三合洞迎推四禽貞分至

韻味

楊弘山先生稿

卷之七

三

鶴也類君子鴈對不受呼難進而易退嗟人胡不如

伴問

黃布赤海水蒸棗華不實伴問者伴對疑事安可質

沙門彈琴

弦緩琴不鳴弦急聲斯絕緩急如得中音調自更迭

陶隱居

名勝力菩薩詣阿育王塔誓受五大戒性亦頗奈雜

琢菴邀賞蓮池

濂溪池上頭英英四君子同上九龍車笑入壺天裏

寄徵仲



張旭每嗜酒三杯傳草聖衡山獨不飲五合隨筆陣

喜露詩

宜遠詩露詩混詠靈運寫元休稱三絕俱是知音者

鐵脚道人

赤脚走雪山梅花嚼嫩口朗誦秋水篇霞外有雜俎

齊宣王

挾山趨海難爲長折枝易不能與不爲子與善取譬

次韻

雲山飛逸興瀛海浪仙名敢戀蒼溪樂長懸魏闕情

八角菴

一逕入林曠蒼山最上頭天風來八面對景不能酬

楊弘先集稿 卷之七

三

和升菴林居

絳雪甜如蜜翠濤香滿甕日長醒鶴夢松下有基聲

給范山高處應無毒熱愁陰修木裏長夏似清秋

送獻仁向榮應雷上京口占

官柳千橋綠亭花一路紅馬蹄天上去龍氣匣間雄

漫興

我有一寸鈎欲釣千丈流六鼉來上鈎海底見螺舟

畫魚

春雷第一聲桃浪破千丈大小皆成龍風雲會天上

元宵

燈花今夜喜尊酒似人清不見還童老應憐太瘦生

家家燈一盞處處費千金我愛看明月吟沉醉後參

今夕知何夕星河下九天漢家祠太乙萬炬紫壇煙

瀛海鼇山出金花火樹紅似添蓮漏暖歌舞謝東風

燈火通三夕笙歌又一年春纔前日到片正上元圓

偶書

西賽龍華會東爭鷄足遊徒言距楊墨誰肯學韓歐

齊

常時思應雜今日心始齊變食兼遷坐吾師有仲尼

楊弘先集稿 卷之七

三

齊明欲洗心感格資思成洋洋如在上就謂無形聲

雲谷菴醉歸

黃菊開無數青山屬阿誰登臨隨取次酩酊任扶歸

題扇

嘗聞柳生肘忽見花開座等是忘機人渾沌誰能破

三冬苦無雪喜雪喜三白驂客醉熏熏田家笑赫赫

洗盆池

盆池日日洗倏忽沾泥滓空埃何處來人心亦如此

墻下葵

忠矣能傾心知哉還衛足何事在墻陰無乃甘幽獨



木瓜

開花如巧笑著子堪結好齊桓既有施衛文敢不報

刺花

粉妝似可愛多刺應難折何能上髻髮只好供蜂蝶

奉酬樊沙坪和韻

君懷四海寬自任一杯小安得醉如泥不見玉山倒

六言

和韻減字邀琢菴賞花

細雨頻催芍藥今朝開遍山家走報風流太守早來共

醉仙槎

楊弘山先生存稿 卷之七

三

奉和升菴先生韻用武夷仙翁六首

仙籍久依蓬島病身似住毘耶未問青黏漆葉聊封紫

笋新茶

五色琅玕自種一杯沆瀣頻澆壺裏乾坤納納筆端風

雨瀟瀟

未羨小山叢桂那尋流水桃花欲問茅君三洞試看許

據全家

誰識歲星入漢若為太白傳神遙望三神山上空歌九

曲河濱

嘯引空中鸞鳳聞盡松下龜蛇甚罷不知半夜丹成忽

見飛霞

病起形如孤鶴醉逢頭戴三花天上幾時歸去人間到

處為家

次沙坪韻

一片梨花雪白萬條楊柳煙濃何事妒人風雨淋瀝馬

上聞鐘

偶成

門外不栽五柳溪邊時見桃花彭澤何勞作得武陵疑

有仙家

宿蕩山感通寺次韻

楊弘山先生存稿 卷之七

三

鶴夢松梢半夜龜支牀下多年數點殘星帶月一潭空

影涵天

花外銀鞍卸馬花間玉笋吞鯨翠竹碧梧深處赤髭白

足相迎

月明千里萬里雲影前峯後峯共向此中相慰渾疑夢

裏相逢

兜率宮中勝會大羅天上嘉賓白雪從來難和玉川去

後何人二川作茶乳詞

楊弘山先生存稿 卷之七終



楊弘山先生存稿卷之八

雲南叢書集部之四

太和楊士雲弘山著

太和李元陽中谿選

七言絕句

奉和升菴先生雨中漫興

青氈半溼角巾斜寒粟生肌戰齒牙四野天低雲一色

點蒼五月雪飛花

塔頭榴火澤生煙遮幙寒威到酒邊一夜芭蕉簷外響

更籌數盡不成眠

雨中騎馬上華堂夏月羊裘更覺涼無底書囊談入夜

楊弘山先生存稿卷之八

醉歸猶聽雨浪浪

江村邀飲值疾東謝

尊酒清談興更豪水雲亭上幾醅醕如今獨抱河魚疾

孤負先生赤牘招

初雪

瑤池昨夜燕羣仙玉女三千下九天一曲幽香礙光帽

月明花落共娟娟

摩詰當年畫裏詩江干初雪費心思七公他日詩中畫

空憶江南風雪時

讀大學

諸儒經傳議紛紛兀坐書齋費討論白首紛如空太息

皇天未必喪斯文

奉和南園先生和白巖先生韻

一卧青山十載餘清風明月伴閒居此中吟弄知多少

臚見南園數卷書

鶴髮朱顏七袞餘也同貞白好樓居應知天上青藜老

來接人間竹牒書

太保朝朝入望餘夢中曾謁白雲居西風忽報雙魚到

跪讀先生尺素書

謝世行德如惠油魚

楊弘山先生存稿卷之八

堪同丙穴並稱嘉一棹西風起浪花莫道眼前知味少

季膺千里早歸家

升菴東還不獲溫濕濕亭之席借龍尾關歌韻

曾向峯頭躡翠氛山中風月許平分如今虛負山靈約

愁對斜陽龍關峯名一片雲

何必桃源更問津花間流水石粼粼玉芝之瑤草無人拾

應使青山冷笑人

夢中題筍

裊裊東風護短籬幾叢新筍長離離會看紫鳳空中起

帶得清風枕上吹



席上櫻梅

櫻桃花發更梅花門雪凌霜合並誇恐是尹邢仙魄化  
只愁飛去作雲霞

盆魚

數尾金鱗伴玉鱗翻萍泳藻咽花津盆池斗水雖清淺  
免得江湖困釣綸

羊棗

萬顆勻圓黑水晶曉霜催熟壓枝明浴沂高士偏知味  
被褐幽人獨諱名

恭紀慶成宴面諭羣臣

楊弘先存稿

卷之六

三

園丘創見大儀新正殿親聞聖諭諄千載遭逢懸日月  
六龍飛繞護綵綸

下弦月

皓魄當空欲下弦曜靈破曉出虞淵團圓銀彈何曾缺  
眇眇塵寰見自偏

製幅巾

鬢髮年來日日疏撮緇渾未護霜顛幅巾正好閒居戴  
涼水先生有舊圖

簡落第

洱水秋風一布衣碧鷄關上又空歸漢庭狗監無知己

莫向青山賦式微

李必登送松竹梅同盆

三友同心奈歲寒青葱顏色照冰盤小亭蘭蕙無知己  
送與幽人作伴看

偶見

蛺蝶雙飛過粉牆撲簾依檻為花香漫天剩有千絲網  
莫倚西風上下狂

炙背

霜枝傑立菊花乾雪幹新抽蕙葉寒手執一編閑炙背  
負暄堂外倚欄杆

楊弘先存稿

卷之六

四

山櫻

破雪山櫻幾樹紅照山臨水夕陽中田家種麥惟看此  
裊裊開花似北風

訪李鳳谷不遇

萬竿蒼翠拂雲齊門巷森陰有鳳棲正好子猷來嘯咏  
不因叔夜敢輕題

訪趙希周書堂

重重蘭桂遶書堂正是天香與國香雲谷主人勤護著  
無邊風月共年芳

晚霞



落日西山燒霧明  
晚霞千里報天晴  
嶸山落  
平九峯頭見赤瓊

老農

霜天初畢滌場功  
陌上行歌笑老農  
耕鑿  
漫從風雨卜年豐

李中溪饋香蘭紅梅

白石磷磷護玉盆  
紫莖暎暎吐金根  
國香  
也許光風到幕門

仙斝團團作月形  
驪珠數點若華星  
何年  
笑倚東風醉不醒

楊道舉書稿

卷之六

五

蠹化

蝶翅翩翩網羅誰知蠹  
橋似蠶蛾三朝  
縱有相憐奈爾何

蟹志

一穗朝魁任所之  
自注  
入海異前時  
人間  
蟹也  
旁行人未知

宿江村樓

三十年前宿海樓  
浪花如雪到牀頭  
如今  
一覺春眠醒未休

竹林七賢燈圖



栽松

四十栽松已覺遲我今七十  
笑讀香山居士詩

種竹

種竹還教謹護持閒來枕簟欲相隨行看  
赤日秋先到

山谷先生舊有詩

雨中海棠

一樹嬌嬈野寺中寂寥猶自笑東風可憐  
雲雨千林暗

更洗胭脂萬點紅

一枝摘入玉瓶中裊裊香煙細細風花色  
似應天女散

楊弘山先生集

卷之六

七

醉顏不是太真紅

閔寺經

何人施樹更施園說法于今幾百年留得  
五車書尚在

頁多紙上有香煙

閒來鎮日坐旃檀一卷楞嚴石上看蜿蜒  
青龍藏澗底

蹠躩白鶴在雲端

蹠躩

全蹠躩與半蹠躩菩薩如來自兩途此坐  
我今都未慣

僧房不用設團蒲

次沙坪龍津江村韻

若士當年汗漫游虛敖相遇志須酬好看  
黃鶴雲霄上

復次沙坪韻

天與江山作勝遊更將詩句漫相酬飄飄  
賸有淩雲氣

醉倚東風控紫騮

席上小芙蓉

春花亦自有芙蓉桃李陰中忽一叢滿  
國黃深更淺

西風不笑笑東風

再酬沙坪韻

老來欲學子長游萬里江山願未酬漫把  
遺編空讀過

楊弘山先生集

卷之八

八

蹇騾安敢望飛駟

龍關道中

桃李紛紛幾樹斜夜來吹落許多花東風  
莫悞遊人意

更遣雲峯一半遮

老鶴洲

白沙如雪海中央百丈吞天鶴嘴長滿眼  
魚鰕無盡藏

不須銜水任汪洋俗傳鶴銜水成池養魚

雉

麥壟初齊野雉肥雄飛雌伏兩依依可憐  
誤落虞人手

回首新雉傍夕暉



籠下爭看一卵遺林間羣卵復誰依可憐不遇斐安祖  
夢裏無因著繡衣

山中四月

山靜林深叫畫眉一聲聲應子規啼落花流水猶堪賞  
愛聽催歸日未西

晴

連日淫陰一日晴滿庭芳草綠苔生微風時動青鸞尾  
爲掃階前石上雲

連朝陰雨一朝晴早起東方看啟明五緯蒼龍同次舍  
桃都山上聽鷄鳴

楊弘生存稿

卷之八

九

連宵風雨一宵晴坐着看璿穹到二更北斗欲橫南斗見  
歲星光采映房星

向榮寄鷄縱

潦倒空懷五色芝玄英封寄到茅茨旋烹七碗風生腋  
正是山翁病肺時

南北朝閩

置閩歸餘異見聞國書南北自紛紜古今長歷推劉叟  
通鑑編年仔細論

蘭蠹

何物寧馨也蠹蘭紫莖綠葉半摧殘幾回欲負黃磁斗

兼種芸香傍藥欄

修蘭

午倦拋書一事無閒來庭下剪繁蕪碧沙翠石新培護  
還學跣趺數尺蒲

栽秧

一番好雨帶星耕白水青秧叱犢聲郭外薄田無牛頃  
一家辛苦望秋成

閱農書

木譜誰題秧馬歌試看農器幾多多平生漫作書中蠹  
才把農家一閱過

楊弘生存稿

卷之八

十

栽罷

栽罷田頭脫笠裝濁醪辛苦味偏多醉餘濯足盈歸路  
爭唱田家踏踏歌

雨中拜墳

淋漓馬上透青龍踐地泥沙壓病肩山屐好更芒屨溼  
羊裘暫謝葛衫便

洗池移魚

苔蘚摩挲洗一池清泉白石映漣漪北溟魚到南溟裏  
此樂惟應莊叟知

牧童



芳草牛羊滿地鋪  
牧童何處鬥撈菰  
殘陽一道青山外  
不管催歸鳥自呼

珊瑚鳥

隔牆終日聽珊瑚  
夢醒西窗日欲晡  
籠絡總因言語悞  
不如緘口學含胡

道遇于壽天樂

西風落日大江隈  
山雨初晴二妙來  
攜手同行應有約  
白雲深處舊書齋

圃竹

綠葉丹葩擁碧叢  
不知曾未識神農  
相逢試問山中客

楊弘先集存稿

卷之八

七

爾雅空勞註草蟲

睡起

壁間萬籟似秋聲  
一枕南薰午夢醒  
千古羲皇人不見  
閒拈彩筆校殘經

觀蕙蘭

一種纖纖學蠹蟲  
無端常在蕙蘭叢  
也知亦有人心蠹

檢點須加日夜功

陸菱荷白赤二種

一片丹霞映碧波  
西風一箠舞婆娑  
殷勤愛護千金鳳  
好對芙蓉看笑過

讀白沙定山集

白沙詩更定山詩  
風月情懷各自知  
閒向小窗時讀過  
甘泉居士有微詞

柬高孟獻貢士歸省

楚壁秋風淚罷彈  
謝池春草笑相看  
看山未羨燕山老  
五色斑斕膝下慳

寄段竹垣求清肺湯

病肺年來似少陰  
西風初動應金行  
金盤玉屑那能得  
還向先生覓八瓊

竹鼠化蝟

楊弘先集存稿

卷之八

七

萬竹林中寄此生  
漁人幸免免虞人  
前身忘却江魚化  
野蠹寧知化後身

硯硃

滴露研珠點汗青  
露華溼透太玄經  
曉來匣蓋淋漓重  
一片銀花似水晶

牧羊題畫

短笛橫吹不著鞭  
雙犍如語豔陽天  
垂垂楊柳青青草  
布穀聲中欲種田

野外能行黑牡丹  
夕陽流水落花殘  
綠陰滿地啼黃鳥  
誰羨揚州白玉盤



江上波搖鴈影斜  
鳥蹄踏處印沙前  
村風雨何須計  
落日平原早到家

倒騎不覺北風寒  
鏡裏龍中盡日看  
短景相催歸去晚  
一蓑明月夜漫漫

中秋弘圭山流月

中秋萬里共陰晴  
十九峯頭看月明  
風雨似知遊客意  
夜來洗淨一天清

九霄爽氣逼人清  
萬古中秋月最明  
一片山河銀色界  
真於何處覓蓬瀛

卷之六

楊山先生存稿

圭

客至飄然主未知  
主來尋客去多時  
登山不共看明月  
孤負東林酒半危

種竹

清秋新種翠琅玕  
風雨瀟瀟拂面寒  
分付沙彌好培護  
碧霄來日看飛鸞

食笋

一夜休聞萬籟龍  
嶄然頭角立西風  
醉餘睡起誰醒酒  
玉版禪師出定中

桂花

仙桂婆娑八月開  
靈根元自月宮來  
天風吹下鸞銜子

從此江南處處栽

向榮寄荔醬

南中風物此稱珍  
本草諸家未識真  
一自唐家知味後  
至今誇說齒生津

美人壺

弄玉吹簫上碧空  
煙花幾度夢秦宮  
何人爲鑄黃金像  
笑向尊前勸醉翁

龍湫

大龍湫對小龍湫  
南北相望隔一丘  
多少蒼生望霖雨  
碧波閒浸海天秋

楊山先生存稿

卷之八

圭

迎客

東風幾度看花遊  
北道高懷未易酬  
今日草亭攀逸駕  
縱金噴玉看飛騮

柴門今始開花  
逕新初掃爲有翩翩一客來  
倒屣倉忙作東道

夢

夢裏卽官喚水夫  
蕭然水部一行廬  
殷勤相拜出門去  
正是三更五點初

趙希周席上杜鵑花

杜鵑花似映山紅  
標格分明自不同  
爲報遊人須著眼



莫將春色看朦朧

外國移來綠一叢天台僧種鉢孟中如今五色成霞綺  
不是尋常爛熳紅

紫躑躅與紅綃巾元白題詩句句新欲識此花端的處  
南園翁已遇花神

李向榮寄鼓

配鹽幽菽寄山廚法製金山更有無老病近來須藥物  
專羹未下下清醑

蔡龜厓惠紙冊

雪楮霜藤忽一編幾行界破隔青煙摩挲老眼抄書卷

楊弘治先生存稿卷之八

未說山陰九萬箋

偶成

一釣沉山掣六鼈鵬搏九萬任扶搖觸蠻蝸角相爭戰

蚊睫鷓鴣共作巢

蕨

野燒迷空起綠煙雨餘風暖雀伸拳街頭鬻脚人爭買

一甕春香費幾錢

盆魚

數尾莘莘赤玉鱗盆池水淺不容身何當為沃西江水

一洗枯腸萬斛塵

李向榮元宵夜歸韻

百壺傾傾月當空報春春光一醉中遮莫小兒齋拍手  
接離儂者笑山翁

紀夢

九重城闕夢中遊天語分明賜狀頭玉室丹臺元有籍  
春風吹送瀛洲

剪春羅

春羅剪就翦秋羅好襯仙人綠菱荷時向風前歌旖旎  
更於月下舞婆娑

洗菊

楊弘治先生存稿卷之八

頗怪青蠅學蜜蜂無端黑白點花叢幾回欲作青蠅賦

只恐人疑似醉翁

鳧莊閨

燕尾初分雪瓣香龍鬚漸引玉莖長黃楊閨厄梧桐小  
細數鳧莊粒十三

牡丹譜

淑景亭前獻玉皇洛陽高品出河陽幾多池館無尋處  
蔓草寒花獨自香

窗漏

宮漏須知報曉昏亦知出漏力耕耘年來我欲懸窗漏



斗轉星移向此分

黃河

嘆息黃河萬古渾  
寸膠那得片時清  
崑崙頂外翻星宿  
滄海徒勞問太平

拜墳

一簋何如用大牲  
東隣元不似西隣  
華嚴一部何須看  
只看行庭不見人

中元

黃籙清秋啟醮壇  
大羅天上萬仙官  
瀛洲仙客丹臺主  
北斗闌干映石盤

楊弘先存稿

卷之八

七

早

亢旱何須謁大巫  
術人囊裏有遺書  
不憂天旱憂人旱  
應識民間歲有無

書感

測景何曾識短長  
斗星先已報輝光  
杞人自是憂天地  
不覺年來兩鬢霜

和楊史城惠丹桂韻

丹桂亭亭一樹圓  
廣寒分下幾多年  
紫雲一曲無人度  
會會丹臺玉籍仙

和梁禹承

一片先天未得觀  
春光門外萬花攢  
幾莖庭下蕭蕭竹  
數本堦前暎暎蘭

霜降日讀霜鐘賦

豐山此日聽華鐘  
萬籟清霜一扣中  
試問知音能有幾  
喬生不負達奚公

次楊琢菴韻

更無大藥駐顏駝  
只有流年一擲梭  
共向春風終日醉  
月明花底吸金波

次復江村韻

水雲亭上唱酬多  
醉筆縱橫灑墨波  
談笑喜爲文字飲  
尊前不用舞紅羅

楊弘先存稿

卷之八

六

次復沙坪韻

青袍白馬到沙坪  
萬頃晴波一鏡明  
三島四洲煙漠漠  
却疑當日夢登瀛

却疑當日夢登瀛

琢菴印刻

一登高舒嘯臨流賦詩  
一十九峯十八溪佳處

小印新聞琢玉菴  
武公去後幾人堪  
嘯舒十九峯頭上  
詩賦清滋十八灣

集句

水自潺湲日自斜  
韓九原松栢似煙霞  
李山只恐雪晴  
花便盡李不勝攀折  
陳年華陶



琢菴邀賞杜鵑花次韻

杜鵑聲裏杜鵑開如怨如癡  
似貽為報東風莫吹動  
白雲仙老看花來

五色天葩次第開東風三月對相陪  
不知仙種何年得  
玉女時從月下來

白芍藥集句

羸女偷乘鳳下時白雲辭葉雪辭枝  
飛輪回處無踪跡  
只恐嚴郎下得知

奉酬升菴先生追送不及口占韻一首

江流曲曲晴波渺山頭綠徧遮  
天草匆匆孤負錦江春

楊弘先春稿卷之六

不得班荆共傾倒

行路難

風雨人情反覆間休論遠水更高山  
可憐蜀道今猶昔  
平地青天有易難

江心雙魚

一雙三十六鱗潛萱草蓮花口  
內銜石斗在傍兼石秤  
見時豐稔喜先占

和升菴先生泛舟龍關

秋水冥冥暮靄濃江樓夜報欲時鐘  
西風吹送尋源客  
飛蓋翩翩類轉蓬

謝程樂峰先生惠同年錄

武皇丁丑太平年三百多人同得仙  
烏帽綠袍持白版  
相將會醉大羅天

有饋丹心千葉梅者走筆賦之

丹心一點映黃須雪藥千層著絳柎  
鐵幹騰擎鱗鬣動  
驪龍領下有明珠

見杏花

絳雪團團香滿枝春風走馬看花時  
長安一別餘三紀  
白首相逢是故知

盆池碧桃

盆花落地靜無聲盆水春風凍不成  
綠葉枝頭偏婀娜  
似貪結子任飄零

病起拜墳

滿目寒雲凍不飛東風拂拂雪霏霏  
原頭白草春還綠  
空嘆枯魚淚溼衣

傷時薦弟

蕭蕭松柏起悲風白首終天未窮空  
講義無血涕  
百年地下會相從

東風吹淚落縱橫

惠連自小已知名春草池塘夢裏生  
忽作松山山下土  
東風吹淚落縱橫



朝川圖

詩中有畫畫中詩不是東坡誰得知  
問道闔圖能愈疾  
太虛病幾多時

畫羊

畫看齧草夜歸欄  
變幻無常在筆端  
老蚌淚珠調物色

畫院  
沃焦山石點爛爛  
夜見畫隱

早藕長春藤

終南早藕太湖藤  
欲餌長生恐未能  
天下神仙多變幻

鼎中龍虎幾飛騰

月下對鴛鴦菊

楊弘山先生稿  
卷之八

三

聞道房心具兩形  
何年化作日華精  
夜來忽坐東籬下  
熒惑煌煌會填星

弘圭山雨中種竹

山頭移竹種墳前  
石上捫蘿遶澗邊  
孤杖荷錢兼荷笠

萬竿和雨更和煙

中元登弘圭山

白水青山秋復晴  
上方鐘磬隔林聲  
兩株古桂何年種

馬首香風一路迎

菱茨

向背須從日下知  
轉移更待月明時  
崢嶸頭角分紅紫

一點芳心白玉脂

蝓蚌

蝓蚌珠柱絕盤餐  
怪雨腥風入座寒  
渺渺江湖千萬里  
試因風景看波瀾

羣蟻

羣蟻爭看海上鼉  
巨鼉同冠五山高  
也知戴粒何曾異

封壤消遙羨我曹

和李中溪約遊鷄足山韻

青山削出碧芙蓉  
聞道雲栖學五宗  
華首天門攜一杖

毗盧不羨妙高峯

楊弘山先生稿  
卷之八

三

節後對菊

菊花開日即重陽  
莫笑狂夫老更狂  
濁酒一杯歌一曲

霜風入頰冷寒香

中溪饋香笋鷄菌

鐔龍粉色正鮮鮮  
今日真參玉版禪  
縱蟻紫光猶睡睡

一朝疑得肉芝仙

入城

幾日馳驅勞復勞  
那堪城市惹塵囂  
年來筋力知多少

病骨高於馬骨高

中溪惠絨帽



灑絨細軟暖烘烘  
冬月偏宜護禿翁  
何胤鹿胎爭得似  
病夫從此愈頭風

希周邀賞杜鵑病不能赴以花酒兼詩來賦口占  
和荅

孤負花神與酒仙  
臨風一嘯寄雲煙  
年年二月西園裏  
紫酒千鐘對杜鵑

趙希周園中觀杜鵑花和前韻

日暖風恬興欲仙  
醉餘戲筆灑雲煙  
欲知今日看花意  
子美當年拜杜鵑

紫筍茶

楊弘山先生存稿

卷之八

七

願酒山中紫筍茶  
年年入貢拜金沙  
湖州太守詩章在

一片那知萬姓嗟

食柰

度索君逢南海君  
廬山記得食玄雲  
別來不覺三千歲  
今日嘗新嘆白紛

粉西菊

玉貌紅顏妝點勻  
態濃意遠婉風神  
吳王宮裏三千女  
只說西施第一人

中溪惠百味丸兼酒

萬顆勻圓百合香  
一壺欲繼九霞漿  
伐毛洗髓真難得

傳得仙翁海上方

蘭本

蘭本去年進鹿醴  
既成四馬價應齊  
一朝漸落何人佩  
錢碧深紅漫陸離

偶閱本草見鼠狼事與義鵲正同漫賦二絕

穴中四子恣蛇吞  
情切機成穴外紛  
出穴入坳蛇自斃  
斷腰劈腹子猶存

鼠狼義鵲古今同  
知剪風生感激中  
安得凌雲新健筆  
笑題二物看爭雄

觀新曆

楊弘山先生存稿

卷之八

七

新書又到九龍池  
六甲年來自不知  
六六循環無了日  
白頭呼酒笑題詩

十一月朔日記夢

一裏開緘號紫丹  
兩緘書冊未開看  
新詩兩幅如拳字  
二復無端句更難

次韻謝仰齋

青驄蹀躞點蒼隈  
一日相過抵萬回  
大筆七言珠錯落  
高標千仞玉崔嵬

謝黃安厓翁

三十二年舊座主  
七十三歲老門生  
獨立點蒼望東嶽



洱河空向海南傾

閣登科錄

皇明五十五龍頭天下文章第一流白日青天千古獨不知誰是一峯傳

送杜伯厚楊廷聞會試

萬里西風著一鞭東風同醉大羅天老夫洗眼蒼山下

雙鶴橋頭望二仙

贈楊廷聞

君家盛事在庚年之子明年又得仙袍似爛銀文似錦

遙看白日上青天

楊弘山先生存稿卷之八

問胡仰齋先生轉瀨大參

柏臺又轉紫微迥青瑣飄飄舊謫仙十載回翔台斗近

福星暫借照南滇

雀燕

五雀六燕數分明飛集于衡衡自平一雀一燕飛易處

更看雀重燕還輕

郭鞠壇兵憲惠松雪巫山十二峯詞帖

誰唱巫山一段雲吳興風月勒巖扇依稀記得袁郎語

好慰巫山萬古靈袁嶽之語謂秀峯巒巒奇構異形林木蕭森離離蔚蔚乃在雲氣之表仰

鳴俯眺不覺忘返自所履歷未始有也山之可洗名山之誣

琢菴席上用杜句足石前江大尹蘇句未仍鄧句

百遍相過意未闌誰家數去酒杯寬粘腸未易禁三梳

老眼猶能見一乾

別魏江村墓

水邊山環已亥衝江村馬鬣萬年封西風老淚頻回首

華表峨峨夕照中

夢中

萬丈波濤不可知游人夜半夢中詩幾年曾共龍門戰

一鼓春雷變化時

點蒼雪後

楊弘山先生存稿卷之八

玉屑瓊膏壓點蒼最宜晴旭吸霞光尋梅未得千缸酒

幾度登樓鼻觀香

寄胡仰齋

南中棠樹望勾宜海內文章已虛傳彩筆染雲公事了

紫微樓閣有新篇

升菴寄南中續集董西泉侍御亦有書至因和升菴集中自江川之激江東西泉韻以寄二公

江水平鋪見底清輕風細浪羨江香江邊賸有忘機鳥

相送仙舟入郡城

江山勝迹眼前供尊酒醺顏醉後紅正是山陰清興發



小舟直到剡溪東

奉和次韻琢菴賞花

共賞瓊花一朶鮮花應訝我亦神仙平生不入花叢裏

只是心腸鐵石堅

醉倚窗干帶笑看香風裊裊共翩翩幾迴細把花心數

不讓葵心一點丹

楊琢菴席上

九十春光過大半三分春色已無多白頭相對花枝飲

醉倚東風發浩歌

青詩

楊山先生稿卷之八

七

青苗正苦雨連綿斗米于今費幾錢縣吏催科星火急

囊中羞澁更何言

荅郭鞠壇寄永昌講義

天地生人有意無須作人間大丈夫天下廣居天地大

幾人能讀孟軻書

弔魏江村樓

令威一去幾時歸城郭人民半已非華表月明空佇望

夕陽無限鳥頻飛

奉謝胡仰齋公書扁

七尺書樓飛珥筆乾乾齋更灑銀鈎九三終日觀文

一卷殘經愧白頭

郭鞠壇憲副寄露虹橋記多少箴

百丈晴虹跨碧瀾蒼崖一片勒江干魚龍水底應知避

相府文章是鞠壇

多少分明十六歲此身何啻重千金可憐四海皆兄弟

須識丹崖一片心

雪後

萬疊銀濤雪後無人間何處覓方壺金鳥閃爍光搖海

一本天竺釋雪圖

奉和琢菴見招賞芍藥韻

楊山先生稿卷之八

美

白玉花開更可誇今朝喜到琢菴家醉後肩輿那用借

老來乘馬似乘槎

四經三禮

仲晦臨漳刻四經至今題跋炳丹青可憐三禮何時定

欲起玄成與幼清

紅梅

一樹橫斜萬玉條驪珠火齊著青稍平生鐵石心腸在

冰雪如山見即消

弘圭寺見山茶

繁霜十月見花開山北山南未放梅半夜月明星數點



長明燈照碧遊臺

忌日感懷

銜命金門出使歸壽觴未<sub>一</sub>綵堂輝豈知<sub>一</sub>慈抱終天痛

孤負瓊爛五色衣

客途二載瞻依處卧病三冬夢寐間只有寸心空貯恨

不勝清血暗潺湲

謝時川惠蘇筆

新截琅玕顧兔靈南宮起草舊馳名于今又作南山判

直與鍾王欲抗行

棗酒

楊山先生存稿卷之六

五

海上何年棗似瓜山中今日酒如霞未<sub>一</sub>敦朱實生方丈

欲采松花滿一車

再賞丁香花

十月開花映小盆玉顏朱粉照冰魂從今合作丁香譜

試與騷人仔細論

偶成

一棗沉沉二棗浮椒花細細水花柔山中不采長生藥

賴有紅醫醉白頭

披裘帶索羨榮翁齒豁顏童帶病容興到自吟還自和

不知身世已龍鍾

醉後三首

白馬先生醉據鞍夜深歸去不知寒一春誰是東風主

坐到天明興未闌

酒醒詩成夜半過鷄鳴起舞欲<sub>一</sub>嗒嗒如今老去渾無力

眼色三杯發浩歌

草堂

少陵詩在草堂荒誰向鍾山問草堂太白草堂留<sub>一</sub>三曲

草堂風景自南梁

忌日

不奉慈顏一紀過淚痕爭似線痕多含悲不忍聽風木

楊山先生存稿卷之六

三

問極那能問<sub>一</sub>蓼莪

七十孤兒淚滿衣百年無母欲誰依天恩地下露新贈

無復高堂拜翟翬

我母真如歐母流無離不樂樂離憂<sub>一</sub>癡兒自識難諧俗

孤負慈恩到白頭

三釜悽然未得供<sub>一</sub>聖書蠹檢下丹楓慈靈泉下猶勞望

好向明時校樸忠

寢幃無復候鷄鳴斗自橫斜月自明惟有夢魂見顏色

句於憂書識精英

憶升菴夢中句足成小絕



美人一去蒼山空升美人住近蒼山東蒼山更望  
到美人何日來乘風

柏枝甘露湯

活火新泉手自烹金莖玉葉滿銀甕龍膏鳳髓翻如雪  
一盞清風兩腋生

元日

柏葉新銘舊頌椒百花香和茯苓膏山林此日懷芹曝  
天上春風醉碧桃

望長陵有感

遙遙三五喜成登洪武基圖永樂承萬載金甌如昨日  
楊山先生存稿卷之八

西風吹雨望長陵

拜墳追和唐歐陽詹韻

松柏蕭蕭夕照微片心孤逐斷雲飛一尊醅罷踟躕久  
淚眼模糊月下歸

送張獻仁進士奉母之京口占

萬里潘輿上玉京春光如畫送君行遙知紫誥重  
畫錦堂前望旆旌

題畫田氏紫荆

千古清風孤竹君淮南斗粟不堪開岷山亦有交柯樹  
誰許人間骨肉分

和草池雨中對蒼山

十九峯頭好出雲九池堆墨更氤氳須臾斂却渾無迹  
一幅天開錦繡文

道人應是愛青山一片閒雲自往還花落滿庭公事了  
不妨終日對孱顏

坐忠風雨忽飄瀟暗折庭前幾葉蕉好寫新詩付雲鶴  
美人多隔海山遙

元宵

簾鼓喧喧動四隣向人燈火盡情明醉中彷彿還疑夢  
車馬從橫不夜城

楊山先生存稿卷之八

香霧濛濛欲襲人月明露坐溼衣巾做表記得曾遊處  
猶帶京師九陌塵

清明日復用歐陽前韻

萬家煙火望中微一片風花到處飛南北山頭人散後  
德公獨向鹿門歸

三月朔日用前韻

路遠青山一徑微淡煙如雨隔林飛可憐芳草連天綠  
似恨春光不久歸

松下卧用前韻

一枕松風卧翠微翩翩胡蝶夢中飛忽聞剝啄驚啼鳥



老衲門前杖錫歸

紅梅圖

賺山絳雪落江南大庾枝頭酒半酣原是英州司寇種  
丹霞一片染晴嵐

墨竹圖

渭川分得翠琅玕四壁蕭騷六月寒正是琉璃屏下坐  
碧霄終日看飛鸞

滯輿

吟醉先生已白頭婆娑老子亦登樓山居錦日渾無事  
卧看雲山似水流

楊弘山先生存稿

卷之八

三

寄石前江大尹

海上曾聞姑射仙城頭止見點蒼山耶官自是神明宰  
冰雪高標相對間

雲雪

雲護山頭雪未開雪光雲彩爛銀堆有時雪去惟留雪  
萬疊蒼蒼白玉臺

五峯

點蒼雪白五峯青虎踞龍盤倚太清自是氤氳風氣合  
不教陰凍等閒生

登圓覺菴

馬上看山入寶園山花紅映樹林間欲窮上界金銀色

聞說蒼山是鷲山

李中谿近考蒼山即靈鷲山

千葩萬藥傍香臺欲折遺憐半未開憑仗東風須著意  
明朝攜酒更重來

檳榔齊民要術不及滇產

昔年喜講益期書本草圖經總不如為問高陽前太守  
不知曾識此君無

蘭開

檻外蘭開鼻觀香透叢蝶紫更慘黃穿花掠葉深深見  
飛去還來底事忙

楊弘山先生存稿

卷之八

三

次魏江村相訪馬上夜歸韻

黃昏月出點蒼西白馬風翻碧玉蹄漁火江村三四點  
分明遙映綠楊堤

商頌

一代詩歌十二章五篇猶在七篇亡金天鳳鳥名官後  
郊子何人獨不忘

雲雪

一峯晴雪一溪雲雲雪相依玉練分待得雪消雲散後  
青山綠樹映朝暉

紀邊報



侍郎上疏請開門百萬生靈詔入城兵馬五城同賑濟  
元元赤子軫皇情

虜塵八月犯神州天杖移登五鳳樓獨使至尊憂社稷  
百官齊叩玉墀頭

司業先生策一通臨機制勝動天聰九門提督膺新命  
繡冠鵝持搵虜鋒

蘇州經歷亦忠臣禦侮誰知是幕賓忽報生禽富喇哈  
手執剛叉二十斤

東北遼陽有舊城朵顏三衛障神京東夷翻更通西賊  
巨鎮何時復大寧

楊弘山先生稿

卷之八

美

寧夏榆林接大同固原甘肅鎮俱雄若教三受降城在  
點虜安能入套中

虜退

虜退須防虜復來九邊從此用眞才聖明天子如成祖

神武當殲阿魯台

閱登科錄

洪武開科辛亥年丑辰未戌五臨軒獨憐丑戌題名記  
殘闕于今已不全

漁父

竹竿籊籊水泚泚貪餌吞鉤樂未休誰識先生眞有道

非夷非惠足忘憂

賀天臺老人初度

壽星光映德星堂豔雪飛時絳雪香爲問朗陵君住處  
里門何日榜高陽

鷄冠花

紅鷄冠對白鷄冠雪點皚皚血點丹分付鴛鴦花隔位  
莫教相鬥恐成癡

松江漁翁

忘形忘利到忘心萬頃煙波歲月深江上往來無限客  
高山流水少知音

楊弘山先生稿

卷之八

美

三笑圖

三士盧胡一笑同粲然一笑小二童旁人借問緣何笑  
欲起東坡與畫工

周潭左轄汪公惠波石徐公集暨羅念菴冬遊記

讀而有感述言六首

鵝湖白鹿幾千秋朱陸高蹤尙可求天下何曾乏知己  
念菴今日記冬遊

二百諸賢會水西木升水漸見龍溪石翁有語君須記

衛道藩籬屬阿誰

嘉會冲玄七十人上清東館月華新幾番提撥先自語



認取良知二字真

波石先生絕筆書相投誰識夜明珠遺編賴有周潭

會得微言拜下初

東郭雙江與念菴好騎白鹿踏煙嵐繡衣白筆題前處

五老相迎喜盍簪

心齋于里謁陽明問荅鏗錫聽耳傾十載神交元有夢

一時仰止二先生

憲明仰齋先生總憲

參井西邊與魁東法星光映太微宮寸心不受千山隔

雙眼猶明半夜中

楊密本春稿卷之八

一片輕帆漢水東五雲遙望大明宮定知便殿傳宣處

天下蒼生奏對中

題扇

騎氣飛雲汗漫遊眼看瀛海一浮漚壤蟲安敢希黃鶴

空羨雙臺十二樓

重陽

菊為重陽作意開東籬何處白衣來悠然萬古南山色

獨對淵明酒一杯

紅梅與松竹同益獨開一葉賞之

鮮鮮一點鶴頭紅鳳尾龍髯共一叢誰識此中調鼎意

百花頭上醉東風

盆池雨

寒天新雨滴盆池正是鱗鱗跳沫時不用西江滋潤轍

獨憐紅鯉過河詩

上元

犬乙祠前到曉明漢家天子愛長生從今不禁三元夜

車馬縱橫看火城

午夜朦朧賦燭明誰家樓上踏歌聲山翁酒醒門前立

獨看天邊列宿行

約遊鷄足

楊密本春稿卷之八

九曲層崖咫尺間平生何得一躋攀百年空具登臨眼

未免望墩笑定山見望墩集

老眼從來愛看山閉門終日壓塵寰久知鷄嶺三千丈

欲到雲林一叩關

華首天門幾箇登興來東望欲飛騰青虬白鶴知無用

好與空王借大鵬

贈楊廷問赴會試

雷電蛟龍起九淵梅花獨占百花先渠黃自是空羣物

萬里雲霄看著鞭

永昌郡檄榆縣



永昌郡自漢明時金齒翻更作使司漢武標榆開郡縣  
錯稱大理有誰知

碧桃

一枝碧玉向東風獨映清池綠水中風動彩雲騎白鳳  
月明玉母下仙宮

小山茶

小山茶似大山茶細葉疏枝淡淡花一種春風俱得意  
醉餘容止葛巾斜

賞春

老大閒身年少心醉來偏愛短長吟陰晴春色俱堪賞

楊公先生存稿卷之八

三

一刻韶光抵萬金

種蘭

楚澤蘭還似楚鄉今人心較古人難夜光明月渾疑暗  
流水高山莫漫彈

春山

積雪初消山黛青燒痕新沒亂青冥幾回醉倚東樓柱  
一道清溪瀉翠屏

簡同榮

去年鷄足今鳳羽二仙法天知幾許我欲一遊尙未成  
願復隨肩待幾驅

訪琢菴

小桃花映杏花紅弱柳青青一路中今日出門騎五馬  
幾時攜手醉東風

蜜雪

六花調入百花精玉屑瓊漿細細傾塵思煩襟似雪盡  
清風兩腋一時生

看花二首

今年花似去年紅到處園林到處同爲問今年人更老  
莫教花笑白頭翁

今日花如昨日花東家蝴蝶入西家明朝花落誰來賞

楊公先生存稿卷之八

甲

醉倚東風到日斜

訪樊沙坪

細竹叢蘭列檻前小山盆石是天鑄輞川漫說王摩詰  
輪與沙坪小洞天

登魏江村亭臺

高山亭臺山上山一聲長嘯入雲間海天春水茫茫動  
數點漁舟在碧灣

飲周龍津花下

花下傳杯花欲然滿庭濃綠半生煙誰教酒渴詩狂劇  
吞海還思欲上天



龍關道中

村花柳一村煙日暖風輕興欲仙馬上酒醒醒復醉  
御風來往任翩翩

冰雨催花又落花燕泥新溼柳偏斜烏紗頂上斑斑點  
白馬如飛愛碧沙

太乙數

九宮八卦列圖書太乙經文世有無千古流傳乾鑿度  
紛紛諸子費工夫

望雨

花柳煙雲似畫圖蘆頭忽見麥苗枯東風莫稱遊人意  
楊弘室春稿 卷之八

好雨何當一陣蘇

過趙春汀墓

不見春汀三十年金芝玉樹滿庭前東風無限相思意  
疋馬孤吟黑水邊

山雀

山雀飛來五色毛一聲獨立動花標忽然飛去不知處  
萬片山花共寂寥

法資寺見露下花

剪雪裁冰細作花百花深處梵王家我來渾未知名字  
試問林間老法華

次韻

柳絲長花陣香柳眼豈無賴花心亦自忙尋花問柳年  
年事贏得春風洗肺腸

花影遲鳥聲和鳥歌翻白雪花舞試香羅春風著處俱  
堪賞洛下先生有舊窩

雙續 唐書見

淡月清霜曉出闌犁星點點碧雲端從橫百畝斜陽外  
未羨當年黑牡丹

贈杜伯厚會試

纔向西風聽鹿鳴綠袍新染到神京曲江共約東風醉  
楊弘室春稿 卷之八

笑指梅花贈爾行

輓李母

老大麒麟五色衣獨憐寸草報春暉那知度索仙桃熟  
悵望青鸞竟不歸

輓王處士維賢同年之父

丹穴新雛瑞世鳴丹崖百丈舊崢嶸西風一夜驚猿鶴  
吹過汪洋作些聲

丁香花折置盆池半月尚開次前韻賞之

盆裏新添井上瓶舊花未罷又新英冰霜標格誰知道  
時向簷前數舉衡



蕙花

雪頂霜眉一幄張紫鸞煙駕欲高翔錯擬太乙蓮舟上  
吹下天風萬斛香

穀龍

天上蒼龍是穀星人間揚穀作龍形崢嶸頭角斜拖尾  
百丈螭蟠欲上騰

栲絲

雪壓霜欺滿樹香橙黃橘綠共年光分金切玉冰殘齒  
利慘浸醅洗莧腸

楊公先生存稿

卷之六

望

楊公先生存稿卷之八終



楊弘山先生存稿卷之九

雲南叢書集部之四

次韻王仁伯即事

太和李元陽望雲齋選

五言律

十四日立春

元旦先開歲元霄 逼立春綵幡宮樣巧 燈火月華新  
太乙祠明夕陽和應 此辰一天星斗下 頓減雪霜痕

是日有送紫薇花

輕塗金粉鬚翻著 紫霞裾包含千磊隗 爛漫萬瓊瑤 蕭  
颯涼風動炎蒸 暑氣餘一枝誰與贈 秋到吾廬

楊弘山先生存稿卷之九

庭鷺

白雪翎猶短黃金 頂未絲風前飄的的水面舞差差沙  
渚鷺同伴蘋花入 夢思愁來縮饑頸何處覓魚兒

九日

自笑江山是誰嗟 齒髮非開尊金菊細下筋玉鱗 屢  
日陶潛醉何年張翰歸點蒼最高處欲共白雲飛

次韻王仁伯墓草

冉冉歲時易哀哀 天地知忽聞苦塊咏如見雪霜  
倚泉臺結恩光草木滋白華那忍誦鳥鳥未忘私

蒼蒼霜月白黯黯 莫雲愁鳴咽泉聲凍淒涼草色秋

峯分澗遠一徑入林幽 不得頻來訪因風寄倡酬

次韻王仁伯即事

固應悲素練何必哭途窮 皎皎雲間鶴冥冥天外鴻 豈  
無屈軼草自有後凋松 聞道圖南化須培九萬風

秧鷄

春苗來乳子秋雨引羣兒 白白真珠點蒼蒼樹皮黃  
雲收割日清渚徙居時忽落田家網 應憐避地遲

又寄李中溪

交限當黃道行宮到實沈 羣龍乾六位 羸豕妬初陰 玉  
兔明東井金烏暗白參 五星如禦侮何物敢相侵

楊弘山先生存稿卷之九

又和禹承

吾愛鍾泉子讀書常閉扃 句追天下白才似海東青 未  
倚雙鴉鬢自憐孤鶴形 幾時開藥圃松下覓仙苓

醉夢

長夜漏無聲酣眠夢忽驚 金門新署匾玉籍舊題名 霄  
漢丹心切江湖白髮生 從來笑季主何事問君平

無題白燕

吐起金華石鞭動洞庭 雷雲裏誰尋得雲中忽下來 五  
仙今杳杳一隻尚皚皚 白燕應相約飄飄上玉臺

大風



捲地疑翻屋號空亂打門扉  
應江立萬波潭零  
落花辭樹驚飛鳥失羣  
傲我無那冷濁酒更須溫

升菴先生至禱

病青山翠龍鍾白髮新相逢  
笑後又別幾回春煙  
樹間紅翠晴江見綠蘋  
冷然仙馭至喜得挹清塵

疊韻呈升菴先生

花事看猶在鶯聲聽轉新  
相逢疑是夢何處可留春翠  
暉吟紅藥滄洲采白蘋  
千年空見月幾度偕生塵

與琢菴投壺

偶爾君耳我敗壺管  
日會周賀此時無舉

楊弘治先生詩卷之九

白花前酌清狂醉後呼天公  
應一笑滿坐看胡虜

八日

七葉仙莫吐三元吉日來  
鑲金垂鬢彈鴛綵門花開暖  
色流鶯至香風戲蝶迴  
病懷全爲減萬象在春臺

奉邀樊沙坪魏江村楊琢菴

今歲看花會花神應怪遲  
一春嗟卧病雨月欠題詩  
紅雨飄零後青煙掩映時  
小亭蘭數本聊以倚芳卮

喜晴夜坐

淫陰剛一月愁殺度中秋  
誰披黑雲陣忽騰銀漢流  
九霄澄一碧萬象豁雙眸  
喜極還宵坐東方出玉鈎

九日

九日逢佳節三秋有同餘  
未堪采註菊猶自插茱萸  
細雨催花慢輕霜拂曙  
初題糕不得句慙斷白髮須

十日

十日滿天雨黃花猶未開  
金行遲王氣玉液暫停杯  
月專相待重陽喜再來  
老夫能躍馬多病更登臺

疊韻謝和

斗室容多少幽入興最高  
塵勞方衰衰奈守自覺  
葛池靜龍便卧風生鶴任飄  
誰知林下昇時向醉中逃

又

楊弘治先生詩卷之九

蝸舍吾何陋龍門君獨高  
也知同閨寂那得惹紛囂  
草色交庭翠芸香入座飄  
從遊有二仲不是兀禪逃

和仰齋先生話李中溪竹園韻

優鉢何時現菩提會未曾  
六塵緣五蘊一棒打千鐘  
任有鷗臨窟何妨鼠嚼藤  
恒河沙世界誰醒醉中朋

八月十五夜月

今夜中秋月雖圓尚未圓  
人皆瞻白兔我欲問青天  
把酒須來夕高歌似去年  
六日盈虛誰算得千言子雲

次

十六夜月



月是今宵望天公不放晴已孤千里共那得十分明獨  
聽懸窗漏空懷遠曙情題詩無意緒風雨雜鷄鳴

趙希周邀飲雲谷巷

河朔當年飲江南此會奇細斟金饌落靜聽玉參差白  
髮吾今老青雲子未遲扶搖培九萬六月到天池

送唐通府以憂去任

桃源人

從容陪坐嘯風木抱終天玉洞桃花閉瑤臺鶴駕翩空  
懸陟岵望忍續白華篇別駕誰題坐陳蕃古孝廉

牡丹圖韻

牡丹名自古粉白冠而今萬片綠雲繞千層豔雪深翻

楊弘公先生存稿

卷之九

五

翻雕珮玉霏眉鬱香金不受韓郎染須知造化心

和郭鞠壇崔栢溪曲池聯句

一臺逢二妙共作曲池遊畫舫因風動清觴逐水流護

迷芳草岸蕩漾落花洲好續蘭亭會新詩幾度留

奉懷郭鞠壇

春夏驅戎隊旌旗指栢南天聲飛霹靂霜氣掃煙嵐怪

應狼星動終須虎穴探幾時歌杖杜翹首望歸驂

謝楊郡博

廣文真有道探古自義吳言念山中匹馬霜天曉寤

予抱沉疴神藥起衰老冰壺一片心相見共傾釀

又

世道日江河風教繁誰掌丹青久渝色木鐸已絕響鄒  
魯列科條湖蘇資培養模範端在茲繩墨出大匠

人曰

此日是靈辰焚香拂座塵羲黃經一卷七十六閒人寒  
勒花遲發春催柳未勻回風飄急雪山色玉嶺嶙

梅花亭

玉貌曾相識金閨獨早榮綠陰垂滿地青子待和羹愛  
繞行三匝沉吟謝百觥來年春更早踏雪嚼瓊英

小雪

楊弘公先生存稿

卷之九

六

月魄剛三夜天公翦六花輕寒侵布被遠樹忽瓊葩  
穠黃千頃淋漓溼萬家老夫煨榾柮不覺酒須賒

會石馬泉亭次韻

石馬今何在風雷已化龍寒光搖一塔清影浸中峯玉

井蓮堪種池燕或逢逍遙亭上客賴此洗心胸

又

泉眼生花細流聲漱玉寒金沙明的皜翠石遠闌干好  
月新亭得長河隔座看幾時騎赤鯉須鍊葛仙丹

宿圓照寺夜夢與升菴同舟賦別覺惟記頸聯因

足之為奉別云



喜劇神交際愁分夢寐中登樓千里月歸棹一帆風  
築何時定銷魂此日同相看滿眼淚不是爲途窮

蕨齋

蟹脚沾春膩兒拳凍玉脂  
煖烹香入養編湯滑流匙有  
約輸張翰高歌羨伯夷  
仙廚足鸞鳳此味幾人知

夜鼠

夜枕不能寐其如黠鼠何  
鼓琴思孔氏作賦憶東坡  
食黍三秋貫緣梁眾技多  
漢廷有酷吏會樂此么麼

題周青城春江使節卷

龍節銜天使乘春下赤霄  
紅花牽百丈正宿雙橈萬  
楊弘山先生存稿卷之九

壑吞雲夢千峰拱舜韶  
九疑有舜殷勤有王事黃鶴不  
須招

新燕

萬里烏衣客春來此暫栖  
畫梁尋舊主香徑掠新泥  
啾情難盡輕盈舞易低  
行藏知有意百鳥未應齊

八日

此日占宜穀連陰喜翫晴  
燕風温旖旎山雪盡分明  
曉憶紅綾餅看同七菜羹  
饕頭春漲滿對客勸飛觥

喜晴和草池韻

閨闈春愁際瞳瞳曙色明  
半乾泥踏絮初罷冷欺鶯  
帶

雪峰巒出翻風燕雀爭來朝  
蘇病骨攜酒醉花陰

飲雲谷庵

萬綠正森森逶迤一逕深  
冷清澗溜渺渺白雲岑  
樓閣開松杪尊勳傍竹陰  
喜逢東道主延賞滌煩襟

又

白駒光皎皎青壁快登登  
猿鶴遙相認煙霞暮欲凝  
酒如金谷令人似玉壺  
冰首夏開新霽清飈洗鬱蒸

春牛

五色先占歲三鞭樂勸耕  
送寒今日盡迎氣一年生  
景祐新經在景祐班胡元制  
更至元班牛式國初襲舉  
楊弘山先生存稿卷之九

頭看北斗又見攝提貞

和許少華中丞寄韻

冀北傳新句天南問舊遊  
愧無元亮徑敢愛隱居樓  
草字千金重花牋五色浮  
藜牀時把玩減却病中愁

泛洱海次時川韻

洱河真似耳萬壑此中潄  
流漫通蒼海波光動葉榆  
六鼇應掣釣蓮葉欲凌虛  
向夕魚龍喜清颺送醉與

登蒼山次時川韻

野遊探險絕山酌洗淋浪  
自昔懷丘壑何時忘廟廊  
岸沙看海近清嘯入雲長  
醉憩淵明石誰言醉後狂



次時川羅陋宿民樓

自昔炎荒地予今斥堠修漢官初見日蕃落從戎秋三  
帳書頻閱青驄嘶未休應憐唐節使鼓吹壯邊樓

聞時川建立蒼山木主屏去雜像有感而作

聖祖開天詔山川革舊封神明惟木主報功祠宮風

雨同壇祭本朝合風雷雨山川一雲山四壁中城隍

殿塑像為泥塗壁繪丹青垂炳煥千古破愚蒙

投壺

絲竹削為矢青銅鑄作壺奏雅思雅樂立不用新圖溫

格有闕隔隨雜應敵連驍妙更無試言會不獨較

楊弘先老稿卷之九

羸輪

雷雨

雷霆驚霹靂風雨洗滂沱柱擊乘龍窟簷翻陸海波未

愁失七箸只恐偃却禾忽憶乘槎客飄飄正渡河

送李國賓還汴

曉日都門道春催使節回暗黃初著柳香素正塗梅可

愛山頽玉懸聞筆落瑰梁園如作賦應不讓鄒枚

送劉戶侯參軍兩廣

卓絕追孫楚風流羨鮑昭參軍新五嶺都尉舊雙鵬看

劍光橫雪張油張颯颯壯圖知不負鵬海任扶搖

送楊秉德丞邾城驛

雙子衣冠族邾城好驛亭千年秦刻在萬仞嶧山青地  
古鏡遺蹟樓高閣使星逢迎有餘暇猶得望滄溟

蜘蛛

蜘蛛新結網幾度倚闌看公子應停脚翼生早掛冠遇

蓬蓬失利習蝶尙留殘一笑天機巧夢思忽萬端

立冬拜墳

陽月初生朔靈臺報立冬煌煌大火次拂拂不周風三

白移新位分烏屬應鍾遙瞻松柏路雲黯五臺峯

雙犢

雙犢初齋駕孤童不費牽一冬晴未雨四野曉生煙畏

髮驅良耜垂垂試著鞭天寒日正短剛了一雙田

除夕追次庾肩吾韻

今宵歲條殫截竹報平安豆粥餘殘瀝椒花頽滿盤乾

坤供一醉日月跳雙丸五百懽誰叫吳鉤笑獨看

元旦椒酒

莫葉逢三朔椒花獻一鍾玉衡清液重金甕綠醅濃北

斗傾天席南山映聖容小臣林壑下三祝效華封

醉後別退之韻

燭然眾星光從此良夜醉爭把屠蘇杯笑對藜藿

燭然眾星光從此良夜醉爭把屠蘇杯笑對藜藿



歌謫仙詞學寫張顛字須臾桃李闌青春莫輕置

雲谷菴醉歸

亂木攢空濶搏斤命僕夫江山開勝槩花鳥勸提壺藉  
草頻移席捫蘿不倩扶月高纔上馬醉眼欲模糊

重陽東環菴

種菊開獨遲乞菊開太早逼 迅九日臨聊得一枝好請  
客來看花相對共傾倒

五言排律

鴛鴦菊

半黃兼半紫花譜號鴛鴦翠 鬢風前舞丹眉月下妝同

楊山先生集卷之九

十一

生連理共醉合歡牀豈是 韓憑化應非賈氏香金星  
輝寶瑟玉露滴瓊漿蕭史看 乘鳳文君恥調風願言持  
晚節相倚巖翠芳

三月朔日

洛水瀟瀟後蘭亭作記初好花晴日綉細柳暖風梳草  
色青堪踏川原畫不如誰鳴 曾點瑟聊閱夏正書蕉鹿  
閒無夢河魚疾未除佳辰那 忍負惜共酒杯初

中秋日弘圭山待月

萬古中秋月無如此夜圓飛 觴催白日把酒問青天鷺  
嶺攀高頂龍宮集眾仙歌凝 雲縹緲舞翳羽躡躑風露

清無敵金銀徧大千塵寰俄 洗淨空水更澄鮮光耀諸  
天路香浮五色煙遙遙蘿帶 解笑傲葛巾偏蕉葉供吟  
緒松花落醉筵西巖一墮後 暫就遠公眠

命文

倚蕭青蓮座傳筆翠篠圓龍 收歸洞雨鶴放落霞天病  
減渾添思身輕更覺仙鳥聲 停寂寂花影弄蹉躓禪律  
參三昧經函閱五千果逢山 栗熟羹羹澗毛鮮瓶吸玄  
潭水爐飄柏子煙輝娟光正 滿瀟灑與尤偏滴瀝蓮花  
漏淋漓翰墨筵去年今夜醉 如在月宮眠

候地動儀

楊山先生集卷之九

十二

尊中樹都柱入道隱機關覆 蓋密無際瞬能測其端尊  
外環八龍叩首銜銅丸蟾蜍 下張口各各仰面觀地震  
丸自吐倏忽蟾蜍合一首聲 自激七首寂莫千由茲驗  
方面萬里咫尺間制作倅造 化巧妙絕匪匪

南山采蘭

采蘭西澗曲細路怯登登下 馬問荒寺入門無野僧荷  
鍤命童僕擔籃覓芳馨獨留 移日影遙望渺雲層忽遞  
香風至兼之暮靄凝幾叢翻 綠葉數本帶冰壺未得黃  
磁斗何當白石罌誰令漸蜜 醴更擬索胡繩季女服無  
數騷人詠不勝草堂甘寂寞 賴爾作良朋



賀高天臺先生初度

欲問大椿年春秋各八十盤根深得地直幹聳凌煙况  
際風雲會重霽雨露偏紫陰而叢桂流潤到香莖合把  
丹青貌高歌雅頌霜冰桃新結實雪藕大如船曾識黃  
眉老頻過玉籍仙懸弧今日是醉舞獻華筵

忌日

此日知何日傷心血涕潸昊天眞罔極無地可追攀  
梓瞻依際松楸悵望間百年懷菽水一病卧雲山晚荷  
雙龍救遙從五鳳願君親終莫報空愧向人寰

趙希周送栢枝甘露

楊公先生存稿 卷之九

古

古寺珍珠栢春風玉露香精華占北斗滴瀝灑瓊漿天  
酒甜如蜜朝陽映似霜軒皇千古瑞吉國五雲光姑射  
仙人飲搖山壽考鄉憐君相贈意衰病得初嘗

崇聖寺次時川韻

何處尋花界同遊謁梵都猶傳鶴雲事曾見虎溪圖簷  
蔔留殘樹曼陀洗舊蕪文星出西蜀玉節自東吳烏府  
清霜栢丹霄紫鳳梧江山如有助風月肯相孤長庚爛  
林杪深夜不知徂

千葉瓶梅

鐵幹皚皚雪丹杼猗猗灶千層名獨異五出數還同品

絕羣葩上時富萬卉空光凝清逼月香暗細含風怕聽  
高樓笛愁催短髮蓬蒿中何六部醉裏趨師雄妝額應  
難似傳神恐未工一瓶新凍水終日對吟翁

蘭蕙

予閒居願愛蘭蕙求人家庭植者三四本列簷  
下時一玩焉因閱楚辭辯證迺知今所謂蘭蕙  
者非眞也似也雖本草衍義亦且誤矣嗚呼世  
少識眞久矣哉重有感云

寄身君子國微夢吉人家莖挺方圓節枝搖赤白花同

心元有象和氣本無邪朱夏光風轉清秋白露華靈根

楊公先生存稿 卷之九

古

分曉晦香蕙裊煙霞灌沃煩青若栽培借碧沙入琴尼  
父操掩涕屈平嗟更爲芝焚嘆還同菊秀誇後先如菟  
爽意思自交加羣品都疑似騷壇定等差

立春試筆

太乙中宮位玄枵子次躔雙分金燕絲五色土牛鞭香  
素梅塗雪輕黃柳帶煙俄驚開八秩空愧覓三玄栢酒  
兒童勸桃爰老大懸池邊新滌硯風動綠波澗

風雨

幾作龍關客頻經雲弄留晴煙沙岸柳晚日渡河帆牧  
豎閒隨犢畦丁倦倚鏡鳥聲藏密葉霞彩落空嵌躑躅



催歸騎淋瀝淫醉衫詩成苦怪衲 風雨怪晴晴

周柳池惠玉蝴蝶蘭

瓊姿羞傳粉雪彩暗含香舌點星 星紫心開豔豔黃逗

日光疑翅迎風舞亂行莊生夢入 夢燕姑早徵祥北渚

蓮愁露束籬菊傲霜誰知牙帳裏 歲晏擅孤芳

張文獻邀飲靈會寺

故人有高興古寺合朋簪臘酒仍 冰凍春花已露函林

聲傳梵唄簫管命崔曇白雪臨風 調醅煎茗日醋鴿王

樞寶勝繡佛笑香龕髮髻登兜率 華餘吼萬藍

琢菴宅上觀燈倒用靈會寺韻

楊弘山先生存稿 卷之九

捉筆灑雲藍沉吟坐竹龕元宵喜 嘉晏明月共清酣火

樹搖金色鏡花現鉢曇星河疑入 座茵蒼訝開函醉眼

紅生纈怪頭雪滿簪相逢胡不樂 七十已加三

涿菴邀賞池蓮

碧水明秋鏡紅雲照曉妝朝陽烘 玉色暮雨溼霞裳箭

卷琉璃滑心藏蘭麝香蓮花新博 士風露老仙郎安得

千盞酒送高雪舟正郎之任留部時時入醉鄉

送高雪舟正郎之任留部

烏府臺端重銀符漢吏良青蠅那 得亂白璧自騰光雞

割真堪笑牛函且試嘗久淹天驥 足俄轉地官匪畫省

分諸署輿圖列萬方金陵舊豐鎬風采動巖廊

二月十五日甲子花朝寒食同日值雨

甲子逢開歲花朝恰此辰更兼寒食候無奈落紅新日

辦登山展猶憐折角巾雨聲真潑火天意誤遊人赤地

愁千里清樽負一春匣中有長劍吾欲割頑雲

楊弘山先生存稿 卷之九

未

楊弘山先生存稿卷之九終



楊弘山先生存稿卷之十

雲南叢書集部之四

太和楊士雲弘山著

太和李元陽中谿選

七言律

元夕用王岐公應制韻

月明如水動樓臺萬樹瓊華一夜開香氣暗浮三殿下  
漏聲遙度百花來魚龍曼衍兜離隊雅頌鏗鏘且爽才  
五色雲中瞻彩仗碧桃花映萬年杯

新春懷升菴

多病年來學閉關傲裘猶自怯春寒夢中幾度尋高惠  
楊弘山先生存稿卷之一

雪後何時訪戴安龍化白裘緣帝謫鶴飛金鼎得仙丹  
相逢定作如泥飲自古心知會面難

立春

喜見新春入舊年梅花帶雪柳含煙青旂鸞路先迎氣  
彩仗朱衣試著鞭勝裏金花簪綉日望中珠斗柄回天  
遙遙願上南山壽周雅同歌第六篇

清明遊雨山寺

三月清明雪滿山無端風雨弄春寒禁煙幾日錫猶冷  
潑火連朝燒未乾花落杜鵑淹欲爛錢飛蝴蝶涼成團  
青氈白馬沾泥赤暫向東林一駐鞍

布穀月令註鳴鳩為鶉鳩

千古農官是鶉鳩催耕三月未曾休野棠裊裊風初細  
落絮陰陰雨漸收春夢忽驚紅樹暗曉啼頻拂翠煙流  
分明布穀聲中意只恐東皇去不留

李向榮送千葉桃李花口占

簇簇亂開紅錦帳翩翩來自玉皇家月明一片留晴雪  
日出千層門曉霞南省苑中先得意狄公門下更堪誇  
多君贈我芳菲意醉裏何妨插帽斜

偶成

病怯春寒獨掩門似憐屐齒印苔痕香風到處桃花塢  
楊弘山先生存稿卷之十

細雨幾家楊柳村畢卓喜逢鄉釀熟榮公賴有麗裘溫  
明朝擬訂尋芳約綠水青山共一樽

清明

千村萬落冷無煙南北山頭飛紙錢西洱風濤春落日  
五辟花木怨啼鴉野人舊染青精飯遊女新簪翡翠鈿  
松迳月明歸騎晚傷心忍讀白華篇

春事龍圖作

春事今過二月登山散酒喜相同三點兩點社翁雨  
十番五番花信風子規啼血欲半夜蛺蝶掠香時一叢  
醉餘白石高歌調日落水流西復東



白水浩然閣次時川韻

雲捧樓臺水上浮 浪搖金碧席邊流 月宮誰借仙人斧  
星漢遙看太乙舟 千古玉璫曾獨釣 一聲鐵笛好同遊  
倚闌清興知多少 似與冰壺一樣秋

崇聖寺次時川韻

鶴王一去寶幡空 縹緲飛樓對雪峯 千丈何年標玉塔  
萬家今夜聽霜鐘 是日霜降冥濛宿霧留花氣 颯沓迴風醒  
醉客聖代只今崇 正學太和不必問禪宗

雨後望西川有作

霧景初開爽氣生 臨風獨立點晴嶸 芙蓉出水天邊秀  
楊弘先存稿 卷之十 三

翠黛修眉雲外橫 積暑流塵渾不動 夕陽飛鷺更分明  
何當跨得仙人鶴 飛上峯頭看八瀛

恭望長陵有感

遙望長陵佳氣生 虎丘浪說是金精 玄宮松柏風雲壯  
闕殿衣冠日月明 舜典禹謨心授受 錦京浴邑手經營  
九天欲慰坤謀意 萬葉雲仍重守成

初見內閣芍藥

白玉堂前賸有春 忽逢仙品占佳辰 霜刀細剪紅燈燄  
煙罩輕籠寶篆新 晴日喜臨增麗色 微風欲動起芳塵  
自從韓魏登白鼎 天遣花神瑞宰臣

院中古槐

鬱鬱亭亭倚木天 露滋雲護不知年 長柯舊愛蒼龍舞  
清影新添翠蓋圓 曉潤圖書微雨後 夜聞絲竹好風前  
昨來晚步詞林下 遙指虛星是此仙

歸燕

何處清秋遂去鴻 語音岑寂畫梁空 夢迷漢殿三更雨  
信斷張家一夜風 機智未應羣鳥並 行藏還與四時同  
簾垂畫靜聞門掩 不盡雲霄憶望中

聞各處災異有感

物書人病至不虛 眼看章奏上公車 春秋紀異尼宣筆  
楊弘先存稿 卷之十 四

風雨憂時魏相書 當宁直言求獻納 閭閻煩令為蠲除  
杞憂發恤無端事 耿耿幽懷未得舒

見野婦挑菜

服敝頭蓬屨半穿 攜筐競逐野風前 溪毛石髮和泥剪  
曲湖危坡到處沿 屋下幾人頭待哺 眼前諸態總堪憐  
廟堂肉食應忘味 好向常平議放錢

八日菊

輕風細雨晚瀟瀟 籬下黃花濕露饒 曲檻獨依當此夕  
清尊相伴是明朝 香憐魏國因霜節 譜入仙家識豔標  
便欲題詩問幽意 不堪空宇倍思陶



同升菴宿通知寺客月曉上人

相逢一夜宿招提洗淨塵心萬斛泥風動澗蒲看翫鳳  
月明庭柏聽靈鷲雪堂暫寄坡仙跡雲水偏宜客題  
遙憶虎溪相送後繞壇秋草又生齊

追和東坡雪後北臺題壁義韻

凍雲寒兀失金鴉獨伴寒爐問酒車白晝幻疑明月夜  
東風亂落滿天花慣披鶴筆神僊客愛煮龍團學士家  
聞道灞橋詩思好吟肩高聳手頻叉

上元展墓感懷

松栢蒼蒼雪半消上元風雨恰三朝春盤試薦新烹藻  
楊弘山先存稿 卷之十 五

臘酒空憐舊頰椒寸草心同惟有恨白雲目斷更無聊

歸來獨坐黃昏後一盞寒燈伴寂寥

又次浩然閣韻

蕙晦蘭皋傍水浮落花飛絮正東流雲濤靜處看鷗鳥  
蘆荻花間認釣舟一曲滄浪隨意和九垓汗漫幾時遊  
徘徊獨立西風久吹動蕭蕭兩鬢秋

和草池賦方池得二子韻

共說徐卿有二雛青衣一日報雙弧三峨秀氣浮眉宇  
五色文章映額顙天上玉麟真有數眼前竹馬笑相扶  
遙知不是尋常喜池上時聞老鳳呼

和余草池僉憲閱武韻

曉風吹角入雲長鏃馬調戈出隊行此日蒼山看鷹使  
昔年渭水有鷹揚令嚴金鼓收三捷野戰貔貅合四箱  
欲向尊前問方畧不堪雲樹正相望

題兩依精舍

早向明時遂拂衣山中泉石喜相依芳聲烈烈留烏府  
新命堂堂到紫薇白日淵明醒酒卧春風曾點浴沂歸  
丹崖百丈頻翹首記取光華映少微

九日菊未開

重陽值風豈坐慳我有三百青銅錢黃花無情羞白髮  
楊弘山先存稿 卷之十 六

此日不飲孤一年消愁端可賴歡伯餐英名菊未必能飛

僊世人空望揚州鶴漫插茱萸醉野筵

夜讀用韻

木天高處欲凌虛列宿分光照石渠年少幸逢開四庫  
老來猶自惜三餘閒看粉蠹時吞字似夢青藜夜授書  
卧病江湖何日起草茅無地報恩殊

再用草池九日韻

寥廓三秋景最賒况逢籬菊正開花江州送酒幾時到  
陶令接羅今日斜明月一聲桓氏笛西風千古伯陽笮  
年來漸喜忘身世只恐傍人認釣槎



病後拜墓

卧病藜牀秋復冬起來空自嘆龍鍾池邊舊竹寒全瘦  
壘上新梅雪半封畏有牛羊重列棘喜無麋鹿更移松  
幾回獨倚西樓望清夢時時到五峰

用前韻

重陽更覺酒須賒醉倒藜牀眼亂花忽見南山當戶曉  
不知北斗幾更斜新詩獨和潘郎句舊拍猶傳蔡氏笳  
莫向尊前問清濁幾人能免阿瞞槎

病中偶成用天臺寄韻

淵明自是難借俗思曠誰知少宦情老去壯懷偏索寞  
楊明先生存稿卷之十

秋來病骨更暝嶽虛占天上雙龍氣獨愧朝陽彩鳳鳴  
嘯傲東軒聊自得青山一帶白雲橫

奉和黃安厓先生寄韻

幾向天南望斗山門墻何日更容攀使星文采占移蜀  
執法光芒應入關百二山河先動色一時人物盡開顏  
遙知不久歸釣軸繡宸看陪坐論閒

過李青巖舊厓用丁酉年韻

寥落西風欲莫天重來空憶洞中仙松陰滿地花間坐  
荷葉香筒竹下傳蠶筒有人藏舊篋鸞章何日表新阡  
可憐龍劍三年合不忍傷心到水邊

送友人陳文英

玉石丹臺已有名故人何處聽吹笙三秋日暮孤雲白  
萬里晴空一鴈橫芳草夢回山月曉桂花香逐野風清  
不堪別後頻翹首幾度黃昏坐月明

送王振德再却蜀教

潁水先生羨老儒慣騎羸馬入成都荆臺絳帳重開講  
芸閣青燈細勘書佳證也應三鱣集春風不管一甍無  
相看萬里何相贈欲取蘇湖畫作圖

送張驛丞

伴宦新恩得海南馬蹄躩蹀出長安市橋柳色風初細  
楊明先生存稿卷之十

江路梅花雪半殘嶺樹入雲晴閣雨潮聲到郭曉生寒  
阿咸此去多相識珍重無憂行路難

送朱給事册封送母省父

金册輝煌使節雄靈雲巖下駐花驄池看蘸月千波靜  
洞遠桃花幾樹紅天上引輿來阿母人間有道識壺公  
仙郎綵服稱觴處佳氣遙知倍鬱蔥

栢棟亭為楊用修太史題

嘉植何年手自封清陰交傍滿簾樞翔龍翥鳳參天翠  
緜玉垂金點日紅晚節會凌千嶂雪春香獨殿百花風  
草玄舊宅應成圃回首龍山萬木空



次升菴韻寄雷孟升侍御巡兩淮

千里相思欲贈梅幾時相見共銜杯光芒早識豐城劍  
談笑會聽破柱雷丹鳳日邊懸縹緲碧鷄雲外露崔嵬  
風霜歲晚迷行處淮海陽春已暗迴

次升菴韻寄時川先生

躡向天南試六弦謝家元有鳳鳳毛煙塵蘭水三秋靜  
風節蒼山萬仞高歸去重開元亮逕開來新作子雲騷  
幾時一泛江東棹共膾霜鱗斫雪螯

題升菴悠然亭

亭在安寧州

聞道西來金馬客卜居正對碧鷄山玉堂舊夢鶯花裏  
楊弘先集稿卷之十 九

白鶴遺蹤紫翠閒流水卷簾心共遠片雲欹枕意俱閒  
陶情不作離騷賦指日君王定賜還

弘圭寺陪飲庭中雙桂盛開

古桂何年種上方西風吹雪點輕黃只疑天上曼陀雨  
不道林中蒼蘂香明月露華清几席小山雲氣溼衣裳  
依稀二十年前夢折得仙枝醉廣寒

和時川喜雨韻

英英草木徧含滋喜慰三農尙未遲望歲正當登麥後  
爲霖剛及插秧時舞雩故事頻勞問報賽新歌不爲私  
收拾豐年荅明主使君元是卧龍姿

九月對菊用韻

病客偏懷愛菊心東籬種得幾叢金僊香不負千鍾飲  
細雨頻催九日臨醉裏烏紗輕岸著鏡中華髮暗來侵  
愧無筆力追元亮漫學西州擁鼻吟

送秋官張東海先生之南寧

百粵山川接海濱伏波銅柱鎮嶙峋千家日煖鷄收錦  
一路風清鶴伴人馴鱣靜看江水碧愛花開對野亭春  
郡有野僊郎不久歸情切珍重無勞詠白蘋

賀孟郡博被薦

臺榭星移下點蒼薦書天上入明光久知佳證飛三鱣  
楊弘先集稿卷之十 十

賡有師模在六庠萬里雲霄看健翮幾番桃李報春香  
于今廊廟須材急應擬先生作棟梁

飲酒自警

頌德論功記醉鄉昔賢曾託此中藏稻垂麥仰吾何敢  
破兕捐觚戒未忘洛下衣冠真率會堯夫風月太和湯  
從今三復寶筵雅止酒無勞續和章

謝時川惠茯苓膏

松下龜蛇煉作霜蜜脂兼帶百花香金砂欲化憑丹火  
甘露初凝滴玉漿聞道黃生曾羽化試看貞白一瞳方  
摧頽自嘆無仙骨多謝神膏洗莫膠



和侯雲溪梅花對飲韻

小窗冰水浸梅花不是孤山處士家有客堂堂如玉樹  
一尊淺淺泛瑤華已聞白雪來高調未許東風起暮笳  
借問何人吹玉律百花開遍洱西涯

和雲溪寄題無為山寺

未到招提興轉多新詩分付徧山阿大顛顛解昌黎語  
惠遠應憐滿節過雪滿諸天銀色界雲深一曲紫芝歌  
紫芝遊此有紫芝翁句予嘗和之看君自有雙鳧鳥來往煙霞路幾何

癸卯十一月二十三日癸亥辰初刻予會楊琢菴

太守倏見慶雲見南方線繞日旁將午猶未散

楊弘先存稿卷之十

二

二人快靚稱慶者久之擬作一賦未能詩以紀

瑞

喜氣繽紛散曙光輪困蕭索見南方九天黃道躔星紀  
五色祥雲捧太陽軒帝花葩呈錦繡虞廷歌詠響琳琅  
吾皇神聖追三五佇聽雲韶播樂章

干呂曾聞貢異香出箕庶見表新陽神堯沈璧光生白  
大舜升堂色應黃此日禱祥扶聖主當年謙讓慶高皇  
洪武十八年四月懽忻我欲登圖象歌頌誰當奏未央  
五色雲再見云云

王卓峰僉憲登弘圭山失候奉謝

玉驄蹀躞到弘圭萬古青山識繡衣六詔風雲隨使節

三冬鷹隼厲霜威分明龜鶴尋遺跡指點煙霞立翠微  
更向幽棲勞問訊獨憐衰白有光輝

弘圭寺雨中見梅

山意衝寒放幾枝山中忽見立多時隔林窈窕橫水影  
回首踟躕戀玉姿惜欠一尊相伴醉賴馮七椀獨題詩  
煙冥雨暗何人賞月好風清只自知

至日遣興用杜少陵韻

天書遠召點朝班白首無能愧汗顏短疏乞骸聞北闕  
聖恩特許賜南還百年斗極光輝下萬里江湖夢寐間  
此日循尊齊獻壽載歌天保祝南山

楊弘先存稿卷之十

三

至後用杜韻

日行北陸景初長律轉黃鐘動一陽廿載再叨青瑣命  
三年歸卧白雲鄉中天雲物清臺紀北極星辰永夜望  
更喜寥寥新雨雪獨披拂拂朔風涼

十一月十一日傷榎子

一別家園不復還那堪此日倍潸然孤兒子子誰為育  
弱女娟娟更可憐榆楸歸魂招萬里竹林滯魄寄經年  
回思嚙指號呼夜葦髮新添雪滿顛

望雨用疊韻呈卓峯

麥蘆生煙桑葉稀應憐無食復無衣幾看雲出難成雨



漸聽雷聲似天威千古南山歌  
霖霖萬家東作借  
栢臺見說頻憂旱箕畢光中看月輝

三塔寺見龍女花

蒼筤林中舊有因華嚴臺上早逢春  
香風時透雲間信  
玉貌誰傳月下神綠萼許教為近侍  
飛瓊或恐是前身  
可憐龍女花  
饒笑應笑山翁鬢似銀

題嚴懋修山茶海棠

爛漫山茶映竹叢海棠相對入簾櫳  
雪中烽火一池亂  
雨後胭脂萬點紅  
瓣卷金盤灑麗日  
絲垂玉帶舞迴風  
醉餘我欲書花葉  
夢裏猶疑在藥宮

楊忠先生存稿卷之十

石經 并序

漢熹平詔定六經蔡邕等書為三體刻石學門  
及魏馮熙常伯去毀以建浮圖崔光請命李郁  
等補缺未果東魏徙于鄴至河陽岸崩沒水至  
鄴不盈大半周徙還洛陽隋載入長安欲補緝  
屬亂遂寢營建之司有用為柱礎者唐徵收聚  
十不存一開成初高重鄭覃刊九經于石為一  
字云

洛陽四十六碑亭太學門前看石經  
遷鄴半殘千古迹  
入關誰讀六書形  
雨餘礎柱苔文綠  
雲裏浮圖鳥篆青

獨有開成遺刻在至今猶自說熹平

向榮席上山茶杏花兼聽仙辭

山茶花豔杏花香一曲清歌送燕梁  
豔帶日華薰几席  
香隨風動落壺觴  
憐君早作青雲客  
願我今為白髮郎  
忽憶曲江花下醉  
眾仙相和詠霓裳

正覺菴千葉山茶對飲

縹渺諸天色界中看花獨上最高峰  
多情麗日開千葉  
為謝東風醉一鍾  
鶴頂鮮鮮犀甲靦  
紅燈燄燄綠盤籠  
幾迴欲去還成醉  
回首青山報夕春

用夏英公韻

楊忠先生存稿卷之十

雪柳瓊梅巧樣呈星橋鐵鎖放神京  
萬家燈火昇平日  
一片笙歌笑語聲  
五緯喜看營室聚  
六符親見泰階平  
老逢佳景真堪醉  
月色今宵似更盈

臘日用杜少陵韻

閨月應知春尚遙冰霜忽見臘前消  
百花爭共梅花笑  
黃柳新兼綠柳條  
遙望北辰天帝座  
喜看南極老人朝  
白頭林下孤臣思  
常似當年侍玉霄

題樊沙坪園居

半點塵埃不受侵一川風月更多情  
新詩舊草二千首  
濁酒清醪數百觥  
雪裏梅花今夜夢  
沙邊鷗鳥昔年盟



出門一笑無人會萬頃滄浪自濯纓

題魏江村水雲亭

漫漫江水浸江雲雲水相和島嶼分一片汀花沿岸柳  
幾行鷺序對鷗羣天開罨畫憑闌見風送穩歌隔座聞  
無限濠梁漁父意等閒識得與誰論

閒行

一春幾日半陰晴雪色雲容遞暗明花徑留連飛蝶夢  
柳堤羞澀轉鶯聲尊中未惜斟寒綠盤內猶宜切細生  
白馬青袍隨處好雙僮相引伴閒行

送尹鳴皋赴京

楊弘山先生存稿 卷之十

三

送別河橋柳半青紅亭綠酒醉還醒千山雲樹迎官路  
三月煙花滿帝庭鷄薦幾人如北海鵬搏指日到南溟  
殷勤拂拭龍泉劍莫遣塵埃暗七星

和中溪書院韻

新開傑構玉峯前綠水縈環帶碧煙白鹿洞規如昨日  
紫陽山色似當年應憐古調非今調轉覺前賢畏後賢  
神禹有碑天閣久近從嶽麓喜留傳

江村相訪夜歸次韻

謝病歸來獨掩扉無端身事與心違三三逕裏誰應是  
六六峯前自笑非幾度暮雲春樹暗一尊殘月晚風微

可憐相對還疑夢爭忍相分小醉歸

席上題楊石橋鶴杖

不作鶴形作鶴形八公會道得千齡金精閃爍丹砂頂  
玉翻翻翻白雪翎閒倚松陰清露滴輕移石上紫雲生  
羨君自有飛仙術不誦黃庭內外經

雪後登弘圭寺雷雨交作上人以松火溫酒相候

昨夜五臺堆白雪今朝疋馬擁青氈鳥啼客到如相識  
花落僧閒只是禪一鼓新雷驚蟄節四簷飛雨夕陽天  
籬根亂葉爐中火般若湯溫設卻寒

再飲嚴懋修園疊韻

楊弘山先生存稿 卷之十

六

爛漫煙花萬種攢蕭瑟風竹一林寒詩狂亂灑雲箋溼  
酒渴頻揮玉盞乾不待薰香開錦幄更須燒燭照紅鸞  
幾迴欲去還留賞共向亭中為倚闌

飲江村北園用前韻

九十韶光今日二相逢相賞莫相違鬢頭綠酒春初漲  
鏡裏朱顏日漸非繫馬花間紅雨溼聽鶯林外翠煙微  
何當共作婆娑舞一曲高歌月下歸

亭飲疊韻

白駒皎皎脫羈鞵輕風剪剪入袷衣狂歌大叫欲得采  
醉眼生花還弄棊老子自知興不淺丈人誰識心無機



可憐勝會真難再呼酒東家穿竹籬

靈會寺醉後晚歸

昨夜相思聽雨眠今朝又到散花天自知一笑人間世  
誰問三生石上緣避暑正當河朔會逃禪愛作酒中仙  
黃昏忽報疏鍾動白馬歸途不受鞭

初度感懷

華髮蕭蕭被兩肩來年卽是古稀年從心已負尼宣教  
未化空慚伯玉賢夢裏有時青瑣闥望中無復白華篇  
那堪罔極劬勞日一度傷心一涕漣

六月拜掃

楊山先生詩卷之十

三

積雨江濱辨馬牛新晴天借掃松楸雲容海上紅初見  
嵐氣山椒翠欲流落日鳥歸千嶂夕西風蟬報一林秋  
誰家塚上黃昏哭不忍悲聲到白頭

對蒼山

白雲如雪帶山腰十九峯頭插碧霄天下何曾見山水  
人問我欲馭風颺千年瑤草尋應得萬古丹青畫不消  
借問王喬舊笙鶴幾時來往共逍遙

漫興用前韻

不須鶴背與龍腰玉室丹臺在絳霄洞府此時探石道  
聞風前日駐輪旄閒中風月千篇灑醉裏乾坤一局

早晚會須親謁帝也應賜號作逍遙

題劉都憲先生白崖別號

京山西畔漢江東萬丈高標玉削同石室出雲飛作雨  
蘭臺鎮日坐生風聲華北斗三台上節制南荒六詔中  
滇海欲留留不得法星元在太微宮

山水題畫

江上青山山上樓落花飛絮點滄洲野橋石徑聞啼鳥  
小艇輕帆見狎鷗孤杖春遊何處去一亭雲卧幾時修  
欲添謝客巖崖裏須問當年龍虎頭

武侯祠疊韻

楊山先生詩卷之十

六

蒼洱猶餘畫卦臺風雲還似陣圖開一時魚水君臣會  
三國人龍將相才廟貌堂堂新設像威名赫赫舊轟雷  
可憐五丈原前表天意誰知竟不回

中秋對月

醉倚西風看月生冰輪皎皎出滄溟翻疑夢裏登天柱  
忽見人間變玉京穆穆金波搖不定迢迢銀漢轉無聲  
露華不覺霑衣溼鬢髮飄蕭酒易醒

客到

空谷翫然喜足音青雲三客到禪林一天水日懸秋鏡  
半嶺松風韻夜琴白石香臺蒼蘚合清池花雨碧波深



進林共聽蓮花漏一點長明不盡燈

飲弘圭寺

白花臺上分瑤席  
綠林間泛玉甌  
雨後新篁千竹筍  
風高初下萬松毬  
青山抹日半巖夕  
碧水涵天一色秋  
餘興不知歸路晚  
坡陀立馬看龍湫

九日

籬下黃花不用裁  
鄰家分得一枝來  
登高漫說千年事  
把酒欣逢九日杯  
短髮搔餘渾是雪  
壯心銷盡欲成灰  
海翁久已忘機思  
寄語沙鷗莫浪猜

立冬用正韻

楊忠公集卷之十

充

晨破荆扉拂曙星  
鷄鳴月落斗參橫  
玄雲海上分瑤島  
白雪山椒點翠屏  
黃道九天纏氏次  
玉塔十二吐堯羹  
應鍾第一分烏管  
誰向靈臺問五聲

雪後

落絮飛花點翠巖  
瓊林玉樹映青天  
試看一白還三白  
共喜明年是稔年  
初雪圖中開故老  
聚星堂上見新篇  
山窗獨坐惟憑酒  
羞澀空囊笑一錢

客去用韻

星騎聯翩到白屏  
東風有約肯相違  
會如司馬稱真率  
堂欠歐公紀是非  
躡躡花光明灼燦  
扇扇香篆裊霏微

更無一物堪留客  
風雨飄蕭入夜歸

杜鵑花

蜀魄聲聲怨未平  
血流化作萬瓊英  
幾行紅袖驚人眼  
一笑東風動客情  
火樹金花開不盡  
丹砂彩筆貌難成  
可憐醉後看偏醒  
欲向尊前問姓名

和梁禹成寄詩扇韻

扇邊寒鶴舞  
扇底長夏炎  
蒸入坐禪一  
簟清風成薦爽  
半輪明月更流輝  
鏗金石聲如奏天  
矯龍蛇勢欲飛  
從此沈疴應頓減  
未知重肯款荆扉

謝道希周饋梅

楊忠公集卷之十

三

雲谷仙梅雨後黃  
炎天相贈喜生涼  
香腮帶日輕塗粉  
冰齒含風細嚼霜  
如密似澗金沉澗  
裏蘇如著紫霓裳  
白憐憫之發瑤報  
漫把新詩一寄將

喜雨追和韓魏公韻

忽雷雷鼓擊天桴  
如樹如膏遍八區  
旱魃爲殃千里赤  
雲霓入望萬家蘇  
山餘草木初回潤  
江海波濤幸不枯  
我欲歸功問真宰  
太虛無行亦無無

次李向榮寄韻

兩度新詩寄草亭  
幾回讀罷喜還驚  
隔年尊酒花前醉  
滿日雲山天外橫  
夜雨青燈成獨坐  
春風綠帳擁諸生



可憐小謝時相見，憑仗雙魚一寄聲。

向榮寄交南香

沉水松膏溼未晞，花心露氣透霏微。飄飄一篆青煙起，皎皎雙分白鶴飛。誰讀蔚宗新作傳，漫誇荀令舊薰衣。遙知掃地焚香處，風月無邊入品題。

白駒

白駒低首立門前，瘦骨槎牙更可憐。舊日練光飛玉轡，有時血汗透花韉。東風嘶向青原草，落日回看碧澗泉。誰問枯蓑今未飽，似垂雙淚更無言。

小叢蘭

近得於山人一節一葉，花舌白舌純黃故名。

楊弘先生存稿 卷之十

三

山人贈我小叢蘭，一葉分明一節間。絕代佳人真獨立，中黃仙子合誰班。光風得意傳芳信，麗日多情照玉顏。安得江淹揮彩筆，為題新句播人寰。乞得靈根四五莖，開花六月照蒼溟。吸風飲露來姑射，駕鳳騰龍上太清。象外誰知溫伯雪，室中如見許飛瓊。何當為補離騷傳，直傍蓀荃寫一名。

奉次蔡龜厓郡尊枉顧賦詩用黃安厓公之韻

分符萬里到蒼山，節葉棲凌不可攀。崑蓋春行棠滿路，清香燕寢鶴當關。徵黃待報三年政，借寇爭權萬姓顏。莫向天涯嗟落江，鷗未許狎班閒。

中秋弘圭待月

九曲河西望月來，萬重山翠映浮埃。僧烹玉乳分三水，客醉金尊立五臺。風色蕩搖銀世界，露華滴破白雲堆。相逢今夜不須睡，喜見團圓七十回。

十六日望

喜到花間笑語頻，風流元自屬閒人。驚雷地隔千峯迥，圖畫天開一幅新。共倒樽尊應似海，誰知斑鬢總如銀。夕陽半落迎歸鳥，遙指紅霞是近鄰。

雨中送董青峯葬代輓

先生歸去舊青峯，一曲清溪遠萬松。華表幾時飛白鶴，水邊今日合雙龍。冥冥細雨丹旌溼，慘慘孤雲馬鬣封。桑戶有歌歌不得，惟應夢裏或相逢。

楊弘先生存稿 卷之十

三

九月弘圭寺見山茶花

嶽嶽將然碧澗隈，英英疑是紫霞堆。月明不受青娥妒，風冷還教粉蝶來。方丈曼陀初罷雨，滿林蒼鶴幾時歸。憑闌獨立貪看賞，落葉蕭蕭點砌苔。

蒼山晚眺

獨立西風望點蒼，亭亭落日半銜山。銀濤萬疊微茫外，珠樹千重紫翠間。笑向莊鵬空借翼，漫於管豹欲窺斑。自憐老去摧頽甚，只有看山興不慳。



忌日雪夜宿弘圭山

蓮漏無聲夜轉長  
四山飛雪正茫茫  
靡依獨抱終天  
何補虛生七秩強  
草色漫餘新涕淚  
線痕猶滿舊衣  
呼童幾度煨松火  
直到天明坐鴈堂

元夜

萬家燈火慶三元  
一片星河下九天  
人在冰壺春尚凍  
月開金鏡夜初圓  
落梅風遞誰翻調  
穠李晴妝共鬥妍  
聞道廣陵雲五色  
太平佳節自年年

二月二日龍關道中用李商隱韻

東風疋馬探春行  
春院泠泠弄玉笙  
婀娜花枝渾有態  
楊弘先生存稿卷之十

三

丁寧鶯語太多情  
頗耽酒德先生頌  
慣入騷壇老將營  
盡日留連歸路晚  
白雲岑裏出鐘聲

花朝

花朝撲蝶是誰圖  
千古風流近有無  
粉白秦宮偷重傅  
金黃漢殿學輕塗  
青陵臺上魂猶在  
紅袖筵前舞更都  
莫漫化為莊叟夢  
蓬蓬相在亦忘吾

次梁禹席上韻

會賦高軒長退之  
奚囊隨處得新詩  
輕煙漠漠看三島  
細雨冥冥到九池  
瑤水華駟真獨步  
丹山鸞鶴有人知  
東風回首經年別  
玉樹依稀入夢思

次升菴先生紀異韻

五月二日樛榆城雪滿山  
腰寒骨生不知朱雀何所事  
忽訝白龍相戰爭  
清談未須揮玉塵  
高卧那用設桃笙  
恍然似到瑤水上一壺  
賺山紅更傾

龜厓公召飲大觀堂分韻得山字

大觀堂負點蒼山  
洱海榮迴幾曲灣  
上下天光連萬頃  
東西地軸擁雙關  
倚闌花韻風前遞  
印履苔紋雨後斑  
誰寫醉翁山水調  
泠泠彈入七弦間

雪夜山中早起

方丈蕭蕭一榻孤  
亂山深雪月模糊  
樹笑看老衲無梳櫛  
楊弘先生存稿卷之十

四

喜問鄰村有酒酣  
松下科頭揮凍筆  
花前炙背擁寒爐  
聞翻一卷維摩詰  
多病依稀似老夫

送蔡龜厓邦伯入覲用甲辰年韻

三載詩筒共往還  
幾多詩句詠關關  
心懸北斗天光下  
興在南樓月色間  
欲酌一杯西洱水  
恐輕萬仞點蒼山  
迢迢星漢仙槎穩  
不信當年蜀道難

壽琢菴先生太守

十八溪頭十九峯  
賦詩舒肅許誰同  
欲知潁水新居士  
卽是滁山舊醉翁  
仙氣飄飄雙鶴鬚  
神光炯炯一方瞳  
冰桃雪藕千鍾酒  
笑指孤南在碧空



奉和升菴先生喜晴留別諸友

喜見青天掛玉弓，早占千里曉霞紅。  
醉聽碧玉管三弄，笑對黃金花一叢。  
風流最愛孟夫子，瓣香曾為曾南豐。  
白首相思無那老，青山遠送有良朋。

壽高天臺先生柱史

龍救重看下玉墀，瑞圖先應產靈芝。  
大椿才數八千歲，仙桂新添第幾枝。  
陶令早辭彭澤後，德公今在鹿門時。  
相思不得頻相訪，一曲南飛當壽卮。

新春卧病

一月春光不出門，無端懷抱向誰論。  
暗黃著柳含煙細，楊柳先生春稿

香素塗梅帶雪溫，芸架已拋青汗簡。  
椒盤空羨綠盈尊，却嫌孤負看花眼。  
強起支贏坐竹根。

中秋夜月值雨疊韻酬琢菴兼簡中溪

四野頑雲割不開，一番風雨苦相催。  
日添鶴髮三千丈，月滿蟾光七十回。  
老子婆婆今夕望，羣仙爛醉廣寒來。  
徜徉欲作中秋賦，潦倒慚非對客才。

病起

一春卧病減腰圍，病起留春典袂衣。  
得酒且拌終日醉，看花須插滿頭歸。  
狂歌散擬三千首，暮景應憐七十稀。  
塵事免教閒入夢，海鷗久已共忘機。

白芍藥

白雪團團出玉盤，丹心炯炯獻琅玕。  
應愁日炙垂綃幘，且喜風留倚畫闌。  
忽載雲車羞好好，便登雪嶺笑端端。  
幾枝腰下圍金帶，為報東君仔細看。

黃芍藥

花譜名 御衣黃

日華浮動柘袍黃，五色祥光捧御牀。  
八百從官雕玉珮，三千侍女鬱金香。  
鈎簾盡日成孤賞，卓筆臨風作報章。  
髮髻夢中供奉事，螭頭鶴立對君王。

詠桂

仙桂何年下廣寒，花神猶自識仙郎。  
迎風細細飄龍腦，楊柳先生春稿

范露溥溥滴麝漿，無數珠英含雪白。  
一苞金粟別丹黃，醉餘幾度閒吟遶。  
遙憶霓裳舊樂章。

中秋值雨疊韻酬琢菴兼柬中溪

秃筆巒巖掃不開，詩筒連日笑相催。  
不知玉兔藏何處，空把金尊對一回。  
只恐周生懷月去，欲教神女弄珠來。  
自慚襪線無勞數，八斗惟應子建才。

賀魏江村壽次丙午歲在贈初度韻

未許滄洲便拂衣，十年甘旨戀庭闈。  
那堪白首追懷緒，更愛青山學採薇。  
五馬門前頻却掃，羣鷗海上共忘機。  
一亭雲水何人到，不說巖光舊釣磯。



同月對菊與球菴韻

閨月偏宜對菊花紅蝶林薄映霜葩  
喜逢灑灑灑神容共醉風流太守家  
日落煙雲全縹緲夜闌箕斗半橫斜  
西風馬上貂裘傲吹動蕭蕭兩鬢華

病中謝問

卧病藜牀動幾旬故人相問荷殷勤  
瘡痍自昔聊耽酒何胤從今不如葷  
滿架圖書時落盡當窗筆硯欲教焚  
無端枕上相思夢一夜梅花忽見君

自和

自笑龍鍾過七旬老來書癖漫辛勤  
楊雄識字誰憐酒病餘強步苦苔上  
欲問東坡覓鐵君

卷之十

三

顏氏家貧合斷筆瑣筆早慙青瑣列  
銀魚真爲碧山焚

元宵

病餘燈火三元夜獨坐黃昏一解顏  
月皎花吞蟾兔魄風香爐屑鷓鴣斑  
報主未成添白髮乞身聊得卧青山  
遙瞻紫極輝光近萬籟無聲夜向闌

初度

丁酉重經又戊申眼看八秩欲爲鄰  
數莖短髮渾成雪一醉醜顏便是春  
卧病維摩方丈室拂衣司諫最閒身  
尊前自笑無餘物只有青山共白雲

瑞蓮疊韻酬廷問

豈是尋常菡萏花一苞分貯五瓊葩  
詵圖灑落方諸水歌頌鏗鉤太僕家  
科甲已占傳奕葉文詞何幸遇重華  
試看子厚嘉蓮表曾向元和特地誇

喜廷問進士瑞蓮之紀爲賦一首且寓賀云爾

一榦亭亭出五花瑤池忽報繁奇葩  
梁雲以學中書判遺炬分明翰苑家  
奎聚五星爭照耀車臨三柱動光華  
禎祥曠見真堪賞泰始元嘉莫浪誇

奉謝郝石梁兵憲枉顧

建節西巡入樛榆鶴川返駕問蠅廬  
一朝披霧瞻依後

卷之十一

三

十載清塵邂逅初玉帳風生新號令  
鐵橋雲擁舊儲胥贊皇膺有籌邊略  
青史班班次第書

賀琢菴太守七十

佳氣氤氳雪天松花酒熟泛瓊筵  
懸車蚤謝二千石却杖那知七十年  
光彩共瞻南極老風標自是地行仙  
笙歌幾度長生曲報道瑤池有瑞蓮

賀琢菴坊表

科第傳芳扁大坊五花鸞詒表恩光  
金芝躡躡當年瑞臺嶽下都堂從今  
山海應增重文彩弓裘冠一方



瑞蓮疊韻

難把丹青貌此花一莖攢出五秋葩靈波迴絕天泉水  
和氣全鍾地主家可是夢中傳彩筆却如世上應靈華  
也知壽慶重重見合與金芝一樣誇

奉和天臺先生初度

遙望靈天似洞天  
山紅雪落瓊筵南  
西北闕金龍敕  
一卷京華玉簡篇  
浴社園中看大老  
德星亭上儼羣仙  
躡蹻醉羨梅花月  
媚媚香風颺管弦

梁應台主政相訪次韻奉酬

年來藏六學巢居  
飛蓋翩翩忽問予  
未信平生知己少  
楊弘治先生稿卷之十

誰言多病故人疏  
陽春細聽尊前調  
草聖爭看醉後書

共喜甲兵稱小范  
况兼文彩似相如

奉謝胡仰齋先生寄點蒼諸詩

烏府先生新鐵冠  
晴坊供奉舊仙班  
山川誰入文章手  
宇宙爭看節槩間  
萬里夢魂清禁闕  
幾篇高興點蒼山  
野人素切緇衣好  
潦倒空懷逸駕攀

奉和仰齋先生話李中溪竹園韻

竹園幾度憶同遊  
尊酒留連醉未休  
雲護石枰碁子滿  
風生池水墨花浮  
簷管谷口誰千畝  
冰雪胸中自一丘  
咫尺于今千里隔  
幾時縮地話綢繆

露飲名園思欲騰  
高談雄辯了難勝  
五千道德從時老  
一滴曹溪到惠能  
賜著紫衣非羽客  
登傳白日是真僧  
就中更問西來意  
已得金仙最上乘

奉賀天臺先生初度

七十六翁歲甲午  
十二月三月初度  
大冬松柏獨挺秀  
平地神仙亦官府  
蓄眼未見賣氏龍  
驚代爭誇鄭家虎  
壽筵高笑擁冠衫  
安得婆娑為君舞

奉和次韻酬升菴太史在贈

會伏青蒲地上冠  
久虛華蓋殿東班  
直從賈董敷陳後  
未數王楊伯仲間  
徵詔幾時天北極  
高名千古博南山  
楊弘治先生稿卷之十

九龍池畔相思夢  
寸碧遊岑幾度攀

草亭白芍藥初放

天與仙標屬豔陽  
春深獨殿百花殘  
廣陵曾說黃金帶  
東武爭看白玉盤  
不學醉妝分絳雪  
自憐真素卸鉛丹  
動人情思知多少  
畫手傳神下筆難

初度次韻奉和石前江

青山相對眼偏開  
斗酒相期背有台  
衰職何曾一字補  
乞骸早已十年回  
居士病房惟丈室  
老人擊壤在春臺  
琴堂柱贈南飛鶴  
潦倒猶堪嚼一杯

希周邀飲雲谷菴



遊暑閣逢閏月初喜將瀟灑對居諸酒從唐舊林中勸  
詩向芭蕉葉上書山色雨餘青黛似泉聲風靜玉鐺如  
婆娑老子人應笑湖海元龍氣未除

復和倒韻

老去蓬心未盡除自憐白首尚紛如欲窮楊子太玄數  
頗愛堯夫經世書一字何曾裨獻替百年空愧度居諸  
望洋東海嗟河伯終日先天覓太初

和升菴太史寄前江大尹韻

琴堂坐見點蒼山贏得心閒物自閒百里弦歌聞海上  
萬家桃李看春間風流單父身多暇年少河陽鬢未斑  
楊弘先集卷之十

薦剡交騰丹鳳閣徵書遙下五雲端

文衡山徵仲寄畫扇并詩次韻奉謝

待詔歸來臥翠微丹霞一片白雲圍臨池洗墨光涵劍  
刻竹題詩綠滿衣畫手虎頭天下妙筆精龍跳古來稀  
封緘萬里勞相贈只恐通靈變化飛

立冬日喜晴用前年韻

忽觀青天喜見星明河清淺斗間橫霜林葉換紅於染  
雪嶺花飛玉作屏地下已生初六畫望中新落第三翼  
一年月令循環了試聽商聲變羽聲

日和

老去那知兩鬢星氣狂愁與斗牛橫皮毛善志此日輕  
織纈寶牖終朝對畫屏天象四遊俱有數月形八卦不  
須費閒來曳履行歌處金石鏘鏘學頌聲

遊上羊溪

茫湧溪頭現佛峯碧潭高處五潛龍林深野寺殘僧少  
塔古題銘駁薛封羅刹浪傳囚石洞如來無相落金容  
捫蘿欲盡登臨興青壁千尋覓舊蹤

紀事

聖主思賢還拊髀忠臣上疏欲披肝金城老將圖方畧  
洛下書生策治安百尺燕臺問市駿一朝漢傑見登壇  
楊弘先集卷之十

從今玉塞風塵靜西北軍中有范韓

中元病餘望墳

恩容殘喘護松楸枕上沈吟涕欲流霜露忽驚今夜白  
蘋蘩空戀逐時羞靜嶸病骨難驅馬洶湧江波未辨牛  
獨對西風頻拭目雨中秋草綠原頭

送趙子文赴仁和

山水東南第一州郎官元是古諸侯天開制策登金榜  
雲捧除書下玉樓造父當車無逸馬庖丁游刃失金牛  
丈夫專業從今始青史循良正黑頭

題重觀漢海卷



王節重看下 漢宮鐵冠萬里起霜風使星文彩三湘外  
御月光輝六 詔中司馬檄書猶入傳王褒賦頌漫稱雄  
澄清試看昆 池水萬頃天光一碧同

題崔頌 溪憲伯行臺甘露

古樹堂東水 鑽亭盈栽鬱鬱小松青蚪枝夜結軒轅液  
欲徵十八堂 年兆一道風霜藹頌聲

奉賀胡 仰齋大參

行省堂堂應 韓星綸音赫赫下天庭  
珥筆官孫瑄 閣書棠帶有風歌召伯桑林游刃見庖丁

楊出乘春稿 卷之十

九龍池上相 後留得金聲在草亭

花甸水 湖天旱鄉人每欲塞之而不可得又恐有水患也

石洞哈呀吸 百川不容一滴到平原  
穿山有穴歸何處 入海生波欲漲天  
旱魃爲殃都不管 道人貨雨只空傳

李中溪 高雲川 韓石園 談程松 溪臺松事遂以松

字爲 趙質 趙雪屏 得男之慶 同賦

進望克間氣 鬱葱早聞獻古夢  
青松高標礪礪三千丈 嘉兆分明十八公  
試向雲霄看正直 更須風雨作併儂  
丈夫萬事而今足 袞袞徐卿積善功

和高天台次伏波祠壁間韻

高標銅柱越山河 下看飛鷺墮水波  
百戰裹屍甘馬革 千秋遺廟寄煙蘿  
誰生南海明珠謗 未問雲台畫像多  
同郡上書真烈士 可憐一曲武陵歌

茯苓膏

千歲松根鳥獸形 百花香蜜雪霜凝  
黃桑焰烈平分火 白玉漿寒暗合冰  
須信紫文龜立闕 更防丹鼎鶴飛騰  
華陽洞裏憑供奉 獨坐高樓第一層

向榮服 闕侍祖母不赴春試

閔子援琴戚戚歌 禮經讀罷涕滂沱  
素冠自昔閭閻少 衣錦於今世上多  
尼父獨聽風木恨 漢庭九重孝廉科  
更憐令伯眞烏鳥 應有門生廢蓼莪

傷龍津津

素几流塵總帳寒 重來不覺涕泫瀾  
百年遊好求羊在 千古交情管鮑難  
夜雨小山叢桂溼 春風舊圃玉芝殘  
傷心未待三醫謁 解管眞成一夢間

輓杜易窓邑博

青鬢相看四十年 白頭相憶兩茫然  
春風絳帳今何處 夜雨青燈昔共眠  
江水銘旌飛月下 蒼山涕淚落風前  
可憐老大麒麟在 指日龍章到墓田



輓趙松山翁

十萬山松手種成忽聞仙夢入蓉城松陰匝地野雲重  
山色滿樓江月明白雪一聲高格調清風千古灑銘旌  
玉笋金鴈春韶早無復花前醉後聽

傷李鳳谷向榮

萬里雲霄已致身十年江海尙才名未聞紫鳳鳴阿閣  
忽見丹虬上玉京韓愈當年知賈島林宗累日過茅生  
春花秋月同遊處回首闕干涕淚傾

輓馬聖祥

魚眼

孤兒日下更誰依旅櫬天涯得轉歸高誼裏骸推太白  
楊弘先集稿卷之十

同心把臂有朱暉錚錚擲地金聲在皎皎臨風玉樹稀  
從此善交弦欲絕高山流水失鍾期

輓魏江村

青鬢相知半此生白頭相識淚縱橫鳥飛湘水仙蹤遠  
驥展巴山逸足輕忽夢三刀森畫戟便尋一仲謝塵纓  
水雲亭上瑤台鶴一夜西風吹月明

輓楊應雷

萬里南奔淚眼枯麻衣留得血模糊早知渥產輕千里  
爭羨徐家第一雛月桂已看歸大手風雲猶未試南圖  
可憐埋玉青山麓欲賦招魂不忍書

輓楊史城母太孺人

豈是瑤池宴碧桃紫鸞煙駕倏西飄百年風木空悲咽  
一片緩花共寂寥五色龍章封玉檢九霞仙帔映緋袍  
栢舟更是生平烈彤史還應次第標

輓陳復清翁暨譚太夫人

吳下清風奕世清誰家父子少微星釣垂琴水三秋月  
門對虞山萬仞青華表鶴歸應有喚玉蘭花謝尙留馨  
神霄合得雙雛鳳重覓褒章下帝廷

輓姜時川先生父母元參公滑濤人

舉世同看歲月陳誰人獨立古今身乾坤正氣稱前輩  
楊弘先集稿卷之十

清白家聲啟後人魚膾尙憐供鶴髮冠會敢觸龍鱗  
不知飛鵲相留處猶自棠梨幾樹春

望武侯祠呈王卓峰

百尺曾聞上將台武侯祠屋倚雲開隆中已定三分策  
天下誰當十倍才報主丹心懸日月出師大義鼓風雷  
渡瀘第一南征急萬古青山首重回

七言排律

八月對菊效香山六韻

五色煌煌各一叢早含玉露裊金風凌霜直待重陽後  
冒雨爭開八月中楚國餐英憐屈子南陽飲水羨山翁



賞先陶令供佳興  
梁情韓郎奪化工  
應笑老來詩思苦  
未嫌官罷酒瓶空  
一杯爲向花前酌  
欲采仙葩獻木公

楊弘山先生存稿

卷之十

五

先生存稿卷之十



楊弘山先生存稿卷之十一

雲南叢書

太和楊士雲撰

太和李元陽撰

序

甫見素林公生祠集序

生祠何昉乎周公日記功宗以功作元祀王命享周公亦曰明禮休享斯後世生祠之禮之意乎而奉於民尤難也非有所私感愛焉已爾非有所求遺愛焉已爾弘治初甫見素林公以滇副使巡金滄於時夷寇猖獗盤據於賓川首暴於趙四境震驚公迺疏城趙以遏寇衝

楊弘山先生存稿

卷之十一

一

州賓川而衛之以治其地夷用屏息民用安堵趙尤賴之咸胥慶以生公去胥念罔釋以事神者祠公表祀公也效禮享也永愛於不忘也越正德庚辰巡察陳君原習至曰是人心弗容已者祀弗可弗稱乃碑越嘉靖丙戌守郡葛君志貞至曰某何敢拂民之好祠弗可弗尊爰復先今祠祀及公在趙所詠為集以傳且晤士雲曰子茲產受賜如趙盡序諸士雲則起對曰昔晦翁以范文正為宋朝人物第一公在皇明猶文正之在宋也述公蚤歲立朝諫憲宗請誅左道風節挺挺與為校理司諫者同治南中諸所興建迄今賴之與守節延者同晉

用於孝宗武宗之朝撫江蜀殄寇亂與總西師者同晚起於今上龍飛之日掌邦禁詰姦刑亂崇論宏議有裨新治與參大政者又同茲趙之祠與郊慶之祠同矣祠之詩文與富穆諸賢亦同異時廟享之配與魏國之封如周祀功宗享明禮者又將無不同斯則有國史以傳若是集尤可為遐上之對云覽者寧不有感於斯

蒼山別圖詩序

蒼山別圖詩為石巖葛公作也石巖以秋官郎知閩之泉又知滇之澂又移知大理卓有治行瀕九載擢參議西政蓋超格也鄉士夫重其去繪圖詠詩以贈僉屬予

楊弘山先生存稿

卷之十一

二

日子知圖之列景乎曰錦江春水曰玉局夏雲曰洱水秋風曰蒼山冬雪曰西峯瀑布曰碑院官梅曰三塔鈴聲曰五華鐘韻曰龍關曉月曰鴛浦夕陽是也子知水之潤乎雲之蒸乎風之清乎雪之白乎瀑之溜乎梅之華乎鈴鐘之奏曉夕之暉光乎亦知石巖為郡惠澤流行如水之潤者乎庇覆垂蔭如雲之蒸者乎感化動盪如水之清者乎廉介貞固如雪之白者乎氣致高潔聲光震壘如瀑如梅之類者乎圖之作始狀之且寓思也亦知在巖由茲以往望愈隆仕愈重其不為河為海能滌蕩垢濁能通百川潤千里澤萬物者乎不為秦山之



雲觸石而出膚寸而合不崇朝而徧雨天下者乎不爲風動四方太平瑞應者乎不爲凌殫毒害豐年穰穰者乎又不爲洗天銀漢爲和羹鹽梅爲東序大鑪爲宣日月之重光者乎圖之作殆思之且富望也象有意辭有旨詩之所由作乎子盍序之予曰有是哉遂書爲序

送貳守曾君榮滿詩序

今夫爲守難爲倅亦難爲世守者之倅又難守未習事倅攝守之事者又難曾君倅鄧川鄧川爲大理屬州君攝守事視賓趙諸州又難也治滿九載有最狀能易其難者也行當慶績闕廷鄉士夫合饒之龍關有酌君者

楊山先生集卷之十一

三

曰君能易其難三懷不易數引謝訖弗得請其欲爲曾弘宗乎曰弘宗立字不屑遂拂衣某糜祿于公久矣曷敢望諸有酌君者曰君奚惟不得所請當降且數慰之旌之而廷薦之茲將爲胡宗器乎曰宗器曾藏陽秋膺茂選脩然物表其庶無貽厥厥躬幸矣曷敢望諸又有酌君者曰君請謝民願然戚不得請民躍然喜及得代戀戀弗忍舍茲將爲况伯律乎曰伯律羣心仰藉旣去復臨某罔遺於民私惠我曷敢望諸又有酌初酌與次酌三酌者並酌君曰茲豈曾君問田園就松菊時耶銓曹清慎之選胡忠安良牧之薦今亦豈昔異耶君欲爲

弘宗不爲宗器伯律又可得耶衆皆曰然於是各賦詩而別告予序之

送邦伯劉公入觀序

予讀漢章帝詔至赦二千石尙寬明戒矯飾未嘗不竊嘆曰長者哉帝之卓見也夫矯飾者豈非謂安靜不煩悃愾無華者乎夫苛爲察刻爲明輕爲德重爲威者非六條所察刻暴煩擾者乎匪直元和有之元封以前亦有之矣安靜不煩者非宣帝所稱賢人君子者乎匪直元利難得神爵五鳳之間亦未易得也夫刻暴煩擾者非若烹小鮮擾之則亂者乎民斯疾也怨罔弗同矣賢

楊山先生集卷之十一

四

人君子者非方面不列廉而不劌直而不肆光而不耀者乎民所安也悞罔弗同矣二者奚翹元元之休戚雖陰陽合豎國脈理亂恆必由之漢世英主倦倦於是有以哉皇明稽古爲治尤重牧守考課之典視元封之制加詳也褒嘉之典視神爵五鳳之制不殊也然而吏治之削猶元和也悞悞考察猶元和也聖明更化德意屢頒綜核新貫極嚴且備頽川黃霸之治宜有聞矣吾大理喜得劉公政率自中殆誠而能動者其尙寬明者耶肆當入觀天子寧不待以宣帝之待黃霸者耶將治理如頽川褒嘉如頽川後之徵詔如頽川邦人蒙福寧有



既耶同俸循良專美有漢於公之茲行驗之

贈柳泉馬先生參滇藩政序

滇滇南以尋甸告變皇上震怒詔守臣刻日蕩平藩司  
元參員闕銓部以鶴慶守柳泉馬先生請命下時望甚  
尤咸頌天子明聖慶演之有造且徵先生大柄用也先  
生由館苑司諫闕出守畿輔飭浙戎董晉學轉元參至  
瀾之右轄歷試皆有聲效觸中貴人謫守萬里外羣飛  
刺天伺為媒藥然完名峻節益聳益礪惠政懋績著在  
邊鄙皇上嘉其卓異復其藩翰之寄庶濟于茲土易曰  
包荒用馮河不遐遺朋亡天子之光人也孰不頌明聖

楊山先生集卷之十一

五

哉滇事孔棘先生分兵要害以遏竟外先事揆策以贊  
當路倡義糾旅以聲應援衆方倚借而藩翰之寄加焉  
天誅尙稽渠魁未殄先生與有責矣矧擬定之未據郵  
控制懲勸庶邦必大焉先庶永利茲土書曰食哉惟時  
柔遠能邇惇德允元而難任人變夷率服先生昔嘗試  
之而效尤急焉者也孰不慶演之有造哉夫天子簡命  
為滇也而非為滇已也人情喜慶為滇也亦非為滇已  
也皇上銳意治平登進英賢待以弗次中外舉欣欣然  
幸被上知行躡臺省提樞筦移一方之安以救天下翊  
國社出所挾而畢施焉庶可罄先生矣詩曰樂只君子

天下葵之又曰惟其有之是以似之此之謂與孰不從  
先生大柄用哉茲行矣別駕彭侯屬予贈言予因樂而道之

送邦伯祝君入覲序

嘉靖己丑年春羣牧如制當述職於朝戊子冬英雄守  
禮野祝君當先期戒行郡之民胥感若弗忍釋君者乃  
胥謀曰頃東鄙之變遠邇屠割酷矣吾郡東屬邑亦且  
燼矣微公晝夜設奇繕城守以抗賊吾屬無今日矣然  
則公之德在吾與在吾子若孫宏矣曷世世能忘公也  
矧震蕩甫定瘡痍未起能亡未復所賴拊摩安集之者  
惟公是恃公奚宜一日不在茲也必挽留公何如或曰

楊山先生集卷之十一

六

制也必請於當道因請於朝何如或曰制也乃胥白貳  
守周君周君曰公豈不欲為若留乎豈不欲為若俾留  
公平制也雖然天子明見萬里意者且夕有詔豈不為  
若遂留公乎蓋竢諸既行有日周君為書以俾來曰某  
不獲留吾長以慰吾民予意耳吾長之治吾民之懷悉  
矣願序之以贈行惟君起進士歷郎署斐然有聲擢守  
楚政甚宜民體其欣戚而政興罷之廢遺力也一意風  
化而學校之崇廣書院之肇建鄉社學之徧立時躬督  
課文教洋洋其丕振也茲禦劇寇完孤城以全闔郡屹  
然為西鄙列郡障蔽功尤卓也幸存之衆猶嬰孺新瘡



非慈母其誰將之固可一日釋耶如周君言天子寧不以借寇者待君君何成行耶又寧不以徵黃者待君君果可久留耶如民言以去而思飲食而祝者報君且風來政雖君不可留亦奚一日不在茲耶因書之以復周君爲贈行序

東平振旅詩序

嘉靖丁亥冬十一月尋甸告變安氏之遺孽也戊子春正月武定繼變鳳氏之餘孽也二賊密邇於滇胥煽以動覆城邑狀吏叱東偏石城南偏威楚遂合圍省下要求劫脅勢甚熾守城檄諸酋兵戰守以俟上命噫棘矣

楊忠公集卷之十一

七

維時青城周公以副使飭戎於樛榆選武勇昭法令懸賞格厲兵秣馬馳至威楚逆擊賊回蹤之麓卻之慮其潛出間道襲我要會復馳至弄棟據諸險隘先扼之命下詔諸守臣尅期盪定乃馳至滇陽共圖方略公當分攻武定與諸道互爲犄角遂深入而肆伐之俘百人馘二百四十人招懷七百人諸道所獲未算焉無何元兇授首而尋甸之賊亦就擒矣於戲戮鯨鯢爲京觀馴龍蛇爲赤子紆九重南顧之憂戡黔中未有之旤公克成厥功者也茲振旅而旋鄉薦紳播之聲詩附勸以九歌之義俾予序之君子曰惟用兵德刑政事典禮不可易

也伐叛刑也刑行則威柔服德也德立則惠安民政也政成則親和舉事也事時則利軍行有制典也典從則嚴賞共刑否禮也禮順則勸公皆有焉斯功之尤定乎可歌也已行栢天下之兵可規也已然則是詩也江漢采芑之前驅乎可作也已

慶劉母太夫人七十壽詩序

七十壽詩慶劉母太夫人也太夫人少師憲忠定公之裔孫隱壽翁之子禮部尚書贈太子太保東川先生之夫人雲南按察司僉事培菴公之母今封一品太夫人也內則陰教親身滋後所謂唯厚德能受多福者也今

楊忠公集卷之十一

八

年十二月丙申寔經七十之辰公牽于制弗遂登堂之慶跋而望俛而思蚤夜彷徨而戚乃疏歸養且謝事撫院留之巡院留之章交上時天子詔天下平反公祇承明德星馳行部弭節葉榆事事旣猶以不得請於邑罔釋南戶部員外郎張君舊令巴也進曰公蜚英騰茂趾美前人駸駸嚮極用一日圖恤其私不可也是請詎得俞乎明天子簡修進良以率在位雅負資望匪公曷先籍足以展其私無不可也是請不已遠乎矧仲氏中舍列禁近令嗣器魁蜀省且輟南宮之試以待大母惟公之忱弗能已已盡寓祝于辭登辭于軸俾省不爲



壽鴻伯不翁公之歸乎於是羣鄉薦紳翁為詠詞效曾  
人壽母之頌致贊贊焉迫予序之曷予能為卜商氏也  
昔太保先生為學士嘗省資政公鄧夫人矣圭峯公不  
敘先生之言乎曰微吾親何有己身無吾身何有今日  
吾親明年之壽不可以一日道也公之孝思猶先生也  
先生得遂公弗遂斯其請之亟乎公為戶部亦嘗以稔  
事大母矣文正公不作重慶歌乎重慶歌者豔公之歸  
猶先生也公歸先生可以無歸茲省元在侍而胡請之  
亟乎士雲請誦圭峯之言禱公之志載頌文正之歌慰  
公之懷傳以不得所請為公歎之以慶太夫人躋于壽

楊山先生集

卷之十一

九

者猶其姑夫人刑于家者猶其姑夫人成其子若孫者  
猶其姑夫人儻邇而獻諸堂下太夫人未必不粲然喜  
也語曰雖無離憂不樂也雖有離憂亦樂也太夫人望  
於公者一觴之壽已乎將移孝以為忠乎公所以壽太夫人  
者一觴之壽已乎將竭忠以為孝乎斯固諸詠歌者贊贊意也

送青巖余先生知督我詩序

國家重師儒之職簡用特異甲科遺才也苟有聲焉得  
入臺中暨守貳令長為郡邑又有聲焉亦得入臺中暨  
諸省寺與甲科之流相頡頏也周官師以賢得民記曰  
能為師然後能為長然後能為君也師而克任罔弗克

任奚翅郡邑雖方岳可也奚翅臺省雖公輔之望亦其  
也昔在先生胡順菴魏文靖年恭定垂聲震烈皆其  
人也今天子特下綸音申令典顯拔儒碩以實在位青  
巖余先生掌教大理再期耳模則模範則範巡臺旌之  
撫臺旌之總制大司馬伍公旌之遂擢知督峨將有進  
于督峨者也青巖蚤得鄉雋以乙榜署教松滋歷安陸  
公安積有聲效甲科之遺才也宜進與甲科之流相頡  
頏也能為師宜能為長能為君也今夫師之職以教舉  
道尊焉爾而惟陋之安鮮克勵焉斯畫已令之職以政  
舉德隆焉爾而惟詬之集鮮克勵焉斯畫已勵則修修

楊山先生集

卷之十一

十

則聞聞則揚揚則進進則如鴻之漸也誰能禦之青巖  
雅志也式副國家簡用之意哉諸君子詩歌之贈皆吳  
鼎也予何能序之乘章先也

江祀編序

江祀編南瀆獻官太史撰也太史祀南瀆者今天子龍  
飛楚甸光紹丕圖分遣近臣徧于羣望者也祀四瀆者  
嶽瀆配天地紀綱天下明神之祀國之大事也作江祀  
者太史欽承休命職當載筆宜頌鴻烈觀永久也廣哉  
淵乎幽明感通影響一休咎徵驗象類也黍稷馨香明  
德也玉帛精潔無苛一也祝史薦信忠信也此頌之義



也與序在位肆懿德懷柔及于河嶽一也至其往來在道形之永言亦風雅之遺音也蓋求友生懷兄弟誦山甫感時慨古兼之矣太史同官咸論之有以哉編總曰江祀重所事也太史者新都楊氏用修也

重刊家禮四要序

儀禮首冠昏終喪祭人道始終備矣節文度數詳矣而世降日滋廢且久矣於乎此文中子所重歎乎宋晦菴文公本儀禮采諸家禮作家禮一書酌古準今簡易可行我文皇帝頒學宮其望於天下後世篤矣瓊山文莊公彙括家禮爲儀節尤簡易也今鶴田蔣公文省儀節楊治先生存稿卷之十一  
爲四要彌簡易也期俾人人可行已矣公守廣平嘗以是書肄諸生力振頹風復之古道茲膺簡命貳滇憲詰邊戎行部大理亦以是書授諸生移風畿輔者以風遐士急於教訓正俗者與降典折刑者與吾令侯汝言請重梓用廣厥傳公可之郡守富川劉君亟謂令曰監司倡吾與若爲古之師帥也慎諸梓成汝言屬士雲序因讀而嘆曰要哉夫季氏之祭至繼以燭温公之儀人所憚行非煩乎難乎放古之意不泥古之文晦菴定論也而畧浮文敦本實竊附孔子從先進遺意晦菴作書之本指也公兼得之哉夫要衆體所會者也易易知也簡

易從也而禮之恭遜仁之忠懇義之時宜知之密察則不咸已雖儀禮亦可樂也學者勸諸若夫下國生民之坊上裨聖神之化公之序悉矣學者釋諸

送李君廷實知都勻序

都勻介甌貴間壤僻而險舊置衛兼傾諸長官司總焉弗靖弘治中迺用大兵戡定之迺並設府專統理蓋衛主鎮府主牧鎮主威牧主化鎮以威而或戾不若牧以化而可馴也顧所統吏咸土授民咸錯種號最難理爲守者尤難於他守焉銓部必慎簡其人以充李君廷實璽右軍都督幕府擢守是郡或者難之予知君之優爲

楊治先生存稿卷之十一

五

無難也天下至難馭者軍軍政尙嚴嚴近刻刻則衆有弗輯之患君參府獨濟之以寬寬非縱弛之謂也宏裕博大以爲容御衆之體也軍政尙密密近煩煩則下有擾之患君參幕府獨操之以簡簡非不事事之謂也別繁舉要以爲務臨下之體也執此以往何難於守亦何難於都勻哉史臣贊循良曰政畏急張戒弗寬也又曰理善烹鮮貴崇簡也寬有保字之仁而感字之道著簡有清靜之義而寧壹之化成脫肆威用智嗜黃霸笑卓茂雖中土齊民弗利也矧險僻難理者乎昔衛瀕守桂陽邦俗從化任延守九真徼外慕義皆善用寬簡移



變邊俗者政迹章章有輝汗 簡人心豈獨化於古而難  
於今哉然風實辟大司徒鄧 禹府延嘗爲大司馬屬贊  
畫大猷夙弘補益故所至有 聲君先後兩參督府世勳  
循將譚新寧郭武定輩咸倚 重之其爲衛任二子奚難  
哉行見都勻爲桂陽九真之 化矣君且行五軍幕僚合  
儀之以予在鄉曲知君爲悉 屬序於予予因道君之所  
以優爲者爲都勻慶也

轉注古音畧後序

周保氏六書曰轉注者文字之變通也非轉文也轉聲  
注義變而通之自然之音也 漢許氏以考老爲轉注轉  
楊弘山先生存稿 卷之十一 三  
文類豈匪通也宋王氏以長爲長長行爲行行爲轉至  
轉聲類夥通也吳氏以諸韻相通轉聲相叶一字數音  
音函一義援古作證二千五百字奇轉注之極通之極  
也元陽氏以並累衆文互轉成注於文而弗於聲常也  
匪變通也夫六書相通轉注通音也音載諸經祖宗也  
子史而下咸子孫也知音可通經也升菴楊氏博學好  
古洞貫微奧正許之拘從王之正補吳之闕而昭保氏  
之教斯轉注古音略所以作也方諸韻補去取彌精數  
亦幾焉才老斯道不墜之望慰矣乎宜並傳也貳郡可  
亭趙君梓之傳也

古音餘序

夫古之音微矣泥于今者弗晰于古也古之弗晰則併  
今之昧矣紫陽辨音卽肩非卽脗從肉兮省聲非從八  
蓋不微說文誤坡說亦誤嗜史漢古字時或僅存六籍  
今文轉訛何限君子每致意焉升菴先生博古音略若  
千言例也胤古音餘若干言例外亦無窮也學者求之  
庶古之晰今之昧也免矣

董氏族譜序

董氏族譜譜董氏之族也董氏之先可知者始祖蒙氏  
布變成入朝于唐考諸史咸通間也成以下世次不可  
知至段氏布變生布變誠誠生布變昇昇生布變慶海  
鄧川同知寶慶生鶴慶知事旻嵩沙羅長官賜寶生救  
長泰宣尉學錄備佑則歷宋而元也旻生太和總旗惠  
以下救生泰以下則入我皇明矣夫世遠族繁匪徵弗  
信譜之作難哉作譜者表溪巡檢仁鶴慶六世孫也慨  
譜無存而幸碑表誌狀之尙存也爰遵譜例首圖系次  
履歷次文獻可知者謹書之不可知者闕焉譜成將梓  
以傳屬余序之士雲出鄧川公裔也竊欲譜而未成喜  
表溪之有志也序曰夫自小史職亡大宗法廢而後世  
譜學興矣然多藉以華氏族矜門閥非莫世繫辨昭穆



之懿意也宋歐蘇始嚴立法天下宗之然文忠尤以先世行於其躬教於其子孫者望於後人明允亦曰觀吾譜者孝弟之心可油然而生矣嗚呼斯制譜之意奚獨奠世繫辨昭穆而已邪表溪謝事於家持身睦族克慕前人其作譜拳拳於後之人者非徒爾已矣嗚呼後之人其尚念諸

楊氏族譜序

楊氏舊無譜相傳居喜州之城北里大貫湖至九世譜迺作也始祖諱藥師正生二子曰正良曰奴公自正良而傳者為長派至六世曰賢曰智曰忠者衍而為三派

楊弘山先生存稿

卷之十一

主

自奴公而傳者為次派至三世曰公福曰福慶曰福慶者衍而為三派迄今蓋九世矣始祖而上不可知譜自其可知者爾然亦豈易成耶蓋吾鄉素乏譜牒不獨一楊氏也高曾而上類多失考茲高祖而上又得三世焉是亦豈易能耶作譜者奴公七世孫處士翁鐸也處士考諱懋以剛正重于鄉鄰高年康疆平生究心宗系極力窮訪以所見徵所聞以所聞徵所傳聞世居有業業同分可徵也世葬有墓墓同域可徵也盡得其可信而無疑者每以命處士曰其為譜以成吾志處士懼墜失先人彝命迺作譜源流而經緯之得古譜法且視士重

曰為我序之於戲譜之道重矣所以辨昭穆尊祖考合宗族與孝弟勸媾睦也自箕世繫之教廢雖有氏族誰有氏族哉况并氏族無之而不知本始者哉楊氏之族幸譜已今之族人苟知由一世以至今日由有服以至無服雖千百指之多其初一人之身也雖欲不親亦不可得已後之族人又知由今日以至無窮由有服以至無服雖千萬指之多其初亦一人之身也雖欲不親亦不得已親則孝弟之行興媾睦之風作庸皆非斯譜作之力哉士雲處士婿也喜楊氏之族有譜因敬序之

寧邊茂績詩序

楊弘山先生存稿

卷之十一

主

國家邊徼重地必簡命兵憲臣洩之準古兵刑合一之制蓋重任哉頃議兵備兵民竝寄卓異者必超格柄用尤重厥任焉皇上入紹大統登進英賢時川姜公既復儀部郎遂陟吾滇兵備憲副簡厥克任重也所洩即六詔之地化久未覃草竊時起甚而僭養禍階識者有隱憂焉公至奮為已任曰平民罔不寇賊乃始亂乃胥漸在古則然今豈異乎聖人乃命降典命平土命播種命制于刑之中在古則然今天子命我亦豈異乎於是宣德意條方略動中肯綮又以賞罰鼓舞之一掃近時玩愒之弊踰時小革而大革心四境肅清頌聲流聞矣公



何以得此哉蓋公策馭  
亂也夾懷諸類必蠲苛  
也山社有學必頒制訓  
必險走集必嚴候斥奠  
墾汗萊必通貨市厚農  
生恬終教祇德也而治  
內也淫慝以爲慰撫觀  
示之古命古聖哲之法  
惟公式古亂則禍弗滋  
閔胥漸則禁安厚農生  
則足教祇德則楊忠先  
生集稿卷之十一以照  
之威以震之才以通  
縱間而邇安遠寧之若  
是措兵可銷克副茲重  
任左政之有成慶遐土  
之有遭冀爲聲詩以歌  
之屬余序用休董之用  
威勸之以力也謂之九  
歌德莫可歌其者乎欲  
人弗歌得乎其在一方  
歌於一時者耳行憲度  
振兵機望愈隆任合



其要者書爲二策夫滇西南服陝西北服繁天下要害均也自昔微忽兆憂非增鎮守私壞法乎非侵權利放越軌乎非間邊情滋寇媮乎非廢邊運煩耗國乎在諸藩亦有然者置於不問檢矣要有大於斯乎先生教爲己責迺建議革之抑之處之通之不遺餘力五壞十蠹五策四憂三等三利之列皆本仁義事情準古驗今請於朝覆於部下於制府行臺董振興釐一如俞旨傳曰仁人之言其利溥哉有令德也夫古今奏議陸宣公爲稱首權德輿敘於永貞蘇軾評於元祐簿暉註於紹熙咸惜其弗遇當時冀其獲遇後世云爾先生遭逢聖

楊忠先生存稿

卷之十一

十一

三燕鹿鳴序

鹿鳴燕者國家賓興賢能之盛典也三載一舉天下同期御史以按臺顯臨試事燕焉都御史以撫臺首修文言燕焉諸有事於試者燕焉登諸鄉書播諸天下後世者也嘉靖癸卯白崖劉公撫滇適其期焉上邇戊子厥弟五泉公按滇適其期焉又上邇弘治己酉厥考石坡

懷如也曰孰與尸饗主婦非我職耶孰與庭訓母儀非我肅耶孰與爾家內外非我正邪訖以婦代夫而親安之孝以母代父而子穀之以內正外而家賴之親之安者孝乎子之穀者慈乎家之賴者貞乎孝德之順也慈德之教也貞德之幹也順則不賈教則有成幹則不渝三者備則天綱續地維立人紀完矣可通神明表風化登形史矣其被封命服冠帔食祿養躋期頤受蓬州顯揚之報宜矣慶有大是哉圖之爲萱爲節爲福壽者咸其徵也而節其本也惟德斯節節斯福斯壽斯志憂如萱也記曰如竹箭之有筠貫四時而不改柯易葉節節也

楊忠先生存稿

卷之十一

十一

重觀滇海序

皇明聲教四訖稽古作程內簡臺史外列臬司觀風于天下一人大觀在上四方觀化于下非省方觀民何以設教嘉靖己丑聚峯毛先生以臺史觀滇維時中官肆虐罔過巨室封利罔惕戒心叵測罔馭曰茲惟亂本不可長亟疏論狀咸得請大闢罷鎮羣醜懋服迄于今賴之報命中傷左官壬寅以僉臬再至再觀巡洱海攝詰



翁按滇適其期焉父子兄弟三燕鹿鳴天下古今鮮儼者與自昔父子舉士若楊氏於陵嗣復有矣兄弟未也兄弟判臺若李氏峴峒有矣父子未也三世益州若周氏訪撫泊楚有矣節制一道未也劉氏非天下古今鮮儼者與矧西夷未靜玩愒成風石坡翁大振臺綱一時震肅東鄙甫平戍卒內訌五泉公力遏亂畧帖然底定頃邊境雖寧戒心叵測白崖公先事永圖增拓防守既揆文教尤奮武衛咸有遺於滇故石坡翁歷都臺撫貴筑貳留部訖晉尙書五泉公歷銀臺尹京兆丞都臺撫山右白崖公行且正臺席握樞筦追配于考媿美子弟楊密先生存稿卷之十一

萱節福壽圖詩序

萱節福壽圖詩者慶魏母繆太孺人八十壽也太孺人龍關耆宿翁之子贈承事郎江華公之配通守重慶茲守蓬州江村君之母也今年秋七月辛丑實維設祝之辰蓬州以遷秩數千里歸壽堂下胡生棠函圖泊詩謂予序予獲友蓬州稔知太孺人之懿行也江華公弱冠蚤世太孺人始字五年舅姑大耋二孤在抱家政方殷

戎兵維時楚毗久逸難變陵德做化難閑草竊潛作難弭甚而金沙可達難于謀始曰茲亦惟亂木毋紐乃教民事慈民淫嚴斥候議請疏江圖承久餘風用殄舉棄咎亦罔不咸賴升菴太史題重觀滇海張之鄉大夫士歌之退于序之於乎觀之時義大矣觀之初六童觀問鑿趣順謂之童觀斯昧六二闕觀寡鑿從順謂之闕觀斯狹六三觀我生自審行可謂之生觀斯察六四觀國之光明習國儀謂之光觀斯有融先生德兼上四應三近五故茲觀風上禪大觀下裨觀化雉可射狐可獲戎可戒孚可革寇可禦大川可涉觀民設教明哉熙哉滇楊密先生存稿卷之十一

春遊倡和詩序

職永利休哉可歌已予聞在昔介軒王公澤州楊公觀滇有辭罔俾二公專美西南又可歌已其諸觀陝與天下者咸若是獨滇乎哉庸附羣言之首

詩詠伐木易繫如蘭春秋紀列國大夫宴必有賦會敦好詩言志尙矣嘉靖乙巳閏正月乙酉魏江村氏首會於北郭之園丁亥周龍津氏尋會於南郭之亭庚申樊沙坪氏會於水濱之墅二月乙未泊王寅楊弘山氏楊琢菴氏亦咸會於里舍會凡五詩凡若干倡若干和若干三月癸亥龍津氏遂不起矣嗚呼尙忍言諸沙坪氏



以會不可常詩不可棄欲哀而藏諸亦敦好言志之一  
徵也論諸江村氏琢菴弘山氏僉曰然遂筆諸簡

民事錄引

夏書曰戒之用休董之用威勸之以九歌俾無壞九功  
之德皆可歌也謂之九歌六府三事謂之九功水火金  
木土穀謂之六府正德利用厚生謂之三事是謂之善  
政謂之養民民事錄錄崇十業戒用休也錄懲九蠹董  
用威也錄諸圖詩勸以歌也錄憂職思遵彝憲也錄詢  
往跡取善周也錄增五事加潤澤也錄箴解記以身率  
厥屬也反覆申告先後甲庚變伏爲勤期底于績六府  
楊山先生存稿卷之十一

書

題跋

書范滂攬轡圖後

此范孟博攬轡圖也余讀本傳未嘗不嘆其風力之勁  
而惜其去就之可議也方其按盜冀州守令望風解去  
是雖登車一念之烈震疊境內亦少勵清節之聲有以  
先之也挽汗濁之風而清明於一旦孰謂無所自哉然  
孟博於此卽當不復仕矣應詔舉謠言尙書且疑之已

且投劾去矣使遂懷可卷之道體如愚之哲不其仰歎  
未幾復就宗資辟竟罹黨獄斯可惜已雖然當時與孟  
博同風清者有掃除天下之志如蕃有董正天下之志  
如珥其物色落莫久矣今此圖凜然獨存豈非孤標遺  
烈卓爾不羣者乎朱零仰服其清裁王甫改容於獄對  
鄉人候迎士夫侍立詔使閑傳之泣豈易得者嗚呼此  
圖之所以傳也或者以元禮蘊義生風鼓動流俗天下  
士波蕩從之然則孟博有所激而然歟嗚呼孟博與李  
杜齊名者也雖無元禮猶興余因是而辯之

書待漏院記後

楊山先生存稿卷之十一

書

愚讀待漏院記至待漏之際相君得有所思乎其思  
之云云其效至於皇風清夷蒼生富庶其思之云云其  
弊遂至於政柄墮帝室危矣嗚呼何思之善而利之溥  
何思之不善而害之廣若是耶根於一念之微而肇乎  
理亂安危之大發於斯須之近而被於海宇民物之遠  
分舜賦於鷄鳴判皋共於夙夜其皆職於此乎試觀往  
牒思曰贊贊者百工泰底績之功思曰孜孜者萬邦成  
作父之效思如偃月則禍人家國者豈小乎信矣哉一  
國之政萬人之命繫於宰相不可以不慎也慎之道  
亦惟去其思之不善者而就其思之善者如是而已矣



尙何禹泉之足讓而世道不登三咸五也哉嗚呼斯固  
元之作記之意也

### 書董氏族譜後

按唐書西龍遣清平官董成等十九人詣成都節度使  
李福將廷見之成辭曰皇帝奉天命改正朔請以敵國  
禮見福不許導譯五返日旰士倦議不決福怒命武士  
掉辱之械繫於館俄而劉潼代福節度即挺其繫表繼  
遣有詔召成等至京師見別殿賜物良厚慰遣還國乃  
懿宗咸通七年非貞觀間也自咸通七年至周顯德六  
年共九十二年又歷宋三百十七年元九十三年我朝

楊山先生春稿

卷之十一

書

一百六十年共六百六十年

### 登峨山詩書後

士雲不獲侍安厓先生踰一紀茲甲午冬月朔獲被  
手教及登山詩拜稽讀之光動林谷若侍先生登峨山  
也次讀諸序詠又若諸君子偕先生登峨山也次讀諸  
識又若諸生從先生登峨山也夫詩之作重峨山也序  
之作詠之作重詩也識之作重序詩重詠詩也凡以先  
生之重也故詩重故峨山重故序之重詠之重識之重  
如此讀者當自得之

### 題述書賦後

衛巨山四體書勢自沮者以迄魏晉王簡穆論書自張  
暉以迄宋齊沿革高下咸有定論載在史策千古下人  
獲觀焉寶貝外述書賦自周史籀迄唐乾元之初評品  
輿論猶魏王也書評而下亦咸有議厥况司業稱其精  
窮要旨詳辨秘義信矣而唐史不載希得見之然司業  
青囊書畫拾遺亦列于志此賦弗列史之遺歟書之顯  
晦有遇有不遇歟時川先生近得寫本梓之蓋欲與魏  
王之論並傳於世云爾

### 書嗽鳴集後

嗽鳴集者東溟張子詩集也何名嗽鳴謙也何謙爾和  
鳴而自爲小鳴也何爲和鳴東溟閱歷多變發之聲詩  
者和平溫厚和鳴而自爲小鳴也何爲多變和鳴爲廷  
尉評以忤出爲秋官郎又以忤出及判江州又以藩旣  
累始雖人勝終則天定人勝者變也天定者常也東溟  
可常可變弗激弗沮發之聲詩者一寫情性之正斯多  
變而和鳴也和鳴則其鳴也大矣而自名嗽鳴非小鳴  
也謙也昔孔子論詩可以興觀羣怨事父事君皆言和  
鳴者也孟子亦謂聞樂知德若季札所觀是已覽是集  
者以是求之庶矣乎

楊山先生春稿

卷之十一

書

### 題南巡紀畧



宋歐陽文忠公曰文學止于滿身政事可以及物吾昔  
官夷陵因取架閣陳年公案反覆觀之見其枉直乖錯  
不可勝數違法徇情何所不有且夷陵荒遠福小尙如  
此天下固可知也當時仰天誓心曰自爾遇事不敢忽  
也蘇明允父子嘗聞此語余每誦之未嘗不感嘆焉比  
憲僉卓峯王公以書來視啟械則南巡紀畧也閱之終  
篇則按部興革之大者也於乎滇之荒遠猶夷陵也郡  
邑褊小猶夷陵也政事乖錯猶夷陵也宜公之不敢忽  
猶歐陽公也書曰罔曰弗克惟既厥心罔曰民寡惟慎  
厥事爲政者允若茲之於天下也何有況滇乎

楊山先生存稿

卷之十一

三

記

太和縣學尊經閣記

我祖宗以經書頒布學宮以樹教於天下與成周詩書  
禮樂皆在庠序者越宇宙而同符故環海之內學皆有  
書書多有閣閣以尊經名示慎重亦張伯玉意也太和  
洪武乙亥建學維時草創藏書無所閱百三十年循舊  
就簡經書散逸尠有存者壬竊病之嘉靖壬午憲副夷  
陵鄭公元以提學至請於巡撫都憲黃巖王公檄購經  
史子集若干卷積之堂左士咸感奮明年癸未冬憲副  
太倉姜公龍以兵備至謂郡守李侯楫曰書緯矣必請

於久盍闕乎既曰度位築基因基選材費不廣功不殷  
縮予俸餘無預公帑閣弗可成耶謂邑令朱儼曰其以  
時事事迺建閣於堂之東自甲申春正月迄夏六月告  
成修廣三尋崇損五一四阿重檐四旁夾窻閱爽有度  
質文相鈞陞積于中列帙如序士益咸感奮既成之明  
日公率文武屬吏落之迺進諸生曰國朝以經術造士  
所以重稽古求道真圖弘治理匪爲文具焉耳頒書之  
訓有之高皇帝曰五經載聖人之道也者君子知學則  
道與小人知學則俗美他日收效必本於此文皇帝曰  
此學者之本根聖賢精義悉具矣學而弗勉是自棄也

楊山先生存稿

卷之十一

三

大哉皇言萬代如見惠我後之人篤矣茲書之完閣之  
作將以祇承聖謨風勸士類用寶惠於無窮俾勿壞諸  
生必服膺聖訓必求道於精義易得潔靜精微焉書得  
疏通知遠焉詩得溫柔敦厚焉春秋得屬辭比事焉禮  
樂得恭儉莊敬廣博易良焉如孔子之所云者得之心  
潤之身行之家效之鄉國天下庶於祖宗教養罔極之  
恩爲不負矣脫曰以青紫明經甚而畔經豈所望於士  
邪念之哉咸再拜受教益加感奮教諭郝鳳朝列其事  
來告且曰惟王公暨鄭公克存厥始惟公克承厥終  
于往昔肇自今茲可書已矧公風節舊聞保釐遐土珍



冠以輯黎人崇化以正頹俗戒威之表增修德焉憲度之中亟振教焉多此類者而此其先又可書已願記之以告來者士雲方為吾黨慶幸奚可以謙陋辭遂記之尚永觀於後祀

壽萱堂記

歲甲戌予獲友周世衡于京師偕南歸予抱鬱鬱世衡曠如也時叩其中浩乎若不可窮心服之丁丑偕北上予濫預館中世衡遊太學其曠如初而浩乎若不可窮者加進矣又心服之明年以省親別予曰某有堂名曰壽萱以奉母也願請記庶有相乎繼予罹陟岵之憂久無以應自是世衡北上且南歸再矣其曠如如初而浩乎若不可窮者愈加進矣益心服之今年某月適母令辰復來請媿予何能副世衡乎聞世衡尊翁蚤世母王孺人以嚴代慈所以教愛者出常母上恆曰而父必而有成而蓋圖不忘而父而母亦藉以見而父於地下也篤於義方親課學業世衡奉訓惟謹始為諸生才名勃勃舉庚午鄉試第二人人咸曰周氏有子矣有是母也及上春官以天下士自期待坎塲五返屢蹶弗沮人又咸曰周氏子志不在小有是母也母以子聞斯固世衡壽之之意然天遲世衡者蓋將丕成母教壽母之名於

無窮也屈之久則信之大鴻漸於遠鵬奮於海惟時焉爾行將魁天下致通顯不負所學與志以為朝家之光以增吾山川之重人又咸曰周氏子臻厥大成有是母也後之稱周氏母者如歐陽氏之母其壽寧有窮乎斯則世衡壽萱名堂之意也亦予心服世衡之素者也奚啻曰假忘憂之草寓承歡之慶也已

南郭興造記

大理為滇西巨鎮四會之衝國初南郭外為館以待迎送宿息又南為關門以時啟閉門今廢千餘年曾及見之北為承恩二坊刻石者令以聚列日市肆且示觀也歲久寢廢館為畝已門為衢已坊惟址已噫其所謂賢之興忽之廢邪嘉靖壬午吳時川姜公以儀部郎中為按察使奉璽書飭戎茲土興釐振肅敷和於下迺乙酉冬下令日廢館南天神祠者巫憑為鬼斥之可館也且無重勞關之不門誰何何謹為敵樓庶有戒乎二坊其新之無墜舊典既俾千戶閔宏嚴經受程董役易祠為館前為高閣為中廳為左右廂後為堂為軒負山面河前銜周道術精而境勝也度城居盡處為樓基以崇臺環以石甃冠以女牆下關為門上樓為櫺勢巖而觀遠也坊並加高石刻如故北扁仍曰承恩南扁巡按江公題曰靖邊偉



麗而對峙也肇十月辛卯訖十一月己未三旬成事不  
 愆於素矣百需有盡不煩公私矣眾胥驩說訝倏然得  
 是觀矣僉曰可記哉以告諸方來矣嗚呼周禮野廬氏  
 宿息井樹以寧客使司門與司關相聯以幾不物司市  
 分地日時以敘商賈皆王政不可缺者故賓至如歸僑  
 則稱之候不在疆國無寄寓單子規陳之不振矣重門  
 待暴備之於豫魯鷄不期蜀鷄不支以乘吾之便爾闔  
 闔莫賈表道樹風亦體國固封之攸焉焉是胡可一日  
 廢邪然則國初規制之備今日修復而增大者庸詎非  
 識治者之深慮邪其所謂賢之與賢之復邪後之君子  
 有壞必葺無俾斯廢則幾矣役之不可已也如是夫記  
 之不可已也如是夫

梧桐書院記

木密城北有老子之宮居人倚為媚神歲時會賽雜糅  
 成風噫弊也久矣皇帝改元嘉靖百度咸貞雲南布政  
 司參政劉公來守是道得其狀嘆曰邪慝弗祛曷宣化  
 理正學弗迪曷興善類非吾徒之責歟吾知之弗任任  
 且弗力其謂之何既曰是宮也可毀俾勿兜毀之重勞  
 益易為書院因增飾之費不寡功不即乎斯所也未能  
 興學其子弟惡忍無教由茲誘獎俾克鄉慕俗可革臧

可勸抑不有俊秀嗣起與序之士並升為朝家之所  
 者乎遂下令撤老子之額去諸像付諸水火杖其徒而  
 人之且白於巡撫都御史栢山先生王公巡按御史羅  
 公僉曰可哉公迺下所司營畫基可廣者若干材可仍  
 者若干不足取具於免役贖刑賅罰者若干中為堂三  
 廩前為儀門一廩又前為大門三廩堂之後為藏修息  
 游書房三廩工以備匪逮於民財以法匪預於官舉以  
 時匪贏於詘旬三浹而告成名曰梧桐書院守禦千戶  
 魏鑿書來徵記余惟書院之制肇於唐宋其最著若嶽  
 麓石鼓白鹿洞是已蓋庠序未修上學無所輒依林藪  
 徒聚徒講業為政者或因而廢之皇明文教熙洽

梧桐書院記

學校徧海宇真雖遐服亦浸與中州齒木密為滇扼塞  
 武人守關然兔冒中林姬化弗遺在中者何可無風厲  
 化導之術耶肆公斯舉其嘉惠一方之意篤矣矧殄厥  
 頽風復之大道凜然孔孟闢異端距楊墨家法其衛翼  
 斯道之功偉矣學於此者必仰體公之心無負必謹循  
 白鹿洞之規併服嶽麓石鼓諸先正之訓無敦養之靜  
 察之明守之確居則復性慎倫以淑身範俗出則推所  
 有以利物無弗可者斯其可尚也已不則憚焉誕焉畔  
 道陵德而人罔攸賴焉斯其可惡也已不亦大孤今茲



之劍與耶斯尤可念也已公名鶴年字維新蜀之巴人  
兩參滇藩其經略邊壤康濟軍氓剔蠹夷姦率先大體  
固弗止此者而此其一云

復建北關門記

先王城郭遠近郊關之制皆門焉以襲固也葉榆城舊  
矣高皇帝既定之年命守臣拓之據蒼洱首尾爲上下  
關又倚郭爲南北關皆所以爲固也上下關遠而嚴恆  
完南北關近而少弛今圯廢矣完則有以備要害廢或  
有以啟寇偷者往往有之近獨可廢哉兵憲姜公蒞治  
於茲盜用屏息民用寧謐而職思其憂百飭整整既樓

楊忠先君墓誌卷之十一

三

南關門復樓北關門北加壯夫跋如翼如與南關相望  
管鍵惟謹捍禦孔嚴城若益而高隍若益而深邑居若  
益安以定蓋北於位爲陰有肅之義肅則固弗肅則疏  
於象爲坎有重險之義險則固弗險則夷於宿爲玄武  
有威之義威則固弗威則玩固則戒而疏而夷而玩啟  
寇偷也茲門之制計焉險焉威焉皆得固之道焉北之  
義焉且功多用石固也瞰河之梁亦固也作之歲與南  
樓同時以冬季月之令也視功以後所千戶韓相其職  
之方也推是類以徵公之他政皆非苟爾已也魯城西  
郭春秋書之茲不可以不列爲之記云

太平橋記

按志銀龍江源於上甸里或云自雲龍甸阿荒山也至  
於永平貫禦城而南城有水關制之城南孔道之衝舊  
有橋曰太平每秋夏霖潦奔湍射嚙岸善崩橋乃數失  
設盤石爲隄索址於淵用堅厥岸橋乃可久弘治辛酉  
水門於東岸院弗支淪及居人橋乃再失自是水勢日  
東江面廣橋乃艱復東西道阻所司歲頻徵夫架木  
濟盈水輒擊去費倍百于渝人乃告病嘉靖丁亥千戶  
趙輔謀於衆曰事固有一勞而久逸者孰險弗可夷惟  
人焉爾因請於分道之官司監司曰復橋便報可乃自

楊忠先君墓誌卷之十一

三

庀材勸樹貨佐之鳩工惟良盡圖惟永掄巨木者三十  
七章制巨石者千餘丈煉灰六萬斤餘不在算復裝東  
隄高丈有八尺長倍高九廣殺高一完西隄亦如之咸  
壯于故爲樓鎮隄以樓承巨木次以木相承中以木相  
副管於岸梁於空橋長二八廣殺長九覆以屋七楹兩  
涯遠以樓各三楹表以緯楔二守以石獸四廟以祠龍  
神于左咸故所無今始有也信乎如鼇之戴岳之歷如  
犬牙之函魚鱗之密如蛟螭之盤結若飛若動繇是居  
者寧行者利道塗可通阻固可守僉曰惟功之成斯千  
戶之能惟能之任斯宣司監司之政君子曰夫辰角見



而雨畢除道天根見而水涸成梁營室中而土功其始  
火初見而期于司理先王所以不用材賄廣施德于天  
下者也道路若塞川無舟梁是廢先王之教也茲橋之  
復禮也百戶甘洪以狀及圖及鄉進士楊元吉書梓來  
請記遂記之經始以是年正月丙寅告成以五月丙戌  
云

新建會講堂記

嘉靖九年冬大叅巴蜀劉公鶴年來守金滄至大理講  
廟之日登堂課諸生進學官知講堂房狀號舍有樓亦  
焚焉舊矣相故址淺隘弗宜且密巖廟殿時或譁聞非  
極其外春種

卷之十一

一

所以妥神也迺得隙地於學之西高爽溥長並學而隆  
適龍尾關有淫祠焉妖巫假神效尤河伯公亟命夷之  
撤其材材茲堂舍舍為八號號為三區左扁為格致誠  
正右扁為修齊治平閣門列垣翼學而起貳守陳君魁  
具事屬某為記某無似更能為役然公嚴明方正所至  
崇正闢邪繫弘化理茲舉寔惠吾黨曷容以默惟孔子  
以學之不講為憂以朋友講習為麗澤之象學貴於講  
講資於會也允矣按說文講為論為謀為究為解夫論  
必稽之眾謀必詢之同究必精之極解必說之詳夫論  
之眾必博學已謀之同必審問已究之極必慎思已解

之詳必明辨已講之事畢矣凡以明吾善也夫善言之  
性天之元也經之訓也稟而弗學是棄穀也學而弗講  
種弗耨也講焉止矣弗體於己弗澤諸物耨弗獲獲弗  
食食弗肥也嗚乎此學之貴於行也不則雖多識之學  
攻堅之問通微之思解頤之辨祇為繁章條穿崖穴藻  
繡璧悅世儒之學已矣於吾善也何有若夫羣居飽食  
如聖門所警者又何望焉嗚呼此公建堂扁舍義也寔  
古人全體大用之實學也亦國家建學造士之本意也  
吾黨盍共繹之

鶴慶府儒學進士題名記

卷之十一

一

夫士之學也始籍於學有名其進也始錄於鄉有名又  
錄於禮官有名進錄於大廷有名既立石於大學又有  
名夫士至名於鄉一鄉之士已至名於大廷則天下之  
士已又名於太學之石不啻以天下士望之已夫士至  
於名天下後世豈易得哉名不易得實之難副也名足  
榮也亦足憂也其端可恃者安在哉亦求其實已矣叔  
孫豹論不朽以太上立德次立功次立言孔門教人亦  
於此為四科此實之說也夫士苟善實有諸己也澤實  
被諸物也辭實行諸遠也由顏閔諸賢而上之也人將  
指其名而稱之曰此真天下士也不則將指而議之曰



此無聞矣稱之終有辭於永世不則君子之所疾已名以天下士而不免於議豈所望於士耶然則石之題名榮在茲憂亦在茲國之所以礪士者也制也鄉學題名非制也亦制之遺意也蓋太學海內之士萃焉羣而觀之使夫人自礪又因礪後之人也鄉學封內之士萃焉羣而觀之亦使夫人自礪又因礪後之人也鶴慶爲滇遠郡皇明建學肇科登進士者弘治壬戌始得一人焉正德庚辰又得一人焉國家之化成山川之孕毓積之久而發之遲亦自有時哉嗣是而登者殆方感乎常熟胡公堂以大理少卿來知郡事壹意風教偕同知張君

楊山先生稿

卷之十一

三

廷俊通判彭君蘭推官戴君時既新廟學迺礪石題既登者之名且竣將來欲始籍於學者知所觀因名求實以進於天下士之列既自礪又因礪後之人也

鶴慶府南供河記

南供洞在府治西南二十里發源山神哨至白楊場俗稱龍泉者三穴齧澗噴出噴旱弗縮下流恆用泓演東入漾共江南甸田咸仰溉焉故名蓋瀕河左爲大溝引水而北者四石爲大溝引水而南者三因各爲支溝以注田者不計焉田爲畝餘五萬賦爲石餘五百戶爲數百居爲千餘室河之利溥矣而恃以爲利者龍泉耳龍

泉迤南爲高阜曠土可若干畝勢家闢利欲橫截泉水而田之在正統中爲士酋成化中爲守禦弘治中爲豪民某某長康民以遏我上流輒訟之諸弗得逞正德庚辰有豪民者踵故智詭辭於府乞墾田輸賦里中老承勦得賂報可遂給印帖登版冊民泣愬者相屬也豪民者復詭辭於藩司誣衆傾已下府覆之太守王君甫下車得其情嘆曰此地此水果可利昔人當先爲之矣奚哉迺追帖削冊咸伏其辜民驩呼相謂曰微我公南甸其萊矣夫人效尤者亦永有懲乎謀於鄉貢士趙德法

楊山先生稿

卷之十一

三

國子生楊懷玉郡學生李紹綸輩紀事於石請予記於戲民非穀弗生穀非工弗殖土非水弗滋故禹謨六府洪範五行皆水居先而後世河渠之書溝洫之志加詳矣蓋善爲民者所以興水利也涸也爲之畜引溢也爲之分泄廢也爲之修復又患民之爭也則爲之禁令所以禁其爭也抑疆暴而已矣杜侵奪而已矣昔關中仰鄭白二渠溉田而豪戚壅上游取磔利奪農用李栖筠請皆撤毀唐史書之輝映簡策南供之利鄭白渠之類也龍泉之遏上游之壅也高阜之地百磔類也惡可以小而妨大君之意固李若也是宜書然李以高才推給



事方挺不屈出刺常州治行最卓君亦以爲事者補  
外稍遷臺省茲守鶴多惠政其風節治績亦李君若也  
又宜書君名昂字仲順廣安人起弘治乙丑進士

新建楚雄府龍岡書院記

威楚城西有阜隆起曰卧龍岡舊傳漢諸葛武侯南征  
嘗屯兵於此故名嘉靖癸未禔子以戶部中郎來知郡  
事閱郡乘參史志嘆曰武侯三代以下一人而已昔人  
議其列侍聖門夫亦何歎故隆中以寓居既祠之且爲  
書院以養士矣茲惟過化之地名並隆中固弗可表厥  
風烈以視後之人邪迺斥淫祠五顯廟者因增飾之中

楊晉先生集卷之十一

三十九

爲堂三楹肖侯之像扁曰人龍左右爲齋舍各六楹前  
爲中門三楹又爲大門爲緯楔扁曰龍岡書院庖廡廩  
餼几席膏火之具咸備焉拔四庠弟子講習於中時躬  
督課學者爭自奮礪鎮南州守何思司教年緝分教樊  
相以是舉宜有傳書來徵記於虜龍靈物也聖人作易  
始於乾而爻象皆取於龍蓋乾之德猶龍之德乾道變  
化猶龍之變化也體用隱顯惟時焉爾故文言於初九  
有曰樂則行之憂則違之確乎其不可拔潛龍也由二  
而上則曰龍德正中焉進德修業且及時焉聖人作而  
萬物覩焉動有悔焉此龍之見也惕也躍而飛且亢也

說者以伊傅當之顏于龍德而隱者也嗚呼豈獨數聖  
賢然哉君子法乾是亦龍而已矣後世君武侯者殆亦  
近之者耶當時謂之卧龍袁宏亦以初九龍蟠贊之其  
果知侯已乎迹其躬耕壟畝不求聞達抱膝長吟寓意  
深遠自比管樂蓋亦謙詞其志操如此者辭以修身儉  
以養德學以廣才靜以成學研精理性階歲與時其學  
術有如此者三顧既勤幡然而起明漢賊之大義以復  
興爲己任草廬定計終身不易受遺託孤出師上表卒  
皆不食其言雖功業未就而扶皇極正人心挽回先王  
仁義之風垂之萬世與日月齊光可也其出處忠義經

楊晉先生集卷之十一

四

綸事業有如此者嗚呼侯豈惟近於初九潛龍者邪然  
則祝子建院像侯而所以揭名者非有見於斯乎其素  
切於慕侯者乎亦欲學者慕侯而興起乎學者能弗感  
於斯乎周子曰士希賢賢希聖蓋必志侯之志學侯之  
學直以伊傅顏子爲歸然後可故曰君子法乾是亦龍  
而已矣

鶴慶府西龍潭水利碑記

鶴慶西龍潭在西山之麓泉水出焉或潰或汎漚而爲  
潭舊因潭築隄灌下流田萬餘畝然漚之弗廣防之弗  
固播之弗節受之弗均歲旱近者殫者先利焉遠者弱



焉恆病焉爭訟紛起田至卒荒民至捐瘠者有矣郡惟  
旱用憂爾嘉靖乙酉冬林慮馬君以浙江右布政使知  
郡事丙戌夏旱禱雨響應既行視潭水只是足利吾民  
矣何憂乎旱迺至冬告旅鳩工畚土伐石修潭之堤增  
卑培薄完闕塞崩周里許潭下復築堤作潭堤日萬年  
高二丈廣丈有五潭曰龍寶周五百丈許上潭東南置  
二閘曰北清渠溉波頭邑曰南清渠溉秀邑至於襄城  
東北置閘曰普利通流下潭分小閘曰涓流溉至周王  
二屯下潭東置閘曰永固又下閘曰會濟第爲四大閘  
水爲四渠閘溉河頭至於迎春尾村彭楊母屯又分小

楊山先生集卷之十一

聖

閘曰波流溉至城西凡閘必時啟閉定等差潭例有祈  
報今表潭濟三峯曰秀臺建亭中峯曰禮神南峯曰齊  
明北峯曰信樂以時祀事修告戒嗜嗜之廣已防之固  
已播之節已受之均已力之盡而慮之遠已民其永利  
哉他如青龍黑龍諸潭逢密迎揖諸村准此是役也董  
工則千戶李貴百戶王漢驛丞周寅耆民楊壽延張定  
以十一月辛巳始事正月戊寅告成衆罔不肯慶僉謀  
鑄石紀事鄉父老鄉大夫士學師弟子所守禦合書以  
我官張質暨諸生寸金高金畫來徵記惟周官稻人墾  
以畜水防以止水溝以蕩水遂以均水匠人善溝水漱

之善防水淫之威旱備也溝洫廢民罔賴矣幸而文翁  
召信臣之流穿渠灌田起水門堤闕作均水約束萬世  
言水利者必稱焉君斯舉其法蓋周官遺意其功詎  
下二良史哉可書已君名卿字敬臣舉弘治乙丑進士  
爲庶吉士爲給事中爲設府爲兵備爲提學爲參政所  
歷赫有聲稱在浙則痛恤民隱方亢中官得奇醜弗辟  
左遷還士裕知也尤帥師是任簡賦後清刑獄罷追呼  
授經學演陣圖製壘漏標標言君子風水利一事尤代  
天施長地力元元衣食故法當備書庶來者知所嗣  
守俾勿壞民益永利哉

楊山先生集卷之十一

聖

忠誠祠記

嘉靖元年冬十一月分守大參巴蜀劉公某至大理覽  
郡志徵政教既進屬吏與學之師弟子鄉之父兄子弟  
告之曰昔武侯南征由越雋渡瀘入洱平永昌遂入滇  
池迹其納馬謖之言難或者之諫其經畧大猷震震陽  
煦固茲土之永懷者矧侯爲漢雋魏自隆中受顧永安  
受遣至渭南告終不以一時利鈍易不共戴天之心其  
忠貞大節塞宇宙貫日星尤後學之所當依歸者葉榆  
多修佛宮三塔爲表習之睽正舊矣而侯獨弗祠何居  
焉易以祠侯以昭令德揭遐思因爲精舍以聳後之人



不亦可乎咸嗟然曰公之惠也茲土之幸也迺命去諸  
狄像並圖闔刹若干來視曰正殿鉅而麗侯祠無踰是  
已法堂豁而達是可爲講堂已僧舍翼而整是可爲左  
右齋已它迤邐而相附者皆可爲書舍已佛閣傑而巖  
其爲覽勝樓或祠扁遵制賜曰忠誠也貳守陳君魁屬  
某記余惟仁者講功知者論祀功徵之勞也祀質之民  
也國之典也政教之所成也侯當建興之初四郡攜吳  
撫而不討閉關息民一舉不再以爲恢復之基者必茲  
土焉先南方既定然後北向中原興漢討賊斃而後已  
所以報昭烈忠後主者亦必茲土焉先勞之徵也營星

楊山志卷之十一

聖

告變百姓巷祭戎夷野祭詠甘棠而寫金像者豈獨沔  
陽之可廟耶習隆之表迄今猶有遺憾民之質也濯濯  
風烈千禩在人觀廟貌者思功肅遺像者思德的正學  
者思成學以廣才明志以致遠以追蹤古伊呂之流以  
不忝於侯是政教之成也今日之舉奚越哉亦奚可不  
謂仁且知矣抑是舉也爲不匱財日不廢時官不煩業  
節也又革焉皆可書侯必安之某因樂爲侯之役云

大姚縣新建儒學記

大姚縣隸姚安府與中屯千戶所城白鹽井提舉司同  
城占青蛉地距府頗遠國初未遑建學縣若所若司並

簡諸生寄學於府桑梓懸隔供億惟艱越百七十年士  
益奮厲人益觀感嘉靖己酉皇上御極二十有八年滇  
徼賢校相望漸增縣若所若司其鄉官鄉父兄子弟合  
言於縣願建學以廣教思新人文百爾經營弗煩于官  
弗動于民我某我毅我輸以成維時縣令王子佩白于  
府郡守趙侯澍白于巡撫都憲顧公應祥巡按御史林  
公應箕下三司詳議以疾上請署印參藩王公鈞憲副  
張公永明督學憲副胡公堯時僉聞石公邦憲會報宜  
如議兩院具疏以聞下禮部覆宜如議詔允之降印銓  
官寄學諸生悉歸于縣齋膳科貢悉如令先是官爲計

楊山志卷之十一

聖

畫諸爲助分事布工周爲綺垣爲櫺星爲泮池戟門  
爲先師殿爲廡爲神廚麗牲亭又爲儒學大門二門  
折入爲明倫堂齋舍爲敬一亭爲啟聖祠爲官廨門  
傑構烏革翬飛山川躡曜閭里瞻依矜珮游歌奇氣倍  
百今茲大姚變異往昔府丞臺檄走書幣屬記於予何  
能爲役嘗聞諸記大學之道由小成至于大成教之大  
倫有一教之所由興有四所由廢有六學有四失教以  
長善而救失也要在明德新民焉爾說命曰惟學遜志  
務時敏學此焉爾又曰敦學半念始終典于學數此焉  
爾嘗徵諸泮宮之詩自敬其德至于明其德廣其心固



其猶爲學之本自威儀孝弟之修至于師旅訟獄之習車馬弓矢之精爲學之事自烈祖之格至於多士之化遠夷之服爲學之功物我皆成體用兼備斯國家建學造士之本意化民易俗之大機教思無窮人文成化非苟爲文具已矣吾黨盍共釋思於乎吾黨盍共釋思敬述爲記

議

賑濟飢民議

邇者諸路水旱飢殍載道河北畿甸之民尤甚將有相食者有司日夜以聞命下廷臣議戶部稽羨餘工部計

楊山先生稿卷之十一

聖

度用其勸廉實度緇流胥吏等第學校輸貢斯皆鑄金計耳其何以紓目前之急而活嗷嗷待哺之民哉譬之救焚拯溺可遲緩固議在京出太倉米二十五萬石通州二十萬石榜榜通衛分官監糴禁豪右之浸越定市肆之價額弊固不能盡祛而利亦以溥矣雖赤手無錢之人不得沾禽合之利然米價既落凡有旬月粟石之資者視蕪貴之日所糴必倍莫不皆有生意人莫衆於京師京師既糴則近京諸方米價亦落河潤之利孰謂不九里哉又議外省災傷重處遣大臣會監司督守令設法賑濟其法亦不過發廩勸分減常平之值嚴閉

糴之禁而已雖遠近抄刷所及不能皆徧而里書簿籍所報不可皆憑亦利七而害三者也固不可以其害而謂其無益也嗚呼是固今日救焚拯溺之意亦云善矣愚竊以爲聖明在上天地父母之心見民疾苦匍匐救之而奚暇計其費用之多少乎譬之氓庶之家置田墾集佃客本望租課非行仁義於水旱之年放欠負給牛種誠恐客散而田荒後日之失必倍今日故也況有天下萬民而不計其後乎愚竊願京師糴米之外量發內帑之錢令使臣領之轉付有司細閱民之飢者賑之惟於給散之際措置得宜則其利亦溥蓋京師畿甸之

楊山先生稿卷之十一

聖

民兵有月糧猶可自給而無錢入市填死溝壑者獨編民耳而可不爲之憫念哉外省災傷重處許於上供數力量爲截留或十之三或五之一視災爲差以廣備糴備給散則其利又不止七而已是二者雖待豐歲還官因實與之亦可也如是而又命內外使臣監司切責長吏必體德意居其部內生活多寡定爲殿最黜陟以之務核實迹不事虛文吾知百萬衆之命可活於時日客散田荒之患非所憂矣雖然此則所謂急則治標者也若夫緩則治本者願醫國者自是其留意焉華其議



金沙江議

按志金沙江古名麗水源出吐蕃界共龍川犁牛石下名犁水訛犁為麗東經巨津寶山二州三面環麗江府東經鶴慶受漢共江諸水又東經北勝州受桑園龍潭星湖諸水又東經姚安府受青蛉大姚龍蛟諸水又東經楚雄定遠受龍川江諸水又東經武定府受元謀西溪諸水又受滇池螳螂諸水又東經東川府西入瀘瀘部受尋甸牛關谷壁嚼噶化諸水又東經烏蒙南又東經鹽井建昌會川越嶲諸衛合瀘水受懷遠宜遠越淇雙橋長河瀘湘大洞魚洞羅羅打冲東河熱池諸水又

東至馬湖府受泥淇大小汝諸水又東至敘州府受大

江此南中西北之險崇氏僭稱北濱者也按史漢武帝

遣馳義侯開越嶲郡尋道郭昌等開益州郡諸葛武侯渡瀘南征斬雍閭擒孟獲遂平四郡定滇池皆先奪此險也始通西南諸夷歷晉迄隋掘壅靡常至唐蒙氏世為邊患至首龍極矣屢寇黎雅二州一破黔中四盜西川皆由據此險也遂基南詔亡唐之禍宋太祖鑒此以玉斧畫大渡河曰此外非吾有棄此險也遂成鄭趙楊段氏三百餘年之僭元憲宗乘革囊及筏渡江進薄大理擄段智興破此險也遂平西南之夷國初梁王拒命

我太祖高皇帝命憲在討禱機廟算悉出聖裁諭穎川

侯等曰關索嶺路本非正道又在西北蓋謂此也

歷代出其背後險而捷近天兵當其吭前險而懸遠且屯且伐獨難於元始收戡定之功故班固謂皆恃其險乍臣乍驕范曄謂馮深阻峭紆徐歧道宋祁謂喪牛於易患生無備誠確論也夫雲南四大水惟金沙江合江漢朝宗於海為南國紀天設地造本為天下用七歷代乃棄諸夷酋資其桀驁雖建立城戍斬斬自守時或陷沒豈知天有宿度地有經水人有脈絡禹貢於某州未必曰浮某水達某水入某水逾某水蓋紀貢道達帝都

大理郡名議



謹按郡名以地以  
奚取焉僭也僭宜  
大宋中國帝王有  
義也段氏小醜也  
酋龍改號大禮國  
天興楊干貞號太  
號大理國矣僞國  
不可與宋以段和  
大理路是與之也  
書楚書吳書人書  
楊山先生稿卷  
國初仍宋元之舊  
之者豈一時不暇  
王乃以名郡名莫  
僭亂未有以僞號  
夷亂華無足論也  
我高皇帝混一區  
號逮我皇上中興  
兩正千古之謬皆  
者也大理郡名似  
常者也而可弗正



宗政和間段和譽遣李紫琮等入貢制以和譽爲雲南節度使封大理國王夫節度使之授是矣大理國之名可輕乎乎使當時如唐制仍爲南詔豈不名正而言順乎議不出此遂使大理淫名僞號僭稱於宋者三百二十年元因之稱大理路者九十餘年國朝因之稱大理府者百八十年矣此宋執政之失亦史官之失也夫修唐史者宋也豈不知酋龍大禮之僭乎宋修本朝實錄猶不知段氏大理之僭而封之而傳之不著其僭何邪視唐史爲南詔傳五代史爲雲南驃信爲南詔蠻得其實者何如邪視諸外國傳國名亦以地以人以物以因

楊山先生存稿卷之十一

十一

事取義無僭稱大者何如邪噫謬也甚矣惟朱子通鑑綱目特書南詔僭號又特書長和求婚於漢獨不書大春秋之筆萬世之法也長和不得稱大則大理不得稱大明明矣以應疏請於朝革去僞號更制郡名正宋朝之失滌胡元之汚俾春秋之法昭昭乎大明嘉靖之間統紀尊嚴名實罔亂不亦難乎否則爲蒼山洱水之羞寧有極乎以永昌遺事例之永昌東漢郡名也國初爲府洪武王申省府改金齒軍民指揮使司金齒在郡南千餘里夷名也嘉靖壬午撫按連章合疏革司復府仍漢舊名也夫以永昌舊名歷漢晉迄今革而可復然則

大理僭號歷宋迄今因而不革可乎况大理僭號不可不革尤急於永昌舊名不可不復者乎斯正春秋之法大復古重戾古之義明微不遠失今不識不可乎愚既爲郡名議以附於志復贅此以備觀風者采焉

辯

星野辯

按班固志天文曰觜觴參益州東井與鬼雍州志地理曰東井與鬼秦之分野也其界自弘農故關以西京兆扶風馮翊北地上郡西河安定天水隴西南有巴蜀廣漢犍爲武都西有金城武威張掖酒泉又西南有牂牁

楊山先生存稿卷之十一

十一

越嶲益州皆宜屬焉觜參魏之分野也其界自高陵以東盡河東河內南有陳留及汝南之召陵潁彊新汲西華長平潁川之舞陽鄆許雋陵河南之開封中牟武陽之酸棗郡皆魏分也是班自異矣皇甫謐帝王世紀自畢十二度至東井十五度曰實沈之次今晉魏分野自井十六度至柳八度曰鶉首之次今秦之分野是議翼於班矣故杜佑議二子甚爲乖互未知取舍何所準的然費直起畢九度蔡邕起畢六度爲實沈費直起井十二度蔡邕起井十度爲鶉首陳卓范蠡鬼谷先生張良諸葛亮譙周張衡並云觜參魏益州益州入參七度



越嵩入參二度李淳風以自畢至東井爲實沈魏之分野屬益州是又異於班矣洪容齋謂魏分晉地得河內河東數十縣於益州亦不相干豈非蔽於天而不知地乎僧一行以東井與鬼鶉首也初東井十二度餘二千一百七十二秒十五太中東井二十七度終柳六度自漢三輔及北地上郡安定西自隴坻至河右西南盡巴蜀漢中之地及西南夷犍爲越嵩益州郡極南河之表東祥牂至古秦梁幽芮豐畢駘扛有扈蠻涇州須庸蜀羌髡之國東井居兩河之陰自山河上流當地絡之西北輿鬼居兩河之陽自漢中東盡華陽與鶉火相接當

楊山先生存稿

卷之十一

三

地絡之東南鶉首之外雲漢潛流而未達故狼星在江河上流之西弧矢大鷄皆微外之備也西羌吐蕃吐谷渾及西南徼外夷皆占狼星是又詳於班矣近蘇伯衡氏猶以爲疏遠而著論有異同焉夫合梁於雍地相近也連實沈於鶉首次相近也兼參伐於井鬼宿相近也矧懸象在天其本在地星之與土以精氣相屬而不係於方隅其占測以河山爲界而不主於州國此一行之所獨究者也分野指列宿所屬之星十古書已亡列辰紀天運日纏之度舍歷家取證因度舍所在而妖祥見焉則所屬之地亦可徵矣此蘇氏伯衡之所辯者也載

考星經太白主益州亦主畢觜參北斗第二星主益州常以五亥候之十亥爲永昌熒惑主輿鬼鎮星主東井天市垣二十二國有梁巴蜀女下十二國有秦楚晉五連星西南星主熒惑魏也西北星主太白秦也春秋文耀鉤曰雍州屬魁星梁荆屬開星元命苞曰參伐流爲益州太乙家曰明堂爲益州經緯之星未嘗不相屬占驗之法未嘗專於一也姑述所聞以俟知者

### 山川辯

按點蒼山見於唐史南詔傳又見於元史地理志無異名也而傳者或以爲卽靈鷲山蓋借稱爾靈鷲山在天

楊山先生存稿

卷之十一

三

竺國卽漢身毒國都臨恆河一名伽毘黎河靈鷲山胡語着闍嶺山是青石頭似鷲鳥餘並見通典通考及范石湖吳船錄按禹貢曰華陽黑水惟梁州通典以鄜道元注水經銳意尋討亦不能知黑水所經之處輿地志以爲至焚道入江其言與禹貢不同孔鄭通儒莫知其所或是年代久遠遂至埋涸無以詳焉蔡氏作傳引地志出犍爲郡南廣縣汾關山水經出張掖笄山南至燉煌過三危山南流入於南海樊綽以西夷水南流入於南海者有四曰麗水卽古之黑水也程氏以樊綽以麗水爲黑水者恐其狹小不足爲界所稱西洱河者却



與漢志牒榆澤相貫廣處可二十里既足以界別二州其流又正趨南海緯及道元皆謂此澤以榆葉所積得名則其水之黑似榆葉積漬所成尤爲證驗王景常雲南志以蔡傳以西洱河葉榆澤爲黑水以今考之雍梁之界皆曰黑水則黑水當自雍之西北以經於梁之東南惟蘭滄江爲然源出吐蕃嵯和哥自西而南至麗州蘭州入雲龍怒人南過永昌八十里又南過楚雄臨安車里大甸七十城門入南海豈卽古之黑水歟周文安公疑辯錄曰甘肅志載甘州之西十里有黑河流入居延海肅州之西北有黑水西流荒遠莫窮所之是其源

林愈憲畫像贊

卷之十一

海雖在梁州之西南微外而於所謂至三危界別雍之西境者果何所預哉是以西洱河爲黑水者亦非也地志以黑水出南廣汾關山今南廣水出敘州之西南夷地其源流不過三百餘里至南廣洞則入岷江於所謂至三危入南海者亦無所預是以南廣爲黑水者尤非也要之出張掖者爲是愚竊謂河之難窮者源也歷代皆主張塞薛元鼎之言至都實而後定黑水之難窮者流也歷代言人人殊安知異日不有如都實者乎西洱河出罷谷山蒙茨和村北流入寧河洱河源由此

贊

林愈憲畫像贊

卷之十一

三

石齋贊

於齋維石維我少師匪名則然寔玄厥思貞像之介微彭必知敦良之止動靜以時我儀圖之誰其似之齋資者傳天降者伊金礪是用阿衡是資以今揆昔公何讓斯奚究公學孰窺厥元養益之剛鑽孔之堅浩然塞中卓爾立前誕敷厥施體備用全若玉在山若柱在川澤及庶物功成補天坤維坐奠坤軸立旋繫茲碩膚齋中出焉崧嶽可配瑄琰可鑑願公允留作周乎先

林愈憲畫像贊

矯若貞松外聳風樓温如良玉內映神明參鳩棘路則



庶獄砥平峨多栢府則六詔澄清希先民之遺德實哲  
人之儀刑尙溥厥施式闕厥聲

蔡龜崖邦伯像贊

巖巖龜崖凌映天臺采采鳳苞揮翩雲霄假節東海英  
聲四藹涉貳邵陵適駸有聲載董閣離牢益興歌載典  
榆芻甘棠益詠方駕龔黃可儀廟堂肖像丹青儼若神

明

頌

敬所頌

遠遠往哲德也天同猗歟何其作聖有功曰欽曰祇曰

楊忠肅公存稿

卷之十一

五

寅日恭惟此厥居萬應攸宗周有太保兌迪前蹤細行  
必矜大德聿崇後先格王寔自厥躬敬所一言萬古心  
胸雖我相國實似召公學宿乾惕德茂淵中迺銘于心  
迺扁於宮神鑒在睫雷震在聰匪直肅外用弘我中維  
身之基維善之叢踐歷台極日邁日隆爰發其藏妙用  
曠融乎時幹國于時亮工于時遷和燕及壤寧為燕喜  
績配彼元公大哉斯所鴻號無窮

雜著

送姜時川東歸

爾省仙郎清廟器幾年暫借臨邊寄鐵冠寒映栢臺霜

玉帳牙旗風細細折衝樽俎裏坐清六詔塵氛息想胸  
中甲兵數萬范老真堪比 况有文章兼節義曾伏青  
蒲流血涕天弧今見倍光芒南斗也應相退避政成行  
奏最準擬天曹書第一奈雲山無端入夢閉却經綸計

右調歸朝歡

雪後望蒼山

玉削芙蓉水凝菡萏寒光搖蕩晴空見銀濤萬壑深樹  
千重霓裳鶴鷺堪披去駕白龍直向雲中昔年金母也  
曾相會醉矚山紅于今獨伴寒缸把一盃濁酒當作元  
功想瑤臺仙子瀟灑誰同自從別後無消息但飛瓊夢

楊忠肅公存稿

卷之十一

五

裏相逢倚闌凝睇梅花香行又報東風

右調金菊對芙蓉

贈葛石巖新建文廟有引

伏以巽序育材禮儀釋菜大胥列於周官示敬  
垂於戴記惟廟學並立肇自唐初而祀典特隆  
莫如昭代瞻太和之邑學附廟貌於郡庠百年  
闕典一旦改觀聿增吾道之光靈式快諸生之  
瞻仰茲蓋恭遇邦伯葛公石巖先生江南俊偉  
甲第名賢蚤應秋官刑罰泉陶之五教久煩岳  
牧政班蘇綽之六條鶚鷲飛聲麟符繼佩榆城



更治六詔最稱以師帥爲任豈區區筮簪篋笥  
之間以風化存心尤諄諄詩書禮樂之訓矧茲  
廟之新圖寔此邦之盛事殿庭奕奕門廡將將  
像設有嚴儀刑其具春秋潔蘋藻之奠斯夕儼  
聖哲之依奚翊崇德報功亦欲厲賢弘化繫公  
斯舉教思無窮某等忝遊鄉校熟知子產之仁  
幸采泮芹親被魯侯之教睹告成而

闕文

才允光邦家侈美科第迥惟人物靈灼山川蒼  
洱擅六詔之雄龜鶴挺五峯之秀榆園開荒發

楊山先生集

卷之十一

李

解學南杜老史城積久先登僅見復齋余愧續  
貂豈曰得傳歷辛酉迄丁酉殆逾三紀之遙得  
茲賢媿昔賢獨冠五魁之選更期杏花苑花紅又  
報西門龍化與情倍喜中呂聊歌詞曰

花生筆五色光連奎壁四十名中標第一丹桂飄仙籍  
盡鼓紅旗風細綠酒金花如醉試看南宮還得意臚句  
傳楓陛

右調謁金門

代送蔡龜崖邦伯入覲

有引

伏以方岳朝覲之期制當三載太守吏民之本

課用六條昭代典章大明黜陟恭惟邦伯蔡龜

崖先生大人執事三台靈氣兩浙儒英藻思雕

龍祥光起鳳海邦初試佩麟湖郡旋遷展驥入

閩都轉運四列大夫階寶鉅聲宏左宜右有千

里作樸榆師帥一時應鶴拓福星教化文翁辭

華常哀蒼山書院重新白鹿洞規高揭徭賦定

均平之則里閭無愁嘆之聲因魴鱖革陽喬擾

龍蛇爲赤子臧臧否否勸懲有做官司雨雨暘

暘精禱可銷嘆沴修火政以戒警攸洩河尾而

疏陘塞禁酒醪恐靡嘉穀正冠履欲去奇彘表

楊山先生集

卷之十一

李

道樹風分塵列日撫字專尚寬和刑罰必兼明  
慎真良二千石宜書最上考朝正紫極預占有  
兆徵黃輿駕朱轡共惜無因借寇某等忝居僚  
屬宿荷幘幘遙望清風琴鶴如登碧落神仙敢  
效驪歌聊陳祖帳詞曰

新秋清暑正爽薦金風晴開玉宇五馬朝天雙旌拂曙  
腰下漢符半虎棠樹見思幾處飛鵲相留滿路盡總道  
是當年杜母而今召父此去留不住三載政成赫赫英  
聲翥獻最天曹奏功丹陛不負明時異數賜燕南宮  
優渥還賜襲衣朱絲召對後看立登臺省羽儀朝著



右調喜遷鶯

贈諸貢士會試

誰仙侶月殿雲階舉舉頭上燄光高幾許柳色袍新綠  
鵬鶚秋天刷羽雷電蛟龍得雨著意狀頭須占取他人  
休讓與

右調調金門

贈遊湖諸君子

鯨鵬翼背負青天雲氣直上扶搖九萬里六月天池息  
斥鷃蓬蒿飛起自信搶榆控地應無地風兼擊水逍遙  
溟海內

楊山先生存稿

卷之十一

李

右調調金門

楊山先生存稿

楊山先生存稿卷之十一終



楊弘山先生存稿卷之十二 雲南叢書集部之四

太和楊士雲弘山著

太和李元陽中谿選

墓銘

明故董母趙氏墓銘

嘉靖壬午士雲居先君憂屏廢筆硯一日郡學生董文澄過余泣曰吾母喪事幾期矣未有銘也願追補之敢請余曰吾猶子戚也安能文既十月先君祥事甫畢文澄捧母狀復來泣曰前請願終獲也余與文澄周旋有日矣安可辭按狀母趙氏太和市戶里人父榮有隱德

楊弘山先生存稿卷之十二

十一

鄉評歸之母楊氏母幼而端淑年甫笄歸處士良仲善樂軒翁逮事舅姑克盡婦道嘗自幸曰夫婦學於舅姑者也相樂軒訓子篤於義方恆自誦曰成子之令德者母也弘治中樂軒以適居臨陽子婦夙聘有物故者鄉人勸以此邦可姻且為子游學地母卻之曰果若所言意吾卒老於斯乎先人桑梓丘隴何忍一日忘也正德丙寅春遂偕樂軒挈家西歸命文澄補郡弟子文清從掾每勅之曰勉修爾業用底於成為家門慶辛巳七月初四日以疾卒屬續謂文澄曰兒輩好為之惟善養爾父善友爾弟吾無憾矣距其生於正統乙丑十二月二

十七日享年七十有七子四長文灝次文瀚先卒次文澄娶楊氏榆城某貴女季文清娶楊氏同鄉驛丞女也孫男一芊母居家約而能裕與人穆而有恆凡事親相夫教子之道咸有徵焉至其濟婚助喪里人德之尤極稱焉是宜銘銘曰猗嗟碩人克儀於古婦也斯婦母也斯母以淑厥身以昌厥後我銘其藏爰視來許

明故恩官王公及繼配王氏墓銘

正德壬申十一月十一日恩官王公卒葬於五臺峯茶澗之原嘉靖壬午六月十四日繼配王氏卒將以是年月日附焉其子紀狀父母行介余從弟士英來請曰昔

楊弘山先生存稿卷之十二

二

吾父未銘今銘吾母願乞並銘以圖長存教無忘狀曰公諱正字秉中祖父某母某氏世太和人公寬而有制慤而恭少業儒涉通經史父命之曰人病不學學而雖掾亦足以飾吏治行吾志矣必青紫且予耄矣遊可不遠公重違志遂起農間為郡曹歷臬司雖法律屈伏一時能刮去世俗氣習文雅集獲宛若人士上下咸重之弗吏也尋以例引年獲佩冠服歸老於家頗嗜詩時遇景命筆通養生術年既登鬢鬢如壯夫然通陰陽家言青鳥亦多奇中配李氏繼配今王氏保和鄉處士顯女性剛介寡言笑清泊自持相恩官內政嗃嗃愛諸子如



一嚴以代慈諸所與往來問遺必視其禮意而謹答之  
有弗屑必力辭去公生於正統丁巳三月二十三日享  
年七十有七王生於正統丁丑四月八日享年七十有  
八子男三長縉娶楊氏李出次卽紀由臬掾補藩通掾  
娶李氏次綱亦掾娶尹氏女一適張宗道皆王出孫男  
添爵國聘宅仁宅義宅禮宅智孫女妙菊妙香余蚤獲  
拜公嘗聞緒論因稔其賢今余弟士霖與紀姻好又因  
知王氏之賢紀請銘父母以圖長存教無忘真能子矣  
可銘也遂以銘銘曰儒而吏兮吏而隱相之良兮士之  
行鴻妻萊婦輝相輝宜齒于鄉範于壺借令德兮澤引

楊山先生存稿卷之十二

三

徵厥曹兮胡不允

明故四川按察司僉事張公墓銘

嘉靖丁亥十一月丙申四川按察司僉事張公卒於官  
明年戊子十一月庚申歸葬弘圭山新兆之域又明年  
己丑六月甲申乃碑其孤應元應熊捧狀勾子銘予宿  
受公知其忍辭公諱雲鵬字天與家太和之上洪坪祖  
諱寧舉文學闕家塾有高尙風父諱浩丞開河驛以毅  
皇帝卽位恩用公官贈左評事母李氏封太孺人公少  
穎異沈靜起鄧川諸生領弘治乙卯鄉薦登壬戌進士  
第觀兵部政奉命班錢式使山陝川雲貴乙丑授大理

寺左評事以明允稱丁卯遷寺副逆瑾竊柄公以平反  
允之謫丞寧遠縣士論壯之遷知湘陰未赴奔太孺人  
喪喪畢瑾誅壬申召爲刑部山西司主事遷員外郎郎  
中守法彌堅爭議不阿部長銜之乙亥出同知和州遷  
通判九江咸有治狀部使交薦之寧濠之變郡城陷公  
先以檄公出當路概論失守公弗辯竟得自左調知宜  
賓部使鼓公治狀移諷與革之宜亟者得公報牘歷歷  
中肯綮因數薦之乙酉遷同知南寧未赴轉今官奉璽  
書飭汝瀘諸處戎事威懷竝用風生譽長先是石城隍  
亂公偕諸道戮力蕩定巡撫鄭公上其功被勞賚焉鎮

楊山先生存稿卷之十二

四

雄詰首遂流守南鄙震驚公借諸道深入設奇購折大  
首邁疾馳至瀘處分後事衣冠坐不起年六十有一嗚  
呼公遽止是哉士節爲大才次之公前後更迭外內輒  
舉職才也屢觸權要摺斥惟甘不以禍福嬰其中節也  
才可能也節不可能也以是蓋棺可也弗究厥施者天  
乎其事太孺人色養兼至迎于京邸寧遠殊土懼威太  
孺人豫奉歸屬弟雲鵬侍慰必謹弟卒字其孤如子皆  
難能者配孺人李氏雅稱克相子男二應元李出應熊  
側室譚出俱府學生女一瓊華尙幼公貌温性剛居常  
言不出口臨事是非屹然不可奪與時齟齬弗渝也善



吟詠尤毓杜詩興至未嘗不歌歌未嘗不流涕有集曰  
啾鳴子嘗序之東洱其別號云銘曰羞彼脂韋兮我則  
爲玉與金彼所寵與兮我則畏天與人矧往復兮屈必  
信稜稜大節兮摩秋旻超百禩兮垂令聞雖化弗化兮  
懷若存刊藥石兮告無垠

明故處士董公墓銘

公諱文道於蒙氏清平官諱成爲來孫段氏清平官諱  
成昇爲曾孫元鄧川州同知諱昇寶爲孫元大理儒學  
學錄諱俊楊氏之室爲第二子於士雲先考諱瑛爲祖  
伯父廉嘗語士雲曰吾及見爾曾祖爾及見爾祖爾欲

楊氏四姐女長諱妙姐歸楊公貴次諱妙善歸楊公璘

五

識爾曾祖其視爾祖之遺像乎蓋畫史貌爾祖肖爾曾  
祖無乃有神於其間以遺後人之仰瞻耶爾曾祖温煦  
坦夷醇厚誠朴見者知其爲吉人君子雖晦於畎畝志  
行修潔無忝於清平鄧川學錄之世士雲謹識之每拜  
吾祖像如見吾曾祖也今丁亥冬伯父以公葬七十年  
矣命士雲銘墓嗚呼占厥土視厥樹占厥先視厥後維  
茲來胤至有今日是公之覆露也公生洪武戊申十一  
月卒天順戊寅四月六日壽七十有一室尹氏諱觀輝  
生二子三女子長諱斌室楊氏諱觀梅次吾祖諱鉉室  
楊氏四姐女長諱妙姐歸楊公貴次諱妙善歸楊公璘

次諱善財歸吾所後祖諱森孫長欽次亨次廉次先考  
出後母舅次府曾孫世用世濟世泰士雲士英士選士  
英士選府學生玄孫文璧文麗啟肇辰銘曰邈矣清平  
懿歟鄧川博哉學錄克承厥先貞乎處士弗耀而潛若  
玉在山若珠在淵惠我無垠永世弗諼

明故南岡居士及配楊氏墓銘

嘉靖八年五月十九日太和楊君德仁卒年五十九十  
二月二十二日葬弘圭山之原以配楊氏附配先以五  
年二月十三日卒年五十五子一中以狀屬郡學生董  
靜夫來告曰吾父諱激高祖禾曾祖榮祖瓊父恩官茂

楊氏四姐女長諱妙姐歸楊公貴次諱妙善歸楊公璘

六

春母趙氏吾母諱三姐同鄉甲族父芝母楊氏男一中  
女玉秀孫歲歲孫女中元願賜之銘子從子式君壻也  
不得辭既予抱先妣憂久弗能應靜夫茲復來速按狀  
君幼讀書涉大義從辟郡史歷三考嘗謁銓部行有服  
位遭母喪弗出從家賓川之母豬岡樂豐壤遠囂隘也  
因號南岡值夷寇起居岷東手無策朝夕洶洶君奮然  
出費爲倡環築土城塹之隱如巖邑寇弗敢窺迄今賴  
焉梁荒山澗水漾漫率弟漢輩造渠瀉流流利用引溉  
歲歉斥積餘振貸飢者填門負稟去竟不責庾人威德  
之奔告官司晏守禮以鄉賓固辭弗就子嘆曰義哉厥



配夙有相政外內斬斷事舅姑孝謹睦族施衆教一子  
一女嚴甚不嗜嗜閭里觀式予又嘆曰婦而母若是哉  
中志學侍養嘗割股以瘳父疾至閭於部使焯焯在  
人耳目能自表見其身顧不欲表見其親即是宜銘銘  
曰弗榮于章而榮于藏曰有義風維相之良有崇雙封  
百禩不亡

故掾董公墓誌銘

公諱府字孔修高祖元末鄧川同知諱昇寶曾祖諱俊  
祖諱文道父諱鉉母楊氏鄧川公垂教應博裕之道以  
大其宗肖曾祖公而下尙冲退貞素之志以世其家業

楊山先生存稿卷之十二

七

里中稱德家者歸焉惟公柔和有則勁直無諂少通書  
律長起於農間始爲捨資巡司掾繼爲浪穹刑曹其當  
官也平居無事温温如不能言一遇是非可否則持議  
鯁鯁而不可奪數犯人之顏色不避也其居家也失怙  
之後以母氏晚年喪明而所以事之者尤至飲食必視  
温清必謹候辭色以爲憂喜先志意以爲承順故公之  
在外母氏恆思念之輒爲流涕元兄某字之知子公亦  
事之如父兄嘗有疾幾殆至廢寢食禱鬼神伏地以叫  
號如是者乃數日夜至于內外子姪幼蒙其煦育長蒙  
其策勵士雲少時公每指時之大人先生曰某可師某

可師意在起激愚令猶記之不幸弘治戊午十一月二  
十七日以疾卒於市戶之第享年三十有八臨終之際  
處分後事纖悉不贖謂元兄曰以老母累兄奈何謂吾  
叔母曰汝終能厲節保養吾兒者也吾無憾矣尹矢死  
靡他又謂家君曰仲兄吾不及見吾姪之成也其勉之  
嗚呼痛哉元兄以先塋窄迫卜地於聖源寺龍湫之左  
岡明年己未十二月二十七日始克葬焉男一人曰士  
賢時方弱冠娶其舅女尹氏孫二人曰啟曰文蔚皆公  
沒後生也士賢克自樹立今年三月琢石誌公墓愚小  
子樸魯不能文字敢用平日見聞以致其直故質而俚

楊山先生存稿卷之十二

八

董廷茂墓誌銘

伯父隱壽翁配趙氏墓弘圭山祖塋之左踰三十年嘉  
熈壬辰翁卒遺命士英士選曰爾妣木已拱矣其志之  
勿後是年以喪事不逮明年乃碑翁五配先楊氏趙氏  
段氏無遺育永懷宗事卜德門繼得茲趙氏伯母諱桂  
仙同里處士本之女處士端默耆望也伯母閒靜柔惠  
內則陰教實有自焉與翁如賓閭政肅然未嘗苟言笑



事厥姑尤謹先意承志悲弗得安幾微少見必左右祈  
解乃已處婦無間言先妣恆誦之不容日弘治庚申  
十月某日卒年三十有六子士英甫十歲壽山天士選  
後入繼楊氏出也孫文階孫女玉葱二子俱郡學生有  
志行樹立有待懼墜先命以某宜銘誌姑述見聞庸相  
厥哀無令辭不足以發幽馨彙遺德也銘曰夫賓於  
妻姑安於婦鬢孤者子後子亦母儵然卉載蔚爲二秀  
寫悲斯碑永慕斯墓

碑

檢菴隱壽翁碑

嘉靖十一年六月十五日伯父檢菴隱壽翁董公卒卒

九

之前旬日公疾不廢盥櫛士雲曰往候公命曰予其歸  
予木時制矣而視諸子兆卜而先君左吉問士王曰曰  
予歸在是問曰南至曰侯是窆予卒日土王中也距生  
正統十二年十二月十四日享年八十有六嗚呼壽乎  
達生者乎公諱廉字尚清始祖蒙氏清平官諱成高祖  
元鄧川州同知諱昇寶曾祖學錄諱俊祖諱文道考諱  
鉞妣楊氏公性剛蹇有幾鑿不見芒角少喜讀書工筆  
法從郡臬事非其志藉以養爾時出繩墨質絕儕類一  
時大人重之居考憂不復出曰豈能爲五斗折腰愛日

恒至菴水可娛也及喪妣年踰不毀喪以禮於先君篤

隆同氣不以出後少異叔蚤世字其孤如子孤怙之若

非孤者居常焚香兀坐諱釋道書誦其要典問觀史低

昂古人深研易卦動必占占則響應里人有疑叩之無

不神之課二子士英業書士選業詩學學宮試厥輒敷

日農必穡蓂登耗歲也勿墮而功垂屬縷曰兄兄有父

道焉弟弟有子道焉而尚慎之子復何言嗣楊氏繼趙

氏子六女二俱殤繼段氏女昭陽繼趙氏子士英繼楊

氏子士選女適生員楊應春孫女玉葱納聘趙嘉慶以

是年十一月十六至日葬弘圭山先君兆左咸如公之

楊山先生存稿卷之十二

十

命云士雲甚駭不文重罹天罰嗣纏哀酷乃輟哭紀事  
以登于石以告于世世

張豕婦墓碑

予友鄉貢進士張愈光以書來曰含妻盧氏亡矣願丐  
碑銘且爲狀曰盧氏雲南都指揮充參將諱和女也參  
將才識雄峻連有機辯滇人一口號貴富驕盈家然知  
讀書識字內交吾人吾翁司徒公爲吏部時求兒婦於  
滇卜盧氏得咸聘之既歸來歸吾母夫人時在永昌見  
其媿媿晏晏喜曰可爲家婦矣又恐習驕盈家氣必嚴  
以端之吾翁轉南戶侍夫人往侍翁喜且教之曰汝姑



謂汝染驕盈家氣然乎唯唯愧悟然頓改舅姑乃屢  
喜曰婦非復貴富驕盈家人矣西還以家數百指難一  
居卜鄰宅俾居之命曰兒慎爾居惟興覆在爾躬念哉  
夫慎婦弗慎弗婦滋哉夫婦奉命惟謹較侍左右益敬  
含好施樂交吾妻盡市裝資之飾以助無難色賓至亟  
爲具以娛未嘗苟甚惜百物飲食不擇淡薄衣服無統  
綺自嫁過門僅再見姻婦覲謁詰亦覲甚悔幼染武  
弁家氣噬臍不可復也生女一妾生梧梓二子字之均  
一梓孩病瘡膿血穢不可堪躬摩爬搔洗之勞恆以手  
枕藉之否則咄咄不絕寧痛不敢移左右臂中寒陰雨

楊山先生存稿

卷之十二

七

輒痛遇外內族卑尊敵己秩有恩禮人咸多之含廿年  
病肺賴勤家承而不專適因含邁厲疾驚息乃亦病恐  
夫趁之強事事畧不狀枕一日劇遂卒嘉靖丙戌二月  
壬午也年甫四十有二舅姑臨之哭曰今婦非昔婦二  
子哭之痛幼者幾欲絕曰吾母字兒與梓如吾姊也妾  
婢僮僕哭亦痛曰主母約躬而豐吾旅且恆也含坎壈  
場屋遺之以肄未得一日貴念其願修而天而終賤而  
絕可哀將以是年月日塋郡北之阿夷山先祖考功公  
手穴地也願以銘碑圖不朽予稔耳盧之賢知愈光之  
狀核也遂書爲碑銘曰娟娟柔質學於舅姑克稟厥謙

宜其室家灌彼昔染肆成令撫碑阿夷者冢婦之墓

董母尹氏墓碣

叔母尹氏有完節可以風也叔父董公病革與檢菴伯  
父樸菴先君訣既呼叔母曰若能有栢舟之志乎當矢  
予叔母拔髮隱曰所不如遺命有如此髮公曰子瞑目  
矣復何言後果有奪之者叔母奮曰死者其忍負乎拔  
髮之言在也聞者愧沮竟養姑育子見公地下不食其  
言可謂完節矣嗚呼今法令所彰者非若人乎泯沒草  
間者無若人乎獨若人乎可以風釣也叔母諱桂椿考  
仁生天順壬午四月初二日卒正德乙亥五月十一日

楊山先生存稿

卷之十二

三

合葬於公子士賢孫啟肇展孫女玉簪曾孫孫衍曾孫  
女朝京士賢刻石於墓士雲曰餘可畧也謹書此爲碣  
表

官處士及配宗孺人墓表

弘治甲子月日處士官公卒年七十有五越三年爲正  
德丁卯月日墓日遊山之陽庚辰十一月八日配孺人  
宗氏卒年七十有二以明年辛巳十二月十九日附焉  
其子恩狀行以書來乞表墓石走時宅先考憂諾而未  
成也嘉靖癸未走釋禪恩踵門來速曰前請願矜畀之  
遂爲之書按狀處士諱清字尙公江右臨川人祖貴於



洪武中成瀆定籍於蒙父仲母楊氏處士剛直寡諧負志氣有謀斷奮白樹立不藉先業屏華甘泊底成厥家性至孝蚤失母奉繼母吳若生已者雖弗被愛弗怨繼出諸弟咸豐私貲處士且推父給己者讓之諸弟雖貳己而友愛益敦教諸子惟務耕讀每親禮士儒以爲觀示居恆教之曰人以信實爲本無易言第一義也汝曹勉之羣居有稱人之過者輒厲聲曰此非吾所樂聞也輕施予不計多寡凡有貸不顯責其償貧甚者燔其券少年勤事者免息助之樹藝之隙時蓄鷹犬愛其雄捷非荒禽也其行誼風致類如此鄉評雅重之宗孺人諱

楊山先生存稿卷之十二

五

妙延蒙之令族端明惠柔佐處士以道協力治業彌老不倦乎勤事舅姑備敬養一味之甘非先進不嘗甚當舅姑意處娣姒勤以和讓無後言生子皆殤不育爲處士置側媵咸善視之孺人後生二子皆成立人以爲容德所致聞古有賢母若三遷斷機者每以語子曰吾雖不敢望若人而欲汝成之心則今古同也庶子愈少入蠻方音耗罔聞屢物色求之歸給以訾勝頗弗類必求良婦爲輔諸庶女亦必擇良士而厚歸之無異已出也下至臧獲被其恩外至鄰里絕乏者多沐其惠其懿行淑範族姻皆取則焉嗚呼處士之所以厲其躬刑其家

行無間於內外者實伉儷相胥以成之也矧教子之篤長日應授家政次即恩遺業儒厚其師友之資而勗之成則昌大其家而爲親之揚顯者可矣處士孺人亦何憾於九京哉走雖不獲登堂挹德然葉榆與蒙相望咫尺耳其賢稔矣而恩之學行卓然足徵家教其稱述先行又辭核而理可據皆法之所宜書者是爲表

敬菴先生墓表

我先生董公諱璧字連城號敬菴學者稱爲敬菴先生考諱銳妣董氏本趙姓外祖諱繼先無子以先生後因姓焉幼穎敏祖甚奇愛之命稟學於先鄆令楊公廷玉

楊山先生存稿卷之十二

西

公師道尊嚴少許可獨稱先生初爲郡弟子員巡按肅軒郭公即之大異其文遂名動士林成化丙午領鄉薦一上春官弗偶弘治丙辰中乙榜以年限銓署蒙化訓導事爲祿養且期再舉在蒙模範科條動則古人士咸有造壬戌再上春官弗偶申子擢教諭蜀之富順教法如蒙士益咸有造部使者以優異聞正德癸酉擢知保寧巴縣無何巴爲州改夔之太平太平新設在萬山中流寇淵數大軍甫戡定特縣綏之時瘡痍未瘳荆榛滿目公私赤立庶事草創先生摩撫經營日不暇給旣而居者寧流者復梗者熟化百構整整聿爲完邑又以優



吳閩更知青神青神繁劇悍胥點吏爲我民蠹要官勢  
人又掣肘焉先生壹意撫字力爲繩抑民甚宜之不便  
私者莫利焉先生屢請謝事當道慰留之嘉靖甲申以  
秩滿乞歸抵家明年乙酉夏大旱躬率鄉人積精走禱  
三日大雨霑足衆比之東先生云倏遘疾以六月十二  
日告終享年六十有三嗚呼先生之德之才獨可師二  
序牧三邑已乎小試焉爾而輒有聲士雲蚤立門墻見  
其博探約取而文學富氣和貌溫而充養粹志潔行修  
而操履端念厥祖事厥考而篤於孝愛厥弟而篤於友  
仁宗族交朋友禮鄉黨睦而信讓茲豈復有如先生者  
乎出而事君又爲良師牧如此其所謂有德於民歿而  
可祭於社者乎配楊氏先卒繼劉氏亦卒子二人楊出  
長範次節節學生克承家學後先生三日卒可惜也已  
範以是年十二月庚申奉葬於弘圭山先塋其邑里  
世次如家譜刻誌於石某謹爲表以揭於先生之墓以  
慰學者之思以告于後之人

董孺人墓表

大和董孺人楊氏我敬菴先生之配處士斌之女歿且  
葬今六年矣子範以士雲爲先生門人習聞孺人懿行  
乞表墓予少聞先生祖繼先奇先生必有奇難其配徧

卜德門得孺人曰是可儷吾孫矣旣筭來嬪柔慧警敏  
孝敬睦姻稱於宗黨祖歿遭門內訟家日索莫孺人舉  
浙外窮宵旦紡織不休先生一意肆力學業無少內顧  
才名勃勃起人上旣登鄉薦入太學告省覲居祖母喪  
時亦無羸孺人紡織如初節縮裒補凡資斧賓祭喪事  
之需僅僅無闕及先生訓導蒙化教諭蜀之富順知巴  
縣更太平青神祿食幾三十年孺人勤儉不改於素敕  
子若婦不得習驕侈氣子若婦少戾輒峻責弗已故先  
生所至砥礪名節家政斬斬孺人有助焉正德庚辰正  
月十八日歿於青神邸舍享年五十有八嘉靖壬午正  
月二十二日歸葬弘圭山厚子道生早殤次節範次節  
府學生孫男文英始昌孫女張五甲申先生致事歸明  
年疫入室甚熾家衆中歿先生中歿節中歿文英始昌  
亦歿張五亦歿熒然存範一人而已衆咸謂先生孺人  
之賢不宜弱其後如此又咸謂天道不可知如此子則  
曰木雖摧其根猶存有培之之理焉以是徵先生孺人  
之賢尚幸有後又以是徵天道未必不有知也是宜表  
諸墓以俟

明故掾史董公墓表

大和有鉅姓曰董氏世居弘圭鄉之市戶里始祖諱威



者蒙氏時為布燮入朝於唐賜賞而還傳至諱晟諱慶者段氏時相繼為布燮按唐書南詔傳布燮謂之清平官所以決國事輕重猶唐言宰相也慶生諱吳元末為鶴慶路知事旻生諱惠國初以武功為太和所總旗惠生諱光諱長其為今掾史公之大父父也杜氏趙氏為大母母也掾史公諱勉字安道少通書史長精於律應辟為掾為人氣溫貌和志行敦慤歷諸司幾三十年以文墨稱無纖毫過失上下咸重之晚有高致拂衣歸田里與親舊朋好優游桑梓間得幽人之貞焉鄉評尤重之子先君雅與公厚恆曰吾與安道壯同遊於外老比

楊山先生集 卷之十二

七

居為鄰其溫煦如閨中人吾所愛敬昔人有如飲醇酒不覺自醉者其安道之儔乎予嘗識之且獲奉公之杖屨迄今慕之猶可想見吉人長者氣象屈指耆舊中公可多得哉子仁克家亦以儒吏顯仕至表溪巡檢為一時當路諸公倚任茲請老杜門養高有公之風重念族類繁頽譜系失傳乃遍錄墓之碑表銘誌家之狀集自始而終逮今凡若干世為董氏族譜且質於予予嘉其兼得歐蘇譜法竊嘆古有閭乘近代士族往往以譜為議三世不修君子比其罪於不孝况吾鄉有譜尤為落落有之自今日始也巡檢君亦可謂孝矣掾史公之

德不於是益有徵哉公配楊氏慈淑柔靜克修陰教子男四人家子即仁次義次禮次智家婦楊氏次趙氏次陳氏次楊氏家孫大原次太策次某某次某某孫某某次某某公生於永樂甲寅九月四日正德壬申五月二十一日卒壽七十有九配生於永樂丙辰七月八日正德辛未正月二十一日卒壽七十有七合葬於弘圭山麓之新塋云是為表

處士尹公墓表

明有篤行君子曰尹公者弗耀于世而用康于家公諱龐字宗統曾祖諱般若海祖諱山考諱仁曾祖妣楊氏祖妣張氏妣尹氏吾鄉德家也於吾宗世為婚媾吾再從姑歸公之兄吾叔母為公女弟吾弟室公兄之女吾姊歸公仲子因稔知公之行焉公孝友性成事厥考妣者吾不及見見其事繼母尹如母母安之如已出也事元兄廉如父兄宜之垂白而繼戀也哀弟貢恤其孤萬鈞恩驚勤閔如已孤也視弟漢不異同出憂其疾痛如已痛也且積而能施與物无競因知公為篤行君子又聞其家之事親不如公者愧焉事兄不如公者愧焉愛弟不如公者愧焉恤孤不如公者愧焉則子子父父兄兄弟弟已因知公雖弗耀于世而用康于家嗚呼世

楊山先生集 卷之十二

六



之圯倫理薄骨肉甘禽獸之弗若者何限使人人如公之行則天下之家無不康矣吾重有感於公也公配楊氏同鄉處士守中女繼楊氏男二人萬機萬壑稱克家爲子丈夫先配出孫男二人鶴補郡庠學生有潯場屋大厥門楣鸚幼而英爽識者占公之餘慶云孫女金鳳金麟定姐蘭姐是爲表云

故進士楊公行狀

公姓楊氏諱宗堯字從道號復齋別號中行子太和白坪邑人父諱明母楊氏公幼穎敏絕人佔舉一呻輒能記父嘗感異夢曰吾兒他日當發解性至孝年十六母

楊山先生存稿

卷之十二

三

疾則服肉雜湯藥進弗愈自以固克積忱衷臆倉卒無以動天聽皆泣被面哀毀狀人不忍觀後父疾復別服肉雜湯藥進遂愈一念之切通於神明然終身不以語人年十九補郡弟子員見同業舉子者曰學止是耶當必不爾遂勵志聖賢之學博探約取覃思力踐以古之豪傑自期待識者已異其不凡矣聞許公坦易學名世來守郡見公文大器之召置門下日與論授時遠近學許者四至公爲領袖每講退爲輩行遍誦許說無一字遺牛竭方傾以得大益及爲學者授教因人而語且長於譬喻聞者解頤稱爲講師三昧弘治戊

年二十有四舉雲貴鄉試第一人己未上禮部弗利歸省居繼母喪如喪母乙丑卒業大學正德戊辰復歸省養父彌謹先意承志唯恐少拂父每說之曰吾脫不諱汝勿過感感必傷汝明慎志之勿忘吾言忘亦匪孝也壬申居父喪亦如喪母雖奉前命弗能制自祖父以齋客居勒坪欲扶柩選墓舊址葬焉就圯拮据構室手哲血指旣成據禮歸殯中堂至喪事幾不能視自是闔門讀書其學益閎以粹庚辰年四十有六始登禮部觀四川司政公自以晚遇上疏言勤聖學慎用人二事歷引經史要言爲證欲請書二屏列置左右以便觀覽

楊山先生存稿

卷之十二

三

優詔答之尋欲言天下諸可興革草創而公已抱疾遺弟宗禹書曰今日寸進皆先人餘慶有司綽楔之給宜爲置祭田以供蒸嘗示來胤毋侈觀毋浮費吾宿志也汝速成之適予以樸巷先君之憂至京復使事見公貌雖癯而言動如常作文論事日猶不給未幾余南奔公以疾乞歸下所司覆之吏欲賂公曰某豈忍欺者耶毛三江宗伯知公疾曰是子雅有聲稱可填築修疏名上請命下而公已不起是年十一月十七日也距生於成化乙未年四十有七嗚呼痛哉公娶同邑李氏側室某氏子男若而人長庭熙次庭義次庭嗣俱卒出次庭改



側出女二人長李出次側出公處圍門語諸子諄諄以古嘉言法行不舍友弟儻弟謹師之穆族黨急賑貧之牛居渾然醞藉至與人論議義理所在正色昌言侃侃不可奪樂引後進入親之寢至為文力追古作沈實雄雅得者實之克其志直欲以事業勳名掩蓋一世而詎謂竟止是哉其卒勿問識與不識莫不悼惜曰天胡豐之以質而簡之以壽耶公長予二年予事之幾三十年于茲而公之規我望我甚至於抵家之日萬里尺素手墨未乾而執意遽至此哉宗禹聞訃慟哭向予借公心友楊朝獻杜汝學二君子以狀為請嗚呼吾與公交

楊朝獻杜汝學

卷之十二

三

之雅諳同骨肉雖不吾請吾猶將號之以慰公九京之下况重之以請乎每一擲管不覺泫然作而復止屢矣今發引有日義不容已遂次第公行以授宗禹俾請銘于當代立言者備采釋焉謹狀

文

祭黔國王岡公文

於戲惟靈元勳懿貞夙負英稱孝廟特恩遙錫爵命忠貞繼珮聿弘昭靖之風仁厚承基克踐武僖之烈以詩書濟韜畧以禮樂飾甲兵廉以為威霜明日儼靜以為德嶽峙淵渟不闕皇靈坐幹弗庭之威曲推誠赤爽

來極之氓蕩氛祲於普安鄰疆用謫罰崇飲於瀕宇民食攸充上紓九重西顧之憂下造萬里南陲之福一人倚重屹爾長城百辟儀刑允言國柱勞勤茂著廿載越茲益簡注於帝心肆晉階於官傳丹青可筆鐘鼎宜鐫天胡不然歲時在辰儻星精之寶茲咳旌旗之變色中外盡傷矣翅墮峴山之淚鳥魚疑畏終焉賴諸葛之靈某夙叨禮遇倍切哀憫敬陳辭於薄奠冀憑軒而降靈

祭復齋先生文

嗚呼歲昔甲寅子實無以獲識兄賢遂同几研資栝磧者凡五六年我病兄箴我過兄督如蓬之倚麻泥之

楊朝獻杜汝學

卷之十二

三

甄戊午之捷兄既先騫辛酉之幸偶若兄言尋溫會於朝音喜鄙吝之載綱迫甲子之北上亦繼並而鏖聯虎觀宵鐘鴻都晝漏倏四閱乎寒暄謂學必先諸經次諸史而後及諸子百家之編兄友我詩我師兄易書則質於體元加以子魯之相信賴朝攻而夕辯欲奔流而窮源戊辰辛未同關三陟坎壈五返而策勵之彌堅甲戌之行兄既宅憂我獨往還丙子之約兄出門而猶豫我先發而留連南寧之書露益之次恫目著乎祖鞭丁丑之幸兄之望我甚至愧不能副兄之萬一焉庚辰之歲奮蛇龍於久滯之餘貫鳴鶴於持綱之末固兄餘事而



英豪入彀大厭物望倍增重於吾滇及子有湖貴之  
陟帖之變復相見於京邸兄雖抱疾而拳拳於天下  
家者首疏聖學用人之篇連屏之繪丹履之箴期異世  
而同傳且謂尚有言而未敢盡恐來齊國佐之德子既  
南奔尺書之枉手筆燦然詎意在告之章再上纂修之  
命甫下而兄不少延耶嗚呼痛哉兄之孝友絕人文學  
發聞自足以不朽矣惟不可測之識不可局之才不可  
窮之辯曾不得一試而至此夫豈非天邪嗚呼渠黃白  
犧一曰千里雖未嘗越國過都迴造西極固亦以屈孫  
陽之顧而空十三之天閑弟子少兄二年從兄幾三

楊山先生集卷之十二

三

年道義之交兒女之託期之無涯而中道棄捐又安能  
已於泣涕之漣漣邪

祭敬菴先生文

敬菴先生董公之極曰嗚呼先生直經師實爲人師  
在昔居鄉鄉人有師愚者庸之蒙者啟之放者約之而  
不及者引之如明復之在泰山爲魯人師既而兼與教  
兩庠蒙之士有師淫川之士有師勤者獎之惰者警之  
才且賢者薦之而不能者勵之因人成之如安定之在  
蘇湖爲東南師旣而師師三邑巴之民有師太平之民  
有師青神之民有師胸之濡之撫之循之梳之爬之良

而約者植之頑而梗者化之如卓茂在密民皆思之旣  
而解組歸來鄉人喜復有師胡爲天不憐遺鄉人悲不  
復有師嗚呼山之頽木之壞豈獨某安仰安放而但以  
哭吾師

祭楊孺人文

天與懿淑克相我師起家登第作教作牧縉紳推賢宗  
黨是式某夙游門下恩均生我敬將薄奠庶寫哀誠

祭吳安人文

嗚呼安人天子賢淑作配德門教修於陰道體於坤六  
行昭懿四德揚芬卿佐蚤歲發身賢科斷機之力內助

楊山先生集卷之十二

三

居多筮仕淮南政聲有赫擢登太僕封貶斯獲蟻珠將  
將夏翟所祈服茲榮錫維德之宜卿佐獲憂歸滇之陽  
左右喪紀大事聿襄卿佐卽吉家政方殷獨留綜理迄  
用底成肆迺將家言赴京邸中道逢屯化於湘水嗚呼  
劍化兮何歸鸞飛兮不返梧桐兮半摧朱弦兮絕響惟  
形管兮流徽俾君子兮傷往某等幸同卿佐忝切鄉誼  
遙奠一觴辭以申意

祭外舅楊公文

嗚呼公乎已乎生平烈烈者今之昧昧乎尤可慨者公  
有羣弟旣先凋謝公有單姪亦皆短折公晚有子方稚



且劣所恃嗣前延後亢然爲一家之主惟公而已譬如  
大冬嚴霜松栢挺然其獨秀者非以其高標勁節也耶  
尚冀期頤奚翅耄耋三稚天天藉茲陰翳詎意青壁倏  
傾丹崖遽折鬱鬱葱蔥者龍顛而虎蹶耶天命之厄門  
祚之替也耶某夙自髫髻辱公鑒閱竇我以館甥期我  
以時傑眷愛篤隆報將徒闕念通家之骨肉想如在之  
風厲安能已於悲塞哽咽耶

祭檢菴伯父文

嗚呼公之潛德幽人之貞公之介福大耋所登公之達  
觀不諱其生公之羸澤尙幾後人嗚呼公存也順公沒  
也寧邦之耆宿家之典刑某等方失恃怙麗於鮮民復  
失世父荼毒曷勝靈其如在鑒此哀忱

祭春汀先生文

嗚呼春汀碩學卓行逸氣壯心晚魁鄉薦夙負英稱春  
官初上乙榜遂登涪陵典教安定法程棧摘既收梁柱  
亦成再戰南宮宿報未信九載獻績揚于帝庭乃在  
兆乃典祥刑大小之獄咸得其情五疵則審置必清  
帝錫嘉命赫赫賢聲乃握左符乃領專城庖丁游刃  
將運斤何奸弗別何利弗與我自白壁孰爲青繩抗章  
引謝鳳舉鴻冥蒼洱有待松菊有盟中道青驪歎主蓉

城林鶴夜怨山猿驚丹穴之離皇國之禎我聞其哀  
我悲曷勝嗚呼春汀我弟君兄同心之契如蘭之馨感  
念今昔頓隔幽明素車匍匐一寫哀忱

祭蘭谷先生文

星有少微幽貞兆也星有孤南壽考兆也星有丈人子  
孫兆也先生爲國高士爲鄉耆舊爲家嚴君足以當之  
今皆不可得而見矣嗚呼悲哉

祭立齋楊公文

維齋之揭維家也興維壽之登維恩之承維子之合維  
士之名家之興兮志孔勤兮恩之承兮仁則榮兮士之  
名兮大厥闕兮嗚呼靈兮維其寧兮

祭東洱先生文

嗚呼孔未見剛剛者不愆軻稱丈夫不淫不屈卓哉東  
洱庶其無愆奇氣偉節高軌遐躅昔評大理法吏環拱  
南山可移判不可動抗彼奸權責育失勇寧遠之行英  
聲益聳召爲刑部直道彌章寒嚴真秋宇明霜七人  
潛發遂成中傷和州之行尋判九江宗藩告變蒙禍孔  
多我自白弗涅我堅弗磨不辯自辯永言嘯歌宜賓之調  
命也則那南寧甫遷璽書自天飭戎西蜀廉訪是僉石  
城旣平芒賊未殲虎穴之入蟻封之旋膚功瀕奉湫爾



不延嗚呼東河朕施靡究胡俾之然其自知游亦莫知  
加將彼蒼蒼尸於其間爰寫予悲一酌匱前嗚呼哀哉  
尚饗

祭蕉圃逸人文

嗚呼君之圃兮藩蕉君在圃兮孔逸一逸兮無期君疾  
兮胡革豈天之息君兮靡遲嗟予之非君兮徒盡惟薄  
奠兮載陳靈不昧兮如卽

禱雨文

嗚呼民之所賴者食食之所賴者稼稼之所賴者雨雨  
之所賴者神也今夏既至矣彌旬越月猶不雨也不雨

楊伯生存神錄卷之十一

毛

其何以稼又將何以食而生也是民之憂亦神之憂也  
惟神爲里之社鄉之祠齊民所依國典所秩水旱災荒  
之所仰庇是宜民之亟請而不以爲瀆也蓋闔闔陰陽  
號召風雲神之爲也而轉災爲福神之能也是宜神之  
急從不虛民之請也苟或以民之多罪神之降災然殃  
者宜殃雨者宜雨神之賞罰必不相悖也嗚呼嗚呼衆  
蠢倪相持夙夜相望亦神之所恤也且省愆悔過洗心  
滌念抑神之所許也神其聽之大賜甘液沛灑淋漓以  
慰民之願也民亦何敢不德也敢不報也謹白

祭張處士楊孺人文

嗚呼公壽九十年孺人壽九十三年咸躋大耋者可多  
得耶公歿後一年孺人歿先一年相與偕老者可多得  
耶季子登鄉薦七年遊大學三年萬里南還獲奔孺人  
之喪獲終公之養克稱有子者可多得耶點蒼之麓公  
兆在孺人兆在甘泉同歸者可多得耶雖未食祿養受  
封貴翼曰天光不臨賈于九原者豈非必得者耶嗚呼  
可無憾矣

祭周雲岑文

嗚呼雲岑已乎與予爲道義契分者已乎自盍簪於湖  
音精舍者三年既而同事於太學於南宮者十有四年

楊伯生存神錄卷之十一

毛

予叨館苑君遊留都事白巖相跛望者三年予既宅憂  
君令南樂守濮陽移潞陽貳長沙相聞問者十年予既  
山棲君亦解組同林下者五年倏爾三紀而道義契分  
如一日也嗚呼雲岑君之孝友在家庭信義在鄉閭政  
蹟在四方褒異在恩命愛莫助之而道義契分謬亦及  
予也予以抱疴君病且革尺牘之間已矣不得一執手  
焉君訃尋至寢門之痛已矣不得一哭殯焉靈車載駕  
南望玉局之峯飲泣已矣不得一視窆焉愧於道義契  
分終有負也雖然有東塘雪峯天臺石泉諸君子在皆  
道義契分之素後事足賴焉者也嗚呼雲岑其有慰乎



亦諒予乎

祭周太孺人文

嗚呼惟母之懿成子之賢惟子之賢徵母之懿雲也無似獲友賢子稔母之懿而未獲拜母既而作記壽母而未獲拜母既而幸締昏媾而未獲拜母既而春始獲登堂拜母喜母之壽考康寧允為內外之母師也甲辰春嗣獲登堂拜母益喜母之壽考康寧內外示有所瞻依也無何遂哭母矣嗚呼未獲拜母而獲拜母而遂哭母哀哉

祭潘巷尹公文

惟公孝友天畀溫恭自持迪嗣有穀刑家有儀幹蠱有譽居積有施幽人之古潛德之耆老而彌智大耋不嗟與古為徒樂且無期達生觀化後命豫遺朝方執手夕焉永違不可復作使我心悲

祭亡弟叔亨墓文

嗚呼叔亨別未一暮遽爾不淑訃聞萬里割我心曲得告氏家哭弟之主卧疴杜門未哭于墓宿草屢陳于哀則新言念父母生我五人如華如萼如篋如墳期共白首和樂且耽詎意中道鴈行遂分兄六十六弟五十五胡乃先進棄子于後天豈不均子實不德既喪吾弟又

喪吾子降罰于予至於斯烈矧子衰病我家匪蕉僂焉終日憂心孔疚乃兄有懷惟弟知之惟弟知之不能書辭嗚呼形聲不接于今四年骨肉相見惟在九原含泣以奠用寫哀悃

代仲弟祭李鳳山文

惟靈葉榆著族寧山倚居渾金璞玉若虛若愚孝友天性任卹曷遺內外咸歸同然一辭微未小子曾不棄余締為昏媾廿載將餘有懷必吐有疑必咨聲應氣求伯仲墳麓一旦嬰疾百里相呼把臂永訣後事是圖嗚呼鳳山有子有孫公既喜之孫也短折公則不知詎意

楊弘先生存稿卷之二

嗣侯復繼之獨遺弱子子其孤幸賴宗人左攜右扶丹旒歸葬薄奠于時靈其如在庶或饗之

祭周龍津文

嗚呼先生遽至是耶先生純孝天至以不得侍尊甫翁之養為終身之痛以得侍太孺人之養盡終身之歡太孺人壽益高體益康天其慰先生乎愛而無窮奄棄善養天遂感先生乎煢煢殯宮體鬻徒跣如禮寢苦枕塊如禮朝夕奠薦哭如禮蓋非不毀者所能也先生能之斯其疾之嬰乎及期襄事虞卒哭附若初哀焉蓋非有疾者所能也先生能之斯其疾之革乎嗚呼殯十月而



廬葬三月而卒天其完先生之孝乎余辱交游且託男  
女安能已於涕邪嗚呼先生遽至是耶

代子準祭姻親益菴戴公文


惟靈渾金璞玉肥遯山谷棣萼交輝月旦攸歸詩書啟  
後競爽並秀蓋耄耋未躋遽謁三醫惟古愚翁暨兩依翁  
姻好夙通茲琢菴翁暨準家翁姻好嗣通公倩字峯準  
也弟兄準之猶子孫公孫子葛蘿松栢自今伊始人被  
公愛公不少得爰將薄奠音容如見



林  
澤  
集

湖北先心遺書 集部






西湯虛氏慎始

基高脩酒香樓

歲朋刊本景印





王夢澤集序

王夢澤集若干卷舊刻於夢澤之家  
 今雲澤官淮復刻之郡齋而請余以  
 序曰願有以永吾兄者嗟乎吾烏足  
 為夢澤言哉夢澤弱冠振場屋聯登  
 甲科程試之文膾炙海內逮入禁苑  
 才名益馳天下操觚之士識與不識  
 莫不服其為難及也命與仇謀機將  
 禍會共妬朋忌群言沸天內不見容  
 外不能亮擠排挫折乎丘壑君平  
 棄世兩世亦棄君平矣然則夢澤何  
 嘗異哉世人褊心見其跡不察其情  
 拘於小不求其大允夢澤孝友直諒  
 慷慨雋爽憤俗匡時之素輕財好士

夢澤集序

程

之風通明幹世之資邁往凌雲之氣  
 知者幾人其莫之敢訾而不能泯滅  
 者文焉止矣悲夫悲夫

國家熙洽之運之所篤生山川英靈幡  
 鬱之所秀發上天鄭重產才之意乃  
 獨文一王夢澤邪且是文焉者既以  
 礙其修途又以掩其鴻美豈夢澤之  
 幸哉烏乎使夢澤在翰林不即出出  
 矣得壽考其天年必將網緼涵畜以  
 暢鍾鏞黼黻之盛否則精究玄詣述  
 一家傳世之言今之此編存者僅僅  
 耳又皆斐然應世衝口而出信筆而  
 書在夢澤亦自不以為滿焉者也故  
 觀夫夢澤者於文猶有未盡而况其

夢澤集序

二

程



人乎然徐而讀之則有見於其趣遠  
其味深其音正而不淪其節調而不  
迫其感唐之剋冕備魏晉之風容妙  
左氏之典刑得騷人之情旨長篇短  
什足垂規範下至書題述臆亦極心  
手宛然之妙蓋獨超乎神魄而別具  
乎肝脾物外之至珍而塵中之嘉瑞  
不煩繩削而自有得於天者後人誦  
說亦可想其平生矣夢澤之鉅者昭  
為列星激為雄風往矣不與之俱往  
者將不在是邪况雲澤令望嘉猷章  
於始仕已偉然廊廟之寶酬其兄未  
了之心補其未盡之譽而饗其未全  
之福自有以永夫夢澤者豈直校輯

其未定之文已裁余於夢澤為後進  
於鄉而雲澤則同寅也感通家之誼  
且重違其請遂不讓而書之

嘉靖壬戌歲孟冬朔

賜進士第中順大夫知淮安府事前禮  
科左給事中應城義河李幼滋序

夢澤集序終



黃岡王廷陳撰

詩

將進酒

丁福運際昌期歌太平聖無為坐明堂奏咸池酌醴  
 泉餐靈芝壽萬年天與齊一解縣諫鼓燔刑書微能錄  
 小過除吏廉明民安居三年耕必有一年之餘絕爭  
 訟無嗟吁二解新不聞舊愚不如賢人不習佞朝不信  
 讒蕃害不作和氣充然壯士服疇隴却走馬以糞其  
 田不聞父哭子道逢多華顛皇心太悅日彈五絃三解

夢澤集卷之一

閻闔行

閻闔開賢人庸鳴鼓間擊鏞貢術蓄指微哉同汲清  
 亦附滓鮮株稿菱紛以供背叛腹媪逐翁如草之矢  
 十斛子俄逐而西頃却以東退乖安侶進喪貞朋捷  
 徑窘踈武仁軌罕哉通孰為雌孰為雄朝譽曰克夕  
 詆則躡臬妃鸞蕭艾生蘭叢蒙首以征吾將奚從

煌煌京洛行

辭我故里來遊帝鄉誰云周道險踰羊腸一解車馬如  
 雲意氣揚揚昔為奴虜今狎侯王二解伯兄乘軒仲父  
 鳴璫唱騶馳道徵歌教坊三解千金買劍百寶為裝風

雷一擊日星迴光四解朝探俠窟暮宿名倡酣呼六簿  
 縱賭千場五解傾財結客隱罪匿亡名齊郭解人比孟

嘗六解

對酒歌

人性稟靜躁物則準方圓錐刀各有能情好各有妍  
 陰霽難並祈恩怨難兩全於此雖不容於彼獲所安  
 人無億萬身何能徧周旋兼濟聖不贍榮枯有自然  
 富而如可求足父願執鞭

其二

惠施已不作莊生寡所宣伯牙失鍾期抱琴誰為彈

夢澤集卷之一

知人誠不易知己良獨難周公輔王室管蔡乃流言

骨肉且不諒他人固宜然

其三

伊呂稱大賢會合亦有因湯文苟不逢耕釣終其身  
 人生一世間如風激纖塵下者投濁潦高者入青雲  
 風力中不競飄轉終沉淪得失難預謀謀之徒苦辛  
 聖哲皆偶然餘子何足陳

燕歌行二首

來日苦短去日長人生幾何鬢已霜佳辰置酒開我  
 堂賓友雜選進樂方繁絲哀竹流清商薄暮移尊向



曲房挾瑟進者邛郫倡約袖結腕清歌揚色與心知  
授明璫微風蕩裾聞異香脫簪免髻玄澤光起視池  
中雙鴛鴦雙星皎皎在我傍欲往從之河無梁

其二

出門何易見苦難川原鬱紆路千盤河中鯉魚去不  
還耿耿思君不能言攬衣中夜坐長歎含情怨獨凋  
朱顏明月穿帷照孤眠君昔贈我青琅玕我欲碎之  
寄君看欲碎且止聊自寬馳光流景催歲年容色不  
待君可憐恨無羽翼起雲間

白紵辭五首

夢澤集卷之二

三

高堂邃宇施翠帷蘭膏明燭散朱輝二八接武步舒  
遲被服姣麗光陸離彈箏鳴瑟商羽移喜溢歡恣不  
自持轉盼含嬉屬所私余觴勸君君自知主人既醉  
客不辭燭滅纓絕珠履遺

其二

朝露未晞夜霜零衆芳凋歇鷓鴣鳴逝者如斯不復  
停人生百年命忽傾爲君秉燭縱遊行三星在戶參  
差明騰觚飛爵何縱橫垂羅映毅耀珠纓衆中不言  
懷隱情色授神馳流目成士女雜坐交和歌河轉參  
橫柰夜何

其三

投君漢濱之三賦獻君洛浦之明璫感君提壺祝壽  
昌舜日堯年樂未央爲君楚舞紉袖揚乍開乍合低  
復昂矯若白鶴雲中翔雕楹綺閣迴素光竽瑟會節  
間笙簧樂極悲來起傍徨共指皎日輸肝腸烏白馬  
角誓不忘

其四

吳歎蔡謳調不同衆伶合作如一宮流鄭激楚迴迴  
風娉姿備態紛追從人聲絲竹各競工燕趙齊秦射  
代供曜靈西藏曲未終繁燈列炬巨筵紅皎如初日

夢澤集卷之二

四

輝簾櫺

其五

娛酒沉歌費白日絕代佳人何可失若戀似矜態非  
一持觴遞進嬌相迫左推右引俠氣溢簪珥墮落寧  
復索文牋朱綴開洞房錦衾瑤席施象床五色雜組  
繫流黃複帳中薰香和香層軒曲檻俯回塘鴛鴦鷺  
鷗羅成行生丁感世福運昌四時爲樂允無疆

擬矯志篇

龍虬雖因不資鱗鯁鷲鷲雖孤不匹鴛鴦雖有香草  
當戶必除雖有仁人在敵必誅孤白雖美炎暑必置



舟車之用易地則棄蕙蘭不采無異蓬蒿干將不試  
世比鉛刀以驥捕鼠曾不如狸餓夫獲璧不如得糜  
郭生純臣魯連高士彼乃登臺此則蹈海寧直見伐  
無爲曲全寧渴而死不啜盜泉

放歌行

竊鈎者誅竊國者王仁義資亂道豈不滅一代秦者  
呂襲楚者黃魏魏國君大盜在傍二謂尺何短謂寸  
則長此不可度彼胡可量三獸殪豈裂鳥盡弓藏智  
勇既殫軀乃見殃四說巧爲忠直夫稱狂出門異趨  
毀譽曷常五樂不可極憂來無方游心冲虛以保壽

樂府集卷之一

五

卷之二

康解六

雜詠五首

茸茸者離而子踐之彼垣之蔓晨興灌之

其二

兔在麓蹠則逐居則肉

其三

虎嶂嶂欲食人子能棘我能榛虎自災子孤來我  
來

其四

烏母謂烏子弋人在傍汝勿啼弋人得知將汝歸我

但高飛起安能救汝爲

其五

翁曰留賓媪曰無尊翁曰織絲媪曰無機

知足吟

高門耀金碧不如守蓬廬華轂錯丹朱不如乘蹇驢  
文繡衣太牢雲門享爰居溢恩伏殺機隆禮與禍俱  
禽獸憚爲犧人知乃不如

來日大難一作

來日大難天命奈何今日爲樂焉知其他一遊魚在  
淵其適孔多漁子餌之奄失蒼波二猛虎啣人咆哮

樂府集卷之一

六

山阿人懷禍心同室嘯歌三山險可越玉玷可磨機

事一失尺瀆成河四祖龍疾走逐者荆軻赫赫武皇

亦有何羅五嗟嗟不戒愛子操戈釋此弗殲天也則

那六

擬古龍升天須浮雲

龍升天須浮雲今之仕者別有因察不待孝廉科不  
必賢良一旦舉之牛下加之稠人族類鈎連蒙溢恩  
乳臭之子被冠簪嗟彼未遇時里中豪士奴役之中  
人之家恥婚媾飲宴列之爲下賓并日一舉火往往  
釜生塵今者銜命歸縣令負弩爲先驅郡守俠道左



徒御何遠巡少長咸聚觀稍近遭呵真腰繫雙白璧  
囊貯萬黃金散金拓第宅朝得西舍暮東隣少年強  
攀附有踰骨肉親白首牆東生下帷良已勤短衣不  
掩脛出汲行負薪我聞憤憤何能平將欲叩帝而說  
陳天門九重河無津

艷歌行

青樓臨廣陌楊柳當廳垂飛來雙白鴿一步一徘徊  
解一今日樂相樂置酒臨前池下有菡萏花上有松栢  
枝二與君初結婚不意當乖違謔言使親疎兩心當  
自知三君為東流水出門不顧歸妾為北辰星終身

無轉移四君當萬里行妾當中閨生歸重合歡死  
與黃泉期五

行路難五首

北風蕭蕭雨雪滂辭我親友之朔方中閨少婦走傍  
徨勸君斗酒牽衣裳道路縱橫多虎狼歲暮天寒百  
草黃結髮本期不下堂君獨何為慕他鄉東流之水  
不西歸宛轉蛾眉能幾時人生富貴亦有命辛苦馳  
奔空爾為縱令鼎食有別離賤妾但願共舖糜

其二

磁石引鐵金不連餌可得魚龍不吞蠟戟雖妍不可

刺明珠雖貴不可殮水中之車何殊陸地之船玉卮  
無當不以注白刃倒持安用銛手中雖有丈八矛試  
之井底難迴旋雖有輕輿駕良駒途窮日暮安能前  
丈夫雖有磊落才生不逢時終蒿萊

其三

面不同兮心亦殊執一求之君何愚星有好風或好  
雨世人豈得均所圖孔贄韶兮墨非樂遵叱馭兮陽  
回車林中亦有嗜腐鳥海上猶聞逐臭夫此欲前兮  
彼則却彼所吐兮此復餽俛席接襟議靡愜異域殊  
疆志或投達人曠視任自然小儒曲士競區區

其四

忠信不獲顯衆人害其上世事風波紛蕩深變化無  
方可可扶公旦金滕功罔刊伏波銅柱師何壯周王  
漢帝豈不明謔言入耳心不諒骨肉天親尚有疑他  
人豈得無遷放生命飄蓬隨所向繁華誰保不凋喪  
何為坐歎行復嗟鬱陶終日憂譏諂

其五

四坐且莫喧聽我促節歌路難我今四十迫衰殘威  
年一去何當還昔并為遭絳灌怒今來豈受金張憐  
泰山可移志不徙寒燼從知無再然但願長隨擊壤



民優游鼓腹歌克年

少年行六首

幽并聞騎射間里藉輝光朝遊從許史夜宴挾姬姜  
鳴鞭當大道調瑟坐中堂傍人爭借問云是羽林郎

其二

聲蓋少年場名冠壯夫籍行人總憚塵坐賓皆避席  
彈劍恥依人探丸恒借客一朝負罪逋不受追兵迫

其三

長安本俠窟烈士多英風殺人帝輦側射獸上林中  
金羈及狡兔珠彈落高鴻歸就博徒飲酣歌意難窮

華澤集卷之一

九

卷

其四

悲歌白日變烈叱秋雲高仇家諒不釋怨吏幸無遭  
全生脫虎口獲死等鴻毛豈效儒冠子終歲濡柔毫

其五

一筵揮萬金徵歌仍調舞白面洛陽童素腕邯鄲女  
希意色斯升含情目相與恣歡餘萬端惟憂竭清醕

其六

應募去幽燕長驅出酒泉樓煩既已破休屠亦復殘  
恥隸驃騎部豈屑輕車官歸來見天子長纓牽左賢

出自幽北門行

胡匪茹寇朔方信妖師造不祥倏豕突忽鴟張逾回

中至涇陽蹂稼穡發蓋藏遭者劉奔不遑父失子女

求孃聲斷絕摧肝腸天為愁日無光不有辜罹厥殃

解帝赫怒命徂征方召徃衛霍行旗旆揚組練明介

馬馳速流星朱標烈玄纓蒸仗中權效先登人皆奮

身命輕解出鴈門過祈連煎瀚海夷天山絕累重燼

毳纒整三姓碎兩賢谷蠡殪當戶殲斬首虜如刈菅

血蒙鼓頭繫鞍膏漬野骨填川溢厥魁凱以旋解捷

書聞不色喜庭臣賀帝曰止嗟我軍寧無死詔扶傷

兼罪已解馬歸山士服田死錄子生與錢戒軍吏勿

開邊羌無過漢不先務休息思保全嚴遠戍閉玉關

華澤集卷之一

十

卷

韜五戎壽萬年解

俠客篇

千金飾寶劍四牡耀朱纓東馳突西驚重諾復輕生

公子執轡請諸侯擁篲迎給秦歸質子要楚出援兵

按劍復魯地憑軾下齊城匿跡托狗屠濟難賴鷄鳴

報讎爭結交殺人恒借名七國倚安危三輔咸震驚

詭辭五嶽移側足九鼎傾少年附高義千載流英聲

安能效豎儒觀事徒撫膺

子夜四時歌一十二首

子夜四時歌一十二首



春歌三首

東風蕩羅裾冶遊步前池柳條亦多情婀娜學腰肢

其二

初華錦繡舒千林望如一懷春廢機杼縑素難成匹

其三

晝飲夜復宴笙歌緣底忙不是無來日但欲及三陽

夏歌三首

珍簾卧當風四面不施幃即呼起同遊待儂着絳衣

其二

輕舟蕩雙槳紆轉蓮塘裏君但惜蓮花儂貴得蓮子

其三

腕困置扇坐鮮桂苦汗流歡言勿懊惱三伏已將過

秋歌三首

貪看秋月光夜久不還寢四顧寂無人玉階有雙影

其二

日日苦思君紅顏忽成老昔若三春華今如九秋草

其三

共歡種梧桐十載青雲齊百年化雙鳳來此樹上棲

冬歌三首

與歡隔溪住凝冰周四壑冰上野狐踪歡行勿憚憐

其二

白馬雪中馳色混影難覓不知即去路但見馬行跡

其三

對雪具清酌強歡再三進歡愛雪舞態儂恐雪侵鬢

猛虎行

上山採樵道逢猛虎虎銜樵去置之林下樵告虎言

君何不仁君得一飽我則殞身昔非有怨今何見嗔

虎答樵言何哉所云子非我怨我非子嗔皇天賦性

有此不仁樵告虎言君言雖辯匪我攸聞吾聞天地

大德曰生騶虞不殺獨匪爾倫虎答樵言當死小虜

亦何多陳三日乏食竄伏荆榛辛苦見遭柰何舍君

樵得虎言仰天大叫哀聲徹雲虫蟻惡死况乎我人

願收厲氣敷和布春盡令猛虎化為龍麟

遠遊篇四首

湯谷既闔濛汜則榮朝宴未終條忽至冥逝者不息

物理相乘願呼松喬躡景上升

其二

徘徊崑丘憇駕層城遨遊八極徧謁仙靈飲我沆瀣

玩我芝英俯視下土虫鼠臭腥

其三



手攬羲和頓策徐行歸謁東父遂造紫庭授我神藥  
服食體輕一舉萬里疾如迅霆

其四

逍遙天衢恣意所之手持拄杖駮駕虹霓晞髮朝陽  
濯足咸池昊蒼徧歷懸景未移

君馬黃

君馬黃臣馬蒼蒼者駕黃者良駕馬却良馬前君當  
進臣當旋

妾薄命

春風轉蕙披蘭高臺曲榭中連經堂入奧張筵秦箏

夢澤集卷之二

七

趙瑟俱前鳴絃度曲雙妍輕舉紉袖襖襖宛若游龍  
翔鸞翠盤金爵闌干呈能角技爲歡種種厭射更端  
眼看陽景而馳高張蘭燭承暉車倦馬怠不辭但歌  
不醉無歸夜深坐促尊移舍惊送意向誰衆中色授  
君知願言並蒂雙棲惡聞易別輕離佇立不勝彷徨  
獨宿寤言難忘何以報君明璫起視銀河爛光牛女  
咫尺相望終夜不成報章

戰城南

戰城南因城北縱橫腐肉烏鳶食一將侯萬夫死聖  
人用之非得已國之守在四隣善戰之臣服上刑佳

兵者不祥器常勝之家道所忌孤人子寡人妻獨人  
父母安忍爲銷戈矛滅烽燧戰爾熊羆長不試鴟鴞  
逝鳳凰來與民休息歌康哉

怨詩一章

墮葉春柯斷株懷帶寒霰觀温陰巖希霽頽魄愠玄  
駛潮憎逝令德鮮終良辰忽管

湖上行

龍服出芳郊香車臨綠水留連天桃下宛轉垂楊裏  
妝憐草色鮮坐逐花陰徙相攜拾翠行暫拉聽鶯止  
忽驚玉珮遺時將芳樹倚紛紛遊冶兒側目情無已

夢澤集卷之二

七

鷺鳥四首

鷺鳥化爲鳩形換性亦易有時遭故群歛翰自遠避

其二

石苔則生我炙美毒滋多吐炙乃茹苦違欲以瘵痾

其三

鷓鴣運天池斥鴳翔藩籬大小各有適何用相追隨

其四

蓼蟲不徙葵水蟲不遷陸習苦翻避甘能寒豈慕燠

來日大難

瓦鳴霰急柝止宵除門有重扃衣乏複襦解一秋繫徂



臘體無完膚守掾致旨令子殞軀解壯心既褫色鮮  
敦愉長跪悲乞請賜區區解古途阻塞新術崎嶇豈  
不是趨林莽鈞裾解既鈞我裾載覆我輿覆輿熟視  
立輿兢扶解我覆我扶言返我廬豈無良朋恐及禍  
軀解

怨詩二章

卧龍不起屈蠖難伸舉肥失瘦錄賸遺真馮唐既老  
原憲長貧畫無再旦歲乏重春

其二

揚岐泣路墨素悲絲崑焚玉石劔失雄雌翔鳶笑鳳  
毒丹朝芝誰憐堅白遭此磷緇

彼之蹶矣憤時也

彼之蹶矣子曰烈矣此之仇矣子曰屈矣豈不昭矣  
虞厥墟矣

凶日揭揭士曰丞也劣子不是殄瘝謂我士也越匪  
士越矣乘之切矣

紀之荒荒士曰丞也無良子不是匡謂我士也狂匪  
士狂也弗革厥明矣

泄泄在位乃覆用媚業業在位乃覆用懟彼蒼曷証  
子寧不畏

虎兮狼兮孰與當兮蚊兮蠅兮撲者仍兮子恬不愧  
侈以矜兮

彼之蹶矣五章章六句

雜語五首

或穴爾庾鄰也遽呼盜悖以逋爾輟逐逐詈鄰也迂

其二

仇願大需烹子以娛豈不子憐忌殞翁軀子烹爾及  
吁嗟乎翁愚

其三

東鄰日擊肥西鄰日舖糜不嫌糜味薄但願常無饑

其四

誰謂炎如火倏忽成死灰誰謂寒如冰流漸逐暄開

其五

東門之鳥本避炎魯人祀之以求福彼躬不閱能錫  
爾穀

夢澤集卷之一



夢澤集卷之二

詩

詠懷三十四首

兩儀立樞要萬事具紀綱智士運機權一童驅百羊  
羽重金或輕尺短寸有長壯夫苟失據反為豎子傷  
獨繭引六絀織繳連雙鶴操持貴不謬得失詎有常  
始悟制人術豈在多與強

其二

明月至無媒朱草敷庭陰倉卒拔劍前眇眇愁予心  
豈獨閤嘉祥隱禍恐見侵忌廢忍不攬負嬰甘棄金  
至貴有不欲天屬誠所欽美疾雖可甘徒使百毒淫

夢澤集卷之二

其三

昔有亢桑子寄身畏壘居臣妾屏仁知甘與朴纍俱  
三年國大穰歲計誠有餘閭井載其潤謀欲俎豆予  
聞之悵不憚奮起逃空虛豐施不食報道化超黃虞  
季葉騫功利畫絜矜一隅

其四

人生本殊方神範各有宜參錯獲一致妄鑿垂天倪  
鳧脛續則瘁鶴脛截則悲拇駢決則憂指枝嚙則啼  
匙劣不假益羨溢豈俟虧紛彼便嫖子作意相追隨

智彈力云匱成理曷移

其五

祖提反見執豹文乃來田鸚鵡舌為火翡翠羽自殘  
醜惡非可居才美適禍端置身當何所材與不材間  
貴寵安足希庶以盡吾年

其六

天網掩八荒翔走盡其曹大人操利刃揮網使奔逃  
殺獲豈不多貴有踈釋條渾池鑿已久脊庭徂復遙  
刑書代附益權家紛蝟毛跬步置一宰荼苦動見遭  
民窮詐轉出獸窟恣飽孝介者不慕飾胥靡豈憚高  
無令自棄民生此全盛朝

夢澤集卷之二

其七

儒生峭崖岸抗顏論詩書磬折周倫類直方向朋徒  
吐辭厲信義皎日耀天衢外表高潔談腹內蘊穿窟  
命侶發瘞子探口出含珠金椎碎腐頰青青歌應臚  
聖言豈不偉反為行劫需誦說苟非人階亂豈勝誅

其八

擊鼓以求亡疾馳以逃影驅介以乘高懸蹇以求騁  
揮刀喪其柄振衣失其領趣舍昧良圖存亡在俄頃

其九



軒后謁大隄肅駕登具茨徒御總聖靈中道迷所之  
邂逅襄野童再拜稱天師仲尼大聖人未敢輕小兒  
神智有不通梓齒抱真知咄嗟世路子耻問甘蓄疑  
終身昧太行皤皤身足喚

其十

民食美芻豢鷓鴣甘臭陳西子豈不都魚鳥不見親  
萬類殊所嗜物豈慕非倫箕畢各有好况此世上羣  
情欲孰爲正參差何可均黜智任自然悠悠葆天真

其十一

夸名非已有禍患在須臾生命無定期昏旦有不虞

東澤集卷之二

三

昇

拂衣舍之去矯步升天衢陟降太微堂上帝授靈符  
六氣備朝餐雙蚪結颺輿消玉饋我漿馮雲構我廬  
聖真進杯觴靈妃奏笙竽三光代列炬四海注一盂  
抗臂抑羲和六龍且徐徐微瞬市朝易日月曷云除  
名涌泰山錄鬼伯無迫驅舉手謝世人安能與爾俱

其十二

里中有一士栖栖蓬戶間動依高士跡居誦先民言  
盎中無斗儲桁上衣無完藜藿并日得續絮豈禦寒  
伏臘祀每廢妻子頽苦艱常恐志節虧不屑親知憐  
入門四壁立顧之絕愁嘆饑食拒嗟來渴飲避貧泉

一筆恒晏如回也稱大賢

其十三

姬旦制冠裳萬古承其貴偶以衣祖袽奔騰裂且棄  
承雲本妙音鱗羽爭辟易魯門鐘鼓聲轉使爰居悻  
物類何續紛人已非一致避哉足父言盍各言爾志

其十四

曜靈修西沒圓景承其輝飄風蕩會雲零露忽已晞  
急節不可淹大暮焉能違天象會有復嗟哉人命微  
怵惕積湯火榮名非我希幸不嬰網羅何用起高飛  
安接浮丘公執手升雲魏王醴對坐傾瓊華聊可噉

東澤集卷之二

四

呈

其十五

京洛冶遊子浮湛聲色場青驪服文輿丹組縉羅裳  
翱翔狹邪間順風揚芬芳高堂置廣宴曲榭開間房  
分曹效百戲作使徵名倡良庖膾肥鮮瓊饌溢圓方  
朱華忽西逝蘭膏嗣其光客醉賦無歸宵分歌未央  
爲樂自今日千歲固其常安能轉多忌歎息懷虞殃

其十六

甘辭背德義盡言招罪尤效忠主未諒施恩誰見酬  
直道鮮所合險路焉可由民生媚其朋玉石各有儔  
舍此但安坐芳時忽我逝去來固成理乖合非人謀



灰心置許較遺棄親與離去適無窮野超世離殷憂

其十七

達士志慷慨貪夫思保全有身則有患消散固其然  
伏波甘馬革莊周快烏鳶用意匪一趣大要歸明賢  
愚者闇桑榆鬱鬱坐自煎思慮損眠食恐懼懷水淵  
蹙邀向賓客助勦終歲年多圖寡收成繁辭累其愆  
展轉不獲紓資恨艱重泉木槿榮一朝日夕用長歎

其十八

河清不可俟川逝誰能上朝露忌太陽夕日愁濛泥  
歌舞化塵埃都邑生荆杞大運厄陽九銷毀固恒理  
填海精衛勞逐日夸父死齊景悲牛山晏嬰笑未已  
彭殤孰短長無生悟方始

夢澤集卷之二

五

相

其十九

梧宮肆詰辯齊楚兵始連弦高槁晉師鄭國賴以全  
齊樂不可犯范昭知有賢誰云制勝術乃在樽俎間  
君子慎幾微禍福基一言覆水各自流事去誠可憐

其二十

疑似不可涉李下與瓜田毋言出婦口雖當未為賢  
周公功信偉二叔及流言實沈與閼伯日起尋戈鉞  
骨肉尚不免何望他人憐夜玉至無因匹夫按劍前

鳴鶴據鷹鼠仰視味鷓鴣首非明君子安能拜禍端  
感彼采苓章最哉其舍旃

其二十一

處世悵悠悠結交誠草草舳舻濟重淵璣衡測穹昊  
人心懷嶮巇對面施傾倒莊惠亦有疑張陳終莫保  
托身恨已晚知人苦不早揮袂去人羣採芝歷雲島

其二十二

言笑色雖親致毒乘其昧一旦弛周防勺水成湍瀨  
禍亂在頃刻何有細不大收視後者鞭蟋蟀思其外  
舟壑竟難恃軒駟何足賴先民亦有言高明鬼所害  
慶吊非異門驕蹇詎能會

夢澤集卷之二

六

日

其二十三

元化運天地碩輔須英雄草昧若無侯大業何由隆  
匡時各有人如雲附飛龍二八贊虞庭胥靡翊殷宗  
周公出天屬鼓刀應非熊為猷苟切施踈賤靡不庸  
下世快舉肥斥異多引同豈乏個儻士無媒終固窮

其二十四

僂僂信無當躑躅常苦憂傷哉世路交同源終異流  
執手愛不淺轉面起見讎傾側忍負欺怨毒生綢繆  
彎弓日相向乘利來迫迫薛公一獲罪賓客誰顧留



炎炎廷尉門  
灰寂令人愁  
胡越使相為  
安危在一舟  
輕薄市中童  
反復誠獨羞  
煩思發憤懣  
自茲絕交遊

其二十五

日月亘天奎  
照耀各有時  
榮枯若循環  
智巧難控持  
賈生愁遇鵬  
莊周殫為犧  
糾纏誰不嬰  
文繡焉能辭  
故言用自慰  
虛無誠我欺  
得失來間比  
叟迺深知

其二十六

昔聞有遊女  
逍遙翔碧潭  
交甫下請佩  
解贈情亦深  
可遇不可持  
變化愁予心  
影滅珮亦失  
漢廣無由尋  
眇睇絕髣髴  
徘徊速夕陰  
青鳥忽來過  
貽我金石音

夢澤集卷之二

七

憂思耿難忘  
寓意於鳴琴  
自傷非傳類  
感激長悲吟

其二十七

愚公亦非昧  
智叟未為得  
獻疑親及嗔  
贊詭疎為德  
大人計億代  
俗士愁日晏  
通殺解一致  
損益非易測

其二十八

忽忽行欲暮  
遑遑復何之  
征馬立踟躕  
遠道安可期  
霜霰被原野  
北風吹我衣  
孤鴻飛且號  
虎兇夾林啼  
崎嶇不獲騁  
徒旅長嘆咨  
回車亦已晚  
失路良可嗤  
嗟哉客遊子  
念此早旋歸

其二十九

窮達有自然  
鬼神柄其施  
安坐值渥恩  
周旋失所宜  
佩玉乃不兆  
壓紐襁抱兒  
上卿屬椎鹵  
即署淹厖眉  
巧宦目馬安  
斯言恐亦非  
豈無多智人  
往往困蒿藜

其三十

蟬蛸不知夕  
楚楚矜衣裳  
人生若塵霧  
覩茲立傍徨  
世事沓而至  
心力苦不遑  
運往悵莫追  
憂來嘆無方  
智巧雖百出  
得失亦相當  
少壯與時遊  
精神自凋喪  
逼此悔恨生  
稅駕名利場  
按謀訪芝草  
天路期翱翔  
列仙非我儔  
瑤水邈無航  
俱置勿多畏  
恬澹安其常

其三十一

夢澤集卷之二

八

中歲獨玩世  
蕩志娛絃歌  
婉變思一顧  
輕薄日來過  
妙舞進北里  
姿媚趨俠和  
資用每不贍  
謗議橫相加  
茲年忽醜老  
譽禍悟已多  
昔人重知非  
慨嘆今如何  
澡身祛垢氛  
考室潛巖阿  
幸不即徂謝  
庶得附龍蛇

其三十二

茲歲忽云暮  
駕言出城闈  
楊林鬢白日  
岡岑蔽玄雲  
荒原離獸馳  
寒鳥鳴索羣  
上有百尺臺  
下有千古墳  
登高一騁望  
恩我平生親  
迺付久不至  
俛仰懷酸辛  
萬物靡不化  
千載猶茲辰  
驅馬復來旋  
詠歌聊飲醇

其三十三



倚與雄傑士猛氣蓋八埏出身赴國難受命不違安  
左臂引烏號右手提龍泉臨敵試一呼萬夫却走還  
先聲四海沸壁壘俱破殘旄頭化石墮天吳螫重淵  
西北淨胡塵東南蕩蠻煙茅土非所希貴使威靈全  
長揖返故廬功高何足言

其三十四

至人處斯世忌為人所知十漿五先饋列子驚且疑  
避竈不足貴爭席乃庶幾大白每近辱卑濁良可棲  
豈效夸毗子作意矜容儀結束轉有媚恣態令人悲  
髹塗飾軒轅步趨陳采齊危冠禮迂士褒貶厲嚴辭

東澤集卷之二

九

壯士篇

少年學劍術英風聞九州慷慨出門去辭家將遠遊  
遠遊欲何之炎荒為我仇昨聞遣飛將召募何時休  
國威有不揚無乃壯士羞奮子如迅湍拔距踰亭樓  
猛氣伏巖虎騰躍捷獼猴置身百戰場妻子不顧留  
性命良足憐聊以紆主憂揮戈盪蠻煙飲馬江漢流  
餘勇萬人賈雄傑無匹傳功成獻明庭賜爵位通侯

遣興三首

八方異風土百里殊陰晴夷夏殆天設終古難合併  
權家但好勝持議爭羣情孤軍病深入問罪慮無名  
客主既不如師老功難成常恐強弩末遂令小國輕  
安得長者言立談罷交兵皇惠均萬物各各遂其生

其二

南喬雖一區嶮阻紛可憑民居寄谿谷霧雨常晝冥  
妻子像蛇虺魑魅冒人形沙虫潛射影觸之喪其生  
古來稱絕域何足煩天兵吾聞王者師無戰唯有征  
一卒不備歸良已虧威靈地於東南缺天乃西北傾  
二儀有不足并包人豈能

東澤集卷之二

十

其三

高宗伐鬼方三年乃能克不聞徐方來允在王猷塞  
耀武與脩文收效孰為得試看古戰場春雨生荆棘

眺江閣述感

偶遺丘中步來眺江上閣樹裏呂王城草邊邾子郭  
遺官隱莫尋往牒恍難托春深苦竹滋秋高白楊落  
故堞啼早鴉野田噪暮雀頗為樵牧資焉免狐鼠虐  
雍門哀有餘九原何可作

雜詩九首

締絡寒不求續絮暑不御當其不切施棄置



時節忽復及效用乃如故冥運不無代物理豈常遇  
功成互見奪乘時各有驚嗟哉圓扇姬怨歌良已誤

其二

手持一杯水覆地東西流榮悴有自然萬卉同一秋  
翩翩者誰子作色矜遨遊朝見馳華軒日暮歸山丘  
憂來不可知爲慮何能周貪夫昧成理齶折將焉求  
天命無改施智巧誠足羞

其三

日月競馳邁一夕復一朝臨鏡失故吾壯心潛已消  
聖朝棄賤士九牛亡一毛豈不希末榮所苦術不饒

夢澤集卷之二

七

無能令身貴何爲使心勞莊生誠我師太鵬寓逍遙

其四

獨處忽不樂理棹凌洪波巨石何滌滌魚龍駭經過  
舍舟復安適改軌登山阿木魅號夕風猿猱一何多  
禽虫饒怪形林谷聲相摩失路積憤懣遊景忽蹉跎  
雲中可遊遨乏翼將如何

其五

漢臯有遊女揮袖凌風翔俯身拾翠羽舉步振雙璜  
芳華耀朝日皓質凝秋霜嫣然感陽城嬈變切中腸  
將來恍復旋何由置蘭房徒倚通精誠青鳥逝我傍

揚聲致殷勤再爲申禮防徘徊湍瀨間綺麗不能忘

其六

無得亦無失喜來憂惡乘崇高帶傾覆陳根吐鮮英  
反覆開存亡臭腐含精靈如何聲利徒僂俛趨譽名  
季子竟車裂累印何足榮李公具五刑悔令遊說成  
賣主愆自招上書誰爲明萬事有不虞逍遙可長生

其七

芳春驟青驪遨遊楚江濱道旁若堂封云是呂王墳  
衢路化陌阡臺館盡燒焚陰風彌寒鳴古隧翔孤羣  
牛羊牧其巔凌藉日續紛生存華屋居嬖妾從如雲

夢澤集卷之三

七

一朝寢重泉貴賤何由分龐公困隴畝耕稼良已勤  
誰知千載後史冊播餘芬

其八

中園種桃李不言下成蹊凝霜被原野零落愁安歸  
歲年有銷鑠窮達在一時便嬖途路子俯仰亦榮輝  
夸名何足賴怨毒常苦滋靈龜歡在塗雄雞憚爲犧  
膏火忌自煎斯言誠可悲

其九

羲和馭六龍馳光耀萬里一潛濛泥間沉淪不自理  
楚宮在昔時繁華照江水歌鐘日夕聞間榭屯羅綺



運徂謀亦屈，魏構積傾圯。當畫狐兔翔洞房，生荆杞。朝雲不可招，逝者誰能止。流觀天地間，庶悟達生旨。

別張子言四首

我友駕言邁，去去之朔方。晨起趣中厨，爲我具酒漿。長別在須臾，且願盡杯觴。昔爲骨肉親，比翼雲中翔。今當永乖違，邀若參與商。出門異鄉縣，居世如朝霜。世途轉傾側，良會安可常。羸馬感人情，哀鳴衢路傍。悲風振喬林，瑟琴傷肝腸。執手不能辭，淚下霑衣裳。恨無凌風翰，送子還故鄉。

其二

漢澤集卷之三

古

守

故鄉豈不思，臨發中徘徊。借問欲誰須，重與心知違。山海高且深，見面未有期。有懷今不盡，相思亦何爲。豈無絃歌曲，調促令心悲。立語未及終，白日奄忽移。安得魯陽戈，揮景使東馳。

其三

馳景不少待，客子何可留。相送不覺遠，行行至河州。中有雙黃鵠，飛鳴諧匹儔。驚風揚洪波，散失焉能求。雌雄相背飛，影響日以遒。鳶鷂豈不多，嗟哉非我仇。願言樹萱草，以解心煩憂。

其四

煩憂動我神，悲歌仍躑躅。鬱鬱道傍柳，垂蔭昔何綠。嚴霜日夜零，枝葉不復屬。四時相推斥，變化一何速。俗子騫聲華，世儒矜結束。立身多所爭，年命傷局促。子其愛景光，抱道在白屋。

別張子魚三首

斷蓬隨天風，飄轉雲中遊。豈不戀本根，一失非我由。矯矯雙鴻鵠，高飛命其儔。獵子隱側目，橫絕焉可圖。托身貴得士，安卑義所尤。之子遠行邁，棄我不顧留。思欲並子濟，漢廣無方舟。

其二

漢澤集卷之三

古

守

鳴鹿在中野，獲草求其羣。嗟哉昔所歡，一散如飈塵。虞卿棄相印，擔簦狗情親。悔吝不自惜，義聲流千春。此道息已久，遺響誰爲申。子其懷璵璠，慰我多苦辛。

其三

霖雨積旬朔，羲和光不垂。荆棘被廣野，潢潦生中逵。客子阻遐征，太息當路岐。策馬從子去，駕駸焉可齊。君羽等飛鸞，我質類栖雞。同袍異羽質，去留長此辭。

閨情二首

種木期息陰，結交期得心。與君初婚時，安坐調瑟琴。繫我大秦珠，貽我玳瑁簪。攜手同車遊，徘徊步春林。



俯拾並蒂華仰聽和鳴禽折芳交贈持言誓一何深  
寧期被讒妬棄我忽如沉曠歲不一接塵埃生錦衾  
明月入空帷中夜坐悲吟發篋理故物淚下誰能禁  
故物猶光彩故心人安在疇知恩愛移不俟顏色改

其二

端坐結憂鬱道遙出中閨丹榮冒陽林流泉激清池  
孤鳥西南征遺我鳴聲悲攬衣起相從迅影不得追  
踟躕立庭隅目送浮雲馳雲馳風爲驅風返雲亦歸  
君恩中道還慰我恒渴饑

別曹仲禮四首

李澤集卷之三

五

與君一爲別晷度逝不停奄忽二十載親串日以零  
短者已物化存者非壯齡况復異鄉縣散處如晨星  
但言長相思豈意今合并顏鬢各已改不易惟茲情  
孤鴻號朔風黃鳥聲嚶嚶飛鳥戀儔匹况乃稱友生

其二

別子大河側見子長江濱對面但疑嘆含意慘莫陳  
豈無新知歡念此同袍人扳留不須更義陽忽以論  
奮身思繫日天路邈無因安能附高翮一舉摩青旻  
飽者豈念饑貴者羞賤貧薄終古所尤交誼貴在伸  
故心苟不移何必會合頻慷慨即長路無爲兒女仁

其三

中夜起相送白露塗我襟低頭惜分手舉頭傷辰參  
斗酒空不薄對之不能斟唧唧草間蟲助我揚悲吟  
爲我拭綠綺彈作清商音物理關人情淚下不可禁  
谷風刺小怨孔公贊同心延陵輕寶劍高義垂至今  
親交信不薄先民良可欽

其四

冷冷山下澗童童山上松磊磊澗中石琴瑟松上風  
波逝石不俱離奔松莫從物理相倚藉動息難可同  
與君遊宛洛矯若雙飛龍中道悵相失末路欣以逢

李澤集卷之三

六

既逢不須更去復當嚴冬霜霰集衡軛虎豹啼林叢  
子其慎桑榆勞謙以令終

園亭言懷

駭死骨誰市象焚齒自累棄置悲團扇齟齬嘆方枘  
耻隨荆橘化樂與魏瓠棄素無金張援馬取立園貴  
農圃衍世業桑麻綜歲計寶飽三士枕芳引八公桂  
春原露未晞秋皋霜已被偶緣物態感遂與神理契  
畧度無能淹金石亦善啟願言齊得喪庶以紓勞瘁

歲暮雜興十首

年往志亦減譽未毀乃知遂初困無悶善後生有涯



永年慕樗櫟存身悟龍蛇大隱但城市嘉遯豈烟霞

其二

孔公深贊夔賈生虛忌鵬屈伸在一時憂喜本同城  
河清豈能俟達窮安足哭久息漢陰機莫問成都卜

其三

一斥壯齡改相知白首踈干時計轉拙好客資苦無  
飯牛當落日牧豕入平墟行年忽老醜何意逐名譽

其四

人情皆喜新世路惟嘉壯鵠寵遠見珍薪積後居上  
前魚龍陽悲遺簪少原悵盛年亦有移溢恩何可伏

夢澤集卷之二

七

其五

寡欲處易安抗行俗難合巢林祇一枝繞樹猶三匝  
竟日伯陽書經年幼安榻閉門客座空啓徑淵簪盍

其六

昔惟樂遊衍今已識耕耨連畛東陵瓜一頃南山豆  
坐久林壑暝歸晚妻孥候倚樹見墟煙就枕聞山溜

其七

日月處無恒悅仰情非一蟠泥之龍德悅草愧羊質  
周周尚慮危鷄鷄猶慕匹紛紛馳突子何不虞顛躓

其八

偏才互短長名家殊去取連城償燕石千金享弊帚  
不識東家聖翻謂西施醜定價豈目前知已俟身後

其九

詭毀行見迫愁思坐不開含垢長者仁懷璧匹夫災  
在烏愧能言處木甘不材終謝金籠閉幸免匠石猜

其十

景曜一何速志業百未酬所願則學孔吾衰不夢周  
智愚各有營貴賤孰無憂松子久我欺萱草為誰求

夢澤集卷之二

八

念

夢澤集卷之二



詩

送倫子舉娶歸

君不見倫氏之子才絕倫少小屬文如有神風雲獨  
奮九萬里身世初經二十春獻賦朝趨北闕下上書  
暮歸南海濱誰知弱冠親迎客已作君王侍從臣珠  
明玉潤元相媚苑柳宮花春自醉霄漢翻為莫雁行  
鄉間競訝乘龍至烏鵲橋邊問石年鳳凰樓上吹簫  
地富貴婚姻慶非小文采風流古來少花燭初從華  
館張爐烟屢夢清班繞當朝爾是歲星魂避世還來  
金馬門他年割炙詎諧日方朔重沾漢主恩

發裕州短歌

點卒前來意氣雄當堦縛我囚車中颯颯驚颺動地  
至城捲赤霧摧丹楓城中之人走相視城外蕭蕭嘶  
曉轡道上殘楊掃凍惟過鴈鳴蟬雙迸淚人生作吏  
何太苦囊無一錢身被虜可憐妻子盡畏途南征白  
晝愁射虎古來玉石怨俱焚脫髒安能就珪組

聞子言消息因作短歌寄贈

憶昔江楓赤葉下含悽別子城之隅買舸遙尋沔陽  
守張燈夜宴即官湖宴罷迢迢歷鄉縣行邊宛轉隨

游衍過境能令車馬迎歸途翻為鶯花戀大梁才子  
更相留平臺大雪揮金甌囊裏贈金快意盡聞君累  
月醉青樓春生始渡黃河岸入門妻子親為鬢壁上  
龍泉今在無因歌長夜何時旦楚客相思不記年尺  
書無復到南天江馬故人祿苦薄寂寞誰當送酒錢  
江上忽逢燕地客停杯問評悲今昔丈夫不仕空有  
才世人誰識文章伯况子丹房已屬人茅茨低小莫  
容身堂前燕雀俱飛去洞口靈芝祗自春

胡生行

廣陵胡生少且孤十五已作奔竄徒踪跡彷彿不可

詰向人長跪乞為奴苦遭惡少相窘迫飲令行酒乘  
前驅片語不投怒詈起鞭笞竟百臂無膚季布髡鉗  
不辭辱范睢折摺仍見拘夜半群奴解其縛生也遂  
得踰垣逋項來江上始一見造次能將書自薦畏途  
倚藉即交親杯酒酣歌忘貧賤乍喜仍愁若病狂忌  
言往事慚顏面從來龍性不可馴須知豹采終當變  
三年展轉客沛川沛川人士盡相憐卓家文君正新  
寡琴中疊奏求凰篇共羨名姝諧賦客俄驚碧海變  
桑田恩情中路忽棄悄白頭之吟誰為傳泛梗飄飄  
貪別浦浮雲冉冉向遙天人言胡生太不才我獨念



之增悲哀男兒失意無醜好高名自古爲身灾故將  
踈放取嘲笑吁嗟俗議真愚哉

憶昔行寄張龍湖內翰

憶昔赤壁張華遂與君共醉長江邊白鳥飛隨金馬  
客蒼苔坐嘯赤墀賢豈知雲雨歡不延尊前紅日墮  
山川予逐白雲歸楚澤君隨明月上青天天中謁  
聖人獻納爲近臣馬遷石室羞前史方朔金門見後  
身鸚鵡州邊忽分手鳳凰池上頻回首但使同心各  
一方何須對面銜杯酒俱稱賦客異升沈臨風三復  
白頭吟相如未逢楊得意漢室誰當奏上林

夢澤集卷之三

三

莫

楚岸吟寄牟子

楚岸長楊垂至地百鳥嬌啼春自醉晴絲冉冉墮碧  
空風光頗爲遊人媚我家黃子國君住鄂王城大江  
東下雲霧接滔滔應瀉故人情憶初同領南宮宴白  
馬青袍花映面本期霄漢並翱翔寧知世路多更變  
我歸十年前君歸十年後榮華顛倒若夢中人情翻  
覆無不有安能顧墮旣自今心不開陰巖積古雪白  
日何當來我將振衣從子遊請君洒掃鸚鵡洲遲日  
經行桃竹杖烟波搖漾木蘭舟須今漢水變春酒更  
遣大別爲糟丘蛟龍自吟鶴自舞仙人銜笛沈高樓

留連坐待明月上翠娥勸飲來沙頭竹林諸賢真瑣  
瑣高陽酒徒安足儔吁嗟此會難即使我悵望無  
時休君不見楚宮寂寞臺殿荒歲歲東風開野棠三  
閭顛顛行吟處千古猶傳杜若香丈夫眼底安足計  
君行采采莫相忘

寄曹仲禮

吁嗟梁甫吟何哀白日黯慘浮雲迴繁華忽與東風  
別幽壑不見陽春來憶初謁帝承明廬頗將詞賦追  
相如意氣當時惟爾我文章絕代互吹嘘正逢漢武  
勤邊略同奏文園諫獵書杞國憂天傾傍人笑爲狂

夢澤集卷之三

四

州

精衛在銜沙何裨海茫茫雷雨晦冥起倉卒散失非  
我能周防寧知垂翅青天後虞羅獵矢猶徬徨子仍  
下獄大梁城謗議雷同真吹聲全生虎口信不易一  
死鴻毛良可輕摧眉覲面復苟活踏天跡地長悲鳴  
前榮後枯嗟世事翻雲覆雨見人情昔日結交二三  
子張口欲言禍及矣請兵誰爲哭秦庭擊筑何曾歌  
易水感君山嶽心不移張公神劍合有時矯首南天  
瞻北極聊持芳草寄相思

張公行

張公一生豪俠徒作吏風塵性氣羸千金快意買歌



英禮法區區安足拘傾心倒意向賓客椎牛置酒恣  
歡呼忽傳姓字坐沙汰歌曲未竟門客通昔時請謁  
爲親者倉卒化爲秦與胡已經十日伏草莽欲去不  
得仍躊躇我聞拔劍爲子起仰天疾視情無愉世間  
萬事盡雲態白衣蒼狗在斯須神魚處陸困螻蟻鷲  
鳥翻身避獵孤李廣有時愁醉尉魏其何能庇灌夫  
古來豪貴有顛倒張公張公莫嘆吁

寄朝江子

江生突兀揚文風千奇萬怪難與窮博物豈惟精爾  
雅識字何止過揚雄古心已出丘索上邃旨或與神

夢澤集卷之三

五

五

明通求深索隱若不置一言忌使流俗同令弟大篆  
逼鐘鼎絕藝耻作斯邕等生也爲文遺弟書一出皆  
稱二難並縱有楚史不可讀滿堂觀者徒張目少年  
往往致譏評生也不言但捫腹君不見好醜從來安  
可期豪傑有時翻自疑伯牙竟爲知音惜卞氏能無  
抱璞悲請君寶此無易轍聖人復起當相知

東湖書院歌

東湖之岸雲樹林仙人樓閣長陰陰秋濤春漲巖洞  
坳風宵雨畫蛟龍吟久從斑竹聆湘瑟更向蒼梧訪  
舜琴蒼梧一去三千里明公突兀高門起富貴天涯

重首丘歲時堂下悲流水塵壘尋源若不置悠悠注

海情無已故渚今池宛相似卜築題名總爲此此地

移家幾十秋風光如在楚江頭誰云信美非吾土委

心大觀皆虛舟已成新第象桑梓更營別墅依汀洲

神臯奧區表靈異迴溪複嶂圍深幽花竹豈徒恣蕭

散宮墻直欲備藏脩諸生四方遠親就羣書萬卷紛

校讎縣鐘待叩有餘響提刀迎解無全牛橫經獨擁

臯比坐乘輿時披鶴氅遊達者升堂許游夏愛客掃

徑延羊求一丘一壑豈足繫時止時行不自由懸車

欲卧子旌迫鳴騶已出亭臺留千年科斗守篋笥四

時猿鶴司松楸只今霄漢夢江難覺來枕簟失風湍

山中悵憶八公桂澤畔空懷九畹蘭四海蒼生未肯

釋何日東山歸謝安

豪士吟贈王氏

君家高樓臨漢水落日悲風白雲起門垂楊柳千萬

株長條直拂洪波裏我未繫舟古楊下秋深岸東蕭

葭靡此時歸思正鬱陶偶爾逢君行且止邀我置酒

開綺筵庖子擊肥兼割鮮海榴新擘寶房碎相橘旋

摘金子圓翠袖成行獻歌舞授色知心次第前堂中

食客多且賢寶刀錦帶光接聯持觴遞進勸我酒四

食

四

四



座爲壽俱萬年平原十日飲未足白首酣歌凌紫煙  
自矜膂力莫與伍俠氣翩翩充擅武角子十斛左右  
張蛇矛丈八盤旋舞榭上生駒六駁姿猛士如林不  
敢騎控鬣鳴鞭一躍上疾馳緩步衆稱宜男兒身手  
有如此壯節奇功皆可爲君不見道阻天寒行旅苦  
水有毒蛟山有虎請君殺蛟蕪射虎惡少紛紛安足  
數

觀秋江晚渡圖歌

大梁五月成淹留披圖忽憶瀟湘遊眼底蕭條動秋  
色誰驅楚澤來中洲烟霞掩映蒹葭茂郭鳥鷓鴣綴清

夢澤集卷之三

七

虛閣敗葦荒蒲豈雪霜崩崖坼岸迷丘壑岫口黃花  
幾歲開楓頭赤葉何年落數舸依依古渡邊細聽那  
聞呼渡傳風帆浪楫兩不動中流竟日空盤旋晝短  
天寒洞庭闊幾時可到蒼梧巔松根一叟長箕踞瞑  
色沙光自猶豫蛟龍夜就濤如山公無渡河且歸去  
我家住在江之濱十年落魄厭京塵蓬海內渾無  
定沮溺嫌予數問津對此躊躇心目斷丘也東西南  
北人

醉贈李道士西歸

尋師初到赤松家愛客聊停白鹿車皓首龐眉並園

綺向予歷歷道生涯早入匡廬尋五老晚從嵩少採  
三花花下開尊玉液濃尊前拂檻紫芝重雲裏碧簫  
呼彩鳳洞中丹竈護蒼龍蒼龍彩鳳相摧促欲上空  
虛謝塵俗緬懷紫氣沒流沙便訪青牛度函谷函谷  
迢迢萬古存伯陽一去幾朝昏到日如逢關令尹仍  
留道德五千言

夢澤集卷之三

夢澤集卷之三

八

十



夢澤集卷之四

詩

在館即事二首

長日稀朝謁兼之簿領無閉門人伴鶴染翰吏燕儒  
風砌翻紅藥晴軒映碧梧雖云棲省署瀟散即蓬壺

其二

幸接神仙侶來遊翰墨林空庭無候吏古木有鳴禽  
疑義更相析成詩衆與吟長楊猶未賦宴坐愧朝簪

院中齋宿

落日閉深院齋心事事幽雪梧縈徑色煙柳帶渠流

夢澤集卷之四

一

子

隱几春星擁焚香暗霧留窺人愛雙鶴對爾肅清修

駕出

享帝春正及行天羽衛攢百靈迎萬乘夾轂候千官  
後騎迴丹闕前旌駐壁壇佇瞻馳道上佳氣逐鳴鑾

大祀

香殿裊氤氳鈞天九奏聞帝臨趨袞冕神至各風雲  
肅肅宮壇啓依依黍稷芬甘泉稱賦頌吾已愧雄文

駕幸南海子

南郊初禮帝上苑復誇胡虎兕先聲伏車徒翼輦趨  
網羅張一面部曲用三驅侍從羣臣在應知諫獵無

駕入

鏡音傳晚甸芝火動春城一路青陽送千門紫氣迎  
龍鸞迴國步星月扈天行大內通宵入祥煙達旦生

慶成宴

園丘大禮協聖酒百官傳霄漢流仙樂風花捧御筵  
尊留春殿月佩委夕埤煙不數汾遊日真同鎬宴年

八厓周子邀飲未赴聊此謝過燕索觀羣公席  
上之作

不赴仙堂宴幽期隔綵雲祗緣憐數會翻遣惜離羣  
地邇駘壇接天迴劔氣分風來度香草佳句許相聞

夢澤集卷之四

二

子

送周侍御按貴州

近憐周柱史持節向遙天霄漢花驄出江湖錦纜牽  
鬱盤千棧閣浩蕩百蠻烟春盡南征日衣冠覺爾賢

送夏大行奉哀詔使南紀

我亦天涯客看君萬里行浮湘遷史跡喻蜀馬卿情  
雲氣蒼梧野楓林白帝城壯遊茲不忝海內早知名

寄兄

吾家雙玉樹何事自西東鴈塔雲霄上鷓原江海中  
趨庭菜子絲旅食薊門蓬祗益憐毛質飛騰萬里同

寄鷄鳴寺真人



悵憶遠師室留人一榻深雲霞淹佛日花鳥散禪林  
閣俯春城麗軒留晚岫陰煩君招白社於此謝冠簪

郭外即事

病臥閉門久占晴起看花城行紆霧堞草坐藉煙沙

縮騎蘿風合停鶯竹日斜芳菲愁即歇留賞滯生涯

紀聞

禁城馳道接行殿獵原侵布騎圍熊館鳴弦合羽林

似聞驅猛獸已見失前禽暴殄哀天物仁哉祝網心

贈人

南塘倘倘士薄宦向西陲石竹臨江映春雲抱峽流

夢澤集卷之四

三

光

徘徊去國日浩蕩望鄉愁莫厭卑樓地三巴足壯遊

送劉振廷令慈利

別離古有調送爾一長吁遠下荆門鷓雙飛漢殿鳧

鳴琴依石篠岸幘眺春湖暇日煙花興風流陶令俱

劉氏雙挽

日月仙丘閔風流古調更尚餘松栢氣無復鳳簫聲

龍劍人間覓魚軒地下迎庭塔有玉樹應慰九原情

送李子中養病歸

省署辭京邑庭闈指大梁經年違鯉對即日謝鷓行

採藥春蒿少紫蘿舊草堂君無戀脩竹人擬獻長揚

其二

游曠傷人事興衰感世情猶傳授簡史無復抱關生

客散梁王苑人耕宋帝城行多懷古詠一一寄同聲

寄夏大行

銅柱標南紀荆門控百蠻詔從霄漢下槎過斗牛間

江山迴黯慘豁洞鬱躋攀預想趨朝日應多邊徼顏

慰馬子足疾

漢帝羣臣侍居然司馬賢那能多病後不廢子虛篇

鳳鳥人爭覽雲霄翼可憐千金善自保清廟待朱紱

世其席上餞大復先生

夫子關西去板留我輩情風燈破暝色月折助秋聲

去住天涯淚文章海內名從今輟侍從霄漢望金莖

過廖子故宅

庭樹留尊處空餘覆苑雲馴堦鷓鳥雀落日噪紛紛

琴罷廣陵散匣遺封禪文悲風立馬際隣笛不堪聞

遊仁壽寺

鷓嶺迴孤塔祇林鬱近城幽人耽寂樂秋日偶經行

巖間縈羅細溪庭抱竹晴欣然坐禪榻聊以憇塵纓

九日登仁壽寺後山

九日攜朋出花宮背郭開藉蘭坐香岫捫棘臨高臺



鴈沙川雲斷林孤句色迴悲秋亦楚客作賦豈吾才  
夜坐鄒子宅彈琴分韻得琴字

言訪少谷子呼童攜素琴為發絲桐趣俱諧山水心  
徑轉松篁密堂虛風月侵再彈吾不惜此地有知音  
寄八厓子

吾子嗟行役他鄉感別離一辭西掖路三復北山詩  
日下花驄出天邊旅鴈悲亦知復不遠明歲及瓜期  
寄顏許州

吾友二三輩無如回也賢慚非清廟曲得藉朱絲絃  
豈乏雙魚至寧慳尺素傳離群今已久望子數予愆  
送龍廷重為榮府長史

榮園今宗國君材實楚材周家親魯衛梁苑重鄒枚  
杖屨丘園接琴書殿閣開天邊倦鳥飛霜雪早歸來  
其二

未謝金門籍先諧靜者私桃源春泛穩桂苑月遊遲  
洞口漁人艇花間帝子庖茲行有詞賦不必吊湘纍  
得周侍御子賢書喜作二首

自爾乘驄出令予愴別離經年一書札萬里轉相思  
天隔西南域秋憐鷹隼姿霜空望擊搏莫使羽毛垂  
其二

去歲吾鄉友追陪良可歡月吟耽夕檻花宴簇春欄  
豈意垂雲雨翻令隔羽翰獨憐松檜色青翠耐天寒

雪東曹子  
君本建安子來遊京兆天時聞郢中曲共憶剡溪船  
庭篠暝猶白檻蘿春欲烟何當載酒過一問子雲玄

贈方子二首  
近接崇陵子昂藏野鶴姿跡留青鎖地聲徹白雲司  
竟阻江湖去翻嗟燕雀欺烟霄當奮起歸覓舊棲枝

其二  
鄰並復同調過逢數舉杯謝公興不淺莊舄吟何哀  
霞口赤城曉雪濤滄海迴何當共舟去携客訪蓬萊

立春  
春旭自堪憐春愁旅病偏暄迴沙甸雪潤合柳城烟  
坐憶江臯上行知草樹鮮淹留慨時序盤菜不須傳

天津月夜偕曹子舟坐  
繫月舟航偶臨流鼓吹哀星檣扶岸出霜葉灑汀迴  
鵲起南天迥龍吟北海開濤留候明發共爾一登臺

河西務別許子居  
留滯金門客追陪盡省郎開筵迴浦淑倚檻出帆檣  
琴動幽蘭操詩傳伐木章風塵連解纜天地一沾裳



晚泊訪李

宵泛事幽尋

風竹和龍笛

臨清舟中

憶昔同嚴譴

棹戛城氛渺

其二

對酒話今昔

此地一分手

其三

寡合時應棄

顧已無長策

李沔陽

雲夜梁王宴

少室三花樹

其二

湖水迴城郭

伐鼓驚鷗鷺

其三

愛汝今山簡



待罪形將影言歸去復留悲風憐代馬喘月愧吳牛  
畫地心猶憚呼天淚莫收強顏稱不辱俛首欲何求

出獄董氏宅夜飲書懷兼贈董氏兄弟

多難心逾壯高情宴獨遲風篁迷晚徑煙草暗春池  
射虎還疑石驚鳥尚繞枝緣君念兄弟把酒鶴鴒詩

出獄後歸興二首

幸爾網能漏依然劔尚埋側身向天地壯志委塵埃  
覆水今無及懷沙古有哀回思刀筆吏疑懼轉難裁

其二

孤憤辭梁獄高歌望楚鄉烟花春沔樓閣畫瀟湘

夢澤集卷之四

九

市古懷增慨尋仙事頗荒何如共漁父一笑詠滄浪

同子言南歸道中賦竹桃二物

蘆潛湘浦岸兼慕武陵源獨造非無興成蹊本不言  
七賢應共逸三士竟何冤物態依行色羈栖想故園

道中憇廢寺三首

徙倚前朝寺依樓舊法筵狐狸啼白晝龍象泣諸天  
寶樹縈蛛網蝸涎繡石蓮給園猶寂寞岐路倍堪憐

其二

解綬辭塵網停車理石筵金花何地布寶月幾時圓  
殿古蒼苔積臺空紫蔓縣那知臨淨土煩惱障無邊

其三

寶地元虛寂金仙合杳冥空林沈紫翠畫壁落丹青  
羈旅暫投跡殘僧一啓局迷方隨處是含意評山靈

送人

楚地惜分手春風悵別顏王孫草新綠帝子竹餘斑  
于主攜書去期君揚策還男兒有如此應不滯鄉關

江上言懷四首

野濶風雲入天迴楚蜀通渚禽多白鷺巖樹半青楓  
哀怨湘君曲平成夏后功晚來懷古意極目送冥鴻

其二

夢澤集卷之四

十

岸東濤聲急軒疑野色重山懸神女雨江進楚王風  
舟楫爭先涉閭閻急暮春平生壯遊興潦倒對魚龍

其三

平野蒼煙合高城白鳥過澤蘭懷楚客石竹隱湘娥  
谷響歸樵唱江鳴發棹歌夕陽葭蕩際將柰暮愁何

其四

月上船猶進江寒酒自寬弄珠元此夕解珮復何灘  
島嶼樽前動星辰鏡裏看漁歌中夜起余亦飭綸竿

溪邊晚興

萬井皆秋色千巖盡落暉谷喧隣牧散溪灣夕魚歸



初月懸楓岸餘霞戀竹扉坐來憐夜永霜露入人衣  
暮春借二三子登定惠院亭

臺榭枕黃州春深岸幘遊雲孤開石壁地拔俯江樓  
觸目烟花散傷心歲月派棄捐知己矣童冠幾銷憂

席上贈熊掾

吏事資儒術秋筵接故鄉周官欽八議漢法重三章  
亭倚林巒赤園看橘柚黃卑棲勿嘆息毛質本鸞凰

夜簡王少參舟中

徽省辭黃鶴蘭枕伴白鷗岸迴霜月抱江迥雪雲流  
銀漢乘宵上金陵逼歲留田租聞賜減側識漢皇憂

觀江漲

旬月一來此懷兼真可憂龍蛇棲樹杪鷗鷺集城頭  
天接江湖混波搖郡邑浮青錢吾已辦急為買漁舟

春日書室示諸子

家聲看子弟世緒衍箕裘豹隱文當變鴛鳴友可求  
專門大戴禮入室汝曹優閭里高門在須乘駟馬遊

劉子好辯而不遇詩以贈之

美名吾久識雄辯古難逢君獨談非馬人皆好似龍  
早於干祿拙晚向結交慵予亦棲遲者相將學老農

寄館中諸友

一在嗟江國同游憶禁林如聞視草暇猶有拔茅心  
人事傷川逝吾生嘆陸沈百年頻泣玉泉口已銷金

江上贈夏明府

令尹官初試江邦政已成節如秋壁峻心擬石潭清  
碩契烹鮮理無矜拔薤名操刀知善割愛助亦吾情

喜廖子過訪席上奉贈八首

畫舸經黃國肩輿訪白雲雪行沙草濕風坐圃梅芬  
軒冕非吾意鳧鷖本自群無煩談世事杯酒但論文

其二

供奉違東觀旋歸侍北堂衣冠照桑梓詞賦吊沅湘

野岸桃花發春洲蘭葉香他時三徑重蓮子洗壺觴

其三

自喜暫無拘來從江海徒尋仙憇黃鶴鳴帝向蒼梧  
澤坐舟偏繫山行杖屢扶知君留滯處高興屬春湖

其四

未暇泛湘水徒然臥楚雲神龍那可係野鶴故難群  
世路誰知己交情獨有君懸知今夜別劍氣斗間分

其五

霄漢長懷侶江湖已卜居山人惟白鹿學士自銀魚  
名致諸公早書開萬卷餘漢臣誰得似詞賦有相如



其六

地迥臨江閣天迴上斗槎  
潛行歌白石好去羨皇華  
登嶽元無極浮湘未有涯  
明朝相望地莫遣暮雲遮

其七

別我寒移棹懷君暮倚楓  
來經黃子園去傍楚王宮  
谷口桃千樹山中桂幾叢  
故園春定好留醉向東風

其八

秦使仍將母來遊荆楚天  
江光藉日色爭繞孝廉船  
翠竹笋新茁銀絲鱸可憐  
帆邊梅柳樹歷歷漢陽川

夜宴即事

夢澤集卷之四

七

七

樓開芳樹合逕轉落花深  
向夕香風起當筵皓月臨  
游人爭解珮侍女拾遺簪  
坐上絕纓者應知賢主心

寄方思道七首

赤壁陪仙宴蒼江識壯顏  
使君趨石上候吏出花間  
解纜欲何往投簪及此還  
長風解相送一瞬萬重山

其二

觀日臨滄海歸山卧白雲  
遙尋少谷子同謁武夷君  
心迹能兼遂東南美並聞  
猶期為世用且莫去人羣

其三

偃卧非閑病連章秬乞骸  
鶯花供謔浪杯酒送詠諧

無用樗因免難容飽已車  
因風寄同調好去入君懷

其四

聞爾遊華頂令子夢彩烟  
戶庭羅峭壁枕簟落飛泉  
山有藏書穴溪多送酒船  
春江如有興花裏到吳天

其五

憶爾東歸日長為吳會吟  
春觴臨水曲夜棹入山陰  
結侶遊能數逃人去轉深  
蘭若如可折莫惜寄雲林

其六

逢時非不達憤世獨難平  
拔劍出門去揚帆際海行  
雖貪謝客賞猶繫子年情  
此地便高卧無令負聖明

夢澤集卷之四

七

其七

中朝俱屬望流輩總相推  
子慕長卿賦人傳幼婦碑  
七襄終莫報九逝竟空思  
世路風塵滿茫無見汝期

奉答富順王殿下二首

帝室分封重王孫別館開  
禮於南嶽敵客比小山才  
為善心知樂通親表自我  
雄風難可挹何日侍蘭臺

其二

國自荆藩析書從孔壁傳  
瞻天蒙肺附朝海切心懸  
賓從思梁苑精誠感洛川  
晚來風稍勁吹月暈生圓

馬侍御見訪山中



村巷傳呼急秋園報爾過鳥啼城日晚鷹疾野風多  
繡服臨樵牧花驄駐薜蘿霜威吾所憚暫為假陽和

其二

一辭金馬籍甘老白雲岑喜子今持斧憐子此盍簪  
各天晤不數末路契逾深徙倚庭前樹棲鳥欲滿林

湖泛

楚地饒洲渚騷人戀芰荷鸕舟張錦席龍笛起滄波  
鳥影隨檣影漁歌入棹歌前溪隔更好欲進暮烟多

過諸子書屋寄虞文表

二禮傳非謬諸生仰獨深偶經伐木地徒有折麻心

夢澤集卷之五

五

雪調朱絃盡星文寶劔沉憐君困已久梁父自長吟

秋園酌謝子而贈之以詩

待汝頻扳桂憐予久繫匏無嫌一日長願結百年交  
啓戶驚黃葉開尊藉白茅自無奇可問何恠世人朝

其二

兒童操翰墨四十且無成自汝工諸體令予畏後生  
吾里中丞齊前朝太傅名高才有如此真不愧家聲

其三

我舅為生祖生名較我嘉忘年稱小友累世屬通家  
王謝賢非乏園廬路不遐逼衰偏為鶴數見惜年華

寄友人

之子鎮南荒威名萬里揚經年聞選士計日欲擒王  
神武元無戰佳兵乃不祥寄言投筆者何事樂開疆

喜舒鄭二子夜過

寒景沈江閣繁星綴石林一時來二子散帙復鳴琴  
高價真連壁深盟可斷金從今三徑熟攜手數相尋

鄭生

鄭生才可憐白首困江邊長夏自饒睡窮途人餽錢  
相過夜不厭與語日堪延共試山家茗呼兒行汲泉

馮太守席上留別一首

夢澤集卷之五

未

漢室馮公偉為郎歲月饒一麾煩出守白首竟誰招  
初雨傳觴日微涼秉燭宵相看意無限明惜馬蹄遙

江上送張子二首

天風忽然至吹地轉蓬科別淚隨江水離聲雜棹歌  
花時臨赤壁鴈候渡黃河京室懷予處長攀薜蘿

其二

他時懷大士何地望京華詞賦留香草衣裳見紫霞  
天造今朔鴈澤畔已秋花歸路衝寒色翻思楚客家

謝氏宅夜集

過爾通宵宴留人樂事繁詩題芸草室觴倒菊花軒



月落城烏起霜寒極馬喧醉來聊隱几旭日散柴門

溪邊二客過訪

白露窺楓浦蒼苔上石門人稀簷雀下草冷砌蟲喧  
竹裏開三徑花間倒一尊從今延二仲相與樂丘園

秋日過十一叔庄

陶潛耽漉酒阮籍好鳴琴沙鴈衝人起山蟬傍馬吟  
高秋花是菊僻地竹為林醉後迷歸路蒼茫下夕陰  
聞曹子仲禮緣近臣之疏蒙賜還之恩事出不  
虞聊題斯句

竄逐南天路荒涼北斗文翻飛元不意憂喜在初聞

夢澤集卷之四

七

驄馬重趨闕金雞兩赦君獨傷荆棘裏誰別鳳鸞羣

病後飲十一叔宅同諸兄弟

川雲流苑細樓月照筵新弄玉元秦女凌波本洛神  
竹林明積雪池草暗生春骨肉情親夜深杯慰採薪

溪邊即事呈友人四首

歲晚人猶隔汀寒晝不譁松門當遠岫竹檻俯平沙  
鷺宿依冰片鷗飛亂雪花如聞子猷棹乘興到山家

其二

空齋灘嚮入塌岸水痕除竹杪喧簷馬芸邊走壁魚  
門無題鳳字村有卧龍廬曲巷寒門裏空傳長者車

其三

推窓迎嶠立垂釣鑿冰開未葉先生柳餘花處士梅  
鳥從烟裏度人向雪中來暝色青溪上綠君首重回

其四

佳景每自愜幽期孰與論林開岫色沙圯滅溪痕  
洗藥穿松葉移尊傍竹根江山待詞客几杖向誰門

李國賓宅留別一首

李昔以賀歲會于京師

汝拜朝正表予留謁帝居經年思鳳吹幾度寄魚書  
患難誼逾篤派連哀未除行吟恐憔悴他日吊三閭

送顧賢

夢澤集卷之四

六

潦倒文園客淹留顧虎頭我看方士傳君向古人求  
藥裹春心滿風帆晚浪收匡廬傍南斗歸作採芝遊

夢澤集卷之四



夢澤集卷之五

詩

陳魯南太史使楚還晤予江上因贈三首

校書辭漢閣持節到江城 萬乘臨軒送諸侯擁篲

迎王人周室禮神女楚臺情詞賦兼文物知無負此行

其二

其二

陸族遵堯典親臣踐楚郊北門虛視草赤社重分茅

不以雲泥隔猶憐江海交皇華勞藉慰玄困任人朝

其三

夢澤集卷之五

何意大江濱蒼茫接所親相看鬢已變轉盼迹俱陳

子是浮湘宮子為哀郢人嚴程不我駐臨路倍沾巾

偶出

偃蹇蒼巖畔沿迴碧水灣鳴琴林竹下洗幘島藤間

是處雲留卧餘生天與閒徘徊山逕裏指點暮禽還

進舸

進舸清秋暮吟風錦樹開前鳧衝棹散後鴈逐帆來

石出灘聲轉沙明月色迴欲知臨泛永試看曙光催

訪童內方太史于漢口舟中即席投贈二首

漢廣來非偶人還會亦奇獨趨金馬去暫遣白鷗隨

泛舸疑牛渚彈冠想鳳池當憐澤畔侶顛顛不勝悲

其二

每憶朝端舊寧期漢上逢舉杯酌鸚鵡吹笛擁魚龍

天遠江俱盡楓迴渚自重知君欲解纜為我且從容

宴魯氏園亭即事遂成艷曲二首

賓客醉華堂情親向曲房佳人牽架蔓稚子搦池楊

風起青蘋未雲生錦石傍勿云天日暮銀燭散朱光

其二

曲榭恣負綠名園更接連引枝分檻果撥藻數盆鮮

醉舞花低戶嬌歌鷺近筵儘教歡樂極莫負艷陽天

夢澤集卷之五

夜坐庭前樓鳥乍驚

側識安巢意那堪繞樹悲風寒難自穩月白更須疑

烏鵲仍三匝鷓鴣但一枝卑棲復如此何有上林思

劉氏雙挽

萬里風雲變松丘歲月深劒埋龍並逝簫去鳳俱沉

鬱鬱楸梧氣悠悠伏臘心承家看令子壯節比南金

寄楊太常 武陵人

屈宋流傳古丘園道路賒湘潭題杜若源水問桃花

黑髮違朱紱青山卧綵霞春霄目歸鴈早晚惠瑤華

遊武昌江龍盤磯寺



巨石表江心花宮傍太陰天寒龍卧穩雲迴鴈飛深  
棟宇飄明鏡汀洲嚮梵音慈航向夕渡轉覺戀祇林

與客夜宴舟中

宵岸移星舸秋尊款月扉弄珠疑漢女豉瑟憶湘妃  
聽曲魚龍出撩筵鷗鷺飛天寒不覺醉斗轉未言歸

送王洪德入蜀

落落幽并客栖栖荆楚顏遙知問卜去或足泛槎還  
雲雨經三峽風煙犯百蠻看君壯遊志去矣杳難攀

張子魚過訪

故人天上至清宴夜深開澤畔微芳度江臯膜色迴

夢澤集卷之五

三

楓林停翠憶月岸擁金罍正苦歡娛逼無令候吏催

送傅子歸豫章

歲宴向何處云之故國天行當臘雪盡歸及春風前  
片帆九江影瀑布廬山泉送君何所托為吊石灘賢

石灘舒國  
棠別號也

楚眺

眺迥臨高閣江湘萬里餘草邊雲夢獵花下武陵漁  
白日山川氣清秋水竹居仙踪同霸業消歇總愁予

夜過邵子草堂

覓徑依林薄傳杯竟夜分曲堤盤古月老樹宿寒雲

室靜江鳴徹山空鬼嘯聞倦來吾謝去明發過論文

江上贈羅汝廷太守二首

君今握印綬吾已息柴荆雪舸寒初繫風汀晚更鳴  
雲霄五馬貴江海一鷗輕贈子以何物中州攬杜衡

其二

獨釣江城暝相逢水國寒滄浪漁父曲綠鷁使君灘  
雪後雲增白楓迴岸匝丹一塵當歲晚行路莫辭難

雪中喜涂生數來

念子貧到骨佯狂頗自賢未辭東郭履頻泛剡溪船  
彈鋏竟不遇吹簫古有然蛟龍本神物變化知何年

夢澤集卷之五

四

夕渡訪友人

暝色滿清川幽人何處邊山腰翻落照水面汲遙天  
買爨灘煙合漁歸岸火懸剡溪今夜棹乘興未言旋

登武昌西山絕頂二首

昔望懷徒積今登氣益雄壺觴飛鳥外几杖入雲中  
地引江湖盡天含澗壑空壯心殊未已浩嘯倚長風

其二

山迥人躋倦雲長鳥去遲天中傾竹葉日下把松枝  
石想吳王劔城吟謝客詩醉歸臨渡處應與夕陽期

宿龍蟠磯寺中



龍象開靈嶼，龜戴法筵。石間攢寶樹，鏡裏湧紅蓮。  
香氣渾烟接，燈光岸火連。禪房風浪逼，永夜不成眠。

晨渡望龍蟠寺

石拔煙霞抱，舟迴浦淑通。樓臺疑蜃市，鐘鼓識龍宮。  
寶樹繁波上，金花落鏡中。何時登彼岸，一洗世緣空。

寄上富順王殿下

南國諸王館，池亭獨有名。楚風蘋未勁，淮月桂叢明。  
中物醒先析，當天暈已生。無令爲善樂，專羨漢承平。

戲贈西陽子二首

西陽談道術，冬日尚絺衣。啓戶徵情旭，無衾憚夕暉。

夢澤集卷之五

五

月

黃金慚不就，白髮欲何歸。饑餓朝來迫，蓬頭叩我扉。

其二

未試餐霞術，空傳煮石方。三旬九九食，顏面頗倉皇。  
灰冷燒丹鼎，香餘賣藥囊。嚴寒君少畏，歲已逼青陽。

春日山居即事五首

草動三江色，林占萬壑晴。籬邊春水至，簷際暖雲生。  
溪大迎船吠，隣鷄上樹鳴。鹿門何必去，此地可躬耕。

其二

瓜地斜侵浦，茅堂曲抱山。琴書青竹裏，枕簟綠蘿間。  
累日頭無拂，浮雲心自閑。交遊漸稀少，雙戶畫長關。

其三

築室清溪曲，爲園古道傍。苔痕侵戶牖，雲色上衣裳。  
牧笛依青草，漁舟隱綠楊。偶然幽興發，搔首放歌長。

其四

繁柯離傍樹，開渠檻外流。竹烟藏曉嶂，花氣覆春洲。  
玄鳥營巢至，陰虫逐侶遊。生涯堪放浪，何必世人求。

其五

野曠林爭出，花深徑屢迴。春風芳草上，亂水白雲隈。  
嶽接飛虫去，鶯沾落絮來。小堂宜竹護，一一荷鋤栽。

送王知事還蜀

夢澤集卷之五

六

月

佐郡已三載，還家無一錢。苦心成白首，達命任皇天。  
峽東秋江怒，雲盤古棧懸。歸來楊子宅，寂寞寸吾玄。

丁酉之夏，觀文溪子於大江之濱，與之述往感

時命酒坐石，揮涕而別，太息成詩。

愴爾離群久，艱危更可傷。一麾堪白首，萬死出南荒。  
天入瀟湘潤，風驚鸛鶴揚。雷堂古有戒，去矣慎舟航。

李袁兩生過飲

駕枉潛夫室，堂開上客筵。雖吾丈人行，愧汝兩生賢。  
春去傷花艷，年來倦草玄。吁嗟老將至，何以使名傳。

夢澤集卷之五



夢澤集卷之六

詩

寄汪子

憶當武廟未並上漢庭書放逐時皆散音容日以疎  
諸君不遠復獨我遂幽居鍛羽常年侶翻飛向不如

其二

不合輒投簪高踪衆所欽波流奮獨往海嶠發孤吟  
雖滯秦稽跡猶懸魏闕心徵書行且至棲遯不室深

其三

自免一何勇邴生誠戒師可爲智者道聊愜幽人期

夢澤集卷之六

歲月任公釣登館謝客詩肯令滄海岸重勒北山移

其四

群公方議進吾子獨初衣即市稱大隱於星應少微  
鵬圖無近適鳳覽有餘輝高士逝已久非君誰與歸

其五

自爾稽山卧風猷較古多名流掩王謝遊客結羊何  
洲島馮軒得雲霞岸情哦頗嗔冠蓋訪不厭野人過

贈邦伯吳公

予慕古循吏人稱新使君雖然改絃鼓不以治絲焚  
退食溪毛飲公庭鳥毳紛良哉二十石名已漢皇聞

混迹

混迹依田父全身學道流每隨兒牧豕一以已爲牛  
民擬無懷氏身如不繫舟小溪桃盡發還似武陵遊  
友有被謗而禱其官者詩以慰之

省已良非過於人乃不孚文身棄章甫按劍對明珠  
去位賓朋散還家僦石無丘軻亦偃蹇汝困勿嗟吁

有感

萬事不復理此生從所之自知心匪石誰念鬢成絲  
得失事非偶馳驅數已竒雖然罷通籍飽飯亦思私

遣興

夢澤集卷之六

深居懶出村習靜欲忘言岫苦雲霞變溪憎鴈鴛喧  
達生聊可托智者始堪論久絕青雲想從教白髮繁

觀漲

孤嶼崇朝失平疇一瞬深室廬淪水府網罟入雲林  
實想輕舟濟虛疑陸地沈敢興微禹嘆側識警堯心

江上送吳子

垂老難為別那堪落木紛雲霞綠岸合鳧鷖觸船分  
霜浦蘭尊竭風城玉笛聞此生湖海上何日再逢君

舟夜

澄潭宜夕霽倒岫入波流宿棹依楓岸張筵面橘洲



露縈敵女泣月瀉翠娥遊窈窕羣山接無煩海上求

過張道士方丈二首

欲尋方外侶奈迫區中緣石髓不可遇山房聊借眠  
虛空逃漢起道德出關傳何日丹砂就驅鷄上九天

其二

洞壑隣蛟館煙霞繞鳳臺神君當畫下仙客御風來  
瑤草侵堦長桃花覆水開願言分玉醴坐遣壯顏回

得陳魯南書感而賦此

與子才非敵於予意頗親歸來各吳楚老去竟參辰  
忽枉兼金訊長懷如玉人此生重見否數過益傷神

夢澤集卷之六

三

寄顏惟喬五首

馬卿才豈劣狗監薦難逢近老時名損長貧世事慵  
昂藏身是鶴變化德猶龍道大如君者斯人宜不容

其二

聞子幽棲處絕無人世喧琴書元粟里鷄犬似桃源  
雲影晝垂席溪流春到門弓旌早晚老白首去丘園

其三

身棄名何賴才高世總違著書唯木榻遠宦獨荷衣

游夏辭難贊聞准春秋作漁樵迹近微時能共童冠

溪上詠而歸

其四

道困已如此年衰將奈何有時傳郢曲落日更商歌  
長夜真難旦陽春未擬和祗應具舟楫乘興數相過

其五

昔君為毫守談笑靖風塵郡已殲豺虎時翻忌鳳麟  
奇功元不賞直節竟無隣後代看今史方知社稷臣

贈隣叟

屈曲溪迴谷青蒼樹隱村深山無甲子老境有兒孫  
畏吏棲鄉井逢人問國門漁舟花下入還似武陵源

訪友人

同是棲巖者今為出谷求攀稽遙命駕訪戴不回舟  
麗日青蕪郭香風白芷洲親交近零落願子晚綢繆

夢澤集卷之六

四

祖塋前溪邊穫稻

跡緣桑梓重心厭稻梁謀祖德何能述農功此暫留  
黃雲殷隴畝白鶴唳汀洲正苦蒼山暮那堪碧樹秋

哭江景孚二首

昔獻金門賦曾追玉署遊碧山憐息馬丹壑嘆藏舟  
壯志風雲散遺書館閣收延陵徒把劍何日掛松楸

其二

子已先朝露文章失鳳毛人皆惜年少天亦厭才高



學草餘池墨流芳托楚騷因之念朋侶寥落半蓬蒿  
過倪道士故居二首

服食知非誤先期汗漫遊閑門山鬼爾何處谷神留  
丹訣乾坤秘玄文海嶽收誰知松子宅亦有世人憂

其二

寂寞雲君錄摧殘鳳女臺海田猶有變洞壑豈無哀  
始學乘牛去終期化鶴來室餘金龜火千古不成灰  
喜張子自滇至

故渚依黃鶴長途自碧雞瑤華歸有贈寶劍去曾攜  
驥足衰難展羊腸險過躋從今無復出溪上伴鳧鷖

夢澤集卷之六

五

山庄雜興十首

老夫諳稼穡次第葺園廬對酒唯田父呼門絕里胥  
桑麻經雨後花竹宛秦餘如此生涯足何勞薦子虛

其二

事去心逾壯年來迹轉孤濯纓臨漢沔安枕荷黃虞  
春澗偏魚鳥秋隄近竹梧出逢隣叟飲醉倩野童扶

其三

避人開石戶覽物坐山堂湘袖寒增色江籬晚更香  
卜居悲楚客招隱憶淮王寂寞吾甘守浮沉念總忘

其四

計拙堪時棄謀生托野人鶯花無約束木石有比隣  
溪上思龍蟄林間學鳥伸逢人無一面語契即情親

其五

天地一虎舟浮沉雙白鷗半生從失計萬事不開愁  
山月杯中映江雲几上流狂歌人莫測吾與鶴滄洲

其六

圃坐晴逾麗畦行晚更宜客從蘿逕入自笑葛巾歌  
果熟山禽戀林馴野鹿隨憑欄契物理衛足頗欽羨

其七

樹古村墟僻江寒邑里秋過雲頻送目累月不梳頭  
廢禮緣多病求仁未寡尤呼兒問網罟明發上漁舟

夢澤集卷之六

六

其八

葉減山爭出林秋景故偏候虫喧冷砌過鴈影晴川  
月酌沾松露楓吟雜澗泉何人會幽興寂寂自鳴絃

其九

物換竟誰使朋來非我期曙光隨目薄秋籟入雲悲  
速婦開新醞從兒誦古詩自為真率飲忘却鬢成絲

其十

蘿軒時散帙苔澗亦垂綸翠竹供詩遍蒼林佐酒頻  
岫重遲見旭源曲易迷津早契沈冥理難為俗子陳



立秋日陪七澤兄飲

行年差近老流序忽驚秋雖奉連枝喜其如一葉愁  
孤煙沉色井返照入林丘少日青雲志相看恥未酬

春盡

春盡人將老庭開晷獨遲絮飄兼鶴毳花落骨蛛絲  
石榴依琴瀉雲陰入戶移幽懷偏水竹晚步故臨池

送人

君移夏口棹去作越中遊臘意含新柳春聲隱凍流  
南行探禹穴東望接蓬丘湖上風光好鶯花累月留

九日同田子宴武昌西山

夢澤集卷之六

七

令節樊山宴深秋楚客哀雲長一鴈往江遠片帆來  
倦倚丹楓憇回看蒼渚開登高復能賦知爾大夫才

秋日寄劉子

直道古來少如公迥不羣結廬衡嶽下垂釣古江濱  
竹向皇英覓雲從赤帝分慚予亦楚產何可擬清芬

歸自山庄作

萬事形骸外半生魚鳥間為農稀出郭習隱不居山  
晴旭歡獨往暮雲倦與還呼兒檢賦草閉戶細加刪

郊園

獨此郊園寂蕪之徒侶稀灌園踏碧草把酒看翠微

竹晚輕颺度樓晴片月依自無致身策莫遺賞心違

送張都閫致仕歸二首

山郭秋陰重江流畫戟明亦知南顧慮其柰北堂情  
去偃龍蛇陣歸尋猿鶴盟伏波今未老銅柱尚標名

其二

爾家淮海曲秋日賦歸來戎服本儒行將軍今老萊  
舊請司馬法兼有李鷹才寶劔君長拔無令染綠苔

宿九峰寺

疋馬九峰下寒宵萬壑陰月當層殿起雲擁曲廊深  
煮茗開松閣焚香對石林諸天倚愁寂鐘磬淨塵心

夢澤集卷之六

八

哭陳魯南二首

九原如可作諸子孰能傳隻字都人重遺書漢使求  
龍蛇賢運厄霄漢歲星收檢爾平生贈長吟恨未休

其二

尚憶論經地猶聞考牧年焚魚滄海上吊鶴白雲邊  
竟阻生芻莫遙悲宿草阡從茲廣陵散無復世人傳

以詩賦呈諸知己

形穢燕人石心憐楚客詞自矜小子學直愧壯夫爲  
積歲知多誤成家恨已遲抱琴者誰子絃絕為鐘期

人有自郢來者輒有所述敬賦三詩



帝典隆先德王心永孝思一為市邑幸重觀漢官儀  
民以粉榆復恩於父老私普天蒙在宥茲地特先施

其二

周王湛露雅漢帝大風歌野老提攜聽邦人感激哦  
邑爭牛酒獻道望羽旄過金石音當被乾坤德豈磨

其三

殿閣重臨日園陵歷覽餘間闐警蹕婦子識鑿輿  
谷應軒轅律山藏大禹書天文將睿藻輝煥楚村墟

宴魏子園亭二首

池館名江國賓朋實楚材屏間煙霧濕鏡裏菱荷開

夢澤集卷之六

九

鶴以吹笙下魚因鼓瑟來盡歡須秉燭歌妓莫頻催

其二

近市林依宅叢生桂挿天偶來大隱地高詠小山篇  
蘿暝雲歸洞窈窕月到筵花間迷出處須仗主人前

再過魏園兼觀衆作輒賦二首用前韻

投李慚無報如樗分不材草堂綠主重竹逕為誰開  
偶與觀魚坐頻能相鳥來高城雖日暮歸騎且停催

其二

卜築雖人境無喧即洞天買園便水竹留客出詩篇  
砌鶴晴隨仗城雲晚駐莛苦吟何不就珠玉爛吾前

集魏園再用前韻二首

名園邀上客一一豫章材蓋轉蒼林入尊當錦石開  
跳波魚自樂得食鳥頻來莫厭相遇數星霜暗已催

其二

秋至猶啼鳥林丘別有天客皆中散駕詩是少陵篇  
翠篠留吟管丹霞冒酒筵平生山水調今日盡君前

江上

晴日飛芳洲春風振碧流靈均蘭可攬神女珮堪留  
漁豈臨淵羨仙因入海求機心息已久自喜不驚鷗

夢澤集卷之六

十

卷

夢澤集卷之六



夢澤集卷之七

詩

戴子

戴子自奇七鳴鞭入我園高義膽可吐悲歌聲復吞  
羞稱三輔俠不食四君門拔劍從此去捐軀行報恩

秋懷

幽客晚窺戶農人秋築場牛羊歸委巷鵲鴛下田塘  
寒潦蝕叢竹淒風踈古楊田園誰謂樂牢落亦多傷

園內

力疾扶筇出乘閒採藥行春林群鳥悅朝日百花明

夢澤集卷之七

水石留連坐亭臺次第營賞心猶未已極浦暮雲生

飲汪氏庄

蕪穢貧家產悲傷過客魂野翁談廢塢鄰豎入頽垣  
石鼎燒松葉瓷甕藉竹根那堪對搖落寒日下孤村

家僮舉網獲龜即命放之池中感而賦此

知與天機協形為世網嬰縱歸紆汝困求報豈吾情  
幸不割腸死無妨曳尾生微軀難自料何貴有靈名

過吳道士山房四首

日月神能駐雲雷氣可生石床蒼蘚剝金澗紫芝榮  
仗劍龍爭役吹笙鶴自迎誰知列仙圃今已在江城

其二

塞兌人難語同塵市可藏步虛朝振珮禮斗夜焚香  
林長金光草峰開紫翠房羞稱小山侶結束事淮王

其三

石髓邀賓飲丹書閉戶編鳳蕭仙子下鴻寶至人傳  
滅火遙揮雨排空或駕煙遨遊允幾日碧海欲成田

其四

逍遙潛咫尺變化屬瀕更朱雀來窺治蒼龍為守鑪  
瓊瑤林際草山海壁間圖但使黃金就寧悲白日徂

袁生馬射

夢澤集卷之七

生本五陵兒驍雄主將知弓彎明月抱馬過浮雲馳  
觀者咸稱善敵人何敢窺時平嚴征戎應不困邊垂

夜坐

生事日蹉跎將如落景何馬蹄持自誦牛角扣仍歌  
把燭秋蛾集開簾夕鳥過長風自寥濶颭颭振庭柯

寄張子魚二首

張衡吾畏友今已賦歸田說口雖三至嘉名每獨全  
劍分終自合寶棄復誰憐道遠無由晤含悽寄此篇

其二

骯髒時多忌逢迎術轉疎一朝懷薛荔即日棄簪裾



把翰思玄賦投魚隱素書試看當路子馳騫竟何如

吊汪子

蘭芳元自禍玉玷竟誰磨逝水今如此為山復幾何  
素餘螢照息谷更鳥聲多且未遊方外臨戶詎忍歌

溪泛詠水中月影一首

圓景懸初滿澄川映頗宜魚龍蟾並窟荷芰桂聯枝  
擊汰珠光碎沿流壁彩隨素娥非不潔終夕浴漣漪

春日學宮見雪一首

雪是初春積人於此地逢紆迴青帝駕散漫素王宮  
向晦能無昧當陽忽已融映書貧士喜何計緩東風

夢澤集卷之七

三

初月

舉頭新月上宴坐北堂時入攬不盈手窺粧祗肖眉  
莫生桂與逐蚌實兔偏隨清光勿恨少向滿每由茲

書館對雪示諸子

白屋初鳴霰青衿此下帷歡披謝客賦苦詠曹人詩  
莫逐輕盈性須安寒素姿林中有杞梓今盡化瓊枝

春日郊遊同所知

芳郊聯騎出竹苑聽鶯遷共酌陶嘉月相看憶昔年  
病因春事減窮益故人憊祗恐聞鶉鳩花間拚醉眠

春遊贈劉子

時會猶爾匹歡賞合攜傳未老縣車卧乘春結駟遊  
雲光馳翠嶽樹彩幕芳洲飲興無令盡明朝復此求

病中得顏子書并見示諸作一首

卧疾當寒景空齋正爾思五禽終日戲雙鯉遠方貽  
久著潛夫論初傳少女碑君才猶不用如我復何悲

道院對雪

朔雪蕪風度玄宮此日開飄飄萬鶴集髣髴五神來  
綴洞石垂乳被巖瑤作臺晚筵聞鳳吹益信在蓬萊

聞等二首

楚館名娃出秦箏逸響傳徘徊芳樹側掩映雜花前

夢澤集卷之七

四

鴈促玫瑰柱鶯喧錦繡筵年來哀怨切復此感繁絃

其二

花月可憐春房櫳映玉人思繁纖指亂愁劇翠蛾顰  
授色歌頻變留賓態轉新曲終仍自叙家北本西秦

遣興

并介元殊性浮湛非一歡嘯歌聊自適儕類肯相寬  
努力時難值驚心歲易闌何能忘魏闕自分老江干

寄顏惟喬

竟日無歡緒臨風懷所知泥塗今老大羽翼各差池  
芳草未堪折浮雲空自馳山中逢歲晏何以慰相思



喜阮子自蜀歸寄贈一首

昔厭蠶叢險今耽漁浦深  
狹中垂束帶多病合投簪  
子暮竹林侶長瞻楓樹林  
詠懷如有唱莫惜寄同心

遣興

向人久落落為計竟區區  
釣弋祗從好林廬總冒昧  
山風吹薜荔溪月浸菰蒲  
敢擬高賢跡聊全不肖軀  
過范德和書屋因出所作見示留贈一首

谷暖亂鶯啼春晴酒為携  
芝蘭叨入室桃李自成蹊  
黃綃人皆獎青衿孰可齊  
聖朝經術選安得久巖栖  
十五夜觀月同所知

夢澤集卷之七

五

耕

南樓頻遲客西園復張筵  
賞屬清宵厭心從碧漢慙  
玉輪光始滿紈扇影初圓  
竟夕渾忘寐斜輝益可憐  
八月十五夜對月獨坐

月當三五滿絕勝是今宵  
夾露蘭光濕含風桂影飄  
謝客懷空結西園誰見招  
徘徊星漢側吟詠亦逍遙  
對雪

銀霰拳帷集瑤觴倚檻揮  
着梅花早落入柳絮先飛  
饑鳥不避戶凍雲偏坐衣  
青陽雖稍近終未勝寒威  
舟中對雪

朔雪度江樓蕭蕭生晚愁  
輕迴青雀舫密隱白鷗洲

游女珮堪擲空如璫可留  
無媒向空澗含思對滄流  
冬飲曾園今春日復往馬  
故有此作

名園重繫馬麗日此開尊  
凍解溪聲亂暄回林氣繁  
轉憐花識面更覺鳥能言  
祗恐春光盡留連日易昏  
志感寄京邑友人

棄置已如此飛翻知幾時  
不材堪比櫟陋質免為犧  
抗論復誰信壯圖空自悲  
敢云絃似直實有髮如絲  
贈舒子二首

亦有振子意其如吾力微  
捨榆聊自適濡沫暫相依  
吳楚推儒行風霜損客衣  
生涯雖濩落奇氣尚翻飛  
其二

一從棲楚地兩見改楓林  
岐路興長歎江山入苦吟  
交遊盡途掖登眺幾開襟  
誰謂貧為病高風益可欽  
夜坐

晚林虛白室淨几太玄經  
養拙閑幽獨凝思啓性靈  
空階沉霽月縣牖內秋星  
不寐時披戶流飈暗激螢  
江上送吳明府以讞赴沔陽

盤錯才能辨明威獄可孚  
非綠審虞芮那得泛江湖  
琴和雲間鶴弱隨波上鳧  
簡書雖可畏魚鳥亦堪娛  
豫章陳生紀善堪興詩以贈之

夢澤集卷之七

六

常



汝擅青烏術頻爲黃鶴遊山川委情扶歲月傍窮愁  
善補神功就能令鬼福酬高蹤何所似漂泊一虛舟

春遊

晴日動春沙乘閒到水涯開顏聊自媚得意欲誰誇  
躋磴時捫葛尋源屢入花江山憐病客行坐惠烟霞  
奉酬皇甫百泉雪中見過留贈之什三首

積雪惟儻卧衝風故籠臨飄揚狂客性高潔直臣心  
懷瑾鮮可示投珠誰見欽賴請消息理庶緩白頭吟

其二

雪裏使君至光增孤白鮮玉珂鳴宛轉瑤草踏賁綠

卷之七

七

剡曲偶移棹郢歌堪被絃報瓊慚未可寡和古今然

其三

含香辭漢署投賦吊湘纍白壁竟誰惜素絲誠我悲  
豈圖當雪夜聊得協風期丘也君能學應知涅不淄

贈廖子

嗟爾老風塵名堪高士鄰他鄉長作客異術耻干人  
月酌江城夕花吟楚岸春萍蹤任流轉隨處有交親

中麓二首爲李吏部賦

聞說胡山勝雲霞萬壑平登丘望遠海送目寓高情  
鵬激天風起烏隨晚日生降神元有自應繫百年名

其二

迴望蒼煙合從中素業留高深開隴畝伏臘感松楸  
俯瞰朝曦上晴看海霧流主人棲省署魂夢此相求

贈張子

自遂歸田卧何曾入郭行比鄰稀識面州郡祇知名  
但結漁樵侶寧關婚嫁情溪潭垂釣處日見白鷗迎  
寧公房對竹

雙樹謁空王叢篁隱上方欲窺童子偈因憇此若堂  
法雨晴塔濕香雲午院涼招邀竹林侶同醉給園傍

遣懷

卷之七

八

齒髮今非故沉冥朝復昏扶衰綜上藥謝客偃中園  
通顯多相棄達生聊可論壯心隨草莽末路信乾坤  
自圍江赴黃條忽望見城郭欣然賦此

野水平侵岸澄江穩放船櫓聲雜鼓吟檣影曳雲煙  
漫逐群鷗後俄驚百雉前長風如可假乘夕向遙天  
與數客偶至一所率爾題壁并示同遊

茲地豈不邇吾儕今始逢林深睥睨入逕古剪除通  
壞石無地異琴尊幸此同一丘雖絕小心賞獨難窮

對雨

晚岫雲全出春江雨半吞氣先占礎潤聲急討盆翻



簷溜爭依戶渠流欲潰恒吾方厭塵垢天爲淨林園

別墅邀賓

與客過林塘留歡出所長投壺按魯鼓弄笛據胡牀  
屏跡愚爲谷逃名醉是鄉二三同志者倘肯恕吾狂

晚泛

投林衆鳥疾薄暮孤帆開落日似相逐前山恍自來  
雲霞互明滅風浪爭喧壓待月面洲渚徒嬰逝者懷

訪百泉先生

謫居皇甫子獨步帝庭才吏隱門常閉賓朋逕始開  
求羊非我輩驅馬爲君來向夕香風度澤蘭誠可哀

其二

憐君公府內而乃構幽居暇日頻招侶無時不著書  
悲歌行自激直道向人踈放逐空嗟久誰聞薦子虛

初夏遊西山歸作

東陸銅潭改西山石逕迷暑輕經夏淺緩步獲高躋  
列岫映杯小孤雲行几低江天宵色裏客散欲聞鷄

陳叟

固窮誰得似汎愛竟何如齊客空彈缺虞鄉在著書  
徒勞門駐馬無補釜生魚寂寞人云苦君顏日每舒

其二

生事緣儒誤傷心近老貧一塗資弟子數口仰交親  
身屬工詩病人譏賞酒頻時瞻戶外屨多是問奇賓

與二客留酌竹圃

林當大道側客出古城隈欲就七賢飲還邀二仲來  
鳥聲流碧樹人影墮蒼苔不必淮南桂淹留日幾回

別業偶題

紛紛車馬地寂寂丘園身始悟閒門趣非關遠市塵  
入林先稚子分饌及農人日暮駕言返涼風吹葛巾

其二

耽晴出今日待雨耕後時農事豈不苦褊心良所宜

塵袪逢水洗露坐任風吹散髮烟壚裏行歌誰復知

贈別皇甫百泉

憐君辱刀筆愛客具琴書奇字人堪問能名孰可如  
鳥因求友至羊以敗羣除飾吏須儒術應知用不踈

其二

一從辭上國每恨寡論文與子時相見令子日有聞  
偶來珠復去暫合劍仍分倘賦相思曲因風報楚雲

其三

赤壁嗟流寓金陵喜量移遲迴今日別迢遞夏雲隨  
故國三吳按王宮六代遺之官燕過里去住慙心



其四

江路指姑蘇，蘭橈入畫圖。客深諳楚語，字近聽吳歎。親愛唯貪聚，君恩實恐孤。過庭九幾日，復作省中趨。

夏日山居即事

市逼村非遠，城紆路亦長。藤蘿青壁樹，雲鳥翠微堂。林日晴多蔭，溪風午薦涼。北窓時偃卧，人代接羲皇。

其二

寂寂郊原室，悠悠野客心。蒼林鳴鶴起，白石飯牛吟。坐翫高雲變，留連片雨陰。回車山逕晚，多露畏相侵。

其三

澗古苔長滿，林深逕復微。偶經松竹處，聊挂薜蘿衣。水鳥窺籬落，山雲拂檻飛。農人驚節邁，負耒夜深歸。

其四

相過嫌俗駕，自贍愛貧家。陶令門前柳，秦人洞口花。試暄看野馬，占曙聽林鴉。耕稼誰云苦，吾生幸有涯。

其五

開門臨巨壑，扶杖入平沙。雨後桑麻長，風前楊柳斜。仰天歌自勞，休隴聽農誇。應笑穰田者，籌車望已奢。

其六

寂寞翻為樂，漁樵更可親。林臯無俗務，草澤有閑人。

夢澤集卷之七

十一

月

祇欲全疎拙，非關慕隱淪。偶然隨稚子，驅犢古江濱。別空山陳子

之子憶南州，行行且復留。頻年悲旅食，五月問歸舟。守黑雖卑術，談玄實雋流。秋風期返棹，遲汝上江樓。

園中作

林間先自僻，農圃近相安。不樹千株橘，猶滋九畹蘭。放歌山荅嚮，得酒月留歡。就枕夜方寂，空齋聞遠灘。得友人書感而賦此

少日同聲者，書來祇數行。二毛知潤絕，雙鯉恨淒涼。久賤親交棄，無求老態狂。世情那可問，明發泛滄浪。

閒步

卜築蒼巖畔，為園碧水涯。浴童依淺瀨，浣女散晴沙。中散林惟竹，東陵圃是瓜。村頭歸欲暮，巾服映殘霞。

寄友人

獨立向江天，相思隔暮煙。草玄從客笑，衰白故人憐。五嶽幾時去，一丘長晏眠。幽懷何所寄，叢桂晚逾妍。

別墅即事

衡宇終朝偃，鄰家此逕分。重林頻翳日，頽水自蒸雲。村暝驅牛返，門間啁雀聞。野人休錯訝，然牧本吾羣。

其二

夢澤集卷之七

十二

日



杖策攜群稚，墟行野色開。泉因剝木引，逕以逐林迴。  
遠壑孤煙起，高城片雨來。所欽人跡罕，吟嘯興悠哉。

送十一叔入試

竹林頻接宴，草澤每憐才。匣劍豈終閉，囊琴今始開。  
南園鵬激水，北首駿登臺。戰勝知能事，秋風揚策回。

贈東甌鄭磐山兼留其北上

挾冊來何地，投詩謁我廬。能工四聲韻，兼擅八分書。

貌與葛巾古，心從蓬鬢疎。君無羨京洛，且學楚江漁。

其二

懷寶不獲售，栖客楚鄉詞。高凌幼婦篆，古逼中郎

書澤集卷之七

十三

相士因貧失，依人減醉狂。朱顏俗所薄，感激欲沾裳。

翟汝和雅善聲詩，兼工圖繪，浪迹荆鄣，高視時

人一方縉紳爭先，迎致漆草，點綴價比南金。然

沙和不屑也。今來謁予詩以贈之。

翟生負性氣，自許更無前。對客詆諧評，人美刺偏

頗。為豎儒罵，每荷名公憐。圖畫知非志，無令好事傳。

送戴中丞歸

落魂郢中客，銷魂澤畔吟。久掄和氏寶，且伏五生金。  
君勿憂多口，人當諒此心。行經武夷下，頂上最高岑。

其二

歸去豈不樂，聊為留滯吟。竟何污白壁，暫亦鑠黃金。  
以我常失意，於君倍感心。諛人行且得，安可老雲岑。

泛鮑塘塘在元祐宮前，用顏漢東韻。時顏司空

索傳二中貴在坐。

錦纜仙源接，銀璫帝邸來。駁巖臨水映，鷓鴣觸船開。

秋遂清商發，晴宮紫氣回。再來桃水路，莫遣世人猜。

其二

玄宮金間碧，秋水澄清槎。泛還依斗簫，鳴且勸航。

筠籠持棗獻，芳餌得鮒烹。鶴駕何由假，招攜仗友生。

生日有感簡同館漢東少泉二子

書澤集卷之七

古

五十來年是行藏，往日非因之。念親舊存者亦幾希。

孤矢心猶壯，文章力已微。操觚從二子，衰薄藉餘輝。

贈王生

近識七山子，居然三楚賢。竹林時偃蹇，蘭澤恣寅緣。

莫謂覆盆下，還期揚策前。谷回鄒子律，喬木看鶯遷。

奉別大司空顧公二首

公旦營周禮，諸生規楚材。紀詳王迹起，閣重帝鄉

開。獻歲書從入，乘春節與回。園陵望不極，淚盡漢江

隈。

其二



棄置時將晚疎狂性莫移項緣外史乃得赴尚書期  
白雪竟誰和肯雲非我思泥塗苟知已瞻戀不能辭

### 賦石泉贈施子

施生羨少年結廬依石泉掬泉淬寶劍坐石鳴朱絃  
自子表孤派從茲赴百川臨流時洗滌勺水漾青天

### 奉懷賓雲

吾宗賢伯子未老已懸車黃綬不屑飾清尊寧遣塵  
羅傷廷尉宅書滿鄴侯廬隣屋如堪假從君此卜居

### 賦空山贈陳子紀

陳子紀客遊沔鄂以堪輿家稱然其人實儒生

學集卷之七

五

雖迫貧驅終歲奔鶩卒卒無須申間而不廢詩  
行坐輒口微哦至斗酒暢酣則仰天掀髯豪吟  
不絕隱隱稍自矜許似莫測即其詩往往中法  
程可謂吾里二三輕俊實不解詩見其吟也作  
勢狎之曰客子卑卑何得詩紀唯唯下之稱不  
敢而中實傲睨包笑彼又善詭括世俗諧語應  
事出之輕重悉得予或憤鬱與之談輒解頤此  
其醜藉豈常調哉嗟乎古稱相士失之貧彼皮  
相之士顧何能得陳子矣今來以共號空山請  
曰公知我幸為我賦空山遂援筆成此贈之

已乖俗子調遂結山靈知獨往似逃侶偶來非赴期  
靜聞颺颺嘯動見烟霞隨巖洞晚歌及言歸當勿遲

### 贈戴醫

戴醫方弱冠流輩不能如何自受神術非徒讀父書  
其父弁亦名醫而衰殘年賴保延致日無虛尚有耽

### 詩癖煩君樂與除

### 定惠院宴集四首

三載不一至朝來當暮春江山宛如昨花柳幾回新  
信美仍吾土招邀且故人相看惜一醉無乃負佳辰

### 其二

學集卷之七

六

伊

石磴接巖扉行行上翠微賓朋花下至雲鳥竹邊飛  
韶景度欲盡舊遊存若稀蘇公何可作今古一沾衣

### 其三

結侶乘暄出憑高望眼開閭閻深負渚阡陌曲侵臺  
展席春雲映歸軒夕鳥催回看遽陳跡相送轉徘徊

### 其四

佳境不可厭芳時聊爾尋一披遠岫色兼會澄江心  
放誕從吾適遲迴屬所欽不知同醉者後此幾同臨  
府治內禮賢堂落成桐岡君張宴於此以招郡  
之耆舊予固匪人幸奉杖屨茲九月八日吾輩



亦就此供具少展謝私詩曰躋彼公堂稱彼兕  
觥此之謂也乃即席賦詩四章

九月明朝是先期楚客狂競攜田父醞同上禮賢堂  
灘嚮來官舍雲陰過女墻當關幸不擾緩帶罄杯觴

其二

逐侶入逡巡琴尊就此陳急娛朱緩客預效白衣人  
更迭前爲壽流連晚益親輿臺私借問庶事主爲賓

其三

吾儕每一見輒頌使君賢治出龔黃右情將竹素偏  
訟庭乘暇日開閣禮高年異代今朝飲長爲故事傳

夢澤集卷之七

七

七

其四

高情報恐後是日出田家久擬輸芥子何能待菊花  
庖厨依紛蝶中服映丹霞款語須分記明朝向客誇

湖上言懷二首

依依一水上况值沍寒時非漁復非隱自笑還自悲  
應時脩網罟終日對鳧鷖興至泛舟去尋源歸每遲

其二

微利素不屑衰年緣底忙祇因迫婚嫁遂爾逐漁商  
貨殖豈吾道浮沈聊此鄉交遊從見絕鷗鳥日相將

病日小愈志感

病目經三月茲晨稍辨人真憐長夜旦已負一年春  
庭藥開應徧園禽聽轉新誰云今小愈念往益傷神

小齋執熱躁鬱可知風雨忽來形情稍適於是  
期故人之再至望神女之少留乃賦斯篇云耳

苦熱何能避歡悰此暫裁風因解愠至雨爲濯枝來  
脫帽披軒出寒棠逶迤回行雲忽不見目極楚王臺

一雨數日不絕田畯抱病獲之憂予聞而嘲之  
曰甫幸其潤隨忌其溘然則天之欲媚於人也

難矣感而賦此

沾灑初回槁沉冥乃積陰未成書喜雨轉欲賦愁霖  
天地竟何意吾人還此心安能即開霽疇隴慰悲吟

夢澤集卷之七

七

七

送鄭公北上

離筵開祖道別駕向神京蜚輓王程急馳驅官况輕  
處膏元不潤濯水自知清好爲司農道蒼生望緩征

李生向予言曰妓有名秋水者頗麗人也戲賦

秋水

楚客誇秋水令予發興新漢槎頻評石洛襪自生塵  
日集鴛鴦侶時來鴻鴈賓不緣風浪隔長作問津人

奉酬桐岡公病後見惠之作

多病身仍健同聲思轉牽暫能逃簿領日每費詩篇



勿樂占非謬加餐勉自憐黃人爭祝願天眷使君賢  
石泉施生從予遊湖上數月忽中夜不寢枕上  
聞過鴈求曹之聲悵然有懷郊郢故人詰旦東  
裝向余求去余不能留詩以紀別

歲暮何所適孤帆溯漢源汝懷中散駕予愧孟嘗門  
酒盡即分手囊空唯贈言如逢郢中舊衰廢可無論  
雨中喜雲渠李子過訪山庄

老去交情篤春來野興偏忽聞衝雨過遠候出溪邊  
田大隨人後山雲落馬前何能避沾濕徐步聽鳴泉  
其二

夢澤集卷之七

七

相隔祇旬月今逢素髮繁春林黃鳥集晚岫白雲屯  
韶景惜遄逝昵交嗟僅存留君宵共寢往事夢中論

桐岡先生遷滇南憲副奉贈一首

郭公性本靜於此五年留遷晚仍常格途遙屬暮秋  
冠裳父老乞篇翰士人收他日經行處應難近竹樓



夢澤集卷之八

詩

贈鄭少谷

汝昔辭即日堂齋谷口尋經年種松菊攜客遠登臨  
澤傍蛟龍窟巖穿虎豹林朝朝泛煙艇夜夜宿雲岑  
竟被蒼生起俄驚白髮侵屢遊天姆夢時動越鄉吟  
障貌東南羨琴留山水音乾坤倦鳥翰歲月狎鷗心  
骭慳違朱紱踈慵本素襟異時筋力在去矣極高深

寄李子中

汝病謝含香歸歟卧草堂庭趨候杖履林樾訊松篁

夢澤集卷之八

一

卷

種樂春登圃尋源夕泛航猶憐臺館地不負芟荷裳  
屈宋元悲楚鄒枚舊賦梁卑棲愁燕雀高起羨鸞凰  
琴憶風流調詩留倡和章因君嵩少去吾亦念滄浪

石齋

巨石連天起崇隈壓棟隆南陽卧龍地西蜀草玄翁  
洞鑿峨眉闢根穿海竅通過雲開錦繡宿霧隱玲瓏  
潤助琴書色明添檜栢叢春垣牽紫蔓秋壁映丹楓  
淇澳常如琢他山信可攻堅貞君子德磊落古人風  
錫磬懸周廟為渠峙漢宮玉衡當萬國蒼珮冠群公  
鎮靜為磐久精靈降嶽同江河屹自障危巖舊曾空

作礪商家日和鈞夏府中升堂愧未可瞻仰借磨礪

寄韓道人

吾愛飛霞子餐霞卧藥宮時將黃綺曲高詠紫芝風  
洞草秋生細壇龍畫護空丹慮九轉就地與十洲通  
玉樹板何及青牛望不窮因君惠羽翰自此脫樊籠  
獨鶴冥冥去相從碧海東

四兄宅守歲

作客憐兄並吟詩悲歲歸久沉金馬詔俱惜彩衣違  
風戶沙潛晃春筵燭自輝棲鳥終不定宿鴈且相依  
側識凌雲思旋看比翼飛盤椒遲明發池草慰晴暉

夢澤集卷之八

二

昇

初至郡齋作寄所知

刺史章初館交遊迹已睽質隨江北化諾與汝南齊  
牒吏窺松逕輿人候藥畦藉膏期不潤戴李保無蹊  
葵準公儀拔棠如召伯栖踈慵優記馬奮激劣啼雞  
那敢蒼鷹效頻將白鶴攜宦情緣病少鄉夢被愁迷  
投劾終如范不湛誠類嵇何年衡嶽上初服遂攀躋

遊鍊真宮

羸女吹簫夜青鸞作遠遊已邀明月上空遺彩雲留  
石路遊人感瑤編方士求桂巖閒白鹿蘭谷卧青牛  
海嶽丹丘閔風塵素髮愁壇霞秋自落洞日晝長幽



冠蓋乘閒出琴尊倚道流羅官終欲去桃水弄漁舟  
已罷視事上官密令拘齋中禁弗得出悵憶故

山有作

弱冠才殊調明時籍早通蒼茫收印綬留滯嘆萍蓬  
變色休談虎逢嗔失避驄鷄猜玉饌鸚鵡恨雕籠  
散帙窓前草吟詩井上桐風簷窺暮雀月砌響秋蟲  
隱霧徒慚豹隨陽祇羨鴻齊臣歌白石楚客怨丹楓  
籬採黃花候山攀桂樹叢鷓心傍汝漢回首隔雲夢  
山水鳴琴外煙霞岸憤中安然似張翰乘興去江東  
張子言家難遠來視我今酒借酌述往感今彈

夢澤集卷之八

三

昇

陳苦狀復劇談越中山水約以釋縛後共遊焉  
憶折燕川柳驚看漢苑花我今悲下獄君已嘆無家  
躑躅誠如此依違並可嗟遠遊綠避地作賦擬懷沙  
越國心常往高談興轉賒軒紫滄海日觴泛赤城霞  
遠水龍蛇潭中原虎豹譁明朝拂衣去共子看浮槎  
獄中言懷呈諸知己

未敢言先伐何由免後災償金奚俟辯亡壁竟難裁  
畫地期無入書空意頗哀南冠冠琴奏切北斗劔光回  
雲路悲垂翅河津忌曝腮危機隨處有蟄戶幾時開  
玉獻翻為罪珠投轉見信然非木石何以動風雷

實少龍蛇德虛稱鸚鵡才頭吹劔子律一為煖寒灰  
被繫以詩呈諸友

鬱鬱心難白紛紛口奪朱約威憐檻虎局促效駘駒  
門客寧持壁鄰兒豈竊鉄人言傳大過吾志抱中孚  
孤憤韓公子離騷楚大夫逢人多按劔知己亦張孤  
跡因神逾泰時危德靡孤參乎非不肖慈母勿先通  
出獄留別主人兼欲有貸

畏途殊倚藉岐路暫相看生死交情見飄零客計難  
原思寧是病范叔果非寒有玉嗟三獻無金報一餐  
涸鱗斗水活窮鳥一枝安莊鳥吟何切馮驩歌未闌

夢澤集卷之八

四

共

平生流水引不惜向君彈

過杞同袁明府避暑學宮席上贈袁明府及諸

廣文一首

過邑逢仙令開尊藉廣文官牆迴赤日冠蓋擁青雲  
姐豆初進秩絃歌幾處聞池芹香細細庭檜鬱紛紛  
鼓瑟窺賢撰彈琴引帝薰堂開矜鱸集客散悵鳧分  
百拜難成醉殷勤此謝君

南歸道上作

丁役疲梁甸言旋傍楚宮蓬心漂泊苦劔氣霜歌雄  
跡異周南史情同塞北翁悲風欽代馬逐暖學邊鳩



家遠翻憐僕途迷或訊童從今歡稅駕達者豈稱窮

初歸故園作

結髮負奇志辭家作遠遊一言侵絳灌萬死脫幽囚  
倚伏虛疑鵬光芒隱射牛敢云疲漢戟實已敝秦裘  
習隱希玄豹忘機對白鷗生涯惟素業吾道已滄洲

其二

富貴雖非願歸來猶抱慙祗緣頻觸網敢謂早抽簪  
進退兩無據迂踈七不堪何妨流俗笑擬向達人談  
志業總虛擲艱危誠飽諳逃名棲市井投跡慕江潭  
病後過王生宅

夢澤集卷之八

五

王生年最少結屋面江灘白鳥當階下青山背郭看  
軒楹抱水石枕簟落風湍草色侵書幌波光蕩藥欄  
綠君得無恙來共把漁竿

贈張汝霖北上

吾國張平子風煙守釣磯思玄才不忝拾紫願多違  
是出輸芹曝非關厭蕨薇交遊行贈策妻子走牽衣  
試問登燕隴何如息漢機貂裘李子去駟馬長卿歸  
薛荔懸初服松筠隱舊扉獨憐垂老日更逐斷蓬飛

寄劉松石

鎮擁三邊重銜兼八座榮韜鈴臨玉障仁義即金城

神武雖無敵天威亦有征寒煙烽裏合隴月笛中鳴

直應師方壯恩驅命始輕何云無上策已見戢佳兵

虎豹爭為用風雲立可生書隨飛箭去檄至倒戈迎

百勝非天幸諸戎不日平橫行邊地拓獨坐虜塵清

質子趨周道降王詰漢京歌鐘時自勞成鼓遂無驚

定遠元投筆終軍枉請纓不言防衆忌求退為功成

但使龍庭滅寧邀麟閣名

過陳處士山居遂哭處士

偶緣幽事步因歷故人居薄暮鄰家笛流塵滿室書  
琴亡人與化舟去壑成虛磯憶投竿處林傷掛劍餘

夢澤集卷之八

六

空階積苔蘚寒渚落芙蓉玄草亭仍在青雲業已踈

昵交存僅半為爾立躊躇

懷京邑諸舊園中作

昔感同袍義長懷結綬情雲泥乖末路江海畢餘生  
忽觀繁華歇寧期腐草榮臨池思贈鯉倚樹聽遷鶯  
幸爾安愚拙居然負聖明因風訊知己歌此代悲鳴

寄應立齋郡伯

君家越嶠外為郡楚山阿官已二十石年初三十過  
理人去泰甚樂職布中和操割方時少循良較古多  
一言唯有愬衆口詎無奇簪筆評因誤持衡聽屬訛



遂令長者黜將謂至公何歸路經山海幽居寄薜蘿  
所歡息奔走其憚費吟哦去後思彌切從前頌匪他  
良規存故吏遺植護新柯愛比羊公碣清傳漁父歌  
唯餘田野議功德庶難磨

重晏魏子池亭兼約再遊故有此贈

與子接林間頻過遲不除歲華奄及此物態已非初  
流水逢君奏間雲向客舒高譚俱用馬偶坐或觀魚  
席促情無間尊移興有餘歷哇窺種藥經穴訊裁書  
待月留應久迷花出每徐人朝楊子宅自負葛侯廬  
不去憐佳境重來慰索居少年交易盡長日會難疎

夢澤集卷之八

七

自三台河泛舟至鳳巖

嘗蓄水雲興茲乘風日和纜牽仍擊汰棹輟且隨波  
竊慕太公釣猶欽孺子歌野風散蘭杜潭影翳藤蘿  
曲岸行逾近支流入轉多虫魚衝艇躍鵝鸛狎人過  
漸覺傍洲退回看遠岫羅詭容綠爽出逸思向空摩  
嚴子瀨若此秦人源匪他再來津恐失歸路奈愁何  
憶舊廬一首

今羈變節候看棲曠林丘蘋風浣秋岸花暄麗春洲  
林端楮圻折屋際玄霧流撫景足自媚寡欲罕外求  
一朝嬰塵慮十年事遠遊山中冷叢桂海畔驚羣鷗

龍性乖馴擾鶴姿愜清修初服忤久違華簪歡早投  
巖想偃荆扉渚怵鶯蘭舟倦翰飛屢懸駭鱗逝無休  
此語難俗聽探懷授良儔

詠秋泛一首

解幘登首秋緒風革開暑孤嶼賤驚湍輕挽鶩蒼渚  
寧舟吟越人鼓柁歌漁父霜林墮葉揚楓岸輕鷗舞  
蒹葭寒隱汀芰荷衰映浦披拂枉寅綠維繫乍延佇  
羨芹翠纓翻鱗鯽銀絲剖俯睇怍虬潛仰矧愧鴻舉  
泛梗傷在今乘桴豈獨古

答馬子一首

夢澤集卷之八

八

元

昔子棲今馬偕子謁彤闈秩俱晤不關頤愜契無違  
追尋屐偶歷招要孟遞揮夕談朝日上晝吟宵月輝  
振雅祛凡響抗志領時譏衝颺忽中激垂翅各分飛  
余征赴梁甸君徂出晉畿不惜謫宦苦但愴良覲稀  
青蠅既點壁緇塵仍染衣怨吏歡入穿哲人哈見幾  
枉子尺素問增我百慮依撫今覲昔娛忤物悟已非  
願言謝人徒北山行採薇

送蕭子歸一首

不謂風雲變能為江海行鯨鯢駭浪日蘿蔓附松情  
開國梁朝系承家漢相名淹留聊隱豹登眺幾啼鶯



夢掇廬山秀帆辭洛水晴嵩雲流古苑河氣幕炎城  
出璞寧三獻驚人想一鳴他時杖屨地東道倘相迎

李道士房呈張子一首

嗟我何多難無時不憶公蒼茫神劍合荒灘客囊空  
失路人俱棄餐霞孰與同何年當載羽萬里各飄蓬  
楚澤行歌外燕臺旅望中斷金諧老友煮石學仙翁  
晝色翻堦樂宵聲響砌蟲閉門苔蘚徑露頂薜蘿風  
洞裏燒丹竈花間使玉童十州應不遠從子謝樊籠

再呈張子一首

我歸指春暮首夏尚梁城偃蹇輟孤嘯夷猶滯道征

李澤集卷之八

九

已

憶山憤屢積卧病感易盈促促變昏旦栖栖感晦明  
良知念化離旅寓在漂泊連榻任縱誕駢筮展戲譁  
儷步循廣除偶睇散層閣志意攢縷悵憂患祛緒樂  
婁婁白頭吟燁燁瑤華音睦耳親暱談寄致翰墨林  
朋探耽散帙丘懋憶鳴琴賴茲君子侍可愉浮客心  
結髮事圖牒壯齡重交遊章甫不越過明珠無暗投  
個儻俗寡和齷齪余恥伏晚有二三士相與締繆綢  
趨途互顛躓鍛羽各參差詎知會無因枉作生同時  
公組竟不縲我榮亦已遺脩辭與明德努力副前期

經光山晚宿寺中王汝希過訪喜作一首

龍宮瞻郭外鷲嶺落城隅傍樹踈燈出綠溪晚騎趨  
珠林旋皂蓋竹戶擁繡徒海內誰相假君來意不無  
叱遣勞藉慰潤絕倍歡娛萬里排雲翼青春汗血駒  
雅懷憐孺子高論惜潛夫蘿月紛紛白松雲黯黯孤  
蒼茫登覺路悵望出迷途日月辭三殿風煙下五湖  
辛勤陳往事雖迨即良圖後會應無定寧辭酒重沽

歸故園作

浮轍厭羈羽歸驂謝飄蓬桑梓無改植阡術有遺蹤  
漱構仗先宇餘菴存故壙岫松增穉株林篁茂子叢  
霏霏薜荔雨搖搖菡萏風招要山中人追尋河上公

李澤集卷之八

十

登挹九疑嵐卧聆七澤淙往歷勿重陳偃蹇敦所崇

季夏遊赤壁借子言諸公

六月軒楹敞三分割據雄江迴城抱日艦火岸餘風  
詞賦留天上旌旗在眼中霸圖俱已歇幽賞幾回同  
檻外鳧鷗亂尊邊雲霧通松杉盤虎穴臺榭接龍宮  
早歲辭朱紱茲遊感數公願言攜桂楫常此狎漁翁

題槎隱其兄爲索

秋城逢謝客爲道惠連賢湖海將書劍風煙泛舸船  
生涯如范蠡遠意學張騫歲訪支機石予漸賣卜仙  
高縱一回首鬱鬱斗牛邊



文甫席上一首

宴集當寒景  
賓朋盡楚材  
祗緣鄉土樂  
翻重歲時哀  
臘意懸江柳  
春心倚檻梅  
香醪非市得  
珍果况闕來  
旬雪冬堂淨  
城氛夜館開  
自憐同落葉  
誰為煖寒灰  
日月惟丘壑  
英雄半草萊  
平生鴻鵠志  
燕雀莫相猜

題陳子隱居

愛君多野興  
築室傍溪源  
霜月蘆花映  
香風蘭葉翻  
卧聞春水至  
坐聽榜人喧  
鷗鷺何多喜  
龍蛇但久蟠  
臨流傷逝者  
達命頽終焉  
素業江鄉在  
高情栗里存  
楊林垂釣艇  
苔徑讀書軒  
雲壑中岫霞  
開石上尊

夢澤集卷之八

士

六

蒼藤齊刺壁  
綠篠半遮門  
豈厭漁樵侶  
惟耽場圃言  
園秋收芋栗  
村晚納鷄豚  
歲月老將至  
襟期誰與論  
應知岩洞裏  
別自有乾坤

席上贈吳氏賢子

豪士百憂無  
生兒風骨殊  
入門看寶劍  
照室動明珠  
晝日提攜意  
華筵賓客娛  
千年龍有種  
一曲鳳將雛  
學步猶防蹶  
看人豈解呼  
暫時棲玉樹  
他日取長途  
垂老江湖上  
生涯藥餌扶  
一持還一笑  
真足慰馳驅

夢澤集卷之八



夢澤集卷之九

詩

視江子疾樓上作

朝回駐馬問江生病愛樓居面雨城涼晝白雲流翠  
簾清秋玉露望金莖馮欄轉動層霄興伏枕翻思萬  
里行天遠時危俱涕淚南山空羨紫芝榮

雨中宿張子言家因示我苦雨之作

高士衡門遠市開開官羸馬踏泥來雲重檻落秋城  
色溜急堦傳暝壑哀隱霧即看文采變愁霖真美古  
今才滄波共着浮槎去肯傍燕關望楚臺

夢澤集卷之九

遊西山作

西山憶昔 宣皇幸幸嚴千巖御氣留金界尚看金  
殿峙玉泉長接玉清流君王水石遊人重畿甸煙花  
賦客收天上翠華無復度五陵松柏迥含愁

送劉郎中養病歸

日含鷄舌侍龍顏多病連章暫乞閒解印忽看辭漢  
署拂衣長嘯出燕關為郎苦節雲霄上倦客春心藥  
餌間帝里故人臨路訊冥鴻何日向鷄班

京邑言懷寄所知

十載為儒愧未成一朝謁帝荷知名每緣簪組思初

服轉向班行憶舊盟斤鳩蓬蒿聊自適爰居鐘鼓但  
悲鳴寄言漁父莫相笑早晚滄浪歸濯纓

裕州命下悵憶故山有作

吾家村巷枕丹谿野色平開萬木齊晝卧雲林啼虎  
豹春隨煙艇散鳧鷖符從天上新分竹杖憶山中舊  
策藜早晚便應投劾去鷓鴣元暮一枝栖

獄中作

嚴譴當年出漢京幽囚今復滯梁城計疎忘擬城狐  
獲謗重俄驚市虎成削木倉皇期勿對戴盆天日豈  
能明鄒陽痛哭題書地今古誰憐共此情

夢澤集卷之九

出獄後作

孤危心迹竟難明俯仰悲吟恨未平失馬詎能窺倚  
伏解龜聊得廢將迎嵇公釣弋從吾好翟氏賓朋任  
世情未信星辰虛寶劍且從江漢濯塵纓

經汝陽雨中馮太守邀飲

解宇雲深五月寒眼驚簷溜忽鳴湍不緣地主賓筵  
感那得天涯旅况寬散帙但吟神女賦移舟瀕上使  
君難聞歌漸覺鄉音似家近寧嗟行路難

初至故園作

久六園廬頻入夢乍瞻桑梓尚含悽朝簪昔忝雲間



出世網今逃鳥任栖舊製芟荷猶在苟不言桃李更成蹊且便越鳥謠吟苦敢擬蒙莊得喪齊

即事

楚園村墟煙霧裏春天門巷薜蘿間柳條到地可攬結燕子定巢頻往還新水潺湲遵故渚歸雲縹緲戀家山生涯甘傍漁樵侶世事虛傳鷓鴣班

寄顏惟喬

平生坎壈真憐汝一代文章實起予處士尚憂江夏禍長知新著茂陵書白雲在眼期乘鶴滄海無心學釣魚楚岸風花暮無數看山何日枉吾廬

夢澤集卷之九

三

月

寄吳子

汝謝郎官今十年家貧樂事未全捐門前已有先生柳郭外元無季子田吊古遠遊張樂地尋幽還上問津船瀟湘樓閣晴無數春日留題適楚天

夜酌龍蟠磯頭

大江之半石差戔石上樓臺蕩碧波沙淨鳧鷖依檻泊月明舟楫逼筵過中流擬接鮫人室深夜猶聞漁父歌危坐轉驚銀漢上幽樓翻厭碧山阿

江子景孚書至云將以使命下沔鄂訪予大江之濱因而寄此

久即林臯耽習靜每從京洛念離群仙人黃鶴長相待學士銀魚未可焚舟際岸桃晴映水屐邊巖桂晝樓雲呼兒預飭登臨具翹首星槎候使君

春日過四兄溪邊草堂奉懷一首

已傍煙霄開畫省獨留雲壑掩柴門天邊鴻鴈春先起江上鳧鷖暖自喧馥馥汀蘭愁賦客萋萋徑草怨王孫謝池莫漫懷群從漢署長應奉至尊

寄顏子

爾家何在漢川湄碧石青蘿晝雨垂溪聽採蓮諸女曲山謠攀桂八公辭即同沙鴈防矰繳爲愛江鱸理釣絲貧病經年思見面鶯花三月與君期

夢澤集卷之九

四

歲

室成

十年踪跡困塵埃小構堂齋闢草萊康樂石門躋險築少陵茅屋避諠開晚蘭籬菊幽香入煙柳霜梧歲色回燕雀衡門馬足賀求羊三徑喜頻來

許武昌邀飲西山寺中席上贈郭吳二部使

邑宰張筵臨澗壑省郎並馬入煙霞慚予一着登山屐愛爾雙停上斗槎石磴坐來秋蘚漬金宮禮罷夕陽斜剗裳暫喜同香岫燈火先愁散遠沙

其二



軒騎並從金刹駐，絃歌遙向碧山聞。巢邊鶴鶴窺遊客，行處漁樵識使君。絕壁松杉含晚照，綠巖樓閣綴秋雲。賓朋萬里過逢地，惆悵風前落葉分。

寄江夏白鶴子

吳郎自號白鶴仙，老去清狂更可憐。詞翰獨矜桃李葉，詠賓朋多慕竹林賢。悲歌擊劍臨風起，痛飲登樓對月眠。跌宕飛揚寧自惜，奇踪俠氣任人傳。

答許子

衡嶽峻嶒落楚空，瀟湘秋水與天通。已從波際瞻遊女，更向雲間禮祝融。萬里煙花詩卷裏，十年岐路淚痕中。擬將壯觀供傾蓋，莫遣浮生嘆轉蓬。

病卧書懷

深秋偃卧大江濱，檢點襟期愧達人。猶計桑麻元逐世，竟嬰婚嫁豈閒身。風城去鴈寒逾急，霜戶鳴虫夜轉親。遲暮不堪仍疾病，夢魂時復落風塵。

秋夜宿龍蟠磯寺中

三山海上但虛聞，茲境真憐禮佛勤。石勢參差蟠水府，金光縹緲出江雲。龍宮深壓鼉鼉窟，鷺嶺孤迴鶴鶴群。向夕繩床難假寐，天花汀葉闌繽紛。

蚤出待許子

閒居盡日樓林谷，遲侶侵晨出郭門。沿溜舸船穿宿霧，枕山樓閣上朝暉。交遊四海誰能念，出處當年子試論。久息漢機甘落魄，無煩楚些續招魂。

舟中聽張子魚歌奉贈一首

清秋染翰在江船，留客高歌對酒筵。風振雲林時颭颭，岸迴石瀨故濺濺。丹霄鶴唳牙樁側，碧海龍吟玉笋前。已激壯懷頻鼓缺，不勞別調更鳴絃。

過周子書屋

名園曲轉清江上，精舍遙連翠岫傍。閉戶時人占豹隱，抽毫流輩讓鷹揚。貽素帙頻開篋，宿問玄經屢命觴。虛白向宵如畫色，鄰燈何必借餘光。

送內兄謝虞輔之任

一官特起中丞裔，故里頻留弟妹情。老憶射屏會中雀，春憐出谷忽遷鶯。箕裘坐使家聲振，彛鼎行將祖德鳴。岐路柳條那忍折，門闌蘿蔓故爭榮。

秋泛三台河同魏范諸子

賦客蕭晨此並來，衰年勝地幾傳杯。蒹葭水落魚龍冷，島嶼風驚鴈鴛哀。漁艇縱橫秋岸合，遊軒雜沓暝原迴。疎林忽送青天月，沙色波光萬里開。

宴月川宅留贈一首



將軍好客幕相延銀燭朱光散綺筵勸飲鳴絃憐子  
夜談兵拔劍睨遙天朔方戎馬驚心後南國賓鴻短  
髮前莫遣壯懷隨逝水擬圖生像上凌煙

寄馮三石一首

馮公性氣本飛揚歷詆酣呼衆莫當處士久緣才見  
忌步兵聊寄酒爲狂一丘曲折藏花徑萬卷縱橫堆  
草堂獻歲風煙倘乘興隨君理棹下滄浪

冬夜懷童子

四海何人契最深百年幾度逐追尋禰心自信朱絳  
直病骨誰憐素髮侵干主無能行抱甕思君不寐起

夢澤集卷之九

七

鳴琴風江歲抄舟難進書報吾生久陸沈

夜酌舒陳二子

江城暝色靜柴扉遊子冬殘悵未歸過鴈夜分猶共  
逐飄蓬天末故相依壯心久客羞禪缺高義今誰爲  
解衣酒罷出門俱勿嘆古今奇士遇全稀

胡謝二子過訪

結廬非僻晝常閒桂樹中庭幾自攀乘興不期朝命  
駕聞歌未竟夜留關一觴草具來堪數三徑花深出  
每慳少小相看今已老君如不飲負衰顏

戲東落鏡子

落魄先生太古民頻年寄食楚江濱浮踪暫止終難  
定野性從來豈易馴番老獲妻寧計醜決辰喪女頗  
傷神田文好客黃金竭每食無魚幸勿嗔

懷鄭子

鄭子客遊淹吾廬詩詞間作真起予憶當出門與結  
束欲別上馬仍躊躇計日能迴楚水棹經年竟斷燕  
關書人生岐路恨南北塵暗望眼何由舒

病中武昌二客過訪詩以贈之

雙扉寂寂候暄開二客翩翩並馬來雪岸叢梅行故  
傍風江亂葉去仍猜壺觴力疾歡難竭林谷經寒響

夢澤集卷之九

八

易哀他日如追今日興古堂須記古城隈

宴集楚藩樓上作

別館張筵臨水上危樓改席向天中窓含江漢澄流  
盡檻俯衡巫遠勢通鳴珮忽沾神女雨披襟時拂大  
王風梁園勝事今非異楚國文儒古亦同

村晚

天時人事催寒景坐爾行吟到夕暉錦樹高原去鳥  
疾蒼苔小徑行人稀牧兒谷口驅牛入獵伴沙頭得  
鴈歸雙戶畏人時獨掩寸心回首願多違

春陰



兩月陰霏苦不開一春門巷客稀來風花狼藉惜將  
盡烟草微茫望屢迴萬事日非長閉戶百年今半且  
銜杯江湖遠適非吾興泥淖深棲祇自哀

病起

經旬伏枕艷陽天病起藤蘿遶戶懸少日親交魂夢  
裏一春花鳥淚痕邊綠溪力薄依人步課圃情多警  
豎眠天遣此生無俗累書籤藥罨任年年

病起過魏園二首

卧病顏鬢憐予改力疾池亭為子來隨處琴尊臨水  
石任情歌吹入莓苔禽魚狎客晴偏聚花藥娛人晚

步澤集卷之九

九

二

競開共惜群芳行欲歇莫辭中夜醉方回

其二

病後名園擬散愁春晴聽鳥特相求月前敢料能今  
宴年邁偏令重昔遊搦管訊花吟復立扶筇經樹步  
仍留平生霄漢誰青眼一斥江湖已白頭

山庄漫興

青松鬱鬱屯青靄翠竹森森傍翠微近日頗諳農圃  
學衰年寧負芟荷衣風簾乳燕衝人入霧渚鷺鷥欲  
子飛且對春光成一醉莫將身世恨多違

席上贈方士

仙客芝田傍白雲偶遺鶴馭到人羣酒酣射覆多奇  
中歌罷談玄總異聞仗劍向幽驅鬼物焚香當畫下  
神君人間妙術渾難盡欲續齊諧志怪文

病後客過有贈

病骨旬時虛酒筵壯心激烈嗟暮年秋堂過客擊枰  
後寒渚哀鴻吹笛邊尊罍當戶映初月松桂傍人生  
夕煙與君一醉緩世慮深夜敢辭吾欲眠

試巾

老態侵陵短髮知強顏結束試巾時向人雅協漁樵  
侶顧影何慚立壑姿新月舉頭從一墮過雲送目任

步澤集卷之九

十

長歌古來高士誰堪效折角風流是我師

客有以琴書謁予者賦此贈之

逸客野服自何所抱琴搦筆叩我高朱絃試彈清廟  
曲白鷺聊寫黃庭經委心天地盡吾土浪迹江湖真  
客星眼中二藝誰過汝有此已足垂芳馨

移菊

老管秋圃心偏愜曉趁春陰手自移欲保弱荻全宿  
壤旋鋤蔓草挿疎籬餐英望飽三閭腹縱酒謀克九  
日資直與烟霞添晚色更隣松竹稱幽姿

江上待友人不至



失侶哀鴻號近渚起群良馬出長途經年書札離心  
滿竟日帆檣望眼孤雪後江湖翻浩蕩春來雲雨益  
虛無不堪惆悵燕京別兼阻提攜楚地娛

周都閩歸長沙寄贈一首

將軍長揖出江城笑解兵符野服行制敵無慚古名  
將談經元逐魯諸生桑榆日短歸何恨蒼莖天高謗  
莫明衡嶽洞庭收壯觀玉關銅柱謝浮名

贈李子

青春君已動才名歲晚官卑俗所輕車案囊螢元世  
業翟門羅雀自人情貧綠嗜酒愁心失病屬攻詩老

夢澤集卷之九

二

態成莫謂儒冠身竟誤由來清苦是家聲

談生墨竹人擬夏卿點染石蘭猶稱獨步予欽

絕藝聊贈斯言

畫師好手久寂寞晚有談子能孤騫心機妙入此君  
室足跡偏謁諸王門自從屏障得汝筆忽驚瀟湘來  
我軒更煩拂素寫蘭杜靈均千古留芳魂

贈玄谷子

日者在昔多隱賢年來似子稱通玄予今五十豈知  
命汝困湖海空談天閉肆潛窺斗宿外被褐長揖公  
卿前吾鄉名流頗氣岸往往卷內留詩篇

館賓李子之歸也詩紀別懷兼訂來約

歲晚江寒木葉稀一尊臨水送君歸攜書莫厭生涯  
薄拂劍頻驚壯志違絕壁孤雲開曙景亂山疋馬傍  
殘暉相期轉眼王正月笑領諸孫啓竹扉

贈邵格之

清江落日片帆來野老柴門向夕開四海風烟雙短  
劍百年天地幾深杯圖書靜室幽人興鼓角寒城遠  
客哀旅雁賓鴻隨去住楚雲吳岫各徘徊

宴集赤壁書懷

春深遊興屬芳洲選地張筵對狎鷗赤壁逕盤危磴

夢澤集卷之九

士

月

出青天城抱大江流乾坤久厭三分業山水仍含萬  
古愁客散晴沙樓閣晚佛燈漁火共悠悠

過玄妙觀有贈

神君樓閣枕江濱鐘磬時時霄漢聞仙至忽逢青鳥  
使賓來頻舉白鷺群當筵揮灑皆成雨煮鼎飛煙盡  
化雲雙鬢向衰渾欲盡洞天石髓若為分

遣悶

萬事驚心傷老大一春生理屬艱難鶯花歷亂轉無  
賴林鳩棲遲殊未安學圃避人長抱甕應門報客旋  
求剋年來相信唯鷗鳥引子窺魚近釣竿



其二

病起衰顏聊自媚春深笑口向誰開五男不學從渠  
懶三徑俱荒阻客來日展琴書娛潦倒雨拋巾烏漬  
莓苔交游物化今餘幾倚杖看花首重回

夏日宴集宋寶山別墅留贈三首

先生堪擬葛天民築室郊原遠市塵客款間門鷺雅  
子自分餘酌到農人朱華冒日明棊局翠竹含風撼  
伯中不覩少微雲霧裏楚江誰信有垂綸

其二

城闔未盡忽田家心遠林塘近不詳往事仍栽彭澤

夢澤集卷之九

柳故人分種洛陽花園內洛陽花二種陶看山倚杖

移長晝拂石開尊駐晚霞莫道尚平婚娶畢更勞耕

稼送年華

其三

夫人屏跡此林中間徑唯將蔣詡同地靜鳴笳窺鶴  
鶴日高隱薈任兒童巾車欲返貪乘月枕簟頻移遣  
就風向客舉觴渾不盡料君餘興屬鄰翁

贈鄭子南濱

昔辱風塵為傲吏近精詩賦擅宗工多情好客頻謀  
醉苦節逢人不諱窮事去壯心存老驥愁來矯首向

冥鴻懶予幸托交游後鄉里聲稱迥未同

贈陳子槐野

蚤歲君才過一時儒冠白首竟傷悲圖南久擬冲天  
起戰北從知值數奇閉戶交游今漸絕傳經童冠日  
相隨老夫偃蹇同心事攜手蒼山歌紫芝

對鏡自朝

晨理白髮臨青銅乍對翻疑何處翁童心未除驚貌  
改壯志不就悲途窮五嶽擬遊誰縮地一丘偃卧間  
書空極知老醜安用爾攬衣起舞仍豪雄

對鏡自慰

夢澤集卷之九

古

年當知命轉多憂蒲柳俄驚颯已秋衰鬢自令慚  
鑒福心元不怒虛舟雲霄日起非先達泉壤年來半  
舊遊老子生涯良已足加餐痛飲莫他求

竹樓重修落成桐岡郭君以詩見示作此答之

有序

竹樓之敝其未久矣桐岡君治黃之二年百姓  
之急既紓境內之廢漸舉遂因財力之餘新而  
葺之覆易以陶榜仍其舊匪乖作者之意聊為  
可久之圖蓋精蘊之末嗣豈色象之是泥哉君  
每退食自公則登茲遲客或馮欄寓日或抽翰



泄恠湍瀨滿聽蒼翠清几乃知江海之興悉歸  
解宇之間魚鳥之娛雅佐羔羊之節茲吏隱之  
攸寄非塵空之能逮也况登高能賦共推大夫  
之才而欲報不成將難郢曲之和乎

竹樓占勝城頭出郭子為邦海內聞仍貫舊題應不  
改治綵新政自無芬雲霄懸榻綠高士島嶼開簾近  
使君誰信喧囂官舍裏煙霞與客日平分

寄荅王子新有序

昔淹梁獄獲交子新于時厥考視學中州君方  
貴遊况當英妙而予辱在糞土乃能抗違眾怒

棠澤集卷之九

五

顧我園扉見其雋才偉質綽有父風况又旁通  
六藝下逮諸家妙善悉臻雅俗兼舉良由神解  
匪假師資予固意其驥羣必空鴻遠夙漸矣未  
幾予遂竄伏江濱君亦棲遁白下予已長為不  
然之灰而君竟托於無用之水垂蹇之跡偶爾  
齊同昭曠之懷曾何芥蒂所嗟吳楚殊方衰頹  
各迫愧乏稽公之駕勇絕伯子之絃忽攬贈言  
茫如見面因念分攜以來二十六載矣一時昵  
交半化異物而吾與子新雖困蓬蒿猶免溝壑  
豈非遭如之稍幸不足之可矜哉難為俗言聊

用自慰悲懷強抑報章晚成

河上逢君英妙年吾家逸少早知賢別來落落貪臺  
素客過時時問草玄岐路飄零交有自殊方遲暮見  
無緣開緘忽憶艱難日一度長吟一惘然

壽孫毅菴京兆八十公常為給舍

丈人七十棄簪裾十載高踪海上廬謝客風流詩卷  
裏鏡湖烟水釣竿餘中朝諫草焚應盡南國甘棠愛  
不踈莫謂石床眠已穩直愁門外候安車

奉贈桐岡郭侯考績北上

依依山郭枕江流藉藉專城頌細侯高士獨過頻下

棠澤集卷之九

六

榻公即竹樓為禮賢堂復扁其下曰下榻處自公多暇一登樓深恩久結

黃人愛苦節真分漢主憂躍馬忽看朝帝去攀轅  
何計望君留

秋夜奉簡浚川先生舟次兼酬留贈之作

獨舸高秋動旅寒晚憐旌節駐江干城迎月浪層層  
白岸匝霜楓裊裊舟夜玉光留居士里沙鷗眠傍使  
君灘不緣病卧妨尊酒秉燭常陪挹渚蘭

病後荅友人

一畝居連郢客鄉三年愁隔漢川長青山各有幽棲  
志白雪遙傳寡和章自傍雲霞開樂園不將塵土灑



荷裳洞庭雪後烟波濶花底乘舟到草堂

偶題

病起江湖復早春黑頭何愧此閒身行歌白石嗟齊  
相笑詠滄浪憶楚臣拄杖雲中穿薜荔鳴琴烟裏坐  
松筠溪邊不必秋風起自有魴魚色勝銀



夢澤集卷之十

詩

贈張子

愛爾清狂甚兼之才調殊不須愁貝錦已是握靈珠

放魚

欲作銀絲鱠翻憐錦鬣殊滄波放爾去何用報明珠

月夜嘆五首

度牖含風色懸樓轉雪輝天遙照鷓羽不比鵲南飛

其二

明月歲如此青楓再改顏故山有叢桂悵望幾時攀

夢澤集卷之十

一

刊

其三

莫謂高樓穩高樓翻累軀清光逼禁樹樹樹有驚鳥

其四

玉關同一照玉鏡幾迴圓莫作征人婦高樓長自睂

其五

萬古關山曲仍傳笛裏風中宵報烽火殘魄倚張公

雜述八首

冬林覆草閣兀坐雪雲停避世棲金馬無人知歲星

其二

日高不盥櫛搔首行且歌飛來避繳鳥戢翼眈庭柯

其三

子本瀟湘客不作瀟湘遊援琴奏流水寂寂帝妃愁

其四

南人慕炎方歲宴寡所歡雖有千金裘不禦北風寒

其五

出門乘軟段中當值權璫點校四五徒前驅何爾強

其六

清晨謁承明百官仍依依迴立訊中使君王何時歸

其七

對酒願一醉醉後忘悲辛憐子亦楚產不似獨醒人

夢澤集卷之十

二

其八

哀歌撫劍匣雄劍且莫鳴風雲倘不負使爾事橫行

溪邊草堂雜詠六首

鼓楫蓮花嶼捫蘿憇草堂門添新竹檻壁掛舊荷裳

其二

芋葉深藏徑荷花淺覆艘塔除馴白鳥村巷接清江

其三

觸蒼鳧離沒穿籬竹笋苞渠壅巖石屋破自誅茅

其四

日出扉初啓風生席屢移當窓一頃樹隔水響黃鸝



其五

晨徑露縈草午園風振條鷓鴣窺浦淑翡翠集蘭若

其六

孤石堪垂釣清流可濯纓沿迴終日興偃卧百年情

元夕雨四首

元夕人間重冥冥暮雨間眼前歌妓散疑是楚行雲

其二

結伴非無約張燈亦有情春光如羅綺不放此宵明

其三

歌吹催春事風光預可賒請看飛雨度點點着銀花

夢澤集卷之十

三

刊

其四

遊女江臯上織裳霧雨垂那能惜羅襪緩步踏春泥

夢澤集卷之十



夢澤集卷之十一

詩

燕京元夕曲

大道朱樓錦繡圍  
歌鍾萬戶競春輝  
樓前火樹磷响  
照化作紅雲片片飛

其二

香車一一渡星橋  
翠袖雙雙引玉蕭  
但訝遊人爭辟  
易不知夫婿漢嫫姚

其三

萬柳千花巧自粧  
春風吹散綺羅香  
誰教月色模糊

夢澤集卷之十一

甚惱殺幽并遊冶郎

送人遊越中五首

寺閣岩樓望不稀  
越王城畔早春歸  
尋溪放舸煙花  
豁立馬聽鶯醉落暉

其二

鴈蕩汀洲天漢流  
奔雷噴雪下龍湫  
北風晴霧濛濛  
合倚石捫蘿迥自愁

其三

華頂晴登挹彩霞  
雲君仙子列如麻  
琅玕芝草幽難  
撥來往時瞻白鹿車

其四

合沓巖巒生紫煙  
赤城遙見石梁懸  
攀松帖岸窺難  
下鶴駕鸞驂度羽仙

其五

挂席東南萬里迴  
海潮八月拍天來  
巨鰲一湧三山  
動五色樓臺中自開

送李中丞三首

晴旭煙郊列騎迴  
中丞春旆拂梁臺  
金符玉節層霄  
下甸雪河水萬里開

其二

夢澤集卷之十一

九曲風濤迥自驚  
黃河天畔繞孤城  
中霄笳鼓揚帆  
渡萬古鯨鯢避楫行

其三

夜月轅門鐵騎寒  
龍旗千隊指樓蘭  
丈夫莫負封侯  
骨須斬胡頭掛玉鞍

偶題三首

莫謂娥眉不受憐  
宮中元自如嬋娟  
亦知白壁終難  
擲何青青蠅但屢煎

其二

洞庭南望結愁雲  
杜若江皋紙自芬  
賈誼上書憂漢



室屈平投賦吊湘君

其三

寶匣誰當垂拂拭  
龍文夜夜斗牛間  
可憐日月雙埋  
劍實想雲霄一賜環

贈董氏兄弟

我愛謝家雙玉樹  
雙凌雲日散光輝  
佇看北極隨鷓  
鷺倘念南山老蕨薇

聞

恩詔有感四首

天書十道出楓

夢澤集卷之十一

三

宸紫極回瞻

御氣新浩蕩  
遙緘三殿雨露濡  
長作萬方春

其二

姬年八百未為多  
虞日謳歌許更溫  
已擲風雷開蟄  
戶更添江海接 恩波

其三

天地重開日月移  
幽人感激 中興時  
湘纍莫漫題  
芳杜漢皓何須詠  
紫芝

其四

春風翻自朔方回  
恩派遙從北海來  
涓滴須令沾

酒輟吹嗑合遣到寒灰

夢澤集卷之十一

夢澤集卷之十一

四



文

仕始

陳子守淞別王子王子曰仕之始也不可不慎也夫君子庸以驗術矣復以稽終矣造以考成矣入以要至矣陳子曰請問焉王子曰定方以志濟事以才固守以力含美以幾終始之道也陳子曰請問焉王子曰端委嫺于似變化神于交向往起于微性真奪于勢是故貞者以獲戾也佞者以蒙澤也鮮弗惑矣故

夢澤集卷之十二

曰定方以志也敏者集乎殷也強者勝乎重也通者乘乎時也振者懲乎弊也故曰濟事以才也夫傑而持推之或折矣奮而立撼之或仆矣恬而居誘之或趨矣是故相時而渝汙也適成而寢弱也故曰固守以力也毀階于譽息啓于妍怨深于劣夫君子任而却視實而虛中矯而遜出華而襲處故曰含美以幾也夫志定非才不濟矣才濟非力不固矣力固非幾不全矣故曰終始之道也

明天

胡子敏而淑惠而整牙而和疏達而信遠而坦國人

曰世之幹也邦之貞也楚之哲也天佑之人庸之試不利得令而往國人曰天何常人何公胡子之良而胡塞之也王子聞之曰胡子有是也足矣夫人之惜也夫將異施夫執情以逆天見之拘也刻運以盡神說之膚也膠常以憤變臆之固也故變則不齊不齊則神神則不測不測則天不齊終一不測終明是謂終定乎人故天為人宰人為天心故愛憎也亨其道一也是故干夫美之不如一人惜之夫澤浮而羨美為也足道屈而惜惜為亨根故君相法天以用天下矣哲人法天以治其身矣是故抑以試量量裕而升約以見貞貞結而遂艱以養譽譽彰而枝拂人以神其道是謂君相之法不盈其亨不戚其屯唯確唯一登于大成是謂以天治身

夢澤集卷之十二

力難

子延令麻城聞命愀然曰予何以堪王子曰子何懼子地也夫不度之國習偽之民漸靡之俗君子之所憫也志士之所力也夫憫以立仁矣力以立功矣仁立者戴矣功立者錄矣故治難而姦廣者君子之資而志士之藉也夫棄惡無仁避難無功無仁無功民且疾之將疾民乎故善治者無擇而有方矯時弛術



可以濟矣夫多防故同急繩導加深文滋巧縷約益亂故杜伺以忠閉踰以度屈巧以信一亂以簡忠所以存也度所以節也信所以孚也簡所以持也果而能忠果而能度果而能信果而能簡忠以撤防度以緩繩信以寬文簡以省約是謂矯時把術其何不濟夫身可儀民乃式志不攜績乃成不惑浮言守乃確懼不克衷乃審故曰子地也子何難焉夫族而解者刀之利也革而貫者矢之良也痼而愈者醫師之神也夫歷險遠智負重奮勇遭敵裕謀矣聞之云始之戚戚其終也愉

聞來

周子名季鳳字公儀號來軒石磯子以語克躁子克躁子曰唯唯子聞之矣夫來有二道焉為世重也為我重也我足世需則來有不能為世重者乎不然有能為世重者乎世足我庸則來有不能為我重者乎不然有能為我重者乎夫韶之致鳳也是鳳為韶也重也鳳之儀韶也是韶為鳳也重也故為韶也重者為世重之謂也為鳳也重者為我重之謂也故察於此二者可以知人矣是故憫覆而死者聖人之仁也度德而進者君子之審也昭亂而逝者達士之潔也

臨難而避者儉人之戾也非分而據者貪夫之溺也聖人於是乎以成化君子於是乎以立功達士於是乎以令終儉人於是乎以憤事貪夫於是乎以蹈逆於來之道有察不察者也是故貞以成德智以辨微修以永世儉以遠危察乎二重之道而履之無違將有在於公乎石磯子曰然夫貞則動以正矣知則會不爽矣脩則行必飭矣儉則志不淫矣是能為世重是能為我重聞子之言庶幾知公矣

致辭

惟歲丁丑惟時仲冬惟日晦惟劉母初度惟子姓疏爵惟姻婭咸造惟史氏致辭曰聽子言罔弗聰子乃誕悉帝之秘俾罔惑惟帝有嘉罔不錫爾眾惟眾弗迪庸弗迓殿脩曰帝傾厥敷惟爾承乃心乃克自羞乃罔爽厥衷帝庸錫之嘉惟命罔不脩在德惟錫罔浮浮乃誕弗祥庸益厥罰惟運罔淳罔在季惟人乃古昔弗穀罔弗折季乃迪厥躬乃罔弗受厥嘉弗穀乃弗折迪罔受厥嘉匪厥常惟明信厥常罔慄慄於厥愆惟施靡不定在初罔可襲爾庸殫厥心惟施罔易惟爾感惟劉哲自昔暨有家相厥夫子生生罔不欽乃底厥成撫乃子姓惟仁罔有陰厥生子姓惟母



恃胥以康戚疎胥宜曰良克綏厥居帝乃錫嘉曰其  
永生慎乃度毋惑累乃慎毋墜確乃常毋沈于靡經  
乃罔不脩越者躋耄罔艱于履罔耗于視罔憤憤于  
志息罔索惟克毋庸襲命其自疑尚其期頤哉于弗  
匪厥指尚聽予其有水

倅全

張子倅全乞言於王子王子曰若知仕者之難乎將  
長吏乎抑倅者乎張子曰長吏哉萃州之政而盈縮  
焉非敏不濟萃州之人而旌別焉非明不察萃州之  
僚而率先焉非和莫協故長吏政之摠也民之則也

豐澤集卷之三

五

和

僚之式也莫難焉夫倅聽而言象而行俞而行否否  
而止也是故言州之理倅也逃矣王子曰否意而施  
無折也虞善而圖鮮不竟焉長吏曷難夫倅為之或  
厄其後矣委之受命而食愧焉是故紆徐曲折託之  
長吏而達之民不隱也民用賴焉弗識惠所自不暴  
也長吏專其良不忌也是亦不難乎故倅之道有三  
一曰同寅之恭二曰惠民之誠三曰推善之量夫恭  
則不隱誠則不暴量則不忌知斯三者可以倅矣豈  
惟倅哉施於天下將裕乎

歸省

徐子歸王子曰榮哉茲行徐子曰何哉子所云者吾  
以懼焉而取榮也夫榮者情之係也幸者機之適也  
感者仁之厚也報者施之稱也情莫榮於信秉機莫  
幸於獲間仁莫大於恤其家報莫難於思之異吾無  
以勝此矣而叢集焉戴惠而往還無以為覲緘澤而  
私公無以為敬宜子之榮之而予懼也快其蒙是歸  
以眩屬疎者趣之汙也人親也者冀其子之弟也而  
亟歸以光望之薄也子何榮焉王子曰善夫厚世之  
紀也人之經也國之命也訓世以偷其紀壞導人以  
競其經亂立國以貪其命促往而復意之真也激而  
奮德之深也故為國者厚施以自封也敦俗以勸忠  
也則化溥矣化溥則功建功建則治成治成則名立  
子言善可以別矣徐子行

豐澤集卷之三

六

月

秘奇

張老神於數然於世無遇也問於夢澤子夢澤子曰  
天道忌彰神道忌明人道忌露物道忌華乘而除之  
其道彌光故實者或侈其衷矣浮者或恠其慧矣乞  
者或澶其履矣劣者或淫其祉矣闇者或相其行矣  
覺者或遠其觀矣此六者數之為也乘除之道也故  
天道貴微神道貴妙人道貴襲物道貴質存也闔其



門發也諱其端運也藏其輪竟也化其積夫天神人物之道畢於數矣知而造之有不值其忌者乎夫子之於數也悉其定不滯其交窺其跡不眩其宰天地以子不得隱其度鬼神以子不得隱其情人以子不得隱其紀物以子不得隱其態夫測深折澤好揭玄以示者忌之歸也宜子之不達也是所謂乘除者也

疾瘳

王子謂仲子曰子疾且瘳矣何為乎歸仲子曰子疑子乎予語子予聞之病國者六病君者八病民者四淫爵襲刑毀階裂憲離德竊權六者病國莫大焉比佞疾貞玩戎親險樂田厭政損威最惡八者病君莫大焉效逆捐廉滅義嗜利四者病民莫大焉故君子之仕也非以榮而已將以瘳之也吾聞之救過之餘不可以拯累咎吝者不可以造吉習行者使負鮮不蹶矣今吾有大疾五不見於色慵廢業且忤人亢戾俗信泥古潔取謗夫仕者之謂何將上下之疾是務去而予身之不瘳其何能為予之歸也屏慮而寂處

勤作而和衷拔固而行怒其愈也而復焉夫行意者不畏議濟大者不輕以試矣予先大夫曰裕而施母範人以愆其允有功予弗敢辱先大夫之命王子乃謝曰子鄙人誠不足以知子

功慶

百粵之役周君從焉既平以功自千戶擢君指揮鄉之人曰是能榮吾里也往賀之長者令王子言王子乃言曰吾聞之會以行志志以立功功以差賞賞以趨世故上世無功中世有功下世幸功何謂無功分均無競道厚無機無競無勝亦無負也無機無襲亦無喪也是謂無功何謂有功智為世謀勇為世力謀以屈愚亦以崇秩也力以集事亦以庇身也是謂有功何謂幸功附貴為援行賂為藉倚文為偽級以勢攘賚以賞豐行者亡居者封是謂幸功故無功之世鮮不化矣有功之世鮮不治矣幸功之世鮮不亂矣三者時之為也苟非賢豪之士其不免矣君也旅進而不失其貞居恬而不棄其會拜錫而不雄其成進不失其貞正也恬不棄會智也錫不雄成謙也正以始之智以為之謙以終之是謂有功矣要之不苟趣時者其貞賢豪之士哉是故其成可賀也



建歸

胡子國華之以疾歸也國人疑之曰避咎而規全匪國是圖而虞其軀衆而效之國何利焉王子謂胡子吾與也宜令胡子之志諒於人也乃為之言曰吾聞諸君子曰進退身之準也治亂時之會也得失道之符也故君子道以制時而進退其身孰能踰焉不然無則無則必亂身且亂焉其能濟乎是故崇聖錄良伐奸寵患君子於是乎躋秋而協諸謀以贊治也吏怠法存上冒下直君子於是乎犯忌觸危力而振之以拯亂也患釀諫翳已弱勢強君子於是乎卷術括

崇聖錄卷之十一

九

五

機而去之以守正也夫治則贊亂則拯不能則去道之中也治不能贊亂不能拯不能而去世之乖也夫醫生人之術也主人疾召醫而視之其不能也而請去之俟主人之他召也是誠於生人者也夫御吏官有醫之道者也故留者不盡韙去者不盡不韙國而皆留者之不盡韙也其為國之不韙也不亦多乎國而有去者之不盡不韙也其為國之韙也不亦多乎夫譽恬者以抑競也人猶踰之矧誹恬以助競乎於是疑者釋然賦詩而別胡子聞之曰王子之言過矣王子之言過矣子實疾

重師

曾子如陳王子謂之曰嗟乎師道之廢也秩之弗崇易以陵勢之弗張易以抗上陵而下抗故居者易焉夫士國之材也師教之有司舉之天子官之故師材之源也易以居焉何以教教之失則何以舉舉之匪人何以官官之無良何以治故治罔功由官否也官無良由舉冒也舉匪人由教弛也故師也莫重焉易焉以居昧其職也子聞之師道有五一曰正習二曰勤業三曰介守四曰崇恬五曰篤善夫言侈而道費象莊而行邪技繁而本剝是以正習之為貴遊以棄

崇聖錄卷之十一

十

五

時隋以玩歲是以勤業之為貴義接而賄行與市焉而以訓誰則能之是以介守之為貴群而脩以俟舉也夫者觀獲羨生焉其趨乃壞是以崇恬之為貴夫古賢左芬植率仆梗乃能勸矣是以篤善之為貴行此五者以教可以淑士矣士淑舉用以臧舉臧官用以良官良治用以昌故師也莫重焉其何以易茲行也惟吾子之振之也夫陳大國也子振之四方則之師道其興乎

申贈

許刺史顏子行其友吳子劉子儲子王子熊子往送



之咸贈以言吳子曰許其生乎夫許梁之近地也日  
吾過之見其民病矣曰勢者不法將毒是滋而守者  
弱莫之與捍也非惟莫捍且縱之非惟縱之且利焉  
夫刺子以食盜非仁媚惡以覆身非勇非仁莫恤非  
勇莫力能以守乎子仁而勇者也茲行也生許必矣  
劉子曰夫許上有郡下有邑夫事上者下之則也度  
于大吏以令其屬其誰不從儲子曰吾聞之革俗者  
不恤其議立則者不虞其便謀大者不速其成子志  
之也熊子曰請無勗其優效其乏夫任力者以奮攻  
者也盡情者以深蔽者也故不務濟而急聞敗之道

韓集卷三

十一

仕

也君子剛以柔克明以晦神是故往無不利四子言  
畢王子趨而進曰美哉言乎吾無以益矣吳子之言  
惠而子劉子之言順而理儲子勵其作熊子遂其思  
顏子服之萃茲衆美克其剛蓄其明振其勇敷其仁  
以和其上下懲其習俗臨其民人許也幸哉有茲刺  
史

### 振弊

王子謂徐子曰夫懷遠弊矣承弊者必力子行慎哉  
子之力也何憂乎弊子之不力雖弗弊其將及夫徐  
子志于言審而誅儉而欲正而度諳而動毋率情以

揭障毋瘁衆以澤身毋夷界以服汙毋競俗以隱義  
故覲美虞危精微竭矣抑汰崇貞生植溥矣守則華  
踰紀綱立矣致軀以遵職冒罰以寬民措設理矣故  
畧而寡思足以勗攻侈而浚財足以喪守怠而解法  
足以撼衆枉而趨便足以屈道是故約而出之存乎  
審裕而蓄之存乎儉介而持之存乎正次而舉之存  
乎諳運之不己存乎力子之力也獨懷遠賴哉而及  
者廣矣且子行也以親老故夫以官榮者薄矣力乃  
職以令名貽焉榮也不既多乎

### 惠遠

韓集卷三

十一

具

周子按貴州別王子王子曰今夫伊邇之區閭法而  
昭情窮陋之生政不易遠長之不仁有忿焉誰與號  
之有號焉誰與理之夫忿而不理且梗衆也梗而深  
忿大亂乃生此無故避者易亂棄以重之也今夫一  
職曹居愼者知忌寡務參謀妄者知審獨任上制肆  
者知畏合衆而監假之大柄非人而遣其害滋多此  
無故專者易恣權以重之也今夫矩之而循習化者  
也威之不悖既植者也衆之不率大師克之不務與  
息亟矩而威焉夫久躍之獸卒而羈之狂頓必矣此  
無故新集者易恐擾以重之也夫百粵遊美子職孰



專焉且新集之衆也慎之哉夫遊而棄不可以廣權而恣不可以任夷而七責之繫而敵驅之不可以寧故吏否必擊其將濟乎其惠暨於下矣事舉必咨其將濟乎其思協於衆矣覺附必輯其將濟乎其隱賴於上矣夫惠戴之結也思啟之端也隱命之係也三者國之紀也子正而能讓簡而安有此四德以施三紀其何難焉

禮成

歲戊寅春正月周王使李士光來朝成禮而歸問於王子王子曰子知子役之重乎予語子昔先聖王之

禮成

十一

有天下也參之化運以準天也昭之軌物以明民也準以象微明惠弗哲下之於民民焉宅之以永世也仁於有邦諸侯是比同姓之國猶與暱焉以庇本也是故歲以標紀紀以閱歷掄正而崇終盡則始與天下新於是乎變定而侯弗與揭則以命亟易而有常於茲有生惟正朔是依莫或逞焉於是乎志定而動弗與受朔之期外內之臣奔走焉聽新政也於是乎度定而承弗與子也朝正而來役莫重焉周同姓之國也抑子於周復感焉是天子之所睭也故守禮弗失如時而至藉主之悃者行乎其順也觀則於天王

潔白其君發乎其忠也翊主惟力務與時新究之於引淑弗溺其襲焉諸侯先兆乎其倡也

績成

許子為御史三年而績成其僚友往賀焉令子言績成之道夫事有宰理是已時有制已是已賊理而圖曰吾且集焉者事役也失已而趨曰吾苟濟焉者時使也君子弗為也夫事紛而理約時靡一而巳有常也是故君子務宰也務制也蓄之以為發也和之以為直也通之以為定也發由蓄以為弗庸也和由直以為弗撓也定由通以為弗固也其觸也將有建也

績成

十四

猶思焉其當也乃建焉何居取諸蓄以為發也其激也將有奮也猶存焉其平也乃奮焉何居取諸和以為直也其變也將有執也猶審焉其適也乃執焉何居取諸通以為定也是之諸宰者立而制者獲也宰立者以役事非事役也制獲者以使時非時使也庸是試焉而折焉成也其不庸是試焉而成焉敗也故正而弗成君子弗忌成而弗正君子弗趨也許子正且成矣茲舉也匪賀其成賀其以正成也

夢澤集卷之十二



文

務輯

昔大盜之起也權地之要置戍焉故武定亦兵備盜  
平議者曰尚矣恃是而令擁乎汰之茲其故卒負悍  
弗廢退無以業弗帖于里齊民威之守臣恐請曰願  
得重臣者之鎮之也

上命御史王某往焉曰余一人弗重各汝以捍茲土  
惟茲有衆汝寔能庇俾無悖無失厥恒余一人無愆  
于茲上寔汝左右同在朕側御史行有言之曰子也

夢澤集卷之十三

十一

和

釋近職而事於茲

天子亦不子靳而使馬子於

天子石也石不自啗以惠諸人豈毒之乎夫悉

上之意而務布之俾淑者仗焉而逆者悔臣之良也

茲行也兵之乎抑與輯也兵之匪仁豈

天子意卒而務輯焉負罪之民語之曰吾不兵而汝

輯其誰信然則茲土之民何賴焉且夫悍卒弗試而

弗能生釀焉而盜悍亦材也豈易克也務克者不昭

其棄悍而負罪昭棄示之彼懼不免其何不至是之

謂益其奮而固其黨何克之能為子也其務信撫密

內而疎形以弛其志非大不淑獲以免以解其從茲  
衆也且以捍茲土又何患焉夫禦患者究其由作而  
權其術鮮不集矣齊民之謹曰麓有虎狼咆哮如狂  
碩人禦之爪牙弗張麓無駭獸惟碩人之良子也豈  
以不克懼子

即卑

詹生質而官人曰詹生才汝遠汝業俟汝教豈不汝  
顯庸星火下秩也矧其質獲才者即汗子感焉不然  
譬美媛焉乃弗蒙大垢翳其妍用無以憎士則病者  
乎詹生曰敢謂才然聞之矣聖哲柄世倣儻協謀亦

夢澤集卷之十三

十一

大

惟是身之美而權之以享于天下無所浮衆曰彼利  
我享茲重秩其宜夫是用能終食而免矣匪是而享  
子朝夕懼其覆也子偃仰焉而即茲秩且懼浮其何  
敢侈亦曰得子分也敢謂才君子曰噫哉詹生之言  
混世者以全真也昭潔者以標疾也必矣才而卑且  
曰分也濁其迹美其衷吾於詹生知免矣

先禮

劉子節推揚州夢澤子謂之曰夫楊侈區也財侈斯  
用侈用侈斯情侈情侈斯爭侈爭侈斯獄侈獄侈而  
理者難焉吾終告子賄於勢而令之辭其不度也必



恃也恃而不度法為撓矣夫法善者恃也善而夫恃  
恣不度也勢覆豪法病善民何賴焉然則執之難賢  
詐而伺詐狀若愚伏強而攻強疑於怯然則昭之難  
務執也務昭也曰匪刑其可刑叔世尚也淫刑而逞  
淑慝偕感雖獲焉末矣然則仁之難三者難於非人  
者也君子弗難焉予豈患子若夫擇隙而肆意弗臧  
也在法無名莫能罪之務執者且惠緣督也度上之  
逆反情以投務昭者且惠巧中也不刑以臨怙惡所  
利豈能得其不忍蔽而與息乎務仁者且惠頑衆也  
是君子之所患也子其圖之抑聞之刑禮之弼也禮

卷之三

五

避致

望雲之什壽詹母也孰為之詹母之子暨詹母之子  
之友為之也孰倡之詹子倡之孰和之其友和之也  
曷為乎倡也曰詹子如京師適其母夫人誕也則曰  
疏而觴惟我孟我季侑而幣惟我一二姻婭暨我里  
孺而嬉以娛惟我從子則又曰我先君子逝惟我母  
氏母氏耄矣能幾誕而茲弗能觴也且我童而業茲  
艾矣弗能官也用憂我母氏矧未撫我嗣息於是泣

而賦賦者何賦其感也然則衆和也何感同也感何  
以同均人子焉有弗感者無親也曷為乎雲而望也  
曰燕楚之不逮匪朝夕達也彼雲之悠然倏然而燕  
楚可也望而思庶與倏忽乎是其感也何以祝曰錫  
我母氏脩箕松若栢若及我官而康純嘏是膺嶽若  
河海若其罔有既繁我胤芝若蕙若茁而秀無折然  
則孰聽之曰天聽之曷為乎天且聽焉曰至誠動天

正復

卷之三

四

斷指揮李氏其惟厥先有顯庸授茲秩暨厥祖會荆  
難免戍于邊終焉濫坐也父早世君童仲父立撫之  
曰嗟哉先世之勲而弗享也非罪之坐而不務去予  
病焉悉狀焉請

上憐之命有司復其官旋累援者再免衆曰茲已矣  
乃仲父益力請如初再復賀者曰仆而起再仆再起  
惟汝仲父良艱而濟惟汝先世勲實腆足庇焉是故  
神實嘉而宥豈專人之圖惟汝有淑質用能凝其先  
澤更祝焉曰繫自茲迨其末裔無咎王子曰茲里言  
也子不欲侈予言其大夫法國之衡也而歆焉其不  
行矣無故勢者竊之以恐衆巧者奸之以完軀于是  
乎不恃正則而期以賄成將萬無覆也君子且不欲



矧不終免茲辱之大者何侈焉子之請也子不聞地者誰而竟以濟是唯

天子鑒其情有司正其濫法之不歆予是為國侈其何暇私李氏然聞之以正獲者不覆雖覆可無罪無罪而覆猶未覆也李氏之慶莫大於是予以是賀

良振

夔之進士業者曰匪人茲土之靈實闕夫靈人之乘也闕非獲乘奮無難焉乘之弗強良且厥矣不然夔豈無良焉而久汨汨也其何忍重忝夔之士俾弗醜於四方史占之曰吉其將復是謂獄荷其英澤絨其

卷之三

五

字

精闡於既盈群士其升乃公乃卿乃今而後莫之與京明年吳子厭之焉夔之人曰史言然靈實啟之豈專吳子良王子曰不可其何以賢哲之務而令史者神焉靈之啓人歎人之啓靈也夫君子勤其德業而俟焉惟己之足恃譬農夫之力畝暇問豐凶是神且聽於我其安聽神夫德澤之基也業取之藉也非德非業靈安助之夫鄙者實弗飭辭曰是靈之闕也用善其劣幸者淫社假神以侈其何崇誕以滋俗也夔之士其務武吳子耶是惟德業之務肖焉將弗舉可也舉而弗吳子月愧焉其無曰靈之啟也以病談者

歸故

吳子令遂安王子曰遂安往稱儉而淳茲不然矣美者階侈不守於閑而欲務濟奸國之憲以賈戾而嘗其軀犯而能竊上用翳焉諺謂賢也夫儉刑侈者也詐讐淳者也是唯勢丘澤不若也而卒以及何居令者謀促恃其不越而弛度以臨不虞後至氣蕩其真及於侵淫彼其宿昔之釀而一朝逞焉其患且倍譬不隄而咎其決局可免矣且夫聖哲權世明察濟偏齷齪守故寸魚之畧施之鯨鯢裂網毀紀無難焉轍淪矣驅車而循豈御之得不溺往聽而與更圖濟之

卷之三

六

朝

道也抑聞之旅在遠而迷指之其室而令之歸邑之舊也子務歸之而已故崇實抑華滋其蔭也脩執辨物閉其恣也樹惠伐頑昭其向也明德揭典衛其侵也然而不復者否也且子瞻而鮮嗜通而不歌峻而寡爭儉而淳子之有也布子之有而舊是復何憚於遂安

仁理

齊魯之民寃於理錢子往焉人曰錢子諳法而明文移以其優蔑弗獲矣子曰性然民且重寃何能獲焉雖獲必亂夫憫寃而使也亦唯昭其怨思而務求百



一之生以昇焉豈其顛越而因以執之也不然授之  
民命而今嘗其術譬驅利獸而內之園俾搏且噬焉  
其無乃非仁人之意也乎夫矜諳者不度恃明者不  
疑不度不疑其何以獲彼耻不獲而務逞焉民且斃  
矣無故悅而意含之憎而意繫之上下其真而文法  
之務就蠢蠢之民曷能與知故慘刻之聲哲人惡之  
驚悍之吏聖王必戮狼戾之長庶氓感焉且夫滯法  
者情遺情遺法亦弊任文者實病實病文為虛是我  
且為惜其能臨民茲役也寔唯憫冤之故亦曰試之  
矣知其仁仁能度能疑明斷生焉庶其有獲若曰文

卷之三

七

和

法一獄史辨之矣豈以待錢子

因貧

正齋先生往治山東之賦先生曰茲土貧而務徵焉  
艱哉王子曰夫貧乃無患矣吾聞之含玉孕珍山乃  
穴其鱗巨介澤以肆既植也可材衡虞困焉羽毛中  
飾肉中豆獵子必求麗綺緻統織人弗食故沃者速  
饒豐者致約蓄者誨取區以富聞民乃禍焉嗟哉今  
之世不法而誅四國病矣茲土後匪貧曷免豈天實  
嗇之弗以禍也故鮮利之區天之宥也是故茲行也  
弗艱者四焉一曰儉斯淳淳斯度度斯理二曰無慮

賄三曰計之不煩四曰可訓勤焉夫貧首四國而誅  
後焉既利矣先生其毋務腴殖之俾以富聞天之所  
宥先生其恐禍焉先生曰子言激哉貧而幸之曷可  
說矣

居謫

西渠先生謫且行有問於予者曰先生樂乎曰否曰  
戚乎曰然曰獲戾以貞犯衆之忌有是節也終吾身  
恃矣蹶而虞一厄沮喪意免而值者則然先生豈有  
是焉予曰否夫舉國之憲者期必濟也而弗濟焉雖  
弗懾抑豈其願其曰將以獲戾而成吾恃焉是利弗

卷之三

八

和

濟也夫憲天下之紀也舉之弗濟憲且墮焉墮國之  
憲而崇吾節然且利之其不可矣且黜身非辱寵道  
為榮榮辱之端君子審焉豈身黜是虞道用抑焉是  
戚夫有敵而伺吾吾惟弗攻攻之不克敵且張矣故  
擊惡者必斃不斃藉其恣也吾節務成而貽惡以藉  
憂其在茲夫虞蹶而戒者怯也幸弗濟以昭吾節視  
怯均焉先生其能樂之

訓立

吳先生名山宅之陰有山峙焉三峰而中峭若立先  
生曰是愜吾衷以號焉曰立齋予乃序曰夫飭躬蹈



世者莫如立矣夫唯立是謂道根道根是謂物宰物  
宰乃克克乃不拔不拔之謂能永存永存者純是故  
豐侈情約悴志幽惑智紛亂思重撼守夫五者之謂  
物交物交者吾以觀吾立立迺克不立迺不克不克  
者亡夫道或戚或敵或主或隸或高或闢戚其良敵  
弗張為群物疆衆物之疆備之弗志主於一隸乃役  
為群物辟群物之辟乃登無極局而持闢惟時為群  
物機群物之機握之不違夫是之謂能立能立者豐  
莫侈約莫悴幽莫惑紛莫亂重莫撼夫是謂物莫之  
克夫率者不擇不擇者執妄弱者不固不固者淪昭

卷之三

九

的曰明守固曰貞貞且明為立之根立之根是謂疆  
之衛辟之翊機之門不然且愧茲山

易審

素子令邾王子曰邾之治子必優焉吾不贊子優焉  
子以審夫車以載無弗勝也不脂轄不行泥也利刃  
日刺無鋒竭也群孺之嬉屢叱之弗畏或以侮威瀆  
也寇入室燭之寇匿用其明也勇夫不戒僵於廷易  
廷也故忌通者速滯亡蓄者取窮懼衆者啟頑悉情  
者誨姦怙勁者基折故固户利樞無弗通矣隄之始  
決無弗濟矣雷霆卒然無弗震矣衆躁靜觀無弗昭

矣強力疾形無弗仆矣茲行也子於子憂不通不憂  
不執憂不蓄不憂不敷憂不輯不憂不威憂不悔不  
憂不明憂不襲不憂不力

神難

子獄既人請于神曰蓋聞之洞舛者靈也贊貞者天  
也故哲領不折妖體必離亂魄見褫款衷每迷故刺  
聖之刀必斷毒賢之鳩必覆掩正之網必裂墜良之  
罪必夷是神職也子之獄也奚罪待命移時倦肢憤  
志恍兮忽兮聆神之難一難曰醜士懟妍脩夫短讐  
東家之宴西憐怨詛是故握珠懷珍而贊瓦礫彼有

卷之三

十

跛驚稱之馱駸鄰姬之替而曰是則明眸汝也蒙垢  
在伊讓其不條彼髮不括若已蓬首是替鄰姬明跛  
驚而擲瓦礫也汝奚無罪予曰天之界予厥鑑湛湛  
乃緇其素疏中以容則予豈敢予不知罪二難曰據  
崇者卑附操首者尾隨宅腹者瘠依言勢忌失也虎  
豹違山見威於犬悍夫不戒或孺襲焉驚折其翼而  
驚啄腹汝乃捐華背要而昔心不移夫舍陵趨壑誨  
擠者也去重即輕勗擲者也服冕不則命裂者也子  
失勢矣固昔憎所乘而往怨所便也汝奚無罪予曰  
勢若龍蛇誰與執之且棄耻若疾掩耳冒言貪主人



之利而憚進苦劑予未能也予不知罪三難曰虎搏鄰牛操狐弗射非已利也虞人布羅獲禽丘若見者弗禁有在野也警腹可飽忍割朋肉痛弗切膚也故攘鄰之膏以赴盜火庇已而已子則塞勢者之賄奪肥乎大嚼之口而飼之人貽國人以富而年以其身賈戾夫存鄰牛而射虎逢虎之怒惡禽斃而毀虞羅遭虞之疾是眩者為也汝奚無罪予曰梟搏雞雖其母奮翅知不能庇愛弗已也夫聞啼助戮良所弗忘予不知罪四難曰衆直頌行不勝單佞十堯崇治一桀潰之點夫仲舌惠口是屈故堅幹不伐決漲不遏

卷之三

十一

志

鏘焰不撲族骨不解奔颯不障虞反傷也而子務勤者之摧而孱士之庇汝奚無罪予曰吾寧吾步之蹶誠不能使勁者之肉孱也且覆惡以求立也德強以避抑也曷可說矣予不知罪五難曰不拔之道存乎托也衆植其援以備攻也王屋之鳥弋人弗射皇圖之兔獵子不逐集瓚之蠅忍而弗擲若木之條引手莫牽莫莢生陞弗剪弗踐其附然也故陽區無凍蟲仁壤無稿品潤園無燥類附之及也子膚托而子援矣汝奚無罪予曰子聞之健夫終日立不倚不僵衆恃而不休非夫也予不知罪六難曰世有尊官莫知

其名手握雷電奔轟閃耀旭晏倏忽殊態收視偃儂而趨償以最考唯唯將事是為豐績磬折之腰壽其文組如醴之輔頰祿是永故功項者辱剛膝者斥毅而者黜符中者完既泄之孔忤臆者翦不薪之焰是天下之至威也汝乃規守矩執恭不踰憲不省已僂咎人之僭茲構之由也何謂無罪哉何謂無罪哉予乃俯伏嘆息茫然汗洽駭然股慄厥罪自知無復以對神不復難

基進

石泉閒而遠宜業沃也宜田宜木坎而澤宜漁萃諸

卷之三

十一

志

麗焉宜娛以懋蕭子宮之以命焉曰石泉子人曰務趨者不假恬耽進者不媿退志舉者不藉伏致章者不倚真故于霄之木弗綴欵岑振雲之翼牙叢靡戢靈鮪不宅滌珍綺之鬻也忌貧里是故以寂求聞惡弗聞者道之左也却步矣謂弗避即者術之乖也蒙重疾沉者願之反也子其試矣豈其悅試而違念以階蕭子曰否夫金革之韻宅於虛大輿稅轄脂以俟乘孤弛也以勁張利刃必衣故不退者不進不活者不趨不伏者不舉不真者不章故儉取之庫每盈不市之珍族構萬金美媛不窺戶君子求焉競首據腹



鮮不逢抑子疑子乎予茲試矣

仁撫

李中丞撫遼東王子曰夫遼夷障也亦以障吾區也夫惡越者垣焉求弗能越也戒越可越滋越也求弗伺也以無隙揭隙以示伺是疾焉為誨之矣故自障者障夷也不然以藉也其能障夫障虞遐昭隱則知良推強襲悍則勇良奮將激卒則信良奴知諫勇君信則仁良故仁衆之附也知之府也勇之地也信之周也夫子之往也其務仁之乎仁吾區而已豈夷是仁夷也其曷可斃盡矣無務斃之務殖之殖彼利弗

夢澤集卷之三

十三

頁

吾斃也譬虎也備而已無或怒其安噬悍夫焉格而斃之或以傷以傷者下也格而斃之者中也無怒者上也豈虎是仁仁吾軀焉耳矣是故以戰戰不若以無戰戰以勝勝不若以無勝勝舉而已之不若無舉一仆不若衆植故仁人讐功無功之功曷可尚矣是障之道也故曰自障者障夷也夫河洛罔不仁夫子茲往也羗夷之氓其河洛矣且夫改轍而馳不易其御乘之良也然難矣難裕本也茲役也其以難夫子而裕之乎

夢澤集卷之十三



又

夏令上

中和之區遠邑遠而介於他封遠故不度開焉而易以亂介故他逋者數焉而互為主客止一一獲則黨為賄而免反捕者坐是故盜也滋多夏侯至自羅當其劇也戚焉曰弗身衆弗奮也前衆曰侯也前其誰敢有奮而從執其魁數十人以歸狀得以聞中丞中丞曰才矣令迺行慶辭以語五子曰吾實父母是不務與輯俾以盜獲吾則用愧且慶也其謂非功吾則

夢澤集卷之十四

治之使盜焉因以為戮是吾罪也不謹而慶行罪以蒙慶其何以堪抑是以風後之人歆賞而趨唯其執也不虞其冒其罪亦惟我王子曰夫子仁矣仁之於盜也豈將縱之仁抑亦執之仁夫盜民之毒也盜之不執民用困焉德盜而讐民其不然矣天地之於物也務生而已或霜雪焉鮮不催折豈物是讐所以生之故良農不愛莠聖人不假惡姑息之政實以階殺夫假仁之吏務為區區小人幸焉然其竟也雖唯小人亦豈終利觀免而犯終以不免是縱之也為殺之也不亦多乎知不獲免犯之弗輕是殺之也為縱之

也不亦多乎故曰慈母有敗子而嚴家無格虜侯也其允有功何賞辭焉

夏令下

盜既平大中丞嘉焉諸生進而賀王子聞之曰嗟哉是曷足為君煩焉今有大盜五尚幸君之除也一曰胥史之盜二曰鄉曲之盜三曰邦國之盜四曰言語之盜五曰仁義之盜胥史之盜八鄉曲之盜十邦國之盜九言語之盜四仁義之盜十有一左激詭投竊發巧中傍構陰虜舞法深文八者胥史之盜也誇族怙強負質并弱閉施腹責武斷力攘棄典狎公十者

夢澤集卷之十四

鄉曲之盜也陰伺蠅乘移權貪要揚險黜貞首失幸亂崇怨九者邦國之盜也違衷捐實遺直務其四者言語之盜也履僻蹈凶匿情銜世擬聖附賢信蓄詐恬宅競讓基取特翁從隱中顯十一者仁義之盜也五盜並興翕翕紛紛教化不流綱紀失平瑕瑜偶貢獎詆浮真天下之盜皆其緒釀而涓出者也皮之不去毛奚拔焉帶之不刈條奚剪焉五盜之不除盡若類何益矣是故君子識本執樞推始稽成大盜不起天下皆寧

述慶



謝母七十之誕筵既秩群觴馬母愉而觴也母視聽無愆話言弗訛堂室之級步弗持也諸子若諸子姓也官者既績居恬以豐稚業無惰嬰善孩也衆侈其成莫究由臻子乃曰無侈焉子言其秘夫社天之握也天也其社閉以自封乎亦將衆之庇焉其庇也或吝也何居視其致也弗吝而庇也卒末之稽違其始眷俾受者不錫是德而懟弗竟何居視其享也是故淫緼無純窘履必覆謙受日益怵與不終天之道也其反之舛也君子將薄而浮焉是懼其暇侈已以懟乎且夫脩不在筭延非世也其深矣君子鑒深而德是務不惑其舛故敦己基聞虞其替也世贊其淑史氏紀之壽之上也畏戾而飭思瞻其躬不覲其傳壽之中也匪教匪飭犯忌而行宜促而長奸天之筭壽之下也母幼而婉父母嘉之里之女則之是以女壽歸而順無制也舅若姑安之夫子宜之里之婦則之是以婦壽老而貞以訓子若婦若孫率之里之母則之是以母壽謂脩不筭而延非世也其將在茲其耄耄而期也寔其致而享也匪致無臻匪享或替母壽在德暇侈其他不然有非耄耄而期也其謂非壽乎母值天之正矣其將無筭

上池

丁子文啟讀秦越人傳至越人遇長桑君出其懷中藥飲越人以上池之水三十日視見垣一方人乃嘆曰神哉吾恨不能長桑君遇而懷中藥之飲奚有於越人因自命上池子曰尚庶幾哉其觀見之或嘲之曰聖人不語神君子不志異達士之想弗虛而真人之求必獲覩一於萬焉罕於常其左矣夢澤子曰不然是存乎人夫尾跡而步非良武易轍而馳武之得也聞聲而肖非良和改律而奏和之協也故此隣寡仁侶而邀方有德朋朝夕垂良覲而問睽有真契丁子之意其將在茲是故水不盡上池也亦盡上池也客不盡長桑君也亦盡長桑君也我不盡秦越人也亦盡秦越人也亦是存乎我而已矣是存乎心而已矣我能越人即不長桑君觀焉而上池之水之飲焉求弗為越人弗能也我弗能越人即長桑君觀焉而上池之水之飲焉求為越人弗能也故我神則神至我仁則仁歸我慧則慧附其思也天或啟之亦自啟之弗自啟天弗啟也故師曠雖聰不能鼓無聲之石九方臯雖善相馬不能易駟駘之骨而為騏驥也是在而我而已是在心而已不然以竹木求上池不已疎乎



以邂逅求長桑君不已艱乎以踪跡求秦越人不已  
泥乎

### 慈慕

慕慈哀劉母夫人周氏者也母今郡守涵江君其子  
馬母之卒也訃自閩君仰天泣幾絕曰嗟嗟傷乎子  
之罪也夫子之罪也夫乃子何用生為矣子之仕也  
母留之馬省者九越歲每書致弗欲仕而願朝夕省  
則曰勿歸我健無恙無念我俾我覲汝成用茲輟歸  
圖而今也有茲故也是子之罪也夫嗟嗟傷乎子何  
用生為矣國人哀之乃為賦慕慈或曰孰則慕焉曰

蓬華集卷十四

五

言君慕也乃國人亦慕也或曰何也曰國人之慕也  
以君故傳曰深山大澤實生龍蛇人之不祥而以胎  
禍故鳳不字梟蘭不茁蕭瘠土之植無腹而耳株之  
實無苦其由然也婦人之行無閭喻也其曷能顯於  
世用彰厥子覲厥子知母已君之治黃也不以民封  
已不以奉賈秩覲君儉已是故知母之儉也已不以  
撓撼守不以誘易趨覲君貞已是故知母之貞也已  
不以賢蓋人不以疵敗良覲君弗妬已是故知母之  
弗妬也已不以毛務益其績不以口惠愚其民覲君  
弗煩弗欺已是故知母之弗煩弗欺也已數者君之

良也而母出焉是母之良也慕君斯慕母矣故國人之  
言曰嗟嗟傷乎是國人之罪也夫天乎其曷不壽  
母而奪吾君是故言善者稽其世贊德者本諸先已  
之不藏先世弗揚嗟乎讀此詩者知孝矣

### 脩學

嘉靖乙酉春三月柱史東萊王公秀巡黃首廟謁焉  
謁既周而視鄰之築學宮之左右隈是故宮之垣却  
二隅而隘其前後也加侈焉曰何有於茲而夫子之  
宮之儉其務廣焉今後之當也無乃不可乎或曰民  
居也惡奪且彼安焉而病以徙艱於從從且心對柱

蓬華集卷十四

六

史乃進郡守劉公友仁曰聞郡有隙以易之夫鄰也  
僻隙也市易僻且倍焉其誰弗從卒如議居者謀  
曰棄僻而市之即是利我奚徙之難柱史復曰茲會  
也其不可再矣蓋聞之君子祖議而貽衆以議者非  
悉也畏議而輟務以不集者非勇也且夫忌勤者無  
佚愛費者無輯後茲會也而以圖其悅矣砌也敗以  
滋蔓宜除垣也及有俯可窺宜益廡之覆也疎而滲  
雨則潦徑之宜次檣星之門邇闌闔宜却狹者宜拓  
迂者宜遂亢者宜虧坎者宜培會也弗可再矣然費  
也侈奚辨哉將官乎而儲無贏矣將氓乎而誅無則



夫守曰請融之官無出氓地供郡有盜艘可公沽敢  
沽以充柱史白善乃登期日飭有司具徒卒度可不  
巡丈計陳春揭堅繩繩蘊沙礫隆瓦石棄穢積夷亢  
崇繕庇葺撤礙滯遂屈曲清淖溢邃池儲拓鏡側表  
衢路時餼給數視責董者不威役夫謂平於是乎砌  
無敗於是乎垣無卑於是乎覆無滲於是乎却其門  
而喧囂遠於是乎除其鄰而左右恢於是乎直其隅  
而前後當於是乎道其湫而與塏增悉柱史畫授而  
守也承馬工既歲值大比學之士當選者四而魁一  
柱史乃喜進諸生而言曰子知之乎風之壞也非以

東漢書卷之四

七

界

競故夫競也豈惟仕士亦有之夫群而習也劣者妬  
賢隊而選也失者讎獲不脩之務而妬以讐趨乃壞  
君子耻之故敦本刊華厚其儲也去佻崇貞慎其發  
也觀善則摩逢抑則奮務脩而已忌不衷留士之良  
也士處子也不女於閨而婦於室者鮮矣且夫治之  
無良也是無良吏故吏之無良也是無良士故士之  
無良也是無良師故故師天下之本也不可不慎也  
於是諸生唯唯再拜謝而退茲役也以六月己亥始  
事九月甲子落成云

節錄

母談氏陳君禮之妻也其母方振父謂其母曰若女  
必勿舉俄夢德媛庭降已稍長負異慧女事無訓飾  
憎治步弗裾駭也禮父異禮而儷之難聞母之賢請  
焉占之曰吉是謂玉英綺籍健篁倚栢摧引無折馨  
流芳接將歸或曰何不裝務母曰吾聞之前者或却  
約焉基豐惟其立也不立之務而侈以歸恃侈而怠  
寔墜之速其何能競歸矣舅姑而下皆宜之踰年生  
子武五年禮卒母仰天而泣曰舅若姑老矣武少祚  
微天其不振陳天也振陳武無恙札母之母憐母幼  
而寡諷之曰雙鳥于洲或射其稚孤雌哀鳴孰我更

東漢書卷之四

八

湛

同母曰鳳無再隊君子攸取人不鳥如胡不遄死竟  
不奪事舅姑倍禮武日立舅姑喜曰娉也善事我我  
是以無禮憂而有婦孤之娛以宴會請輒謝曰未亡  
人悲衆之樂耳幸勿以樂悲我每忌哭之痛謂終身  
之喪也訓武復述往狀武哀母少歷而務寬其晚母  
老以愉正德改元會寬典求天下婦之節者而表之  
里之人謀聞母母泣曰吾分也不偕以死之愧而忍  
以活復聞之是以愧聞也且吾求吾分而聞以愧我  
其非我心抑世之婦或乏純節子若孫誣稱焉以為  
仁吏議不核而賄之圖惟其誣之遂吾懼世之人將



附吾於無核而賄為之為公典羞者乃寢卒之先一日謂武曰明且吉乎曰吉曰吾行矣曰母行何之曰省汝父於九京目遂瞑論曰非節之難節而不欲以聞者之難夫淺夫朝飾行而夕惡聲之弗彰也彰弗逮行厥脩以地寔君子難之況於婦乎旌淑之典世不恒舉幸一舉焉奉者無良假以稱欲為婦所不屑噫其不屑也可以愧世之急聞而私以乘上之典者矣

月槎

客曰月槎仙事也吳子擬之其不比矣夢澤子曰不

夢澤集卷之四

九

荆

然龍蛇之蟄不擇泥淖貴在莫測也故古今豪傑非常之士或起於屠釣或隱於商賈何則物色不足以盡神局促不足以語變故蓄玄之士不厭乎喧囂盜似之徒或耽手閱寂蓋內輕者必假乎外抱真者無藉乎跡也東方朔謂金馬門可以避世又有謂終南山為士夫捷徑者夫然庸知仙者之非尋常耶尋常者之非仙耶吳子吳越人也慷慨倜儻若燕趙士是土風不足盡也性氣自負然耻任俠曠達而弗為惡邇利而弗貪是踪跡弗足盡也蓋龍蛇而變化者殆仙者流歟方將揚帆鼓柁窮深極遠日出入乎江湖

浩蕩之中烟霧窈窕之際則尋源訪石恍惚遭值安知其不繼騫而遊耶子謂弗比過矣

贊恒

吳母七十之辰子姓謀觴焉母戚子應進曰父弗庇早而應棄母恃以立往應小裕將逞焉見母紡曰奚賴茲而以勤乎母曰非汝知也夫豐大之積其由也細吾匪衣憂而勤惟墮業是懼業而墮焉憂其將及應退而惟戒弗侈紡心以賈裕實母致茲誕也謀以娛母母之戚也應懼弗順而納於戾母曰否汝父之捐也惡弗從忍焉而存汝故之以汝立惟汝父貽其

夢澤集卷之四

十

淮

敢貪夫之德而已務侈且汝茲而觴也何以壽謂裕乎而父弗覲也惟我戚謂筭乎而父弗偕也亦我惟戚戚以娛我其惟汝亦弗欲族黨之人咸勉焉強而觴觴弗屢君子曰恒哉母也壽其在茲吾聞之婦也者慧而不順慧則不比順而弗貞比則不正貞而弗恪正則不共恪而弗恒共則不永故恒者善之歸也善而無恒不可有也故天失恒俄而傾地失恒頃而陷人失恒忽而殞暴國無脩紀仁裔無促運磽區無腴植豐林無纖抹其致殊也致之不一恒弗恒也母慧而順貞而恪誕而夫子之戚是謂歸之以恒夫能



永其善者壽之地也是足壽矣詩曰俾爾戩穀言善也又曰無不爾或承言恒也

場義

子於楊翁見六義馬館一馬井一馬橋一馬倉一馬塚一馬學一馬築宮邇遠舍人執供賓至如歸征無旅困於是乎見館義馬度泉而鑿族汲無竭惠渴之澤淵如醴如於是乎見井義馬矚彼溪梁先構積類旅病寒涉力而新之旅裳無褻於是乎見橋義馬無年艱食出貸棄責豐儲待需貧族是賴於是乎見倉義馬大疫布霍委骸斥原置山以歸貧骨不暴於是

夢澤集卷之十四

十一

十一

乎見塚義馬里俗頡蒙窶子無訓憫愚分淑禮傳收誨於是乎見學義馬嗟乎仁哉翁是何可弗述矣夫君仁謀世吏仁謀國民仁謀里故觀世以國觀國以里觀君以吏觀吏以民故好刑之國民多暴好利之國民多貪好佞之國民多諛好名之國民多偽故里有仁民明君之所寵而良吏之所禮也翁所行事豈不篤行仁義於其里者哉是曷可弗述也已予見近世佻夫薄子往往毀仁詆義指善人之瑕疵忌言其美嗟夫若翁者豈可指詆弗論述哉

知備

方母吳登六十其從子之子濂因吳子以告曰濂幼而母棄濂大母賢吳而濂托吳撫濂齊已出是故濂恃焉而若弗母失稍長則曰吾婦也不有婦仁茲子也吾以其幼也且其母棄也且其大母之托也而思之惟不竭是虞夫慈母有敗子而養廝寡攸成嗜嗜之家不免於吝過慈之人重以勿訓蒙乘其驕基敗寔侈且其大母謂吾庶幾乎其免於不德者是用托焉而以病其惟方氏之先亦弗悅督就傳濂亦懼吳負而勉以立他善夥更侍莫悉也王子曰止知母備矣吳子曰語節焉知何備也王子曰仁無異施德無殊致故悖公之臣必忍於室篤親之人不佻於里言仁一而德同也能聞斯能室矣能室斯能族矣能女斯能婦矣能婦斯能母矣是故母知備也吳子曰德備者福備乎王子曰然福莫備於德矣履凶蹈逆宜從而迺即壽焉君子弗壽也人壽有既善壽無既至德不忘令聞無窮壽之至也吳子曰善歸而語濂俾以壽

夢澤集卷之十四

十二

十二

述政

趙君自黃之貳移尚書郎黃人愛莫借焉夢澤子乃為之言曰嗟乎今之弊吏二而俗謂良也一日是也



二曰怒吏何謂畏吏舉虞其咎執辟其怨違事首鼠苟而日月而傳視官惟其私之善而已斯之謂畏吏何謂怒吏不能其上奴遇其屬怙復以逞而人莫之堪微沮焉拂衣起矣斯之謂怒吏其畏也是惟救過不暇而何理之能其怒也擇而官之冀其圖也而以憤誰則對焉茲二者俗謂良焉而予弊也布君之獲而祛之可乎君之益黃也守乏而攝焉者過半是故國人忘其貳也君忘其攝也長吏之臨也弗毀闢以務悅焉上不謂簡禮而褒之弗恃而倨殷務存至是惟他有司宵績不給徐而措之不疲而輯更而為衆

夢澤集卷之四

一十三

四

虞後至則曰咎惟身焉其利也引察以分推而不有於胥無愛以小賄覺曰胥也而士責之過矣挾而釋之胥憚莫繼犯故郡之門無畫荷入者不何而胥貧亦無賄敗胥德焉曰賴以免矣君實庇之其敢懟於里之俠不假也侈而踰脩執以幅之里之悍少誣右之良或曰必窘右君曰右民之望也矧其良一而裁之其何能平直右而罪誣者夫其不毀度而諛也其不辟咎也其不暱胥也其不俠之假也是非僻而畏者也夫其不恃以倨也其不有譽也其不微疵之指也其不執而窘右也是非僻而怒者也是故君之治

屬安焉而長吏宜民德焉而群胥不怨辱者藉焉而右不病也是而進之其天下將裕黃何得專君焉

達生

常春子往見夢澤子問生之道夢澤子曰子聞之乎務生者乃無生無生者生知無生之所以生乃無無生矣是故或翁之或張之或藏之或亡之或執之或失之或閉之或取之意而已矣無或翁之無或張之無或藏之無或亡之無或執之無或閉之無或取之適而已矣故天運有恒神祐有常天不可奸奸之者怒神不可竊竊之者殃罪莫大於奸天而竊神欲莫重焉者其長存而務久其視也故重欲者速罪之本也能以生乎且夫不祈而培祈之弗隨遠意而施執執其機惟有至人棄庸引深不以紀延不以軀存是故或生或死或壽或夭或生或死或死或生或生或壽或壽而天或天而壽不感其失不貪其存是謂識天神之根識天神之根謂之達生

夢澤集卷之四

十四

任

請年

夢澤子見丹崖子請年焉曰七十矣曰夫子之獲茲也何以曰下士聞道鮮不大笑子能無笑子將子告



子聞之德我者讐我讐我者亦德我恩我者害我害我者亦恩我生我者賊我賊我者亦生我百樂我德亦我讐焉百憂我讐亦我德焉百欲我恩亦我害焉百惡我害亦我恩焉百骸我生亦我賊焉百毒我賊亦我生焉故羨生於乏之生於羨輕生於重重生於輕暗生於明明生於暗榮生於稿稿生於榮務執者或失無執者無或失務取者或奪無取者無或奪故知其無者有有之用矣知其虛者有實之用矣知其退者有進之用矣知其弱者有強之用矣故目視強則盲耳聽甚則聾心思過則亂是故事天者務嗇脩命者務閉嗇云者非徒嗇其欲而已也亦將嗇其智焉耳閉云者非徒閉其欲而已也亦將閉其智焉耳嗇之又嗇亦無嗇嗇閉之又閉亦無閉閉嗇既無乃登無嗇閉既無乃登無閉無嗇無閉天地不違日月為衛萬物皆隨亦既無始亦既無終夢澤子曰夫子之言至矣吾聞之疾者促之本也遲者延之基也夫子晚而薦焉復晚而官焉富不棄儉老不倦理仁者之心也復從事乎至人之術長生久視其在茲乎再拜為壽而去

紀賀

周君樓於第之內樓即崇據勝登吉萃良迺爽棄湫納麗祛閔敞而為堂沉而為室折而為隅委而為傍軒軒爾迺迺爾爾爾宜陟宜眺宜祀宜宴其落也客往觀焉而賀孟子曰振矣周氏君大父官柱下史聞直焉百粵是藩仁不今斬父官弗逮於茲實培夫直世之幹也仁澤之基也是以貽其曷弗享且夫不植胡獲君之獲也其惟先植胡子曰豈專其先之貽亦其良也而克享焉夫並蒂異榮均土殊苗氣豈擇施材也罔類抑樹者期蔭也而或剪焉蔭其可得君弗剪矣劉子曰惟君之二三昆季或令或推為時顯庸君也弗庸不怨其劣居之愈恬是之謂能恒恒以業者其何弗成方子曰吾聞之基廣者不圯棟厚者無折君其免矣陳子曰君世基德而棟善君實昌之樓也象之賀子曰君無怙志無侈容無張辭羨於積而儉於欲嚴子曰欲之弗既祉之不窮當其享也猶在君之嗇乎言畢周君再拜謝曰孟子述先以啟我胡子贊今以勗我劉子昆季以進我皆數世之仁也方子知吾免陳子冀吾昌賀子成吾約嚴子祝吾延子也匪材敢不夙夜竭力以無墜先世之令德以無忝諸君之訓辭



夢澤集卷之十四

夢澤集卷之十四

十七



文

來雨

謝君令斬水壬午春三月不雨民戚曰何以播君步自邑壇禱焉雨越四月不雨民戚曰何以植君步自邑壇禱焉雨越五月不雨民戚曰何以獲君步自邑壇禱焉雨邑人歌之是為來雨之章王子聞之曰歌也足為長民者風矣帝也豈民棄夫錫蕃育庶靡不民焉供是務殖也或雨斬焉食且不粒以斃務殖之而復以棄也其否也矣是孰用棄棄吏也吏也者族

夢澤集卷之十五

月

氓而臨之殆為帝殖者乎不德而賄帝其曰吾且氓殖不有於氓之室而吏橐用盈是以吾殖賄也故斬焉不愛棄民昭吏棄也君之政也聞之矣敏而思達而執肅肅而惠法不右貸其仆也助者先苟民庇焉不惜冒罰邑人宜之乃大吏亦靡不禮帝其曰令良吾氓殖焉令不有也禱輒雨豈惟殖民不吏棄焉昭其良也傳曰禮有祈焉有報焉夫偃僕而趨匪其衷也即湯焉以其軀犧巫也感而酬豐品是事而幸帝之私也謂帝需乎君也不然乃不雨曰予也帝何意焉其雨矣曰帝也予何力焉夫始不拜帝之命既也

不有帝之功也是謂對帝之休帝其永庇之矣

鄉選

張子汝厚選於鄉過王子謂王子曰吾聞君子之於國也忠不必已夫獲而行協焉而以布俾上下之人咸享焉豈曰匪欲其或不然惡說以容負而終則恥弗表於是乎附之可者而迂致之已實用藉是故惟上下之獲享也利猶已出忠之為也公以行之子甫而試頃而斥吾虞子之衷之抑也且子不欲夫詭而復惡夫負者吾非可者然舊於子盍吾附焉吾以其子籍乎王子曰然計之矣落不諭升北不謀取遂不

夢澤集卷之十五

子

議復擲不談舉子也一出而坎纏吾武不驟而驟自信而衆莫之假焉一言觸長吏細人乘之吏議不核而當吾於免親與不睚國人謂狂茲棄之道也且拾藩以滌索七羽而登之嗣焉欲其軒舉也否已子務進者也而不醜予棄是拾藩之類乎雖然思而淵者非造次之啟也決而灌者非崇朝之蓄也屢趨無蹶步終無良棄而反之取之道也子也其務弗吾類無弗利矣張子曰何有於茲君子務忠而已無忌無慕子吾藉也其忍負子

江孺



江孺之亡也父哭之哀黃人傷之曰嗟嗟天乎其足以感夫夫侈慧者斬社示知者禡筭夫侈也何斬也夫斬也何侈也夫子也何禡也夫禡也何予也不然俱天之良也愛也胡弗愛也弗愛也胡愛也是故衆莫解也智者莫以踰也王子聞而庸說之曰不偶者數弗齊者神故寸或踰尺末戾其顛且料昏違倏否俄然是故重壤襲玉而沙礫售毒卉不殺蘭乃霜悴鸞翼則折鷓鴣宵翔時颺霹靂或不終且是弗偶者數也矣弗齊者神也矣故謂殤莫壽焉誕也彼明喪焉過也哀而節焉躓也觀於此者其以感也夫其以慰也夫

善澤集卷之五

三

相

### 成梁

南湖廣而下流必歸焉漲則澤也落復淖無春冬且要也旅衆舟弗給其甚也輿輟載徒地負盈途懟征邇望而遐即也尹侯覺按武昌過焉曰茲病也將益者無良而以貽乎無良者之莅也唯已足封而暇旅恤否者藉以益或核焉因以譴於是乎有舉焉而長吏疑將有良焉虞核者之已疑也避弗集且夫舉大謀廣不畏單議惟無已以從事其諒也且績我何罪不諒蒙焉弗績而罪旅之利也我獲實多是故懼弗

集也惶恤其他武昌令陳君章聞之曰邑吾莅也以病旅弗與祛也際舉而弗贊也余實耻進而亟稱躓尹侯曰協矣遂事事材匠輪良轆作計永官弗費也氏弗輸也踰月事既民弗知也核者弗罪而弗績也旅也稱仁王子曰善哉尹侯之舉夫視涉猶已發乎其衷仁也謀而務集議不憚浮勇也抑令事也侯舉焉不推令視侯之舉躓而不忌公也三者吏之良也並以莅旅其歸乎

### 善居

吾聞宋君之居勝可述已誅蒙荒庸基焉拓窘僅庸

善澤集卷之五

四

相

克焉相宜不庸奠焉薦爽壇庸布焉鳩材美庸族焉以戶以堂以樓以室以覆以塗以墉戶也至不然崇乎爾堂也增增然廣乎爾樓也級級然拔乎爾室也沉沉然邃乎爾覆也整整然次乎爾塗也委委然錯乎爾墉也登登然擊乎爾亟而事焉邁而既焉於是川不愛蓄山不有儲紓靈貢麗匪乎其居侈哉居乎抑君子有大居焉而宮不與焉為君言之夫君子之道居心為上居身次之居心之道亦或基焉亦或克焉亦或奠焉亦或布焉亦或族焉亦或覆焉亦或塗焉敦仁累厚毋邇於佻保而不弛虞喻其作所以基



也多聞善敗畢載靡艱捐隘驚宏無或纖棄所以充也復坦以征弗比於滂末便弗遷計惟其水所以奠也是以周旋措不違矩擇義稱事非躓不留所以布也遐括近含遜中以出抱而不有比善媚賢所以族也進則却視動與省俱思瞻其躬庇不厭復所以覆也錯而展之弗愆儀則表達其有覲者謂文所以塗也得其基斯無圯矣得其充斯無匱矣得其奠斯無側矣得其布斯無悖矣得其族斯無賊矣得其覆斯無滲矣得其塗斯無鄙矣夫如是不戶而崇不堂而廣不樓而拔不室而邃不墉而擊居之大者也是而

善善集卷之五

五

惇之弗替弗輟世世之居也宋君有焉是故勝可述已

六善

吾讀秦公安楚錄見善者六焉一曰仁二曰省三曰任四曰和秉五曰知六曰遜成夫番患自昔恃而悍逞無期夫悍且恃弗易攻也弗期而逞弗易備也不攻而備民之病也弛而病民國何賴焉於是乎見仁矣無之歲殺舉慮墮矧戎是侈虞侈而輟寇之利也無以充侈將自屈也於是乎見省矣聽而無擅臣職則然及而將乏戎之變也請則踰期已則乘會是而

避擅害不滋多權而遣之衆皆厭焉上莫疵也於是乎見任矣害一而三傲蒙一舉而衆攝焉均而議之莫或主也違而自庸疑之本也疑而不協亂且中生何能輯戎協以祛疑其何不集於是乎見和秉矣未試而授授當其才未獲而虞虞當其勢婉出則曲比直發而徑中於是乎見知矣績成不據拜錫若畏引儕分譽於是乎見遜成矣抑茲淺之言公者也恤殺釀厲仁人不有重費墮圖儉者不為忌專失會恭臣不事雷同而債貞夫不隨計務已出大智所黜退以居功老臣艱焉故殺以已殺之謂仁費以止費之謂省專而不害莫指其專之謂任不一而圖卒趨於一之謂和用已亦用人之謂知惟以益國力而無已之謂遜成於斯有覲焉斯為見公者深矣

善善集卷之五

六

報政

劉子治黃甫三年而政成朝以報焉或曰政成何速也夢澤子曰不急聞或曰聞之不急政何以成夢澤子曰聞之急也害政滋多今之仕者曷能免矣夫急聞之吏匪國家之計而速化是圖是故務愚其民而上用誣故作不謀便而惟往莅者之賢取其舊而更之不虞其習也出言如體復復婦仁聞者其焉惟口



而已不虞其衷也蓄疑過深幸於輒中似而執之不  
虞其失也匪稹務夷而惟右抑其或乘之祇以窘良  
割之不愛不虞其愆也茲急聞之道也是而布之民  
曰愛我而復以薦大吏曰良是不亦愚而誣乎是故  
劉子弗忍為也劉子嘗語我曰王不蓄伯德不假權  
偽不可久譽不虛傳利不倍不換往益不備不革宜  
作而不集寧息創而不比寧循入而不獲寧失故好  
更者亂之本也賈惠者怨之機也矜明者蔽之地也  
怙强者濫之所也治絲者不理而紛之鮮弗亂矣或  
乞焉口惠而實不繼鮮弗怨矣寇入室而燭之藉之

夢澤集卷之五

七

明而誨之匪鮮弗蔽矣惡蕭艾而令除焉弗色且蘭  
及鮮弗濫矣是故君子作而思便有弗便弗作也惠  
而思實有弗實弗惠也執而思得有弗得弗執也天  
地之道存乎易簡君子則之動用不慎茲公之心也  
政之由成也公雖弗聞急聞其可辭矣

篤本

賈子黃人也而家於燕其先世皆葬黃焉始祖勝葬  
賈坳六世祖與甫仕元葬泉嶺明之初造五世祖忠  
往歸焉累官指揮則自雲中反葬楊泛忠子恒恒也  
死事後是無復反葬也而守者浸弱葬也他有有者

不仁暴而據之於其巔也屋焉於其側也竊而葬焉  
粉檟見誅山麓不完守者莫何靈也用悖賈子適滇  
道黃拜墓下愴然悲焉曰嗟呼孤死首丘代馬悲風  
羈鳥商號故棲是眷操而南音土風之係也疾而越  
吟悰寄之由也是故太公封於營丘比及五世皆反  
葬於周聖之準也仁之則也恒之後無黃葬者力也  
乃心未一日去黃也鄉人不仁而暴吾祖吾敢不讐  
暴而不讐罪浮於暴聞於官官曰有弗讐者無祖也  
直之於是乎鬻之田也歸於是乎竊之藏也徙於是  
乎童之山也植於是乎裂之陵也完於是乎渙之族

夢澤集卷之五

一八

也收於是乎怖之靈也安君子曰仁哉賈子禮樂在  
茲樂樂其所自生禮不忘其本

重棄

南冥子視學于蜀謂夢澤子曰吾將旌才而斥否無  
假馬以為之何如夢澤子曰否夫遺礫委灰金夫是  
括蓄之廣也弱芟纖株雨不擇潤惠之普也美女乏  
飾鑿弗革妍照之良也何則棄灰無熾斷株不屬去  
婦無還古之憤也是故聖人責功於過君子脩吉於  
悔終履之祥初凶畢贖末路弗傾往趨悉庇是故有  
過舉無過擲有過取無過遺夫是之能使才者錄而



登不才者於才也士之賴也仁人之慮也

能壽

歲庚寅吳侯來守黃拙逸翁偕季夏二之日為翁七十誕侯謀壽翁言於夢澤子夢澤子曰吾聞壽有三一曰壽親二曰壽國三曰壽民壽民有七腴壽國有六永壽親有三雋七腴一曰衛良遵軌而孱佻夫見藉是翼而屏俾公之特二曰病暴裂約毀閑武臨于里是疵而誅弗達其逞三曰長厚宿舊守實餘聲愧偷是禮而比親為俗先四曰室賄狡胥善窺舞公以市是悞而過貪源畢塞五曰潔枉往吏復斷翳情伏

夢澤集卷之五

九

九

義脩筭為奸是論而承引之攸好三曰貽譽已脩不表孰揚厥先是保而傳往聲滋著七腴曰仁六永曰忠三雋曰孝子於侯於柱下史見六永焉見忠焉於守見七腴焉見仁焉夫忠與仁所以為孝壽國與民所以壽親

嘉政

觀風者嘉嚴君之政而禮焉國人以聞諸夢澤子夢澤子曰政可聞歟曰可夫黃繁獄之域也夫子聽焉而優且多習訟者也情跡乏核則躡而愬以下覲聽者以其自也而曲庇焉聽者匪人忌忤而務媚得而不執夫子不然惟得而已不虞其忤上亦遂之國也蝗委捕焉曰蝗異也異由政政之不求而捕是務捕以已異為劇之矣乃省咎去敵精禱迹阡量獲差賞有轍之原蝗無留也麻之學宮邇河漲而衝祀親官學士謀徙長老曰地則靈而徙焉不可且不防而徙衝復及其能亟徙亟徙將棄邑則曰誰能河夫子乎大吏聞之因以命夫子曰弗費莫輯矣乃命虞誅材之能久者遵岸之足布而入之出其顛腹實礫焉巨石藉而壘岸立若磐鑿支河二其傍分其衝而殺之水至三注邑之人幸焉曰微君學宮魚入矣室廬其

夢澤集卷之五

十

十



濺沫矣茲而後其名嚴河三者政之大者也夢澤子曰政止是歟曰何為其然也讒口亂聽枝論奪本斯其為訟也大矣饜餐是肆魚肉我良斯其為蝗也大矣暴客伏姦伺焉而決斯其為河之患也大矣夫子惟是之務息也訟如是之務捕也蝗如是之務防也何如夢澤子曰政止是歟曰何為其然也利義戰心互勝不下斯其為訟也益大矣私妄族據蝕我善萌斯其為蝗也益大矣奔欲潰理隄之莫遏斯其為河之患也益大矣夫子惟是之務息也奚啻訟如是之務捕也奚啻蝗如是之務防也奚啻河如夢澤子曰

夢澤子言

十一

湛

避哉國人之言茲政之所由來矣其見禮也惟以是歟

問俗

微山子之監於楚也訪夢澤子乎江之濱問楚之俗夢澤子曰古也怨今也豫吾欲子之祛其豫焉而怨之復也微山子曰何也夫拂焉則怨矣暢焉則豫矣豫之實難其有不獲怨乎夢澤子曰古之怨也厚今之豫也佻吾非進怨而疾豫也進厚而疾佻也夫帝妃之求怨夫冀夫之覲焉所以為貞也屈子之騷怨夫冀君之諒焉所以為忠也宋玉之辯怨夫冀師之

明焉所以為義也申胥之哭怨夫冀國之復焉所以為仁也貞忠義仁所以為厚也今也豫而已言訟則豫焉腆致厥誣伏詭淵如公禁之施因以為利言胥則豫焉惰農棄耒困士讐誦隊丐奴希狡子盈籍言鬪則豫焉遠徼之俠介乎他境緘釁稱兵司敗莫問言攘則豫焉江湖盜實魚鳥其居舟子威之旅寢無寢豫於訟斯囂矣豫於胥斯汙矣豫於鬪斯梗矣豫於攘斯亂矣豈汙汙梗亂所以為佻也豈惟是哉怨者其思深豫者其思淺怨者其欲儉豫者其欲侈怨者其守固豫者其守渝怨者其辭信豫者其辭游是故帝妃之怨亡或豫以棄貞矣屈子之怨亡或豫以棄忠矣宋玉之怨亡或豫以棄義矣包胥之怨亡或豫以棄仁矣是故吾欲子之祛其豫焉而怨之復也微山子曰子誠楚人也其言也楚吾則為皇錫極俾民無或作怨無或作豫咸歸於極

夢澤子言

十一

衍畜

予既覲微山子因得其父野塘翁之為人焉翁嘗為沁水令寇至莫支免免矣或曰垢也其滌諸且見滌者矣藉之可白也不應夫豈不能於寇者而坐不支以免也將求為自廢者歟夫以其力也而垢務滌無



難焉矧垢同而滌者可藉也顧弗之白也將求為自  
汙者歟夫其不支以自廢也將雄而雌守者歟夫其  
不滌以自汙也將白而黑守者歟翁其知畜者乎而  
謂壽不在茲乎吾聞天長地久天地所以能長久者  
其以能畜日月不畜不明雷霆不畜不震川瀆不畜  
不流玉不畜不輝蛟龍不畜不神鷹隼不畜不搏虎  
豹不畜不變故日月必代其變也或食或晦或虧雷  
伏於澤川納不棄滌玉璞蘊焉蛟龍必蟄其蟄也或  
於泥淖鷲鳥將擊而戢其翼豹霧而隱凡以畜也故  
不抑不揚不真不章才不畜必匱力不畜必屈智不

畜必窮業不畜必隳四者不畜必無以迓休而延祐  
是故達人知之不盡其才為弗匱也不盡其力為弗  
屈也不盡其智為弗窮也不盡其業為弗隳也能盡  
不盡凡以畜也畜也者百福之地也是故自振者人  
廢之自廢者人振之自白者人汙之自汙者人白之  
畜不畜也天以畜故能長地以畜故能久人以畜故  
能壽若翁者其明於天地之道而達於長久之機者  
歟且將與天地為長久者歟

勸濟

殷子之父繫非其罪也殷子謁予而問焉曰何以居

此曰以喪禮曰何以濟此曰以喪人曰言何不祥善  
是曰是祥也夫喪禮以自居也非顏面之但瘠也樂  
旨之但屏也戚焉耳矣喪人以求濟也非藉援之但  
強也請緣之但備也深思焉耳矣傳曰居父母之仇  
寢苦枕干不仕戚之謂也又曰士人無以為寶仁親  
以為寶深思之謂也曰是以居而濟也其有信乎曰  
信矣戚之積也天且感焉奚有於人深思之積也國  
且復焉奚有於家故索屍以號塞垣為墮賤臣叩心  
霜隕炎節戚之應也抑欲危處會稽之恥雪馬十九  
年於外而卒以反國深思之成也曰是而且不信也  
柰何曰日月其終晦矣是則非人不祥天實不祥

善遷

瑞昌學宮隘而湫堂廟逆己丑冬柱史 子之按茲  
土也謁而陋焉以諭令若師曰人且病之其能安神  
士之久而弗當於選也殆茲故之以其盍圖之謀於  
柱史穆子秦子及諸藩臬而協以檄郡守馬子馬子  
曰邑吾益也而以他勤乎進令若師而申之畫而授  
之基卜焉而獲其舊云景泰而上學宮之遺也遠邑  
而近路達於河川原匪麗相者曰是宜宮且舊也人  
曰舊其棄也而即之即人之棄其無遷矣相者曰地



則良彼失而棄之而復之譬斥而遭彼其蓄而一朝  
聞焉其振且火吾見學士之群而升也於是表以辨  
方度以知受懸賈致材雖他之產族而趨之掄良於  
工良無他適其荒穢也誅之或蘊崇之其迂也遂之  
其銳也擴之其淖也導而祛之其坎而下也客他土  
以實之其或亢也以其土他客也而夷之人曰基舊  
也而爽塏若是於是中而廟左右而廡主稱皆制是  
而面則儀門外則泮而梁又外則三門是而負則堂  
立若廟齋立若廡儀門而傍則鄉賢名宦偶而祠堂  
西而後則射圃齋西而外則宰牲所外是則解宇六

夢澤集卷之五

十五

十楹悉是而外則廣垣以括人曰基舊也而構創若  
是於是官不言匱私不告勞董者稱平核者莫疵庚  
寅之春亟有事之辛卯四月端其落之落之有四月  
學之士陳子賓興焉以應之人曰基舊也而發秀若  
是於是馬子之僚林子以聞於夢澤子夢澤子曰茲  
役也可以喻道矣夫覲其庇而幸其應者非也吾聞  
士之於道也固安之難而猶遷之難夫聖哲遐逝往  
指日乖守殘執謬有而不疑是而安焉奚安之貴其  
或不然虞利而趨計便而作背於聖則輒變以徇是  
而遷焉奚遷之貴若夫不為習泥不為時乘先王是

程歸於古始遷之善也乃可安也茲役也陋而遷焉  
遷惟其舊始象之矣是故可以喻道矣抑役有其念  
之真與倡也有其倡之真與贊也有其贊之真與任  
也念而弗倡不可始也倡而弗贊不可遂也贊而弗  
任不可成也倡以始念贊以遂倡任以成贊諸子有  
焉無寧役道其賴焉林子曰役而弗述不可稽也述  
而弗文不可永也述以稽役文以永述吾子有焉無  
寧役道其賴焉

紀遊

辛卯秋七月磐濱李子龍津黃子按黃以暇日遊武

夢澤集卷之五

十六

昌之西山玉泉張子五丘王子及子從既渡沿廻江  
岸初經市井隨迹原隰故阡新術遞歷互出古松夾  
道輿行松間風激木末響中笙簧雲陰藉裾山禽逐  
蓋既出九曲道中宛轉盤折登頓欲疲曲竟古碣不  
屋剔辭考刻感慨陳迹遂乃憇花宮登萃景樓攀蘅  
撥藻駢秩賓筵饗子割鮮鮪鯉雜薦鼓吹埤列歌聲  
近筵數觴且輟攀登緣蘿直至絕頂率情草坐命酒  
藉石袖拂烟霞喜鷲鴛鴦悉出尊俎之下而挹大江  
帆檣陸離遙攬白雉山倦雲歸岫近引寒溪迤湍赴  
曲俯睇故城頽雉積莽吟謝客之詩章撫孫樵之劍



石豪華狼藉俛仰愴神遂奮起迴立觴轉若環勸酬  
不文謹浪無禁已而落照在山候使催暮於是二君  
滿歸子三客留龍磐磯宵酌磯頭臨流洗爵忽見江  
光霞色窈窕微茫超然有塵外之想惜二君之不偕  
也遊之明日磐濱君賦之屬諸君和之以及子子曰  
古稱登高能賦者為大夫于山人也不能賦請為君  
志之

志雨

吳侯治黃之壬辰春不雨至首夏炎曦布威廣澤化  
陸空揚於畝潦除於池霄漢滌雲林麓忌焚居者病

華澤集卷之五

十七

汲引者競滴畷不在田農不手耜且麥秋也適民族  
攘客據主場炊烟在野是故困不專貧憂不但智國  
人謀而請於侯曰其使巫侯曰天則不雨而望之巫  
愚母乃已卑乎曰其水之淵龍宅焉其怒諸雨可致  
也侯曰人則不能而索之龍於以制之母乃已疏乎  
曰數富之實而罪其出惟賑之侯侯曰公則不儲而  
恃富之藏彼實應且懟抑澤未饗及而首以懟富是  
以期濟也母乃已艱乎曰然則何如侯曰咎在子即  
子求之其可矣今於國中市不屠道不除輕罪弗繫  
織訟輟聽貶食省用已徵減從去蓋謝乘禱於壇祈

夕至其衷疚其辭傷其容若將隕越於地國人曰君  
無病乎其何人小人之故而病吾君侯聞之曰民病  
是虞吾何愛焉如是者日行之不雨旬行之不雨月  
行之乃令於野曰脩而隄防達而溝洫監而竇視而  
築展而具宜而種時雨且降令之明日壬寅雨至甲  
辰陂池滿受原野流溢山麓改色田畷在田農人倍  
作婦子喜饁逋者反其窟廬攘者脩讓悲吟者歌國  
人曰君實生我敢不拜賜侯聞之曰天實悔虐於爾  
有衆子敢或奸天則生汝而疑於子誣矣君子謂吳  
侯於是乎能格天夫格天者在實非文之能夫侯始

華澤集卷之五

十八

而罪已中而疚而不已終而人功之懼其誣已夫罪  
己者凶而不委不委則日遠於戾而納於順未有順  
而不應者也疚而弗輟復之以恒未有恒而不動者  
也天功不攘弗侈弗張答休以遜未有遜而不益者  
也三者格天之實也吳侯有焉雨也天豈侯是私

衍號

夫九峻秦之名山也陳子秦產也陳子之以九峻自  
係也其有契乎今夫山土石賴成擁重結頑然而林  
麓雜負秀色可攬是質而能文焉真形莫遷朝代坐  
閱然而出雲吐氛轉盼各相是恒而能變焉犯霄噴



起爭長太華然而承籍無選足逮藪澤是高而能下  
焉是故陳子見其質不遺其文見其恒不泥其變見  
其高不棄其下是故其為學也先王之是準也述典  
之是程也而圖牒之必手也葩藻之必掇也是質而  
能文焉其為政也軌度之是秉也德遠之是辨也而  
過故之必悉也垂格之必達也是恒而能變焉其為  
德也賢哲之是齊也傳與之是遍也而顛蒙之必誅  
也單子之必禮也是高而能下焉夫質以為文其文  
也所以有其質也恒以為變其變也所以有其恒也  
高以為下其下也所以有其高也九峻有焉陳子似  
馬詩曰惟其有之是以似之此之謂也抑豪傑之生  
其必鍾焉陳子九峻之鍾乎詩曰惟嶽降神生甫及  
申此之謂也子於陳子望之也九峻矣詩曰高山仰  
止景行行止此之謂也

明慶

黃貳守蕭君遷司徒郎或問於王子曰國人慶乎曰  
不曰何故曰其君子明於其政而冀其顯庸曰君之  
良也六年而遷其晚矣其小人幸君之足賴而欲私  
之以終惠焉曰吾母也俾不吾是子孰令借之借孰  
聽之是以弗慶曰於子謂何曰其弗慶也慶孰大於

是何則夫子之政不近名而近民為廉也弗為矯為  
直也弗為激為嚴也弗為苛為寬也弗為弛為明也  
弗為察為敏也弗為驟為斷也弗為愎是故其於民  
也無或陰焉無或窘焉其於屬也無或馮焉無或睚  
焉其於長吏也無或逼焉無或媚焉夫其不為矯之  
類也其於名也不亦不近乎夫其為廉之類也其於  
民也不亦近乎夫其不名近也是以後聞焉而竟聞  
也乃遷夫其民之近也是以民望私焉其竟弗能私  
也乃對焉是故晚而遷者養君之譽也不以君私黃  
者國之公也或以王子之言聞於國人於是乎君子  
不以其晚恨君之遷小人不以其私幸君之留今而  
後國人無弗慶者

平寇

長沙之寇釀而竊發楚人恐大中丞翟公有憂焉曰  
亂其萌芽是而不剪長此安窮矣或曰無年其俟諸  
公曰亟而圖之予猶晚之懼也而以俟夫俟資之蔓  
也蔓而圖費且侈且夫謀大者斷乃成於是請而兵  
取其鯨鯢而戮之功既成以聞上嘉資焉曰微瓚朕  
其無楚憂公此向稽首謝曰君之靈也二三臣之力  
也臣何功之有焉夢澤子聞之曰公爵約變之文負



薦揚之勇即撥亂世反之正且無難矧此纖虜何足為公頌焉公祛大賊五非國人之所知也夫兵革之賊可執而誅也非賊之賊不可得而誅也一曰民之賊二曰吏之賊三曰政之賊四曰學之賊五曰德之賊今夫脩任俠之行敗長厚之俗尼化誨之流工庀覆之術冒殊死之實而無小辟之指也是故公觸忌諱而司敗莫何然不何則君上最病此民之賊也亡棄禮節而務邪媚道夷廉恥之界徇世俗之好締縉紳之譽而失閭閻之心姓字沸於表薦而民莫愛焉夫吏以民設也民莫愛則上下安賴然又莫得而庶

卷之五

五

之也此吏之賊也談政者鮮執禮要而文法之務飭焉微有舉措必稱周官羞比漢室從而跡之反出近代下然猶翕翕然謂善也此政之賊也綴學之士是信末師而違於道真造支離之辭垂風雅之旨然猶守殘保陋持堅白不相下也此學之賊也恬而宅競恭而蓄倨讓而基攘比聖附賢心之則躑躅矣言性語命覆之則貨賄矣此德之賊也夫賊於德求學之弗賊弗得也賊於學求政之弗賊弗得也賊於政求吏之弗賊弗得也賊於吏求民之弗賊弗得也賊於民求無兵革之賊弗得也故兵革之賊賊之微者也

自公之莅楚也隱無遁情狡無完魄民有賊焉者鮮矣媚不蒙褒貞不逢抑吏有賊焉者鮮矣名不遺實敵不掩良政有賊焉者鮮矣高必準古卑不逐時學有賊焉者鮮矣言必稽行貌不違心德有賊焉者鮮矣故公德之長也學之準也政之式也吏之表也民之風也行此五者於天下無兵焉可也矧惟楚邦詩曰文武吉甫萬邦為憲此之謂也抑是役也帝賚而不愛公讓而不有詩曰我有嘉賓中心既之又曰公孫碩膚亦芻几几此之謂也

哀引

卷之五

五

先大夫沈公之卒於潭也潭之人久而思而祠焉其孫柱史君以觀風至祠謁焉愴然悲焉踟躕焉稱文以奠焉迺若弗能去之聞者感焉為賦詩焉或以傳於王子王子曰是詩也其傳矣或曰何也曰見大夫之仁焉見柱史之孝焉見楚人之厚焉夫執法之家務持一切嚴而少恩甚者意為之出入賄為之重輕故當其身在位而民病之去而幸焉其既去也則復至之恐也況夫逃德不磨流風激人長老能述子弟率從奔走無數報薦是隆於是乎見仁矣今之子若孫者先世雖有德美不知也即知之弗能稱述也甚



者不淑以隕其家聲是故行乎墟墓之間心弗能為  
動也愛不加於粉梓况夫感慨陳迹俛仰生悲長歌  
之戚從夫涕洟積思廉逸遐軌不遺於是乎見孝矣  
今之世鄉鮮不佻之民士無舉故之議是故於其長  
也視若過旅焉懟則指詆焉無忌也朝綬不縮暮揖  
弗至於其既去也若棄遺焉不顧也詰之姓氏不識  
也况夫申之祠祀伏臘是供發之聲詩引慕莫窮於  
是乎見厚矣夫以大人之仁也雖非其孫有不表於  
後世者乎而况柱史之賢足以濟美乎夫以柱史之  
孝也雖非其祖之貽也有不大其先世者乎而况大  
夫之仁足以自締於人乎夫其仁且孝之聞於人也  
矣夫為之含悽殊俗為之失愉而况夫哀怨者楚風  
之遺乎又其今昔浸潤其澤者乎羊公之碣見者淚  
墮今也潭其峴首矣是而後有墮淚者不專羊公也  
二妃求舜於蒼梧之野染淚於筠久而不滅今也潭  
其蒼梧矣是而後有斑在筠者不專帝妃也招魂諸  
作哀些之音觸之者鮮不鳴號焉歎歎焉喪失其所  
歡今也其招魂之嗣嚮矣是而後有以哀些吟者不  
專屈宋輩也夫三者皆楚之遺也而是編也該焉是  
故知其傳也



夢澤集卷之十六

文

七申

嘉靖十有五年仲冬十有四日翟母太夫人年八十有九楚父老大夫搢紳先生之徒儼然造夢澤生而言焉曰自母之子中丞公之撫楚也羔羊之節風於下察露冒之惠兼於隕落汪濊之澤逮於昆蟲懷來之政被於荒廓而又優跣弛之士消冀伎之俗棄委瑣之文策罷駑之足是故三年之間蕃害莫逢螟蝻避稼猛獸避畜食綬不縮凶領不屬雅行者無薰胥

夢澤集卷之十六

一

卷

之憂當辟者絕失情之微耄耄有養而孤獨者獲恃也公之壽楚也至矣夫飲水者必德其源飫實者必懷其祗故任似篤周詠嘆於詩人孟陶啟哲炳載於列史母誕公以壽楚楚人德公而遺母是昧於本根而爽務報之由也母之誕也敢謀壽母生日客言誠是然河海之施非涓流所報累重之感非緒誤所陳也客曰用情者無嫌於細貢實者不務於誇故芹子之笑獻之至尊澗溪之毛羞於王公瓠葉在雅采繁在風吾儕楚產也闡地之有演楚之遺于以藉手公堂是躋生曰可得聞歟客曰鵠山之下漢水經之春

夏之漲橫流溢出入泱泱驚陂池洶涌彭湃泌滌靡

離乃使異術之士移醴泉於中流不假營於康狄而

陽侯效幻罔象冥推澈冽澆醇膠盤沸醕鷓鷃鳧鴛

鴻鷓鷃鷓鷃之屬啜喋其中者悉委羽傑池欲去而不

能奮飛於是千夫引之萬斛為甕維北有斗以酌以

斟跪奉母前萬壽是稱又使參佐賓客之流盡其餘

尊作情啜之萬之一分而遂巡歌側嘯唏煩醒此天

下之至飲也可以壽乎生日滋味之侈未足壽也客

曰夫楚淵澤夥復古稱多魚鰓鯨鯢漸離鯢鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪鮪

夢澤集卷之十六

一

和



本射干藤蕪留夷揭車木蘭鮮支若蓀蔣芋青蘋  
虎布獲必芴黃綠掄株律葉衆擬時寧於是截霞為  
裾裁虹為佩廣約準材軋芴縫製郁郁菲菲應颺披  
靡吐芳揚烈氣飄不止乃有仙妹靈媪感而下之留  
駢駐軒鸞行鳳隊滯眷而不騫此天下之至馨也可  
以壽乎生曰服御之奇脩姱之飾未足壽也客曰瀟  
湘之岸籠鐘篔簹攢立叢倚成排戟起側綴支委窳  
隆突夷浸淫不已其上則勁梢直節干霄拔特其下  
則蹇產蟠結輪菌而真測秋潦迴湍漱滌蝕切夏則  
烈日炎飈之所激也冬則飛霰素雪朔氣之所肅也

臺集卷之六

三

三

朝則希旦之禽先旭羣鳴暮則羈雌窮獸憇根利溼  
物感氣蒸色質間成踰玉汰金乃使操斤之士入林  
而求之斷龍斬螭九節是宜刻鳩其顛老人所持出  
入指爪鑑然有聲神物馴狎百怪莫侵容與相羊遊  
於帝庭此天下之至珍也足以壽乎生曰衰憊之資  
母健若飛未足壽也客曰聞之傳記襄王之所夢交  
甫之所覲信列仙之佳麗也爾乃應期而至或自漢  
濱或自高唐飄若鴻舉矯若龍翔翛然鸞峙的然珠  
光睇眴絲貌引握無方縱躡迢躑微埃弗揚若鶻若  
狂若露若藏若執若忘便嫫渺泯體約殼素齒出宮

商轉流目清歌俯觴於是折若木以却景抑羲和  
以緩繼歡悰未滌蘭燈屢繼觀者忘疲聆音失味此  
亦聲色之至娛也可以壽乎生曰妖冶之極清虛之  
累未足壽也客曰將使屈原宋玉景差唐勒之徒推  
本二儀極命萬卉丘索所遺爾雅所棄比事綴辭引  
物連類競藻撫麗英華各致高思薄天深構入淵摻  
隱理紛雋取鄙捐於是贊西池之會誇東海之籌紀  
莊周之椿演箕子之疇五色參錯星緯屬絡情象繫  
貫精采揮霍其觀於人也高者生敬卑者氣奪其壘  
變而屢易也異態如夏雲又如天孫運杼色縷續紛

臺集卷之六

四

四

其或采諺陳誼樸指直載田父里媪亦得而解其奇  
出而誕就也或倚相所未讀楊雄所未識其冥求而  
幽闕也鬼魅黯窺跳號頓立駭情跡之莫秘此亦詞  
賦之至偉也足以壽乎生曰幾矣客遂推而進之曰  
未既此騷人之餘習未足論於道也將使大雅君子  
刊華就實理詩書之文繹義孔之旨取母之徽懿合  
而擬之萬不一失故其利柔順之貞通黃中之理敦  
樛木之仁正家人之位婦道母儀俱舉並飭行無可  
選事不假飾信閨闈之永範名賢之仰成也乃知福  
惟自求假非倖致夫金母壽而德周闈敬姜賢而子



不逮彼秦漢以來圖牒所載嫫媿嫫嫫緣困而亮節  
偏行而著名者安得而過乎言未畢生乃避席而起  
歛衽而立曰客向所言爛熳尾屑耳目之娛世俗所  
悅今將考祥於履稽社於德不朽之圖丈夫之業億  
萬斯年有引無歇僕雖不敏敢附下末

長厚

易公為藩於楚有年矣今以中丞往撫河洛夢澤子  
曰公之藩楚也政務體要寧固根柢畢誠靡他吏民  
化之速蕩者趣於敏作詐讓者效於悃悃饗誠者敏  
於蕪讓恣睢者檢於約束非有過求驚邁之施而近

漢書卷之六

五

自親睚遠至荒微上自王侯賤至厮輿莫不雅服重  
藉人人意滿用其情實信鎮俗之資矯世之賢也夫  
近世言政之家其失可知也大抵以神自蓄銳師刻  
隱務為操切喜日計之績棄祀代之謀工括摘之慘  
病覆蓋之厚煥名法之家後仁義之用論短則恭棄  
其長指瑕則并抵其瑜刈蕭而蘭及誅莠而禾遠於  
是速化之術興詭衷之議售取具於文避窮於口實  
匪異等妄出羽毛一有疵失善為衣飾要在不獲人  
而不止潰決無所茲周秦之末執苛責之顯失庸人  
之所矜智者之深危也夫攻玉者以石浣布者以灰

賤可資貴也雖有褊心之人無所怒於虛舟觸出無  
意也是知兼容者益世之敵虛出者伏暴之本故書  
稱若有一个臣斷斷無他技惟其休休有容賴其保  
我子孫黎民而漢初大臣皆長者少文耻言人過若  
公者非其流歟况今總連帥之司操變化之柄固作  
率之所由風聲之肇始也中土士民翕然響隨百倍  
荆郢何也任重則易施令專則易下也他日都宰執  
宅端揆正玉衡而平太階還世於胥庭流功於金石  
國倚老成天壽平格休美夥膺頌贊難殫詩曰布政  
優優百祿是道公其有之若夫國子遺猛政之訓宣

漢書卷之六

六

七

孟改冬日之和斯弛張之權直枉之用不及之濟非  
長恃之善物又公餘事也

德壽

歲丁酉九月十有七日閩田母夫人七十之辰其子  
拒山氏官於楚也則謂夢澤子曰吁子之不能觴也  
子盍昌言夢澤子曰然吾聞以算壽者下也以善壽  
者上也曰何如曰視母儀履稽昔載籍其備矣夫其  
秉婉嫫之性勤古行之覽其慧也擬諸大家釐坤承  
之制遠宴私之容其敬也擬諸德耀愉高屬之姑謹  
扶將之節周時第之役其孝也擬諸龐姬宜饋饁之



政愛繒帛之施惜雞鶩之食其老能勤貴能儉也擬諸敬姜至其敦比鄰之誼紆箋子之句又其振尼之仁散積之道也夫慧者德之資也敬者德之聚也孝者德之本也勤者德之恒也儉者德之度也仁者德之厚也德者福之地也故曰福者備也備也者百順之名也無所不順之謂備言德備者福備也故家人之所宜者閭里之所藉也戚疎之所譽者鬼神之所歆也人神之所益者天命之所假也然則汰耄踰耄邁期以往其必致也曰言止如斯而已乎曰何為其然也跡古嬪妹或效懿於織末或飾節於造次或抗

卷之七

七

鼎

端於遭躓片辭特趣世典不漏支軌窘躅獲揚末照矧其具包舉之盛亮含弘之本隆始終之歷哉是知華首之良隱於閨闈儀形之本源於婦流將使易演其順禮著其則雅贊其微音頌侈其純嘏疇陳其好德綴文之士揚厲無除流令聞於不已浹聲稱於來茲若是者景耀所不能晦時序所不能謝代祀所不能革陵壑所不能遷形質所不能化兵燹所不能燼饑饉所不能噬茲戡穀之道不朽之業也所謂以善壽者也曰言止如斯而已乎曰何為其然也孟母之聞以軻也今子學踐理室文為辭宗而又廣錫類之

孝弘作人之功表未聞之士申不及之訓覆疵瑕之末絕地暱之嫵於是三楚之士莫不馳奔霧蒸羽湊而響赴驚英特之途希遘際之會幸逢激之用競德輝之覽利大人之見刑無泣璞之夫郢無寡和之曲乃有考世之士本其從來則又開元於母氏出緒於內則然後錯文章之英以為絲適道德之腴以為饌釀風俗之醇以為醴陟降乎太古之庭周遊乎忘憂之圃若是者注之不溢酌之不竭子雖未之觴也天下之能觴其母者孰有過於子哉於是桓山氏曰子之及此言也乃可以壽矣

卷之八

八

星

### 訓白

周子號白蓋因鄧子問白之義王子曰吾聞禮曰白受采言文之始也易曰白賁无咎言文之終也夫采非白以始焉吾恐禮之不可學也夫賁非白以終焉吾恐咎之不可無也白也而終始須焉是白也者天下之至采也而天下之至賁也後之言者反是墨翟見素絲而泣焉謂其可染也老子曰知其白守其黑是忌其或汗焉而預善之也夫從禮與易之言也是天下之至益也莫白也如也夫從程與聃之言也是天下之至禍也莫白也如也且青黃雕鏤木之災也



使木也而非青黃雕鏤焉則木之用也不亦鮮乎黼  
黻文章絲之染也使絲也而非黼黻文章焉則絲之  
用也不亦鮮乎是知非白文無施也白而徒焉天下  
之觀廢矣而又奚貴焉然則安從哉子不云乎不曰  
白乎涅而不緇白之至者也夫其不緇也然後禮之  
采可受賁之咎可無也然後翟之悲可免冊之守可  
棄也然後天下見白之益而不見白之禍也

本賢

汪母太夫人七十之辰思齋朱子過楚語子欲子致  
辭子曰子往知汪子今又知母也子舉進士同汪子

學集卷之六

九

星

被選入館子方負性氣遭事徑情不脩遜節或朋輩  
出所譏屬使評本非有知輒妄善不又聚處譁浪杯  
酒歡洽輒吐心膽恣語語多鮮中至近侵刺人以為  
侮汪子顧謂質直不為罪也

武皇末造海內多故言者稍觸忌諱輒得譴斥汪子  
獨發憤激衆詣闕下上書書務直指時病人人為危  
汪子不懼也方書上宰執不悅遂假手其間出吾輩  
為州郡吏凡謫吏喜矜直節而輕其長又苟且以望  
旦夕復汪子則能其官若素習為者於長吏則傾已  
下之無難色不謂謫也

今上即位潤澤橫流下寬詔復言者官於是同謫者  
皆得賜環而子乃以後職為法吏所繩事危毀矣汪  
子至京師欲上書明子無罪曰寧子不官不使王子  
沉落時同事二三子虞其逮已力止之疏不果上後  
每入班行左右顧子獨不覲也則悵恨若遺故雖復  
故秩不為喜也自子廢居青雲之交雅稱莫逆者皆  
謂子行干衆怒畏與比暱競為棄絕以自逃解一問  
不加而汪子數錫教旨致綢繆之義不為嫌也及出  
監司直道忤時輒棄章服即日歸歸被表薦不輒應  
應亦輒復歸此予知汪子者舊也今晤思齋子乃知

學集卷之六

十

相

汪子之母為雲莊君之妻剡溪君之女中峯君之姊  
肅雖之儀本于姆訓徽懿之實譽於家人初晚之歷  
合于世典坤德粹精內則無漏誠關闈之良範賢豪  
之仰成也吾聞婦人有內貞而無外事其賢曷顯於  
其子見焉往知汪子已足以知母今幸知母益知汪  
子之賢有從出矣夫箕疇壽考承以好德戴記百順  
本於內盡使載籍所云果為弗誣則母之遐筭寧有  
既乎寧有既乎

並壽

夏翁若母今歲俱躋六十客知母為子姑氏乃令子



文之予曰夫翁母者於世亦鮮矣今之英士壯夫高視邑里而虛範不倫內顧蘊歎又或淑媛名妹好仇不媾托身匪人歷屯棲滌聖善莫揚至有內外合德疵釁罔加而好合中乖差池未邁否則子姓或慳宗祊嬰念若斯數者何足言備稱祥全人倫之休宅資談士之揚列也翁本從龍之裔席累世之榮幼負異質歆嚮儒林厥考見珍鄭重掄匹乃得吾姑姑幼閑姆訓婉慧德容符於聖則歸翁之後度棗脯之儀祇頻藻之役飭伏臘之備拓隴畝之資綜葺逮於雞鶩食力均於城獲施予洽於比鄰用此助翁正家人之

漢逸

十一

相

位樹長者之譽振中微之業踐豐亨之闕貽堂構之謀其子官發憤典墳承施濟美穎敏越類質訥依仁青雲之器起家之雋也幼孫岐嶷蘭芽早茁二老提携晚榮足賴由此觀之英傑絕內顧之歎坤德免所天之劣琴瑟無中路之乖嗣續有發祥之慶而又齊年並健不後不先天人合吉誇詡難既予為容言愧不萬一

漢逸

王子結廬漢上養素江濱芟製荷裳慕靈脩之執蘭撓桂揖飭遊衍之具選石垂綸擬渭叟之跡臨流濯

纓聆滄浪之歌伏臘脩祀則登蘋薦藻歲時自勞則擊肥引鮮散髮黃綠則揚林多陸耳之禽岸憤徙倚則花圃無忤目之品焚香宴息則琴室盡怡神之物而又遵渚請珮悵交甫之偶遇抱甕灌園幸丈人之在茲匪述秉鋤或老父之復作滌鑿者幾陸子之餘韻豈非高士之逸踪隱淪之奇尚哉至其傾財結客敦義多讓動不觸禁言必思窮耽文儒之邃譔希翰墨之流馨富弼筭之珍帙則好禮之程守富之要道親賢之懿揚聲之偉策矣

闡義

漢逸

十一

相

居士係籍楚國卜築茶園不言躬行著聲孝友方其母兄凋謝家祚中微銜卹抱隱畢誠勿悔拮据展畝局踏避咎開畎畝於汙萊均其苦於傭作單力貞幹不事淫末馴致殷富雖其消息自然要亦支招不詭也至於悟福謙之旨率好德之良歆高誼則願為執鞭衣簞子則不難焚券委心韋布無冠蓋之希篤義鄉鄰散奇羨之積資性妙合要結無存由是里閭重其然諾同室服其儀刑可謂承家之賢裕後之哲矣然則積善之報將行於綿瓞君子之澤豈替於來葉哉聊書其大都著其潛德云耳



能理

近川查公節推黃州三年今其波召而入也其僚友黃公胡公餞之行而使邦人王子言王子乃言曰夫法者天下之平也而今之司之者則使不平也何則司法者不務三尺是守而惟窺伺上意以為低昂上所欲陷即非罪鮮不裂完附繫矣上所欲庇即罪鮮不室滲肉體矣否則首鼠其間多疑少斷經歲繫係株引窮竟達達以旁逮而坐困覆此其失一也其或矜拔進之能遠藉膏之熾避啼雞之誚而廷激過當狼杵物情窶子實黠禁且獲末滅矣彼富人實非暴

公案卷之六

十三

矣也輒得掠立逼恐得其誣伏鮮不增入重困矣必如是乃足以驚節而起聲此其失二也又近世俗喻甚鄉里無賴子弟不能其父兄或臧獲恃蓄而求去其主亦輒恣睢而起持其短以訟聽者不務裁戢反為之翼助焉夫三代且勿論漢法子孫首匿父母大父母婦首匿夫皆勿坐此其於人倫至深厚也而今悉以妨病矣此其失三也三失具而法失平是故苦如秋荼而民甘之密如凝脂而巧者漏焉然則民何恃賴矣而近川子之治黃也則本儒以飭吏脩禮以勝刑羞擊搏之能急化誨之務後操切之術振倫紀

之微絕希合之心求絕墨之意上所欲陷使非罪必不附也上所欲庇使罪必不貸焉其不撓有如此者輕繫至庭立剖之不施負擔歸矣其不淹有如此者罪在窶子必不縱之以賈惠也使富人而非罪必不寬之其不矯有如此者評父子則議依於孝評兄弟則議依於悌評主僕則議依於義其篤倫王分有如此者有此四善以祛三失是故慎忮者消其暴猜禍者寢其毒唆佞者結其舌饕餮者殺其欲嗜厥者力其生遜節脩於衡閭信實行於廝役乃知司敗非少恩之官而刑書為寡過之資矣由是鳥雀馴於訟庭

公案卷之六

十四

折揚卧於蔓草日進章逢坐談道與敲朴息而絃誦興案牘塵而圖牒飭藹然文儒之囿經師之偉也非所謂本儒以飾吏脩禮以勝刑者乎夫吏不根儒其失也俗刑不先禮其失也淫故儒吏體用之學也刑禮表裏之具也知所先後上賢之德業也而近川子擅焉今其召入也陟崇都要執是道也有不大遂其施措置世於平康收經術之效致無刑之頌者哉

郭園

郭園者我郡侯大梁桐岡郭公之所築也昔公之官於吳興也結念嚴君暫返初服奉親之暇爰築茲園



池亭樓館之觀水石花卉之麗見公之自狀與諸學士之所紀贊者備矣而又欲予有言也予聞茲園接壤吹臺夫吹臺者往謀之所艷賓客之共欽也是獨其臺之勝哉以孝王之築而且牧馬諸子遊其中耳臺信偉非附名賢之跡曷能表於後世矣然則臺之勝人重之也故予於是不欲侈其園而鄭重於其主人自公之有是園也中車日駕自郭徂郊遂乃黃緣隈隩遵歷幽深陟曠敞曠每情景適會則遺形兀坐澹然志歸於是廣樂志之論擬閒居之賦理釣弋之事裕行樂之需其款扉而願接者非沮溺之倫則求

卷之六

十五

四

羊之眷也其考度而求貯者非種稂之種則播殖之器也其發筭而每試者非農蠶之譜則稔歛之占也具俛聽而畢從者非老父之訓則丈人之教也至於訂六藝之訛缺會百家之異同窮四序之變化攬萬物之始終然後蓄其言行而有其粹精上之叩義孔之奧下之入賈馬之室深之獵禮樂之原淺之涉技能之圃措行準於孝廉發慮運於玄素撰屬依於爾雅稱說程於古昔偃蹇一區而志在五嶽優游卒歲而業謀不朽遊而天遊觀而內觀者也故雖遘五百之運丁利見之期常無俾之盛海內縉紳之徒靡不

攘臂議進彈冠策征厭家食而急赴會矣而公獨以鴻漸之羽遠迹於燕爵之群鳳覽之姿矯蛻於埃壘之表此豈復思驥首於天衢垂涎於榮祿者哉及其遵養既久潛伏遂昭升論有歸徵責屢至事非獲已義無所逃深縉縉於町畦縈眇昧於松桂約束申於園丁呵護祝之山靈然後太息就岐徘徊出戶舍初服而縮郡章故雖簿領回亂而詩書之好不衰簪紱嬰被而芰荷之製在想朝寺輝赫而丘壑之步弗諼彼方朔沉酣於金馬長卿托疾於文園玄暉登望於郡齋古今一揆心跡無二矣予常謂必忘世者而後

卷之六

十六

可以用世何也有人於此即使具帝王之畧負康濟之器而隨世苟就毀其廉隅雖措注足觀亦陷為貪競之流矣非所以砥礪名行也不則弱志隱淪抗憤不顧斯孤介之節而戾於中行乃迂士之矜談非邦國之攸賴也又或涉退以媒進階寂以覲聞馳情於彼而假步於此則終南之誚北山之移所由興焉斯欺詐之雄而巖穴之辱也然則若公者豈不彬彬文質一弛一張屈伸比於龍蛇晦明則於景曜隱見譬之麟鳳者哉抑今世士或出寒素乃也辛悉所嘗茹矣一旦驟達輒侈恣忘其困苦公則至貴之枝葉而



同姓之葭草也其綺麗奢靡之事固生長所習見而獨折節儒生發憤經術通籍賢科矧又教誨其子接武式似乃其謙抑儉約周慎之獲彼衡茅崛起之士顧不逮焉斯其於世俗可謂振越不染矣至其為郡則一意根本墮絀文飾禮者舊而疎新銳先訓詔而後法比獎質木而罪深巧居寡言笑而容接每假體存寬大而疵壘固遁力在芟拔而疑近必貸性本沈渾而伺弄莫售由是室無請問之賓案無昧投之牘庭無敢欺之吏野無恐負之民強教說安仁施威濟固公卿之待次三事之必踐也而今世法沿漢制凡

卷之六

十七

罪

侯國人不得備宿衛且夫人而獲館甥於王室者至榮幸也而以此限其子孫即使有韜世之智撥正之才齊微於二八儕德於衛且切世資而中時用者生於其間而亦使之厄塞不究歟嗟呼天之生才而無意也則已使天之生才而非無意也則必有豪傑之士建議非常祛因襲之失動當守之聽伸積習之累而竟公之用者矣然則公雖欲歸老是園也其驟可得耶園乎無恨主人之歸晚也然他日借公之重而得與梁園並稱則茲園也不為不遇矣

雨紀

一日黃之父老數十輩造夢澤子之庭而言焉曰我大夫郭侯守黃之三年為戊申歲五月不雨逮夏秋未且就搞用軫我大夫率其僚齋禱而禱焉禱之日大雨瀕搞之未以回吾儕小人溝壑其免矣我大夫實賜之願得子之言以頌之也夢澤子曰雨也何如請言其狀曰是日也山川出雲鬱鬱蒸蒸族結朋征薄于玄顏朝暎倏冥霖霖稍聞如篋如繩既乃滂滂沸渭交灑五澌紛射側激散漫溢渠已則潢潦交於街廛湍瀨鳴於原隰漸如生於塵堞遂乃浸淫行

卷之六

十八

罪

溢奔壑注溪而入於陂池以達於畎畝無坎不盈有量必受於是農畷之流命厥徒侶跡於什伯之間覘膝窺竇曷望曷築殺其已盈引其未足然後攜厥婦子休隴自勞鼓柝謳吟樂莫具陳夢澤子曰止此田父之雨何足以稱於大夫也曰大夫之雨可得聞歟曰可我大夫受命而來務佐百姓之急去泰甚之害布中和之政侵牟我民者則炎火是界矣稂莠我民者則芟夷是加矣使我主上汪濊浩蕩之德滲漉於閭閻淪漬於心髓而又潤我以仁液滌我以義瀋遏我以禮坊謗我以法湯肉我枯瘠澤我顛頽靈



我煩冤激我靡顏是故不雷而明不雷而威不沫而濡不濕而滋浴物人人窮高極深此吾大夫之雨也汝知今日之雨也而豈知吾大夫之雨於民也亦已渥乎夫其雨於民者之渥也用是能說於鬼神而孚於幽隱故一旦陳忠信之辭求咎吝之實黜巫尪之謬後露跣之文卒使上天悔禍義和紆馭屏翳效職祝融收烈汝知禱之輒應也而豈知吾大夫之禱亦已久乎汝鑷不見昔之鄰大夫乎嘗罪雨矣而不知己之雨慳也嘗罪禱之不輒應也而不知其禱之素昔者爭且之也於是諸父老喜而言曰吾儕小人乃

卷之六

十九

昇

今知我大夫之雨又知其禱不在今日也遂退而謀登其事石曰使後之長民者知雨且知禱也我大夫不及知之不能止也

明號

原以松稱取義深矣夫天喬萬類惟松秉異是以後凋之旨著於魯論有心之言垂於戴記榮枯不逐乎冬春霜露莫致其威愛彼蒲柳之姿先秋而萎桃李之芳競春而妍橘柚之質過江而化豈可並日而稱貞齊軌而語雋哉若其永託根之慕則明發於楸梧篤連枝之愛則戀結於棠棣亦一本之恩則滋植於

芝蘭茂晚節則桑榆自玉裕奕葉則杞梓日培至於餌滲液以制頽齡悟本性以敦嘉趣幸匠石之不逢冀散木之得永則仙靈之最品隱淪之獲棲矣

祭大司馬松石劉公文并序

大司馬松石劉公之卒於家也其通家小子王廷陳既聞訃哭諸寢門之外矣乃追憶髫年從先大夫遊京師遂獲侍公時未有知也辱公賞我以異才進我以小友弱冠舉進士讀中秘書時則抱子矣公欲寵吾子以婚媾然未有行媒也未幾陳以罪謫又未幾以罪罷歸矣公則申我以前盟於是先大夫作書辭

卷之六

二十

春

謝頗為勤懇其略曰陳於門下實兒子輩近又狼狽罷返編氓賤且辱矣稚孫舟蒙劣甚局敢仰衡尊行輒玷華冒乎而公初議益堅嘉禮竟就嗟乎然則公之用心豈不誠長者於世為魁哉而況其翰世之量旁魄方隅障海之功扞蔽函夏世方幸其未衰望其復用而奄忽大還矣然則陳之痛悼獨私遇哉于時陳方被未疾不能越境匍匐救慰之義今公之葬且有日矣始能力疾裁哀稍飭陳奠而綴叙於斯文時

嘉靖戊申三月十五日也其文曰



衡湘發秀翼軫降精猶敏神授麗藻大成考服克慕  
祖武是繩幼婦摘辭長者樹聲人倫之表學士之程  
含香甫試簪筆俄陟朝憚觸邪邦之司直埋輪漢甸  
拜節秦川侵牟畢捕賊壘是殘務紓萌困遂會閩諶  
檻車逮繫扶杖伏攀甘心就地哀聲籲天彼兇亦動  
何脩而然金馬暫鑠壁也竟完薄謫江邦量移海郡  
遇枳且棲處膏何潤苦節不回壯心益奮言念母氏  
漸迫頽齡簪裾即棄徽纒弗嬰潘與祇奉萊絲嬉呈  
馬卿倦遊邠生自免勇矣遂初淵哉忌滿有性必復  
靡幽不喬丘壑擬終弓旌見招志非輒變義不可逃

夢澤集卷之六

二十一

卷

鼓篋新命攬轡故區絳帳時設青衿日趨童蒙求我  
弟子起予昔欽法吏今仰文儒尋陟中丞仍莅西土  
關卒識輿田父獻酒快觀爭迎式歌且舞宛若家人  
頃忘官府川后失御河伯不恭水維縱弛漕渠阻壅  
供億塵

上苦塊奪公矢心勵衆石畫瘁躬克循水性奄就禹  
功鳴鏑入寇候騎馳聞軫念朔方簡昇丈人中權可  
賴上策屢陳師行枕席陣結風雲龍沙徙域亭陣寢  
塵秦漢劣威衛霍恥倫

帝嘉偉績庭錫溫綸勒之鍾鼎錄及子孫超公八座

進公三狐兼秩本兵贊戎神都葱珩赤舄緩帶輕裘  
志清宿弊力殫壯猷人害其上公持其盈衲鑿難合  
萋斐斯興功成身退物理人情孝友張仲文武吉甫  
出處俱經後先鮮伍言立不朽名垂罔刊絲虀濟美  
奕葉象賢於卿必世在爵兼天平格宜壽吉凶莫知  
造物見奪哲人其萎營鬼弗載恒幹忽離方朔迈歲  
傳說騎箕百身莫贖萬口同悲世方求舊天不遺耆  
凡百在位莫非王事公登其艱人揔其易公冒其危  
人承其利公捍其外人尸其內嫉者宵人合者善類  
惟彼宵人棄此周行邪徑蹙躅卒歲勛勦為權私客

夢澤集卷之六

二十二

卷

希燭末光利索致詆景嚮構傷稅駕已休蓋棺始定  
攬厥始終居然忠佞玉塵益輝鏡磨愈鑿念我先子  
在公執友兒實不類自慚非偶辱公仲女為予家婦  
緣交締婚不薄彌厚風猷自昔見聞最久丹旒遵塗  
縞裳臨穴我淚漣漣我悰鬱結豈屬阿私實為邦國  
洞酌昭忠生藹比德卽化永垂歎逝何極神之聽之  
洞我心測

夢澤集卷之十六



夢澤集卷之十七

文

寄余子

懋昭足下昔偕館院頗辱暱與曾不幾時子以憂去  
去之明年僕坐罪謫僕之難合子所知也時吏不宜  
指其瑕疵纖劣莫競遂伏誣議人悲失路僕幸生還  
可為知者道也春仲晤令兄悉子幾死奇禍得夫夢  
幻無足芥蒂更計子首夏經黃必獲駢展謹浪信次  
布歡臨江遲侶獨往微吟數而不數今晨書來乃知  
仙舟徑泊鄂渚矣令我欷歔移時涕泗交下豈緣僂

夢澤集卷之十七

其

蹇感慨易生誠以二三良知星處莫覲僕已繫匏子  
復塌翼過此不晤世路風塵恐未覩無由耳僕林居  
無營自惟丈夫樹立已矣莫冀詞賦小技亦無足煩  
其思惟紆其悰寄也每引曲自適上不慕古下不肖  
俗為踈為懶不敢為狂為拙為愚不敢為惡高竹林  
之賢而醜其放懷三閭之忠而過其沉智鳴夷之逝  
而汗其富每景物會意輒命酒自歌酒不盡量歌不  
盡調倦則偃卧卧不為夢厭苦俗徒寧獨無與復究  
心老莊保愛性命江湖乘興漲則不舟雅好雲嶠苔  
滑磴危鮮不緩却身多疾病藥裹不離此僕林居大

略也子亦欲聞之耶惠來諸篇詞翰比麗把玩未釋  
豁我心神二詩稱答更希報章

答汪先生

東溪先生門下陳甫竊一第多難萃乘嬰以疾病遂  
致荒厥舊聞喪其師說然猶綴緒拾餘保其殘陋每  
事構製意匠愧手翰以思遲什就而心吟書成而輒  
裂方難自贍其敢範人況乎行垂隨同譽之長厚鄉  
曲儉人腴致訶詆軀累疊垢自分門墻避見麾斥三  
士之遣推以師資蓋信其初造而不知其終就之卑  
甚矣彼時謙讓不任誠緣卧病且恐不效以重愆耳  
夫厄夫無蹶負夥則蹶聾聵何罪惟強明而自聰以  
詭皂白而誤官商人則過之陳之不任恐蹶耳恐詭  
而誤耳謂其固閉以自賢過矣惟先生為危者釋負  
而不令聾聵蒙罪焉幸甚

夢澤集卷之十七

二

寄友四兄

友四兄門下第志劣行疵履進垂蹇蚤落浮榮歸寡  
親串日手圖牒昧塞莫稽進無德義足祛塵慮退乏  
精藝謀垂罔刊近者春夏卧病幽抱謝歡忽驚離索  
泫然涕下數日前得接家書平安足慰及覩言禮之  
家互持未下群臣因而得罪愴然楚辛國是搖搖何



時有定兄之宦情能盡嘉乎石灘公虞羅再遭壯志  
可尚曹史輩儘而復起物議何如撫茲升沉倏倏乍  
愉初心益灰新抱愈篤矣聞兄必獲內拜何為圖南  
舍要就散讓以蓄競弟所不取也天下事須吾徒趨  
或逢抑遜或啟憎意見無預安之而已何如何如

寄舒子

辱書教以矜飾名行意甚勤懇僕惟少負性氣自視  
無前遭事直往不知其可復見近世州郡之吏務為  
諛承故於逢迎節數稍為損減不意遂犯當世之怒  
又以一二宰執舊怨於僕內外構扇中僕惟恐不深

卷之三

三

耳曩時交遊見僕狼忤要津虞禍及已莫敢張口伸  
舌一為論列明其不然者當是時也吏無振滯之議  
友無急難之仁幽於園牆之中日與徒隸為伍身非  
木石其何以堪以故俛首震惕卒從文比嗟呼百犬  
吠聲積羽折輪十夫撓推三人成虎此墨翟有素絲  
之悲阮籍有窮途之哭也身媿蛾眉敢云見妬行乖  
完璧而欲免於瑕摘也難矣然猶苟全要領生還鄉  
縣奉二親之晨昏上先世之丘墓撫今悼往憂喜駢  
集因念河清難俟人事靡常南山之歌恨長夜之莫  
旦竹林之侶假麴藥以紓悰斯達生所以放言幽人

因之長往者也自身累百垢長為世棄乃稍稍稅  
拘攣之文逸瑣尾之忌弛煩多之繫然亦不敢踰大  
閑冒隱惡滅先王之禮觸當世之禁務敦窮居之尚  
絕希進之心而執事乃欲責煖於寒灰俟完於墮甑  
幾翔於鍛羽望僕以回景曜之末照而收桑榆之晚  
績也無乃與僕之私指謬乎夫豢鹿頓纓志在豐草  
羈鳥奮翮棲慕一枝即有惡殺之國過仁之主腴飼  
之廝寵之以高軒享之以玉饌娛之以雕檻啗之以  
棗脯彼且駭顧驕鳴奔逸之惟遠耳僕聞古之聖賢  
心有所鬱結不能通其意則著一家之言思垂不朽

卷之三

四

僕誠欲效之用舒憤懣庶幾憤前辱之萬一流文采  
於無窮然才劣左馬而欲自附於作者畫虎之誚其  
能免乎方將脩農圃之業給公家之輸頽其羨餘以  
贍妻子長為太平之民雖至老死不覲兵革志願畢  
矣風便再錫教旨

簡錢子

錢先生足下僕聞交貴神交知在知心故圖牒相信  
允矣良朋對面而疑奚啻千里僕退伏林壑十有六  
年平時海內之交雅稱道義者往往隻字不加輕擲  
若土獨於門下介紹未通非有杯酒之歡岐路之觀



也吳楚各天非有比鄰之接親知之暱也柄擯殊途  
非有班聯之綴朝省之素也混迹樵牧畢志婚嫁非  
有隱逸之尚遊覽之奇也四十無聞文采沉滯非有  
虞卿之著潛夫之譏也夫境隔迹睽慳平生之雅履  
卑處下乏羈世之譽不知執事奚所見聞違群嘉尚  
先之以華續申之以腆儀傾蓋為歡吐出肝膽肆我  
口君耳必睦輸君惻我秉輒投斯白首有猶新之譏  
同心有離居之憂也自慚凡鳥必辱鳳題豈冀疲駕  
乃來駿顧嗟乎新知易樂未契難全河源之槎適征  
在眼延平之劍復合何時江路阻脩雲翮莫假天風

卷之三

五

良便惠我德音

答劉氏

劉先生門下使來云云僕敢不是承緣僕有先人之  
禮謀諸卜筮告諸宗廟受諸父母議諸媒妁問諸長  
老諸吉不違衆旨皆協乃敢齋戒沐浴宿具而遣行  
既則計日延佇嘉命是聽今乃不辱俛從而更欲改  
議僕聞期以成信信以成禮棄期是棄信也棄信是  
棄禮也夫禮者二姓之所守也始者終身之所視也  
請而不得差池其初惟僕不欲雖執事其亦安能悅  
之使回敢固以請執事其圖之

寄友三友四

四兄於先人有骨肉之恩有師弟子之義又於兄弟  
中貴而且賢至於三兄久以孝廉聞於州郡三代之  
遺直也中流砥柱非二兄而誰夫人生而敬愛之死  
則凌其後人或生而面譽之背而毀之或指其微瑕  
而掩其大美或平日隱蓄忿怒幸其死而泄焉皆市  
井之行非道義之物也夫士者以其異於衆人也使  
與市井同行焉烏在其為士矣程公云一死一生乃  
見交情左右明恥慙然而面友者先人肉死未寒乃  
於一旦羣吠衆攻又於先人深為詆訾兄忍聞之乎

卷之三

六

言者縱不惜先人獨不自惜乎使人亦以此加於兄  
及兄之先人能堪之乎夫生死異情面詭於心在賓  
客為薄於交遊蒙羞使於骨肉而然竊恐翟公之門  
不屑書丘明無所於恥也今也取賓客之薄道攜交  
遊之病德舉而施之骨肉之間且士也其擬迹於市  
井第頗為衆不取也嘗聞羣而擠勇者必仆族而撓  
勁者必曲一倡衆和謬素為緇能便明者改視聰者  
失聽鑑亂其照衡喪其平是故仁義不足恃律令不  
可憑固懷刑者之所危聽訟者之所惑也弟每念斯  
事輒仰天叩心潸然泣下已復攘臂起立突然壯夫



犯衆怒而不悔就刑辟而無愠是豈關於機宜而與

俊傑異識哉誠憤其妄詆先人兼恃二兄之砥柱也

今觀衆議誠如風影泮無住著至所云祖儲則所謂

上古之事邈哉邈乎其詳不可得聞已當年月擊之

人其上壽者已齒落髮脫龍鍾擁腫語不可了矣其

下壽者久登鬼籙骨肉蔽於下陰為野土矣當年髻

亂之童又見二毛稱翁矣國經三帝矣家見玄孫矣

必欲求明以為分析之據常求冥漠之官翹翹之吏

冢墓之鄰腐敗之牘又當有還魂之術起諸先人於

重泉然後就聽於幽宮責逋於異物乃使亡是司厥

集卷之七

七

刑

烏有執槩憑虛布籌安處職出歷代文簿旋為補緝

飾已陳之迹本致多之由又恐毛穎告勞紙價騰貴

夫先人彌留之際諸父諸兄皆在省視未聞一言及

之張本今日若但口語傳聞非法家之事衆處爭中

復難証佐想諸長者必有迥出尋常之見又有萬無

一失之策非弟稚嫩迂腐所及弟為此說祇欲為衆

巧發一笑耳夫千乘之國不信其盟而信子路之一

言弟之求救於二執事者屢矣舉今日之事唯兄之

命而甘心焉且兄亦許之解矣然而舉措不一持議

靡常令人轉增疑懼奈何奈何老母連日憂泣過當

幸兄大賜張主以寬母心若吾輩固魚肉也

上程中丞

青石先生門下執事以名世之才發跡於齊魯之墟

揚聲於金馬之庭擬精於墳索之域投足於賈馬之

室僕亦幸然同朝寺尾鷓鴣之班然竟不得附交遊

之末接殷勤之歡奉譏彈之益獨於名家卷牒獲覩

篇什竟日手之高誦微吟恍若瑤華之在握明珠之

照眼也氣奪心悸三歎不已又安敢擊瓦缶於黃鍾

之側遭曠消而為野音哉既而執事出禁闥提兵符

鷹揚河洛豺狼滅影頃使戈鋌化為農器文事武備

集卷之七

八

刑

古罕儕儷僕時亦以口語橫遭譴逐待罪裕州無叔

夜之賢而負不堪之褊以致拜揖違宜逢迎失措暴

擊之隼乘其摧頽青蠅之人共加構會身淹梁獄復

影吊心不能上書以自明叩心以致感而文法之吏

背棄繩墨無折中處平之心而有重羅深錮之慘曩

時道義之交一旦革素改性畏與罪人比懼乃獨執

事不奪多口垂光荷禁勉以加餐再為授簡失路之

人恩成不報是後垂翅故棲不務矜飾高乏丘園之

賁卑無簾肆之奇在泥淖而媿龍蛇之德處山澤而

寡珠玉之光乃伏伏跡於蓬蒿之下甘心於鹿豕之



羣每謂龐德公隱於鹿門率妻子以躬耕漢陰夫人抱甕灌園滄浪漁父鼓枻行歌皆楚之逸人也心竊慕之學而未成志惟切於苟全自謂可以無咎豈知羗夷起於門墻而猛獸之爪牙乃在手足也向非執事至公至仁深知其不然力為之引手其不墜萬仞之淵飮羣虎之腹哉夫曾參殺人言之者三母為投杼羊叔子之不醜人也其敵而信之夫枯之賢不及參抗之親孰如母然此信而彼疑者何也故心跡見諒異域即親擬議之明同枝何益昔人有謂日受千金之賜而不可以為知己者傳曰人之相知貴相知心又曰士為知己者死使知己而多可得也何用死之故蘇秦不信於秦而尾生於燕豫讓衆人於中行氏而國士於智伯彼之心以地移行因主異者何哉誠以知遇之難逢思欲一效其忠誠委軀命而不惜也執事秉節鉞之權總連帥之職深仁淺乎湘流魏名俯乎衡嶽方將建不朽之業流金石之聲豈徒稱雄於翰墨爭長於詞賦哉僕當以其微能述父老之言采聞見之實於以顯序功德彰示方來也且醫桑之餓人猶能策名於後世僕雖德輕鴻毛賤同土壤猶庶幾與此類比乎肝肺之言敢因執事者布之

答劉松石

不肯備極諸惡於世無復比數退伏丘壑志惟苟安豈期罪戾上延先君不祿仰天號呼萬死曷贖不肖兒時先君則曰子遭事苦執不能詭以媚時時之人亦莫或子媚也於子莫逆惟松石既辱不棄獲締媿好則又曰子之為此也使世世子孫無相忘也忽枉書慰追憶先言且讀且泣屢廢乃能竟牘嗚呼痛矣夫知己之感逾於骨肉仁人之藉腆於車馬哀詆慄於涕淚交情見於生死嗚呼厚矣邇年川靈失職河流逸軌公私病馬執事者出遵神禹之故智寬瓠子之深憂然又不俟八年之久不資馬壁之沈而大功告成萬世永賴大抵不與河爭固所謂行所無事者也今世士率喜事議事則喜鑿又病好爭且苦失故實使執事入而當國一如治水則新銳之士踈而紛更之患息矣臨書感切言辭寡倫惟長者亮焉

答翟子

青石先生門下僕辱泥塗久矣乃於門下深國士之遇接上客之歡感何可言昔信陵君迎侯嬴於夷門嬴故久立信陵君於市信陵君執轡愈恭嬴乃曰今日嬴之為公子足矣市人皆以嬴為小人而以公子



為長者能下士也張釋之為廷尉王生廷使結襪或  
罪之曰奈何廷辱廷尉生曰吾老且賤自知終無益  
於廷尉故欲以此重之當時莫不重王生而謂釋之  
賢者夫侯嬴王生賤士也執轡結襪鄙節也公子廷  
尉貴人也以賤士舉鄙節加之貴人且曰為公子重  
廷尉也是知狂生者大人之資勞謙者莫喻之德由  
今觀之我公之不耻下交加禮巖穴求之往軌擬諸  
前聞心迹豈詭謬哉安知他日之誦今僕不得為騏  
尾之蠅也兩辱歲書之惠頓使生事昭於農人春意  
回於窮谷而又寵之華情獎接出望情旨鏤心誠非

答劉子

十一

劉

鄙生所宜蒙冒至於宅里之表猶為林壑之光短楮  
鳴謝辭不悉悃

答劉子

西陂劉先生門下僕拜伏田野十有七年追憶昔時  
海內親知恍若夢寐豈意復於江邦得奉冠蓋然君  
面既非囊範僕首亦見二毛顯約殊縱遲暮各迫雖  
幸接杯酒之歡效斯須之敬歌曲未盡候吏促征轉  
盼之間已為陳迹我心誠悲君想同之也冬首復聞  
旌節暫駐江干僕以卧疴未緣蒲伏候謁乃計返棹  
必得扳留野人理釣臨江磨刀向鮮侵晨起除飭內

治具玉趨在瞻松桂含色而執事又以問道直趣會  
城雲雨虛無延佇徒切使我林壑無光翬墨見嗤世  
路蕩茫再覲何日辱以集序見托竊念才非卜商安  
序毛詩識非侯芭曷足以言玄也但誼在知已敢謝  
不能誠欲效其區區幸以全璧借觀使得探作者之  
心發高人之蘊庶幾揚厲切指贊述當微僕得附名  
集中亦不朽之託也執事以為何如

答顏子

答顏子

十二

顏

僕年來憂病侵尋素絲生鬢情悴寡歡鑿貌已非故  
吾懷侶忽如異世雖與吾兄同為楚人兼號莫逆然  
已十年不一覲見漢之廣矣命駕何期近日薦剡僕  
名每涸諸賢深用為愧二公知已誠未可忘但使吾  
輩猶堪世用彼表及之忠固在國若奸為私遇述謝  
稱酬萬一儉士宵人因緣脩謗無益於報祇足為累  
耳又諭所聞云云竊念僕之獲罪子所知也幸然灰  
棄塊然雌守一壑井足青雲絕想以矣即使掩瑕起  
廢流潤枯槁被以纓緋趨就班行當見木強不習僮  
蹇非宜俗忤事違褊心復觸一轍必遭天幸難再彼  
或沮之於僕信功德矣然僕無聞告者過也若吾兄  
懷卷舒之術蘊龍護之神固宜揚末路之光救東隅



之失但恐巖洞留人猿鶴戀主使君顧侶眷樓朝驅  
車而夕還轅耳如前所聞宜勿在念

答顧東橋

竊念僕楚之鄙人也非有曾史之行游夏之藝亦非  
有嗣宗之放叔夜之偏徒以負其質直闖於媚順耳  
而法吏見繩流俗不恕瑕釁固已不無指摘復為已  
甚雖在親暱且謬於聽矣乃獨我翁昭之泮濁之中  
出之衆多之口綴之表薦之末後雖朝論異同布音  
鮮和振滯之議抑而未施而景曜末照蒙冒陰巖丘  
園之責實逾束帛僕恨不能滿伏庭序激并風雅跪

卷之三

十三

見

進萬壽為報耳昔人謂蒼蠅附驥尾一日而千里即  
使僕藉匪人之援取當世之榮孰與老沉淹之濱而  
為長者所稱引哉由衷之言非敢為佞也往歲辱示  
佳集僕讀之卒業可謂極諸體之妙摠萬物之情矣  
曹劉或可方駕諸唐當得北面今之作者舉非匹傳  
使僕循環吟頌欲罷不能旬月之間楮勞墨故雖欲  
有所贊述而遂旨莫參廣致難括觚翰間操輒爾罷  
閣尊教云云愧報曷勝茲復辱示緩慟諸篇讀之悲  
惋欲絕乃知長歌之戚有甚於哭泣矣但卜商之哀  
非所望於達人者惟翁以數命自慰無損天和豈惟

門下之士寔有幸藉而邦國其賴焉偶值家累嬰懷  
尊命且未能應使者留滯坐此春首為太嶽之遊當  
勉成自致門下請教

答胡百泉

僕見古今士人凡揚聲藝苑其人即不長者即其人  
長者復疎闊不適用此流俗所為疵病於斯文者也  
近觀門下操攬絕藝負行醇質辭不詭道表裏粹精  
而又請達成事投用輟效可謂聲中其實志氣恣稱  
者矣豈惟今人雖在古人亦罕倫儷幸門下自信不  
以為佞耳使來復知榮轉消息僕固久擬門下矣相  
見不遠未敢多陳謹此聊旌嚮往

卷之三

十四

常

答顧東橋

我翁不知僕之寡陋猥以志事見委使僕非有拘妨  
得以山澤之遺執楮墨之役備綴拾之後豈惟階之  
為榮抑以托垂不朽誠藝圃之雋業學士之幸際也  
奈僕有母之喪除服在秋初襄事在歲杪僕聞先王  
之制禮也不肖者政而及之僕誠不肖然即使僕違  
苦塊之制就館局之徵昧吉凶之分禮家必誅法議  
無赦雖我翁之私僕恐不能多恕也即恕亦不能解  
之多口也昔漢天子登封泰山太史公留滯周南不



獲從事深以為恨今

主上恢重光之大業建中興之令典中外載筆之臣  
搗文之士皆欲竭其區區冀有闡述務以細流競溷  
海濱而僕竟以凶制見奪因緣無從機會坐失僕獨  
何心能不歎乎且僕林居二十余年陸沉疇隴厭絀  
前聞家蓄圖牒經歲不一寓目間一發苟展冊舊所  
記憶茫若未覩小屬篇章時月不就文采日滯虛譽  
漸虧加以客冬稚子天喪自愧齊物之識不逮蒙莊  
索居之過深於子夏哭母之餘復遭此痛遂致昏且  
右迷志氣俱損耳目失職眠食皆害齒髮已非故吾  
衰憊居然可證其不足采明矣楚地雖乏才奈何令  
草莽落魄哀疾失學之人獲參文儒之末潤重大之  
選乎

聖主方弘孝理著作要指務依至仁而我翁蕪總條  
貫異承

淵衷凡所掄使必歸長厚不屬新佻至叛禮小人必  
加痛斥使門下不肖之生庶幾致及於先王之禮因  
得全不材之真道疵類之責紓弛靡之悖則我翁之  
愛僕也不已深乎使回敢謝且辭惟翁其諒之

答朱別山

往歲得聆高義竊願執鞭繼入會城再接緒論頗有

卜鄰之想人等爭違每恨私心之難諧也今晨得奉  
教言展讀不釋如慰饑渴乃知故人見懷猶為切至  
心神苟串跡何足云所諭志事使僕非苦塊之餘得  
操楮翰從長者之後備擬議之末冒掄托於今茲表  
文采於後世豈非不朽之盛事雋流之深慕哉而憂  
病見妨坐失機會僕之不遇命矣兄當率先諸公執  
簡以往總理科條鄭重要指網羅間見囊括故實比  
論禮樂希蹤墳典使四方之人知良吏蓄於潛夫楚  
材協於古稱固中興之令圖章逢之共榮也如此則  
吾輩進止實異而同若務齊其步趨恐未為得使回  
專此勸駕不一

答顧東橋書

教至知我翁已獲顏子所謂一夔足矣而又益以王  
子可稱聯璧僕之不肖何足資賴乎僕果蘊藉異等  
兼無親喪乃索價以為高擬跡於棲遯則宜罪責不  
貲耳僕於二端已具前啟吐出情實但冀我翁賜送  
陋襟不圖嘉命再辱於丘林使者接踵於道路郡邑  
長吏應命請廬脩辭催發使僕辭謝末由愧與感俱  
奈何奈何翁若廉其非托容其在奎愛僕以德使得



成禮察僕寡陋使得覆蓋不役其短則綿力無重負之憂晚節免狼狽之誚是我翁成我之恩誠加肉於白骨也其或廣下體之收積纖坐之益欲其與於斯文則僕除服有期復在不遠彼時緒風減暑兼之志事筆削已定僕當舍皇就途伏謁門下必遂快觀之私因而分譽於羣公附名於令典是僕生有成名沒稱不朽皆我翁之賜也使回畢露愚抱悚息不勝

答顏子書

僕嘗謂兄古心出乎丘索雅志存乎春秋絕藝比於商偃倬識卑乎逸固而又該獵衆詒顯明滅不誠良

蒙集卷十七

十七

史之才儒彥之選也往者館閣不收尋以州郡繼又偃蹇持廬屢薦聞罷僕每私心恨之今者國家大典假手於兄然則兄之不用豈為今日待乎斯造化之微非時人所測也僕於門下數十年來誼託知己凡知己之交望有長則為之揚也望所少則為之掩也今海內有揚僕之長掩僕之少者不於兄望而誰也僕之不學兄所素諳兄何不務庇覆使善其短乃於已則謙讓太過於僕則虛褒溢美致令長者誤聽禮不置為有司勤誠非所望於兄也宜兄惜交眷閣將緣此為悟言之資乎抑惡其久冒虛名故引之共

事俾有作為若以所乏使露底抱不令復能欺人也僕以兄不釋之故故敢為此激辭以怒兄冀免耳若兄以為斯書遂成文采甚著忌於獨當念僕辱在交游最親且久必務招致俱享聲稱僕於親喪既除即日就道脩謁館下適際厥成欣然利觀遂以其私握手譁浪省問勞苦於是無撫拾之勤而有名字之寄是垂翅之鳥假翮於鵬鷄裸壤之夫借飾於龍章蒼蠅之微托遠於騏驎也若強以非能必羞知己詩曰瓶之罄矣惟壘之恥此之謂也

答吳太守

蒙集卷十七

十八

前書致辭皆出誠怛乃辱後命催促既以迎致為使者勞又以束帛為公府費煩我君侯重我罪過且館局已得二妙雖乏僕輩數十何虧於偉製乎况所貴於文者以其人也自古賢哲豈有執親之喪而應聘遠出者乎使僕果有異才橋翁之知非誤漢東之讓不虛而棄禮赴徵蹈於罪戾違於孝思則雖有嘉言遽誤中音於金石協義於典墳亦聖世之所必誅矣况萬無足采乎來儀迓之縣官則非其備也付之來使則虞其累也謹藏之篋笥以俟至郢之日躬致門下揮汗草草不盡



答陳大巡

僕不竄陋無所比數偶緣大典屬橋翁誤聽謂有可  
役徵命屢至鄭重勤懇力辭不得又辱教翰郵及獎  
諭委切不能重違乃擬是月下旬移舟入郵竊念僕  
擯斥以來二十余年矣弱質易衰壯心久替日惟放  
適墟落習懶成性偃僂不閑冠舄摠故一歲之間結  
束見客者曾不再三至於文翰更不涉念以故筆硯  
塵積笥帙網結跡近自廢百不解營今日之役實非  
其任且方今

聖作之期郁批彌盛朝野畜德之師侍問之儒名世

漢書卷之七

十九

之筆豈云乏絕哉而使廢學老農謬嬰茲選譬之滌  
吐棄以備筵求輝煇於木燼或無以當

上心而厭衆觀其不罹懷璧之罪蒙負山之憂貽蘭  
杜之羞動巖壑之誚乎僕每念及斯未嘗不赧顏汗  
背也夫已置身毀譽之外而復投足譏評之內惟冀  
好我君子示我周行俾得善後耳向辱腆儀久之稱  
謝茲行况當從漢口入舟無能紆詣鄂城一拜臺下  
躬問起居罪何可言短楮煩邦伯任公轉致嘉會何  
時臨緘曷勝於邑

答柯雙華

昨者枉駕漢口接宴舟中雖未竭殷勤之歡亦已愿  
願見之私矣別後黃綠洲渚出入蒹葭越沔踰潛始  
達于郢秋淺雨愷殘暑為雲沙圯泥濁飲酌非宜岸  
轉舟迴瞻望難即至則參謁逢迎日不暇給乃悔茲  
行之誤然莫及矣遠辱儀惠既嘉且多自念一勞未  
効煩費不貲能無厚顏使回謹此稱謝不一

寄童內方

僕於門下深託志氣其合非強亦壁一別憂患相仍  
兼之阻脩缺然禮問顧我同人豈有遐心今知執事  
暫違供奉展謁桑梓乃敢致書門下謝弛慢之罪復

漢書卷之七

十

有憤德之悰冀伸於知己幸毋惡其強聒也去夏顧  
公以興都志事見召僕謂斯事體大宜得館閣載筆  
之臣名家之彥乃可持衡義例樹幟斯文也如僕纖  
瑣除籍放誕廢業衰憊俟死之人何可與此使者至  
門閉拒不內作書辭謝頗為哀懇而顧公不釋徵命  
屢至且牒責郡邑於是鄉里親知諸父兄輩皆謂東  
橋鉅公自童稚知汝違衆怒薦汝汝縱不欲預志事  
獨不可一往候乎不然郡邑當見讓其咎由汝非所  
以事尊貴答知己承邦大夫也僕不得已許之行然  
猶遲遲度仲秋書且成可往耳比至其書果草創畢



夫僕才不逮二子遠甚何敢高議得失破其堅白有所助益乎况僕私心祇欲如前所陳幸其既就而顧公乃以進書表見委又摘數事令僕綴之數言此外未措一辭矣僕每謂諸師儒曰書上必無署我名我本無勞曷敢分譽但勿禍我此令親劉子所知也夫書之可議不但

聖諭所云體例不合事實差誤而已而

恩澤橫流薄譴而厚資誠草萊之滋潤灰燼之鷲焰也近聞東橋復有薦疏而當道參駁謂僕著名貪惡云云吁冤哉東橋果禍我至此也僕之免於狂吠者

卷之七

二十一

以矣而今一旦也此聲也何為而至僕哉僕自作吏及被廢以來積累累垢殊詭萬狀即有智給未能縷數獨缺一貪耳而好事黃門為僕補足不意晚路幸有此遭且即書罪之瑕類難窮矣而乃根淵往事造作新評意在重錮密羅絕繫出抵而刮索未詳指其所乏是雖忍心點壁而天下耳目其可塗乎彼之為此豈以僕欲於此因緣出瓜觀攘腐鼠乎嗚呼誤矣凡今不安擯斥而思得振起者亦自有道僕上之不能矜飭名行動流俗之譽下之不能交結要津二鑽刺之術聞談官府則如爰居聽鐘鼓駭掉不食或謂

僕且復用則如聆詛詈恨不掩耳蓋知其愚我也一日之間則多於坐每春夏之交寒暑之會往往迷節候而詭晦朔至家事綜緝一委妻孥所謂婚嫁已畢如我已死無關世情矣血氣漸衰心知日塞不敢思其所不及人以文事見屬則輦蹙竟日百不一應又親近者觚翰之流家驥人壁欲應時改轍則故步或失若降心仍貫則前薪見凌故悉置不為也俗好通問而僕獨尚神交至於貴人猶憚輕啓此非索價為高自絕長者也僕見今之刺謁楮幅廣狹稱謂重輕皆異往度雖在親舊秩日進則啓益恭如是乃得省

卷之七

二十一

覽否則必獲頓擲然此在仕者不得不然耳僕以田夫而脩仕者之事則所不習若恃其素昔新敬不加則虞擲頓不省以故欲作輒輟也進者然乎此皆不欲違其所便強其不能示自廢之跡廣譏口之資庶幾得此散木保其天年耳昨赴承天旋檢敝笥冠舄漬菴家人粗為理製強僕攝之僕臨鏡自嘲曰沐猴而冠然矣頃刻在躬則首足疾若不勝拘攀山林之骨曷可移易又世俗喜足恭揖供不辨委折率至地而僕要領木強極力效之不能肖每不稱施而不能稱施則獲罪責不賞欲逃罪責則本性難強強不能



久執事視僕心跡豈不然哉豈不然哉而今乃用此  
事被口語偶一念及如鮑魚在鼻鷓鴣在耳又如魑  
魅在目恐之不堪報之無從也奈何奈何夫鍛羽之  
鳥病鷓鴣之所窺也折趾之兔蹇盧之所利也僕固下  
流易乘柔質可茹而彼也亦何足稱爪牙之利張搏  
擊之威哉雖然業已廁名其末而欲逃其咎苟不得  
知己如執事者而告之何益於人不聽祇以發笑而  
資嫉者之口耳外答東橋及陳大州書稿附上以見  
初志

答人

步澤集卷之七

二十三

客冬歸自興都過辱獎接展謁王庭遂得附賓從之  
未承清宴之榮愧無詠風賦雪之才乃有宋生枚叟  
之遇既又勞我執事結侶張筵虛左為敬崇樹曲房  
綺席屢改伎倆雜陳絲肉競奏宮徵暗移羲和既逝  
蘭膏嗣輝逸興狎棕干霄薄雲禮廢罰祀履遺纒絕  
俠氣溢於四座餘歡庇於廡與斯貴人靡麗之極娛  
非寒客迂儒之所敢希也抵家值歲宴又以久出初  
歸廢務娟集未能啓酬執事不罪復枉教既高誼足  
欽春深田作方殷對使散髮口授遂不多及

寄顧子

僕自先君不祿冠至門庭遂至外侮相乘株蔓糾結  
觸用莫施竊念僕久逐編氓頗創往愆務程儉辟而  
僕兄白首儒生前路可量日惟惴惴小心懷刑畏罪  
交謫互繩雖隕葉猶畏其碎願見蟻且憚置足也而  
事變沓來則有大謬不然者疾逃而彼追其後緩避  
而或竢其前撲之輒熾刈之復萌芽矣遂至魑魅晝  
遭坦途化弄安坐觸機俛首值窘仰鳴無聽泣迷逢  
唾譬之波臣號轍斗水孰施黃雀免羅獵孤轉向九  
在知舊執不心測乎不意乃有天幸以我執事之福  
際我觀察紀公明威寬大並執禮刑廣為煦覆積歲

步澤集卷之七

二十四

沉淹剖於一旦使我兄姪俱從未減還其衣冠業已  
行府發落矣而敵人於未結之前所奏勘合亦下兄  
以數年疲於奔命甫釋纒係翻增疾苦僕每懇因府  
公俟兄疾痊聽理而府公以彼之本狀異辭同情又  
司牒連下責其逋慢遂爾失慮謂兄雖不出可也遽  
招解審僕方自慶幸庇所天必歸完璧不意以兄不  
至動長者之怒蒙方命之誅且兄數年囚服日伍奴  
隸輕若鴻毛何所恃賴敢方命以自禍哉實出一時  
誤值耳罪何可言悔誠自切蓋失路之人無向非淖  
舊垢初洗新溺復集命也何如駁文至府語連府公



府公震怒即日械繫下兄於獄雷霆倉卒猶懼莫支  
僕不得已百里匍匐欲反接自詣臺下為兄以紓急  
難復念僕尾瑣猥藝之甚安能脫老賤之兄於不測  
之罪乎惟冀我仁人俯敦交誼振滯潤稿終始垂愛  
不厭再三之瀆得於紀公處一為先容使我衰兄得  
寬敲朴則執事之恩誠致肉於骼出羽於湯也顧僕  
餘生豈能報稱但當傳之來裔侈諸同人而儕之古  
交愧彼涼德也若夫彼奏誣否兄惡有無固知天日  
竟明鬼神衛正必有以啓聽者之衷褫險子之魄夫  
僕何敢以曲庇累執事乎僕無任悚息待命之至

答應立齋

卷之七

二十五

執事治黃漢循吏不過至今黃之父老歷述邦君未  
嘗不鄭重戀慕於公也公之待民若此而當道之評  
輒大純繆又未嘗不恨賢哲之多屯衡鑑之失職也  
大抵公論在八失之朝則求之野失之上則求之下  
蓋朝聽遠野聽習上可誣下難愚也彼此得失之間  
公私之判久矣僕常以此自解今又以解公幸公自  
信不以為佞且不輒變以徇人耳去歲以事赴會城  
正以見公為幸不意酒我者無頓病醒端歸矣是後  
欲遣候則惻惻曷仲欲躬謁則兄病兼奪坐此因循

遂成弛慢我公不罪乃加禮焉即此用心彼流俗淺  
人計施報於銖兩者當異日談矣悟語何期抽翰慨  
歎

答張東沙

明公鵬圖學海鳳覽儒林談藝則沃祗以敷華議政  
則具儒以本吏獎恬而抑競故亢矯之士蒙褒畧迹  
而求心故流俗之毀不入蓋人倫之師表非才品之  
能盡也邇者借重湖湘甫歷時月稍稍頓飭政局維  
新故近習則胥史以及輿臺遠聽則州郡以逮邊徼  
多歷則父老能評則縉紳皆謂明公敏作能精寬大

卷之七

二十六

無漏暢適非誕精覈不苛誠百司之偉程連帥之攸  
準也至於退食從容自公多暇則觚翰必操圖書在  
案誰知岳伯乃屬文儒其或將曠故墟感慨陳迹酌  
鷓鴣則傷神處士之遭醉黃鶴則引領仙客之駕憫  
早則企沾神女之雨苦熱則願當大王之風執羊公  
之政則殘碣旌思踪周郎之策則斷岸表烈近寓堂  
階遐盡封域凡觸情悰必歸篇什信知弛張乃文武  
之道體用為姬孔之學江山誠詞賦之資矣今又加  
禮巖穴寓目棄遺使者至門里人走視皆謂樵牧之  
鄉何有尊貴之賜如此竊念僕樗如無用灰似不然



蒲柳先秋桑榆易暮泥塗曳尾霜霰被顧志以氣衰  
 病緣慢積檢往作則顏汗愧其不工擬近製則心塞  
 竟爾難就老徵遂著壯圖已墮豈意調偶合於希聲  
 武幸憐於獨步固知大海不拒細流非有色絲乃米  
 東帛嗟呼蟠木厠萬乘之器駿骨辱千金之求愧乏  
 先容諒慳後至長夜難旦每悲甯氏之吟寒谷雖春  
 莫報鄒生之律尚待緒風滅熱病骨稍蘇自秉檝形  
 敢求良範雖負嘲於尚白實望教於思玄

答楚藩殿下

楚藩殿下昔承清宴備極樂方賓從遠巡履蒸雜選

卷之七

二十七

若華既逝蘭膏嗣光車息馬煩履遺纓絕客稱既醉  
 主賦無歸譁浪誰呼縱誕無忌優容待至形勢兩忘  
 雖古兔園之英小山之侶其所遺際何足方擬茲者  
 獻歲發春元夕且及華燈預製火樹風成輝燭蘊而  
 俟揚絲肉奮而思御將使月現重輪煙呈五色籠飛  
 星於几席生彩霧於欄檻透鴛電於綺疏備生品於  
 采繪而又敦崇大雅招集楚材於是漢水為醪大別  
 化肉棄餘之沾輿臺鼓腹滴瀝獲濡末列醒煩誠君  
 王杜麗之極娛儒生希閱之幸親也陳何人斯亦獲  
 濫等書弊至門倉皇拜受即以告諸先廟修諸親交

巾車既脂征徒已飭而節神如賤寒疾忽嬰方謀踴  
 躍以就途豈意呻吟而伏枕徒使神馳念往欲罷不  
 能肆聽奇觀彷彿無地豈世俗所謂斟酌有定佛氏  
 所謂緣分未至者耶若以君王之惠得免溝壑之憂  
 則伏謁殿庭周旋觀沼因以狀朝雲而譽雄風固有  
 日矣口授報書感懼實積

答林少峰

藹冠通籍遂獲附尊甫及火谷交遊之末昕夕貪聚  
 寤言難忘豈意事勢喜更散落旋出于時僕以口語  
 謫宦裕州隨中法吏褫我章服歸矣曾不數年谷翁

卷之七

二十八

奄化異物尊甫亦遂倦遊撫時感往能不悵然繼聞  
 執事雅擅絕藝立致青雲撥藻攜華鷹揚虎視一時  
 脩辭之士靡不推雄奉雋於門下者以故家聲益振  
 勇業不衰而又器慮宏深措行周慎物情難害時論  
 瑕誼在通家私喜良切近者剖符常郡流惠江鄉  
 值大侵政適寬猛饑而不害民賴生全溢潤餘波  
 激昂鄰國樓遲莫觀慕戀徒深乃今幸以鄙事附致  
 請教之私辱我執事示以周行擲之近作僕行坐手  
 之循環諷誦莫不淵源騷選奴僕諸唐掩近代之名  
 流振前工之絕響使僕奄有奇珎光爛筭篋既藏復



啓誇容示儔顧僕何幸得以燕石而博隋珠乎僕老  
矣從事斯藝為歲頗多往往矜駕享弊謂殆庶幾及  
觀瑤章則目奪氣沮抱慙醞縮巴馬杜口瑗也知非  
欲取舊草悉從焚棄而見輩止之嗟我遺醜幸君無  
厭衰替力嗣德音深冀起予因之改玉

寄魏軫野

聚首不覺樂離析既久則覺愴悵耳而執事曾不一  
字見及相忘耶抑冗奪耶可怪可恨鑿來存寄物怪  
恨少釋酒甚佳即日開尊一飲至醉如對故人豚肉  
香味頗劣教云金華或賈也一笑一笑執事以解牛

李漢集卷之七

二十九

妙技小試割雞不憂不及但虞太過耳夫明而晦用  
之剛而柔出之此龍蠖之竟伸聖知之妙施也僕常  
傷於虎者故以此告君而歷龍門之險者或可與言  
舟矣詩不云乎他山之石可以攻玉僕不能自計安  
能計人哉而獨願忠於足下故以苦口之樂進幸毋  
曰汝何不自醫而遂吐之也

與殷子

竊聞人各有偶物從其類故婚姻人道之始仇儷家  
政之基豈可使窳隆一揆涇渭混源哉此鄭忽之拒  
齊不疑之辭霍良有以也故秦晉國匹樂卻族均王

謝閔等潘楊世睦本其門素既爾齊同稽厥風猷復  
無虧替又其子弟雅醇子喪克禫則苑衿命往結褵  
言歸百兩是將箕箒獲所於是甥舅騰水玉之譽龜  
筮告鳳占之吉風人誅其好仇宗黨贊為具美斯天  
作之純休人倫之畢也矣其或今跡雖微先鬼則大  
亂支云劣祖德在稱則駕言歸女意屬振微仁不避  
遺民歸其厚猶長者之用心矯偷之高舉也又或席  
門之眷甕牖之賓前傲無聞舊彥缺錄而豹姿突變  
駢角旋生無待能興滂塗拔起則知昌願托冀庇望  
諧譬之食果畧採棄牢收承微新福於將來違眾情

李漢集卷之七

三十一

而締納此婚姻之變例明賢之逆觀也至若推理究  
類闢聞狡童不齒齊民世濟惡德以逮馬醫夏畦之  
子給喪傭保之兒亡命負辜之徒導駟先驅之斷蓬  
蔭戚施之狀俯仰無能侏儒介眇之稱孝慈莫改擬  
倫於犬豕比德於伶優一旦以乾沒而致多金資營  
苟以騰高貲心志驟侈不足非財自醜卑流仰攀華  
胃推潤屋之餘脂希宵燭之末照於是醜肥啖其門  
客貨賄誘其私親遊說之言日至密邇之譽不衰遂  
至寡廉鮮恥明目腆顏唯利是求族類罔計象齒競  
諒鳳毛安惜是故育女猶之居貨行媒同於質絲忍



使化源釀為賈道於是犀璧金珠爛充簪珥冰統霧  
殺高貯篚篚雖位在九列族右一方多議闕視之人  
喜譏善誚之士莫不一見解頤弱息請往遂使纓冕  
之產入於馭儉之門河鯉齊姜比於鳴盜之裔生為  
合豔之人若牛驥共阜而食死為同穴之鬼則薰猶  
並器而藏高門遂爾降衡芳草由之化蕭矣士人贅  
行孰此為大哉僕常懷此而未有陳也近見郡中婚  
媾多托媒於足下者故敢布此幸子稱品審流列群  
分類苟非異等務遵常途毋使禮門頓開利竇也

與劉子

東漢書卷之七

三十一

僕不自慎年屆始衰輒被末疾小步軒序則要膝  
售艱暑濕侵陵則擁腫坐困五六年來賓客逢迎公  
私慶吊歲時宴集一切謝絕悉本是耳何也蓋旅進  
則逡巡鈍獨殿賓行勉追則大類跛躄欲速不達  
往往附贅同儔取譏觀狀而僕又褊狹淺激用以為  
恥而時俗不察繩而罪之過矣時方抱軫而客有自  
高門至者袖出狶豢數餅教僕餌之曾不浹辰舊力  
稍還宿苦日殺幸其有當而詰其從來則云君家服  
食之餘耳遂乃發書證之其中益州之表稱其品賤  
而功奇先民之言良不誣矣惜所饋不多儻然就盡

茲欲廣蘊博儲俾應需不匱而諸賢鮮能辨識者使  
但按諫不疑臨株漫擬米綴一誤流害匪輕不寧驟  
損夫前功抑復嫁謬於往論伏惟拔本見示庶幾物  
色有徵乃可獲不遠之則而免似是之非也况緣是  
以往遂得廁迹於賓朋蛇咎於疎廢孰謂非執事之  
賜乎

答丁滄源

東漢書卷之七

三十二

追惟蚤歲客遊京師適有天幸獲定忘年之交於令  
先君之門因識超代之才於君結髮之歲朝夕究討  
微言擬議文事僕信他山之石而君則在璞之玉矣  
散失各歸寤言未真丁丑之春邂逅令先君於逆旅  
執手數言草草別去彼時少年盛氣又新得志不圖  
世路之多艱後會之弗繼如此也已卯秋僕以言事  
謫州吏隨中法比罷返編氓自顧踪跡泯湮忍負譏干  
詎日但屏處原野俛仰自適無復有望於人世矣然  
而間親仕籍知執事名位日起聲稱藉甚又未嘗不  
鼓舞飛揚為故人驕喜也庚寅聞執事以憂歸則知  
令先君已仙逝矣豈知丁丑之別遂成訣絕乎乃悔  
分攜未致鄭重遠缺芻蕘深負幽真客歲知執事借  
重江邦珥節鄰邑壤域非遐然僕竟不能越境奔投



道故信宿緣僕久嬰末疾以與臺則甚艱矣復不敢以煩有司又不奉君者三十四年矣未審復能省記不使僕先焉而君忘焉而君拒焉不已愧乎凡僕之有乏於門下者以此耳而沈事乃竟不以一介之使咫尺之牘辱焉豈果不復省記乎亦罪僕之不先耶僕之不先於左右者有前所陳數者之難而君之有加於不肖也則易易也僕既沮於難而君復吝其易此心神之未孚而形迹之為特也既而反覆思之似能得君之微者僕素悉君仁孝人也凡仁孝者之於親當其既沒也親故物而興悲手遺書而廢讀况僕托在知與雅稱不薄者乎想君語次賤子則追念往事一念往事則永慕先人故搦筆伸紙戒使候發用悲惋而罷者屢矣雖然僕之望於門下者未已也猶計他日行縣至吾土當以野服展謁未晚也而教札忽及則知執事已獲不遠之復且旌軒北首久矣又知僕尚在省記矣中間述疇曩之迹備死生之情又幸僕之測君者中矣嗟乎僕但記君之少而君未覩僕之衰即使夢寢獲通豈得今狀乎伊邇阻見後晤何能我心悠悠其誰能極伏望勲猷懋著光我邦家至門下老賤故人獲蒙遺簪之念足矣

答范東溟

執事手挈兵符控吳楚之要區遂使暴客滅影行旅弗驚江漢恬波居民帖席誠仁義之金湯東南之保障也田野鄙人沾賴扞蔽者至矣然未有窺於執事之全也而聞諸呂子則云執事負領神奇醞藉深厚其以文賦名家久矣是有游夏之藝而又有方召之猷者也僕誠私心艷之願附末交因緣無地而呂子則又云執事深有意於不肖乃敢以賤製附上延佇德音望在教益而札貺重錫獎與踰溢超之倫比之末而躋諸邃邈之品執事豈虛舉人者哉而僕實作其匪堪矣且僕弱冠客京師一時談藝之交於海內美彥庶幾盡之而僕頗奮臂其間激印雄視謂往軌為必踐以前微為可齊豈意贈驟被塌翼南歸師友乖違見聞阻限加以中歲血氣見驅湛溺遊譴不復緘叙流輩譏其自廢舊業棄之若遺日月如流舟舟得老竊深嘆逝之感寧無伏櫪之思而心力困憊兼策不前堂與崇深欲近轉格又見近日英俊輩出妙善日臻新論各持更凌互競至所矚病雖少陵諸什猶不免焉衰耳乍聞下古屏息始悟古匠之難追後薪之必上也嗟乎孔父無聞之戒詩人老大之悲



少而誦之未覺警切豈圖今日於我證之顏暮莫回  
憤恨徒結安得却老之方勉修不朽之業因以承下  
風而追絕塵乎僕志若此乃為惠子盡之幸君無遂  
耄我而棄之也

答郭桐岡

伏讀佳章雖程古範不說時趨絢繹性靈濯磨風雅  
雄才據勝巽致通微應景構辭辭非補假酌形敷象  
象逼生成卓然名家允矣命世王孟合體始稱前身  
河洛諸賢恐難方駕信玄譬之真詮空參之上乘也  
幸唯自信非敢獻諛

啓郭桐岡先生

廷陳謹啓桐岡先生僕於左右輒有所薦幸君侯聽  
之客有居門下者施生雨泗上入也能琴琴能自合  
材質由膠漆微軫以上不一假他手古今人所為曲  
操彼誦之曰是可絃輒譜而被之五音不與能書書  
兼真行草八分又能漢楷能篆刻能雜畫數者雖未  
臻妙善然其品不下矣能吳謳謳能為疾響為慢聲  
其疾也則激烈悲壯若劍客互擊瞋目而語難忽然  
為慢則關緩婉媚如孽媵病姬隱呻泣訴欲盡而不  
能予每傾耳而聽之未嘗不怪其宮徵之暗移歡戚

之驟速也其最奇者則於方寸之楮作小楷數千點  
畫不消體裁各具於粒麻之上宛轉書之成五言詩  
一絕即有烟眸非極視專睨數拭屢翕蓄而後張不  
可得其髣髴誠文固之絕伎生平之未覩也僕見古  
昔九弈庖削之流皆得專精於記籍亟贊於聞人此  
君子下逮之仁曲成之誼也況生所能乃儒術之支  
裔學士之旁暢乎即其人跌宕負氣澹泊寡營羈控  
莫施疎逸近達雖無典學之績而妙性資之合雖在  
韋索之賤而蘊紳珮之器雖被泥滓之跡而勵振削  
之操雖寡儋石之儲而絕慍怨之色至於負俗之謗  
時時有之人不以病生生亦自謂不病也然則僕之  
禮之獨以其能哉僕於暇日於後二藝而令為之知  
其非妄茲不敢蔽乃以所為敬致記室一以明慧匠  
之未乏一以證吾言之不虛我侯多材藝而好奇其  
於此子必有鑒賞矣

答張靜峯

少日得附榜末幸哉有初奈何褊心難化多言象學  
義難毀舂術乖巧宦遂致名染罪籍論在不貫遂乃  
甘心疇隴投迹樵牧敢希不朽之業聊為卒歲之謀  
年來衰病相乘志氣俱憊不惟絕想於鴻遠亦久灰



念於人世矣至於係仰親交何時暫真每於暇日一  
展年謀當時朋輩彫落僅存俛仰生悲不能自抑斯  
生人之至情由來之真觸也不知青雲之交亦嘗興  
念於藪澤之侶乎前者節鉞駐黃適僕偶被末疾舉  
歷既艱與臺復乏又以壯猷開府之初諸司承律之  
日而僕以草野廢人躑躅江干為長揖之客恐於體  
局不無虧違耳而候吏至廬復中煥惘感愧何勝茲  
方僵卧而使者遠自軍門臨榻授牘伏枕啓讀終則  
復始手之不釋古誼婉然遂不覺憤結之去懷沈痛  
之蛻體也昔人愈病之撒不信然乎且以刀斗戒嚴

夢澤集卷之十七

三十七

羽書沓至而乃從容運翰馳評故人雅量足徵矣又  
聞拜節旬日先聲所屆魚鳥潰匿妖魄竟禡功在不  
戰慚非劇孟曷贊雄圖若僕得以天幸藥物際良復  
其故步於執事凱旋之日勉操筇杖伏謁道左遂得  
執手斯須論心信宿則僕願尚厭飫足矣病中口授  
鮮倫不罪不罪

答虞文表

友人王廷陳謹以木一具折僊八金因使者致之文  
表先生門下不腆可慙要實吾言耳在昔孔子脫縣  
於舊館延陵掛劍於徐君惡涕出之無從貴心許之

不負此生死之純情先民之貞則也而僕獨於君無  
恙之年預此不祥之器無乃繆往指而垂人情乎矧  
我執事術擅長生容成難老名滿岱宗之籍永無就  
木之期而區區必踐前盟不為忌諱者良以君子謂  
生為寄達人齊喪於得況警凶可以保吉有備乃能  
無患竊恐區區此舉結念雖勤效用必虛矣雖然寧  
使區區之舉無用不欲執事之筭有窮也

夢澤集卷之十七

夢澤集卷之十七

三十八



聖

內

子

夫

王

姓



河陽盧氏慎始基齋棊于都門



童內方先生集原序

天下名山大川多矣富莫富於雲夢清莫清於瀟湘奇莫奇於太嶽自古寓賢若賈誼司馬遷杜甫柳宗元蘇軾咸得助於山川之秀故其發為文章擅當時傳後世况生長其地地靈而人傑者耶我師內方先生童公當世廟龍興與龍湖張相公洞野廖學士俱被選入翰林侍從經幄世廟視三公猶從龍臣也駸駸柄用先生乃以讀禮請告遵晦里居盡讀古人書究心當世之務思以光輔中興建萬世綦隆之業年未艾而齋志以逝可勝痛哉先生賦類賈誼文類司馬遷詩類杜甫文之稍從時調者間出於柳蘇之間故其富者視雲夢清者視瀟湘奇者視太嶽三楚間稱獨步令子光祿君守履彙其遺集若干編諸體咸備授立校之立弱冠卒業太學先生賞鑒獨先諸生明年遂成進士五十年來酬知無地猶未能錢梓以傳愧矣僭為序萬曆己丑仲夏吉旦賜進士出身資政大夫南京兵部尚書參贊機務前南京禮工二部尚書侍經筵預修會典門生翁大立頓首撰

童內方先生集原序

一

內方先生集目錄

卷一 憲廟樂章 平南雅 四言古詩 樂府

五言古詩

卷二 七言古詩 歌行

卷三 五言律詩

卷四 七言律詩

卷五 七言律詩

卷六 五言排律 五言絕句 六言絕句 七言

絕句 詩餘

卷七 賦 駢體

卷八 進御文 古文

內方先生集目錄

一

附鈔沔陽州志二十一則

附錄



內方童先生傳

陳文燭撰

先生諱承敘字士疇沔陽人也始祖自隨徙沔而沔南有內方山因號內方山人海內學士大夫稱內方先生云往太守公諱旭者生先生有異質雙目炯炯不類凡兒八歲時過目成誦爲文數千言立就先生少失母其繼張太恭人性嚴先生事之最孝年十二賦行路難以見志太守公覽而大叫曰兒爲古文辭乎里中一二長老以爲王勃李邕復出也太守公以戶部郎出守兗州坐正直忤魯藩逮繫詔獄先生與之比其辯論諸疏草悉出先生手而太守公得調桂林未幾太守公歸而先生亦歸大梁李公濂守沔國朝之文在弘德間李公夢

內方童先生傳

陽何公景明爲之一變而李公與獻吉仲默交驩號中州才子見先生奇之而先生樂從焉時家按察公以童子亦受知于李公先生益下帷讀楚詞文選及六朝文咀其英粹故含芳摘藻若夏雲秋水不可方物時正德己卯甬川張公邦奇督學又奇先生文嘆曰眞楚才乎薦于監察毛公伯溫以詩經舉鄉試第二兩公尙恨先生不第一也明年庚辰中會試值肅皇帝繼統選翰林院庶吉士與茶陵張公治蒲圻廖公道南號楚三才而先生尤俊逸不羣試輒冠同館而同館敬服人人自以爲不如也方楊文忠公廷和楊文襄公一清後先入相雅重先生後永嘉張公孚敬議禮登相援引新進館閣

之士附之如蟻結之如蜂喧沓背憎汲汲如狂而先生閉門守玄意澹如也乙未分校會試所推轂多名士若大學士郭公朴祭酒敖公銑尤表表焉壬辰公補國子監司業上方更化而祭酒又關中呂公晦倡明正學先生佐之留意教化呂公教主嚴如泰山喬嶽壁立萬仞而先生兼用寬如和風慶雲令人景慕環橋門而觀聽者以萬計前此未有也先時先生修列聖寶訓實錄及會典諸書進先生左春坊左庶子兼翰林院侍講仍攝國學歲庚子先生主順天鄉試得劉一麟等一百三十人其程文典麗學者式焉壬寅上疏省封樹肅皇帝俞允命馳驛以行蓋異典焉先生歸與親知倘佯江湖放

內方童先生傳

歌命酌里門來親就先生者日眾先生油油然與之偕而無間人言魯文恪公鐸居鄉純謹至比先生云無何先生病且卒主上聞而憐之遣官論祭嗟乎先生周旋詞林二十餘年往聞上御經筵先生講立政諸篇惓惓于用正人端國本又聲如洪鐘徹殿庭上喜動顏色賜飛魚服而中貴人往往走問童先生不休蓋大拜之兆也時故相貴溪夏公言忌先生才又學士多遺貴溪公金得美遷先生笑曰何可爲此耶遂甘心不調而奉使唐藩唐王慕先生名厚幣請先生文不應別時一物不受其節概如此世俗所難先生尤其細者先生早慧英敏天骨秀朗緩頰而談傾其坐人平生好藏書又好藏



古今名畫法帖每一屬文筆端風起如掀雷抉電又如江河東注其詩文多不存彙多口授使者在先生不經意而得者實之大都出入漢魏六朝自成一家言其字畫道逸秀媚置趙文敏真蹟中莫辯也先生少悅紛華之習及至中年刊落殆盡嘗寓書大梁李公日往者觀書如端冕聽古樂惟恐卧耳近稍知細繹容有感通之地爲文牽於事實近稍擺脫容有獨出之意豈犬馬齒長故蓬心漸開邪抑數年憂鬱將有所激昂邪李公會出示余今集中無有也所著河陽志得遷固法海內名志如康德涵撰武功王敬夫撰鄠縣及先生而三也先生有甥王給事頤屬余定先生集而余爲先生從婿知

內方童先生傳

三

先生孝友多馴行與子守履收先生文十僅一二自足名世今梓郢上者多應酬作有家按察公序余小子尙卒卒未定也先生沒且久始祀學宮余列其遺事獨幸論先生者定也

陳子曰西蜀楊用脩不可一世士而獨善童先生多往來翰墨廖學士撰楚紀稱先生學登大雅其國之良史乎乃觀郡乘尤信家按察公每言先生樂善忘勢汲引後進如渴乃天年不永相業未就卽文章亦不盡傳何哉語曰造化忌名乃先生名赫赫江漢恐造化莫奪矣

陸刻據河陽川志有刪節  
今據二百回文集錄全文



丙方先生集卷一

河陽童承敘

憲廟樂章

迎神

於穆憲祖德純業昌寬仁誠孝累熙重光荆楚底平猷  
狃于襄褒崇聖哲登顯俊良廣牲大禋是肆是將清廟  
有嚴陟降洋洋

初獻

清酏既薦萬舞斯陳訃謨垂憲明德維純吉蠲齊稷肇  
禋于春來格來饗於昭聖靈

亞獻

丙方先生集卷一

一

維皇詒燕宣昭世德孝孫有慶纘承丕業鬯瓚具陳籥  
羽在列我享我將庶幾申錫

終獻

裸將既舉旨酒思柔俎豆靜嘉維羊維牛亦既右享維  
神之休精禮匪懈福祿來邁

徹饌

烝衍我祖永賚思成登豆既徹祀事孔明祝啟備舉肅  
離和鳴報以景福壽考且甯

送神

神馭旋只鳳舉龍騫假哉憲祖陟降在天闕宮奕奕祀  
禮莫愆緝熙純嘏於千萬年

平南雅上中丞秦公

明明我公有捷其武憬彼邾夷來歸無侮久此王猷式  
辟裔土

最彼邾夷徼于南邦既酬而醒隳狡毀常肆其大慙瀆  
于天章

彼凶負固實艱其居有石巖巖有山崎嶇緩之則驕極  
之則遁

赫赫帝怒迺眷南粵誰其正之迺授公鉞往行子罰邾  
夷是忽

公拜稽首天子是副既類既禡唯師旅是鞠公拜稽首  
臣曷敢弗邀

丙方先生集卷一

二

戎醜攸行濟于沅湘旃旆斯揚烝徒皇皇有萬其航淮  
水湯湯公服斯煌葱珩有鶴

我公蒞止陳於南郊腰褭且閑巾車孔膠虎士如虓聿  
修厥矛弗吳以敖邾夷則咆

邾夷維喙來享來王式叱爾狂南土允荒唯邾之民于  
理于疆唯邾之民于焉徜徉

邾功告成唯義之正無煩于兵自昔周公荆舒是平顯  
允方叔征伐蠻荆曰公與京

明明我公經營四域昔在中夏矢其文德耆定膚公作  
屏王國於皇遐哉文武唯則

公之歸兮嗟挽其衣兮山平川夷厥功巍巍兮帝錫公



圭錦衣孔輝今天子聖神四方來威兮於萬斯年唯公  
功是依兮

撻武十有一章五章章六句五章章八句一章章  
十句

四言古詩

有倬樂畊也

有倬維穰草樹鬱蒼春陽載熙疆旅既同亦執厥功我  
稼迺豐有稻有秬以輸我邦

有冽維泉厥流濺濺菑畚孔良漑之澄源織羽翾翾嘉  
穉芊芊載歌載遊欣我有年

樂胥維翁亦服其耕嘉迺林邱允辭組纓君子有子爲

內方先生集卷一

三

國光矣君子有酒酌彼觥矣

有倬三章章八句

思誠

渾渾元化茫茫聖途太極闢闢萬彙一趨探源濬流執

綏貫珠葆貞會冥言司其樞維思曰睿慎之須臾動契

靜遊乃與天俱亶亶君子欽茲訓謨

留臺贈黃侍御

森森留臺稜稜直指肅奉彝章丕振遐軌

溫恭君子望隆德徽我彼豸冠簡自虎闈

明命是將法守靡假希蹤文紀馳聲公雅

詎曰乘馳實惟埋輪肅彼凜秋庶幾發春

留雖在南其聽則邇繩枉糾邪四方所矧  
辟雍周旋諒子夙心金石弗渝惠我德音

寄母弟士登 名承芳別號復池

自汝不見于今六年音塵伊阻道路迴邇我有門戶汝  
則周旋我有田園汝力靜專我邱我隴式掃式瞻執嫂  
之喪封樹維虔煢煢我雛提攜哀憐豈曰雁行手足連  
絳於惟先公積德罔訾生我二人接跡比肩我實不肖  
無以光前鸞坡逐隊虎闈抗顏汝雖未顯榮聞頗宣宗  
族慕義鄉閭稱賢於惟世德子焉克全我聞在昔名閥  
相傳儒素是守清白是堅詩禮攸敦節行維先弓冶之  
子箕裘匪捐我日是邁有華在顛位浮望淺屏棄則然

內方先生集卷一

四

江漢之上沱潛之閒一邱一壑維意所便惟我及汝共

此粥餽作詩示汝涕泣潛潛

夕霰篇送確甫

今夕何夕雨霰淅瀝華堂夜深明燭在席子有行色我  
心如怒如怒維何念子實多執子之手慨當以歌嗟子  
純淑金礦玉璞楚楚其才揆華播馥深鈞遠獵淵淳川  
蓄操履孔嚴霜寒冰肅自子之出夙尚頗乖馳驅正路  
逐彼空埃子以良悲我是用開伊昔君子秉德植行隨  
域成能隨時宣命事期於集職思其稱辟彼神龍無擇  
淵雲騏驥在陸動必軼羣執一葆真揚光樹勳子當盛  
年早負修志閱歷既深風檢愈勵匪直時髦實維國器



終焉允持無往弗利

迪儉堂頌 並序

迪儉頌甫母也母以貞純相夫訓子躋顯庸蒙  
褒嘉焉堂曰迪儉昭寵命也甫子以使過余余  
為頌俾登堂而壽焉

皤皤壽母毓秀於黃門閎衍盛洞庭之望迢迢習齋駿  
發而昌

維此壽母淑問有年孝惠端懿既貞且賢始相厥猷嬪  
于桂巖

峩峩桂巖博宗墳籍藝苑搗華儒林振節式後傳今融  
光矯跡

內方先生集卷一

五

母也儷美攻苦茹淡篝燈倍勤辟繡崇儉含純履約壺  
儀惟範

有嗣者雜載膺世禧茂承守澤克奉母儀為時龍光振  
聲天達供奉經幄翊贊儲闈

宮臣于役肅將帝命自燕徂齊舊鄉稅鞠玉節焜煌金  
醕芳潤

陟彼高堂乃薦瑤席華榜在楣繪章有赫詎曰畫錦實  
維母德融融春暉照此顏色

猗堂之深兮蒨祿爾來兮猗堂之廣兮子孫靡不承兮  
堂中之人兮躋千齡兮

迪儉八章六章章六句二章章八句

樂府

秋胡行五首

遊心澹泊富貴安足欽遊心澹泊富貴安足欽道高名  
榮君子所任鳥獸雖樂爵羅在林肆志者貧賤時為樂  
甫吟式歌以詠富貴安足欽

驂駕飛龍車翱翔於八荒驂駕飛龍車翱翔於八荒周  
覽五嶽可以常羊濯髮咸池息駕扶桑仙人奉藥延年

永康式歌以詠翱翔於八荒  
服食日月精遊神於太玄服食日月精遊神於太玄保  
合沖和要道不煩鍊形駐色自生羽翰升降紫庭凌厲

崑崙式歌以詠神遊於太玄

內方先生集卷一

六

徘徊閭闔登陟太微宮徘徊閭闔登陟太微宮左排赤  
豹右挾青龍三辰奠位列宿麗空照臨四海靡不融融

式歌以詠登陟太微宮  
思沐芳華采擷蕙與蘭思沐芳華采擷蕙與蘭芝生污  
塗不如草菅君子慎交小人偷安瓊珩之實集彼鳳鸞

式歌以詠采擷蕙與蘭

燕歌行二首

星流節變秋氣清霜露慘澹百草零商飆西來吹我衿  
羣燕辭宇陽鳥鳴嗷嗷天外流哀音蘭閨窈窕朱戶扇  
蕙帷瑤席朗月明仁望不見勞屏營曳裾躡履步廣庭  
仰視牛女縱復橫參迴斗轉河漢傾緘書未寄傷吾情



江湖逸絕無人行含涕掩抑空怛怛願爲流波逐浮萍  
遠與君別天各涯長路聯阻未旋歸秋蘭被徑霜霰飛  
草木隕落流光馳長夜思君君不知會稀別促怒如飢  
憂來淚下沾裳衣援琴撫節彈清絲長歌度曲哀音遲  
調高絃激和者誰含嘯斂忽非昔時明月皎皎鑿薄帷  
思君如月虧容輝攬衣出戶步莫移玉除葉落露未晞  
羅縠繡帶涼風吹

上留田行

涕泗一何彷彿上留田居者粲粲衣裳上留田行者斐  
回履霜上留田獨不念所生上留田葛藟蔓蔓施于中  
林上留田枝葉聯翩如雲上留田傷哉莫知我心上留

內方先生集卷一 七

田

猛虎行

猛虎何斑然飲我山澗泉一嘯谷風冽再嘯白日昏劇  
牙怒其尾躑躅行我田我田不足卹所嗟在豪賢彎弓  
思射之畏子不敢前疇能將其鬚使我中沸煎行告秦  
山靈滄海浩縣縣仰視雙黃鶴高飛眇翩翩鶴飛不願  
反淚下如汎瀾

善哉行

置酒高殿車填馬多繁音會舞柔曼且和一月短夜長  
逝者如波何以解憂秉燭來過二松柏崔嵬施彼女蘿  
心所相矜則莫我遐解三浩河川流止于中阿謙謙君子

惟以嘯歌<sup>四</sup>相期泰山靈開嗟我中有仙人服食丹霞  
<sup>五</sup>廣成羨門至道不願授我神藥顏色光華<sup>六</sup>鴻飛翩  
翻安知弋羅保合冲虛可以靡他<sup>七</sup>

磐石篇

節彼磐石磷磷天門遙開降星結根峻極極岬岬鳳躡  
躍猊蹲舒華發粹含珍五嶽比德齊靈<sup>一</sup>玉醴涌罇前  
涌華池清冷引泉鱗羽遊戲藻蘋流瀾激汰盈川<sup>二</sup>江  
海洵洵泝濤長瀨溘溘揚颺中流竦峙彌高傑若崑崙  
建標<sup>三</sup>歆騰靄激填填靈雨冥冥靈霑螭龍翔舞連蜷  
浸潤下土敷鮮四海交適所驩<sup>四</sup>垂乳詰屈如華複洞  
嗟峩掩霞瓊芝瑤草紛葩顏色下映丹砂<sup>五</sup>中有寶璐

內方先生集卷一 八

輝煌言薦清廟明堂祇奉璋瓚馨香鳴球振佩琳瑯穆

愉愉兮神皇<sup>六</sup>都房顯敞瑤宮鑿者何人鴻濛君子樂

胥在中顯光靈德咸鍾仰漱玉液餘離延壽萬年攸同

解七

五言古詩

送歐陽子還竹谿

昔遊展良覲鬱若芝蘭親豈意多乖離飄轉如遊雲君  
臥襄江沚猥予遊帝關鶴鶴庶自託所嗟鸞鴛貧一朝  
假羽翩翾迨漢水濱交親誼彌篤志切道逾申揮絃聆  
遺響躡履奉休塵峭閣每同踐高懷時共陳拙毫賦綠  
水擊槩泛青蘋倏焉倦遊衍返車西入郎昔淹變夏木



今往澹秋雲別促會何常我心浩無垠舊雨杳莫即暮  
雲難再乘珠輝本無價驥驤甯易馴願子崇明訓相期  
雲漢津

奉次陳高吾西歸韻二首

抽簪辭南服肅船奄西鶩巖松飛迅颺泉蘭冒行露詎  
惜彫芳華所憂變眞素物理互崇替元機條來去屏跡  
超人徒息駕向煙樹純誠固不渝得失自所遇  
翩翩雲中鶩矯翮獨橫鶩一朝斂羽翼林薄淡秋露舒  
戢自有會君子慎衷素布昔召片言復以片言去解鞅  
踐幽境抽絃息嘉樹勿云桃川深倘與漁父遇

水曹宴集頗申往懷悵然命篇聊答雅贖

丙方先生集卷一

九

肅船奉嚴程率維滂澗瀨濁流湮故渠新溜乘初汰昔  
滯勞佇延今往利攸邁美人抱貞期長路愜良會開軒  
羅清觴遊園接飛蓋春序時既中禊節奄已屆綠萍冒  
池陰朱華散堂背茂林何葱葱豐草亦葳蕤撫景發清  
歡興謠寫深慨夕暉浴疏幌惠風颺輕帶改席登崇臺  
吹燈坐虛籟瀼瀼寒露零歷歷衆星嘒高誼申綢繆雄  
辯徹幽晦憶當結髮初猥賤京邑內薄劣荷英盼引接  
出流輩歧路多乖離志業盡荒穢茲夕何盤桓勝地得  
披對揚彩照瓊瑤吐芳襲蘭蕙龍性詎易馴鸞翻本難  
鍛君髮倏已摧余亦非曩態江郡憐持麾披垣慚委佩  
許身既違時 况清泰修軌諒可遵明德期自愛黯

然別須臾佇立瞻海岱

孟冬河舟宴集都護陶子倡云泛鷁遵鴻渚余喜

而足之紀一時雅事

泛鷁遵鴻渚開宴集魚梁寒溪漲新汰朝樹銷微霜川  
修浦煙淡野曠皋露涼初暎散平隰流風激頽岡江郭  
久云別田廬猶未荒臨眺諧夙願休澣荷今皇緬維辭  
邱壑矯跡陪巖廊迴翔編摩署委蛇成均堂游直殿講  
席載縮宮采章獻納愧匪德矧贊慚無方十年糜豐餼  
千里懷舊鄉謁告忝俞命馳傳資寵光壘楸肇榮茂庭  
萱且豫康朝典頃逾肅邊謨茲頗揚稍藉人事戢彌使  
我心降慰勞感故侶賞眺頻相將鳴榔綠辟芷弭蓋依

丙方先生集卷一

十

江蘅羨魚綸每垂射鵠侯亦張度曲奏哀遂列坐飛清  
觴馴鷗傍簾狎嘉菊羅筵芳篔簹自欣適童兒况徜徉  
顏氏本獨樂點也聊復狂夫子委義命達人知微彰小  
隱諒匪拙巧宦甯足臧高情且披豁須卜行與藏

贈關中劉生

劉生賢豪徒况乃將相子揮劍辭里閭投簪傲朱紫周  
遊萬里道結交一世士時望岐山齋蒼茫白雲起

松巖詩

孤松麗清漢迴巖起中阿亭亭揚寒飈岩岩激頽波霜  
柯既偃蹇薛壁亦嗟峩豈無雲霞姿附彼絲與蘿幽嵐  
媚深谷風聲清且和公子樂愉曠託跡時嘯歌攬彼五



粒枝藉此千丈莎披雲散膏雨斷苓洗清河雨以潤蕉  
卷苓以解沈疴詎留小山桂兼謝金門珂悠然慕高節  
因君欲來過

感述三首送陳伯瞻入齊省覲

玄雲散微霰發烈吹我裳軒車集郊隰餞贈懷永傷送  
子遠睽攜秦岱鬱蒼蒼風伯灑先路玄冥復抗旛朝發  
薊北門暮宿齊魯疆逍遙躡丹嶠滄海端可梁矢言從  
子遊儻遇棲霞生修坂裂層冰我馬玄以黃

豫章挺奇幹亭亭青雲端閱歷豈不久搖落悲歲年君  
子有遠志鹹軻何足歎趨庭止東郡駕言登泰山仰瞻  
北辰樞俯觀東海瀾雲霞散寥廓上有黃髮仙瑤華發

內方先生集卷一

二

瓊枝照耀容色鮮喟予淹跼跡東望涕沾翰相思在白  
駒忡悒復何言

晷短別復促臨歧重獻欬芳歲倏以凋黃鐘轉灰飛與  
君本同林翻然各異棲山川渺修闊何以慰睽離楚璞  
嗟見別齊瑟瑟遭噴所願慎明德勉旃勿復疑天風起  
高神雲霄以爲期

王繩武樓中玩月作

巖巖雲中樓藹藹詞場妙華燈薦廣筵蘿月開朗照庭  
柯撼微颯曲池駛清微洞戶敞以開迢遞引奔峭薄漢  
哀鴻流警露孤鶴翹涼襟款秋夕慷慨發清嘯綺翰揮  
素毫朱絃激清調物序倏云改聚散期久要緬懷湘川

涓浴月足齊鈞

城南逸樂詩爲景陵呂佩之題

結宇超人境屏跡歸城南葯房開窈窕蘭皋遞浴延珍  
禽噪灌木文魚駛洪川道高名自榮居幽地復偏雖無  
代耕祿亦有負郭田戶脫求羊屨門絕車馬喧灑灑墳  
索理栽栽衿佩賢橫經析玄旨啓匣奏清絃時攜童冠  
侶披此春服妍入歌考槃章出詠浴沂篇俯仰無俗累  
徜徉有餘閒詎知珪組榮但謂邱壑寬更生老校書子  
雲貧草玄跡隨鹿門隱地近桑苧潭昔賢諒可媿雅節  
羨獨堅遺式在鄉井垂休黃林泉何當謝簪紱相將入  
雲煙

內方先生集卷一

三

太嶽遊覽十首

靈峯標奧區周覽振遐跡眷茲平生懷結我同心客理  
機濟洪川驅轂遵廣陌豐林散葱蒨疊嶂排巖崩幽禽  
出谷遙穠華傍巖寂修習開清妍麗景照顏色相將愜  
勝遊况乃諧良覲緬當攬藤蘿長嘯楚雲碧

日余耿夙尙頗負水山癖自嬰簪紱牽煙巒阻攀陟江  
漢侈秀靈太嶽擅奇絕日承澣沐恩稍憩沱潛國命駕  
事薄遊升高覽玄極振衣躡丹梯揮毫拂青壁詎云探  
幽遐聊以酬宿昔憑虛俯塵寰萬里徒偏側  
岩堯望靈岫逶迤度仙關松蘿自虧蔽澗壑相潺湲石  
徑迷復通出入蒼翠閒鸞鶴時翺翔杳靄非人寰雲霞



迴霽色翠蕩何斑斑山祇豁朗照爲我開心顏

仙關入窅窳玄宇森琳瑯羽客披霞裾清梵鳴相將邀

我坐璇室開筵飯青精眞仙不可遇遺物頌尚方感之

三歎息白髮何由蒼筇輿去登陟歎忽起鴻茫

文皇昔締構玉虛本經始巖阿儵開張棟宇忽中起瑤

壇簇雲松紺殿結霞綺紫峯旣峻嶒玄谷復迤邐陟降

轉縈紆徒御聊稅止金碧何煒煌蓬壺無乃是載登望

仙樓言念巢居子何時振修翰從茲當脫屣

瓊宇忽璀璨結秀在攢峯棱棱紫霄開渺渺元圃中玉

欄遮參差瑤臺凌九重雞犬喧上界鐘磬鳴層空雲牕

連霧牖曲曲藤蘿封桃川豈不遂茲境仍龍嵒安得隨

內方先生集卷一 三

禦寇清冷駕長風

靈區富煙景峭拔雄南巖上揖天柱崇下臨雲壑懸鬼

斧詎可鑿鳥道窮攀緣飛觀架林杪丹房開崖巔我來

重寄翫徘徊蔚藍天曲檻擁層臺指點云昇仙羽人去

不返無由一參玄斜暉淡林薄攬衣復言旋佇眎望青

碧烟燦如秋蓮

天門何鬱盤石級懸萬丈躋攀轉敲傾僚慄不可上攝

衣旣逡巡躡屣復踉蹌俯視培塿親江河類杯盞豈惟

雲蕩胸日月宛相向凌兢非所辭庶用覽昭曠陟險思

乘危慎矣履高亢

太嶽標瓊峯天柱擁金殿香鑪煙霏微玉筍氣璀璨曠

屹七十二俯伏周八面盤旋萬里餘一一羅簪弁中天

盪雲霞下界激雷電仰瞻玄極尊彷彿靈光絢列宿翼

軫分元精虛危煥時維霽色新森爽秋毫辨西挹太華

高南顧衡峯見乾維接冀都坤軸開楚甸望秩往代嚴

丹堊今獨冠渺余切冲襟追遊躅層霞夜臥翠微巖不

寐遲清旦展禮乘初暎環睇逼清漢寥泐疑馭風飄颻

訝生翰太和藉凝虛靈禧丐垂眷敷衽敞孤衷宗社願

終奠

弱齡志孤迥薄遊事揮霍攬結匡廬秀采掇九華夢至

今江湖閒彷彿空翠落祝融與泰岱經行眎雲嶠山祇

似相招夢寐見鸞鶴竭來道襄樊結侶登太嶽靈境諧

內方先生集卷一 十四

夙心玄覽申曩約宮殿鬱瓠椽壇宇互聯絡玉虛浮金

銀紫霄凌峯峯五龍盤煙縹南巖架林壑晶熒太和宮

天柱倚碧落螭蟠龍騫的皪芙蓉削萬里結英精干

崖照髣髴茫茫化人宗煌煌文祖略洞天誠有無茲山

信焜燁白日馭赤蚪青旻正寥廓

梅南

玉律改東陸錦樹抽南枝靈根託三圍鮮葩耀春曦絳

房拆丹萼翠篠承紫蕤染雪飄井幹蒸霞絢罔恩條風

動陽彩華月流春姿伏檻憐綴錦臨閣思燃藜朱鷺飛

翩翩赤螭蟠襪襪豈惟敷霞霰終焉調鼎藟芳妍諒不

渝貞純矢相期



輓胡母

結髮侍君子中道嗟軼軻借老有定名千載矢靡他肅  
肅奉明德純純髮已皤仰視明月光俯事機與梭匡廬  
飛雲表混濛彭蠡波鑒此耿耿懷孤操共嗟峩庭除何  
絢爛玉樹振高柯辛苦四十載物色玄纒多懿節付太  
史看紀柏舟歌匪直詒女型永為四國吡

送王真陽之官

茲地本窮險林深豺虎張改邑復建侯皇澤何汪洋倏  
忽荆棘區化為桃李場王君負經略馳譽重江湘一朝  
捧除書墨綬縮銅章雙輪發燕甸行春汝水陽種花滿  
山郭彈琴不下堂要令詩書俗盡革彼斧斨往哲有遺

內方先生集卷一

五

猷為政固多方王喬稱仙令豈獨鳧飛翔君子達治體  
譬之琴瑟張題詩送茂宰清風起周行

送劉符卿代祀遼國

晨駕飭徒旅荆楚鬱迴邈矯迹蒙嘉運銜命奉明禋豐  
澤先睦親齊稷在幽玄朝發易水干夕宿鄂渚津薄采  
蒹藻芳竿瑟浩以繁鏘鳴振琳瑯刻揚光靈忽焉尋  
清軌紆軫遊修川雲夢何逶迤澧浦秀蘭荃執禮絜淵  
微眺遐紆勞煩邇彼鸚鵡曲陳此黍稷篇

奉和楊用修太史于役之作

開春發燕甸望秩奉周禋行辭承明廬餞傾朝寺賓振  
策揚文旗揮犀激哀箏惠風散微暄海色照離尊岷嶓

詎云遠皇靈重敷陳揚梳咸水若沈璧向江濱禮洽德  
既普誠通福自純旋軫睨舊疆稅駕從所欣列獻眺金  
馬鳴波汎玉輪勿為桑梓淹遲此華渚春睽攜在祇役  
庶以慰朝昏

春日玄明宮遊眺同何熊二子

曠懷厭塵軌結駟薊門東張譙憩真境霞綺浮菁葱迴  
巒抱魄碗孤嶠森龍嵒雲壇煥寶殿風鐸喧琳宮金龕  
碧文書丹鼎蒼玉籠珠絡胃暉閣繡縠交疏牖灑光照  
碧海紫氣騰遙空我歌吹玉笙跨鳳遊闕風我歌采瓊  
芳迢遙縣圃松逸茲無修翰攬眺登靈峯東西望泰霍  
秀氣排芙蓉樓居蔽霄漢冷然遐想通安得步虛子歛

內方先生集卷一

六

儻明本超鴻濛

心素詩為張黃門乃叔作

日昔捐五色懼為紛麗遷孔氏守其白汗涅常自鮮穆  
穆齋心子冥契忽忘筌葆貞性自靈履坦道彌安華英  
以時舒雕繪非我妍玄白有攸尚絢素適所先皎皎詎  
云緇顛顛已無文寒月浸圓景春潭開紫煙萬態含渾  
淪遐哉象帝前

贈汝國相葛公

藝館躋鴻賢羣髦奉以趨終朝理毫素傳經探道腴去  
為王者師馳驅燕趙塗揚旌渡漳水策馬過鄴都陳思  
渺何之賓從跡已疏英明委綺翰寂蔑悲躊躇行行去



京國京國去未迂王宮峻以深攝衣步紆徐周旋重保  
傳讜猷况乃攄兔園積綺雪高堂雲氣舒願試授簡才  
無侈薦桃娛不觀江都傳惟羨廣川儒

永齋

夙齡奉明訓結駟遠高堂迺遷趨天庭踟躕遡江鄉  
離嗑已緬沈鬱竟靡章躡嶠睇雲蒸憩樹聆鳥鳴聿來  
歲序流眇默軌路長昔羈繫軒遐矚盼梓桑華纓雖  
攬結素襟彌涕傷孝思紆以繹倫獲揭乃明德恆利攸  
往類錫符靈祥

移居城南庭幽室靜神愉目曠言憶同好寄示茲

詩

內方先生集卷一

七

猥予獻甘泉待詔瞻明廷抱疴久棲跡漂泊嗟浮萍城  
中富車馬颯杳如流星黃塵翳九衢白日亦昏冥豈無  
羅綺華妖豔徒芳馨東鄰沸管絃淫蕩難爲聽瞻茲非  
所權歎惋衷靡甯公子雅敬客館我城南坳伏檻窈窕  
入天草何青青簾櫳映嘉樹烏爵行中庭明月入我牖  
薰風亦泠泠幔帳張几榻琴書羅素屏北牕且復臥起  
步夕露零邈茲懷羲皇寂寂門戶扃願言招子雲對此  
草玄經

述別五章 並序

白泉子爲司馬郎中守道信節糾仇汰枉遊覽  
圖藝涉遠睹奧與余有交驩之密俄而出刺閔

越辭近卽遠離羣棄舊白泉子乃懷其耿亮慨  
然請往臨祖執轡靡有踉跄余感其誼爰申贈  
章匪戀睽攜意表成言已爾

探毫理柔翰寄弄在金閨中道展良靚媿戀諸所期揚  
珂踐清軌接軫出天遠感子赴時役忽復遠別離晨駕  
發城闕夕稅遊海湄川路豈不迥遙遙傷我私  
我私結中勞薄送潞河干春華抽遠條文魚躍清川覽  
此不復樂登高望九仙浮雲翳蔽日前路渺迴邇顧瞻  
雲中鴻矯翻何翩翩

翩翩從此辭息駕三山都三山何詰屈海氣鬱以紆桃  
李冒朱華暖曖羅廣除之子持郡章政簡民物舒飛蓋

內方先生集卷一

六

引清觴賓從咸歡趨丹巒麗雲際嘉月流海隅揮翰激  
清絃簿領日以祛休風被郡國榮名振天衢  
天衢峻以玄重關嚴虎羆靈雲翳朱陽鳴鳥號中遶志  
士憤國仇拊劍光陸離捐身赴閭闔安知狐與狸氣概  
摧太華志欲補天虧川迴山復迴乖阻空透遲飲此不  
忍言涕泗橫交頤  
交頤涕泗零今當遠行遊清時縱遐軌履坦懷前憂夷  
險各有時行矣慎自修君子厲遠志烈士卑近謀冥鴻  
奮高翔施翻徧九州鷓鴣息蓬蒿委翹濁水流順時愛  
芳景努力策微猷德音幸不違庶以終好迷

送劉先生提學山西



悲風起高林萬物含素秋  
坳壠曠無人孤禽自鳴號  
鳴號求其匹我心何憐憐  
將子城之隅輜軒道周玄  
冥抗文旗白帝亦先驅  
汾曲冒寒華首陽表雲岫  
天子播玄化周旋盡英流  
天逸駛騏驎清廟縣琳球  
蟋蟀藹朱絃緬懷陶唐憂  
不惜乖所期但願終好迷  
采采黃金菊與子締綢繆  
君亮秉淵素慰此心搖搖

於止亭

高齋植喬木鳥飛集其顛  
飛集自朝暮刷羽何翩翩  
遶人愛體物結亭當樹間  
芝楣連芍藥疏牖隔通闌  
朝聞羣鳥出夕見羣鳥還  
覽物歎於止所柯復怡顏  
主人秉國鈞肅肅大猷宣  
進止廟廊深退止亭亭閑  
圖史紛矩矱俛仰儼聖賢  
息蔭成小隱開軒豁大觀  
鳥嘯感羣動廣庇貽所安  
于焉佐元化坐令皇運旋  
豐培在茲木永爲四國翰

丙方先生集卷一

元

修篁篇送東竹趙使君觀察江右

修篁植崇岡清風何颺颺  
高標連浮雲芳根帶寒流  
歲蕤鸞鷲翔宛轉蛟螭游  
豈無桃李華遠與松栝儔  
一朝升廟堂清貞比琳瑯  
竭來復移植榮陰芘南州  
峻節自不渝託處非所尤  
君子抱修姱藐焉寡其仇  
端操重遐軌得已復奚求  
及時宣令名隨地慎微猷  
贈子修篁篇聊用申綢繆

彭澤懷陶令

行經彭澤城緬憶彭澤宰  
秫田多燒痕霜菊悴已改  
空山抱廢宇夕日沈秋彩  
孤舸截江風邈然思千載

讀書翰林覺日新之益喜而有作

猥余蓬廬士矯迹翰墨林  
追附金閨彥出入秘閣深  
秘閣峻且玄文案儼前陳  
佔畢理毫素典章邇皇墳  
匪爲雕蟲藝姬孔邈與親  
雖慚璠璣姿所期追琢新  
浩沔川流駛滔滔成混淪  
穆穆緝熙聖明德躋純玄  
君子崇大雅清軌亮可尋  
失得在時命珪組如浮雲  
願滿飲河腹永諧焚舟心

送陳葉軒尹仁和

潁濱竟陵澤江漢交翕止  
在物稱楚材時賢盡鍾美  
飛騰推傳陳聲光動朝市  
少崖滯周南君茲寄百里  
去游浙江潮坐飲西湖水  
逢迎日馳驚簿牒復填委  
君才何冲融隨事得肯綮  
忠勤更不渝格物固其理  
驂騑既厯塊康莊自茲始  
奮庸期勵翼勛華重桑梓  
猥余益摧頽引領望諸子

贈楊大行惟仁二首

結軫適并冀凜秋氣寥泐  
伏草鳴寒蛩潦清流歛發  
念子趨王役絕塞阻乖別  
太行何盤紆嚴霜冒旌節  
浮雲自西來我私鬱冲悒  
冲悒復何言沈思日以修  
旋軫甯爾親舊鄉且淹留  
出嬉東海涯入奉高堂羞  
臨眺固云樂靡盬貽所憂  
行矣



勿倦戀來終君子仇

奉送雙泉先生自民部郎擢傅襄邸

嶽嶽荆楚英傳經稱孝先出宰馳賢聲脫穎滄海壘再  
奏王門績晉擢粉署員老成贊邦賦耿介超時賢禁苑  
日出入奉職何精虔明王本懿親襄國帝所憐眷茲弼  
亮臣妙簡宸衷淵朝神惜鉅儒宗室資維藩君行重感  
舊令德勤敷宣曉曳朱門裾暮登醴酒筵抽毫賦雄風  
授簡歌梁園古來一國相所貴刑政平請看董賈才清  
德垂遺編

書饒足之號梅峯卷

余從學士洞野君聞蒲有芙蓉金紫之勝歆慕

內方先生集卷一

最久饒足之氏來京復為余談梅山與金紫相  
迴互掩映其西有梅師之嶺其下有梅灘梅湖  
夫梅木之堅貞者也是以君子比節焉嘉境載  
念夙懷端發聊作小詩付之為他日蒲遊話柄  
且與洞野訂盟也

嶠嶠梅峯高乃在蒲山陽上有瑤華林先春播芬芳歲  
蕤姑射姿鬱律羅浮香嘉味和鼎寶孤標傲冰霜古來  
稱仙葩託根况江湘東連芙蓉秀西攬金紫光地迴植  
自奇鸞鶴時翺翔主人有幽尙結屋梅林傍登崖望大  
清折藥思鴻荒余亦雲壑姿棲跡阻江鄉擬泛陸溪櫂  
沔鄂恣徜徉簪紱日以淹巖崖徒相望芳樹恐銷歇歲

寒那可忘寄訊碧山君為掃白石莊

翠軒安宅卷為崇德簿魏鳳作

伊人既縣解劍易閩榛荆封樹豈不崇鬱鬱羅九京室  
杳開紫巒泉深流更清至今軒樹中積翠猶晶熒傷哉  
肩子賢瞻依涕交橫平生邱壟思結構心忤忤竭來墓  
門芝五色垂雲英無乃純誠通造物生光精理固有昭  
格而况吾德貞遂令江漢開赫赫揚休名肩也卓犖才  
縮綬佐鳴琴勸哉樹嘉績庶以榮所生至瑞不在物吾  
嗟望斯人

送琴溪唐君出宰武甯

昔余貳成均寡薄藉匡翊典計何繁勞洞澈具清識豈

內方先生集卷一

無弊與蠹一一多綴緝遂令掌記署歸然橋門蹟自余  
忝東寮君亦宰巖邑去此紳冕徒遠作簿領畫小國雖  
寡民六事固交責烹鮮有遺言所貴在安集君才本牛  
刀剴裁謝紛結要使操縱宜庶免撫字拙萊蕪飯應塵  
單父絃可拭茲地瀕江山况復近彭澤高賢迴莫攀風  
流未云滅請看廬山雲彷彿見顏色

正菴詩

達士秉淵尚雅德敦儀刑幽棲白雲里遠跡濁世塵端  
居有遺軌高標無俗情典墳日為侶矩矱時自程委命  
謝輪鞅抱道躬耘耕幹蠱求世德燕翼垂家聲龐公遠  
城府太邱表鄉鄰清風激鄙懦遐舉入幽冥遙悲冢木



拱徒誦泉齋銘

考牧詩贈洪洋館長

廣塗結層冰積霰被行駟抗旌發京邑飭御遵道周僕  
正本近僚吳都亦名州淮甸啓沙苑龍駒產江陬羨子  
伯樂才無藉方泉求兩服稱上襄七校供大蒐講馭及  
玄冬戒徒乘素秋胡騎頓陸梁邊烽連燕幽徵兵出良  
家考牧盡名駒騷裏自超軼疆畧生貔貅侍從雖云遠  
勳業終能收憶昔伯同命乃事八駿遊所嗟轍跡遙徒  
為僕御謀天王本淵塞懋德勤交修

玉峯

玉峯鬱岩堯竦峙在南州素光照林麓顏色浮巖陬編

內方先生集卷一

三

霞緣岫出雪練抱溪流陰陰璇洞敞慘慘瑤華抽根託  
藍田璧德庇荆山璆連城未為價作佩良足傳願言慎  
雕琢永保充琳球

贈南司成白山倫公

英賢樹鴻業肇跡溟海濱夙齡冠時彥擢秀翰墨林翩  
翺鳳姿美幼嫫龍性馴端操中渠獲汎覽徹邱墳棲息  
承明署載登崇賢門細旃何宥密皇猷重敷陳眇余忝  
世誼躡履奉清塵石渠應奎章金匱煥堯文珥筆抽瑤  
編聯珂復接茵流芬藉蘭蕙垂光枉瓊瑛肅船忽南邁  
秉鐸歸成均金陵鬱若若璧水浩粼粼教行善逾長師  
嚴道爾尊胃子仰后夔羣儒宗陽城沕穆菁莪風披拂

豐鎬京余亦攝膠庠抗顏寡儀刑臨雍邁高軌鳴鐘思  
洪音詎傷蹤跡睽所冀模範鈞嘉惠儻不渝庶慰心忝  
恣

登峴亭為江公新構

漪游理輕艫遵渚睇崇嶺飛蓋陟新亭妍暉展嘉翫緬  
懷叔子賢豐碑杳難辨人代詎可期感此發浩歎勝跡  
復登臨茲言豁幽觀臺使敦遺風榛蕪做輪奐桂棟開  
華軒芝榜揭清翰古今垂英標山川藉遐眷明發乘流  
瀾煙林一迴眄

題江公再新習家池亭 並序

習家池故有亭堂江公為書天鏡冰壺揭之亭

內方先生集卷一

三

楫而名其堂曰澄暉復即北麓建八面亭為屋  
三楹將祀習鑿齒杜子美余請先祀習郁杜審  
言配以二公因僭名亭曰芳漪祠曰懷詰並紀  
以詩 明本八面亭  
下多一後字

天鏡疏鴻濛冰壺澈窈窕勝麗懷往縱激滄鑿方沼冠  
蓋紛過從巖麓頻汎埽曠哉襄陽公日醉習池道流風  
今在茲千載垂遺藻鄙余來崇賢因君事幽討高轂聊  
追攀清觴共傾倒水風何粼粼雲日亦晶晶堂聞澄暉  
勝亭構芳漪宵休軌紹前修潤澤遍豐草余質慚衰遲  
君才羨天矯撫景各躊躇為別成浩渺臨眺酌清冷申  
謠寫襟抱



原倡附

祇命向南濱離羣感西河英僚篤久要同聲鳴相和  
廣筵開秩秩飛箭引倥倥披雲敷別藻揆日促淹珂  
晨裝搖朔易夕駕極岷嶓還轍陟駿原擊汰凌鴻波  
流瀾玉輪沈杳靄青城阿丹誠薦菹藻元韻諧松蘿  
臨眺自爲美契闊誰云過遊鱗樂靜渚迅翼懷安柯  
興彼緬焉情陳此勞者歌

鶴僊謠爲杜母太夫人壽

吾聞藐姑射縹渺棲靈仙吸風飲玉露被服毛羽鮮綽  
約若處子膚理何嫵媚憑虛控白鶴飄颻徹雲天海嶽  
三萬里歛倏恣迴旋翛然駐羽駕忽踵中峯巔喬松蔭

內方先生集卷一

三

丹嶠華月凌紫煙象帝本無語混沌詎知年顧見丁令  
威縞衣振翩躚高翮刷瑤圃喙喙芝田三鳥非所羨  
雙鸞何足憐惟爲羽族長結彼雲水緣麻姑問眞訣金  
母寄冥詮幾遇蟠桃宴頻驚滄海乾造化誠小兒天地  
相延縣

奉題唐承休王復齋

隆陰晦氛濁微陽啓嘉明玄竅躍羣蟄朱芡萌弱莖纖  
春媚融景積晦闇飛翼杓迴玉律轉氣布葭管鳴冉冉  
歲潛改欣欣物將榮周旋剝復理緬邈天地情生人均  
受氣戕斧時交嬰眞機儻以喪大道乖不平聖愚各操  
舍隱微分濁清夜旦紛異趨寒恆寡成明王何塵壘

洞測玄理精出誦庖犧義入與姬孔程沈冥懷省約冲  
虛勞奉盈陳思富柔翰河間垂烈聲葑房列緜帙芝榜  
揚鳴名曲沼激清瀨重階耀華英伊予來京關迴遑渺  
孤征謬忝大禮使適值初陽生弭節踐朱邸授簡登前  
楹梁園有雪積楚岫無雲橫陳辭跪敷衽佇望空屏營  
秋日趙信臣宴集限體賦夏菊分得山字時葛子  
中黃才伯倫彥周廖鳴吾同作

英朋展良觀高譙及餘閒飛除沐涼景崇軒納遙山傾  
觴薦寒華灼灼雙金環昔散朱陽豔今茲夕露團攬葉  
揚清芬餐英駐顏顏物改歲云晏愛此流景閒

送李嵩渚還郡

內方先生集卷一

三

皎皎謫仙子爛漫富珠璣佩符沔水千五馬雲錦輝鳴  
琴舞孤鶴衙散人吏稀搖筆和白雪繫槩酣清暉灼灼  
樹桃李澤國生芳菲竭來奏承明夜燕露未晞日邊彩  
鳳鳴雲際仙鳧飛驅車下燕臺閃閃雙朱旗淮揚諒匪  
薄潁川仍借歸枳鸞甯久棲會言啓黃扉緬予龍門客  
臥病靡所依悵然夢鄉國所願與心違忽聞夫子去霧  
雨生春葳

乞菊

秋菊有佳色敷榮航齋前羣葩逞芬郁諸品羅芳妍主  
人日采掇餐英駐顏顏時惟秋序中露淨霜月圓顧我  
城西舍空庭繡苔斑桂花既搖落蕉葉亦摧殘東籬委



疎蔓南山迷曙煙

春日曲

春日耀晴景明晦如轉圓朝出扶桑海暮入崦嵫山朝暮有常期耶去何時還

七星巖

在桂林

過橋睇仙嶠嵐靄浮青葱地軸抱碗碗斗杓森龍從景測湘灘水躔連蒼梧峯峭壁鬱葳蕤欹逕臨崆峒珠樓架河漢玉檻圍豐隆觀泉訝金微窺洞疑璇宮捫蘿客迷返緣雲路潛通鹿臥芝壇月鶴歸松逕風履高視乃危步虛思彌冲逸矣拱極心懷故浮槎翁洞中日月華千載還瞳矓

內方先生集卷一

三七

未

雲樵先生分教於鄧爰贈茲篇意匪述別亦重相

惜耳

揚舲發漢浦弭節在斯谷將子赴城隅改馬遵水曲澤蕖冒繁葳岸篠抽眾綠闕闕夏禽哺咽咽涼蟬續朱陽節未變圓景光已復迢迢宛洛遊子行一何速陰陰廣殿深藹藹青衿肅朱絃激雅瑟鳴球振清玉庭柯散桃李園葵雜苜蓿時當春服成童冠相與逐晨哦崆峒雲夕踐蒿少麓舒嘯驚鳳鳴吐辭憶蘭馥聊用豁襟抱甯知厭梁肉誰能載酒過醉卽騎馬出不作滄海鱗徒抱荆山璞我心良弗違爾音或見辱

哭劉毅齋因次爲韻語不加點綴庶幾情實云

嗟公及先子舊爲同升客意氣本投合聯曹復接席出入相提携傾倒見肝膈暨公攝符臺先子臥林澤余時忝翰苑往往承款接自余失所怙繫纜石頭側公爲留都卿出弔淚沾臆別來今幾年音塵頓乖絕方聽巖廊履遽返葦鱸國昨者季子來惠我書盈尺猥余匪后夔教胄固其職詎意歛儼閒儼然在衰經公也何所之回首憶今昔世誼豈不重使我心慘惻緘詩當束芻且與遺孤別

送陳君自太學出宰德興

昔君師鬢宮遷轉來璧水峩峩集英寮誥誥趨國子弦誦隆至任經傳析玄理事變頗不常出宰向百里諸生

內方先生集卷一

未

失所歸君亦艱飄徙揚舲路河干擊節鄱湖浹簿牒自此繁民務重張弛官師雖異調論教本同軌勿云編氓愚聰明出庶士歲寒山岩岩樂安江瀾瀾君其慎所之青氈時復視

思越吟送上庠洪子歸杭

昨泛西山湖歸來送遠別因君憶西湖見此燕與越燕臺何岩薨塵氛久汨沒眷彼西湖勝空明游超忽羨子鍾靈秀胷中幾溟渤朝遊燕闕迴暮返越山碧扁舟湖上春一攬雲邊月龍蟠石潭幽豹潛巖霧黑高翔在須臾去去慎明發何時浮海槎相將濯玄髮

好古先生挽歌

並序



先生今大中丞陳公祖也以詩名爲蠶吾掾秩  
滿之京卒任南城時遂焚其柩瘞古廟邊七十  
年今中丞爲工部始負歸姚江與厥配鄒氏合  
窆桐湖之陽初風雨大作比葬而止事已復作  
人謂公孝誠所假也

粼粼濟川水厥草莽以紛古廟臨巨湖傍有孤客墳客  
家何遠遙玉骨隨煙塵文字滿鄉縣行誼追古人那知  
生死別淒涼七十春姚江豈不哀涕望嶧山雲千里負  
遺骸辛苦哀厥孫歸來駐華表合窆桐湖濱豈惟慰同  
穴首邱亡夙暝念昔詎不悲撫今良痛膺涕言徹冥漠  
同此風雨聲歛歔慨賢喆今古同沈淪寄言負幣子收  
涕勒膚動天機燦雲錦早晚照窅窅

張翁挽歌 並序

張翁挽歌悼僉憲張公之父也翁貧而食力抱  
樸無華有桑三百株人盜之不問且畀以美材  
嘗之野得遺金不發囊悉以還主翁所謂隱者  
與

素駢發蕞里長旌陟崇岡中闈拂哀響歎息邱與京隘  
茲灌園叟抱甕靡所長化疆詎中恍苟得甯允臧桑林  
斧柔條郊野被遺光嘯歌率天性鴛鴦非我情感此重  
歎息遺德能奈何悲風落宰木蕤華淒露多昔賢今逶  
迤淪沒同煙莎哀哉拊心子嶠曉泣山阿

采菊篇贈火子 名坤揚州人監生

杪秋氣寥寂寒榮媚幽姿移叢植軒楹清妍動階墀  
穠滋珠露嫋嫋合金吹眷茲駐顏顏采掇慰所思芬芳  
固異種斐亶甯後時攬之復躊躇聊以慰睽離念子當  
言邁感物遡遐期惟人秉天彝椿發固其宜機會苟參  
差遲暮亦奚疑所以君子心堅貞勞自持贈子比金石  
歲寒以爲師將與松柏交勿使桃李嗤揮手與長謠明  
月當前楫

劍閣篇

朱光沈西陸方舟發南紀行遊事遠道飲餞集華綺流  
颯激潢潦清露冒繁卉鴻鳧刷纖翎崇蘭結寒蕚秋氣  
鬱寥次子行何迤邐解維滄海濱擊榜巫峽疾遙瞻閬  
中山乃在巴西水劍門通井絡棧閣連越嶲釋此簿領  
憂諧彼林壑美濯髮游嘉陵佇听雙玉壘珪璋爰足戀  
雲蹤自茲始初服歆故廬遺思滿閭里載歌甘棠詩聊  
繼峴山軌何以慰離憂修川浩瀾瀾

關洛篇送白貞夫

元冬帝積霰夙駕事遠道揚旌度嶠函光輝動駸裏堯  
族自敦睦春卿富文藻珠盤陳素筵珉函引丹旒君本  
延陵舊裔出洛川妙少保旣鳳窩中丞亦龍矯君今復  
炳蔚致身青雲表才儼治安雄年視賈生小奉使伸遐  
矚臨眺豁幽抱關洛稱名區賢聖得論討君子慎大觀



歸奉宣室詔

白雪篇贈初子內濱

白雪霏漸瀝遊子事遐征軒車集郊甸飲餞飛羽旂躡  
踏各不發睽攜傷友生玉鞭揮白馬金羈絡朱纓玄雲  
起西北朔風凝堅冰林樹滃以淳幽禽向我鳴昔驩結  
駟遊今悲驪駒聲君子敦道誼離析非所驚迺適感式  
微軾軻傷素情對酒不復酌人各懷悃誠之子歸漢涘  
弋釣川與陵豹隱山霧積龍臥巖雲興而我方馳騫遂  
爲名所搜遠涉慚無梁高騫媿繳繪相去渺天涯日月  
淹升沈願言各努力邈矣登前程

蒼梧篇寄顧東橋先生乃翁

內方先生集卷一

三

未識東橋翁夙沃東橋德二雛何聯翩賢闕得同陟鄙  
余時抗顏追趨見馴飭問之重咨嗟羨爾家學力竭來  
辭將歸翁也躋壽域行行且斯須感此三歎息余匪陽  
城賢子具何蕃識瓊簞薦金醅斑衣照瑤席矧翁負奇  
尚矯跡自南粵巖廊斐英聲郡國奏嘉績簪組胡遽辭  
林臯復深戢猿鶴相招邀杖屨遂遊適清光動少微瑞  
色耀南極桑梓鎮常羊蘭桂况森立引領寄長謠萬里  
蒼梧碧

今昔篇別西巖子

束髮遊上京識君亦何早襟期藉披豁意氣各浩渺精  
廬名良會勝友集素好綺翰攜春華皇墳事幽討猥余

方振纓過從總傾倒一朝膺愍凶爲別固草草請君起  
聯翩龍羣盡天矯西巖本卓立揚麾牧江表遲迴金陵  
署爲郎歲將老音塵何邈然夢寐隔遠道余茲久沈滯  
君來慰懷抱奏績升明廷斐英書上考雲霄翔鸞鷲康  
莊馳騁裏追趨諧舊歡分攜怒如擣感此激壯懷重逢  
首應皓慎矣平生言貞期共相保

雪鴻篇送夏生周還嘉興

飛鴻何聯翩燕關雪如手天寒冰花凝風高塞沙走車  
徒候明發子行成抖擻束書入虎闈彬彬總瓊玖橋門  
春雨鳴魏闕晴霞繆菁莪俊遊中爾獨沾濡久國器賴  
追琢洪鐘時復扣眇余恥抗顏安能別牝牡泉比日趨  
承愛爾起予厚離睽倏忽閒霜煙結衰柳朔易良逶遲  
川塗一回首珍重平生言太羹與玄酒

內方先生集卷一

三

觀察行送邗北岡

巖巖燕關高稜稜烏臺彥揚旌指國越載道集維霞埋  
輪亦何雄臣職本諍諫持斧入兩川山菁盡回煥且攬  
東吳巒風聲樹畿甸畫舸時經過祇奉動宸眷一朝副  
越臺金紫照竹箭石壑架飛梁巖雲宿征雁雅節爭嶙  
峴崇德豈遊宴廊廟需時賢君才况精練許國見襟期  
勳業重清汗馮唐老從臣慚愧何由薦

三山行爲平厓林子從父作

朝望三山隅隆高散雲光中有松喬子飄飄蘭桂纓矯



志蹈虛廓遺俗遠自藏服食瑤圃華仰漱沆瀣漿容髮  
曜春葳延壽綬樂康乘躋追九仙游日滄海洋飛駕翼  
兩龍歛儵造崆峒顧視四海涯局脊安足翔之子秉玄  
尚軌路阻以長我思鬱煩紆煩紆靡所將願言附風翮  
慰此遙相望

內方先生集卷一

同里後學盧靖校刊

內方先生集卷一

三



內方先生集卷二

沔陽童承敘

七言古詩

送謝先生分教定遠

神龍昔日飛南濠赤雲紫霧翫江濤南濠諸縣先披拂  
攀鱗附翼多英髦祇今一百六十祀里絃巷誦皆興起  
新豐故人安足云此郡淳龐稱帝里天王底定南服功  
千乘萬騎屯江東故鄉咫尺重行幸特選耆舊師巽宮  
吁嗟巽宮衿佩宗

薰風亭

雲窗水檻蘭塘曲南颺搖蕩蓮房綠玉萼金莖颭碧紋

內方先生集卷二

鳩鵲鷓鴣穿花浴露濃葉卷瀉珠圓菡萏飄香入五絃

簾開日出玻璃淨隔水遙聞唱採蓮

贈王承之

王生王生何翫麟布衣草屨洞庭野孤懷時往夢澤中  
一經獨誦衡茅下年過三十猶未遇紛紛誰是愛才者  
金門太史玉堂賓單車匹馬白且赭曲巷往往駐輪蹄  
開軒復為傳杯舉王生王生柰爾何由來世上相知寡  
古今賢哲多軼軻買臣負薪空自歌卞和抱璞悲無賈  
徒令美寶埋煙莎須知器大不易售時來麻枲成吳羅  
君子達命復重義遵時養晦毋蹉跎貧賤富貴各有分  
豈忍汗漫隨流波願生斂翼且委翅憑將龍劍常摩挲

贈劉敦復時乃翁梅溪分教蜀川

溪邊古梅色如鐵老幹枯槎聳高節一枝橫出秀且芳  
粉萼丹房散晴雪梅今陟植錦官城新柯獨插漢江清  
澹香疏影晚風靜月落煙銷野水平新柯老幹含幽景  
千里相望隔雲嶺欲寄應無驛使逢巡簷徒笑疏枝冷  
霜華雪色絕氛埃珍重南枝且未開為報明年春信早  
清標須占百花魁

贈夔弟

條風吹煙梅雨熱楊花片片如晴雪此時物榮土膏動  
田夫踴躍蠶女悅男兒有志在四方耕者務農織者桑  
汝今少小事鋤粟豈可怠情歸荒唐吾家由來執詩禮

內方先生集卷二

世德科名遞相起汝祖秉鐸臨淮徐我翁建節當河濟  
祇今子年二十三姓名空在金閨寄蹇拙知非獻納才  
疏庸徒抱岩堯志光揚門閥在汝曹汝今食牛垂兩髦  
池邊春草有時發堂下雙槐應自高

同參知江公納言劉公都護余公漢江泛舟作

臨襄樊兮城嵯峨俯漢沔兮江逶迤混漾兮流汰縹渺  
兮巖阿集冠蓋兮枉渚泛樓船兮盤渦張芳筵兮膾解  
鯉擊鼉鼓兮鳴鐃歌風飄颺兮煙樹渺鷗鷺兮紛駕鵝  
瀨涓涓兮激石岸蒙茸兮披蘿眺鹿門兮慕貞隱瞻隆  
中兮頌勳華叶思銷憂兮騁望悲哀郢兮懷沙叶嗟世  
網兮羈束淹時序兮蹉跎奉明恩兮休澣忽睥睨兮潛



沱羣公枉兮嘉招矧瓊翠兮顏酖雲靄靄兮晦日飆儵  
儵兮增波感茲遊兮容與撫淑景兮惠和矢永保兮脩  
媿記勝跡兮弗磨

送王萬戶轉運還沔萬戶余妹婿也

將軍畫舸蔽江來劉晏才雄眾所推轉運少年元建節  
笑談無事數持杯三軍擊檝朱旗動萬艦衝風錦浪開  
落日鳴榔鸚鵡曲秋風解纜鳳凰臺岸花堤柳船窗靜  
畫戟瑤戈鶴鶴猜河內遠須經國計關中神運濟時才  
勞君已報司農最謁帝仍逢泰運迴天上祥光新日月  
雲中高闕舊蓬萊應知慷慨酬明主况復恩光落上台  
渭水橋邊勞鼓吹望春樓下縱喧豗吾家信有乘龍客

內方先生集卷二

三

此日何堪仗劍回明到湘湄春正發思君空折玉堂梅

四懷詩 並序

大酉王子往僉晉憲作鎮平陽平陽堯禹故都  
伯夷仲淹之所棲也聖賢之遺烈存焉肅憲貞  
度舉在乎是是王子之志也作四懷詩

我所懷兮在蒲坂霍嶽竦峙兮河水混混嗟陶唐兮無  
已緬采椽斲兮茅茨翦將子行兮路遠嗣和仲兮勞  
寅餞歌蟋蟀兮歎於變 尊堯之典兮俊德顯  
我所懷兮在河津載壺口兮鑿龍門嗟有夏兮無已湮  
衣食侈兮宮室新將子行兮路阻深底柱標兮狂瀾平  
歌伐檀兮餘風純纘禹之緒兮元功成

我所懷兮在首陽左王屋兮右太行嗟孤竹兮無已荒  
粟肉飽兮薇蕨長將子行兮路渺茫植松檜兮冒雪霜  
歌西山兮采芬芳崇伯夷之節兮清風揚

我所懷兮在河汾媿泐澤兮大陸平嗟文中兮無已陵  
中說廢兮無元經將子行兮路縱橫關荆棘兮芟蓬蘅  
歌汾亭兮志士民希仲淹之教兮王道陳

霍山謠送歐令紹說考績還

君不見衡山七十二峯何巘岈乃在洞庭之曲瀟湘之  
干漢皇移封向江北但見祝融岫嶺飛來霍嶽相迴盤  
屏岡主人起南服藏修家住衡山麓一朝爲宰向霍邑  
恍如故里棲林谷嶽神移後鍾休祥君來更覺六蓼生

內方先生集卷二

四

輝光道化遠洽法令畢張政成報最朝明堂聲名耿耿  
動天子銅章再縮琴堂裏春日舉帷父老迎甘棠滿道  
兒童喜君侯賸稱召伯棠要使勳業長與衡霍同礪礪

秋堂夜試鐙彩聯輝喜而有述呈同事諸君子

神京八月開文場虎闈髦士眉軒昂秋堂小試紛趨瞻  
詞鋒筆陣交騰翔須臾戰酣傾夕陽燭華鐙彩羅高堂  
俾彼雲漢回天章炯炯星宿垂元光萬閒劈破瓊瑤房  
千斛迸落珠璣囊病夫校理臬比張繞座衿佩成干行  
雙眸對此何熒煌况復彤管連青緗入手結曲蛟龍藏  
敷陳禮樂遵皇王恢宏化理登虞唐胸中虹霓出棟梁  
眼前桃李盈宮牆豈獨奎壁聯中央要令日月照遐方



聖人嚮離垂袞裳黼黻治具需賢良鸞騫鳳翥咸明揚  
清光咫尺升廟廊舒華發粹應相望照臨海宇開鴻茫  
經緯天地功無疆今夕何夕同相羊心驚目眩嗟非常  
青藜天祿不足量誰云李杜萬丈文光長

詠雪禁體

愁雲酸風暗欲流房櫳窈窕寒蕭颯夜半寥廓魍魅愁  
隔簾恍惚氤氳浮起來踟躕更搔頭對酒不酌看無休  
初見紛紛散不收須臾委積連山邱掩霞翳日焮奪眸  
天氣滄淳令人憂細入緯繡織且柔時復崔嵬嗟踟躕  
飄飄凍合睥睨樓巧裁密綴成綢繆兔園鬚鬚汗漫遊  
對此春思何悠悠因之感念及荒陬連年洪水堆觸體

內方先生集卷二

五

凋瘵至今猶未瘳豈復堪此多賊蟲吁嗟黃竹不復謳  
誰將授簡寫隱憂安得春陽煦育回神州

竹居輓歌

寂歷春漪老修竹白雪紅霜飛嶮谷煙銷雲黯鳳不來  
葉落叢稀怨淇澳潌淨潭空秋月明寒颯颯沓蒼龍聲  
蟬娟曉盡湘娥血縹渺堪愁王子笙

織女篇

明河飛瀉火星滅織雲流巧寶月缺露華梧葉輾轆寒  
涼蟬高柳秋煙結長安彈鋏午夜愁微雲欲度禁垣秋  
冰簾銀幌不成夢仰見織女河之洲鵲橋逶迤水瀾瀾  
停梭漫渡鵲橋水一歲一見牽牛夫依稀暫得今夕是

由來會少別離多悵望東西柰別何可憐此會夜苦短  
腸斷雲閒第一歌劍託雌雄鴛比翼霓裳錦字年年織  
不如不嫁河西夫毋使別離摧顏色歸來依舊操機杼  
雲深霧重牛郎渚人生相遇自古難何必天邊有織女

駐馬篇 並序

熊子之餉邊也侍御林子何子祖之鏡光閣子  
與太史楊子適負茲約明日熊子來取別追感  
往事重以離戚愴然興懷贈以茲篇

駐馬者誰晨啄門我醉蒙頭臥反覆茅簷浙瀝綺窗白  
攬衣倒屣走復縮開門氣勢何光榮乃是地曹之仙客  
嵩陽之墨卿握手升堂話知已一笑相看天地傾自言

內方先生集卷二

六

別我向關塞萬里甘涼齋大賚玉皇親賜紫泥書赭纓  
赤駿輶車載吾聞終南繇互幾萬重太華峻嶒五千仞  
上有青丹金碧之雲峯地軸天維勢飛迅太一都前瑤  
草芳總仙洞裏石月光眾仙羅列不可到但見仙徒往  
來霞外搖琳琅又聞甘涼乃在絕域地重關列堡無烽  
燧祁連燕支控玉門黑水流沙繞紅寺青天摩拭崑崙  
頂冥蒙况有崆峒並皇帝乘龍王母歸青海黃河空瀾  
萍男兒當為不死謀不爾還為絕塞遊爾今將命向西  
去風霜萬里生旄頭拉君髯君莫語豪雄意氣驚儔侶  
羨爾逍遙真壯遊惋子落莫悲修阻昨君覽眺鏡光閣  
平厓龍首同歡謔城西太史阻幽期子亦風塵滯佳約



騁望空虛才子情  
謙遊已負招提清  
更圖勝地再招致  
豈意緬邈西南行  
君懷浩蕩吞冲浴  
君才卓犖藏蛟龍  
盤胸萬斛珠璣落  
搖筆千花煙霧濃  
梁園舊慕相如賦  
金臺今接雲霄步  
已信貞心出悃忱  
况有高懷入玄素  
論交時枉伯樂眎  
敢謂襟期重相似  
眺景朝爲觀寺遊  
開尊夕過鳴珂里  
祇今捧檄向邊陲  
彩鳳飄颻下玉墀  
邊臣戍卒盡迎候  
荒墩野磧春風披  
丈夫立志貴孤迥  
小試茲行還炯炯  
古來東西南北人  
猶有勳庸在鐘鼎  
憐君遠道經年別  
七盤嶺上迴車轍  
阜蓋翩翩白雲飛  
錦囊燦爛清霜結  
紫翠攢峯拂曉明  
立馬題詩人盡驚  
過秦還寄賈生論  
度關應見青牛行  
送君明日城西路

內方先生集卷二

七

擊筑高歌眾賓顧  
易水寒風生玉鞭  
一聲鴻雁穿雲樹

踏雪篇送李將軍還河

燕京臘月風雪寒  
通衢複道冰嶮岈  
長衫大笠冒寒至  
下馬僵立何艱難  
入門抖擻不相識  
鬢髮鬚鬚面貌黑  
驚眎須臾知外兄  
上堂羅拜增歎息  
呼童炙炭開雙尊  
陳醅入口不可吞  
笑子官貧供給薄  
悲君道遠風塵昏  
與兄一別今幾載  
可憐跋涉容顏改  
來日重聞消息安  
昔時親友今何在  
天涯此會誠不虞  
停杯共語悲且娛  
感君憶弟重相顧  
三千幽楚登危途  
憶從獻賦棲金馬  
鄉人緬邈相逢寡  
暮誦瑤編秘閣中  
朝懸玉佩彤闈下  
自慶身遭明主新  
祇憶江南白髮親  
雙魚日日望東漢

歸雁迢迢傷暮春  
主恩未報何時去  
家遠音疏向誰語  
愁來看盡南山雲  
安得回車兼叱馭  
兄本同根枝葉連  
見兄如在親膝前  
坐久相對兩耳熱  
白日爲我開蒼煙  
兄兮兄兮能暫駐  
倏經旬返歸路  
笑謔纔分旅邸驩  
離攜更怨長亭暮  
吾兄倘儻驥羣年  
未三十官將軍  
丈夫立志在萬里  
慷慨終題麟閣勛  
道途往返無躑躅  
復跨霜驅踏春雪  
擊筑還歌高漸離  
出門仗劍輕離別  
相送躊躇易水濱  
殷勤寄謝高堂親  
揚鏢振策不復顧  
惟有風沙隨去人

北征篇

高秋雲朔烽燧紅  
羽書夜入明光宮  
天子臨軒親按劍

內方先生集卷二

八

坐遣制帥提邊戎  
桓桓制帥多雄略  
曾向門庭事鎖鑰  
遴才幕府盛文儒  
佇見王師清大漠  
晨風八月旄頭昏  
元戎整旅趨塞垣  
腐儒衰晚頗奮迅  
璽書捧出黃金門  
古來憑陵稱北虜  
搗穴犁庭昭烈祖  
遺孽猶傳台吉名  
黠酋尙領匈奴部  
東鄰三衛西三關  
就中時覬居庸山  
卽防蜂蟻肆要結  
更疑狡獪窮躋攀  
三邊舊號金湯固  
承平介冑皆執袴  
糗糒年年歎夙逋  
干戈種種徒文具  
受降城中多控弦  
河湟郡裏無耕田  
天險一失障塞徙  
羯胡一出恣延緜  
朝廷頃念邊需困  
帑藏宏開輸百萬  
挾纊恩過片語溫  
彎弓思報千年怨  
材官結束盛兜鍪  
健兒身手誇貔貅  
拳旗直向燕支窟  
擒賊先梟可汗頭



犬羊之性本充斥，黠黠有技徒騷釋。志存剽略勢倉皇，來整部伍歸踴躅。墩兵嗜利隨陸梁，閫將失律仍講張。賞刑須令國典著，戰守庶使軍謨揚。由來頗牧功奇崛，羨君千里專征伐。旌旆遙翻瀚海雲，轅門輝映陰山月。安危知倚出羣才，麒麟傑閣連金臺。捷書先傳老侍從，為編汗簡光昭回。

金闕承恩篇送趙知縣

文皇定鼎同文軌，卻向燕臺開漢時。百二神京天上雄，九重飛閣雲中起。衣冠萬國朝宸旒，紫微炯炯精光浮。華蓋遙臨鳩鵲觀，勾陳低護鳳凰樓。象岑久臥襄江曲，忽叩天門展遐矚。致身已作滄海鱗，論才况抱荆山玉。

內方先生集卷二 九

上林迢迢連禁門，芻蕘雉免無維樊。自君典司在靈囿，羽毛種種何翻翻。竭來奏績動天府，百里仍煩宰畿輔。賢勞方見馳聲名，惠澤應看周疾苦。古人一命不易當，君今早已諳官方。擁蓋行春入花縣，焚香休沐登琴堂。銅章墨綬人爭羨，曉出都城下燕甸。馬上迴瞻雙闕遙，瑞日祥雲簇金殿。

解舟辭

春曦破凍流江臯，遊子辭鄉揚短舸。悲離悵別酒不釀，楊纖柳嫩春風高。榜人停柁縮長纜，欲發不發心透遲。梅花半落生芳杜，躊躇愁滿清江湄。驪歌宛轉琵琶曠，腸斷一聲嗁鳥頻。錦帆背日順風度，岸上車馬空逡巡。

雲夢城邊漢水潺，湘靈祠前楚竹斑。暮雲萬疊月千里，洞庭春浪衡陽山。

鏡光閣眺雪有作

玄冬將杪時既昏，白日黯淡霾風温。祈年禱雪宸衷煩，靈壇闕殿祠四垣。寒飈入夜陰雲屯，滕六向曉恣繽紛。况復獻歲逢上元，九衢車馬相呼喧。鑾坡有客長髯掀，聯裾並出銅龍門。招提幽靜停華軒，層臺複逕積璐琤。湖光島色互吐吞，飄花颺絮如煙村。憑虛展眺遙無痕，東瞰瀛海西崑崙。崑崙貂裘不脫傾芳尊，金瓶綵勝連春旛。主賓各醉鳴篴塤，四座高詠才翩翩。揮毫授簡嗟兔園，人生跼蹐蝨處禪。臨觴不樂空騰奔，蘭蓀搖落懷湘沅。

內方先生集卷二 十

蹉跎未報明主恩，英明麗景聊攀援。浮沈儵忽甯足論，

折楊柳

長安二月春風襲，長安萬戶花香入。誰家樓閣起通闌，當牕楊柳柔條澀。樓中少婦嬌可憐，攀條攬涕臨牕前。紅顏綠葉宛相映，人離物換悲芳年。憶初生長深閨裏，掩靱垂綃羨旖旎。玉鬟拂拭高唐雲，花容掩映瀟湘水。十三學刺翡翠裙，十七學織若蘭錦。冰紈霞綺當機分，自憐蕙質還深處。金屋珠樓會相貯，寶月瑤華不下堂。龍香鳳炬猶臨杼，杼竭來二十嫁夫君。詎憶陽臺隔暮雲，青春鏡匣慵相啓。永夜笙篴那忍聞，篴篴鏡匣芳塵澱。逾年未識夫君面，黃金無計賦長門。輕紈空自題團扇。



樓上纖腰鬪曉風樓前楊柳花濛濛去年曾折一枝露  
此日重看煙月籠去年此日頻離謝棄置光輝不復藉  
薄命應難結所驩微軀未敢攀高駕貞心仰視碧漢秋  
十二巫山入望愁夫君亮不衣黃裏賤妾何當賦白頭

歌行

瀛洲醉學士歌

晉陽啓祚瑞圖協神堯御極羣氛息濟世原歸龍鳳姿  
開疆寶造苞桑業唐國初承寶歷新秦即高標天策勛  
暫解橐鞬出行陣旁搜墳典徵儒生城東大闢文學館  
英才盡入登瀛選曳裾躡履盛文儒訂疑發難恣雄辨  
夜分直宿清晝同更番迭進延接隆瓊筵往往陪飛輦

內方先生集卷二

十一

珍膳時時出內宮玄齡善謀如晦斷世南五絕稱獨冠  
思廉勁節奪虓虎敬宗著作馳篇翰薛家雛比雙鳳凰  
蘇卿意短名何長志甯藻鑑識羈縻守素肉譜知宗祊  
希明元朗富才學文達穎達多辨駁顏蘇李蔡各有能  
恩光禮數同優渥伊誰貌此筆力精紆朱拖紫差分明  
醉中意態更瀟灑宛如立本初圖形滿街燈火紛相迂  
月斜斗轉朱門夜車填馬湊縱喧喧始是承恩開宴罷  
前者垂首欲墮鞍後者據地如連蜷就中攬轡不能上  
僕夫共舉肩輿還傾欹潦倒各歸去掀髯拂袖咸相顧  
蕭散甯殊金馬門清華堪比玉堂署一時光寵誠陸離  
道途盡詫遭逢奇君王功成就藩服招賢納士應何爲

衣冠十八徒遺跡紛紛半是隋陳客敬宗一言禍唐祚  
志甯不語虧臣節由來賢佞俱塵煙是非指點今千年  
瀛洲仙島豈徒爾披圖撫事空茫然

城陵磯歌

城陵磯頭石嵯峨荆湘合抱流江沱上有巴川下吳楚  
帆檣森削如蔗柯商人盡是陽翟賈揮金著綺紛相聚  
岸邊爛漫水竹居捲簾時問商船估合江勝覽二樓樓名  
參差俯瞰長江結構奇尋花覓酒登遊客六博臬盧輕  
薄兒青樓十二臨谿水掩穀垂羅鬪紅紫翟家湖邊山  
似屏李公隄上花如綺芳洲宿莽輝春臬白沙青岸隔  
煙濤驚風萬里不能到澄渟直可容千艘此中地勢天

內方先生集卷二

十二

應造我來遊賞持所好折得梅花日欲曛山深忘卻巴  
陵道

清湘歌

湖南才子湘川裏閒與春風弄山水芳蘭已老孤羸愁  
玉輦不還二妃死刺史書堂晝自開主人錫杖今飛回  
寸月亭中鶴初放萬象閣上雲歸來巖扉石洞煙霞鎖  
滴乳浮香花萬朵春湍溢涌百丈灘翠巘青空森不頗  
樹倒巖欹鳥鵲驚時見蠻獠負弩行煙消峯頂日初出  
雨歇山腰雲更生薜蘿老向枯松縛澗花冷共幽泉落  
射工沙蝨伺江臬飢虎窮猿嘯林壑回首春江波淼淼  
七十二峯飛縹渺松杉十里楚客行鷓鴣一聲山月小



翠竹歌

漢濱老人髮垂白茅屋柴門自朝夕空庭朝夕削琅玕  
龍尾連蜷老鳳翮公子愛幽寂駐馬還停輪入門恍惚  
淇園勝翠霧蒼雲滿院春翁方坐蓐篋短褐接羅巾道  
遙獨愛吹笙客瀟灑應憐騎鳳人憶昔孤根託九疑餐  
霞飲露冰霜姿鳳鸞對對巢新箨翡翠朝朝棲故枝仙  
人爛醉蓬萊境帝子遙憐太液池蒼梧迢遞二妃死空  
林寂寞七賢徙花臺煙月悲王喬嶰谷風雲憶鄒子一  
朝移植到名園桃紅李白總無言三河少年春服豔十  
萬丈夫兵甲翻碎玉鳴琤瑋朱簾醉鸚鵡縹渺晴搖兔  
苑風嬋娟夜泣湘川雨苞鳳初飛歲蕤新箨龍未老莓

內方先生集卷二

三

苔古開樽欹枕對崢嶸神采飄飄凌太清虛牕明月寒  
無影小院輕風夜有聲君胡獨知此皎潔心相許直節  
虛中意氣清奇花名卉何足視玉川子丹邱生烹香啜  
翠冰雪瑩坡翁食後已無肉子猷到處偏留情我昔抱  
仙癖對此拂塵纓長嘯孤鶴舞一醉千觴傾題詩刻竹  
不歸去與君同結歲寒盟

粵南歌賀高將軍

粵南烽火飛煙起簡書半夜來千里中丞草檄細柳營  
十月王師渡湘水漢上將軍飛岸軒金戈銀鎧到轅門  
珊瑚鞭鞞黃金勒風掣牙旗湖海吞錦袍羅襦橫瑪瑙  
寶劍弨弓勁秋草躍馬長驅虜盡驚提戈一指山應老

營中置酒琵琶勻甍旆帳外無風塵天王縣賞待豪傑  
九重樓閣畫麒麟將軍少年功不伐定遠威名滿胡越  
歸來暫止岳陽樓相逢且醉江頭月

秋浦歌送劉亦敷赴東流主簿

秋浦似湘浦迴合谿山幽青天張畫圖美人成薄遊千  
里嗟飄轉吳江水落石瀨淺鯢鯢不盡沖天力濤激波  
翻有時展長劍掛空壁明珠淹泥沙不隨日邊杏去種  
江上花搏擊豈少鷹鷂志簿領還當鸞鳳嗟擊筑別都  
亭揮鞭向郭里清溪儻遇謫仙人脫裘換酒同驪歌古  
來賢豪徒多棲棘與枳漢有仇香晉有鑿齒至今青史  
稱高士君子行遠聊自適

內方先生集卷二

十四

張山人擬松亭歌

泰山之高高插天日月黯澹石倒懸花巖葉溟萬壑暝  
老松如龍龍亦顛翠黛紅濤飛碧落霜皮雪幹同芳妍  
盤蘿密散天門雨樛枝遙掛諸峯煙山人愛此松攀拳  
脫帽掀髯松底眠江湖歸去日迢遞雲林縹渺空嬋娟  
誅茅結亭傍巖谷山松彷彿當亭邊霜宵木葉衝簷落  
月夜清陰入牖圓舉杯猶憶見滄海拄杖時疑臨水淵  
榻來游衍觀幽朔山松隱隱當市廛興豪已買登山屐  
醉後長歌望月篇山人好奇恣往還愛松擬松何留連  
大夫封後祖龍死茯苓琥珀應十年胡不服此壽命延  
洞天玉闕邀神仙風塵落魄空茫然無由復至泰岱前



洞中石牀風自掃谷裏桃花春更鮮憑君寄語赤松子  
持子同上三峯巔

徐州萃墨亭歌

呂梁波跳石欲裂東來百步仍橫絕白晝黯澹風雷驚  
扁舟未濟孤愁結水曹忽致雙鯉魚中有安成鄒史書  
太守風流今緬邈空餘勝蹟留淮徐憶昔風流在山水  
紫蓋朱輪時至止雲龍山人同讌遊袈裟更有參寥子  
聯裾把袂到河邊明月正出黃樓前太白一去宗之死  
此樂蕭條三百年大書高碣石磊磊豈知汴泗成滄海  
沙磔銷沈琬琰愁莓苔剝龍蛇改千秋異物誰能獲  
鯨鯢晝泣波濤圻光靈欲比泗濱磬惠愛甯殊峴山石

內方先生集卷二

十五

水部風流勝昔人結亭貯此臨河津雕飾再煩補天力  
呵護不用鬼與神更將諸刻盡磨龍無數琅玕積高棟  
開戶時聞翰墨香登堂似覺蛟螭動我來不與新亭賞  
聞此徘徊重慨慷遂令險阻迴安流羈懷旅思能閒做  
十六字三尺碑浮沈顯晦非無時主人賓從今何地惟  
有濤聲月色知

夷兵行

肅肅覲君子金朱八桂先衡雲湘月遠云邁况復奉母  
挈妹勤周旋片帆初上巴陵道楚纜吳檣鋪水隩傳聞  
江上夷兵來鷲形狼性多侵暴憶昔郴陽飛羽烽燧高  
王師赫濯臨山猺中丞元老猶克壯但見彼凶竄服喙

息驚蟬

紆廊廡

種悍日

聞搶墟

遲南塹

兵燹汀

夷貉持

千里眼

子美母

將樂雨

潮

吾聞潮

君也簡

循良行

一萬里

世所喜

氣勃勃

漢莫道

兵

驟雨急

猿疑鳥

四稜剷



鬼呵神騰凋芳年上棲蛇虺草樹縣清湘下湧鯨與鱣  
行人欲取愁攀援時或怒引千鈞弦至今矢落荒崖邊  
湮鬱不使文字傳相逢怪歎看流連嗟誰構此跡已仙  
憶昔洪水未消神禹造五色已煉媧氏捐不然圯上老  
人袖書去空囊棄擲隨風煙不然公輸已老工師死遺  
技尙或留山川於乎神怪不可識殷勤寄問山中泉

贈友思歸行

南風拂戶庭柯蒼羈人憑几懷江鄉鳶魚茫茫動七澤  
水雲晶晶開三湘荆山郢樹總雄傑清夢年來數披閱  
就中耆舊誰最賢鹿門桑苧稱幽絕翻飛黃鵠樓臺高  
鸚鵡一去空煙濤烏林赤壁竟寥落惟有坡仙泛舟舉

內方先生集卷二

十七

酒沾青袍君才穎秀人爭羨三年粉署忝歡燕鄙余沈  
酣金馬門衰殘更直銅龍殿新詩傳來鸞鳳鳴鄉國頻  
使客心驚况復臨風送阿買便覺蘭皋蕙畝飄然獨著  
荷衣行

陶生行

陶生將種負奇質甘貧履素惟謙虛橐戈不受將軍印  
橫經惟曳儒生裾草堂竹牖交樹色閉門鑿壁藏修力  
龍蟠鳳隱性難馴金礦玉璞人未識竟陵太守海陵賢  
片言投合偏爾憐英眇長留國士上蜚聲迥出諸生前  
去年我辭金馬署閒徑惟君日相聚載酒空慚問字人  
抽毫時羨凌雲賦邇來四海文教敷中興禮樂登黃虞

聖明每下跡地詔鴻儒往往徵公車祇今巖穴無散逸  
秋風况遇賓興日鵬鶚得時看迅騰駉裏絕塵羨奔軼  
男兒厲志堅且雄出處肯與流俗同許身稷契豈徒貴  
勒銘鐘鼎須無窮連年已見雍梁早昨夕櫬槍掃天漢  
廊廟雖餘康濟略間閭尙起乖離歎仲舒本負天人才  
賈生長切漢廷哀要使顛連盡蘇息坐令玉燭照春臺  
林邱予臥經十載志業摧頽毛髮改送君努力毋相忘  
萬里雲霄接滄海

憶桂行贈馬翁

君不見桂峯乃在五嶺前巖岫玲瓏日月暝垂蘿滴乳  
飛香泉海郊南控蒼梧景湘水東連斑竹煙迴谿峭壁

內方先生集卷二

六

不可以直上玉梁縹渺丹梯懸我昔乘舟南適越正爾  
清秋桂花發酒酣凌兢登翠微風洞星巖坐超忽祇疑  
身世卽丹邱麋鶴招邀藜桂留彈琴時到韶音洞作賦  
先登疊綵樓風塵一別今五載川迴山深夢未改因君  
復動滄洲情桂枝花散那能采送爾乘槎下斗南援擘  
雁斷阻層嵐身衣行映枕柳葉錦纜遙牽鉛鉞潭人生  
勝地莫相負弔古尋仙無不有明到壺天躡綵虹爲問  
月洞雲扉相憶否

覽秋行

張君手持三尺素向我掀髯索題識病來偃蹇事藥物  
縮氣垂頭無一字開圖忽覽秋意虛山寒水碧木落初



就中華桂雜短菊芙蓉黯淡芭蕉疏茅亭閒敞隔林藪  
朱琴寂寂倚牕牖花外何人踐綠苔白衣爲送王弘酒  
我今蘭臺紫府僊臥病擁塞湘江邊地僻頗怪少遊眺  
愁多自歎長迤邐披圖如在冰壺裏况逢落魄張公子  
公子蕭疏書畫幽揮毫濡墨爲君起君家遠在金陵都  
錦衣世世執金吾能文不改舊家俗射策屢屈江東儒  
祇今下泛瀟湘舸楚雲漢水何裊娜坐我西軒拍我肩  
酒酣意氣非瑣瑣君乎人生富貴自有時折脇拉齒何  
足爲李廣不逢漢武帝灞亭夜醉無人知少游立志自  
慷慨平生勳業在南海銅柱初標金紫榮乃知器大終  
須成男兒當求不朽名眼前襍穢誠足輕霜松雪篠保

內方先生集卷二

九

貞概肯與腐草爭華英君不見秋來百卉盡凋換何物  
青青挺奇幹豫章連雲豈易成絲苓入地應難斷君乎  
此意知者稀緝緝翩翩事已非收鬢斂翼且深蟄鯨翻  
鼉掣須橫飛看君此圖發幽調牕前月色迴清照勸君  
不須展玩發長嘯野狐跳梁山鬼叫

今昔行送許立東

憶初弱冠趨京華與君出入隨塵沙時危事難何踟躕  
春風寂寞長安花重來邂逅隔廿載看君髮變余顏改  
高齋夜語蠟炬殘回首龜蒙接滄海人生蹤跡如飄萍  
昔憂今樂無常形思親感舊淚盈臆當時往事空冥冥  
憐君高義開芳席連夕况逢寒月白明發徘徊送歸客

杳杳霜林遠山碧

內方先生集卷二

同里後學盧靖校刊

內方先生集卷二

三



內方先生集卷三

泗陽童承敘

五言律詩

送温生

璧水三年客青衫萬里人蟠泥懷壯志觀國羨嘉賓袍  
染天邊雨舟停江上春雲霄憐暫去廊廟會攀鱗

雲洲

坡上霓初散洲邊雲自浮房櫳隱仙霧文桁上寒流雨  
溼蒹葭動沙明鷗鷺求惆悵伊人遠臨風想翹游

送李景陵

雙鳧辭上國八駿憶南天翠幃嘯青鳥黃花映彩旂  
遊

內方先生集卷三

雲看楚微落日渡湘川賸種河陽樹勞君但一年

夜坐有懷因書所見

蕙館誼晴柝瓊籤報玉樓張燈暗香冷吐蘂翠煙浮金  
粟圓仍碎蘭膏膩不流因占得錦字永慰大刀頭

七夕對雨四首

賓館霏涼雨嘉辰悵遠遊流螢看不定絳燭坐添憂寂  
寞揚雄閣棲遲王粲樓遙憐天帝子茲夕嫁牽牛

上國風霜動南州山水長琴書淹薊國花燭夢瀟湘畫

鷓迴南粵金壘壽北堂太夫人以是日生星稀烏鵲散

比翼願南翔

岑寂棲京縣淹留獨閉門斗牛渡河漢風雨泣蘭蓀團

扇傳新句長門憶舊恩塞子藏拙久鬪巧謝天孫

宋玉悲秋日相如臥病身燕花憐此夕湘水怨騷人雲

護江東蹕烽傳塞北塵涼蟬思幽楚正爾憶鱸蓴

避暑

鬱蒸何太劇溽淫旅愁紫曲檻流螢散空階積潦平經  
旬絕輪鞅兀坐傍欄楹遙憶昆盧上憑高聽梵聲

榴花

築臺移眾藥當檻著榴花獨倚層軒日分明滿樹霞色  
連瑤草豔影帶綺牕斜遲爾同唵賞從教小逕遮

送鄭老

鄭老逃名久身居雲水鄉小開富邱壑地遠通林塘酒

內方先生集卷三

熟鄰翁過未登稚子忙秋來荷芰綠散髮詠滄浪

過館陶

曲瀨綠洲迅孤村夾渚長陶邱容倚棹雲水各蒼茫晚  
渡漁樵急寒江草樹荒乘槎憐歲宴擊楫向斜陽

送朱瑞卿尹奉新

地接洪都重符分上國新山川宜茂宰桃李照青春賣  
劍奮初燒彈琴鶴自馴思君隔彭蠡早晚到通津

送劉先生提學山西

風采劉文學西行擁彩旂唐風悲蟋蟀汾水憶樓船舊  
重埋輪客今開講道筵青衿滿深雪引領首陽巔

黃氏父母雙壽



上國思親日南州獻壽辰高堂雙白髮萬里一歸人未  
信桑榆暮還看歲月新綵衣休縫戀成孝在榮親

安生世醫

岐黃已緬邈茲理秘不宣如何越人後亦有安期仙鼎  
上雲霞起壺中造化旋金丹儻醫國從爾問玄玄

郊齋興隆寺次張文邦韻時鳴吾同賦二首

避俗棲蓮宇追躡屬暮晴蘊薰依幌細篠色傍池清鏡  
馨飄香閣雲松鎖化城英朋傳綺翰歎息旅魂驚  
禮樂從郊兆幽陰聳鬢毛晚風朱閣靜明月紫壇高璋  
瓚追趨迴冠裳對越勞疏狂慚獻命獨夜擁青袍

鄧丁生者誦其令徐君政績請子紀之表以茲詩

內方先生集卷三

三

不見雙鳧鳥遙棲百雉城期年勞茂宰桃李絢新晴堂  
上朱絲靜花邊早蓋行安陵昔豺虎來暮有歌聲

畊籍

籍畝變輿降春高淑氣新還阡屯彩仗天草護朱輪躬  
稼真明主班推總近臣豐登在祿祓歆豫徧神人

閣試同江詹二子晚出左掖

接席揮彤管聯珂下紫薇按垣餘晝漏閣道斂晴輝風  
靜宮花落鴉曉省吏稀九霄一回望霞影動春衣

贈童上舍遊南雍

吾宗神秀者邂逅帝王城忽復此爲別孤雲江上行金  
陵傳虎踞壁水繞雞鳴好養沖天翼還來棲玉京

積雨樓中

積雨連朝晦樓居暑未收帝論霑溼好祗爲鬱蒸愁簷  
溜衝簾落聽雲入棟浮風流江閣興騎馬欲尋遊

贈別高將軍

鐵騎來燕闕牙璋拜漢宮歸途荆樹北壯志玉門東匣  
隱純鉤劔橐縣繁弱弓終軍年更少早赴貳師功

竟陵雜詩十首

秋來夢澤水淼淼入簾清灘淨鳧鷖媚岸高禾黍鳴行  
辭三澁遠臥看五華晴况有芙蓉發翛然無限情  
五日逆迴恨今乘別港流涼風起木末高岸牽孤舟渚  
雲溼不捲黯澹芙蓉秋欲采遺所思遙遙溪水頭

內方先生集卷三

四

放舟漢水曲風起激清波處處垂蘿竹家家雜鳴鶉美  
人折鮮藕白露溼纖羅欲往隔煙水空聞宛轉歌

聞有曠世士高居夢野臺草堂環綠竹蘿逕繡青苔忽  
抱澧蘭思坐乘秋水來伊人在何處斜日楚雲開

泝水曾爲診畊桑此地稀魚龍日脛擊江漢獨崔嵬今  
我重遊地風煙異昔時不看村樹裏蔬蔓繞荆籬

憶自辭供奉淹留阻舊鄉朝廷多大計吾黨愛趨蹌未  
返金門轡長懷玉殿香擬裁大禮賦獨媿拾遺章

古岸誰家屋才臨曲港流門前雙碧樹籬外一漁舟蘿  
蔓嗚幽鳥汀花狎野鷗桃源疑此是祗恐誤重遊

昏黑投前渚程迴路轉迷鳴橈驚水鳥燒竹引莎鷄坐



待蘆花月來懸芳草堤夜涼不可寐  
待向江流野鳥疏籬外柴門深竹  
閒秋來有嘉思絕勝剡中還豈是  
懷沙客聊爲鼓枻遊雨懸荆樹暗  
雲抱楚汀流密篠弄幽色寒蟲鳴  
素秋遙憐草堂客白髮釣玄洲

黃州贈王稚欽夢澤子三首

長憶金閨彥江邊學釣魚偶乘青  
雀舫來造白雲廬石洞蘿煙細  
松牕水月虛碧山如有約從爾  
卜巖居鳳閣揮彤管金門捧阜  
囊如何去宛洛忽復臥瀟湘萬  
里江湖迴千秋蘭蕙芳雲鴻刷  
秋羽天上看高翔君懷子猷興  
况有仲宣才乘雪舟能放登樓  
賦獨裁雲

內方先生集卷三

五

懸夢澤遠江抱楚山迴知爾幽棲  
地茅堂秋自開

附黃岡王稚欽

諱延陳有夢澤集

訪童內方太史於漢口

舟中卽席報贈二首

漢廣來非偶人遐會亦奇獨趨  
金馬去暫遣白鷗隨泛舸疑牛渚  
彈冠想鳳池當憐澤畔侶顛顛  
不勝悲每憶朝端舊甯期漢上  
逢舉杯酌鸚鵡吹笛擁魚龍天  
遠江俱盡風迴渚自重知君欲  
解纜爲我且從容

郊齋大興隆寺二首

肅肅郊齋靜琳宮正發春素車  
逢肇祀立服奉休辰景福瞻天  
近神功繹祖新來陪璋瓚侶  
彷彿聽韶鈞獻命崇郊兆端居  
託梵林鐘聞紺殿曉輦憶碧壇  
深對

越通靈顯陰幽感帝歆小臣慚一獻  
明命况難忱

題扇面

休沐竹林賢相將雲水邊開鑪摘  
松葉落日起茶煙地遠無嘯鳥  
山深空暗泉幽期踐眞境端坐  
會冥詮

夜坐聞雨志喜二首

三月憐甘澍蕭蕭近綺牕枕邊  
能打屋竹裏漸鳴淙入夜聲逾  
細衝風勢不降青鐙自忘寐幽  
興滿湘江澹日霾長合深春雨  
乍聞漫添孤篠色碧染綠池紋  
過檻霑花絮穿蒲溼鷺羣明朝  
看舉趾憂惻賴吾君

謁陵同廖翰長出郭

祇役隨金馬揮鞭下紫宸幽期  
緣出郭淑景漫依人曉

內方先生集卷三

六

嶂青逾遠春陽弱未勻應憐滯  
京洛終日沈緇塵

回龍觀陪黃倫二侍御午飯

結駟龍城外停鑣鶴院初雲霞  
生畫壁龍虎繞丹書僅黃青精  
飯盤行紫蕨蔬况陪周柱史猶  
勝到華胥

間眷長左先生歸自安義詩以候之

楚蜀傳經日江湖解印時先生  
自瀟散世路本睽攜舊業楸枰  
局高情鸚鵡卮君家棠棣好  
應共賦新詩

奉送犀浦先生赴越四首

海傲官炎裔藩侯屬儔才遙持  
漢使節去上越王臺波浴亭前  
日春回嶺際梅蠻猺應拜舞憑  
軾問蒿萊百越秋風渺三湘暮  
雨寒浮槎非遠別浴日是奇觀  
澤



被珠崖迴功標銅柱寬海山樓徙倚時復問長安  
五嶺羊城外三山蓬海中旌旄來漢使島嶼盡華風  
鷺桃柳密庭垂薜荔紅翻思黃鶴侶極目望秋鴻  
畫舸乘新水清秋萬里過鷗鷺遙徙嗣溟海不揚波  
番客輸文貝山獠稅里禾莫愁氛祲在從此布陽和

哀沖太子輓歌二首

垂輪昭景瑞主鬯得元良日表真龍種雲游忽帝鄉  
長春空絳節大本自華堂悵望皇心切山陵帶夕陽  
喜續宗祧重驚看冊諡隆卽恩崇震位靈駕肅春宮  
香護猗蘭月神游綠嶺風龍旌歸隧道執紼盡臣工  
過慈恩寺訪陳憲卿二首

內方先生集卷三

七

隱几炎蒸日蕭條南郭心聞君訪支遁遺興到雲林  
臺迴饒山色堂空惟鳥音更憐攜勝友水檻幾憑臨  
暫憩空王境還論靜者心樓臺依內苑山水似東林  
雲外花關影松閒風鐸音向來憑檻地清賞憶遙臨

彭黃門海棠一本異花

錦里靈光潤雕闌淑氣鍾高霞散芳樹異萼翦春容  
蝶訝幽香澹蜂疑彩豔濃丹霄鶴鳳侶回首憶仙蹤

送郝生還絳

藝苑樞趨舊仙曹美譽聞終軍英妙日慷慨自超羣  
袍染彤池雨家臨絳水雲秋風一鶚去矯翮在河汾  
送余將軍還貴閭

提師萬里外獻壽九重前耆舊襄陽重勛華楚徼傳  
鑪熏沾御座旗影擁行轡更上憂時疏兼聞出塞篇

送王千兵南邊

楚塞軍塵動江皋祖帳臨路辭三澁遠雪落九溪深  
爲客淹芳歲談兵激壯心別來元館寂驚鵲繞寒林

送劉生

白沙孤棹發黃鶴錦帆留獻玉人爭識凌雲氣欲浮  
蛟龍驚得雨鵬鷲看橫秋子亦乘槎去相期楚水頭

送蕭生

汝向岳陽城孤桂十日程昂霄看彩鳳長價識青萍  
春樹連天末晴瀾接太清登樓盡雲夢從此小蓬瀛

內方先生集卷三

八

懷孫子有作

憶在京華日翩然睹鳳毛久知同桂玉今已駕劉曹  
湘水懷梁傅江籬怨楚騷喟予多蹇拙南望岳樓高

江漢留思

持鐸騷人地揚旌帝子鄉無緣蕭衿佩何處望宮牆  
離索愁鸚鵡瞻依想鳳凰暫勞停使節應擬坐明堂

代友人題江漢留思卷四首

開府歸燕甸揚麾發楚峯問奇空有字欲叩已無鏞  
別思看湘水儀刑望岱宗何時長載酒虛薄愧難從  
已布周南化還題塞北勛覽輝憐鳳去作賦怨蘭芬  
寒立門前雪晴看江上雲縣知不好武終擬振斯文



漢江饒化雨易水饒長城豈但興絃誦應知富甲兵草  
連夢澤遠人接華山傾惆悵振趨地瞻依無限情  
解舟辭楚澤移節傍燕臺已奏朱絃調還紆武庫才雲  
中瞻少華天上望三台培植慚桃李春風敢後開

十六夜魯二峯宅待月和胡后江二首

秋蟾流素彩晴麗屬茲年林薄生涼景星河斂暮天虛  
欄初透色皓魄乍虧圓昨夕登樓興清觴此更傳  
入夜瑤臺靜揚輝玉宇寒臨軒懷隔夕促席縱清歡頗  
怪蘿煙密誰憐桂影殘中林繞烏鵲應借一枝安

鄭生杉竹溪書屋

林煙環碧篠溪雨帶芳漪知爾耽幽尚歸來慰夙期戶

內方先生集卷三

九

倚成均篋臆分太乙藜傳經吾所愧問字幾多奇

送龍太渠宰太和

銅章君再縮遴選向炎州飛鳥桑榆道彈琴洱海秋邑  
當南詔會山入點蒼幽間遣征蠻將供需足壯猷

送姜斗臣佐曲陽

巴陵人

邑佐郊圻近風仍燕冀存彈琴隨令長縮綬侈君恩郭  
倚太行曲堂開北嶽尊相將愁送汝煙柳滿都門

送王生歸溫

肅肅橋門靜握趨爾獨勤傳經憐白髮問道愛玄文去  
憶燕關月歸尋雁宕雲離羣秋正杪落葉雨紛紛

送王應祥赴銅梁縣幕

年少才名舊今看作幕賓官階知已屈應祥當授經術知親老就此  
政譽喜聞新巫峽秋濤落峩眉 嶂陳勿云茲邑小應  
有望蘇人

暑中雨霽同兩兄二陳納涼憶野僊

自別鄉關迢遙憐親故來偶同披豁處况是鬱蒸開寥  
落懷歸興疏慵報主才何時尋竹塢煙景共徘徊

舟中別劉鳴玉

鄉國淹春序追遊爾獨勞開軒頓倒屣飛屐共揮毫別  
意蘼蕪草相看鸞鳳毛孤舟泛修渚風雨暮蕭騷

題劉翁湖汀

湖上鷗羣劇汀邊水色饒茅堂環竹樹沙逕雜蘭苕課

內方先生集卷三

十一

讀歸閒館尋春過野橋有時攜侶伴共泛木蘭橈

送王先生歸觀

九日抱叢菊贈君歸北堂秋容照晚翠露氣凝清香官  
袍綉舞袖御醴浮稱觴躡躑感游子春草憶江鄉

聞王胡二郡博九日東樓登高憂中興感四首

九日憐清明東城藉豁軒登樓雙沼淨背郭萬家諠林  
密平穿隴岡迢遠抱門勝遊傳雅蹟應爲倒詞源

高樓留勝躡藝苑速閒寮豈有牛山淚聊爲蟹郭招停

觴遲月早卷幔看雲饒坐愛風林外平湖夾小橋

汝縱東樓目誰知西閣悲竹煙捐舊籜蘼露泣寒枝閉

戶長甘約清心自養羸那堪抱哀疚涕望隴雲垂



林臯停返照樓閣動新涼  
共有攜壺興甯爲落帽狂  
田蕪多蜃蛤賦急半瘡瘡  
知爾憂時切憑高廢舉觴

送劉生元秀還河

瀟灑劉文學名家出河川  
獨懷三楚壁屢泛五湖煙  
壯志曹王上高情海岱前  
乘龍應有日萬里看聯翩

贈史生

史生何沈默記誦日以新  
誰知坦腹者乃是乘龍人  
詩書本玄酒日月如流塵  
子其慎明德慰汝白髮親

贈王將軍初度

南極映長庚轅門細柳橫  
清尊寬酒興絳燭擁詩兵  
甲冑看勛業芝蘭見弟兄  
高歌對明月不盡蕙蘿情

內方先生集卷三

十二

贈丁子載

長待公車詔翻成梓里旋  
遙攜九關月歸泛五湖煙  
白髮高堂近青萍寶劍懸  
他時潞河水重繫孝廉船

送張用和歸江漢

本是松蘿誼天涯見汝親  
岩堯京闕盛恢豁壯眸新  
澤國漁樵業江鄉雲水春  
柴門明月夕爲語白頭人

秋晚爲劉學正乃父八十二首

楚晚秋如洗叢蘭花正芳  
谷煙拖晚翠泉露浥寒香  
紉佩騷人遠援琴古調長  
幽期時獨會采擷到江鄉  
白髮有幽尚秋林臥碧霞  
滋蘭澧浦近結舍漢江斜  
慣著雲山展長追澤國槎  
南枝開上苑爲爾播芳華

送王敬與卒業南雍

金陵原勝地璧水重賢關  
千里觀光客秋風鼓篋還  
朱絃清廟靜白日講堂閑  
况抱荆山璞終歸玉筍班

送王臣儀卒業南雍

北闕觀光日南雍卒業時  
絃歌聽疏越衿佩擁皋比  
夢野鄉關迴湘江詞賦奇  
鷗鷺聊養翼會見徙天池

始謁興獻陵二首

窈窕山林路菁葱王氣長  
夜臺留劔履曉殿肅冠裳  
美崇河閒推尊邁懿皇遙  
聞蘋藻使日日到宮牆  
昔慕賢聲舊今瞻廟號尊  
萬年勞啓聖千里頌維藩  
秋殿局遺像霜松夾寢園  
翠華會展謁漢輦到江村

內方先生集卷三

十三

遊九華山四首

香岫雲門裏藤蘿逕轉賒  
塔藏舍利寺倚石蓮花挂  
杖臨蒼蘚焚香臥絳霞  
塵緣如可息山下欲移家  
蘭若開金刹芙蓉削玉峯  
披雲聊息駕隔嶺忽聞鐘  
僧臥中林月猿嘯萬壑松  
登山思屏跡吾已愧行蹤  
天近雲爲幄山圍錦作城  
偶來尋寶地獨坐聽琴聲  
松落芝田細泉流石壁清  
老僧翠微裏習靜悟無生  
貪遊隨勝景延賞及斜曛  
塔磴盤曲巖扉裊裊分華  
開千嶂錦泉出五溪雲已  
愧煙霞侶空憐猿鶴羣  
早春郊園卽事十首  
春入邱林早融風積雪消  
藜簞抽細箨苑柳變柔條  
著



展穿芳逕支筇渡野橋  
癩真吾豈敢多病負清朝  
澤國平蕪長鄉園遊子歸  
蹉跎青鬢改潦倒素心違  
種秫供爲酒滋蘭欲製衣  
春來饒勝事隨處蹋晴暉  
青春忽受謝次第物華繁  
蔬甲回泉脈萌芽出燒痕  
閑心麋鹿共生計薜蘿存  
莫怪謀歸早吾將此避諠  
登臺豁幽抱憑檻俯清郊  
沙際看鷗浴松間喜鶴巢  
鑿池新引澗結屋旋誅茅  
檇散隨吾分何煩作解嘲  
卜築湖村靜樊花繞舍春  
采椽聊葺舊初服近裁新  
鶴雙雙媚鷓鴣隊隊馴  
夜來三尺水買棹學垂綸  
暫辭金馬署來就碧山  
居生事烏皮几多情白簡  
書沿江開小墅背郭買新  
畬巖桂攀援在從渠笑櫟  
樗

內方先生集卷三

三

小隱林泉寂清薰名臺館深松楸十年夢湖海一生

心人叩柴關迴鳥嘯蘿洞陰  
青門事寥闊羨爾早抽簪  
屏居來禁掖卜築向江鄉  
開徑須求仲爲園學辟疆  
煙霞棲路遠鷗鷺結盟長  
采藥歸春渚衡門掩夕陽  
積雨淹春序新晴興不孤  
牆根牽葛蔓屋角喚鳩雛  
雞敢望邱園賁應知山澤癯  
經旬長卻埽無論愧潛夫  
謁告忽逾歲閉門春草長  
航遊修屐齒臥病檢醫方  
舊築莓苔逕新開薜荔房  
寄言鳳池侶珍重佐巖廊

曉赴松林中

高軒遵水曲小隊入松林  
流霞穿雲細重岡赴壑深山  
藏圓廟靜江抱石城陰  
永展恭趨禮聊驩瞻望心

過吉祥寺

寶地巖巒仄珠林臺殿崇  
門開對江河磴絕與雲通  
昔幸懷先帝偶經思遠公  
藤蘿不可到鐘磬亂山中

郢州風雪積日阻舟江郭述懷二首

乘流理歸棹冰雪漢江程  
霑溼少人跡低徊饒客情  
岸雲迷郢樹野水斷江蘅  
家近仍留滯黃昏雁鴛驚  
風勢夜逾逼濤聲吹更迴  
榜人嚴繫纜羈客廢銜杯  
頗怪魚龍鬪轉愁巖樹摧  
阻歸莫畏險知媿濟川才

多蠅有感

青蠅喧白晝當暑益煩疴  
祇爲趨炎急那堪引類多  
穿裳妨點污隔戶巧經過  
空有歐陽賦營營奈爾何

內方先生集卷三

十四

舟中懷黃王二翰長

謬附金閨籍慚隨畫鷁旌  
連朝希見面思爾若爲情  
海岸迷煙島花潭狎水鷺  
秋清波淼淼擬共濯塵纓

迴峯寺次清里

野寺尋春暇花開鷺嶺紅  
孤舟憐泛泛破衲訪空空  
閣倚雲林上笙吹水石中  
峯迴江宛轉寂寞鎖龍宮

始泊巴陵風雷雨電輾轉旬  
日舟中踟躕兼多愁

思詩以寓懷

偃蹇瀟湘水停舟客思多  
愁來尋紙筆睡起問干戈  
雷送風濤壯春如雨霰何孤  
蓬坐長夜倚劒望乘槎

雁峯寺



雁別衡峯去空江但寺樓千山關塞月萬里洞庭秋海上音書迴湘南帝子愁霜鐘催暝色歎息此經遊

靈川曉思時將赴桂林二首

榜人戒明發曙色過江稀鶴與松爲伴山因雲作衣未須愁瘴地况復近親闈桂嶺諸峯秀行應上翠微江上嵐初霽山中日欲生林深聞鳥弄波淨見雲行水石平生趣样何此地情遙憐桂峯上冉冉白雲輕

劉元秀讀書元妙閣二首

虛閣回朱碧懷幽駐翠微詩書封玉檻鐘磬雜金徽鏡火青精罷雲松俗駕稀欲附朝陽鳳丹霄頃刻飛睥睨丹邱接煙花上界幽燈縣月浦夜幔卷鷺湖秋妙

內方先生集卷三

五

思聞松鶴神遊泛斗牛青藜夜相訪談笑摘星樓

示吾宗二弟

吾宗有二秀少小見芳姿並過城西館雙髻憐耳垂讀書能徹記問字更多奇何日池塘夢萱餘春草思

送外兄李將軍赴粵

出祖臨江路提師向粵城千峯森劔戟萬里擁干旌烏道披雲上蠻徭負弩迎還應建銅柱遠繼伏波名

送趙揮使還楚

北觀瞻龍闕南征繫虎符牙璋輝日麗玉劔切雲孤李牧千人傑班超萬里圖將臺看授鉞蚤晚候天弧

北堂壽意

春暉昭至德霜節表貞賢白髮逢初度青鸞下九天舞迴萊子袖香動菊花筵甲子從前紀旋驚又十年

滴泉爲倪子

雪竇開珠液松巖隱玉泉香分石洞髓細隔絳河煙和露沾花嶼隨風入錦川涓涓秋月下千里潤芝田

羅母慈節

懿愛留春草貞徽見柏舟義方孤子訓伉儷百年愁萱背花猶在霜閨月自流懸知動綸綍更擬看箕裘

遊覽王公園域因成輓章

才似相如麗官於郎署高平生重然諾義氣本賢豪座上留珠履雲中起鳳毛我來君不見松柏暮蕭颯

內方先生集卷三

六

舟中別諸餞者

放舸清漳曲相將枉衆賢浦風逗迴岸汀雪照斜川勝餞慚高謁清歌感別筵中流勞繫楫共指玉門煙

贈吳竹齋

羨汝江湖客風流迴可憐高情出塵軌鎮日臥江煙頗解醉中趣時參靜裏玄玉泉饒水竹長繫釣魚船

賦得牡丹兼別雪菴羅君

春臯通淑氣幽谷散高霞不闕雕闌色今開水國花雨苞含粉折風葉捲香斜頗怪青蘿掩相思隔兩家

舟中有懷竹齋友梅雪菴松巖四君

竹檻幽含雪松牕靜對梅憐君相得意同是後凋材尊



俎高情洽江湖妙語陪歲寒如可結乘興爲重來

雪菴詩贈羅君舟中作

疏軒通顛氣幽谷發春煙已解虛生白應知靜有立雲  
屏琪樹亂風閣藥珠連愧返山陰棹懷君白雪篇

竹石一首贈邱君許石泉所圖也

補之眞御史令弟亦名家搖筆裁新玉清風萬畝斜翠  
苞含露葉錦石臥江沙持贈梅花侶冰霜共歲華

石柏

碣石觀滄海枯槎渡漢津長流雲雨潤故與雪霜新戶  
立孤標迴庭饒翠黛新將軍有幽意蕭颯入秋旻

小孤

內方先生集卷三

仄嶼穿雲竇驚濤颭海霞孤松前代寺片席九江槎嵐  
撲巖樓潤波喧石磴斜中流一騁望吳楚各天涯

天柱閣夜赴王使君宴二首

飛閣俯江麓高筵做夕曛碧牕流海月朱栱散秋雲潮  
向尊前落山當郭外分登臨不盡醉明發又離羣  
揮罍開丹閣燃藜上碧霄層軒孤月淨尊酒萬峯遙露  
氣橫秋水江聲雜海潮因之動遐想况復對王喬

清谿守風望山中松檜率爾遂往三首

避浪聊停檝看松忽到山攀蘿憩雲窟躡石度晴關樹  
擁寒泉細風鳴秋草閒由來有幽抱日晏不知還  
繫船上江麓忽有步虛情陟嶺尋雲去披榛繞澗行樵

人拾松葉稚子摘山櫻獨坐青霞裏風泉隔樹鳴  
長島迴嵐淨高江返照垂偶來翠微裏坐看白雲遲洞  
口人稀到松苗手自移何時能卜築笑與九華期

采石弔李白

白也不復作空懷大雅賢沈酣供奉署放逐夜郎天采  
石弄江月青山臥夕煙風流今在此雲樹一凄然

宋醫官雲峯和洞野

君抱岐黃術幽棲江漢東碧霞蒸海月翠嶂挂晴虹采  
藥靈蹤杳還丹紫氣通偶來朝帝闕處處頌神功

劉梅溪歸自蜀中作此奉候

憶去南溪日京華有贈篇空傳司馬賦獨學子雲立阻  
絕四千里睽違十六年歸來問結社清興滿湘川

徐虛白戶侯每於書中寄訊且承索文久而成述

平生不好武老去獨蕭然室向虛中白棊從靜裏立衰  
晚饒詩思清貧乏酒錢懷君不能賦空望沔湖煙

賦此道意

舊抱荆山玉今分首郡符官階五馬並行李一琴孤水  
向瞿塘落雲從棧閣敷甘霖隨別駕沾漉徧荒蕪

送黎大章同知合州

宜山以淹蔽相過邀余小集余以明日直講不能  
赴齋中靜臥聊致茲篇以代面語耳

蕭散臺端客經過太守家短牆扶密篠曲檻抱繁花促



席情應洽衝泥興未賒齋居懷二妙斜月挂簷牙

送天台陳汝學分教南城便道省母因奉訊霞山

師丈

典教官應重遴才爾獨良南城何逶迤吾道自輝光絳  
帳春風滿斑衣書錦芳霞翁如枉問迂拙愧門牆

酬傅師正寺中見寄諸作兼訊近況三首關二一首

按沔陽州志傅公諱頤字師正  
沔陽衛人官至南京戶部尚書

憂旱皇心被崇雩禱上玄速旬足甘澍四野變芳暎花  
發宮雲溼鶯嘒御柳鮮三農多忭舞聖主更祈年

內方先生集卷三

十九

內方先生集卷三

同里後學盧靖校刊



內方先生集卷四

沔陽童承敘

七言律詩

車駕發京師奉聖母率后妃以行是日天宇澄霽  
羣情豫悅

聖主春遊朝帝寢翠華曉發奉慈闈珠星璧月開黃道  
鳳輦龍車出紫微鵝鷺三千隨鎧仗貔貅十萬擁旌旗  
晴曛共喜織埃淨王氣遙瞻列岫輝

沙河候駕時以聖母在道上御龍威冠披金鎧以  
導

瑤池幢節引青鸞八駿先驅紫氣盤金甲含風明繡袞  
內方先生集卷四

赤龍浮日動華冠百寮鵠立行宮敞萬騎雲屯御道寬  
帝子空中扶輦下澗花巖草總承歡

行殿早朝

別殿遙聞明刊本作開三月春翠微深處觀楓宸陵園初喜

鑾輿駐雲谷遙瞻象魏陳扇影隨分迴鳥雀鑪煙細引  
傍松筠遊歌自幸遭逢地獻納空慚扈從臣

諸陵陪祀

駿業鴻圖仰七宗碧山金殿閱遺弓十年雨露皇心切  
萬壑松楸御氣通香引赭黃遙肅穆筵開牲醴總豐融  
小臣對越聞工祝龍馭雲駢陟降同  
天壽山恭和聖制四首

九重雨露惕初陽帝謁陵園羽衛張翠輦春行慈極慰  
元宮雲鎖祖靈康山還龍虎連層漢泉落瓊璣接大洋  
致孝已看齊舜德陳常應擬徧周疆

聖藻傳來竭肺腸况逢園廟緝儀張須知帝孝隆禋祀  
豈爲宸遊事樂康列寢正當天北極羣峯直瞰海東洋  
瑤圖寶宅雄霄漢赤縣神州盡圉疆

肅奉明禋竭寸腸祥煙瑞日景開張祖宗七葉垂功德  
民物千春戴阜康殿上衮衣瞻穆穆雲中靈駕見洋洋  
况逢姪姒趨陪地聖孝皇仁動漢疆

丹巒翠嶂轉羊腸法駕遙臨錦繡張帳殿香分天表近  
松楸禮洽聖心康關排虎豹環燕闕地壓旃裘鎮海洋  
內方先生集卷四

豈但渥恩周畎畝更將神武鎮邊疆  
贈雍生

尋幽徧訪乾坤勝乘興還爲京闕遊山水平生總奇好  
風光隨處卽滄洲短袍高幘天涯客紫鰈青萼江上秋  
惟羨張騫到河漢煙書雲篆滿仙舟

送見晚先生還閩中

落魄平生鄭廣文春風仙袂日邊分萬山閩越驚爲別  
千里鶯花愁送君天上鳳毛堪瑞世秋來驥足定超羣  
那知獨有萊衣客望盡壺關日暮雲

送謝簿赴儀徵

風流遠溯王畿宰佳麗遙傳此地靈萬古江淮歸枕臂



百年豈弟有儀刑鳴騶頻過瓊花觀綰綬行辭玉樹庭  
擬向池塘夢春草還期如練賦江亭

梅莊

主人別業羅浮下一樹琪花隔檻垂墜雪飄霜它自得  
澹煙寒月鎮相宜尋香歲歲憐春早索笑朝朝出戶遲  
不見逋仙花已落空餘鼎寶付孫枝

送杜先生判九江

少陵詩賦動長安南郡分旄楚徼寒地擁帆檣迷曉日  
山連城郭倒晴瀾江湖五馬陪旌鉞霄漢雙雛憶鳳鸞  
鼙鼓翻思征戰地到時民物藉餘歡

侍車駕臨雍有述

內方先生集卷四

三

春日鑾輿駐辟廡百年禮樂慶遭逢衣冠謁帝先三老  
警蹕行天扈六龍宮扇移時瞻色笑講筵開處列笙鏞  
卽看豐鎬歌思服不數橋門萬姓從

壽劉母奉次石齋相公

金母崑崙依日月仙郎閭闔振風霜白雲歌動瑤池曲  
青鳥書傳帝子鄉千歲蟠桃開碧海九霄寶婺映華堂  
遙知停節稱觴地仙籙還攜漢殿香

送劉司訓之嘉定

楚鄉舊重滋蘭客吳會今憐秉鐸遊此去山川逢勝地  
且將風物慰窮愁青氈坐對吳門月春服行歌海畔洲  
劉向何時歸漢署館娃宮外一登樓

送新都繆司訓

熙伯南開講道筵獨憐萬里擁青氈錦江曲抱龍門險  
赤岸遙連石鏡懸攬萑舊傳騷客賦揮毫新試浣花箋  
儒宮况近揚雄宅衿佩何人問草玄

送陸經府入閩舉之從兄也

二陸舊傳南國儁九仙今藉士衡才閩關山色煙中出  
蠻海潮聲島上來白日暮堂人吏靜青春江閣畫圖開  
荔枝軒外無人跡三月桃花滿釣臺

黃才伯席上贈余崇一使蜀

琅函遙捧漢宮仙萬里揚旌棧閣前錦水煙光開曉嶂  
朱門花影落春筵蠶鳧城外時臨眺丞相祠前夜泊船

內方先生集卷四

四

南海明朝停節地可無人問子雲玄

贈何子

何子翩翩關內賢腰橫寶劍拂秋蓮仲宣歌賦人爭誦  
平叔風流自可憐病起揮毫經明刊本寺閣酒酣擊筑  
指秦川青雲共躡丹梯去白日生翰泰華前

早秋卽事

關試

木落天高亭榭哀秋聲何處逐人來鵲知巧夕應先避  
菊待清霜尙未開涼雨乍疑侵枕簟飛花故欲點莓苔  
星流河淨京華暮玉露金莖憶上台

送羅典史往汶縣

遊雲萬丈壓秦關匹馬行嘶芳草斑漢水東流浮綠鴨



蜀山西去擁青鬢已當僻地逢迎少鶴舞高齋簿領閒  
何處行春愛清景隴頭駐馬聽潺湲

十六夜與隆寺黃倫二子席上翫月限韻

楚客愁添一葉先秋深賓館歎時遷藤蘿月上聊停鳥  
殿閣風來正倚肩圓景淨流仙闕桂靈光遙動梵宮蓮  
星稀露白憐今夕何處霓裳舞麗娟

秋穫喜晴 閣試

刈稻秋原雨滿溪餉農稚子聽村雞千家禾黍封珠寶  
萬壑風煙落絳霓已辨銓鑣隨返照更看雲水弄餘畦  
開筵漫爾依場圃竹樹生涼鳥亂啼

送陳生還長沙

萬里長沙鼓柁時洞庭波浪晚參差泠泠斑竹湘娥廟  
宛宛垂楊賈傅祠衡嶽晴峯瞻秀色燕臺春雨憶龍池  
不須投賦傷遲暮終擬題橋慰別離

奉次晚節園韻上九峯孫公二首

衙散人稀獨破顏環堂松檜似秋山千章紫翠雲霄上  
一代風流省署閒隔水笙簧時瑟瑟擎霜鱗甲故斑斑  
知公經國多休沐常向秋陰拄杖還

五鬣曾移澗底松別來池館翠煙封台垣更聽趨朝履  
靈囿還扶去日筇徑小晝凝春霰密亭虛晴護午陰濃  
千霄實訝青牛氣巢雪慙希白鶴蹤

寄贈張補之侍御病還爲母

鷹鷂搏擊元非志虎豹森陰獨上書綵袖遙牽萊子夢  
文園今駐長卿車山中繡豸看迴馭席上仙桃慰倚閭  
慷慨終期酬聖主留連莫擬賦閒居

早春朝天宮習儀

縹渺蓬萊接絳霄千官虎拜肅清朝花宮淑景雲韶動  
紺殿春曠彩仗遙角鼓沈沈鳴絳幘鑪煙細細列金貂  
三陽幸逐祥藁長萬國均躡玉燭調

元日試筆

王正重紀開璇運淑景初移試彩旛萬戶歌鐘都邑盛  
五更鼓角壯心懸漢廷獻賦還經歲楚嶂看雲又隔年  
華髮愁添書劍外斑衣欲舞漢江前

內方先生集卷四

六

和費鍾石元旦早朝

廿年王正逢昌運更向元辰拜袞袍廷炬遙連珠斗麗  
鑪煙直繞翠雲高萬方玉帛來同軌一代冠裳引列曹  
侍從衰遲慚獻納願分春色遍倪旄

元會初臨萬國朝律迴太簇斗迴杓節韶徐奏黃金殿  
環佩齊鳴白玉橋香霧曉浮千仗合條風春轉九旗飄  
螭頭珥筆年華換歲嵩呼肅近僚

春日賜燕午門值雪用鍾石韻志喜

蹋雪趨朝曙色微詞臣侍宴盡緋衣班聯玉筍來東觀  
坐擁瑤階傍左扉影落鳳凰迷綵仗光搖鳩鵲閃朱旗  
共懽三白占豐歲滿袖瑤華未敢揮



新春賜食鳳樓前集霰飛靈拂曙天授簡定應傳麗藻  
閉門無復詔高眠層城縹渺開琪樹甲觀玲瓏入綺錢  
共捧瑤觴沾潤澤須知聖主重祈年

大明門觀駕

聖主南巡王氣浮歸來含笑脫金盞六飛凱奏歌江漢  
萬姓懽騰拜袞旒香霧氤氳籠鳳輦晴曛閃爍上龍旂  
韜戈戢矢遵王路端冕垂衣仰聖猷

人日

去年人日風塵裏今歲今朝正憶歸忽漫天涯驚節候  
邇來鄉國斷音微馮驩彈鋏羈懷惡季子無金春事違  
京縣棲遲空閉戶獨看花鳥弄晴暉

內方先生集卷四

七

奉和桂翁新賜內直廬韻二首

西內新移上宰廬深嚴特許傍宸居寶香浮篆遙依榻  
蓮炬含輝靜遠除月戶每瞻珠斗氣雲牕頻檢碧文書  
傳宣時復勞中使前席歸來五夜餘  
禁中清切殿東廬禮重師臣詔賜居臺迥星河回碧牖  
簾深雲月傍修除紫清長奉瑤壇禮鴻寶親裁赤簡書  
好向萬閒歌大庇聖恩迴出玉堂餘

介翁席上喜雪用行香韻

禱雪壇開禁籞西赤符親捧玉宸題瑤華向曉知呈瑞  
縞帶迎風慰望霓共羨精虔能仰格卻憐惇獨未含漶  
瓊觴珠箔同欣賞簷外梅花影欲迷

奉和喜雪一首答蒲翁

郢歌梁賦總稱能吟對高臺積雪凝色借玉霄雙闕近  
光搖銀漢亂峯層門遊汗漫應同醉閣倚空明詎羨滕  
暮捲疏簾懽不夜滿庭晴月勝華鐙

再和二首

六出花飛翦綴能濛濛虛白望全凝雲連粉野三千界  
月映瑤宮十二層姑射仙人思渡海盤陀梵宇記遊滕  
滕縣志雪山盤陀下即梵王故處予嘗經其地飄蕭滿地還堪賞元夕光涵內  
苑鐙按明刊本小註作盤陀石  
須知造化有全能獻歲欣逢瑞雪凝籬落竹梢聲陣陣  
綺疏梅發影層層散鹽凝就池中結翦水疑從海上滕

內方先生集卷四

八

說文水起涌也授簡獨慚梁苑客陽春欲和幾挑鐙

秋日舟泛

呼朋理檝泛晴洲草露林霜九月秋座繞華裾饒勝事  
尊開叢鞠重夷猶十年故國萊衣夢四海蒼生肉食謀  
敢謂江湖馳魏闕可堪塞雁送邊愁

扈送敬皇后梓宮用王前峯沙河行宮韻

鳳飛應逐鼎湖龍素仗靈輿出上宮四海久隆慈壽養  
三朝均戴母儀功霓旌黯澹瑤池月玉佩淒涼洛浦風  
到處攀號隨執紼秦陵松柏暮煙中

入山望壽宮用前峯韻

曲嶺迴峯積翠開壽宮樓殿倚崔嵬林懸日月浮金勝



山擁雲霞控玉臺鳳穴正當璿極下龍光遙度碧霄來  
萬年願效岡陵祝八葉長承鬱鬯杯

甘几山司空席上奉贈五泉中丞出撫三晉用郊

壇聯句韻

陽回黍谷曉風溫仗鉞遙臨紫塞門勛濟兩朝重瞻范  
才兼三略更逢孫指揮定著張皇績保障應酬簡注恩  
爲報降王出河隴萬年中夏勢長尊  
節概方嚴器度溫坐憑熊軾到轅門登壇共擬無雙士  
推轂親承有道孫制馭重關昭聖武保釐全晉戴皇恩  
凱旋更迓中朝旆高會還領北海尊

謝子宅燕集贈席上諸彥

內方先生集卷四

九

華燈獨照甃餽席新釀頻流鸚鵡觴月露綺筵催暮景  
歌鐘紫陌鬪春光黃金漫說燕臺事白虎空傳漢殿香  
喜遇洞庭湖上客翛然清興滿瀟湘

張氏挽詩

白眼舊耽南國勝黃金更洗北門憂人閒已謝赤松子  
槎上遙乘博望侯故館猶餘淮海月野棠空度漢宮秋  
衣冠蚤見酬高義蘭玉還看有仲謀

送程子赴昌邑

夷歌蠻鼓迓芳洲野市江關帶碧流估客過時多駐楫  
王師去後不禁秋晴波鷗鷺翔官舸花浦雲山隱戍樓  
畫戟瑯弓到沙岸寒潭無復毒龍遊

溝西書屋

壽溪水清春草芳公子臨水開茅堂青山隨影入羅幌  
黃花送香來玉觴鷓鴣鸚鵡狎几席蒹葭蒲葦浮衣裳  
雪朝月夕自成興剖鮮折藕歌滄浪

送劉梅溪

南溪縣前巖壑深受汝秉鐸諧夙心城連斷壁挂欹樹  
門繞亂筠栖野禽高閣鳴絃晝寂寂萬山騎馬春陰陰  
知君吏隱富幽賞日落歸來雲滿襟

東村晚眺卷

背郭孤村暮不羈野人臨眺髮脩脩陰崖雨霽林塘潤  
絕壁雲移海岱遙千里平蕪歸鳥雀萬山落日散漁樵

內方先生集卷四

十

上池已煉丹砂竈緜嶺應瞻碧玉簫

七夕館中

牛女晴懸玉署輝經年靈駕會應稀重來碧漢填烏鵲  
暫借青霞覆錦機月落佩環歸閣道夜深花露溼仙衣  
人閒天上多離思短草微螢柰爾飛

九日漫成

南國昨年逢此日鳴榔伐鼓漢江湄比來獨抱登臨興  
何處人歌落帽詩別泪故園千萬里多情寒菊兩三枝  
物華搖落年華晚南望瀟湘有所思

黃鶴樓

黃鶴山前黃鶴樓斷巖急峽海門秋丹梯縹渺雲霞細



碧戶玲瓏日月浮遠樹平連衡嶽小高江曲抱洞庭流  
禰生不見惟鸚鵡崔顥空懷日暮愁

登大別度鐵門關

大別小別俱名山巘斷澗迴不可攀雲擁關門排虎豹  
風來寺閣響潺湲盤渦汨汨江豚鬪絕壁冥冥石蘚斑  
萬里長安川路迴且將吟望破愁顏

舟中作寄王魏縣二首

飛霰冥濛冬不晴濁河風浪歎孤征遲迴想像神仙尉  
寂寞何如煙水情村晚牛羊緣隴出沙寒鶴鶴向人鳴  
空憐莫雪難乘興羨爾絃歌在武城

江天冰雪盡脩脩萬里樓船下紫霄常怪蛟龍媚幽窟

內方先生集卷四

十一

不與鷗鷺傍輕橈岸高徑仄疑山近木落林稀識路遙  
漫擬乘槎慚博望卻因飛鳥憶王喬

壽張龍湖學士

清華地望重儒紳暫佐南銓寵渥新端笏平明初拜命  
縣弧此日正生申台垣佇售經綸志黃髮終歸社稷臣  
榮壽一時傳盛事玉堂長沐鳳池春

贈南陽劉令

天王駐蹕江關迴仙令趨朝玉輅遙拜舞鳳池依日月  
仰瞻龍舸向雲霄碧桃滿縣雙鳧去綠柳通閩匹馬驕  
手挽御河秋水碧隆中千里發枯焦

壽天馬陳翁八十御史講之祖也

東川老翁眉髮玄飄飄來往錦江邊偷桃未度三千歲  
鍊藥今逢八十年仙侶綵鸞開洞府雲孫驄馬下瑤天  
岷峩嶽嶽遙相望歲歲青霞繞玉筵

梅園紀遊

將軍別業枕谿流駐馬銜杯水竹秋縹渺雲林隔村巷  
參差鷗鷺散汀洲千巖日落無行客萬樹泉香獨繫舟  
塵想偶消綠出郭不應人世有丹邱

晚過瀨谷因見其與鴻漸書

嵩陽學士愛林邱堂下栽蔬野性幽睡起弱藤猶泣露  
客來小院忽驚秋空憐彩筆題仙署獨寫雲謠寄道流  
深苑舊傳司馬賦青門應謝邵平愁

內方先生集卷四

十二

送龍令赴昌樂

昌山翠擁越江濱萬里揚旌豈弟臣丹橘黃柑此佳麗  
嘒後舞鶴漫逡巡雲封韶石冠猶整春到靈谿釀自新  
江寇嶺苗輸款日海天寥廓放鳧頻

送太傅毛先生歸吳中

兩朝補衮星辰切此日投簪鬢髮斑稠疊主恩元明刊本作  
先大老峻嶒歸興有名山海邊春服應行樂洞裏丹砂  
可駐顏禮樂具瞻開濟業尊鱸巨信夢魂閒

送傅僉憲入滇

羶雲陰陰臥不出城南送君能獨來萬里蕙蘭今去國  
一春花竹此銜杯江邊畫舸湘離熟徼外蠻峯瘴霧開



北望虎貌聞闔迴懸知不愧長卿才

病中暮春有述

索居遠道歎羈栖寥落三春碧草萎九陌鶯花車馬滯  
三湘雲水鷓鴣嘯劇愁閉閣惟便臥多病逢人強寄題  
聞說上林饒雨露一枝猶待玉驄嘶

送張國信還巴陵

蕙芭遙傳楚國芬洞庭南去惜離羣吹簫嶺下桃花月  
鼓瑟祠前湘水雲高論九閭須售志美蓴南國可忘君  
寂寥紫陌看花侶日暮巴陵路不分

兩都仙史卷

御筵昔奉雙龍壘帝里今遷九嶺臚觀國須裁平子賦

丙方先生集卷四

十三

近家還食季鷹魚雲霞古殿朝趨闕蘿竹春山曉駐車  
超拜兩京俱不遠鳴鞭應想紫宸居

送黃邑博赴高安

白眼來看京國麗青氈今作嶺南行端巖石埭傳經筆  
高峽雲懸望海情漳郡可能淹叔度酒錢應合有淵明  
官齋騎馬歸來地殿閣殷殷朱瑟鳴

昌平宿劉諫議祠

午時踰嶺瞻層嶂落日城樓千樹林立馬山川悲諫議  
登堂棟宇自蕭森臥當寢閣開輕幔坐傍虛欄款素襟  
潦倒媿無遺策志拜瞻徒有厚顏心

和太傅毛先生留別韻

竹梧池館枕谿田海國投簪興渺然故里別來牽夢久  
明時歸去覺恩偏遙憐北斗仙曹迴早羨都門太傅賢  
膾食蓴鱸秋更美白頭回望五雲天

憂旱

燕京閏夏旱既甚麥卷禾枯林木黃密雲含風祇自度  
陰霾噴沙翻太狂炎炎火龍長傍日汨汨斑鳩空在桑  
悵望川原惠鰥寡欲歌雲漢迴禳祥

卽席贈二倫

冉冉宮雲對不移娟娟蘿月迴含姿停珂促席驩無那  
戀別含情去獨遲日下雙鸞辭禁閣夢中春草長清池  
送君擊筑燕臺夕憶汝看梅庾嶺陞

丙方先生集卷四

十四

壽桂翁太夫人九十

席上黃花閒玉卮雲中青鳥下瑤池金尊猶憶先朝寵  
綵服空懷故相祠八座由來知峻絕十年此去是期頤  
芝蘭庭榭多重秀桃李門牆自昔時

漢濱夜泊

三伏城居暑氣薰清秋忽泛楚江雲碧紋不動龜鼉靜  
玉露初涼蕙芭芬孤舸自投林下宿短簫無那月中聞  
誰家水竹能森爽結屋垂綸擬共君

舟中贈高將軍

上將南征擁綵旂詞臣相引泛樓船湖村臨水晝長靜  
夢月滿川秋更圓羨汝提兵萬里外何人回首五雲邊



憂時戀別俱寥廓倚劔開尊對碧天

賦鄒山人雙溪卷

幽栖愛汝雙溪深夾渚迴洲千樹林茅堂掩映二水碧  
蘭舟來往孤村陰中央自吸蒹葭露隔浦誰憐鷗鳥心  
主人雅意在山水白眼日看青囊金

玉臺飛雲

何處停車問太行玉臺猶繼汗青香雲飛楚塞魂應斷  
影落湘南思更長寤寐幾番歌帖岷晨昏千里見羹牆  
據誠有術能醫國忠孝誰人可頡頏

慕萱

湘月和雲隕太空北堂深夜靜簾櫳玉臺虛逐飛雲望  
寸草難酬造化功滄海飲深遊子恨鰥居愁割老夫衷  
閨門賸有遺風在綵筆拈題惜未工

蘭溪送易載菴還山二首

旅食京華四十春長桑紅杏術通神九重增秩恩光賁  
萬里還家樂事新排戶青山迎舊主候門稚子識歸人  
林深地僻幽栖處惟許煙霞伴此身  
由來醫國重岐黃君抱仙方侍玉堂賜予每分天上品  
傳宣時惹殿中香乞歸忽買登山屐習靜長扃煉藥房  
菴桂未須招隱士卽防徵詔到江鄉

送王雲樵入鄧

春風郭外百花洲君向滄浪上小舟此去堂階堪繫馬

平生詞賦擅登樓琴書蕭散襄江暮壇殿陰森宛水秋  
問字應知在天祿傳經還擬得浮邱

青雲接武

青春題柱憐司馬黃鶴登樓憶漢陽織女機裁雲錦爛  
浣花箋拂彩毫香鳳毛已刷三秋翻驥足行超萬里霜  
何處羣仙開綺宴芙蓉城裏桂花黃明本作香

卽席和魯二峯荳花

幽花淡葉霜應薄密篠疏藤蔓已加繞席清芬同野蕨  
滿庭蒼翠似山家逕迂籬小秋長在月麗風恬影不斜  
苜蓿闌干今更勝楚山叢桂况新華

贈王夢竹次前韻

三山煙雨仙蹤舊萬里瀟湘客况加夢裏數看先世澤  
覺來疑在此君家翠苞粉穉林塘靜雲葉風枝薜徑斜  
葭管無勞吹玉律箭韶應擬協重華

贈蔡練江次前韻

桐柏山中淮水涯卜居雲樹亂交加官當楚澤騷人地  
興在宣城太守家波漾碧紋連月媚煙浮素練抱江斜  
濯纓賸有滄浪意錦水無勞問浣華

贈二峯次前韻

青山山中二峯紫巖花嶼葉紛相加知君意氣追李白  
况乃園林同謝家幽棲半畝雲散亂高吟千里江橫斜  
卽看觸石徧霖雨未許餐霞掩歲華



贈胡木橋次前韻

嶺微煙巒春賞劇江東松柏暮愁加長橋獨架清灘水  
一木遙通野客家日落蒼龍浮結構月明華表障迴斜  
濟川已訝材如楫題柱應憐筆有華

送高伯東

臥病柴關晝不扃井梧葉脫滿空亭門前自擬題凡鳥  
天上甯知聚德星玄圃月明詩欲就高樓雪落酒初醒  
憐君忽返山陰棹鶴嶺龜峯無數青

夜聽高子吹簫

虛閣夜傳鸚鵡杓仙人醉弄鳳凰簫軒庭玉管風初協  
湘水瓊枝泪未消白雪調高荆樹渺行雲聲過楚臺遙

內方先生集卷四

七

憐君一曲陽春轉絳燭青尊愧此宵

沙湖別史生

三載傳經愧講筵相從應賴起予賢由來學道須英妙  
豈但登科屬茂年鎗火西齋初志勵盤餐遠市別情牽  
明朝千里長安路為約看花到日邊

臨清公署夜興七首

紫薇高署絕纖氛粉壁雕欄開暮雲清廟獨憐絃誦地  
空堂實少吏人羣樓中玉箭傳宵漏簾外金鑪換夕熏  
誰道旅魂驚不寐寒砧孤雁月紛紛

聞道甘州圍已潰黃雲冷月滿霜陣王師未搗鯨鯢窟  
上將猶懸虎豹旗鐵騎材官愁轉餉紫貂中使擁偏裨

卽防西海仍連結插羽傳烽及此時

健兒新殺雲中將胡騎長驅塞北塵遂使龍顏臨

代朔更聞虎旅出咸京推誠詎測皇心厚不戰應知廟

略神萬里烽煙勞極日安危須倚近邊臣

萬家樓閣抱城阿武帝旌旗向此過不見鳳笙吹別殿

空聞龍舸駐清河水寒沙碧生冰雪華榭歌臺長薜蘿

共道於今游幸少豹房虎圈月華多

九江會泛木蘭橈黯黯風濤萬里遙彭蠡到涵廬阜影

馬當東接海門潮芙蓉別浦霜初落蛟蜃盤渦沫未消

蠻鼓夷歌堪涕淚千家煙火半蕭條

憶持漢節罷鳴琚千里風塵走傳車彤管久辭金馬署

內方先生集卷四

十六

綵衣空滯白雲廬索居鎮日惟看劍病肺無心解著書

鼓角不喧人寂寂清霜澹月夜堂虛

寒宵鐘鼓動高城旅病羈愁涕淚生淮海連逃應未復

廟堂禮樂亮誰平大同新沒嫖姚將回紇猶煩龍虎兵

朔雪嚴風驚歲晏端居肉食愧浮名

行經項羽祠

秋山廟貌識英雄孤塚寒蕪泗水東祭罷川原橫殺氣

神來棟宇幻靈風八千人去楚聲後百二圖歸漢鼎中

江上頭顱付隆準君王虛擬舜重瞳

將軍劍舄閱荒邱草木風悲落葉秋解使王師披素縞

卻令亭長艤孤舟鴻門未厭三分業虎旅空驚四面謳



王霸蕭條總塵土海雲江樹迴生愁

送荊州張千兵經漕運南歸

將軍官是千夫長轉運舟從萬里來牛斗張騫成遠客  
江淮劉晏本雄才帆檣國計秋時集尊酒鄉心月夕開  
歸去風塵關路迴楚山燕樹各徘徊

夜讀籌邊諸疏感而有述

烽火三關未盡收廟堂頻見議防秋樵蘇已後空長技  
表餌雖迂亦壯猷騎士漫誇身手健謀臣總抱腹心憂  
江鄉牢落時彈劍憑仗羣公報國讎

和託翁兩宿浣花草堂

岷峩萬疊暮雲生兩人高城月未明嵐重遙連花徑溼  
溪深斜帶草堂鳴衝泥不倦扶筇興乘漲還饒鼓柁情  
一夜風端落松栝夢迴猶擬禁鐘聲

送託翁還山用前韻

解組台垣秋興生錦官山色望中明花迎杖屨幾迴發  
鶴倚琴書時自鳴禮數聖朝優老秩典刑四海具瞻情  
草堂莫漫開茅徑還向星辰聽履聲

秋日水南前峯見過用前韻

高闕蓬萊翠靄生虛堂秋色倍通明花邊共喜雙鷗集  
竹裏時聞獨雀鳴黃菊橫斜聊遣興白頭聚散總關情  
廿年供奉隨仙侶慚愧龍墀玉佩聲

留題天甯寺二首

紺殿瑤臺控帝闈松門曉吹動香塵青山白馬尋幽客  
繡幃羅襦聽梵人高閣鳴鐘參法侶長廊擊鉢飯貧僧  
共來結駟名山下離思羈愁得暫伸  
清磬花宮度石橋忻陪妙躅滌煩囂鶴眠苔蘚碧月淨  
僧誦楞伽祇樹彫七級塔連雙闕迴諸天龕映一燈遙  
路人欲聽生公法高座空堂漫寂寥

劉孺人挽詩

仙子乘鸞歸碧海劉郎顛顛泣桃林辭家猶憶伏雌曲  
寄內空緘秋浦音漢水春風思解佩楚樓朝雨夢行雲  
空閨歎息當時月猶送殘暉到瑟琴

五月五日

五月五日寒猶侵禪房寂寞簾櫳深石榴當階花自發  
苜蒲碧葉愁人心羈懷怏慨楚蘭賦尺素悵望雙魚音  
遙想南巡萬乘樂龍舟競渡吳江潯

五日尋馬子不遇

五日上房尋上客綠槐夾道不開門南州既有陳生榻  
剡曲何煩戴子樽佳節每逢傷往事索居誰共賦招魂  
風花明日猶堪醉擬接城南高士軒

三泉挽詩

六氣已成丹鼎藥三泉應接上池源交梨火棗春無限  
元里長桑道自尊手種赤松成琥珀身騎黃鶴到崑崙  
鼎湖白日龍飛去寂寞煙霞楚水渾



送張使君

鳳凰紫閣星辰迴鸚鵡芳洲山水賒吳楚今年勞駐蹕  
漢江八月動歸槎緋桃搖落開黃菊丹詔經過護碧霞  
郡國祇今多赤地知君停節問桑麻

送周使君入閩

青年佐郡誇閩越遠道揚旌下紫宸湘水游雲千嶂曉  
海天蠻雨萬山春庭閒人吏梳丹鶴軒靜圖書護碧筠  
月嶼螺江徧桃李莫將荔子蹴紅塵

侍御倫子攜弟歸觀余以世講之誼兼有同館之

好不容無言病替愁侵筆札罕就聊贈茲篇用  
伸別思耳

內方先生集卷四

三

我緣病肺朝應懶君為甯親病亦侵長夏駢駢驄馬去  
高堂熠熠彩衣臨離羣共憶揮毫侶去國能忘諫獵心  
況有惠連同展覲好裁春草寄詞林

竹鶴軒二首 並序

嘉靖辛丑七月既望余在竹鶴新居中夜起臨  
軒看月愛其澄霽恨無佳客共翫明日用韻為  
小詩約胡勳部陳薦士傅駕部暨塾賓應薦士  
舍弟夔同為清賞酒酣漏下三鼓月復當空因  
共起憑闌誦景亭之序歌赤壁之章仰見太清  
寥次浮雲來薄當月處輒有餘綵俄而掩映五  
色交絢中白次紅次黃次青次綠重輪疊暈狀

如圓璧須臾乃沒眾目咸睹莫不驚喜意若為  
吾數人設者相與咨嗟而去又明日陳君以所  
賡詩來余亦嗣響竝邀諸君子同作用寫是夕  
偉麗之觀兼紀天涯勝集他日再晤是亦一時  
佳話柄也夫良燕不常盛年易邁春華秋月古  
今所惜矧人生天地蜉蝣倏忽要當振迅卓犖  
超逸迅邁明刊本與霄壤共傲若徒留連光  
景沈冥外物與茲夕所翫曾不移晷者何異內  
翰嗤曹劉右軍齊彭殤言皆近達及究其所就  
則亦藝焉已爾修能矯節君子託名不朽固自  
有道願與二三同志勛之

內方先生集卷四

三

曲檻小臺邀夜月蒼筠玄鶴更為羣夢迴碧漢凝清露  
影落湘江溼翠雲玉漏隔城還自數紫簫何處不堪聞  
開尊忽憶鄉園客麗景臨風欲共分  
賒酒當軒成小集鄉關朋舊自為羣開簾共對三秋月  
撫檻俄驚五色雲勝事天涯期盡興高歌塵世記同聞  
招邀更笑題新句劇賞真看麗景分

內方先生集卷四

同里後學盧靖校刊



內方先生集卷五

河陽童承敘

七言律詩

春日課士簡同事諸公

辟雍禮樂宏文日  
髦士衣冠課藝時  
清廟朱絃鳴越底  
碧壇紅杏發新枝  
墨池香散春風細  
筆陣聲恬白晝遲  
王道治功應有業  
獨將虛薄愧人師

喜雪

聖皇禱歲期三白  
元宰摛詞叩九玄  
共仰精誠勞午夜  
卽看佳節報新年  
碧霄爛漫開銀闕  
滄海氤氳布玉田  
豈但陽春歸燮理  
鳳池還迭明本作送郢中篇

內方先生集卷五

一

慎獨樓

垂衣共仰天王治  
開閣新傳帝子勳  
玉笈琅函歸璧府  
紫泥華榜動奎文  
閒披燕服承恩數  
獨抱冲襟對典墳  
戶牖憑高瞻北極  
散亭遙隔禁城雲

五日

五日煩熱苦煎逼  
高齋散髮坐支頤  
祇有榴花當戶發  
無數燕子傍簷窺  
宮衣龍扇那能必  
短艾翠蒲空爾爲  
千載靈均一悵望  
秋風欲采湘江薜

陸少石卷

朱旛阜蓋謁明光  
畫省鸞坡繞建章  
委佩總乘元會節  
連牀俱帶紫宸香  
鵲喜見隨鵲鷺  
鴻雁驚看接鳳凰

同氣元非藉羣從  
聯篇何必慕西堂

送張鴻臚禮之歸省江陰

甯親遙出都門道  
典屬新題譯史勳  
日下鵲鷺看動色  
天邊鴻雁惜離羣  
綠袍故國歸清晝  
綵袖高堂望白雲  
莫爲萼鱸發秋興  
燕臺春事正懷君

柳塘

綠漪新漲橫塘淨  
碧柳初齊曲岸長  
坐愛蘋風生水閣  
臥看林影落繩牀  
浮鷗浴鷺元相狎  
飛絮垂絲總不狂  
何用上池餐玉液  
已知瑤草發金光

內濱初子往副慎泉弭節江鄉  
秋日戒舟薄遊漢

澁道路伊邇題詩奉招

內方先生集卷五

二

憶昔追趨聯禁闥  
邇來留滯各鄉關  
音塵乖隔十年後  
雲樹瞻依一水閒  
司馬更持炎徼節  
揚雄猶直漢廷班  
秋風亦是山陰雪  
莫遣清宵鼓柁還

早秋西齋

落葉瀟瀟下轆轤  
涼飈瑟瑟動屠蘇  
露融庭草蟪蛄亂  
月浸池荷菡萏孤  
開徑何人尋蔣詡  
閉門無論學潛夫  
幽棲多病違時序  
采藥烹葵得所需

西齋對雪

林空翻怪花飛綺  
臺迴應憐玉截肪  
闌色爭妍時散亂  
裊雲薄日故蒼涼  
光連竹檻寒無影  
風繞梅窗暗有香  
獨掩高齋生虛白  
更疑澹月滿昏黃



送陳醉菊歸鄂因訊令弟

憶昔同遊鶴嶺前重逢更在漢江邊平生轉覺風流勝  
十載空慙館穀賢北海客來樽欲盡南州人去榻高懸  
明年又是羣仙會為報君家兩惠連

漢陽別陳戶部

江上清尊憐此夕山城月色坐中分孤槎漫繫洞庭水  
匹馬行看少室雲千里平蕪勞惜別百年勝地愧逢君  
懸知明發應相憶黃鶴樓前共落曛

送黃生還阜閣山中

阜閣山前雲自生溪中龍臥石潭清幽居愛汝林泉勝  
病骨遙思蘿薜輕子晉放鳥歸碧落安期賣藥到蓬瀛

內方先生集卷五

三

還家如覓丹砂寄我在祝融峯上行

送學士孫先生攝篆留都

青宮翰苑切絲綸三十年來啓沃臣綵服久羈滄海跡  
細旃重曳廟廊紳玉亭暫假開鍾阜金闕迴瞻奉紫宸  
南北清華均寵渥仙才須賦兩都新

贈雪峯鮑子

十載相逢京國春重來瀟灑見丰神平生雅興饒湖海  
鎮日經過總縉紳家遠雲山應有夢地當塵市自無塵  
芳尊野服行歌處疑是風流賀季真

洞天訪道圖

吾聞洞天三十六清虛無地不神仙丹房璇室開都省

玉檢金書闕上玄欲向叢霄餐日月偶凌倒影躡雲煙  
眞松老鶴人何處知是希夷明本作疑象帝先

寄東野仙兼致二郎消息

鳴上松篁饒晚翠庭前蘭桂發春華遙思杖履尋清景  
更喜衣冠出世家鷗鷺江邊波浩蕩鸚鵡鸞天際影橫斜  
野仙聞道年來興長抱黃庭醉碧霞

夏日遊大佛寺和黎公韻黎公名淳

旃檀遙憶梵王功明本來聽三車演法宗日落華筵開  
上界月明蘭漿繫昏鐘林中樓閣迴雲影沙上鷗鳧護  
水容總為松蘿更桑梓臨風不發意重重

再和初大參

內方先生集卷五

四

勝會應憐投轄功一尊千里共禪宗親交獨艤江邊舸  
客夢初迴夜半鐘臺殿倚天開野色冠裳繞座照衰容  
孤帆明發還相憶更上危樓十二重

奉和序菴閣中詠蓮四首

麗水清波颭午風台垣深處澤芝紅古今注荷一名澤芝人閒徒  
羨芳華迴天上甯知造化工翠萼含曦臨貝闕絳房承  
露倚瑤宮委蛇六載絲綸地變理先收茂育功

茵昔晴搖閨闈風金盆玉檻照纖紅恍疑神女凌波處  
詎識天孫織錦工清影扶疏黃閣署幽香繚繞翠華宮  
荷衣蕙帶無勞緝四海今瞻補袞功

紫閣芙蓉暑風秋清獨傍五雲紅香連睥睨栽培遠



色動采恩翦綴工十丈花疑開玉井千年波欲繞龍宮  
芳敷豈但供吟賞草木欣瞻弼亮功  
文淵窈窕菱荷風拂翠榮墜粉紅天上葳蕤通御氣  
日邊培植有良工采芳詎擬浮蘭機濯錦渾疑到水宮  
自是君恩信任濺金蓮頻眷贊襄功

奉和桂洲九日邵園四首

戚里遙開水竹園遊歌况是相君尊九霄紫氣連芳甸  
萬樹紅霜繞近村劍履輝煌乘麗景笙簫縹渺出層軒  
盛時已藉調元力寰海同歸造物恩

高秋佳麗辟疆園相國追權倒上尊長羨喬林開別墅  
卻憐飛蓋駐芳村菊含晚色元當檻鳥送幽歌故傍軒

內方先生集卷五

五

不用寒帷問牛喘祇從擊壤識皇恩

名家結構枕郊園背郭環谿體勢尊賓主淹留乘暇日  
旌麾枉沐到孤村疏花細草憐幽勝曲檻高臺藉豁軒  
數向卷阿歌大雅共將馮翼答鴻恩  
碧山問道有芳園黃閣今應奉至尊暫假秋光停賞宴  
卻攜春色徧墟村曲池風動芙蓉舸孤嶼雲開薜荔軒  
麗藻偶緣休沐興物華長荷品題恩

鴻臚余君有親偕老在堂君既拜官南寺將過家  
奉觴而壽之固人生至樂事也其友鮑文光道  
其事且丐詞焉余因賦茲篇致歆豔耳

蓬瀛聞說三山景福履今逢竝壽年天上赤松傳寶錄

雲中青鳥到華筵餐霞長羨吹簫史跨鳳應憐弄玉賢  
况有宮裳供獻明本綵龍章行拜紫宸前

鍾沂山以生日壽余偶忘賀詩以補之

金石論交二十年華堂嶽降做華筵  
飛律管陽初動籌泛滄瀛壽自延  
刺史懸車饒樂事香山結社盛英賢  
廟廊巖穴蹤無定且贈尊前海岱篇

送尹斗菴出參貴州

粉署八年司國計薇垣萬里作藩臣  
旬宣應喜居行省瞻望猶疑侍北辰  
楚徼滇門山勢險夷歌蠻鼓土風淳  
畫熊莫謂林箐遠賣犢須知村寨貧

送趙洪洋

內方先生集卷五

六

中丞分袂勞持節父老開關候使輶  
經術由來重東觀保釐今復簡中朝  
嶠函遙擁金城險河渭平連陸海饒  
聞道材官出三輔更提虎旅滅天驕

送羅經厯之廣西布政司

君從天上拜新除萬里風雲結綬初  
湘水遙停詞客舫薇垣長曳幕堂裾  
好參新息征蠻略更草相如論蜀書  
卻憶舊遊三十載星巖風洞渺愁予

送學士東廓鄒先生攝篆留都

宮案新階饒雨露留都仙署勝蓬瀛  
十年經術推耆舊千里詞垣并寵榮  
柱笏遙瞻金闕迴焚香獨坐玉堂清  
司存啓沃須儒碩莫道能兼吏隱名



寄壽可山周君六十

幽操雅尚重鄉閭曾向朱門暫曳裾  
心遠自甘林壑勝年來未覺鬢毛疏  
五湖波漾高人室三逕花迎長者車  
問道壽筵開暮景雪梅香動老萊祛

寄壽竹軒盛君

幽居開軒饒水雲琅玕十畝超人羣  
頗無俗駕到深逕賸有清風來此君  
鳳苞時曳丹山影龍箠長搖碧海紋  
知向歲寒持晚節梅花香裏醉春曛

送陳尹觀舉還竟陵

五載花封惠澤多歸朝千里見鳴珂  
官箴書最從燕闕墨勅承恩到汜河  
琴韻不須更舊調棠陰重喜發新柯

內方先生集卷五

七

鳳毛况有雲霄翮文采還增湘水波

送沈生佑歸杭

樞趨久聽橋門雨歸去遙瞻御苑春  
聖代衣冠知不忝儒生事業轉須親  
潮來河微知龍臥雲起天邊見蝶伸  
湖上風煙勞夢寐他時攜爾看嶙峋

贈友二首

詩才準擬杜陵近風節遙看粟里親  
苜蓿盤空官獨冷薜蘿衣在篋常貧  
行吟每踞栽花徑白髮時披漉酒巾  
莫怪行藏大槩散縱歌拚飲任吾真

十年寥落廣文官歸向江鄉種澧蘭  
嬾事著書嘲未解醉能騎馬坐空寒  
林邊花絮隨行屐湖上風煙滿釣竿

乘興過從須百徧不嫌倒著接離冠

送李五臺之豐縣用前竹鶴軒韻

九重初拜王畿宰廿載翻憐國土羣  
村田久塞河淮水山郭全消芒碭雲  
定擬官方酬夙志直從民牧繼前聞  
雙鳧此去占重集匹馬臨歧惜暫分

寄訊石雲莊

湘江舊許能詞賦汴水今憐作典刑  
知有堂階堪繫馬可無衿佩待傳經  
河流近接孤城湧山色遙連草舍青  
莫道地荒官更冷憑君為起草玄亭

送南司成龔雲岡

坊案獨憐借鳳侶人師今喜屬龍頭  
地隆璧水儀刑重

內方先生集卷五

八

禮冠經幃啓沃收劍佩一時歸道望詩書終日盛儒流

觀風慢憶登樓處極目江山王氣浮

送管平田巡撫山東

四海文章推吏部百年禮樂重清卿  
畫熊忽問東方俗仗鉞遙辭北極行  
關里杏開春日麗東山松老暮雲平  
幃帷莫道馳驅遠衮烏應勞信宿情

送徐木仲刺乾州

荆北詩書推舊閣湘南詞賦擅英儒  
留都會脫千人穎燕關今分五馬符  
漆水縈紆通漢時梁山迢遞繞秦都  
使君莫更嗔繁劇滿地凋傷賴爾蘇

和載菴詩四首



千里沿迴泛楚江巖欹岸斷勢爭撞驚風颭水灘聲亂  
落日貫湖帆影雙鷗鶴有時窺畫舸雲山無數擁虛牕  
愁多客久成飄泊倦對匡廬倒玉缸

淡雲疏雨滿秋江石瀨無風水自撞遠浦蒹葭時嫋嫋  
盤渦鷗鷺更雙雙水邊客泛沙棠楫山下僧開薜荔牕  
忽憶題詩在廬阜洞庭彭蠡望如缸

廬嶽彭湖接九江鯨翻鼉掣互衝撞波連碧樹珠璣碎  
峯插晴雲劔戟雙長路經年悲作客故園何處倦凭牕  
相過苦憶陶彭澤秫滿公田酒滿缸

火流露淨河插江山寺寒鐘僧自撞牽風翠荇每千尺  
入釣白魚時一雙溪邊水消石繞岸山外雨來雲滿牕  
丙方先生集卷五 九

羈愁旅恨暫披豁夜深長嘯呼銀缸  
送趙君判蘇

青氈久擁成均席紫綬今參吳會符民社卽看饒簿領  
講堂猶憶盛文儒登樓夜月涵滄海行縣春風繞具區  
聞道邇來財賦竭好分時雨潤膏腴

送別駕張君赴開州

洪洋山前雪亂落君來滿地生春妍瑕邱兒童候別駕  
濮水鷗鷺近官船詩書已推閱閱重簿領應喜聲名賢  
京華北望况隣近池塘有夢遙相連

卽席和黃上舍諫便面同年朱守貴韻送歐陽紀

春赴汝府

紀春原集目錄作紀善

六年郡校憶如磋三載相從帝里珂北關恩光知不淺  
東平善事樂應多晴雲遙擁燕山色春雨新添河水波  
暫曳長裾向朱邱懷沙莫作蕙蘭歌

別吳生字還慶元

三年劔佩重賢關萬里遙沾化雨還人物括蒼應不忝  
衣冠燕闕祇須攀江湖帆展春潮水雲樹家臨海島山  
歸去藏修知邃密夢魂長繞辟雍班

四月八口偕龍湖宮贊過宜山不值其弟出基酒

見款留此以遺主人

四月雲山出郭饒憐君結侶向明本東橋鶯花有約堪  
攜榼庭院無人獨駐鐘叔夜風流原放達子雲詞賦自  
丙方先生集卷五 十

蕭條盤餐愛客知難弟一局楸枰落日遙

送杜二守赴沔陽

澤國微茫煙樹平揚鈴搗鼓到江城郡非昔日甘棠地  
君是當時杜母情波漲野湖春郭淨草生官舍晚衙清  
魚龍寂寞雲夢遠惆悵鄉心繞旆旌

送張君經歷溱陽峯之弟也

藩垣萬里幕堂虛君至炎荒雁影疏金馬山前停去節  
紫薇花裏曳長裾黔南風俗詔誨裏徼外煙霞覽眺初  
春滿昆明池草綠夢回應有玉堂書

送王岱麓遷山西督學

金馬石渠同校理燕山晉水各睽離箕裘齊魯推名閥



衿佩河汾仰令儀舊俗猶傳讓  
仲淹此去元經作好寄雲霄慰所思

送張陸泉通判嘉禾

海嶠春風江國迴楚江秋月陸泉孤  
平生獨擅湘蘼賦  
此去遙分構李符腴壤祗今多莽草  
橫塘空復散鷗鳧  
使君聞道催科拙出駕扁舟詠綠蒲

送陳進士羽卿南陽推官

平生知遇在文場鉅郡今分司理章  
科重賢良稱士價  
志存明允即官方城邊清水波流潤  
閣外桐山草樹長  
莫向都臺惜遙別清風應上臥龍岡

蒲翁席上贈水南殿撰奉使德藩兼便道展觀和

丙方先生集卷五

十一

三渠原韻時同館俱有作

螭頭聯佩鎮相親雨露長沾獻納臣  
持節暫辭金馬署  
舉帷遙發玉河濱潘輿日暖瞻依切  
魯殿雲深覽眺伸  
莫向吳江重留滯仙曹應迓鳳池春

送鄭希周守澤州

太行山色繞高都千里提封此佩符  
唐晉餘風稱儉樸  
使君清德擅文儒官齋訟簡圖書靜  
民舍春回草木蘇  
奏計他時應陟最廟堂今正問流逋

送陳經歷遷台州判官

昔從五嶺參戎幕今向三巴判郡章  
海內風塵蹤跡迴  
天涯霜雪鬢毛蒼由來此地雄全蜀  
况復平生重故鄉

為語荆門黎別駕共將撫字荅君王

褒典光潛為袁大尹賦

天邊遙度王喬舄海上還尋葛令砂  
奏計彤庭瞻日月  
承恩丹誥捧雲霞玄臺冠服悲衣綵  
故里笙歌喜過家  
嶺嶠不煩重露冕巖廊端擬更宣麻

遊廬山東林寺

寒帷結隊發江潯拂樹捫蘿上碧岑  
香霧平遮巖洞黑  
寒泉細澗石壇深雨餘不倦衝泥興  
雲起甯知出岫心  
忽到東林媿真隱虎溪蓮社一追尋

遊九華山化城寺時韓太守以正張別駕以寬同行

行

丙方先生集卷五

十三

松巖石磴轉龍嵒九朵芙蓉縹渺通  
高館虛連翠屏溼  
長林遙落綺霞紅千重嵐氣斜陽外  
百道泉聲亂石中  
勝地偶來陪五馬白雲還擬逐飛鴻  
未至九華二十里  
有玩花亭翠屏綺  
霞皆其  
峯名也

遊齊山

攜壺結客上丹梯十里峯巒盡  
齊碧水已消蒼玉峽  
黃花猶遠翠薇隄巖亭水落參差見  
石洞雲深宛轉迷  
人代推移山未改滿前煙景夕陽低

過天津望海口

鳴簫伐鼓揚高舫明本舸曲岸迴洲波  
浪遙晴日帆開雲  
樹杪曉風人聽海門潮孤城樓閣含  
空闊萬里魚龍鎖



寂寥便欲乘槎媿，羈帶蘋花深處羨漁樵。

野泊

鎮日冥冥風浪頻，孤村寒月更愁人。黃昏進艇傍迴港，古樹唳鴉緣去津。行李獨衝江上雪，遲迴應媿病中身。遙看隔岸梅花動，正想追趨禁閣春。

登博望山亭次韻呈寶明府

臺側高亭明本作臺當古驛，短垣疏牖坐來清。濃煙密竹斜行徑，落日層岡曲抱城。客裏雲霄勞騁望，病中伊洛愧經行。臥龍寂寞邱原在，惟有春農帶雨耕。

至前一日過承休王復齋

賢王池館接深宮，別院閒齋結構同。金榜曉霞開爛漫，

內方先生集卷五

碧牕晴日照玲瓏。榻留散帙香先動，牆覆名花雪半融。更喜明朝回玉律，回羅應醉小春風。

送張犀浦方伯入粵

瘴海炎州憶祝融，使君持節慰蠻戎。三秋鵬徙扶搖上，八月槎浮牛斗中。翡翠還應來異國，鷄鶡無事避長風。荒碛絕島沾恩澤，不數當時陸賈功。

宿龍虎潭

帆落澄江帶夕曛，水鷺沙雁晚成羣。漁舟宿處饒花竹，遊子行程伴水雲。玉漱拖煙沈漢佩，綠荷擎露溼湘裙。修岑明月施殘黛，淺水微風動碧紋。

出江奉次家君子時上元明日也

燈火夜來春酒醒，江上數峯迢遞青。武昌依舊悲孟德，汨羅此去懷騷經。惟應慷慨弔鸚鵡，且復汗漫遊滄溟。江薩沅芷思千載，繚繞山川歸翰屏。

江行雜詠四首

畫鷁飄蓬楚澤溥，雨餘芳草滯歸心。風生南浦千江浪，雲合西山十畝陰。獨樹清風臨野戶，一帆斜日掛疏林。芙蓉寂寞芳洲遠，惆悵江邊自楚吟。

漂泊空懷運海輪，越歌清響答江湍。虬龍夜占千巖峻，風雨朝生萬壑寒。煙織林梢看更遠，月明葭菼夢初安。渚蘭汀芷年華盡，長鈇飄零醉欲彈。

七澤三湘島嶼輕，躋攀贏得雨初晴。藤低古木猿偷掛，

內方先生集卷五

籬對澄江犬獨行。山水未諧鍾子調，廟堂已識范公情。登臨慷慨思千里，回首汀洲落雁聲。

湖海真成汗漫遊，洞庭橘柚萬陂秋。石衝巨浪巖爭險，樹遶寒泉逕轉幽。竹屋傍山雲滿戶，漁舟臨水月隨鉤。湘江不盡東流意，斑竹蒼梧起暮愁。

食鱸次老杜鱸魚二首

稚子初煮鱸魚熟，一箸春盤嘗更新。已無鱗骨自可口，總爲脂膏卻陷身。酒杯詩客臉初暈，筍瀝津人術亦神。底貢還充大官食，萬里應慚橫海鱗。

漁舟煙棹楚江春，浪裏鱸魚上釣新。鼎俎尋常還餉客，江湖長大不容身。獨憐丙穴頭顱迴，未許南溟羽翼神。



玉筋金盤重回首更慚無處學批鱗

友梅為王生

萬樹垂垂散綺花  
寒徑仄亦從遮  
疏枝冷葉風初動  
弄影含香月半斜  
春信忽驚傳雪後  
鄉愁誰遣亂天涯  
相看長作巡簷笑  
疑在孤山處士家

江夜聞鐘

珠閣昏鐘竹樹林  
晚風蕭瑟到江潯  
數迴嘹唳人初靜  
獨聽遠巡意轉深  
孤鶴棲雲寒自唳  
臥龍吹雨夜還吟  
乘風欲到招提境  
月落山空何處尋

賈太傅宅二首

相逢痛哭為誰哀  
疏逖何人可作媒  
經國元須通達士

內方先生集卷五

十五

少年空負治安才  
遺文湘水悲蘭菑  
舊宅長沙掩草萊  
搖落江山卑溼地  
主人顛顛鵬飛來

禮樂封章年少日  
鬼神宣室夜深時  
勃嬰數語交應淺  
表餌千年策亦奇  
梁國馬嘶空自毀  
漢家火厝竟誰知  
荒臺廢井埋春草  
落日唯餘鳥鵲悲

春江二首

紅鮮綠溼水雲輕  
潦倒春風趁此行  
芳草有情空憶別  
好山無數不知名  
低看檣燕臨江語  
巧聽林鶯隔岸聲  
泊近芳洲蘭菑碧  
滿山明月不勝情

瀟湘春水片帆輕  
寂寂青山伴客行  
帝子不來猶有淚  
騷人去後賸知名  
飄零物序花千樹  
消遣春風鳥一聲

嶺粵山川從此勝  
天涯無限別離情

雍王故宮 在衡州

碧蘇斜封輦路遙  
宮中歌舞漫蕭條  
鳳樓人去春無主  
翠殿香寒雀自囀  
零落苑花無復賞  
依稀宮樹半為樵  
時伐其樹以給軍 徘徊獨有當時月  
深夜芳櫳照寂寥

清湘道中

聞道湘中山水勝  
百年青眼為渠開  
一雙白鶴雲中出  
百丈寒泉樹裏來  
春漲野濤流澗雨  
晴山月下崔嵬  
美人迢遞湘江在  
翠篠丹楓起暮哀

風洞山 在桂林

山界藤蘿複磴斜  
白雲攜我躡餘筇  
天風穿穴飄珠液

內方先生集卷五

十六

山色滿樓飛綵霞  
山有疊綵樓 松桂當將僧作主  
石巖堪與客為家  
平生吟賞今應勝  
珍重閣黎護碧紗

棲霞洞二首

在桂林七星巖下云鄭冠卿遇日華月華君子此

複磴迴巒得暫登  
紫芝門外護蒼藤  
瓊漿瀝灑聲偷落  
巖壁玲瓏勢欲崩  
松子飽棲丹頂鶴  
石牀高臥白頭僧  
碧桃花發三春雨  
玉笛聲沈五月冰

翠岫玄巖凌紫極  
碧霞深鎖月華宮  
空中若有諸峯秀  
隙處唯應一竅通  
洞裏瓊芝培玉乳  
門前孤鶴伴喬松  
臨風欲藉當時筵  
吹落瀟江月滿空

送僧鶴峯還山

上方鶴唳禪關迴  
遠障雲連法座高  
祇樹夜樓庭外月



玉泉寒瀉鉢中濤雪深鷺嶺聞鐘磬秋盡雞園落羽毛  
魯叟瞿曇籠絡異不知何地是鳴皋

九日城上作

露華霜葉漸霏微萸菊寒蕪楚雁飛風日蕭條悲往昔  
江潭顛顛惜芳菲多情無那逢佳節高興何當遣白衣  
悵望龍山堪酌酌江城短帽對斜暉

踏雪四首

雪滿西湖處士家灞橋清興在梅花雲連水國迷黃竹  
風颭平川起白沙瀟灑免圍懷郢曲迢迢銀漢憶星槎  
共君醉踏瓊瑤碎嘯斷寒江幾樹鴉

瑤城十二點羣鴉澤國風光入釣槎寒雁歸來迷舊渚

內方先生集卷五

七

霜駮驕欲躡寒沙瓊樓窈窕垂銀幌琪樹玲瓏著綺花  
興發山陰明月夜剡溪何必到君家

海上冰桃初放藥月中霜桂已生花光搖水郭三湘舸  
白盡寒江十里沙未見早梅傳驛使更乘明月放仙槎  
峻嶒不盡孤山興腸斷昏鐘與暮鴉

銀河低接鵲橋鴉瓊宇遙乘博望槎白帝過時排羽蓋  
玉龍飛處起風沙月羞豔態猶藏魄梅鬪輕妖欲放花  
授簡擬成梁苑賦籠鵝先到右軍家

登岳陽樓

牕前明月千年主檻外波濤萬古狂始信空中有樓閣  
也須范老此文章湖山寂寞憑臨少雲物依稀倚嘯長

更欲乘風向寥廓滿天煙雨下瀟湘

南岡

南岡岡上草堂成林木蕭森湖水清背郭遙看雲夢盡  
開牕半見漢江橫秋來蘿薜緣階細歸去鳧鷖傍舸行  
魚鱗乍肥香稻熟一樽長醉菊花英

南岡席上有贈

黃鵠山前碧玉流白蘋花畔木蘭舟清樽聊醉軒中月  
叢菊新開江上秋客裏可堪聞塞雁愁中猶得伴沙鷗  
長安不見空雲水何日聯鑣到鳳樓

芝蘭

妙品曾同出上方結根垂葉共芬芳洞中仙去春初長

內方先生集卷五

六

月裏人稀秋更香霞氣乍浮園綺酒霜風先動屈平裳  
商巖澧浦俱寥落碧水青山空夕陽

賦吳氏素扇

露華風色滿江樓誰道幽人一握秋象齒初憐寒玉碎  
剡藤潭訝白雲流清霜皓雪元相映素腕纖裳擬共愁  
惟有班姬解相惜彩毫欲寫漢宮憂

九日蕉林二首

九日風煙逼莫秋江天羈思獨蕭颯白衣不盡黃花興  
短帽聊爲大別留萬里浮雲長自蔽百年壯志尙須酬  
摧殘未惜蘭芳歇漂泊惟憂肉食謀

秋盡江潭生濁流扁舟邂逅迴添愁紫薇省下前年別



黃鶴樓邊此日留山斷漢陽橫野樹水連鸚鵡落芳洲  
徘徊共有憂時淚淡蕩誰憐萬里鷗

鄧氏慶源冊

慶源波接楚江津紅杏長桑照漢濱前代衣冠垂九葉  
故鄉尊俎重三賓洞中見說餘丹鼎畫裏驚看有逸民  
共羨風流今更盛一枝玉樹照青春

團江寄三曹

漢皋月夕同披豁落日團山感別離畫舸忽乘秋水去  
清樽空枉故人期雙雙江鶴盤渦浴嫋嫋雲林曲嶺垂  
同是惠連詩更細想吟春草在湘湄

沙湖留題圓通寺

內方先生集卷五 五  
鑑湖深處有招提萬里秋濤碧樹齊落日諸天雲水上  
百年高閣漢江西無數鳧鷖當檻浴有時虎豹隔林嘯  
停舟忽縱登臨目錦浪青峯煙霧迷

清溪夜宿懷齊秀九華諸山

秋浦樓臺迷樹色清谿波浪浴鳧雛碧巖星斗更初靜  
絕壁芙蓉興不孤無釣可垂玉鏡裏何人曾泛翠微壺  
扁舟一夕千秋思明月蕭蕭兩岸蘆

卽席贈龍湖李侍御出按浙西便道省覲

李膺風裁漢廷賢天上時聞諫草傳繡斧獨辭京國迴  
霜棱先動使軺前越山此去遙馳馬燕闕長懷捧御筵  
歸觀莫投湘水賦相思應寄石梁篇

送王中川攝南篆

漆園已信非凡吏楚澤元知屬俊才一縣桃花綠海種  
九重春雨自天來明廷親捧琅函出潛壤遙將錦誥開  
莫向松楸悲罔極好輸葵藿到三台

秋潭篇 並序

錦衣張子善氏舊號快秋子中表弟也問義於  
予予謂秋之爲氣蕭瑟愴慄宋大夫之爲悲也  
而顧以爲快則是以天地之摧敗零落者自適  
非通情也近嘗偕子善登雨花臺望江流如帶  
縈迴澄澈顧而樂之因誦常建潭影空人心王  
勃潦水淨而寒潭清之句乃更其號曰秋潭夫

內方先生集卷五 三

秋金也水所生也潭又其幽深者也故空清莫  
如潭而潭至秋尤冽空者足以容也清者足以  
照也深而出之又足以潤也而潭之時義大矣  
子善謙虛而文執素守慤無貴游之習又方事  
鉛槧暨暨弗倦此其志與其所造詎可涯矣邪  
他日爲江爲海有必至者而莫非潭之積也以  
是命號不亦稱歟子善覺憮然遂爲之序而復  
贈以詩知子善者聞之以爲然否

秋來何地覓幽蹤寂歷江潭晚翠重隔浦香分金菡萏  
繞籬花簇玉芙蓉沙明雲淨劇飛鷺浪闊泥深護蟄龍  
日暮水風俱淼淼獨從天際看晴峯



內方先生集卷五

同里後學盧靖校刊

內方先生集卷五

三



丙方先生集卷六

河陽童承敘

五言排律

雨中送駕和研岡二首

春祀瞻陵廟宸遊出帝城豐隆扶翠輦屏翳抗龍旌柳  
色迎鑾細鶯歌向蹕清寢園佳氣合馳道瑞煙平沙軟  
千官擁泥香萬騎鳴精禱勞聖主數傍碧山行  
法駕開雲幕慈闈擁萬城社煙隨綵仗谷雨落青旌春  
豫流鮮澤皇游覽太清沾衣知寵渥潤物感昇平山繞  
鑾輿淨泉當帳殿鳴傳宣戒龍舸還汎玉湖行

過洞庭

丙方先生集卷六

一

神融通瀚海噓噓蕩乾坤吳楚浮還坼瀟湘莽欲吞風  
翻青草渚霧隱白沙村鷗馴雲天闊龍矯日月昏三江  
終到海千里互無門鮫室深吹沫芳洲淺露痕晚霞檣  
鷺沒春漲野濤渾瀾汗元多怪歸虛詎有源孤萍感鄉  
國一葦涉泃沅東海初浮蜃南溟欲化鷗鵬來悲賈誼  
龍去望軒轅汨水靈均節蒼梧帝子魂橘林垂晚實蘭  
畹託孤根澧浦芙蓉遠君山底柱尊川邊求傳說槎上  
泛張騫戒懼中流省盧沖利涉存空慚賦江海更欲訪  
崑崙

贈史秀才

將府時嬉綵儒宮早曳裾藍田生寶玉秋水出芙蓉年

視終軍妙才凌子建疏謝庭多玉樹鄴架富詩書字問  
元亭切經橫絳帳初懷謙保貞素執約抱沖虛勵志雲  
霄迴藏珍江漢餘窺園古所戒長爲惜居諸

詠西陂白鷺

步緩沙疑篆翎疏雪作衣霜谿荷芰矮秋潦鮒魚肥獨  
宿時驚伺低窺忽漫飛纖纖入雲小振振隔江微淺瀨  
衝波立寒莎冒雨歸過湖波共渺別渚月同輝鷺棹棲  
江柳銜魚上石磯白鷗雲水闊獨鶴海天饑南浦新梁  
穩西雝舊事非金丸悲折翼一飽觸危機

題扇面

雪落楓林暮江寒釣艇孤破籬印歸虎斷葦集飛鳧雲

丙方先生集卷六

二

溼羣峯暗天遙一水鋪垂綸自停槳傍岸欲穿蒲暝色  
沈煙浦寒冰生凍鬚歌當暮山白坐對野梅枯江上柴  
扉近歸來攜錦鱸

病懷十八韻

獨抱文園渴誰傳寶笈書避喧宜謝客習靜愛深居伏  
枕昏鐘寂開帷朗月虛牆花入疏牖風葉蓋修除留滯  
驚秋改幽棲與物疏空懸沙苑馬不曳鳳池裾愁劇憎  
詩廢閒多覺氣舒腰羸頻促帶髮短豈勝梳鍊火思丹  
鼎齋心折野蔬存神常閉戶行樂獨緣渠菊蕊連霜撥  
松枝入洞鋤金莖空悵望玉液定何如未信臺駘崇聊  
憑虛扁祛門臨高士駕夢繞省郎廬敢謂心非石真成



質似樗燕臺懸駿馬河水憶嘉魚綵服嬉春宴蘭橈泛  
早葉加餐能努力此外復何餘

朗月篇 八月十五夜作時方待對京師

朗月垂圓景崇軒納素輝尊開佳客遠絃激賞心違流  
火回虛曜纖雲擁紫微寒蛸傍欄語槁葉度林飛元鳥  
先辭宇黃花故倚扉天高過雁驚莎短走蚡城哀角緣  
城起疏螢隔幔微長楊書未奏團扇事應非穆駿留江  
郭邊烽達鎖闥終軍徒慷慨賈誼竟歔歛蘭蕤難爲佩  
絺寒未授衣楚臣悲木落晉掾憶鱸肥卷幌圖書冷閉  
門車馬稀二毛感潘賦三徑望陶歸彈缺何人問湘湄  
有鈞磯

壽桂洲

內方先生集卷六

三

中興逢廿載上相際耆年運洽貞元後時熙弼亮前羣  
仙趨洞府顯氣接台躔粵自長庚降於今甲子旋高翔  
凌碧漢麗藻振芳荃瑣闥瞻依切封章獻替先敷揚歸  
典則沙汰幹機權暫假汾陰節俄清塞微煙廟儀稽禘  
祫郊祀辨壇壝翊贊淵衷契恢張祖制傳清華詞苑貴  
啓沃講帷專形管揮金馬黃麻草木天秩宗仍峻絕典  
禮更精虔聽履星辰上垂紳日月邊倚毗諧眷顧端揆  
宅英賢紫殿師資迴青宮保傅聯九重需雨露四海藉  
陶甄晝接咨詢密時承賚子駢瓊恩關窈窕寶澤構迴  
迥蟒繡焚香著龍章秉燭宣廷紳瞻赤舄中使捧瑤編

道與臬夔合才兼頗牧全坐籌無寇虐入告有顛連吐  
哺延時哲藏汗蓋衆愆元功歸上宰黑髮儼神仙桂擬  
靈椿秀洲憐丹嶠圓金盤羞內膳玉醴酌芳鮮南極明  
河漢東瀛變海田緘傳青鳥使囊授赤松篇從此歌平  
格千齡奉御筵扈聖登元弼匡時起俊賢明刊本多  
未二句

送周式之令虞城

虞風遺縣邑茂宰此停驄落日夷門外青山宛洛中鶴  
書行過汴馬首獨看嵩彭澤秫初種河陽花自紅彈琴  
不出戶飛鳥獨翔空治豈三年久才非百里同君行向  
河洛予病憶崆峒海內慚知已天涯歎轉蓬梁園詞賦  
地莫惜寄詩筒

內方先生集卷六

四

送同年張永清出刺濟甯

矯迹吳門彥分符魯甸遙風塵五馬去海岱一麾搖汝  
泗流芳澤龜鳧建錦標帆檣諸郡會創病到時消事向  
逢迎嬾詩於簿領饒龔黃應不忝賀李可能招曉騎喧  
周道春陽挽脆條輪軒懷帝闕祖帳集王僚叔度知來  
莫何人爲采謠

五言絕句

王夢竹三陟永懷三首

趨庭何聞寂夢寐見容色手澤豈不存傷哉此心盡  
慈烏嗥夜月萱草折秋霜鼎養今雖隆遊子徒徬徨  
涼風起中夜惆悵荆花落友于在遺編孤燈照虛箔



一齋詩四首

湘漢幽棲客乾坤此一齋柴關當絕巘蘿幌接重階  
山藏太古意齋臥白頭人檻篠涵鈿鈿窓雲引鳳麟  
茅屋浸潭月荷衣染洞雲開籠梳鶴髮研露點犧墳  
焚香開薜戶改席坐楓林杳靄千山色冥濛萬古心

明妃怨四首

邊馬黃塵湧胡笳黑水賒漢家薄命妾無語淚琵琶  
落葉愁憐病征衣瘦卻春強來胡井照翻魂畫中身  
堪愛黃金貴嬪妍無定形曾將買辭賦空悔薄丹青  
月浸長門夜霜凝漢苑秋向來悲絕地猶勝嫁氍毹

哭沈宜人十首

丙方先生集卷六

五

明月照清景春風吹豔枝空庭人不見腸斷去年時  
高齋靜綺疏素壁懸鳴琴經春不啓匣無人知夙心  
入門何聞寂獨立時徬徨華鏡照故榻羅幃生舊香  
束髮諧嘉止殷勤二十年自君之去矣憔悴見華顛  
門祚本衰薄兒女復癡嬌思君不能言垂首時空搔  
出門事簪紱歸來問雞黍忽忽不見君彷彿聞君語  
月出臨廣除兒女自學拜牽裙壹何誼我心獨如塊  
我家本儒素君來嗣徽音布裙猶在篋澣濯見君心  
鄰媪羣相過泣涕不能語向來施予心功果今在汝  
禮佛鐙猶在教兒書尚存經春人不見花落掩空門

題南厓子十景

並序

月出

野市

秋夕

粉蝶

躋磴

笳管

振鷺

龍湫



右溪月

涼颯撼喬松 瑇瑁振蒼莽 箕踞發嘯歌 悠然苔清響

右松音

閉門秋雨繁 莓苔生徑曲 朝來入綺疏 佩衣上新綠

右苔色

六言絕句

除夜二首

除夜椒觴慵舉 鄉心遙憶滿湘梅 一枝夜雨楚雲千里春光

寶鼎香飄彩勝華 鎿光照屠蘇 韶華暗催客鬢 羈懷祇對妻孥

內方先生集卷六

七

七言絕句

東澥五首

卜居東澥園林肥 水繞雲環石更奇 爲愛松篁多晚翠 詎隨金谷醉蛾眉

芳樹雕欄曲徑斜 碧雲深處度年華 春來麋鶴渾無事 白日閑庭臥落花

曲臺小院饒花竹 邃宇重軒列畫圖 東澥別來春寂寂 主人非是戀金魚

望益軒前菊半黃 挹清亭外碧蓮香 主人解與花爲友 晚節清姿一樣芳

雲鎖松門石徑深 偶因明月動鄉心 漢儲未決商巖策

聞卻春山十里陰

送張君賢典計壽邸三首

夢野臺前慶歲華 平生詩禮是傳家 衣冠喜駐鄖山節 鄉土欣連澁水涯

壽邸輝煌接玉京 懿親爲善勝東平 先生此去人應羨 紫殿金門曳履行

董生曾作江都相 賈誼長沙國更貧 夜半豈無宣室問 漢庭還擬策天人

奉和趙洪洋通政上元宴岱屏第四首 月館星橋春爛漫 仙才麗景晚招攜 歌鐘十里喧侯第 鎿火千門照御隄

內方先生集卷六

八

帝子樓臺春事饒 星毬火樹映青霄 香分玳瑁芳樽倒 花滿氍毹翠袖飄

上樽新賜鬱金罍 仙管遙鳴弄玉臺 淑景偶逢懽不夜 綺羅結隊畫圖開

龍燈鳳炬夜連輝 畫棟雕梁看啓扉 金罍已留仙客醉 玉盤仍出內家稀

榮光圖四首 羅浮爛漫一枝春 華月祥煙意象新 影落天邊朱鳳翮 光連海上赤虬鱗

鬪色含香春滿林 雪花霜葉未應侵 丹心一點無人識 千里月明湘水深



姑射仙人醉紫霞  
瑤池阿母種桃花  
長安春信年年寄  
不是孤山處士家

讀易樓邊清影孤  
小牕滴露更研硃  
何如月裏花飛錦  
點破先天太極圖

贈後峯陳子二首

雲夢微茫草樹平  
岡巒曲抱漢江城  
主人門巷開寥廓  
時有煙霞向日生

江靜峯橫戶牖新  
牙籤錦軸鎮相親  
山中應有蛟龍窟  
雷雨先驚二月春

錢生卒業北雍復改南  
余既與之進惜其別而貽  
之詩重知遇耳

內方先生集卷六

九

昔年騎馬樅陽郡  
潛岳皖峯羅翠屏  
爾去名山空悵望  
奇雲秀氣拂青冥

爾家相國推名閥  
年少賢關見爾才  
鼓篋兩都知有得  
朱絃清廟正徘徊

送吳中胡應元入南雍四首

蘇湖閩道古多才  
對爾能令青眼開  
觀國獨從霄漢去  
凌雲獻賦幾時來

十二瓊樓天漢濱  
紫雲紅日擁仙人  
若君不是乘槎客  
萬里何緣得問津

金陵壁水舊賢關  
鼓篋談經羨爾還  
冠佩三千盈六館  
回琴點瑟得追攀

吾道江河萬古流  
真源須向此心求  
盧前王後俱沈溺  
好向中流自在舟

送楊西濱入鄒三首

二十年前鄒魯地  
相思今復送君行  
淳風舊是昌平邑  
聖道遙瞻曲阜城

青袍紫綬佐琴堂  
况復遙臨亞聖鄉  
須向泰山瞻氣象  
更將遺俗化虞唐

洙泗河濱考牧勤  
驅黃牝牡錦成羣  
塞淵應贊清朝政  
蕃息真收絕漠勳

送陳二自越歸楚二首

故人北來京國秋  
黃花白酒重淹留  
醉中猶憶舊游處

鵲嶺龜峯鸚鵡洲

內方先生集卷六

十

燕京冰雪十丈強  
遊子南歸關路長  
卻從吳越探奇勝

賸載煙花入故鄉

約吳鵝塘遊迎恩寺四首

長愛朝英多野興  
年年出郭醉春光  
何時載酒同山寺  
織月奇花滿畫廊

有約尋春春已深  
物華時序總驚心  
金鞵遙指洞天路  
十里春臺祗樹林

二月經過花信稀  
高眠長日對春暉  
東林只在城南地  
與爾同尋勝事歸

潛玄不見樓中客  
空負迎恩寺裏春  
奇卉名花今正發



品題應憶采芳人

別徐尙敬二首 句容縣司訓

徐公持鐸下朝端三峽山高俯碧湍縣僻莫曠氈坐冷  
鄭虔會是廣文官

君家漢上本清貧三十年來始發身會見山城盡絃誦  
巴渝風動杏花春

別王天錫往教密縣

相逢京國愧傳經將子春風滿驛亭細柳無勞繫旌旆  
中原髦俊望儀型

密縣遙當河洛勝王生舊是漢江才登臨時復嵩山頂  
詠月吟風爾獨裁

內方先生集卷六 十二

武穆王祠 在巴陵

武穆祠前湖水深松杉岸上護春陰潺湲遙向瀟湘去  
流盡中原父老心

贈僧月岳

荏苒招提四十載飛揚掛錫爲生涯苦行不離鼓漏子  
憑君且謝優曇華

城上秋興

城堞層煙秋日沈空江魚鳥漫同心翻嫌楚客悲蕭瑟  
冷葉寒香晚翠深

遊玄妙觀

閒攜權友上春城忽到瑤壇聽玉笙門外綠蘿人跡少

一林斜日正嘯鶯

扇面

蘆花楓葉半巖秋雨歇風微江自流鴻雁一聲人寂寂  
滿天涼月在孤舟

擬宮詞二十首

椒風前殿夜還開花映簾櫳月映苔忽聽傳呼宮使過  
抽身走入暗中來

不分金河白藕花自慚憔悴舊容華夜深女伴攤錢罷  
閒看流螢度碧紗

御街羅襪不生塵宮草宮花刺眼新謾說三千多寵幸  
就中誰是最憐人

內方先生集卷六 十三

曉向君王賜賞還長街一字佩珊珊白頭宮監呼名姓  
換入迎春第幾班

君王勤政日宵興私語憂勞恐不勝恩詔選隨供奉數  
殿頭儀注未全能

不眠常問夜如何殿角風鈴響漸多記得一聲河滿子  
低低鐙下學人歌

誰說靈犀一點通分明僊島隔塵蹤君王詔幸猗蘭殿  
一派笙歌出九重

娥眉掃罷去朝天正值官家例散鮮見說羊車隨意到  
不教中使口宣傳

風咽銅龍漏點頻君王終日罷遊巡自從少小通閨籍



寂寞長門春復春

春回宮柳綠依依不省天顏咫尺違夜夜花前斜背立  
月明閒數塞鴻飛

御鑪香篆裊狻猊繡戶瓊牕夢不迷長樂鐘殘金炬冷  
建章簾捲玉繩低

服事君王不計年含羞常在御屏前內家最重穿鍼會  
此夕爭誇得巧先

獨倚宮門待月時采恩風動漏聲遲嫦娥多少傷心事  
說向人閒恐未知

淡妝宮樣對菱花雙臂斜封舊絳紗昨夕御前新賜幸  
敢將恩寵向人誇

內方先生集卷六

七

新秋涼露溼華清自譜霓裳坐月明驚起夜烏棲不定  
一聲唳亂第三聲

傳放晨衙逐隊回相將同看牡丹來內園自是春先到  
嫩綠枝頭爛漫開

羅衫重疊淚痕乾夢入巫山一霎難寄語御前諸畫史  
君王曾要繪圖看

笑對妝臺袖拂塵宮扉長掩復誰親閒來學卜金錢事  
細把榮枯問鬼神

飛燕雙雙語畫樓強隨宮伴戲藏鉤君王何處耐笙管  
不解宮中有許愁

宮中行樂未云央不在昭陽在上陽多少才人新被選

一時回首望恩光

秋日再擬宮詞十首

長秋宮掩夜蟲號寶篆香銷月色高睡醒自嗟還自歎  
相如詞賦亦徒勞

夕殿陰深暑氣微隔牕螢火弄輝輝機中織就山河樣  
欲獻君王補袞衣

曲院迴廊月上初風吹桐葉響階除宮中掌使傳宣急  
淡掃蛾眉上鳳輿

萬戶千門秋氣殷龍輿消息斷知聞漏聲偏到妝臺畔  
坐對殘燈欲夜分

三三兩兩不知愁結束羅裙學打毬傍晚忽聞天樂近  
分明只在殿東頭

內方先生集卷六

七

黃金閣子白銀盆浴罷那勝珠翠繁明日御前輸入侍  
相邀同伴一温存

宮街飛鞚走黃門傳說君王在杏園自有一般人侍宴  
倚闌無語又黃昏

瞳矓曉日上金鋪獵獵秋風戰井梧賜得金錢無用處  
閒從女伴鬪擣蒲

玉階曉雨濺牕櫺怯冷移身向畫屏盡日掩簾無一事  
閒教鸚鵡誦心經

官家撿選六宮人分賜金釵一樣新昨夜貪涼眠未覺  
乍驚宣喚只疑真



曉渡玉河橋四首

禁衛月落曙煙開橋上喧聞車馬來萬戶歌鐘連鎖闌  
五雲宮闕護蓬萊

紅葉綠藕玉河秋兩岸朱門列五侯朝來飲馬橋邊過  
寶絡珠纓照碧流

霜駟朝渡赤欄橋柳葉荷盤露未消九陌鐘聲出長樂  
君王應散紫宸朝

百尺飛梁煙霧生雕闌玉寶綺羅行御溝月露生秋興  
駐馬垂鞭聽水聲

杏林曲贈林翁二首

萬樹春風文杏開谿山十里錦成堆道人晝引神仙虎

內方先生集卷六

五

爛漫花中采藥回

種杏從遮仄徑斜竹筇芒屨蹋飛花林中亦有金光草  
掩映春生五色霞

和歐梅贈酬之什爲趙子玉

意氣歐梅本自儕龍圖翰苑接天街別來新什傳嘉興  
酒罍棊枰憶小齋

白頭人去冷芳叢猶記清尊共晚風勝事十年空麗藻  
卻令長望兩仙翁

漢江歌十首

荆山鄂樹照南洲江漢滔滔天際流神女不來雲雨暮  
騷人一去蕙蘭秋

西陽之水接潛沱撥棹仍衝三澨波行吟詞客遠遊去  
臥聽孺子滄浪歌

竟陵城北山葱蒼上有野寺高琳瑯千嶂雲霞繞洞出  
萬樹松杉拂殿長

漢水西從嶓冢流蜀江東連雲夢洲有時蛟龍鬪風雨  
恍惚疑是楚王遊

清江抱村村樹齊水風不動浦雲低嬌女刺船深港裏  
聞歌只在芰荷西

十日放船苦煩熱白舫青簾柰若何沿江豈無好高樹  
岸拆沙崩不敢過

太白連夕太光芒當船欲墮雲蒼涼祗愁塞北煙塵起  
誰信江南民社荒

內方先生集卷六

六

漢水東連吳楚中陽翟賈兒呼北風船頭帆擁浪花白  
柁裏纜牽菱葉紅

江白沙明雲樹紅打鼓鳴橈來岸東誰家女兒太癡小  
看郎刺船高浪中

午時掛席芙蓉渡薄暮牽纜葫蘆灣順風逆浪何意緒  
開牕獨看江雲閒

雲樵歌十三首

斲桂鋤松萬壑前山深鎮日不知還谿雲裊裊履迴磴  
蘿月冥冥垂暗泉

解結山中麋鹿羣澗泉深處獨揮斤歌聲遙落煙霞外



望盡青山不見君

陰陰蘿洞敞巖扉萬樹千峯嘯鳥稀人在翠微歌棧樸  
不知秋露溼荷衣

漢上先生白接羅採樵常怪出山遲已向咸池舉若木  
更從縣圃折瓊枝

何處老翁餐紫芝清泉白石映鬚眉偶逢不敢問名氏  
且看巖頭一局碁

短笠長蓑雲霧開出山入山麋鶴猜溪邊一夕秋風起  
黃葉滿林君未回

樵罷攀蘿上翠巖仙人白鹿紫霞衫相逢贈我玄玄術  
金檢瑤編碧玉函

內方先生集卷六

十七

會稽樵客不羞貧道上謳歌去婦暝一旦佩符歸郡日

馬前方識負薪人

仙人樓閣九天張桂作榱楣杏作梁憐君材是千雲者  
何得塵沙伴野棠

躡蹻揮斤上翠微松枝常掛薜蘿衣迴看下界不知路  
雲破林開始得歸

靄靄雲林虎豹嘯陰陰巖洞薜蘿齊枕薪藉草臥初起  
長嘯歸來山日低

大別山高漢水東松杉繚繞亂雲中君看負擔行吟者  
何似當年荷蕢翁

裊裊煙蘿細可捫採樵歸去夕陽昏山迴溪轉無人跡

一木橫斜石洞門

沙頭歌四首

岸柳溪桃春可憐沙村漠漠浸湖天魚簪斜掛洲前月  
賈舶遙炊日暮煙

江漢濤翻楚澤東沙湖迢遞宅魚龍九真山下桃花月  
三汊河邊蘆葉風

鮫女蘭舟桂作橈水光顏色不勝嬌尋珠窈窕臨流照  
忽墮釵頭雙鳳翹

水月江雲鳴鶴鷺浦離岸芷睡鴉鵲蕭條獨有千里客  
怨綠愁紅無限情

武夷樵歌四首送建甯周推官

內方先生集卷六

六

攢峯杳嶂闕玄靈繞澗飛泉曲曲清君駐輶軒問舊侶

山川猶自識先生

秋澗遙停九曲船雲光嵐色滿修川開簾忽憶紫陽興  
鶴駕冥冥凌紫煙

石嶺高標天柱峯虹煙縹緲麗秋容扳蘿直上三千丈  
長望燕關百二重

聞道龍湫落紫巖石蘿瑤草自毵毵月明風淨秋如洗  
三十六峯搖碧潭

勤王凱歌四首爲廣昌令作

南州大將掃凶氛插羽遙徵龍虎軍角鼓夜喧廬阜月  
牙旗晴掣楚江雲



戰艦征帆江上來揚旗搥鼓勢如雷降王謀業緣何事  
十萬蠻兵頃刻摧

湖上樓船殺氣催水軍百萬廣昌來九江城作屯兵地  
五老峯爲繫馬臺

水映旌旗日照營笑談克復豫章城金城錦繡煙塵淨  
天子親開麟閣迎

馬當

一片秋帆萬里航小孤東下接彭郎九江十月濤如雪  
更說前山是馬當

苦寒行十首雪夜作

凍雲忽釀西山雪入夜瓊瑤落鳳城十里御河冰不散

內方先生集卷六 九

龍旗虎帳尙南征

燕京仲冬雪始落裊雲停日更含風袁安今作天涯客  
高臥還聞塞上鴻

燕京女兒嬌不鬢雪花遙映靚妝新貂裘繡綺青樓上  
不信關山踏雪人

寒風初起塞塵多積霰沈雲鳥不過遷客做裘秦嶺外  
將軍半夜渡交河

絳燭金罍擁紫貂侯宮戚館互招邀兒童掃雪還相笑  
莫作冰山恐易消

帝子鳴鸞獵騎迴雪中鎧仗錦成堆彎弓射虎誇名將  
授簡題詩羨上才

雪落陰山冰不消羽書遙起霍嫖姚秦皇漢武緣何事  
莫遣將軍更度遼

抱膝長安風雪時胡笳羌笛不勝悲塞鴻遠向江南去  
泣盡瀟湘斑竹枝

寒夜孤燈彈鋏初病來息馬復懸車雪深誰作梁園賦  
雁去空題北海詩

滕六飛來雪霧黃山僵海凍日無光行人莫歎堅冰至  
昨夜西風已履霜

題丁大尹菟菜

菟菜新齊承露團野人采擷慰朝餐能添繞席新芻色  
好貯高門白玉盤

內方先生集卷六 三

送友

故人遙別楚江頭春水滔滔夢渚流明日片帆何處宿  
鳥聲空滿綠楊洲

聽鶯曲

江上遊人自怯春岸容山色晚來新桃花半逐東風落  
葉底黃鸝似喚人

清明偶書

江上逢春爲客久雙眸纔向雨中開忽驚楊柳柔條綠  
知是清明節又催

詩餘

水調歌頭辭七首



脫纓辭鳳闕杖到柴關正遇黃虞端拱海嶽共清安  
金殿夜歸蓮炬玉苑春隨翠輦長醉醴筵還猶憶同遊  
處華簪插牡丹 展經綸調化育起彫殘卻向鹽梅舟  
楫乞得此身閒綠野風煙淡蕩平泉草木扶疏舊約未  
會寒何處修初服羅浮是故山

樵嶺幽棲處湟溪別有園卻憶垂紳端笏朝野倚危安  
十載經綸密勿一代麒麟勳業收拾振衣還鶴髮今猶  
黑葵心老更丹 傀儡場邯鄲夢任摧殘占斷藥洲花  
鳴心與白鷗閒憶昔束書曾去而今買屐重來松蘚尚  
清寒抱膝林邊月支頤海上山

養羸親藥裹卻跡掩花關天上金莖玉露何似得歸安

丙方先生集卷六

三

四海功成調燮萬里心游澹泊早向青松還旋覓安期  
東遙尋勾漏丹 鍊精神駐顏色起衰殘况是羅浮咫  
尺鶴老野雲閒朝飲瓊漿石髓暮宿璇房瑤室七十二  
峯寒歲歲春宵月梅花滿近山

綵鳳初承詔青牛又出關鐘鼎山林隨分惟取此心安  
且辨浮邱杖屨徧躡朱明門戶萬里羨頻還五嶺參天  
秀重溟浴日丹 記趨朝歸紫閣禁鐘殘一逐漁樵舊  
侶海畔詠歌閒林下紫芝黃蘗洞口玄猿白鹿蘿月照  
人寒欲問平章事雲煙滿碧山

南浮溟海檝北望薊門關不負主恩臣節去就總爲安  
香滿宮庭鏹幣雲擁都城車馬應似兩疏還笑採松花

老時餐荔子丹 海上風山閒月久闌殘百歲流光倏  
忽何日是餘閒籬下淵明酒醉洞裏希夷夢醒那復問  
暄寒少微牛斗外光動越王山

抽簪辭秘閣祖帳出陽關喜見功成身退况遇九重安  
卻謝清朝伊傅去作聖時巢許遙跨五羊還洞鎖金芝  
草鑪燒雲母丹 鏡裏容簪中髮未衰殘不入鸞臺鳳  
閣始覺道心閒管領清泉白石長伴赤松翠竹一任雪  
霜寒應憶扶筇處青天月滿山

歸來臥衡宇門設晝常關獨倚南牕寄傲容膝易爲安  
乘輿攜壺植杖隨處經邱尋壑雲出自飛還藹藹春疇  
綠欣欣夏木丹 顧田園撫松菊半荒殘惆悵心爲形

丙方先生集卷六

三

役宇內幾人間且請息交遺世聊復樂天乘化留去任  
炎寒賦詩臨曲水舒嘯上東山

丙方先生集卷六

同里後學盧靖校刊



賦

感別賦 並序

序曰夫離攜之感友生所共悲也况乎割席分  
 簪辭羣棄好慷慨之士不能無懷矣夫子立易  
 敬踴行多蹟誠以特足者貴輔冥赴者貴引也  
 昔仲尼表德於益友子夏興嗟於索居豈不以  
 良朋鮮邁峻德難成者哉是故鍾期既去伯牙  
 絕絃晏子弗辭越石請去何也感於已知而卻  
 於不己知也是故編椽末管爨釜餘薪遭時則

丙方先生集卷七

一

聲諧雅律質配君子純鈎鑊鉚泉阿湛盧世無  
 風胡薛燭不過汗塗而已嗟乎此仲舒所以感  
 賦於不遇也若乃鴻鵠高翔燕雀莫知其志騏  
 驎千里駑駘罕並其駕顧非其儷已然秋蓬倚  
 麻句者為直泰華載木卑者為崇託處之道然  
 也是以清濁並吸尾閭所以廣匯砥礪交磋璜  
 琚所以瑩輝故聖人有起予之益君子有容眾  
 之資所以廣教而弼德也龍湖君淵尚之操黼  
 藻之才器本廟廊名颺霄漢如僕錄錄本非傳  
 匹也然託附登朝猥先下榻入造金閨則聯珂  
 接席出辭瑣闥則並轡齊軒加之形迹靡存肝

膈既晰言同如蘭之臭行受麗澤之益自謂交  
 驩可罄永以為好矣今君辭闕造湘投榮航寂  
 揚舲江湖莫知其遠託跡山林伊深而密夫應  
 龍之蟄以時晦也冥鴻之舉奮其志也是故參  
 者無所試其術爵羅無所施其巧豈非蓄沖天  
 之翎養乘風之翼者哉夫契深則誼專跡近則  
 情洽臨歧送歸踟躕多感把袂贈言款款彌篤  
 有生之交孰無嬰懷是以易水悲歌壯士為之  
 怒髮河梁執手遊子為之徘徊矧夫怨流去際  
 恨生別外者耶夫匹鳥翔霄臨風必顧其侶孤  
 獸在野伏草思索其羣物之情也故千里論心

丙方先生集卷七

二

有如抵掌因風想故形神如在豈以遠近異情  
 聚散殊致哉嗟乎忠臣去國不渝其節達人體  
 道匪徇其名勛哉令德難崇清時易擲行矣自  
 愛儻藜桂未招則東山難臥矣空谷之駒愛而  
 莫繫豐城之劍離而終合于是感而賦之匪直  
 言別意申久要云爾

夏滔滔以赫蒸兮鬱繁卉之蘆蕭表朔旬之遙遷兮易  
 漉淅以潤滌焱飄發而碭駭兮瞰朝出兮照臨叶音隆音飭  
 祝融使先導兮駕飛廉與豐隆駟元螭而服瑤象兮載  
 蟻略之龍軒揚桂旂之蜿蜒兮樹翩翩之翠旂冠切雲  
 以岌業兮佩瑤琚之委蛇纁蘭衿以芬菲兮撫湛盧之



陸離乘元駟以馳騁兮日維戊兮君以行審朝發此幽  
都兮夕弭節于瀟湘雲晡靄以承蓋兮颺芳塵于車下  
登遐隴以相睨兮將以送夫遠者折瓊枝以爲驢兮攬  
蕙茝以爲贈傷旣祖而將發兮心嬋媛而靡定開廣筵  
之秩秩兮屯眾軒之繽紛酌桂漿之清涼兮烝蕙肴之  
芳馨緬瑤瑟而高張兮鳴笙觶而交鼓揚歛謳以緩節  
兮羌窈窕以會舞飛觥引以留連兮僕夫告余以夙駕  
心繾綣而難言兮將以繼夫昏夜登修途以發軔兮總  
君轡以上下余令鳳凰縹馬兮反謂余以不諒彼鳩鳩  
之佻惡兮非余心之所尙爰慷慨以陳詞兮眇莫知其  
所云也指曠日以爲盟兮冀交忠而期信字典一也覽音新

內方先生集卷七

三

璇臺之駮賦兮貝宮羅以嵯峩陳蘭橈而玉鎮兮爛雲  
霞之旖旎韻補叶蔥珩鳴而有跽兮曳織裾之嫋嫋嫩  
人望余而含睇兮審又詒以芳藻旣綢繆而目成兮胡  
猶豫而遠去不念昔而余棄兮胡不察夫下女余旣悲  
金蘭之伊阻兮恐修能之日隊眾眩耀而溷濁兮孰云  
寤而不余慙彼慢惰以背倘兮余又焉能忍而爲此態  
君獨察余之中情兮排滃霧而下招選追趨於閭闔兮  
聊遲遲以逍遙登雲達之逶迤兮齊玉鑾之鏘鏘躡天  
庭之清塵兮望青雲之末光捐微軀以相從兮目高穹  
以爲期資靈修之浩蕩兮芳耿耿其猶未衰伊流水之  
絕響兮悵心期之莫同也彼樹中之甘饑兮亦所交之

忠也臨周道而不見兮胡寧忍而釋此嗟山巒之遠遠  
兮羌形往而神邇望瀟湘之淼淼兮木葉下兮洞庭湘  
娥鼓瑟兮九疑揚靈君臨眺以容與兮豈遺世而逃名  
懷君心之耿介兮蹇留連而恂怛目眈眈而延佇兮情  
膠鬪以獨往覽松桂其莫攀兮豈能服乎蕭艾汨吾從  
此鸞皇兮高翺翔之翾翾揭招搖之洪旃兮建太乙之  
靈旂服白霓之裳兮披紫霞之衣折鄧林以爲策兮命  
織阿以爲御天吳爲余奔走兮元冥爲余先路周崑崙  
與咸池兮歷縣圃而遵赤水采若木之芳桂兮餐瑤華  
之落藥吾將超混沌而凌鴻濛兮吸日月之元精揭斗  
杓而射欃槍兮使夫元化之謐寧又恐世之謠詠兮反

內方先生集卷七

四

謂余以不信撰余轡其焉之兮蜷彷徨而不進恇偃蹇  
而太息兮悲邇迴之遠道撫海嶽而望君兮又安能從  
夫所好亂曰噫嘻湘中之人兮莫我留兮何熒獨而寡  
仇苟中情其信亮兮又何恤乎離憂勉修姱以成言兮  
聊以慰夫好速

觀仙壇落花賦

並序

嘉靖戊子仲春望日余遊玄妙之觀登閣憑軒  
顧落花而感之抽毫作賦臨眺成篇匪嬰情於  
落英期無負于登高耳閣卽劉陶二生讀書所  
緣書以貽之賦曰  
朝振策以騁目臨玉虛之立宮步瑤壇之窈窕陟峭閣



之玲瓏春熹微而就杪草綠縛而披茸條已抽而布葉  
華漸凋而辭叢合纖陽以翳日逐霏煙而翔風捐明璫  
而錯綵委輕綃而卷紅池無魚而半落逕來鶴而遙通  
既浮漪而沈濁亦拂檻而掠牕或聯絲而結隊或倚旒  
而矜容或濛濛而垂雨或嫋嫋而颺空伊桃李之灼耀  
敷仙葩而折葉屬洪鈞之播氣樂淑景之延晷託芳園  
而流芬鬱蒸霞而結綺何嘉辰之奄忽去故柯而見委  
繁春序之靡常胡妍華之足恃彼達觀以齊物固芟繁  
而汰滓略紛麗而存質葆貞期而返始慨榮悴之異時  
感慘舒于玄理日暉暉而墮城鳥嚶嚶而隔水腸紆結  
而九迴憑欄軒而十徙

內方先生集卷七

五

石齋賦

貞介先生辟翳薙蒼崇址葺宇墜坏紫壇藥房蕙圃前  
有磐石嶄然峙焉礫礫柯柯參差崔嵬先生樂之以名  
其齋他日以語洞幾子曰狀如何也先生曰高矣厚矣  
功施茂矣粹矣靜矣厥靈美矣上干星辰下含坤精瓌  
奇瑋怪莫可殫名洞幾子曰請爲先生賦之先生曰唯  
唯原夫鉅石之所生兮陰陽棼以縕結秉天地之剛健  
兮記大休之盤宅誓巖崕以紆複兮標特建而嶙嶙勢  
崛壘而蓬勃兮根磅礴以礪礪負巉嶮而表廣衍兮臨  
巨壑之漪瀾穎祥鍾而外發兮華粹舒以中起爾其抱  
岷控峩枕嶽跨江硯硯磊磊崑崙崇隆壘壘磷磷蹇蹇產

詰屈峻龍摧萎施靡鬱律望之蚴蟉若螭龍之曲勃也  
頽而察之猊蹲虎伏鳳鳥狝猶乍夷儵詭造化罔擅其  
工巧鬼神莫測其剗剗其上則彤雲紺霞觸之駸駸  
聲上膚寸而起絢若繪綵霏霏叩叩斐疊繼離霽對剛  
聯縣曼靡俄而湫湫淒淒靄激雨施較鞫沸渭漣漣淋  
漓豐澤布濩品物含滋歆騰霧斂歸之寥希於是瓊芝  
瑤草石蘭巖芷吐芬揚烈穴穿壁綴穠葩蔭蔭繁葉葳  
飀偃蹇繚糾必芴蕞靡廢壽麇麇牲牲泔泔其下則涌  
醴滲津激汰汨瀾清泉透蓮華池波漫臨坻注河迴江  
溢川機駭矢發渾渾油油被以藻蘋緣以若蘅揭車射  
干旃菱羅生鴻鵠鷓鴣鯉鱖載浮載泳隨流赴淙

內方先生集卷七

六

若迺森騰雲涌跳波擊瀨旬磴磴磅瀟瀟澎湃駭波迅  
復破礪芻芻地徹天豁島摧厓磳砥柱峯嶺迴瀾障沫  
陽侯不能嘍泐天吳不能破錯其中則硬礪礪砥瑛瑰  
瑤珉青熒焯燦駁萃璘彬于是升明堂振韶鈞薦清廟  
鳴球琳建瑤虞絃玉琴珩琚璜瑛踰踰肅離璋瓊芬馨  
肝饗豐融嘉神人之悅豫展駿奔之穆容所以昭假蒿  
焄而福祿來同也蓋沔國之至崇也願稽玉趾敢據素  
情公子迺奉帷而揖伏軾而聽父老曰在魯周封汝漢  
向風故喬木興漢廣之詠四月行南紀之雄禹鑿大別  
之磯楚跨雲夢之概表延幡岷之流逶迤沅湘之派方  
斯時也迺左迺右于疆于理土夷曠以無廡兮水漣漪



而瀾瀾紛疇澤以區別兮又陂隴之千里溉苗畝而霑  
渥兮原隰墾其既平積高廩于有秋兮百室開而恆盈  
潛鱸鮪與魴鱖兮加鱖鱠鯉之美肥披荏菹及葭葦  
兮雜鐘籠篳篥于江隈亦有雁鳧鷓鴣鴻鵠鴛鴦兮集  
芡菱蘋藻以振羽麇麋麋之儻俟兮鼃鼃蝮蛇而潛  
處于是有漁有樵有獵有耕業既饒沃民迺育生夫何  
時遷運改樂極患隨天有所弗卹地有所弗悲貽茲土  
之懷襄兮奚卒瘁夫下民江洶洶日溢湧兮河譚泛而  
易漚灑瀕遠以流沴兮厥波汙而溷濁合襄源之迂派  
兮匯四野而成壑其始至也驚湍萬狀駭波千里奮乎  
雷轟突乎山圯搏之者折激之者碎厲之者沈揭之者

內方先生集卷七

七

斃決隄防溢廬室泛溝遂漂稼穡洪濤滄瀾萬井傾側  
長波浩漭百川涌滄怒如牛鳴奔如虎翔蒼兮雲蒸蔚  
兮霧茫騰波赴勢擊瀨鳴淙其既至也噓噏江沱滌濯  
漢川其深如淵其廣如天沖融混養濇滂漫瀛澗澗  
淪洩濟汗瀾測之若海望之若洋涉之靡崖濟之靡航  
于是北極七澤之瀦西窮五華之峰東厯滄浪之澗南  
盡瀟湘之江皆岸裂川潰城復隍決草腐木朽疆斷理  
絕注大壑于歸墟慨唯民之厲階既震撼于巢窟亦浮  
游于降厓若乃蹈洪浸兮鼃鱉伺于靡齒湛重淵兮彼  
臭穢而浮屍骸骸漂泊兮摧濁浪之激烈逝日滔滔兮  
淼淼兮其安之而使流離沈滯之鬼蕩漾不返之魂晝

偃蹇于汪濊夜慘惋于江濱是蓋神堯慨歎乎博施夏  
后胼胝于疏鑿精衛悲憤而銜石文犀崛起而然角鯨  
肆妙用覃布無外大徹鉅麗微極眇細媧皇煉色玉衡  
酌歲泗濱浮瑞商說作礪隋龢抱璞且縣加脍或具瞻  
南山或搗藻石渠皆則象而埒德亦淬砥而琢瑚若夫  
惠風微煥朱陽流景清沙碧苔鮮葩脆梗蔥蔥芊芊色  
閒意靚幽禽浴池戲藻牽荇鳴聲相和水波澄靜或微  
霜下零眾卉銷落嵐浮潦清蘿盤薜剝夕露厭浥涼月  
沈魄蜉蝣鳴呬元洞驚鶴聲悲氣慄寥泬虛廓爰有鴻  
賢碩士棲真葆靈澡心淪體搜賸採冥迥開璇房鑿瑤  
臺對碣石而啟疏敞洞戶之皚皚傲墳索以容與精神

內方先生集卷七

八

察而元鬱開于是命英侶抽素毫奏雅絃登芳醪餐石  
髓之如華漱玉液以飄飄因稱曰繫磐石兮臨曲池戒  
逸豫兮惜清時彰微辯兮炳先幾保真愨兮長棲遲客  
亦稱曰維石兮巖巖奠坤軸兮靈德宣都房顯敞樂以  
衍延壽益祜千萬年

閱水賦 並序

序曰夫蕭條者萬物之變也流離者有生之厄  
也自霍雨降災洪水汎濫漢沔之墟幾于陸沈  
居產漸盡百物胥溺道殣流移偃仰呻吟之狀  
縱橫城野遂使春燕歸以木棲秋鴻過而長唳  
稜氣所被將無感傷至齋哉昔鄭俠繪圖君子



稱善今郡不啻數萬戶而昏墊之災人各異狀  
縑素寂寥宜有不能盡寫者愚竊悲之爰造斯  
賦聞寡見麤辭慳調邇蓋覩縷而不能悉也賦

曰

王沙公子收唵發興戒御勅騶周遊乎竟陵之陸長眺  
乎江漢之流裴哀大隄之旁躊躇故城之上物蹇產而  
凋零景蕭森而板蕩情愴怛以膠擱心切怛而怔悵還  
過三澨道見漢津父老召而問曰何爲其然也父老撫  
膺而長喟攬涕而前陳曰痛乎公子之問人命避巧于  
構室靈胥躍怒于潮波陽侯效力于水窟支祈競怒于  
洪河誠皇天之降威匪斯人所能和也公子悵然有閒

內方先生集卷七

九

曰嗟乎詩詠靡遺之災書紀阻饑之厄今時則然矣若  
夫民之罹病也顛頓之狀得無異乎父老曰殷雷震威  
蝮蝮搆虐雲滄風迅電激雨作鬱氣滄渤繁湮濡滋林  
樹霧迷寰宇晝失黶黶氤氳泉濶瀟瀟澗硤沈沈沙  
漱石韜三光潛列曜溢天潢瀉丹壑浸淫凋瘵之心沈  
淪顛頓之身煙寂寥而絕炊室垂罄以無營愁雞鳴于  
如晦嗟羶羊之晝行爾其濛密漣瀣沸滂沛旣彌月  
以逾旬眾殄瘁而訂潰物胥滄而靡子路淤滯而罕通  
遂藉疾而煨痃爰抱瘵以長終公子曰若是其甚乎父  
老曰巽二煽赫封姨肆酷噓撼乾維吸收坤軸江海  
涌谷轉山頽浪翻波詭岸裂雲迴水怪破碣河伯崔嵬

徹若地拆豁若天開龍飛揚以瞋目虬騰驤而飛沫鯉  
一角而噴浪鷓九首而滑渤厓隙爲之泐嘖區夏爲之  
濁昏居飄飄於驚颿舟摧折于深湍或挈妻以蹈溺或  
抱子以赴沈或委體于盤渦或託骨於溝潯偃仰兮混  
淪之府躑躅兮魚龍之區或載浮而載沈羌孰諗其止  
居公子曰若是其甚乎父老曰歲暮時昏風起雲沈淹  
霞翳日積晦累陰霰兮浙瀝雪兮紛紛密兮若絕疏兮  
若連穿細微透乘危暗摧掇之指裂親之體虧如圭斯  
方如璧斯圓如綺斯白如玉斯寒斯時也火井滅溫泉  
冰焱風勁陽谷凝起瑤城于粉野攢瓊枝于玉樹天地  
閉而嚴肅蘊隆結而寒沍于是傲孺之夫枵腹之民鬻  
發刺其骨栗烈銷其形迺彷徨而僵仆偃蹇而惇熒暴  
枯骸于交達橫遺骸于蕪城使肉飽乎饑烏臭避乎過  
客蓋終古之大眚億類之極阨也公子酸顰而捧心獻  
歔而改容重進父老而告之曰詩曰哀恫中國具贅卒  
荒靡有膂力以念穹蒼斯是之謂與雖然今聖明昭燭  
德意懇惻遴選臺司振出帑積加以使命者率甘棠之  
政司牧者盡召杜之德父老其將被如天之仁蒙掩骨  
之澤升父母之堂就衽席之側當不淪沒於陷穽輾轉  
于溝洫也迺爲鴻雁之歌以廣之歌曰鴻雁歸來兮河  
之側河之漣淪兮菰蒲其實可飲可食兮去將焉極鴻  
雁歸來兮河之央河之清冷兮蒹葭蒼蒼可棲可宿兮

內方先生集卷七

十







匪義無君服蠱之訓用淑厥身紛彼漓澆式以敦倫敷  
政優優東山之春東山云徂錫類在人我作頌聲庸和  
于民

桂洲賦

夫植之貴者有賁禺之桂焉境之幽者有薊溪之洲焉  
思元主人徒靈根于招搖攬藜柯于皋塗掇繁英于閩  
河擗崇條于羅浮迺葺藥椽于江渚繚蓀壁于水涯扈  
芷蘭以爲佩糞芙蓉而爲衣沐芬敷而容與蹇修姱而  
汜泥客有進而問曰夫子奚託之斯也主人曰物有所  
契性有所協侔擬倫惟吾之適客曰篋乎淵哉請爲  
先生賦之主人曰可何茲樹之茂麗實木德之靈昌秉

丙方先生集卷七

三

南州之炎質萃陽精之貞剛貫四序而挺秀含淑氣而  
浮香旣連蜷以天矯迺扶筴而葳蕤布織榮而耀黃冒  
素葳而炫紫鬱黝糾以傍巖紛必芾而臨水夾層臺之  
嵯峩匝周除而迤邐供欣賞于休辰奉妍輝于君子主  
人曰盈盈芳樹宛幽姿抽子峻思惠我雅辭客曰東  
陸獻歲青陽改序條風颺霄朝霞絢宇蘭堂捲帷芝房  
啟戶迺集華裾攜文侶烝惠肴薦椒醕攬紛綸于麗景  
嘉氤氳于洪鈞翩兮鸞鴛振翮以軒翥爛兮瓊珠錯彩  
而璘彬悵煩草之藿靡嗤天桃之晶熒爾其金商御節  
皓魄耀規微歌畢斂長河半垂軒墀流景樓觀揚輝迺  
御織羅曳方舄緹雅琴激哀筵颯颯戾兮吹帶露瀼瀼

兮沾席顧清影之便娟詠幽香之有苾燦若卿雲縹緲  
出層霄渥若霓裳熠燿舞空碧鞠徒秀于卑叢椒何辛  
子斷壁至如霰兮先集雪兮紛糝芊縣衍益漉漉浮浮  
崇臺參壁紆徑連璆羣葩盡萎修幹早凋淩慘慄而逾  
勁蒙冰霜而獨翹于是積暉承幌凝華燭幃重裘初御  
飛爵齊揮美蚶螺之縞甲詫瑤璫之素蠶巖松挺而比  
峻江梅綴而聯微茲百藥以之爲長非凡木之可希也  
主人曰樹有華而無熏亦有芳而易隕未若茲桂抱節  
吐芬並休兼美絕類離羣故楚纍矯以初蕙離婁和以  
餌竹陶朱服而結丹粵佗采而獻蠹曼倩承露以餉龜  
吳猛度梁而飲玉小山攀援以招隱太邱高蹈而比躅

丙方先生集卷七

四

散一枝于郊林豔五株于燕麓豈翫縛而耽榮願葆貞  
而希馥客迺歌曰冠英華兮閱春秋緣曲瀨兮散中洲  
棟靈波之殿兮機元流之舟託佳人兮聊淹畱少歌曰  
建木滅景標中天兮琪樹璀璨照崑崙兮猗嗟桂德相  
昭宣兮質文全兮亭亭而不言兮君子樂胥互千年兮

東征賦 並序

巨川李侯貳吾郡進走官舍出東征八詠示之  
走欽是偉績當有述焉弗敢避不敏爲之詞曰  
皇帝御天下十有四載內戮權姦外撻四夷叶海內又  
安治極而渝宗藩伺窺乃有邪謀其積心矯譽結土用  
財叶足食則日剗民血聚兵則陰納羣偷蓋非一年于



茲矣是歲六月既望設讌于宮叶誘戕大臣眾寮魄喪  
叶奮彼豺虎以制羣羊遂集舟師下鄱陽望雷都攻安  
慶叶妖氛蔽乎四野白日為之無光于時奏報未及乎  
朝志慮未定乎民諸守若令或可或否或疑貳而逡巡  
吁嗟大義孰倡孰伸唯吾邑侯城復于隍謂仇讎之密  
邇奚拊背而搯吭乃捐帑金募民力畫遠邇程時日徵  
罔及于鯨寡役不避乎豪碩不日成之隱然一國又闢  
隙壤集驍士教之以騎射激之以忠義決拾拊的之巧  
進退坐作之勢常山背水之形握奇入陳之祕莫不習  
之以耳目領之以心意虎豹在山誰余敢覲及其聞變  
而起也屢及乎玉華之堂劍及乎公門之闔銀我矛戈

丙方先生集卷七

五

整我士卒峙我餼糧風行琴瑟爾乃命飛廉以前導召  
豐隆使驂乘屏翳于焉清路黔羸為之助兵日燄燄兮  
如灼氣鬱鬱兮若蒸嗟毒暑兮何避蹇獨抱兮忠貞于  
是發哨于白露之洲誓聞于巾汗之澣巾汗二水在竟陵戒渠  
魁之必殲聽來歸之勿拒賞言不食于子弗共則孥于  
汝有中丞以為之師有太守以為之輔下則恐負乎知  
己上則思報乎明主雲興十一之旗颺鳴數萬之艫午  
夜銜枚七門陳旅聯第崇墉斷橋南浦壺漿具迎巢穴  
中剖百年瑰宮蕩然一炬斯時也賊因城守之堅旋為  
益兵之計進不能前退無所據彷徨靡歸消色奪氣固  
已瞰面而讀書隱几而假寐矣湖波如練月色微明順

流而下戢戢舟橫士人狐疑軍旅宵驚侯乃不俟將軍  
之令遽提義勇之兵暗中赴敵沙上聯營風蕭蕭兮笳  
鼓咽兩兵交兮戰方決陸騎驍兮船火烈矢如雨兮刀  
如雪萬鬣摧兮橫雲裂蒙衝破兮寶刀折擠紅救兮隕  
為血面縛兮纍纍體積兮無衣黯莫語兮魂悽傾城觀  
兮笑以嬉擲瓦礫兮躍童兒天門兮大開義陽兮載輝  
忠孝立兮譽四馳不負學兮文武資宴太平兮炮羔椎  
牛鼓鐘嗶兮頌聲流師既班兮各歸其疇督民以耕兮  
歲仍有秋績既奏兮賚吾侯侯不自喜兮侯有嘉謀願  
天子兮鴻厥猷外甯兮內憂戒復戒兮無疆惟休

申志賦 並序

丙方先生集卷七

六

予讀易至豫之六二讀論語至篤信好學而有  
以知君子出處之難慨然興懷于是學為古賦  
以申其志焉時丙寅四月二日也其詞曰  
彼荒林之閨寂兮豈君子之攸好嗟周道之崎嶇兮迺  
託跡而高蹈賢者見幾而作兮不待火烈而沃以水余  
非果于忘世兮思前修之遺矩羨夔龍之遭時兮悲孔  
孟之栖旅歎巢由之迂固兮慕夷齊之高誼景長孺之  
剛直兮申屠觸輪而帝明說子卿之秉節兮不摧志于  
牧羊寇鄧翊漢使中興兮狄張討亂而復唐魯連談笑  
以卻秦兮畱千載之芬芳曰余非敢舍正而趨怪兮跡  
紛零之將橫也慨三皇之久逝矣嗟不生于虞唐也願



騁足而高馳兮棄人寰而遊乎天外晨九陽而夕流沙  
兮役羣神而遐邁觀泰華而若幽兮睨江海之如帶翺  
翔跨越乎九垓兮永終老而無累亂日西方美人佩服  
煥兮何千百載不復見兮爰被霓裳揚雲袂兮軒然乘  
風遊天際兮仰吸沆瀣餐至和兮三光在下何森羅兮  
回視貪盜閃飛蛾兮懷寶以待海不波兮

騷體

悼湘 並序

歲著雍攝提格正月既望維舟沔口有祠神絳  
衣金幘焚檀薦糝張鎰燃炬鳴鯨擊鼉以楮爲  
舟環而謹之有祝氏執冊誦焉怪問其故老叟

內方先生集卷七

十七

進曰此祀者爲屈大夫大夫齋志自沈故有競  
渡之事今茲上元之夕舉焉以禳沴而迎祥也  
予曰嘻楚人好巫豈爲是哉大夫九歌之作忠  
也而假之以丐禱焉胡不諒若是大夫有神不

爲淫祀享也作悼湘

猗先生之曠曠兮揚厥靈于沅湘長齋志以深蹈兮瘞  
玉佩之琳琅九歌惋其於邑兮羌綢繆其吾未已辭有  
婉而維則兮情有寓而唯似眇九閭其莫之叩兮阻赤  
水于流沙豈龍輶之可駕兮望崑崙而畏賒蘭幽柔而  
莫紉兮吾固知蕙之不可縷效彭咸以抗節兮終逍遙  
于舊鄉何斯人之弗諒兮蹇獨要之以濁觥眾叫呶其

奚爲兮託魍魎之不情彼九辯既疊疊兮魂夷猶其不  
可以招維大夫之潔白兮蟬蛻穢以飄颻榮陳糝而薦  
椒兮焱遠舉而長逝嗟先生之偃蹇兮鬱終古以侘傺  
已矣哉世溷濁其猶初兮誰知吾之修能弔江皋而躡  
踏兮水潺湲而月明

登山

崖微兮岸泐谷轉兮陵起足躡兮星迴目瞥兮雲視攬  
松柏之偃蹇兮撫菌桂與杜蘅拳薜荔予以爲帶兮集  
蕙茝以爲纓乍巖嶽而比嶠兮儻硤磈以砒砭隨嶺曲  
抱而迤邐兮傲元巖與丹窟鳥嚶嚶于灌木兮鶴翩躚  
于高原鹿麇麇飲此流泉兮蜥蜴穴處而蜿蜒黃熊

內方先生集卷七

十八

緣巖聶聶以伺人兮狐狸而綏綏九尾獮狝蝮蝮之嗥  
嘯兮颺颺空而無技予將偕樵子以入雲兮又聞牧犢  
之謳吟陟崑龍以晞髮兮俯溪澗而滌纓望春草之萋  
萋兮塊予心之踽踽忽飄風之自南兮聊嬋媛而容與

詒謀 並序

遼光澤王堂成先惠王以忠愛名焉王曰是詒  
謀也乃命諸名卿士大夫言其義閒持以示敘  
敘楚之鄙人遼之邸又楚之故邸都也乃爲楚  
歌而楚聲冀王歌以思其先君且以昭示方來  
庶燕詒之謀將詒於世也詞曰

猗嗟明興建藩輔些肅肅遼祖肇啟土些分茅自天捍



邊圉些改受赤社哀荆之旅些列辟嗣服侯度維謹些  
皇皇惠王世守共靖些保茲江漢世爲翰屏些迨于光  
澤文德是秉些開國於襄建邸於郢些析圭綴旒被華  
袞些迺經迺營闕都房些雄麗美奐敞高堂些藥楣蘭  
椽文杏梁些網戶綺疏刻菲芳些瑤階金墀連玉廂些  
雲屏畫壁鬱晶光些先王迺眷錫以嘉名些曰忠維君  
曰愛維親些彤軒華榜揭瓊英些服膺光訓揚德音些  
忠以仗節孝因心些冠冕百行順以貞些培地之義立  
天之經些嗟嗟哲王克峻德些溫恭朝夕秉淵塞些仁  
以爲則義以爲極些左右典墳雜邱索些球琳載陳絃  
琴瑟些禮樂雍容河間是式些汪洋藝文擬曹植些對

內方先生集卷七

九

揚王休勤述職些世德作求遠昭宜兮天子是若罔敢  
弗虔些永言孝思弗忘愆些媚茲一人勞望瞻些邦國  
丕變王道平些惟此燕翼仰詒謀些禹作司空勞九州  
些姬公負展開有周些烝烝惟舜爲親憂些孝哉曾閔  
繼前修些於乎先王躬率由些嘉謀在堂披睿藻些感  
恩懷德宛蒼昊些如彼羹牆見幽渺些陟降厥家神縹  
渺些夙夜匪懈永以爲寶些侯助侯貢供常制些惠綏  
蠻方奠遐裔些庶幾於忠能勿替些以孝以享謹大祭  
些開國承家守帶礪些庶幾於愛錫爾類些繩繩后王  
敬佩服些手澤芬芳時薰沐些出斯入斯儼在目些端  
居窅奧慎幽獨些肯堂肯構衍嗣續些於萬斯年期哉

穀些

內方先生集卷七

同里後學盧弼校刊

內方先生集卷七

三



進御文

寶瑞頌

粵若稽邃古元黃權輿陰陽互參細緼煦姬品物敷蕃  
 總總搏搏混混茫茫遊于胥靡嬉于鴻荒於維皇哉皇  
 哉疇得而名也爾其造契代繩創制開物人文昭麗衍  
 溢旁燭元德元功涵濡冒覆稟靈含氣罔不翔泳太和  
 優游視福迺有乾瑞坤珍駢貺疊符日月合璧星辰連  
 珠膏露醴泉麒麟鳳凰嘉種異卉充牣盈圖而龍馬出  
 河神龜浮洛元樞天啟靈機地合盛哉紛綸葳蕤顯顯

丙方先生集卷八

一

乎熙熙乎其三五之時乎是以聖人披圖而畫繇演書  
 而敘疇斯時睹神物而作則建皇極而對景命萬世之  
 丕休也厥後醜質雕樸風消俗湮以為繼韶夏隆昭號  
 者七十二君子是泰山梁父云云亭亭登封降禪其說  
 續紛夫所以答嘉貺奉休徵者豈必御蒲車陟介邱而  
 後德隆道尊也哉仲尼之作春秋二百四十二年之間  
 災異九十六然猶興嘖于鳴鳳絕筆于獲麟蓋悼聖王  
 之遼逝而道莫之行云爾由是言之有其瑞無其德幻  
 也有其德無其瑞闕也是故聖人德以為基弗徼其瑞  
 也瑞以為寶弗替其德也漢稱典引麗而無歸唐頌貞  
 符偏而匪覈豈聖王之全治盛節哉有元腥羶天地冥

晦皇綱敷而靡振人極淪而胥墜斯諸華之極崇也高

皇帝誕膺天眷丕闡聖謨慶鍾祥發締造皇輿麾黃鉞

握赤符龍躍而鳳翔焱騰而霆驅于是掃氛祲于舊宇

還開闢之洪圖乾精重曜坤維再扶此何啻于黃虞之

初也是時彩霞卿雲赤烏白兔瑞蓮異禾布漢流衍舒

粹委和而甘露之論嘉瓜之贊獨被宸藻禎祥是俱豐

和為寶皇情祇肅昭假穹昊是以踵武軒唐而齊聲義

皞也皇上卓冠羣聖超軼百王伊昔河清誕聖鍾祥及

續承洪業奉若天命建中和之極衍隆盛之運迺揭彝

典修曠禮和大韶秩羣祀昭憲度立經紀康兆人熙庶

事豐澤流峻功峙猗與盛哉帝王之業我祖明之祖宗

丙方先生集卷八

二

之烈我皇成之是故至和大順汪濊薰蒸神人悅豫物  
 類驩忻靈雪滋寶露零瑞麥出黃河清縞鵲翔皓兔產  
 素麋生夫道莫廣于天地物莫夥于動植今清波泚流  
 素華元液嘉穗異穎皜儀皓質沾漑率土之中翔舞靈  
 囿之內雲蒸霧涌川渟海匯披觀三五之瑞莫不應圖  
 協謀同符合契睹之者欣聆之者慰皇心冲虛遜而弗  
 安或至于再或至于三于是大宗伯進曰陛下禮序樂  
 和仁洽義浹八埏九垓皆甄陶元化沐浴鮮澤四靈並  
 畜諸福畢集此信順之極功位育之至德也詩承聿懷  
 之福禮謹升中之制令休鬱而弗彰帝典闕而弗綴非  
 所以敷景貺明昭事也于是獻九廟呈兩宮然後朝羣



臣受嘉瑞夫訢和充塞至和也搗謙抑畏大公也告獻  
駿奔純孝也迓休承祐極恭也答元符之蕃祉昭陳錫  
之丕眷撫兆庶而立極顧肩嗣而詒燕於穆聖皇固已  
播欽天之頌衍敬一之箴齋心無逸之殿觀德幽風之  
亭矣對揚皇祖超軼帝王夫孰得而尙焉宜令史臣推  
原德瑞載之簡冊以示罔極俾後世常戴兢兢履業業  
遵顯謨闡宏烈百工允釐四裔咸賓茂綏地祉永奉天  
經千萬年我明用光于熙俾懋哉懋哉厥惟寶哉頌曰  
民之睢盱熙于我明明我祖祥發慶膺受命于天旣  
輯旣寧跂行喙息登于穆清我皇嗣之業昌而熾惠化  
孔洽治教純備泰和訢合覆育庶類蕃釐茂祉應于協

內方先生集卷八

三

氣瑞雪雰雰湛露灑灑河流再澄來牟降祥靈毓馴擾  
縞鵲迴翔攸伏者麇濯濯其形素毳比玉皓彩符珍儻  
儻虞虞率舞于庭乾精表貺坤靈薦禧萬物嘉亨不識  
不知惟德假天鑒于有仁惟敬懋德躋于克誠惟皇壽  
考申錫兆民縣縣聖嗣穆穆儀刑緝熙純嘏惟明之禎  
政告萬世欽哉丕承

經筵講章

亦越成湯陟丕釐上帝之耿命乃用三有宅克卽宅曰  
三有俊克卽俊嚴惟丕式克用三宅三俊其在商邑用  
協於厥邑其在四方用丕式見德

此是周公立政篇周公戒成王以用人立政之道上

章旣言禹之顯俊此復舉成湯言之亦越是繼前之  
辭陟是升丕釐是大治三有宅是居常伯常任準人  
之位者三有俊是有常伯常任準人之德者嚴惟丕  
式是敬思而大法之周公說成湯自諸侯升爲天子  
凡惇典庸禮命德討罪無非天命湯能奉若之是卽  
大治上帝之光命也然天下之大非湯一人所能獨  
治也故左右大臣有宅常伯者以長岳牧有宅常任  
者以任政事有宅準人者以司法守凡此三宅實能  
就是位而不曠其職也夫大臣固難其職尤難其人  
使非預儲而素養之其何以備非常之用故天下之  
俊有可以長民者使備常伯有可以任事者使備常

內方先生集卷八

四

任有可以守法者使備準人凡此三俊實能就是德  
而不浮其名也成湯慎用大臣如此然於三俊所言  
所行則敬思而不忽大法而不疑故宅者得以效其  
職俊者得以著其才由是賢智並用登於至理其在  
於近則商邑之眾未易齊者無不協和以成歸極之  
治其在於遠則四方之廣未易徧者無不大法以觀  
建中之德書稱成湯表正萬邦彰信兆民詎不信哉  
周公身爲大臣而其告君必及於此蓋以成湯之德  
望成王也臣嘗用是而論之君人之道立政爲先立  
政之道用人爲切所謂用人者非人人而用之也亦  
在乎慎擇大臣而已故預儲素養者所以致其簡畀



之重嚴惟不武者所以致其倚任之隆蓋必如是而後用人之道盡天下之治可成矣故曰君人者如天運於上又曰人君勞于求賢而逸於得人其謂是歟仰惟皇上聖敬日躋智勇天錫固以丕釐之功成不式之治矣然猶慎簡老成圖惟治道其於大臣待以殊禮任以至誠而考課之典申飭之令於羣臣尤倦倦焉是以內外大小之臣無不奮庸禮樂刑政之績無不畢具百工允釐而兆人永康也商周之盛又何足云中庸曰爲政在人取人以身修身以道修道以仁此用人立政之本也臣愚以是爲今日獻

請告疏

嘉靖二十一年三月

內方先生集卷八

五

臣係湖廣承天府沔陽州人由正德十六年進士改翰林院庶吉士授編修歷陞今職竊念臣父旭以山東兗州府知府致仕在家于嘉靖四年病故臣任編修回籍守制勉強營葬迨今一十八年緣地形卑窪江漢迭漲而先臣邱墓適當其衝自二十四年以來屢遭滄沒臣心每切悲念近年江水猛漲將先臣墓所衝嚙樹木浸死臣聞之日夜號慟至廢寢食禮宜改卜善地別營宅兆臣母恭人田氏於宏治十七年病故耐葬舊塋與先臣未曾同穴臣心亦有未安茲欲改遷合葬使臣父得就吉壤臣母得歸同室實臣拳拳一念圖報罔極之心也且臣自嘉靖十一年起復到京又經十年臣繼母

太恭人張氏年幾六十抱病在家久曠定省屢有家書皆稱念臣欲得一見臣少蒙撫養不覺感涕又臣妻宜人沈氏病亡七年有餘至今尚在淺土臣私憂煎逼內顧彷徨瞻望故園心神交瘁比者廷臣往往奏蒙給假然家蠱叢集私慮紛紜未有如臣所遭者也况京官十年以上俱許祭掃省親具有明例臣任已逾期迺敢陳乞伏望皇上念臣官備講幄察臣情切親闈特賜矜憐準臣還鄉改遷省親事畢之日回任供職庶臣心無歉於事親義可專於報主舉家存沒感荷天恩于無窮矣臣不勝懇切祈望之至奉旨吏部知道欽此該本部覆題看得本官奏乞遷葬省親情詞懇切况查有前例合

內方先生集卷八

六

無準其回籍事畢之日依限前來供職但係近侍官員臣等未敢擅便奉旨童承敘準給假著馳驛去欽此

問安疏

嘉靖二十二年正月

臣伏蒙聖恩賜假展掃還家以來僻處江鄉敦事邱壠十一月終偶聞掖廷羣逆驚犯宸居臣不勝震悚仰惟皇上道格元穹功昭景運帝心眷佑神明擁呵禍變潛消克邪隨翦此實宗社臣民無疆之福也臣久叨法從仰荷明恩驚憤之餘繼以忻忭緣臣私情未竟夙疾方嬰跡伏草萊心馳天闕伏望興居崇慎茂迓單厚之休福履駢膺益衍靈長之祚臣無任拳拳瞻戀之至奉旨覽奏知道了禮部知道欽此



養病疏 嘉靖二十二年三月

臣仰荷皇上拔擢之恩竊科第者二十三載糜廩祿者二十六年久玷清華虛叨榮遇臣雖蓬粉無以塞責去年三月臣以離家日久先臣墳墓荒圯具奏展掃伏蒙聖慈允臣給假仍賜給驛上席寵靈下賁幽側臣感激奮發莫知所報緣臣舊患痰火眩暈比因敦事邱壠觸冒暑溼前病復作去冬以來痰涎壅盛血時出飲食減損怔忡不甯屢親醫藥未見痊可伏念臣官備侍從職在講讀分當依限前來圖效萬一而疾病浸淫形神彫瘁將發復止驅策不前常恐一旦身先草露委填溝壑是臣烏鳥之情雖盡而犬馬之願竟違也矧今聖明

丙方先生集卷八

七

側席賢才奮庸臣至愚陋豈忍自棄但委質而出固臣盡瘁之心抱疴而行非臣量力之義用敢哀鳴輒求自便伏望皇上憐臣疾勢纏綿衷情迫切準令在家就醫調治庶得專理藥石稍養精神儻蒲柳之質幸苟免於先零則葵藿之忱尚可責於後效矣臣不勝懇切祈望之至奉旨吏部知道欽此

古文

陳風

史氏敘之居廬也內臺劉子省方於楚使使夏汭請陳風而觀焉史氏敘曰夫風之激颺乎無弗動物者也夫物之蓬勃乎無弗動於風者也明庶至而物萌景風至

而物遂闐闐至而物斂廣莫至而物閉故物視乎其風也君子之於民亦以其風風之爾已故以德則君子風小人草其動至易也夫荆勁也然北接乎雍豫風也龐南介乎峒谿風也脆故江漢之間樸瀟湘之間浮沅澧之間佻弗之乎醇矣子之按楚也役之乎用令矣禁之乎用法矣風之乎用德矣故條貫品節課也不可以齊操切抑勒齊也不可以動開導訓誨動也不可以變故樹其風聲則教不言而敷振其風裁則威不施而肅故風教敷則俗不勸而善風之至也夫樸之流野浮之流躁佻之流鄙是故風之禮而樸者飾風之仁而浮者雅風之義而佻者敦也仁結之義裁之禮節之義禮仁立

丙方先生集卷八

八

而脆者動於龐龐者動於醇楚於是乎無殊風矣今天子建極於上四方嚮風於下而楚為岐豐又首善之地也子勉之既以其風風楚矣抑將以楚之風風天下也

衍壽

侍御劉子之父罷令沁水歸野塘老焉劉子按楚屬辭於楚諸子以壽野塘於是子立言樸擬之乎野也子陳言畜擬之乎塘也子敘曰請衍之夫塘麗於野而水鍾也水善利萬物而不爭處人所惡而無心無心而不爭水之德至矣故水澹而味生焉天下之至和也靜而動生焉天下之至文也然而水弗之知也今夫水眾匯而下澤至清而不涸川也流坎也止風也撼石也激流止



撼激因之乎勢非其體然也故水冲而或凝弱而或剛  
波溝之阻盜弗怒也舟楫之溺買弗怒也是之謂無心  
而不爭夫必樸而後飾是飾可窮也必畜而後發是發  
可窮也皆有而爭者也至人者無所事樸無所事畜  
無所事飾無所事發而亦無乎不樸無乎不畜無乎不  
飾無乎不發是故至要而不煩有功而不勞長久之道  
也公之令也而弗喜無心乎令也免也而弗怒無心乎  
免也不爲用喜故不爭是而於沁水有餘功也不爲舍  
怒故不爭非而於野塘有餘樂也故公可以樸可以飾  
可以畜可以發渾渾乎莫之涯也天地無心也故久水  
無心也故不息公也體焉故量裕故守恪故神粹故壽

老子曰上善若水此之謂也

內方先生集卷八

九

明樸

元漢先生讀道德還淳章至見素抱樸少私寡欲客有  
過者童子相以入請曰余生也盲父名之曰淳賓字之  
曰元良顏其菴曰樸因以爲號敢請言之先生曰夫見  
者天下之至文也不見者天下之至樸也故樸具乎文  
文生於樸天下之道見者有盡不見者無窮見者亂不  
見者專見者微不見者察無狀之狀無象之象是爲恍  
惚迎之不見其首隨之不見其後樸孰大焉惚兮恍兮  
其中有像恍兮惚兮其中有物窈兮冥兮其中有精文  
孰大焉故不見者見見者不見知不見之見則無不見

矣故幾於道昔子夏盲而賢師曠盲而審音張籍盲而  
能文皆以不見之見也吾聞客善弈知琴又精於術數  
談生死貴賤多奇中則其不見不愈於見乎是故屏文  
以見素見素以敦樸敦樸以返淳故知其白守其黑謂  
之玄德玄之又玄與道無極

原止 並序

光澤遼賢王也顏其菴曰止夫止善之至也作

原止

易有之乾健艮敦敦故止健故不止物各有極道則無  
閒乾者道之大也艮者物之大也故止者以言乎其極  
也不止者以言乎其無閒也物無其止則濫道無不止

內方先生集卷八

十

則息故君子知至至之不知止不可與幾也知終終之  
不知無止不可以存義也故不止者必止止者必不止  
止止也不止亦止也止其止者敦之事也止其不止者  
健之德也昔文王緝熙敬止敬者止也緝熙則非止矣  
詩曰維天之命於穆不已於乎不顯文王之德之純無  
止而止止而無止可以言純矣不已健也文王之純乾  
之健也艮曰時止則止時行則行亦止也止亦行也  
此物之具乎道者也故易震而受之以艮不終動也艮  
而受之以漸不終靜也故曰動靜不失其時其道光明  
是皆健之義也夫止之止者學者之事無止之止者聖  
人之業也知無止之止可以言止矣



得失論

太谷子曰老子曰少則得得者少之實也少者得之招也  
 也得而後失故得非得也失而後得故失非失也犧牛  
 之尊溝中之斷同材而異託其失性均也扶桑之木櫟  
 社之樹同植而異尙其得天年均也故有天得有人得  
 得天之得者得得人之得者弗得得之而得故有弗失  
 也得之而弗得故有弗得也故曰求則得之舍則失之  
 是求有益於得也孔子曰吾之於道求之度數五年而  
 未得求之陰陽十有二年而未得得豈易言哉臧挾筴  
 讀書而羊亡得浮於失也穀博塞而羊亦亡失浮於得  
 也鳧脛之續則悲所欲甚於得也鶴脛之斷則憂所惡

丙方先生集卷八

士

甚於失也故虎狼之入檻不可以爲得也馬之入於胡  
 不可以爲失也求燕石而寶之得眩之也見破釜而失  
 聲失蔽之也庸詎知夫得之爲失也失之爲得也而亦  
 不必得不必失也而亦未嘗不失未嘗不得也故深藏  
 若虛良賈也盛德若愚君子也今有一人焉其得也若  
 附贅縣疣其失也若決疣潰癰又有一人焉其得也若  
 獲拱壁其失也若解肢體是皆以得失爲患者也夫惟  
 至人得之而有弗得失之而有弗失珠玉之在囊也鷓  
 鴉之在籠也一也盜之祛篋也毛之脫睫也一也故得  
 魚而忘筌得兔而忘蹄得意而忘言是遺得失者也故  
 足乎已則物不能役裕乎道則事不能累充乎內則外

不能遷故不知得亦不知失故常得故常不失

博文堂箴

博文堂者孝宗敬皇帝所命額遼光澤王儲書所也嘉  
 靖辛卯敘居廬夏汭旣禫王以其從紀事後使使授簡  
 焉於是堂成三十年矣諸學士大夫言堂者意義幾備  
 然所稱引悉止於圖籍而進者未廣也敘不佞重惟文  
 之時義大矣庖犧之畫一而已爾黃帝堯舜廣其制周  
 公孔子演其義圖籍者蓋其末也博文之道奚啻是哉  
 天地之大也其渾渾之謂質燦燦之謂文天地之至著  
 者也故庖犧仰觀象於天俯觀法於地觀鳥獸之文與  
 地之宜近取諸身遠取諸物天地也鳥獸之文也地宜

丙方先生集卷八

士

也身也物也文也或仰焉或俯焉或遠焉或近焉或觀  
 焉或取焉博也是故帝王之文非醜酢襲褐之繁也非  
 旂常冕服之飾也非藻翰篇韻之麗也帝王之博非鉤  
 玄獵奇之異也非析微窮渺之瑣也非逞辨取給之富  
 也亦法乎庖犧而已矣夫大學之道始於格物致知而  
 下皆物也文莫博於物故身也修家也齊國也治天下  
 也平文孰加焉而修之而齊之而治之而平之博孰加  
 焉故天下之粗存乎蹟天下之蹟存乎道道也者無乎  
 不博無乎不文者也故能以人文化成天下其餘蹟焉  
 而已今王圖史琴瑟充乎其室規矩準繩周乎其身精  
 華穠郁飫乎其口禮樂教化洽乎其國是其文也博矣



然文者將以爲質也博者將以爲約也故文之無文文之至也博之無博博之至也易曰白賁無咎曰天下之動貞夫一賁者文也白者質也動者博也一者約也其庶乎先皇錫名與王構堂之意也敘不佞乃作箴曰猗與斯文交錯柔剛包羅乾坤參贊陰陽經緯人極綱紀天常犧農開物道備軒唐仰觀俯察遠取近量匪籍而具匪圖而彰殷質周文異制殊方叔世易轍法縛治荒小儒逞喙辭靡道亡穆穆藩后峻德欽明追琢其章金玉其相嘉樂愷悌令聞令望殿彼巫漢作鎮襄邦人文攸暨庶事允康維城維藩宜君宜王乃啟爾室乃闢茲堂嘉名肇錫聖謨孔揚王拜稽首對於敬皇朝斯夕斯

丙方先生集卷八

三

緝熙就將矢其文德贊我明良執中守一含粹葆光還淳登樸底于鴻茫道隆易簡功著平章子子孫孫勿替引長敢效執御箴示無疆

送張龍湖先生擢南京吏部右侍郎序

龍湖先生張公蚤以異質茂才貞操素履崛起湖湘間今上龍飛楚甸公適魁南省被簡詞林陪法從與編摩再陟宮案兩校留都士林聲望焜耀一時初交人弗共上命遴朝賢奉詔懷綏之慎惟其所司首以公薦上親擢公學士兼舊秩以往且俾扈從南狩比還詔不果下會考核公據例辭上弗可至是復有南銓之命旣戒行館閣諸大夫重茲別屬敘爲文以贈敘往聞履道執

德厚積深蓄之士其所摠洩非於注措於規畫則於著述論議見之故名卿碩士或炳然而助勳隆或琅然而文辭顯非其致不同其所委任之地異也國家翰林之設精擇預備積資累望以備顧問資啟沃故其官以言語獻納爲職至於秉鈞衡握樞筦而後清節偉烈迺可概見然非久歷而薦更不可得也公抱奇才負大志在禁近二十許年寬閑優裕得以肆力經綸之業故其學閱深演迤不可究詰每對客掀髯抵掌英氣勃勃輒見眉睫其論天人微奧闡王霸純駁若指燕粵辨涇渭而別薰蕕也若王良造父之不惑多歧也其論事勢成敗幾會得失若挈領振綱之不容替亂也若破竹解牛無

丙方先生集卷八

四

不迎刃適宵察也若羿之射秋之弈無不奇中也至其作爲文辭豪蕩博雅若波濤湧而雲霞絢也若風檣陣馬之決而駛也若端冕正笏之嚴重鳴球戛玉之清越也故見者力屈聞者心醉此公之發於著述論議者也茲迺舍近密而就疏逃去風議而處散軼或者疑焉夫登崇陟顯必由於歷試而銓衡品藻之任留都之公卿莫先焉謂之散軼疏逃不可也矧公之賢上結主知下繫物望其去必且復來而熟歷飽諳周遊廣覽恢豁其度而增廓其識他日居宥密之地成贊襄之業使事功文章聯輝並耀以彰昭代得士之盛揚君子不朽之休其在斯行乎敘不類幸與公及洞野廖公同楚產又爲



同升洞野既去敘復潦倒其能激昂振迅以副嘉會者  
惟有公爾茲別也於敘爲尤重故究其平生言之致期  
待焉亦庶幾久要之義也

奉贈大宗伯毅齋孫公便道展謁先祠還朝序

事之相遇出於殊絕奇偉恆情之所駭歎而豔羨未必  
其機之偶逢亦其誠之素積也蓋人心孚契神理感通  
有不可誣者也成化中華亭孫翁以進士高第來守吾  
沔凡若干年晉擢南曹出知延平府以沒翁才學宏贍  
器量恢偉官方吏事無不精練百度咸肅諸廢具舉強  
禦斂迹而善良安輯郡之老黎戴翁父母士大夫談賢  
守指必爲之先屈蓋僉議之同也敘草郡乘亦推翁爲

丙方先生集卷八

五

良牧首正德初間翁入祠名宦頃聞延平之士實建翁  
祠沔之人曰吾其可後乎乃卽城東隅故臺構堂爲專  
祠示不忘也初翁仲子毅齋公少侍於沔先大夫亦方  
弱冠爲太守公賞識比先公擢第猶及拜翁翁每屬言  
仲子以爲克大其家毅齋公登辛未甲科敷歷翰苑簡  
置青宮侍天子講讀晉貳禮卿爲上所眷遇平生以太  
守公之故不能忘情於沔而沔之人士亦於宗伯瞻望  
焉蓋三十餘年於茲矣今年秋上有事顯陵遣公代告  
於二聖沔爲興都屬郡相距甚邇公乃以祠成之後取  
道展謁神位時堂適告成郡人歎異罔不走迓充途塞  
路如見其先公而公亦降尊屈重視沔如歸十二月謁

告於新祠遂延見縉紳吏民勞問慰藉如禮敘不類濫  
跡詞林從公後者二十餘年辱公愛最久會賜告歸掃  
先墓目覩盛美迺作而言曰惟太守公遺澤在人久而  
起慕崇報之典益專而虔維宗伯公託處深嚴簡注宥  
密四方之人不能一望丰采今乃奉使節撤講席卽故  
郡續舊游舉帷露冕光動澤國陳牲酌醪釐延郡人亦  
奇會矣且新祠初落舊主旣升而公適自遠至若夙期  
然者其會又奇謂非誠之素孚理之相感不可也昔萬  
石君父子尊寵然位不過二千石亦未嘗復至故郡邵  
廖齋再至永州自謂甘棠子孫而未有都爵至於專祠  
特饗概未之聞公今以名卿鉅儒清階華胄旌旄再臨

丙方先生集卷八

六

山增而高水增而深則所謂奇會者匪直公之幸蓋沔  
人之幸也矧明天子制隆元寢事嚴祗告公以寅清之  
職齋明之念致孝親之誠於數千里之外又復對揚孝  
思追崇先祠克篤前烈風示後來所以爲江漢望甚大  
又豈機會之殊絕奇偉而已且太守公爲民之德在二  
郡宗伯公爲上之德在四方又將爲霖雨爲舟楫世業  
未究實引而昌之則勳績隆茂不必出於太守公而愛  
戴欣慕謂四方之不若二郡者未嘗信也在周君牙之  
命必及乃祖乃父鄭武公父子爲周司徒鄭人爲賦緇  
衣穆王之誥公且有後命矣而太守公宗伯之封擬之  
武公父子一也敘不佞敢敬述之以附適館授餐之義



壽太師桂洲夏翁六十序按夏公諱言字公謹貴溪人官至大學士

嘉靖辛卯夏五月實太師相桂洲夏翁初度之辰於是翁六十矣敘叨撫翁鄉辱知且久未由致祝時萬壽節屆參政孫君副使楊君適奉表入賀台省二三大夫迺緘詩寄壽而屬敘序之曰自古帝王御極咸欲躋斯民於仁壽之域而靈長之祚昌隆之業必久於其道而後成至於翊贊王猷培植元化亦必有耆壽俊乂之臣多歷年所而後可以衍純禧綏介福也故堯舜禹湯文武之君阜夔稷契伊傅周召之臣竝享期頤躋耄耄則雍熙泰和垂之無疆者有由然哉惟我明天子膺圖受籙駿德鴻烈逾二十年迺者聖誕四方畢賀而桂洲翁秉

內方先生集卷八 七

鈞持軸俊偉功烈適登六十之辰君臣媿休家國純嘏厥維盛矣夫扶輿磅礴清淑之氣久積厚蓄必有攸發故聖帝賢臣應期撫運非偶然者敘竊觀乾闥坤闔委和舒粹匯於江漢而我明天子挺生其閒乘龍御天建極錫民翁亦膺慶儲祥嶺然於靈山弋水之閒奮庸熙載康主庇物雲龍風虎竝起南服誠氣機之感千載而一時也天之陰騭祐敷錫壽祉以成中興泰平之業者豈在唐虞三代君臣之下哉矧翁遭逢之盛知遇之隆眷禮之重付託之大倚毗之專自古罕儷蓋翁微猷訥諫深契宸嚴孤忠亮節上孚淵默故綱紀盈縮非翁不條法制損益非翁不立道術邪正非翁不辨治化汙

隆非翁不齊機微出入非翁不決事變紛糾非翁不理贊久成之化收仁壽之效於翁允有賴焉則天壽平格雖欲不底於期頤耄耄不可得也夫物莫壽於金玉金出於麗水玉出於藍田而皆充清廟明堂之用江西固翁之藍田麗水也翁之用不止於軒縣而其年豈後於金玉哉詩曰維嶽降神生甫及申又曰王國克生維用之楨敘不佞既以嶽降之祥為一方賀又以維楨之勛為天下後世賀也

壽羅峰張公序

十三年冬十有一月少師羅峰公壽六十維時四方岳牧之官嘗與公偕第者二十有四人適覲京師見公相

內方先生集卷八 六

邸公問藩於珠對曰官政昭昭爾矣問郡於繼禮暨於宗周對曰吏治循循爾矣問邑於應奎對曰民事訢訢爾矣翼日諸牧將詣公壽以小子敘為同升且官史也俾以辭先焉敘迺再拜諗曰小子何足以知公然二三大夫之言也備矣聞之書天維純佑命則商實自明天子龍興公即應期翊運然久遵時晦若或需之歷試諸艱若或翼之謂非純佑命不可也故公踐台鉉九年於茲年復耆艾天子視為休戚天下倚為安危而公自任以天下之重蓋不徒商實也故公以年則黃耇不足期也以階則師傅不足榮也以勛則旂常不足銘也諸岳牧曰何哉某曰惟公燮理陰陽寅亮天地入參萬幾出



總百揆內匡朝廷外型邦國故昭昭者其董正者也循循者其允釐者也訢訢者其保乂者也書曰百姓王人罔不秉德明恤小臣屏侯旬矧咸奔走公其以之諸岳牧曰廣矣大矣蓋天下之壽也某曰天子聰明睿智文武聖神公協心比德允爲毗依孤忠峻節注於淵衷訢謨讜猷贊於密勿故於董正見官政之修焉於允釐見吏治之飭焉於保乂見民事之誠焉迺其啟沃之誠引翼之幾則不可知矧可見聞故明天子惟堯舜公亦惟稷契惟夔龍方來之稱今猶今之稱唐虞焉書曰惟時建無窮之基亦有無窮之聞子孫訓其成式惟乂公其以之諸岳牧曰遐矣迤矣蓋萬世之壽也於是稱詩之

內方先生集卷八

五

下武曰公其萬年之佐乎公亦答以詩之烈文曰無疆之惠子孫其永保之

序次濱

漢水逕郢東播爲潛古者置邑因以爲名潛有湖曰蒿陂湖有港可達於郭以在邑內稱內港先是大參初公奉其父封監察翁葬蒿陂之上港實縈紆其前大參公以松楸故號內濱志不敢忘親也公弟大竹君因號次濱志不敢先兄也大竹君謁選天官乃告於其戚內方子而屬之序內方子與大參公爲同升爲同郡知其孝友厥家旣以子與公冢嗣婚後在北雍與司成涇野呂公同僚公嘗曰初公往以御史按河東予通判解見其

言及父母昆弟輒流涕後聞其弟被薦則甚喜尋遣來就學初公蓋孝友人也內方子乃知名賢取善必有所徵忠信懿德亦必見重君子而大竹之學固有師不獨得之繼述也夫堯舜之道孝弟而已孝弟也者稟諸天命爲性積諸人心爲德質諸古人爲學達諸斯民爲政實則一理爾惟初氏植行累誼代有顯德封監察翁掇科甘節以孝友教於家大參公躋華樹勛以孝友措於國則大竹君訓迪之所漸聞見之所習其蘊蓄亦多矣是故涉斯港焉涉斯隴焉曰吾親之所宅也有弗思進於孝者乎涉斯港焉涉斯隴焉曰吾兄之所託也有弗思進於友者乎其於大竹與人之子言事親與人之弟

內方先生集卷八

三

言事兄凡施諸民社者不啻如施諸家庭者焉則邑之不進於治未之有也矧君內有賢父兄外有賢師友交養互修厚植久蓄不止小試一邑他日爲郡爲藩爲廟廟亦舉斯心加之而已傳曰孝者所以事君慈者所以使眾事君使眾率由是道而後百姓順焉四海型焉謂孝弟爲人之本非邪推監察公未行之志究大參公已試之業以無忘涇野公之訓余將於次濱乎考之

民政篇贈梅子

石樓梅子之教雙流也貞志敦軌敷典迪德六年而教成監司胥薦焉詔徵之比至銓司擬拜監察御史上命更試民命子是擢同知太平府梅子之行也謂宮案氏



日山不佞賴士大夫得免罪於校茲天子以山弗嫻於治使辱近畿日惟忝明命是懼山間之政教異施士民異趨郡校異官吳蜀異習若是乎其弗相諳也殆弗免矣宮案氏曰夫政教不同而同道無間于郡校也士民不同而同性無間於吳蜀也士民之秀也政教之先也子欲爲政其在教乎昔者先王因民之侈也爲之賦以斂之因民之縱也爲之法以齊之因民之亂也爲之兵以戢之因民之淫也爲之禮以制之四者政之大者也政也者亦正夫民之過者爾然而其體一其變殊君子慎之而日著小人撓之而日屈存乎人而已夫鉅眇羸縮賦之數也低昂出入法之具也勁弱緩急兵之形也

內方先生集卷八

三

損益沿革禮之度也故其經紀者有道焉猾胥黠吏不能知也其推移者有權焉拘儒曲士不能行也故章程焉以示也簿牒焉以稽也期會焉以約也非其所以爲政也是故振作鼓舞之而民興矣匡直輔翼之而民率矣優游漸漬之而民和矣故猛也者其弊也過君子濟之以柔寬也者其弊也不及君子濟之以剛君子之於政也明其道焉已矣反其性焉已矣故士民不異治政教不異功今子之往也致其志則趨一趨一者順致其軌則風行風行者動致其典則令肅令肅者從致其德則化孚化孚者洽政有弗成者乎故雙流以教然而太平之政具矣太平以政然而天下之治具矣此歷試之

意也行矣勗之

司理篇贈方子

歛方子行之除建昌推官介李子段子而見宮案氏二子曰方子入畜而晚洩厚植而薄發茲往也願因以有聞也余旣揖之入其眉宇稜稜爾觀其嚴矣論議纏纏爾觀其達矣器度融融爾觀其馴矣則告之曰夫理也者將以理己匪直爲人理也是故嚴而馴焉則不苛達而馴焉則不濫可與言理矣吾聞盱界七閩兩粵聞其民性悍而才武樂爭而健訟理也者所謂聽而辨之者也古之士師必稱咎繇其道明允而已嚴近於允而其用則剛可以治悍達近於明而其用則察可以解爭然

內方先生集卷八

三

剛而束溼薪有可得而撓之者矣察而見淵魚有可得而蔽之者矣皆非馴之謂也其弊長獄而滋訟盡委之於民性不可也古者有野刑有軍刑有鄉刑有官刑有國刑刑非以樹威也惟其允焉爾有辭聽有色聽有氣聽有耳聽有目聽聽非以炫智也惟其明焉爾故嚴而允者善用其剛者也達而明者善用其察者也然後刑成而教弼民恥而俗興不然聚之圍土焉繫之桔萃焉其所懲者亦寡矣抑吾子之嚴也者其操乎達也者其才乎馴也者其學乎吾聞盱之地山川靈秀人物清慧故攬姑山之峙峻嶒而礪礪可以廣操游麻源之流洑瀾而縈紆可以廣才探盱江南豐之奧衍迤而博碩可



以廣學三者爲政之道而學其本也傳曰仕優則學吾子懋焉豈惟迎刃於理脫穎於旣哉吾又觀其成矣

答柯雙華書

承敘皇恐言做郡僻在草萊人文荒陋比歲幸遇明賢駐節開府觀民省方激揚之餘首敦風教章縫之士咸就繩墨士習民風爲之不變誠一方之盛際也茲者僕以予告而歸適庠士小試之後側聞執事欲令郡中開塾率諸庠友來相講藝僕殊不知所自無任慚悚僕本寡昧庸鄙人也執事過聽舍短取長此高明採錄葑菲之量培植菁莪之功然非僕之所敢當也謹以其勢不可者四力不能者二爲左右陳之僕之歸也本以先壠

內方先生集卷八

三

久荒慈闈多曠賴上恩得請然暑方蘊隆事且紛沓歸逾三月纔一展掃而松楸未樹畚鍤未興憂思皇皇至忘眠食何心復對經生析微言闡奧義哉此勢不可一也自備官講幃厲名宮案沃心輔德交與其責公家程期未敢久違爲學之事必假歲月必由漸漬僕安能事雍容於倉卒辨精微於息劇此勢不可二也秋高水落土木可興八月以來僕多止宿先塋親敦匠事去郭頗遠來學往教皆不得便此勢不可三也僕雖登科久而年未及老庠中多比肩故人今尊教一下其少者莫不從而摳衣其長者不從則違命從則僕斷不敢受強受則不惟無益祇取罪耳此勢不可四也凡學之道有四

一日理性二日訓詁三日詞章四日科舉夫訓詁僕所不能詞章亦未所習姑不暇論若理性則聖賢之學莫先焉僕少時未免爲俗學拘纏頃年頗知嚮往勉冀樹立然言有尤焉而無所從辨也行有悔焉而無所從正也蓋方自處於茫昧杌隉之地早夜兢惕之未暇而暇淑人乎至於科舉業當時稍稍記誦以應有司叨竊二十有三年今悉棄置不復道久矣且時文之弊必決裂道術破碎章句綴緝成語牽聯舊事而今之士率厭棄卑近馳騫高遠侈涉獵而忘阻嚙習閭架而味涵泳未出於藍而謂其已青未生於水而謂其已寒病疴已深非一七可療即使僕力爲反正則不合時習若屈意徇

內方先生集卷八

三

俗則非其本心二者交戰莫知所決旣以自誣又將誣人一不能也且僕貌若和易衷實過嚴和恐尙同嚴恐近褊故平生雖無忤物亦多敬覺力欲芟除病根未拔又習於疏嬾居常高眠靜坐聞入公府則先已輦蹙坐遇俗客則不覺厭怠今臯比旣設朝夕追趨一涉公程便爲官務樗散之人豈勝羈束且通庠諸士英髦濟濟本所樂親然人心不同或如其面况督率而來非其本志一有不合輒難於處與其鮮終於後孰若蚤斷於先二不能也夫勢之不可如彼力之不能如此僕豈敢強其所不能而當其所不可哉執事此舉旣以愛僕且愛諸生摳謙之德下逮凡愚造就之力徧及俊乂其不感



發而鼓舞者非夫也僕不足道然勵志強學名附甲科修身律已譽竊鄉曲固亦諸君子之所觀而摩焉者也卽此二者諸生殆有餘師矣奚必開塾講藝而後可以掇科躋仕哉偶有傳聞披誠以告伏惟執事特賜鑒亮急收成命勿致往復煩瀆清聽幸甚

與殿學白菴豐老先生書

往歲淮浦以張都帥便一申問候時方舟解顛覆中未能披悉悚愧悚愧比薛生至捧讀教言伏承齒錄慚怖何堪敘無似仰戴明恩雖起居或後而瞻依未忘人自閩來每承動定鬼神純佑禔福維新下情無任欣忭賜環之詔初若稍稽近諫垣復有言者恐海上行窩無復

內方先生集卷八

五

久淹車從矣斯亦天數人理剝復之道也敘無似自違講席卽遭喪病踰伏草野殆將十年壬辰北上乙未冬承乏教胄朝廷又以資序頗久假以中允丙申又以修書微勞再進洗馬自惟謝劣荐荷恩命蚤夜皇懇矢圖報稱但導化不明士心盡壞瀾倒山頽非絲薄所能撐拄耳茲因薛生人歸謹此奉復伏惟門下教之

與總督劉松石書

敘無似自元年一承京邸緒論今十六年矣荐嬰凶閔久滯江鄉稽違問候非徒以道里懸邈爾也及公視河於瀉不以其不肖而惠教焉比制閩於邊又不以其不肖而惠教之加頻疊焉敘何人也過辱存注然識慮庸

閩曾無一得以裨萬分悚愧何如惟公經世之才紆籌於疆場體國之誠盡瘁於夙夜驕虜在門部落盈塞其或豕突而復鼠竄者以公捍禦之力保障之功也然制馭之策供餽之需司兵農者乃爲之漫然而且遙度而中制焉公所以增其憂勞而不能自己也夫事之可憂其在於今莫甚於邊邊之可憂莫甚於虜之聯絡而我之無備也今羣公不以爲虞而又諱之舉天下迫急重大之務而付之恬愉鎮靜所謂抱火積薪而寢其上此區區之慮不在於疆圍而在於廟廊也東坡曰西北有可勝之形而中國無可勝之備時如東坡虜已盛矣而曰可勝今之賊勢雖有點酋主之叛卒誘之然志不過

內方先生集卷八

五

搶擄則其可勝猶有易於昔者特患吾失所以備之道爾趙充國破西羌計之熟矣賴魏相贊之於內是以卒成其功李綱識患於蚤捍禦顛危而卒無救於禍者以主之者無其人也由是言之爲可勝之備者豈獨司邊鑰者之責哉公雄略足以濟時精忠足以動主威望足以懾敵恩信足以結士北門鎖鑰西賊破膽一時安危惟公是倚願決計策如趙將軍持議不撓如李忠定而利害不顧焉則必能制勝戡亂成大功者也况假國家靈長之運隆盛之福哉人去謹復竝陳大略狂僭瑣瑣伏惟左右垂察

答顧東橋書



興都大典特歸鉅筆爰自簡命殊切欣慰頃承台翰采  
摭遺逸不以謫劣猥見咨訪而府吏奉教亦復枉及遠  
荷謙光祇增慙慙敘楚之鄙人也謏聞寡見無足仰贊  
然竊謂事有體要文有義例今日之志志興都也法當  
以建都政府爲始而歷代之沿革合郡之文獻附焉示  
先所重也若獻皇聖跡睿製與凡嘉言善行固已登之  
實錄藏之天府有非臣民所能聞見者恐亦非茲志所  
敢具載也諸凡賞詠景物宣教邦域有功興都見於恩  
紀合春堂集者竝可恭錄餘從省略示不敢同實錄也  
至於聖主中興制禮作樂此自關朝廷事達諸天下傳  
諸後世非舊邸故都所得專紀而誕聖養潛之期入繼

內方先生集卷八

七

南狩之典尊崇嚴奉之制升祔祭告之禮建置改易之  
規詔諭傳宣之文品題詠歌之什則當以次備書然亦  
惟取其關於舊邦者示不敢用史例也其郡邑故實則  
司徒孫公志安陸荆門司成魯公志景陵大參初公志  
潛江而敘亦妄志沔陽欲求承天之事大抵具矣又興  
邸舊臣與一時從龍諸君子及郡內大夫其存者但當  
列其名氏官爵亡者亦當采其物論所歸數人爲之立  
傳示勸戒焉可也敘不佞竊以爲睿考知天守道誕聖  
啟運今上膺圖受籙建極錫民此實國家中興之業無  
疆之基近而四海遠而萬世所共仰戴非一方一時偶  
出而僅見之欲藉以鋪揚盛美誇詡後來也故今日之

志當紀其巨而略其細錄其切要而舍其繁複宜謹嚴  
不宜汎濫宜質直不宜炫飾宜統括不宜瑣屑明公學  
綜七略才具三長承纂緝之任操筆削之權據實以書  
之毋徇以眾論之異同秉公以處之毋牽於人情之好  
惡則金匱石室傳信於無窮楚水荆山託名於不朽矣

與黃卓峰書

孤再拜奉弔執事猶括髮杖而不衰是未成服也按禮  
聞喪若未得行則成服而後行註謂使事未竟也朱子  
家禮亦謂不奔喪則四日成服不奔喪卽未得行之謂  
也故其儀節於又哭三哭猶括髮袒及三日成服卽不  
復括與袒也若聞喪亟行則但當變服於禮無括髮袒

內方先生集卷八

六

至於家然後括髮袒言不可以是行於道路也喪服小  
記奔父之喪括髮於堂上袒降踊襲經於東方亦謂未  
得行而成服者爾故禮奔喪者不及殯先之墓括髮事  
畢遂冠歸入門猶括髮夫必冠歸者嫌於道路也且初  
喪被髮小斂括髮至四日而成服禮之節也括髮未有  
過三日者也執事聞喪於崇想已括之矣不必至沔而  
再括也况自聞喪至今不止四日則成服之期已過不  
當至沔而後成也執事判郡攝邑公事未竟謂之未得  
行可也則成服而後行無疑矣若今但括髮而不成服  
則不惟無入括之禮且有道路之嫌若道用冠至家而  
又括髮是三括髮也斯亦過矣若禮奔喪亟行不言括



髮成服欲其至家行之也惟不卽行則遂括髮成服不欲久廢禮也此聖人至精至密之制也且禮有衰而不杖未有杖而不衰者執事不成服則不當杖杖則必當成服若不冠不經而杖是違禮也執事純孝哀痛深至不覺其過然先王之制不敢過不敢不及孝子之於親諸無所盡其心惟盡禮而已故曰葬之以禮也孤於先人之喪亦多草草近於讀禮之餘竊有悔焉茲復敢以告執事者冀執事謹之於始以盡誠信之道無若孤之有悔焉可也僭及無任瑣瑣之懇不具

奉張羅峰公書

不拜光儀歲月苒易台斗在望如何可忘昨來使陳動

內方先生集卷八

三

履迪吉甚慰頃緣亡妻榷歸方茹酸痛又徒舍監署道復迂僻且不虞使之亟歸也故失問候耳惶悚惶悚敘無似伏惟明公孤忠大節俊德元功震耀今昔覆冒函夏乃者體稍違和力求還山主上重違雅志暫聽歸憩天下之人不能不謂其無可見之幾而有不終日之決也茲賴社稷之靈鬼神之福已勿藥矣主上眷顧今遣使邱園特勅起公又令藩臣身爲之勸所以延佇之意何如也明公自度謨明弼諧主上可一日無公平隆恩異數公可一日忘主上乎夫心膺之重寄不可執以形跡之末務也休戚之大義不可拘以去就之小節也故召公之去姬公留之責以篤業之業告以猷裕之道甚

倦倦也明公建立在旂常者已光明雄偉矣然平生之所期許聖明之所倚毗四海之所繫屬萬代之所瞻仰者抑亦有未竟而可爲者乎夫斐忱之命猶不敢知時幾之勅舜與陶臯之所交倣也明公欲修姬公之業而又欲遂召公之去可兼得乎敘無似受公知遇之深自惟謝劣不足爲重敢因人便具書以速伏乞明公察之寬之若夫芻蕘之見或可備采擇者則伺芾烏至日陳之左右

復毛東塘先生書

按明史毛公諱伯溫字汝厲吉水人官至兵部尚書太子太保

去歲復聞薦嬰哀疚適胡巨卿使還已嘗致書奉慰近庸之奉表至敘因與子才朱君謀修祭酒之敬旦暮便

內方先生集卷八

三

當頌致爾伏惟孝履無恙大事克襄幸甚幸甚人來荷手疏感仰彌切臺主之推實聖明所親擢南師議起知將以大帥屬公然未有明命而公禫期尙遠計必具辭昨疏入明命始下敘不才無所知識然竊爲公難之夫起復之說貴鄉一峰先生論之詳矣况御史大夫總司綱紀可不慎重但金革之事古人率以墨衰從事而主上於公深眷於撞撼之餘屢起於顛頓之後簡畀之重知遇之隆有不可以故事拘不可以私情辭者公將何以處此乎敘不才竊觀南征之師所繫甚大近分遣錦衣往勘而唐平侯疏論剴切以爲師不必興勘官亦不必遣若公以金革遽起脫使勘者至亦如平侯言則公



將仍終制乎遂留而不反乎此不可不熟計也敘不才今欲畱公於家以終禮制以事君也夫南夷不貢雖非門庭之寇然朝議興七省之師勤萬里之役不可謂非金革之大者公亦可以起矣敘不才固不敢望公匍匐於道以犯違禮之愆亦不敢望公偃仰於家以取方命之罪願禫期頗遠而師議亦尙未決公且出舍於外以示不敢內顧之意然後再疏請俟勒官至日如果天威一臨醜夷伏罪則朝廷可免師旅之興公亦可終先王之制若果負固不服必勤天討公卽當星馳赴闕躬受廟略如欲先事處分乞且料簡士馬哀集糗糧凡軍中事宜許公條奏恭候聖斷身未卽起口當盡陳如宋劉

內方先生集卷八

三

珙故事况盛夏大暑不利興兵議定師行必及秋杪此時服制亦至終矣如此庶國家兩盡其義君親交致其情用此與師無師不克用此問罪無罪不服實通權達變之機也公忠孝之德通於神明經緯之才炳於朕兆臨大事決大疑必有道矣而敘復不免於喋喋者蓋欲以一得之愚報終身之知遇也伏惟台鑒不宣

復周光載書

伏省華牘文縑遠意甚厚念自睽別奄及十年緬惟昔遊英論偉識實啟昏蒙不虞鄙陋概見投合切劘之義佩服良多伏惟執事洞悟冥探潛心鴻業覽春秋之奧得邱明之雋作為文詞闖入垣域振大雅之音成一家

之言一時旬餽之說蕪蔓之詞形穢多矣敬羨敬羨敘也鄙少竊願學性質蠢愚氣志慵惰毛髮既變蹊徑猶存邇年荐嬰凶閔久在呻吟舊業都廢懵然無益往歲還朝沈淫舊列進不能抽金匱石室之秘取長揚甘泉之意以獻納聖朝發揮偉麗退不能把三寸弱翰齋油素四尺與天下上計吏問其異語摘之於槩而徒低眉結舌抱愧何堪執事不察猥賜稱許過矣過矣卽謾出一語何啻鼠垣之與牛場也所冀君子不遺瑣尾時枉開益使警矇得與於爛漫之觀跛躄得踵於遼遼之迹敘之幸也非所敢望也如何如何披悉無期馳瞻爲切裁書奉達不盡所云

內方先生集卷八

三

與宋巡撫論災荒書

按方宏履州志誤作陳文燭文

做郡地窪水鍾漢逕其北江逕其南沱潛衍派雲夢匯澤故水之患無歲無之民田率壅土爲曲隄隄之大者以百數歲隙繕隄其勢高堅而來歲水緩故得有秋不然無不立快自正德丙子水大漲壞隄障沒田廬民死徙殆半病者至今未蘇息今年六月中江忽暴漲勢如建瓴隄皆瀾漫無埃衝崩一夕水猝至丈餘民無所措手足又無山岡可避或巢木末或棲屋巔風飄波蕩非溺則飢有闔門爲魚鼈者矣故今湖北之災視他郡尤異往歲水災輒得徑自上聞今則謂有新例但申呈而已昨撫院奏至雖概及於沔然湛溺之狀豈能獨詳於



河哉夫民之瘼不能上達則所仰者明執事一人爾頃者賑恤之典雖行恐所捐有限數十萬命未易周洽况給發之時其弊有甚焉者乎蠲租之令雖下而尙徵三分洪流千里尺寸之土皆無何由復辨况催科之際其弊有甚焉者乎伏惟明執事控制諸藩總司風紀而撫綏之任爲重其在今日尤莫有重焉者伏望仰體當宁畏災憫窮之意仰念小民昏墊流離之苦或移節躬臨或命官覈勘先以倉庫所積銀粟盡行給散以救張口待哺之眾帑銀至日數有不敷多方察出如太嶽香錢州庫魚課之類普施大資其見徵三分之租自沔歲運計之不過三千卽以賑代補之斯亦良法也然說者曰

丙方先生集卷八

三

給賑不如折租蓋以賑之不均不如折租之爲實惠也夫天下之弊患其不見不見猶將圖之豈有目擊之乃委於難而爲是不得已之計哉民之有租是有田也此平日之號爲有恆產者今雖饑或不假於賑又從而折其租是惠徒沾於有產之民也彼轉徙之眾單寡之丁既無租之可折又無賑之可賴其不至於填溝壑膏草野亦焉往哉是大可悲也况所折之租不過三分今至困極災雖在中人之家不免垂罄而司牧者但曰折租此何救其目前之急乎且民有田者少無田者多使就食之民扶老攜幼滿道而來乃託曰無租之可折也則將坐而視其死歟伏惟明執事純德閎才周知博識居

撫臨之任值凶歉之時拯救之計必有得於咨諏之僚固無俟喋喋也然救荒之策自古所難偶有所見不敢不言明執事虛懷遠訪有不容默而同室之患亦不可相視如秦越也丙子之災朝廷遣東湖吳公賑之東湖公才大謀疏故當時賑格頗有遺慮如作粥一事反滋弊而聚死耳及東湖公按部至沔諸生入見首問郡志而已此何異不能三年而總小功之察哉僕在諸生中爲之痛心嘉靖初沔復災儲知州洵專務休息征科一切報罷歲租悉以庫銀代之民不知也及散賑洵計道里遠近具舟載粟約民不得入州洵躬立村市給之民隨至隨支人人沾足而吏胥亦不得爲奸故民始以催

丙方先生集卷八

三

科不至輒流及聞洵賑濟得宜雖流亦輒復是歲之災不甚病者以有洵故也僕時以使事過家蓋親見焉夫饑民之來必經里胥里胥之報或非甚饑之民也及散賑之日民遠者率先期而集或過期而不之給經旬浹月不能得夫人不可一日而無食故有口腹未充而先橫道路升斗纔得而遽償市肆者矣夫荒大災也賑渥恩也而其苟且若是是可忍乎故如洵者可謂盡心焉耳矣明執事在上數郡生民倚以爲命必有如富鄭公朱文公之策者而僕獨曰洵者蓋自夫近者言之也然僕之所陳者沔也是未免於鄉土之私也僕嘗以爲歲之凶也有饑民有流民饑民者我民之有籍者也流民



者他民之逋亡及我民之東西轉移者也賑之所及皆有尺籍可呼名而唱籌者也流民則不然斯其賑也亦狹矣夫我民之在他猶他民之在我也是可以差等乎富公朱公之所活皆流民也故其命以數十萬計今明執事之所統四省之民皆赤子也而以二公之心爲心則所活又止此乎使有司者皆以二公之心爲心則所活不如二郡無是理也故擇賢有司而使之救民不啻療病而任良醫也惟明執事留意焉

與余方伯論魚牙書

按方宏履州志誤作陳文燭文

大方岳余老先生門下執事比來一再奉書俱辱優納感何可盡茲者不揆復有所請孤苦塊中人事謝絕率

兩方先生集卷八

書

不與聞去歲臘中諸河泊官吏業民相與過孤爲言朝廷徵取魚牙上官督催甚急願湖澤中實不產此謂孤可以一言進欲令幹旋其事孤以爲有司自能申達當路必能處分無俟孤言謹謝遣之而去今春復來言郡中具申不聽奈事頗急請以價折之孤以爲無與於己亦復謝避日者復相聚而至人益眾爭言折價亦復不聽然來使日相責索願各捐資遣人詣荆岳收買之願差人督責亦嚴若不可以須臾緩者請遺書左右少寬其期已而陳刺史亦至深爲之勸孤重違其請兼以鄉里故敢特瑣瑣爲一言之夫河沮茹之區蓬葦之澤誠魚蟹之所聚網罟之所集也夫水之匯聚莫如河而勢

最清淺其湖苟不濱湘江與漢流皆無支派可通非有洪濤巨浸則各爲一區如陂塘而已非若江淮河海旁通遠引泓深空闊也夫河之湖誠多矣亦誠廣且大矣然皆葦葦菱芡之所生婦人孺子駕輕舸短楫可涉而過冬窮水涸有可以蹇裳濡足者矣夫物不足以容者皆不足以息也擊水之鯤必居尾閭垂天之鵬必盤幽島非可責之溪壟也夫河之民固皆以捕魚爲業然苟得尋尺之鯉則相顧而喜矣故魴鱮鰕鯉鰕鮒鱖鱣此河之所服食而商販之所買也今所徵魚牙則鱧也鱧非河有也卽有之不過徑尺而止耳必如來式非重百斤不可且其色必正黃餘魚不用此於洞庭大江徐求

兩方先生集卷八

書

之或可具也然擇之精而求之切雖洞庭大江亦罕矣况於必無之沔陽哉或以爲沔涉大江此亦足致者殆未躬履其地也夫河惟西南一隅與烏林相望荆岳相連然必深夏川流泛溢江水灌河此魚乘流而入容可得什一於千百也且今所需至百二十斤以魚計凡千有餘斤此何異求珠玉於茅茨擇章弦於扣繡哉夫以必不可得之物而索之必不產之地以必不可已之舉而付之必不能致之人君子於此必將爲之地矣做郡陳刺史寬而愛人慎而克幹得檄以來蚤夜焦勞深慮無以奉命而塞責下至河泊官吏亦惴惴焉惟恐及於罪也夫以腐敗摧割之物而上下爲之弗甯孤於是而



獨不知所以爲謀矣伏惟執事深察地勢遠見民情惻然興感昭然垂慮惟令折價責付沿江郡縣代徵或復假以時日俟其備買立召來使明示期限使上不乏用於公家下不遺憂於荒郡朝廷泯誅求之跡官民省督責之煩於執事爲仁術而孤也有榮施矣如何如何越冒台威無任悚責

與胡寵之書

敘自違隔逾秋怔悵增勞想離郡以來縷繆一也僕之於君異體偕心合道齊軌竝以弱冠結駟京國帖畢鉛槧戮力相規出則聯袂九衢入則竝棲一舍芝蘭同臭何殊於茲丁年分攜馳驅塵鞅君則遊覽梁晉僕則經

丙方先生集卷八

三

涉魯粵東西南北奄忽歲時睽絕之思如何可言往者角藝鄂都蕞桂秋山復叨附驥生平意氣乃茲一信縱黃鶴之大觀弔鸚鵡之廢蹟蹴大別令東倒障漢波使西逝何其驩也獻賦上都翱翔雲路僕復不幸創痍浸淫肢膚痛苦方臥長卿之病兼動馮驩之歌而君時枉軒車垂意眄睞古云知已孰謂無之迺今已矣感歎發憤冀得同升以永笑樂而劉蕢見忌李邵謬登命也如何凡在雋流同斯歎惋嗟乎漢嬙無命楚和失時雖揚蛾入宮懷瑜赴闕祇益其悲泣爾君擢秀鄧林駛流清派隱神物於豐城囊夜光於川澤良時多暇高朋萃止躡屣峴首接離倒著舒懷習池銅鞮齊唱重以鯉對趨

踰萊衣熠燿俯仰之樂孰踰於茲且夫駉驥垂耳於槽握游鳳委翅於枳棘固未殊絕也及其霜蹶蹀躞勁翩翩翩高翔青雲顧盼千里豈必借翰於扶搖假力於筆策哉僕浮名罷繫夙病糾纏欲委置長往則親心未慰低首踟躕則羈情潦倒又恐毀棄路遠傷其明喆是以輾轉徘徊重增切怛且則廢餐夕則倦寢每不自持輒從二三君子或周章在途或歌嘯永夕或濡吳毫宣暢紆結或張蜀絲雜引商徵加之秋氣蕭瑟木葉辭餘明月入帷涼颯夜起悲笳微吟哀角徐動於斯之時百感駢集五情竝亂仰鍾陵之日望太行之雲楚曉蘭芬湘臯草綠言念初服何時可忘此阮籍所以當途而哭王

丙方先生集卷八

三

粲所以登樓而悲者也安得從君尋故山之樂信久要之雅哉夫達士論交匪寄形神千里之談有如傾蓋何也以其相信也故特與君陳其大較逸情隱志庶其亮之嗟序飄寄沙漠悵離隔矣關河伊阻杳難涉矣悠悠我心何時歇矣努力明德各敬厥身志慙縮地義存斷金飄飄北風有懷德音

招田雙峰書

敘頓首日誦雄篇若扣金石發文囿之春華得詞場之先路近日諸家誠不多及但中皆懷鄉憂國之辭含悲愴別之思遠志孤懷悠然可諷矧今元冥迴馭青陽未舒霜霰載零廣莫風至羈旅之人益用興懷夫禮有弛



張詩美善菲登高能賦可爲大夫故周遊廣覽之適羣居燕笑之樂所以開煩紆息勞瘁而暢神志也客有謂然者欲就開曠之地聊陳尊俎之懽尺簡方臨幽情先往然習池騎馬實藉風流滕閣揮毫竟須才雋僕雖不敏猥廁同升輒擬濠梁之招共爲洛社之會儻剡溪之雪不妨乘興則西園之蓋竊願追隨將使離羣之感暫權於促席同心之言得盡於抵掌亦一樂也若以臨觴展志卽景命篇使曲水之亭存其雅蹟東橋之竹增其勝概又他日話柄也客亦欽慕未遂招延請託報書庸爲紹介伏惟惠然敘頓首

復熊南沙書

內方先生集卷八

堯

日者在朝偶承台山問及處變之禮時方震疊語不可悉但以三日哭對末復草數言以足其說不意誤達執事致屢來誨又博覈詳究務底精當所以爲教甚盛敘也鄙無足與議鉅典然因清論所及亦復有疑敢相是正執事謂日食太廟火不得終禮雖接祭有所不能安論殺不殺哉且以日食疇人所知司歷奈何不以告而行祭曾子奈何以爲問遂以其文之不類而疑後人之所篡入敘竊謂曾子蓋舉當祭爲問故孔子以牲至未殺則廢爲言明牲殺而行事則不可中輟亦惟接祭而已若未殺則未祭奈何不廢孔子此說蓋推言之意義亦明近何燕泉嘗以問王陽明陽明謂當祭而日食則

固已行禮矣如是而中輟不可也非以爲後人所篡入而疑之也至於日食而不知則官失之也傳亦言之矣執事以爲本無可疑敘則謂以當祭爲詞則其疑亦有不得不然者爾執事又以成三年新宮災三日哭引釋例諒闕初闕而遇天災則感而哭之以致哀異於餘廟且引西宮桓宮僖宮災皆不哭致謂哭廟雖或有之苟毀於諒闕之後與世次之遠者皆本不哭因以檀弓爲附會春秋敘疑滋甚夫西宮惟穀梁以爲闕公廟公羊注以爲小寢別宮執事以羣公稱宮遂疑爲廟然則司鐸火火踰公宮亦可以爲廟乎桓僖宮災孔子聞而知之注謂親盡而不毀胡謂季氏出於桓立於僖以是爲

內方先生集卷八

罕

悅而不毀孔子之言蓋謂此也故或不哭卽哭亦例不得書皆非新宮之擬也至於命出御書如南宮敬叔諸臣所言孔子不以方色與兵之說蓋謂救火之道非處災之禮也似不足據春秋書災雉門兩觀之外宣榭火亳社災以外事皆書聖人之重災也如是故新宮災三日哭書新宮胡謂宣公薨至是二十有八月緩於遷主書三日哭杜謂宗廟親之神靈所馮而遇災故哀而哭之善得禮也鄭元亦以爲天火人火哭皆當三日今執事舍注疏而據釋例不幾於棄經而信傳者乎且謂檀弓之附春秋可也不知春秋又何所附乎敘竊以入廟嚴奉之地一夕竝燬成祖仁宗二主又爲祝融氏奉迎



而去此正臣子攀號泣血之時雖欲勿哭不可得已故妄謂災之明日君臣當臨而哭之略如居喪之儀可也夫二祖不遷之室六宗昭穆之宮一旦煨燼在天之靈無所憑依豈桓僖當祧之廟可彷彿耶昨有旨奉安列主於內殿恭顯二主於陵又以睿考之主不得獨安爲言又欲避殿撤樂則深哀極痛發於聖衷已惴惴焉不須臾甯矣凡奏謝郊社遣告羣神皆得處災之禮獨臨視而哭或少略爾執事又引晉杜夷江淵議修墓比廟災而不行服梁何偃之議改葬依三日哭而不服敘按禮天子諸侯易服而葬又曰改葬總子思又曰父母改葬總既葬而除之不忍無服送至親也韓昌黎亦議之

內方先生集卷八

望

矣執事引諸子謂六朝禮學最精不知夷淵諸人所議於禮何如也如以改葬爲例則總固不可易服亦不可易乎故敘欲烏帽角帶而縞衣亦易服之意也其謂今之修省令甲往往青衣蓋處尋常變異之禮非謂事出曠聞禮不經見者也若夫位次則太室之前皆爲瓦礫灰燼矣不於都宮之前而何敘設聞寡學謬承下問姑撫舊說以復執事高明博雅必更有考勿以爲僭且妄而終棄之幸甚

與張龍湖書

往歲遇貴鄉販薑者詢起居頗悉因具素書致區區不知能徹左右否人之相知雖斷疆絕壤精神夢寐殆相

往來不在音問疏密卽有感念之作總卷之書不必寄與否雖寄不問其達否也蓋殷勤浹洽之意出形跡聲音之外聶嘯啾嘈此兒女子情耳向在黃州與王稚欽內翰論此亦以爲然數年來兄無一字見及豈坐視耶抑偶遺耶伏惟禮制當終福履駢集經幄啟心玉堂倚德足慰海內之望但綵鸛之發未識何時過洞庭經烏林赤壁之間有戍名茅埠者沔地也去做城百餘里儻少艤舟令戍卒馳報孤當蕩小舸穿紅湖與君一會瀟湘之浦不惟償數年之別亦足爲生平之樂也如何如何孤再遭家禍多歷殷憂孱弱之體已不能堪而母氏在堂百口交累歲歉囊貧無所仰給每課諸僮事田廬

內方先生集卷八

望

具館粥守元抱拙幾與田舍子無異靜言思之踧踖不堪王都護在楚偶得通書附致此懷伏惟垂亮

與王鼎文書

敘再拜奉讀學志續稟事務該備本末詳核煥乎足訓矣敬服僕荒陋寒淺屢荷不鄙虛懷枉問昔春秋肇修游夏莫贊執事深究三傳之旨而僕敢當一詞之助亦君借聽芻蕘采擇葑菲之意也竊嘗聞孔子廟庭從事諸賢代更僉議及今而後定其禮甚嚴故名宦鄉賢別祠於外所以慎禮也獨吾庠列於東廡之上乖錯特甚今雖徙居廡下然未免涉從祀之嫌今直書其地與其改遷之所而不言其故恐後之人以爲旣改矣無復別



建之意而不知改者之限於勢力姑徒置之以示其意耳茲欲附數語於下以告後來如何至於從祀者自四配而下已有定制聖賢事業人皆誦法無俟史書獨名宦鄉賢乃出於郡人之追慕學校之公議或取其一事之功或仰其一鄉之善非天下所共聞見如七十子者也今存其名而不究其實歲月浸遠誰復知之且使士民徒瞻其名位而不知考其功能不惟無以爲法效之地亦何據以展其對越之誠乎况拾遺編陸鴻漸旣得特書而顧略於諸公亦或未可也茲欲更拾遺爲祀事編大書諸公之名而以功業附書其下使先輩名實託以不朽而觀者興起斯志之切要也漢濱老父而下則附是編之後妄意陳說忘其膚近高明幸取裁焉

內方先生集卷八

聖

內方先生集卷八終

同里後學盧靖校刊



內方先生集附鈔

沔陽童承敘

沔陽州志序

以下俱摘鈔沔陽州志計二十一則

余爲志據諸史傳及故志所載尤者裁焉鄙者黜焉略者覈焉訛者正焉疑者傳焉其功賴諸子搜校爲多余特類萃耳紀一表四志八傳十有一統十有八卷郡之大事鑒戒存焉作郡紀封爵秩官人物皆爲郡邑重作四表凡志郡邑者民所止也故首提封位署建而制度彰矣故次創設役莫大於隄障民食仰焉故次河防河防固而財用阜矣故次食貨富必有教故次秩祀校者禮所從出故次儒學有文必有武故次兵戎凡傳秩官

內方先生集附鈔

一

人物敘事也良牧惠也名將錄功也死事忠也名賢尊德也逸士尙志也僑寓思也孝義崇節也外傳備遺也

郡紀論贊

夫祥異者天乎順逆者人乎隆汙者時乎天兆於上人變於下而時運乎其中矣相與之際何較然弗爽也是故郡之事孰大焉余因稍論次紀之夫沔之事載諸前聞大者如是而已休也咎也臧也否也興也廢也豈非後世之恆鑒哉

贊曰南紀建邦實爲雄鎮兆分祥沔蹟殊休吝建革隨遷興替迭運時易事更交徵互應粵稽往牒式昭恆鏡

郡縣表論贊

夫州堃之畫存乎制沿革之變因乎時竟陵沔陽漢晉而下竝爲名都重鎮雲杜香城建興又爲公侯爵邑其所由來遠矣至其封割徙置不能不隨代而殊余故列之於篇備觀省焉

贊曰雲夢畫堃江漢導流剖郡置守開國建侯晉隨重鎮漢唐名阪遷徙殊代封割異謀

封爵表論贊

沔自漢以來雖爲王公爵邑大抵遙授而已賢如子良不賢如義宣於沔也有榮辱矣

贊曰竟陵雲杜土曠而野列爵建邦受茲赤社作彼藩服光我江夏

內方先生集附鈔

二

秩官表論贊

敘聞之守令者非以役民也將以爲民役也是故不惟其官惟其賢不惟其事惟其能而已夫人之宦於沔多矣其可考見者於是表著之或賢焉或能焉或否焉民指而議之雖千載之下卒莫能爽其口也是又其特爲民役而已耶詩曰下民有嚴言可畏也故畏民者昌使民畏者亡

贊曰桓桓郡邑惟民攸止煌煌珪組惟民攸視役之則亂畏之則治崇卑殊秩牧愛同理

人物表論贊

余觀岷之江嶓之漢皆逶迤行數千里而會於沔其休



風顛氣之所翕必發之人也而鍾和儲秀自子文而下  
代不乏賢然鴻名峻烈垂光發粹者武亦不多接也抑  
尚有應是而生者乎夫靈稟存乎氣清修存乎人故才  
以地產地以才勝君子之爲鄉邑重固不係乎其感也  
兩已

贊曰澤鍾陵竟風氣透迤我我雋賢發粹舒奇清勛鴻  
業鄉國流輝昭往啟來人文用熙

提封志

謠俗往籍備矣余所聞長老國初民踴躍奉法度其後  
吏或逋蕩無風軌江左右黠商賈逞逞朋呼黨聚雜編  
疇與處而奪之業稍龐雜弗齊矣然民率椎質無深文

內方先生集附鈔

三

或片辭至呵呼不能下詘則俛首服史稱荆勁也豈不  
然哉地素曠多耜耕婦女雜作歲少穰卽營營治產業  
歉或妻子下相聊然捐淫末憚遠商甯餓死溝瀆不爲  
盜歲隙則縱馬牛野中比服役始收之婚不論財士大  
夫必親迎喪多用家禮士皆醇謹有文斯亦他郡之無  
也景陵尤激昂負氣好稼穡務畜聚其士姁姁愛禮民  
喜健訟率爲侈靡相高大都沔陽簡景陵侈沔陽樸景  
陵飾沔陽愿景陵亢歸於近厚爾孔子謂魯一變至於  
道齊也魯而已有政教者慎導化之不難變也

提封志論贊

天下名郡縣必有迴峰複嶂爭奇角勝而沔獨以湖澤

聞川原聯絡不啻峰嶂之迴復也然土隙而曠故民怠  
地卑而潦故民瘠夫富者貧之誨也利者害之買也民  
頗歉則多思思則勤勤則儉儉則資治之道也故與其  
怠也甯瘠

贊曰襟雲帶夢負漢抱江洪川沃楚幅隕旣長土曠潦  
頻多瘠少穰苾思思義以登淳龐

創設志論贊

夫崇墉浚隍所以養安也高堂遠廉所以養尊也故人  
安則本固而民和官尊則等威別而民敬是故安而無  
以守之誨盜之場也尊而無以臨之移氣之所也

贊曰署維位表宅維章次言言者墉民斯攸堅創廢葺

內方先生集附鈔

四

類用謹常制

河防志論贊

凡水在上流者江漢最大其流俱至雲夢而合地窪水  
豬故爲巨澤當堯之時洪水橫流禹治水荆州導漢過  
三澁至於大別導江過九江至于東陵沱潛旣道然後  
雲土夢作又傳言水落而土見可耕治也周官職方氏  
荆州之藪曰雲夢漢司馬相如賦子虛稱楚有七澤雲  
夢其一澤方九百里此皆作又之餘至周迄漢猶爲藪  
澤杜預曰雲夢跨江南北郭璞曰安陸枝江俱有雲夢  
城胡三省曰雲夢甚廣後世悉爲邑居聚落則易藪澤  
爲墳壤矣蓋漢最濁漢書云河水一石而六斗泥涇水



一石其泥數斗漢水之泥亦不啻是每與江湖水合其  
滓必澄故常填淤而沮澤之區因成沃野南宋張興世  
居臨沔水門前忽生洲嶼大數十頃是一證也惟江清  
不易淤然荆州記江陵初有九十九洲後其洲滿百則  
江亦有時而淤蓋所謂土作父者其由來者久矣故沔  
居澤中土惟塗泥而竟陵雲杜頗多高昂之田民漸芟  
剔壑爲阡陌然江溢則沒東南漢溢則沒西北江漢竝  
溢則洞庭沔湖匯爲巨壑雖堯橫流之時禹未導之日  
不是過也故民田必因地高下修隄防障之大者輪廣  
數十里小者十餘里謂之曰院俗作院如是百餘區其不  
可隄者悉棄爲萊蕪萊蕪之地常多於院漢賈讓曰內

內方先生集附鈔

五

黃界中有澤方數十里環之有隄民起廬舍其中東郡  
白馬黎陽故大隄皆數重民居其間其制頗與院同蓋  
自漢已然矣漢唐以來沔隄修廢無所於攷五代時高  
季興節度荆南築隄以障漢水自荆門綠麻山至潛江  
延五百三十里因名高氏隄而江隄亦自監利東接漢  
陽長百數十里不知何時所築名長官隄沔皆賴焉宋  
乾道七年湖北漕臣李燾請修江陵潛江里社虎渡二  
隄詔明年修築紹興二十八年監察御史都民望言江  
陵東沿江北岸古隄名曰黃潭建炎間邑官開決引江  
水爲險阻以禦盜既而夏潦漲溢荆南復州千餘里皆  
被其害近因民訴始塞之乞令縣官隨方修補從之元

季沔乘兵燹之後人物彫謝土地荒蕪明興江漢既平  
民稍墾田修隄是時法禁明白人力齊一隄防堅厚湖  
河深廣又院少地曠水至卽漫衍有所停洩賈讓所謂  
大川無防小水得入陂障卑下以爲汙澤使秋水多得  
有所休息左右游波寬緩而不迫是也故自洪武迄成  
化初水患頗甯其後佃民估客日益萃聚閒田墾土易  
於購致稍稍墾闢歲月浸久因攘爲業又湖田未嘗稅  
畝或田連數十里而租不數斛客民利之多瀕河爲隄  
以自固家富力強則又增修之民田稅多徭重丁口單  
寡其隄壞者多不能復修雖院必有長以統丁夫主修  
葺然法久弊滋修或不以時故土未堅實丁夫或非其

內方先生集附鈔

六

數故工尙鹵莽夫院益多水益迫客隄益高主隄益卑  
故水至不得寬緩湍怒迅激勢必衝嚙主隄先受其害  
由是言之客非惟侵利且貽之害也然大水驟至汎濫  
洶湧主客之院皆爲波濤雖曰主害亦匪客便也故漢  
書曰左隄強則右隄傷左右俱強則下方傷其謂此歟  
賈讓曰隄防之作近起戰國雍防百川以自利齊與趙  
魏以河爲竟趙魏瀕山齊地卑下作隄去河二十五里  
河水東抵齊隄則西泛趙魏趙魏亦爲隄去河二十五  
里雖非其正水尙有所遊盪時至而去則填淤肥美民  
耕田之或久無害稍築室宅遂成聚落時至漂沒則更  
起隄防以自救稍去其城郭排水澤而居湛溺自其宜



也其事頗類於河成化甲午宏治庚申水大漲正德丙子復漲丁丑如之皆乘舟入城市隄防悉沈於淵民淺者爲椽深者爲巢颶風劇雨長波巨濤煙火斷絕哀號相聞湛溺死者動以千數不特漂沒田廬而已此則民救死而不免也何有於隄防哉故沔民之傲始於成化極於正德瘡痍至今未之復也其後都御史秦金布政使周季鳳以江水常決監利之車木隄漢水常決潛江之班家隄俱修之其丈以千百計然未能高堅水至卽崩弛嘉靖甲申知州儲洵以沔之利害莫大於隄防博求遠訪具知其要害迺上疏曰臣聞禦患不救其源則勞於爲役而敝壞日甚計大事或惜其小則功未及成

丙方先生集附鈔

七

而竝棄其初未有慮之不深圖之不固而能興可大可久之利者也臣待罪沔陽伏見其地南臨大江北枕襄漢西南二百里至監利西北二百里至潛江北二百里至景陵東北二百里至漢川地勢卑窪湖泊相連正繫江漢下流原無岡阜障蔽諸水奔赴若就大壑民田惟土築圩院防衛耕種成化宏治間湖地深廣隄防堅固雖遇江漢水發易於防洩爲害未深自正德十一二年大水泛溢南北江襄大隄衝崩湖河淤淺水道閉塞院埝倒塌田地荒蕪卽今十數年來水患無歲無之上厯聖慮曲荷拯援賑貸蠲租恩至渥矣臣惟重厚之澤豈宜屢覬而思患預防尤貴及時且江漢之水每春夏之

交鮮不溢發使沿邊之地漫無防護徒於諸院小小補塞則高水湍悍勢若土崩至則衝突何功之有臣聞南自監利車木隄水口衝塌每遇川江水發不惟其縣受害而沔陽後澤茅埠凡一十六村熊家潭潭凡四十餘院稅糧八千餘石高低滄沒尺土不堪耕種自潛江排沙頭班家灣新開便河及沔陽石牌鋪諸處水口衝塌每遇襄漢水發則潛江景陵二縣沔陽深江西范凡二十七村蓮河柘樹凡七十餘院稅糧一萬五千餘石亦無尺土耕種加以房屋漂流牲畜溺死巢居野處動經屢月束手就斃言之痛心前隄雖屢經撫按遣官修築但地方廣遠工力繁鉅增卑培薄易就傾瀉以臣觀之

丙方先生集附鈔

八

大患之後弊壞已極使非補天之功而欲禦建瓴之勢吾民不爲魚鼈鮮矣伏望聖慈軫念生民憂患勅下戶部查照蘇松修舉水利故事轉行湖廣撫按並提督水利諸臣酌量計議遣官隨地相度大江則自監利而下以及沔陽襄河則自安陸而下以至漢口大約俱不過三百里之地沿邊隄岸何處可以仍舊何處可以增修如車木隄排沙頭班家灣潛江新河諸處尤爲上流利害切要之地若舊隄不堪繕整客士卒難堅固則移入近裏或數百步或半里許度地形之高卑驗水勢之緩急創築新隄委曲延袤務使高厚堅完永堪障蔽雖遇水發不致衝漫如礙有糧田土勘實奏免非如虛當勞



費所謂漢人治河之下策斯善矣然修築事宜工力頗繁即今民窮財盡若復越外取給則患未及除而首先受弊益其狼狽耳臣愚伏請察撥均州香錢或借支司庫官銀或將沔陽監利潛江景陵起運稅糧每石連耗徵銀一兩比照災傷之例免解本色每石準銀六錢解京其餘扣留在官以備顧募工食之費仍候秋冬農隙每州縣起夫各數百名竝力修築量支口糧卽充賑給庶公私兼舉力役易完從前沮洳盡成膏腴稅糧有資耕治不廢方千里之民受無窮之利轉災爲福端在於此矣臣又聞之宋臣張綸之爲發運也以通泰海州皆瀕海潮水日至城下田土斥鹵不堪稼穡請築捍海隄

內方先生集附鈔 九

於三州之境長數百里以衛民田朝議從之踰年堰成不惟當時民享其利至今通泰楚海迄無風濤之患其利溥矣况今所奏比之捍海之役其易十倍工力之費視一年蠲免與內帑出給之數纔十之三四而已記曰利不十不變法况法不必變而受利什百甯忍坐視患害而莫之救哉疏奏事下撫按舉行會洵遷官而都御史黃衷合藩臬諸臣議以工大費尤且時已迫猝難盡舉按察副使劉士元建議龍淵而下凡九區爲要衝宜先事事迺出司藏千金於沔而中分於景陵遣斷事艾洪董其事洪復益以滄浪而下凡五區於是龍淵花墳牛埠竹林西流平放水洪茅埠玉沙瀕江者爲隄統萬

有餘丈大小朱家滄浪南池瀕漢者爲隄統幾萬丈敘爲之碑記在於是洵之策雖未盡行而江漢頗有所捍漢津驛前於於是洵之策雖未盡行而江漢頗有所捍明年丙戌夏四月江溢至於六月五月漢溢六月連溢加盈焉秋七月復溢如初沔賴以完而百穀用登斯亦洵策之效也未幾潛江河害城邑縣官奏開新河以殺之謂之恩江於是河益猛迅如建瓴然而班家諸隄直擣峻衝沔民憂惶請罷其役而潛人以縣治危迫必欲濬之潛沔交爭如訟後其河隨淤水爲不流嘉靖庚寅漢水決拖船埠西湖水溢沔之西北遂爲巨浸知州曾儲判官蔣賢因塞之洵之疏卒無施行者

內方先生集附鈔 十

謂經無隄防壅塞之文以爲起於戰國然禹陂障九澤而單襄公亦云陳之澤不陂障則其事又先王之制矣夫疏河濬川所以豐物也湮庫塞汙所以防溢也沔之水患無歲無之非有隄防不其魚乎洵之疏賈讓之上策也其爲沔慮詳矣舉而行之無難也郡之利害余故備論之

贊曰雲夢豬澤江漢匯流溢決爲沔隄防肇修捍彼洪波壅茲良疇博哉洵疏惠我民休

沔陽州重修隄防記 見明沔陽州志

按禹貢江出岷濠出嶓爲漢漢東南流爲沔皆瀦於荆沔之陽荆州域也桑欽水經稱沔出武都沮縣東狼谷



中流注漢則漢河又異源而同流河逕江夏雲杜縣夏水注之今景陵有雲杜城蔡傳亦云夏出江入河故河江漢之沱潛雲夢之沮澤也然西南皆瀕江江至荆實匯眾流如沅澧瀟湘每溢則橫潰漫衍頗清而後落其浸河又不啻岷出者漢則歲常六七至最濁而落早故沔庫溼下鹵大澤重湖民田則爲環隄曰院院且百有餘區江溢則害西南漢溢則害東北合則浸及四境重以飄風劇雨之所剝長鯨巨鼉之所嚙故薦饑焉自正德丙子之厄墜埒崩隄民至今艱食迺嘉靖甲申前知州儲君洵請爲隄上游障之明年巡撫都御史黃公子和自滇移鎮於楚問民病瘠知河歲苦浸卽首舉斯役

內方先生集附鈔

十一

而下按察副使劉公伯儒所覈於布政使徐公子積副使程公時言僉議龍淵而下凡九區爲要衝請先圖之命給司藏千金於河而中分於景陵遣斷事艾君洪董其事君至復上狀附以滄浪而下凡五區時知州陳君頤判官王君淳協力祗承迺遴敦事之官募執役之夫持畚揭之器儲餽給之需而同知姜君玉潔至自京亦克襄焉於是指揮使洪君恩偕其僚佐亦各事事其地經畫旣審揀度咸作決者墜凹者墳瘠者培凡龍淵花墳牛埠竹林西流平放揚水洪玉沙瀕江者爲隄統萬有千丈大小朱家岡子滄浪南池瀕漢者爲隄幾萬丈高廣咸視其地而諸院之廢缺民不勸而葺者又統數

十區婁中而肇事翼中而告成蜿蜒隆崇如陵如阜原隰响响疆場斷斷岫然誠足以捍矣明年丙戌民旣舉趾嘉苗盈疇夏四月江溢至於六月五月漢溢六月連溢加盈焉秋七月復溢如初河賴以完而百穀用登老稚胥悅穫者歌之擔者和之嬉嬉如也融融如也諸吏民因伐石請紀以昭公德於弗朽史氏敘曰傳稱以佚道使民蓋以其利利之爾已夫水土演而民用也苟濫於珍矣古者不防川以豐物也然民昏墊則乘載治之矧功約而利博勞近而施迤又所謂惠而不費者耶廩人告竭征權日至長民者不爲之所而徒咎其慢是絕脛而驅之前難已是役也可不謂崇本乎在詩粒我蒸

內方先生集附鈔

十二

民中丞有焉爰始爰謀憲副有焉周爰執事諸君有焉某不佞敢敬識之旣考其成因以諗夫來者

食貨志論贊

河地窪澤鍾故歲恆凶頻歉少穰故民恆瘠然湖多易淤土曠易墾食物旋給他方之民萃焉而江之右爲甚疆者侵產弱者就食故客常浮於主然客無定籍而湖田又不稅畝故有疆壯盈室而不入版圖阡陌徧野而不出租糧者民丁口單寡田地汙萊則至於鬻妻子死極枯而不能免也傳曰不患寡而患不均此非不均之甚乎夫天下無無籍之民亦無無稅之田也今使客丁必登籍而復其常役則口增而民徭之偏重可省也湖



田必稅畝而修其常貢則賦增而民租之積逋可殺也如是主不常貧而客亦可以久富民不寡而力且均矣比者詔令均田河南北皆便之沔之平衍猶中土也獨不可均歟至於民數則其多寡歲非不覈也而聚落日蕃盡爲逋藪版圖日耗幾爲鬼錄可勝憾哉或謂民無兩籍地無兩賦客之系非不曰某郡縣也湖之租非不曰某河泊也不知既已樹桑梓開畝矣尙可泥於鄉土同於湖澤乎况彼籍易竄此籍易匿湖租常少田租常多變移生死規避重輕其弊豈一日之積哉夫無籍游民也無稅閒田也二者惟沔爲多而其增其殺興利消弊無良有司莫能調停矣

內方先生集附鈔

三

贊曰水衍陸饒地廣物豐客浮主瘠潦頻歲凶生齒耗數征權困窮均財齊力弊剗利鍾

秩祀志論贊

夫祀國之大事故恤民必先敬神然非秩而祀者淫也祀而不致其敬者瀆也淫祀不經瀆神不享詩曰神罔時怨神罔時憇言敬也故祭則受福

贊曰明禋秩祀弗淫弗瀆俎豆牲鏞儀文徒縟享以克誠受茲遐福

儒學志論贊

夫士民之望也學之望也敦學教士先其望也故民從之而郡日以治沔陽景陵之學往皆顯盛中更衰弛自

諸君子相繼倡之士至今益趨於盛郡邑稱治焉導化之不可已也如是

贊曰穆穆魯序藹藹弦歌髦雋優游道德觀摩化興江漢教重菁莪禮樂宏敷郡國是吡

兵戎志論贊

沔地負襄郢抱荆鄂雖處僻野亦用武國也地素庠每岷嶓水溢直接洞庭四通八達無復捍禦城瀕河善圯巋然陂澤間初無險隘可守也范成大曰自石首至魯泐自魯泐入沌其港僅過運河兩岸皆蘆荻支港皆通小湖故爲盜區客舟非結伴不可行由是言之可虞者不必水溢也胡文定曰欲固上流必保漢沔今民兵脆

內方先生集附鈔

四

弱又素無教養不識戰鬪所恃者衛爾然衛卒舊四千人承平日久法禁疏闊竄易死亡已十七八今所餘纔千人爾百戶一舊所部百人今多或三十人少或二三人而已行伍耗數莫此爲甚而轉漕輸成歲幾二千人官旗迫於督責則索餘丁補之家或數男子無不服役於官至有闔門被甲冑在編伍者矣屯田雖設率以付老弱妻孥既不能執耒秉鋤又不能具牛種則佃之他人否則棄爲汙萊故田日蕪廩日不足而士日以敝城孤軍寡莫之與守識者悼焉敘往聞之湖南諸衛初亦嘗漕京師後以限洞庭蠲之而併其數於湖北是代之漕也至於戍則彼不一分焉何耶沔界鄧風氣近中



州而靈川清浪靖州之戍遠在蠻徼中士冒霧雨觸瘴  
厲多駢首死其所可虞非特鋒鏑也正德己卯靈川師  
旋死者大半旅魂遙歸哭聲遍野敘所親見故士憚遠  
役多道亡比至已十逸三四驅疑畏之眾犯開關之險  
帥單寡之卒備桀驁之虜彼不為益此實為損殊未見  
其便也然戍之歸也踵未及息或轉而為漕漕之歸也  
舟未及艤或又更而為戍故士或不識妻孥不窺田廬  
倉庾空乏月支不繼師起眾動輒須稱貸少者逾百多  
者逾千故河之卒盡歸於漕戍而漕戍之困今若累癭  
積癰不可以一日支也湖南地接嶠峒風氣相近且其  
人習虜情通鄉道是不便於漕實便於戍也夫漕有海

內方先生集附鈔

五

運洞庭於海一杯孟爾舟楫之警非猛於蠻夷波濤之  
激非毒於瘴癘彼且以險免况險於此者乎今湖北之  
漕冒大江之險蹈千里之危其勢不啻洞庭也是亦可  
以勾免乎是故瀕山者可戍無漕瀕江者可漕無戍各  
因其宜也頃者議欲分戍於湖南而併漕於湖北如淮  
徐歸潁之例斯實通權達變補敝扶墜之策顧言者未  
力聞者未覈卒未施行深慮長計者采用其說匪直轉  
漕之便抑亦闔郡防禦之資上游保障之利也

贊曰茫茫澤國民稀土衍徒旅耗敦城郭小徧漕戍既  
繁儲待復鮮居安慮危處近籌遠補敝扶墜保此人險

唐狄仁傑傳贊

梁公在復治蹟失紀然武后所謂汝南蓋指復州所謂  
善政即志之惠愛也仁傑歷刺大州民輒勒碑構祠安  
知復州無是事耶至其不問譖者蓋自信其無愧於復  
矣

宋張榮陳嘉言施子仁翟國榮元咬住俞述祖傳

贊

人臣有封疆之任統馭之責遭時搶攘或揮戈對壘或  
奮臂嬰城不幸破敗則委質而死固其分也然非志節  
堅定忠義激發鮮不詘於威武矣榮與國榮臨敵喪元  
子仁授命孤壘咬住陷節清流嘉言述祖抗聲怒罵慷  
慨就義至今言之猶凜凜也非天下烈丈夫詎至是耶

內方先生集附鈔

其

贊曰挺戈嬰鋒膏野塗地殉城執節蹈波赴義慷慨怒  
罵軀殞聲厲烈烈忠魂凜凜英氣

先中憲遺事

童之先隨人元季徙家於河一傳而有照磨公愈三傳  
而有承德公鈞訓導公錦四傳而有先中憲公旭五傳  
而有敘承德公樂善喜施孝友純篤人無長少咸敬憚  
之卒年八十有三先中憲公字賓陽號東谷宏治壬子  
鄉貢登己未進士除知上高三月而芝生被薦者三後  
列于名宦六年遷戶部主事員外郎中領諸司章奏正  
德辛未兩河盜起朝廷出師討之奉勅督理河南江北  
直隸糧儲被薦者再以功擢知兗州府加從三品俸仍



賜寶鑑銀牌首建鄉賢名宦祠建滋陽縣學城闕里分  
祿養親禱雨雪輒應被薦者五四年以忤魯藩被逮至  
京調桂林又三年而歸未幾卒年五十有八先君子歎  
歷二十有餘年自登第與謝政家居不過十年其行事  
之實多見於名公卿大夫之撰述與鄉長老之稱許敘  
不敢贅也附之名賢以俟君子采焉

贊曰英賢儁德佩藻握芳道誼純潔功烈恢張典刑後  
來俎豆江鄉景行思齊沔漢流光

東漢漢濱老父傳贊

昔接輿放歌目爲楚狂今老父獨耕漢澁不觀乘輿其  
荅溫言辭旨簡要推其道也雖堯舜何加焉狂也非其

內方先生集附鈔

七

儔矣是時政移五倖刑淫三獄漢家之業索然愈衰尙  
志之士莫不卷迹山林甘心雲壑如老父者非其人耶  
使溫致敬如孔子之於漁父也其言必有進於此者溫  
徒懷慙而不能問也而使讜言不盡姓名俱逸惜哉

唐陸羽傳贊

余嘗過景陵憩羽故寺訪雁橋觀茶井慨然想見其爲  
人夫羽少厭髡緇篤嗜墳素本非忘世者卒迺寄號桑  
苧遁跡茗雪嘯歌獨行繼以慟哭其意必有所在時迺  
比之接輿豈知羽者哉至其性甘茗苳味辨淄澠清風  
雅趣膾炙今古張顛之於酒也昌黎以爲有所託而逃  
羽亦以是夫

元徐勝祖明呂中諸人孝義傳贊

夫孝丈夫之順德也能致其誠而已夫義女子之貞行  
也能致其潔而已故執一術而百善至百邪去者其惟  
孝義乎廬於墓非制也而勝祖中竝以是稱非以其篤  
於天性發於純誠耶至於諸姬時遭艱阻志乖好合而  
乃執節死義卒與霜雪同皎松筠等操雖丈夫之烈何  
加焉於乎爲人子爲人婦者可以觀矣

贊曰天經人紀維義與孝臨喪致戚處難申要結廬松  
楸截髮壺奧蓼莪同悲柏舟比操

內方先生集附鈔

同里後學盧靖校刊

內方先生集附鈔

六



附錄

宣統湖北通志卷一百五十一 人物志二十九 文學傳

童承敘字士疇沔陽人生有異質讀書過目成誦開封李濂與何李交善號中州才子官沔陽見承敘奇之屬以讀楚辭文選及六朝文遂工詩古文辭正德庚辰成進士改庶告士與茶陵張治蒲圻廖道南號楚三才而承敘尤俊邁嘉靖十一年遷國子司業時涇陽呂柟為祭酒倡明正學承敘佐之教化興起預修寶訓實錄會典諸書進左庶子兼翰林院侍講世宗御經筵承敘講立政諸篇惓惓於用正人立國本聲徹殿庭世宗喜賜以飛魚服夏言當國忌承敘才又學士多遺言金得美

丙方先生集附錄

一

遷承敘笑曰何可為此先是承敘在館大學士楊廷和楊一清雅重之張孚敬以議禮驟登政府附者如蟻承敘獨不往嘗使唐藩唐王厚幣請交卻之不受其風節如此二十一年乞省墓歸旋病卒承敘少為文章多藻麗中年刊落鉛華貽書李濂曰往者文多取事實今稍擺脫獨出己意所修沔陽志當時與康海武功志王九思鄂縣志稱海內三名志敘次篇目潔而不蕪著有內

方集 湖北通志  
檢存彙

列朝詩集 丁二

童庶子承敘字漢臣沔陽人正德辛巳進士翰林庶吉士庶官左春坊左庶子以病乞假卒於家有丙方集十

卷庶子與茶陵張治蒲圻廖道南並以世廟初元入中秘世廟以從龍侍臣遇之張登宰執而童廖止於官僚廖才名甚著其詩尤蕪淺不及錄

明詩綜 卷三十七

童承敘字士疇一字漢臣沔陽人正德辛巳進士改庶吉士授編修進侍講歷中允司經局洗馬國子司業左春坊左庶子有丙方集

靜志居詩話庶子與張文邦廖鳴吾號楚中三才永陵以從龍侍臣遇之詩篇比廖差優論者擬之夏雲秋水不可方物失其倫矣

明詩紀事 戊籤卷十四

丙方先生集附錄

二

童承敘字士疇一字漢臣沔陽州人正德辛巳進士改庶吉士授編修進侍講歷中允洗馬國子司業左春坊左庶子有丙方集十卷

湖北詩徵傳略丙方集多佳句可錄如忽抱盪蘭思坐乘秋水來林皋停返照樓閣動新涼衰晚饒詩意清貧乏酒錢仲宣詞賦人爭誦平叔風流自可憐門前自擬題凡鳥天上寧知聚德星坐愛蘋風生水閣卧看林影落繩牀皆清峭拔俗

童庶子集序

李維楨

余過相州謁故少傅郭公言必稱童士疇先生公故先生南宮所舉士也已復嘆曰先生遺文多放失嘗令門



人何康伯就其家蒐葺得五卷康伯備兵濮上任劄  
之役今二十年矣莫知所在相與惋惜者久之無何趙  
右史蘇子長來謁手一編視余則先生集也子長濮人  
蓋何君失之而子長得之遂爲板行子長以余先生里  
中後進使之序而少傅子長相去步武又嘗經紀其事  
序宜在少傅余逡巡不敢任既得謝里居少傅尋卒而  
子長更使使申前語余不獲辭按今文章家率以館閣  
體興而古法幾亡長沙李文正實振之而先生與茶陵  
蒲圻同舉進士爲吉士讀中秘書踵文正後遂以能作  
古高步藝苑又皆吾楚人也所論著傳于世者文正蒲  
圻最富茶陵不及其半先生當茶陵十七嘗鼎一臠奚

內方先生集附錄

三

必食雞跖干也文正於文章有復古功猶楚陳涉爲秦  
民湯武其在先生則赤帝子闢達大度而蕭何收圖籍  
叔孫通定禮儀張蒼造律陸賈新語蒯通雋永聲名文  
物大觀具矣茶陵爲先生志墓品其詩文語無溢美海  
內盛稱先生河志有兩京程度迴翔詞林二十餘年官  
不過下大夫卒之日家無餘貲有出於集之外者志亦  
不具余是以及之先生別號內方因以名集蘇子長名  
潢尊人司馬與先生同朝伯仲若諸子孫能文章者以  
十數其傳先生之集有以也弼按此文云漢人蘇子長  
叔所云梓郢上者當別爲一本是先生刻集五卷與陳玉  
有三刻矣陸刻本未載此文今據大泌山房集補錄



童內方先生集跋

明至宏治初載海內操觚者猶踵宋元綺靡之習自崆峒李氏大復何氏出乃晞漢賦唐廟而大之以志業相砥以氣節相劘以才猷治術相勵學士大夫皆不然一變其舊從而翼之者楚人最盛若黃岡王子稚欽興國吳子明卿京山李子本甯其著者也既而肅皇起藩邸繼大統郅中本肇興地士獲登進者多天子視之比代來諸臣益駸駸嚮用則龍湖張公洞野廖公與庶子內方童公竝起而當其會洞野官侍從以學行顯名當世龍湖由講幄登首輔功名與姚元之李文饒埒童公乃迴翔宮寮不及竟其用以終惜哉公歿後二百餘年其

內方先生集跋

一

鄉人陸立夫方伯始得公之遺集於其裔孫則鈔本也將梓以行屬柏心校之且跋諸簡末柏心既卒業作而歎曰嗟乎士之用不用名之傳不傳豈非天哉公未嘗不遇矣因其言考其人蓋可施於用矣而卒不及用生平於桂洲龍湖爲齊年兩人先後枋用公而稍假以年乘流平進何渠不兩人若而奄忽不及待公所爲賦規屈賈文法苟揚詩亡慮皆曹劉陸謝及子美家言視稚欽明卿本甯輩雁行也乃數公者名譽烜赫播霄壤公則身歿而集已就湮鄉之人幾無能舉其姓氏不遇立夫方伯更千百世後誰復知有公者然則非賢不用而賢者未必盡用非才不傳而才者未必盡傳天下瑰奇

瓌璋之士懷寶璐而淪埃塹者可勝道哉可勝道哉方伯爲言公裔有藏其畫像者將購而存之一旦爲大水蕩去茲集以在方伯處獨存不使公竟其用而不忍不令其傳儻所謂天者非耶原本苦漉漫方伯與柏心既同刊校可通者更之不可通者缺之且重定編次焉公著有沔陽州志當時與對山武功志竝稱今無存者聞方伯近已得之將竝爲梓行云監利後學王柏心

內方先生集跋

二



校刊童內方先生集跋

道光甲辰吾鄉陸立夫先生刻童內方集八卷監利王子壽先生任校勘之役有跋語記其事家兄木齋謀刊吾沔鄉賢遺著多方徵集由張君乾若假諸楊君筱麓楊君復借得李君駿吾所藏陸刻本屬弼校梓刻甫半張君復言劉君翰怡藏有明刻十卷本取與陸刻本相校雖分卷不同然是本所有者陸刻本具有之間有書序十餘篇有目無文陸刻本亦未載其目此則稍有小異耳弼初擬作校記勘讀數卷明刊本訛奪滿目編次失倫以文入詩以古入律校不勝校陸刻據鈔本重編又經名家審訂體例類別遠勝明刊不能薄今而厚古

童內方先生集跋

一

一見舊本遽謂珍奇有清一代精校精槩視明人陋劣之批評書冊之轉販雅俗之判迥若壤霄當亦天下之公論也因校是集偶發其凡如此然劉君雅意至爲可感得並及之至內方先生文辭爲吾鄉冠冕子壽先生已具言之無俟鯁生之贅陳也癸亥夏日同里後學盧弼謹識於都門寓廬



玩鹿亭集



四明張氏約園開雕



序

朱明二百七十七年閒吾鄉名儒接踵黃梨洲輯明儒學案去取嚴矣錄之者六人曰黃南山潤玉曰張甬川邦奇曰賀鑿閻欽曰萬鹿園曰黃致齋宗明曰顏沖字鯨沖字著作富壽鏞猶未見也南山甬川鑿閻既皆得其書而刻之致齋遺著不可得而讀其與鹿園論學一書始之以知行合一終之以欲仁斯仁蓋惟鹿園之足以語此也鹿園先生有玩鹿亭彙八卷卷一二詩卷三四文卷五九沙草堂雜言卷六奏議卷七文移卷八道

玩鹿亭序

一四明叢書

約園刊本

經贅言八卷之中以先生之詩擬諸王章誠如全中允所云特其小者是也文皆沈摯道德經濟文章實寓焉壽鏞尤愛其九沙草堂雜言以為天地之間莫非氣之往來屈伸惟其氣盛故其屈之至惟其屈之至故又一伸之至於成敗利鈍非所逆睹又言自古夷狄之侵擾中國未有中國人不為所用而能侵擾者也更論儉吝二義似同而實異儉者德也吝者惡也儉者約於己吝者嗇於人也儉而不吝者約於己而厚於人也吝而不儉者約於人而豐於己也斯下矣諸如此類不可枚舉

至若讀錢緒山思樂書謂喜怒哀憂患聖人不能無惟其喜怒哀樂之一體也故曰常樂於富貴於貧賤於夷狄患難隨所見無非一體流行此之謂無入而不自得若僅以行歌泮隄油油然之樂以為真樂則樂亦苦耳斯非體道深者安能言之明切若斯哉先生之學多得之龍溪念菴緒山荊州梨洲稱其論格物最為諦當格之又格而後本體之物呈露即白沙養出端倪也壽鏞釋之曰此端倪即孟子所謂仁義禮智之端也當嘉靖三十三年先生起為南京都督僉書與倭遇於蘇之婁門楊涇橋身親陷陣肩中流矢遺書於其子曰我家世以力戰報國我獨持文墨議論不任兵晚年增一箭痕不亦美乎故忠憤至死不忘蓋傳王門之學知之真而行之力體認於平時而發揮於臨境皆擴充此端倪耳或者不察以為禪學夫禪學果如是真切乎且即以禪學言禪與儒固有不同亦在人之自取耳若先生者獨觀吾心掃蕩一切既取於心而自足而復以灼艾功夫證於物而無不當則又何害其為禪學乎壽鏞既刻灼艾集更刻斯彙而縱論之如此民國二十七年四月後

玩鹿亭稿序

一四明叢書

約園刊本



學張壽鏞

玩塵稿序

三四明叢書  
約園刊本



玩鹿亭稿序

吾明枕山橫海而郡鉅麗清淑勃發於人文重以國朝  
列聖道化涵醲所獲尊賢敬士之報於此邦人士者彬  
彬竹素矣然考其世皆出於膠庠制科持文墨議論以  
究經術之用也者而求韜鈴起家顯武功爵者未有聞  
至嘉靖中始有萬都督民望云萬公用世胄登武科推  
擇從事爲裨爲副積至大帥所論畫張暨於漕政爲多  
庶幾稱嘉靖名臣焉乃迄於今其高其人而不以位不  
以職獨以鹿園先生稱之者尤著則公所自號卽遺稿

玩鹿亭稿序

一四明叢書  
約園刊本

系玩鹿亭志此也萬公既逝數十年厥孫邦字今嗣爲  
浙西參將能紹明祖德而重刻其稿以垂琬琰之傳爰  
寓書示余且索之序余三復而三歎彌感於古今名實  
之際也夫萬公劬勩戎馬而趣不離於丘樊迹其謝病  
引身屢起屢仆豈不遺榮若澆而憤時體國慷慨懃懃  
殆畢其身不忘喪元者然此其出處有大過人者若其  
覃精二氏而稟集儒先澤於理篤於倫常依於忠厚正  
直恢恢乎函三貫一之風焉而世之誦公之詩者則又  
曰名理類王右丞冲曠類韋蘇州此在公特其小者也

蓋公之於用世出世兼有其實若此而公則未嘗一標  
其名噫古之道也令士大夫律身莅官丰采著述得公  
之一斑寸縷吾不恠爲之服膺且下拜焉何者貴其實  
也而由今之道奈何哉名愈附而羶實全漓而穢吾竊  
羞而唾之故曰九原可作欣願執鞭則不佞以公動感  
歎焉嗟乎平世文士弁髦武臣至今已甚矣萬公者  
獨能兼文士之所不能有而吾郡之於武臣中獨能有  
萬公此尤足以鳴國家得人之盛哉故樂爲之序太子  
中允翰林講讀官全天敘書

玩鹿亭稿序

二四明叢書  
約園刊本



玩鹿亭稿目錄

卷一 詩

壽春菴訪萬松法師

陪陸雙石太史游上天竺途中值雨

宿牛首山

江南曲十二首

病中

病懷十首 有引

讀中庸

玩鹿亭稿 目錄

一四明叢書  
約園刊本

讀大學

吳門偶成

九月四日同孔文谷重南衡周虛巖陳海樵湖上

山樓宴集

湖山別虛巖山人

山寺雜懷十九首 有引

將往匡廬復返善卷悟而有作

碧蘇精舍養疾忽陳參政來游夜坐論情因用壁

閒蔣進士韻直書鄙懷聊以為答二首

山中酬唐太史見訪

宿善卷寺碧蘇臺舊處

冬日游張公洞

山中除夜

游龍淵洞酬玉陽真人

立春日登瑤光閣俯玉女潭作

重游芙蓉寺

寄酬孔學使諸公春宴韻

答萬履菴祠部過訪山中次韻

玩鹿亭稿 目錄

一四明叢書  
約園刊本

新正十日自善卷還經吳興山中遇雨作

曉發吳興宿雨初霽

毗陵逢羅狀元

春日同王龍谿過嘉禾龍淵寺

武林出關留別諸友

曉發靜海值雪

丁未冬奉詔還理新運滄洲雪霽馬上偶成

奉使還淮途中贈顧長治

次韻



客夜誦介翁相公見贈之作奉懷二首

高唐道中

憩吳橋菴贈劉道人

自然亭二首 亭在漕府後園

奉賀介翁相公七十壽

韓侯廟

病中口號十首

清江道院二首次中丞韓公韻

愛葵齋 前總兵顧公仕隆建

玩鹿亭稿 目錄

三四明叢書  
約圖刊本

別姚生二首

贈別李道人

自然亭小酌

寄懷天池寺山書記二首

贈別童侍御還杭三首

贈別王同野之楚三首

與司徒韓公泛舟城南次韻

水月寺改爲忠孝祠次韓司徒韻

南樓奉餞南司徒韓公辱倡佳篇次韻贈答時予

亦北上

有所思

祐民觀九日酬劉戶部見訪韻

鄒縣道中示舍姪

病中夜坐

天津館臥病東京中諸友

憶子四首

愁二首

寄內四首

玩鹿亭稿 目錄

四四明叢書  
約圖刊本

過東阿喜張秋嚴水部遠至問勞詩以謝之

贈鞏鷗江

江南道中

天津館臥疾示掾人張忠

示崔慮 亦天津館侍疾者

題童侍御湖邊草堂 時自淮初歸

應舉山房對雨二首 山房在鄭先祖墓側

山中歸

清道觀感懷



宿慈谿陳氏經堂

梁湖夜發

山陰道中

己酉歲五月廿二日同男盛二夜渡錢唐時久雨

水泛舟不利涉

送甥毛經世往金陵二首

過虎跑寺贈住持僧

柬譚少參

柬答馬石渚方伯

玩鹿亭稿 目錄

題僧瑞雲扇景

報先寺逢德圓

贈性天行者

七月六日余自四明來與沈青門童南衡陳子開

讌坐吳壻子旬宅自晨至夕子開放歌故情欣

洽各詠一首分韻得此

登大石山偶憶石川公語奇勝宛然喜而賦此

宿天池山

夜宿毗陵聞輓舟聲有感

五 四明叢書  
約圖刊本

九日過招隱寺逢定菴上人

春日病懷 寓金陵作

贈吉牧雲

壽李中丞封君八十

送祠部章郎中公事還明

送姚郎中僉憲四川由浙之任

與余子奇話舊 余善丹青

贈吳芝山

不寐

玩鹿亭稿 目錄

金陵客舍與劉愛山話舊二首

別柴允中三首

別何吉陽考功

別劉初泉掌科

別何太叡儀部

得告東還宿弘濟寺有懷城中諸友

燕子磯作

中秋夜夕歸舟對月

贈崇明尹道輿

六 四明叢書  
約圖刊本



途中寄懷聞郎中

卷二 詩

病歸

臘月十二日將往荆谿至錫山阻凍已而復往風

日和霽因喜賦此

靈巖寺 即吳王館娃宮

送錢道士天池山入關四偈

天池山雪後歸途有感

南濠寄居言志

玩鹿亭稿 目錄

春日過百花菴

元夕觀燈偶成

題僧一舟卷

題嘉興本覺寺雲間卷

題嘉興水西寺疏 寺乃唐宣帝建有遺像

舟中睡起偶成憶子盛一盛二

初夏自姑蘇返權過嘉禾宿萬壽山作

酬董太史見訪不過次韻

夏日飲許員外山亭即景三首

七四明叢書

約園刊本

夏日同許員外琴士周桐菴憩李氏郊居

夏日同楊水部飲李氏臥雲樓喜黃陸二生偶至

歌詠及夕

湖上泛舟感懷

仲夏夜坐

伏日夜坐

月中偕友訪楊水部留宴容閒閣

柬方道人久為舟隱浪迹江湖行無定止寒暑結

制山中予見而愛之因與訂盟云

玩鹿亭稿 目錄

八四明叢書

約園刊本

湖上病居喜周桐菴攜琴遠至

病歸西谿山中漫述 先墓在上

送聞宅泉之欽州

武林病居寄答唐荆川太史二首

夜坐寶叔塔與周訥谿掌科話別

送童侍御至廣東

送劉望洋之南華

聞王龍谿書樓被火有懷

憶子來章二首時赴餘杭考試聞被主司嚴譴



撥悶

重宴楊水部容閒閣

送劉少府之鎮江

題柯亭奪笠卷為楊南泉作時李岫巖有斛笠甚

奇南泉以一局博之故名

宿吳山雲窩贈鄭澹僊

九月六日湖上同沈青門許茗山茅鹿門許石屋

諸友宴集分韻得風字

九日同沈青門劉望洋童南衡楊南泉姜對洋諸

玩鹿亭稿

目錄

九四明叢書

約園刊本

友登吳山昊天閣既而朋舊沓至列坐庭陰分

製得五言律一首

題王大巡雲竹卷

贈王西石戶部

登太虛樓一首為孫環山太守作

宿應魯山樓

送高南洲行取北上

會川龍泉閣為戴靜山翁賦

除夕宴鄰宅

新正登阿育王寺四首

荻洲詩為張德馨姊丈作

元夕祖闕獨坐

元夕後宿應魯山莊

戲贈蕭復初

壽樂亭詩為戴靜山翁賦

還明家宴即席偶成

壽會川戴靜山太守八十

送孫槐谿太守考績北上

玩鹿亭稿

目錄

十四明叢書

約園刊本

前川詩為趙掌教賦

壽薛雲舟六十

自明初還避客潛過石屋山亭訪主人不遇見其

二子詩以代刺

過明真宮澹然道士故居

過虎跑寺有感

夏日宿陳青芝孤山湖閣

午日泛湖

題楊水部五十壽卷



瑪瑙山樓晚眺爲楊水部作

喻蚊

六月廿四日

陳氏湖居避暑

聞海警有感二十首

伏日避暑湖寺聞海賊圍台州作

輓楊南泉

輓沈兩湖

病久不出偶與軍門論海防有作

玩鹿亭稿 目錄

十一 四明叢書

約園刊本

壬子秋登許氏樓觀諸士入試

冬日同諸友餞童南衡之南都

報先寺鑄大銅佛書此一偈

冬夜坐蔡可泉中丞舟中話別

雪中登上寺聽祇園法主講經

次答史燕峯玉潭僊院韻

次韻贈楊道人

許石屋秋卿有婢名雪梅性不茹葷善煮雪茶今

已物故感傷成詠偶爲次韻

元夕自山寺入城散步遇沈青門張中山劉望洋

諸友

春雨有懷許石屋

湖寺贈孤峯禪師

暮春集石屋山亭餞別許茗山憲副之粵

湖崎草堂宴集分韻得成字時茗山有粵南之行

因寓別懷

戲柬王冉山

赭山戰後作 時用僧兵取勝

玩鹿亭稿 目錄

十二 四明叢書

約園刊本

又一首

賀楊司訓連得二子 楊湖廣人

哭壻吳子旬二首

閔黎吟三首 有引

送法光弟子還普陀山因簡法光

與法光泛舟月湖時光自賊中還

冬日偕友游金峨寺

游金峨歸途中作

祖關夜坐簡倪生



酌酒與倪生

村居留客

居明歲暮偶成

贈曾龍山行取北上

賀張東沙少司馬元旦生孫次豐南馬韻

又次周莓厓參政韻

次東沙少司馬元旦生孫志喜韻

人日同諸友集全九山太史宅對雪

春日過延慶寺格上人房

玩鹿亭稿 目錄

十三 四明叢書  
約園刊本

春日飲陸氏延碧亭

春日過白石山人幽居

清明日山行偶成

次答舒黎洲見招韻

暮春同東沙少司馬宿陸氏山莊時亭前牡丹乍

開

暮春過二都母家與諸兄弟宴聚

雲龍草堂聞報復起時對江山不覺依戀因而有

作二首

周莓厓參政有燕領之相席中口占戲贈

陸心橋兄宅寶珠茶盛開邀余過賞夜分乃歸

別先祠

甥以善同謙兒送至姚江別回有感

越中

西興道中

心梅卷

海寧交戰聞殺周都閩有感作

偶成

玩鹿亭稿 目錄

十四 四明叢書  
約園刊本

楊涇橋戰後示男盛一盛二

金陵臥病戲柬李一山錦衣

病中謝李道人

有所思三首

初冬病起出坐後岡小亭作

病中辱軍門張半翁之招將往姑蘇輿疾討賊奉

別何吉陽萬兩谿二丈

舟次無錫偶成

元夕過平望驛



附 砌路讚施偈

卷三 文

祐民觀理漕廳事記

贈別大司徒克齋王公序

皇明經濟文錄序

贈國醫吳君世良序

明州三佛傳序

宜興開勝寺米氏捨田記

陶真集引

玩鹿亭稿 目錄

十五 四明叢書 約圖刊本

送天池山侍者行山還山卷引

書瓜洲王孝子卷

跋葉母還金傳後

書克齋卷

重題王孝子卷

祭吳子旬陣亡文

祭楊涇橋陣亡諸兵文

祭孝豐義士吳石田陣亡文

祭忠義文榮陣亡文

策問三條

卷四 束

復錢緒山放心說書

讀錢緒山敘思樂書

答劉省齋都督

答楊文峯戶部

與白溪張公

與傅虛巖

答馮真所憲副

玩鹿亭稿 目錄

十六 四明叢書 約圖刊本

答傅虛巖

答羅念菴太史

答劉西巖

答傅虛巖

與聞石塘豕宰

與王同野兵憲

又與王同野兵憲

與沈紫江總戎

答傅虛巖



答張石里儀部

答錢緒山

與萬養菴萬履菴二宗文

與馮眞所憲副

與楊禹峯兵憲

答羅念菴太史

答何總戎卿

與沈夷齋海道

與吳劍泉少卿

玩鹿亭稿 目錄

與唐克菴

與羅念菴太史

答章三洲祠部

奉張半洲總制書

又答張半洲總制書

又答張半洲總制書

卷五 雜著

卷六 奏議

奏處大患船糧疏

十七 四明叢書  
約圖刊本

議處截起通運疏

奏請發銀補造以濟全運并議折糧疏

丙午年會議二條

丁未年會議二條

患病乞代疏

戊申年會議二條

辛丑河道淺阻議處起糧出凍疏

乞免淮邳官軍守江以固重鎮疏

乙卯年會議六條

玩鹿亭稿 目錄

卷七 文移

淮大二衛告缺月糧行巡撫都察院

議處全運缺船發銀補造稿

示諭四條

卷八 道經贅言

附錄

志狀

十八 四明叢書  
約圖刊本



玩鹿亭稿卷一

明鄭萬 表鹿園著

男達甫編輯

詩

壽春菴訪萬松法師

小閣逶迤隱翠微雲深人跡似全稀不因病客行辭祿  
詎有名香對設幃僊樂遙從天外落山僧獨向月中歸  
為言四相元無著話到三生便拂衣

陪陸雙石太史游上天竺塗中值雨

玩鹿亭稿 卷一

一四明叢書  
約園刊本

春日春湖春水平畫船蘭棹午風輕僊郎遠興思長賦  
病客支頤已倦行柳色六橋雲忽暝松聲九里雨初生  
上方鐘磬煙蘿渺問訊山人說晚晴

宿牛首山

空山投迹僧分榻坐對如來萬慮清遂覺風塵能白髮  
願將巖文學長生羣峯漠漠雲全合眾壑泠泠水競鳴  
即此山中有靈藥何須海上覓蓬瀛

江南曲十二首

客從潮陽來夜泊秦淮口鄉語人不知兒童聞拍手

錢唐八月時潮來高百尺三五弄潮兒戲舟若梭織

絡緯夜夜吟吟時驚妾心征衣猶未寄只恐曉寒侵

漁有黃金鯽儂有麩米春問漁換金鯽持以獻儂親

君比天邊月妾比江中水願月上鍾山照江清徹底

東望望江春江頭梅似雪欲以贈遠人徘徊不能折

莫言江南薄江南俗多淳但言桑稻美珠玉豈堪珍

莫言江南樂江南愁斷腸往為穀貴飢今為穀賤傷

放舟江上游落日聞吳歌歌聲夜淒惋鄉心當奈何

日從江上升又見江邊落役役何所成日升又如昨

玩鹿亭稿 卷一

二四明叢書  
約園刊本

江頭望遠人望望杳無際佇立忽忘歸心隨流水逝

江南地殊麗山色水迢迢中藏四百寺金碧迴崔嵬

病中

歸思秋風急蕩搖宦情秋葉轉蕭條太平羣馬渾無事

病裏驚看髀肉銷

以上皆庚寅年以前作

病懷十首 有引

乙未冬余為參將督漕至潞河抱病不能入朝

憊焉有歸與之懷甬川張公為少宰書來問疾



往復酬答寄懷於言深慨格物之學不明孔曾  
之道日喪故直陳吾心無所徇奪兼與質之夫  
天命在心不信吾心而信諸人斯甚惑焉今哲  
人亡矣余年五十日月遂往潦倒無成偶復舊  
篇輒成悲歎同志君子其究其心焉

病質當委致寧無覆餗憂好爵非弗榮犬馬力難酬所  
須三年艾收畜惟林上樗櫟本易朽松柏豈同秋寸陰  
苟不珍逝水詎能留

三十始志學德立殆何時往者既有悔寧當復怠茲由

玩鹿亭稿

卷一

三四明叢書

約園刊本

仕莫非學開心未信斯說惡一何殊此旨常在思豈不  
貴格物窮至乃真知馳求外吾心癡狂竟何爲微吾魯  
中叟萬世將誰師

昔見佛者徒壯心每生嗔自昨病患來漸覺親其人乃  
悟往者迷虛度此宵晨人生一大事胡可知弗臻醉夢  
宇宙閒侯蟻同成塵華嚴願智悲契我心獨真少服宣  
尼訓格致本同津

老氏有至言貴大患若身既壯必老盡安得常如春茂  
陵驪嶽閒僊質俱沈淪孰幻鉛汞談惑彼貪生人豈非

學者誤相傳故失真凝結命或延染愛非所欣朝也若  
有聞夕死無復攀

積金以備患患乃潛於茲植善以遺慶善慶豈無涯感  
彼軻氏言治亂本推移天道迭寒暑人獨不如斯一身  
無定止身後何庸思擺落以從仁今當勿復疑

在昔游金陵至彼牛首山山前磴百尺矯首升天難躋  
攀窮絕頂步步有奇觀辛苦終日夕慰茲心目歡既歸  
杳陳迹夜雨松窗寒幻妄空中華役我不得閒何如安  
一室世界粟中看

玩鹿亭稿

卷一

四四明叢書

約園刊本

海涯有一士飢餒常不充力本乏捕雞狂志在屠龍相  
逢或嗤笑但云罕所同萬里覓干將仰漢思騰沖百折  
念不回龍聞蜿蜒從所患者志耳金石匪難通

有客來問難爲言道不二古來爲學者絕學而棄知子  
云唯格物將無古人異客言策我幾諦思定吾志絕棄  
詎強爲枯灰非所事吾心稍未盡終有物爲累唯應物  
格人無憂亦無慮寄語同心者吾學在格致

人皆曰中庸中庸不可能知擇固多賢誰是常服膺良  
由非了悟得失固難憑不見江上舟中流穩如葦乃不



登彼岸風波猶足懲所以重致知知至心先澄不向死  
中活言知終未曾

良知詎可論可論非良知吾知本無物格致將焉施精  
擇以言致動念卽相違惟憤乃能樂惟樂故無疑曾也  
終年魯一唯知無涯凡與聖不別小大無復差孔亦何  
所授曾安從得斯

讀中庸

聖人所設教靡不本道修道乃率吾性夫豈容他求性  
同命于天舜蹠無劣優惟性與俱生道亦何莫由須臾

玩鹿亭稿

卷一

五十四明叢書

約園刊本

不我離昧此將無憂君子能斯覺慎懼無時休欽哉不  
睹聞隱微詎能度常目旣在茲動靜相悠悠情發與未  
發日用自諧投分別卽云離隨順爲無尤達道無不通  
大本無不周中和匪異體二見非吾儔致之人道盡天  
地吾與侔廓然廣居內萬物從遨遊

讀大學

大學貴真志真志有真疑真疑則真格真格乃真知知  
之曰維何昭然獨知時所發旣皆誠全體無偏毗修齊  
與治平由吾一心推此志苟不真格致徒爾爲我志則

原大分也讓之末句缺一字

以上皆乙未年作

吳門偶成

中歲若有悟常栽火中蓮託根已無所培植將何緣雨  
曠應不壞四時花自妍偶厭縉紳交時欣俗子言山林  
厭高樓寄迹多市廛固知與者稀適意何慍焉

九月四日同孔文谷童南衡周虛巖陳海樵湖上

山樓冥集

秋興近佳節何必需其時登高成野集舉目皆可詩獨

玩鹿亭稿

卷一

六十四明叢書

約園刊本

問東籬鞠纍纍未盈枝永齡豈假是幻住本無期大化  
融延促貪生虛自迷傾懷同一醉日暮宿湖湄浮生但  
如此玄造欲何爲

湖上別虛巖山人

虛巖山人野鶴姿爲耽佳句故名詩心無塵土秋潭淨  
意在煙霞暮景遲相逢擬結金蘭好別去還將雲水期  
不是蓬心獨留滯江湖何處覓相知

山寺雜懷十九首

有引

余每抱疾不復爲詩近止善卷混迹緇流歲云



夕矣蕭然寄懷信口成詠不覺盈紙茲慨仕止  
之殊塗嗟喧寂之異境聊命掾人錄之因以自  
娛兼呈知音之歡賞云耳

病棄人間事寒依佛氏廬寂寥逢歲臘澹泊茹山蔬祇  
歎官猶在非闕志未舒皇恩真浩蕩感激賜閒居  
盡日門常掩山居避迹深豈無兒女念爲了死生心百  
草看西意千金惜寸陰閒吟非自遣漏泄爲知音  
逝者吾知己滔滔不住流聖功寧爾剋三際總悠悠臘  
往陽春復烏沈玉兔浮詎能常在定不定乃全休

玩鹿亭稿 卷一

七四明叢書  
約園刊本

何事勞趨走浮雲信自由眼前頻景換物外只茲求不  
作行程計時爲勝事留此生非莽蕩天地亦虛舟  
幻世吾何執吾亦信吾行約言多不踐有往欲何成樗  
散時同棄蕭條意獨榮漫爲來日慮何以度餘生  
投禪人不與解脫且山通我愛雲游侶形無禮數拘規  
規方是病莽莽未爲麤牛馬隨呼應逢人莫說儒  
此去丹應熟鑪中火已紅三花元自聚九轉但言窮織  
息影猶翳圓明質本空徒令疑黍米何處問僊翁  
富貴非無願浮生幾日留總知爲幻夢從此息貪求時

與僧營院還因饑作粥猶嫌落功果故復泛舟游  
斯世眞如夢羣生大化流聖賢天上電事業海中漚聞  
道斯無際抱玄俱寡謀誰知顏子樂元與禹功侔  
歲歉年來甚山中盜賊紛披衣常不寂鳴鼓亦驚聞愁  
豈消玄象山何礙白雲因觀死生際誰懼復誰欣  
唐殿垂千載終應有廢年但知興是廢應悟曲爲全鐵  
限非常計桑田本易遷出家猶劫劫塵世固紛然  
借榻青蓮舍叢雲碧樹林寒江人寂寂明月夜沈沈幽  
獨身忘旅虛閒自適心猶嫌不諱姓漸有客相尋

玩鹿亭稿 卷一

八四明叢書  
約園刊本

望梅那止渴水向識情生木火危相遇唯阿柈大明嬰  
兒寧有此混沌本忘情盡說予明性誰將撒手行  
古柏如虯偃相傳不計年皮膚剝落盡聊見一枝妍保  
愛頻封土滋濡自得天欲乘浮海上且以學張騫  
處惡爲幾道人情祇向高應知托鉢者果是出羣豪調  
古誰將和形枯自不勞行庭人弗見滿地任風濤  
偶逢風水土理契樂相從遡水窮源委登山問祖宗融  
結乘生氣星辰識主峯飛潛人莫測變換故言龍  
多病因辭宦山中每獨行深雲看世遠短褐覺身輕出



處曾何定衰榮已數更不須除老病吾欲悟無生  
功名三十載荏苒鬢成斑一自傳僊訣人間俱等閒陰  
陽全具體宇宙少慙顏此道元無死金丹不用還  
山中方避俗吟詠卻成魔降伏憑誰力牽纏奈爾何亦  
知魔作佛還比水生波法得無生忍祛除不用戈

將往匡廬復返善卷悟而有作

年來宦迹信如萍已向匡廬忽復停對景看山那有異  
避喧貪寂祇無寧攜觴客至迷三洞閉雪僧還了一經  
從此已知皆妄境未能槁死爲吾靈

玩鹿亭稿 卷一

九四明叢書  
約園刊本

碧蘚精舍養疾忽陳參政來游夜坐論情因用壁

閒蔣進士韻直書鄙懷聊以爲答二首

病客行游止釋廬翛然無事向心初故人遠至勞垂問  
絕學年來久廢書樹裏星壇標罔象巖間靈洞闕玄虛  
松聲鳥韻曾何斷莫道山中此意疏  
忽傳松外使車停應是山中聚德星共語當年成黯黯  
卻憐山色自青青寒風爲掃林間徑明月常懸水上亭  
肯與清齋棲佛刹共消塵慮識心靈

山中酬唐太史見訪

山齋寂寂臘初深披衲朝朝聞梵音我已出家惟帶髮  
君來聯榻與同心天涯避地因多病幻迹隨緣卽故林  
明月滿庭殘雪在那堪孤權返山陰

宿善卷寺碧蘚臺舊處

古臺依閣薜蘿深榻閉寒雲此再臨近枕鐘聲曾喪耳  
入幃月色若明心名途悟後嗟猶逐鳥迹空中詎可尋  
緇俗了觀元不二逃儒非是滯禪林

冬日游張公洞

天寒歲晏游何晚洞口琪花尙不彫自是神僊遺窟宅  
倒披蒼翠見雲霄瑤階下轉深深入玉像中居面面朝  
到此忽驚人世遠同心何處欲相招

玩鹿亭稿 卷一

十四明叢書  
約園刊本

山中除夜

山寺鳴鐘後燒鐙獨不眠頻添鑪內火絕少俗中緣去  
住非關迹寒暄不共遷悟來西竺意明日祝新年

游龍淵洞酬玉陽真人

僊人如欲度攜我探龍淵水淨鬱藍色巖開空洞天纔  
臨聊用筏深造忽忘緣已識淵中路人間未敢傳

立春日登瑤光閣俯玉女潭作



僊潭湛碧開丹閣石抱雲迴密逕攀衰鬢不堪臨照數  
道心坐覺與雲閒風飄微霰珠林響夕斂寒厓青鳥還  
春到不知猶寂寂欲因多病老名山

重游芙蓉寺

谿橋疊疊穿林麓徑入松雲一障開似現優曇舒半葉  
化成蘭若結蓮臺瞻依已覺歸心換信宿何妨落照催  
行委所如無定迹山僧猶記昔曾來

寄酬孔學使諸公春宴韻

閒居終日臥祇園老去詩書不復敦每掬澄潭知月影

玩鹿亭稿 卷一

十二四明叢書  
約園刊本

還將至道會禽言鏡中客鬢霜華變窗下僧心貝葉翻  
遙憶羣公春宴樂獨憐幽寂倚林昏

答萬履菴祠部過訪山中次韻

濠梁一徙百餘載今日山中更遇君南渡箕裘惟襲舊  
洛陽科第早聯雲道心投芥情相切雅志酬時氣不羣  
自識疏狂人共棄箠鐙何幸細論文

新正十日自善卷還經吳興山中遇雨作

夜宿玉潭逢客醉曉經川嶺共僧行深村未雨四山暝  
樵徑無人一鳥鳴節近元宵思故里心隨流水急歸程

亦知聞道希形役沾溼那堪又暮征

曉發吳興宿雨初霽

枕上蕭蕭聞雨歇曉行日氣動雲邊晴嵐一帶遠山下  
脩竹千竿啼鳥前春色年年那有盡谿光淡淡渺相連  
陰雲不礙虛空相來去無端祇杳然

毗陵逢羅狀元

清江病裏逢君別服藥閒居已四年一念相期今尙爾  
此心那復得安然江雲漠漠頻依望山月輝輝獨不眠  
何意扁舟千里至一宵清話失前緣

玩鹿亭稿 卷一

十二四明叢書  
約園刊本

春日同王龍谿過嘉禾龍淵寺

蘭漿共乘春氣早龍淵遙回夕陽開香階草滿雙林接  
古塔雲連一水迴因登寶地窺金相偶與詩僧話茗杯  
自笑浮生亦何事行吟無處不俳侗

以上皆甲辰乙巳年作

武陵出關留別諸友

抱病三五年委懷丘壑閒丘壑亦何爲靜見本來顏被  
命理晨駕從茲入塵寰精神徇禮文檢束早不安踟躕  
但慙懼何以爲榮觀適俗別有韻濟用詎非難吁嗟事



與功違已焉足攀權者聖人事吾豈若是班

曉發靜海值雪

朔風吹曉騎飛雪滿征鞵一望川原合孤城鼓角寒紛紛行旅思蹇蹇僕夫顏時憶袁夫子高眠世不干

丁未冬奉詔還理新運滄州雪霽馬上偶成

積雪徧四野寒疾路不塵瑤池看渡馬瓊海覺飛身王事催程亟宸音降令新翻悲在乘傳風雪未歸人

奉使還淮途中贈顧長治

已羨思如謝尤憐意獨親聯鑣欣有約千里共風塵古

玩鹿亭稿卷一

三四明叢書

驛寒尊盡河橋客句新自慚衰病積爲爾啓心神

次韻

君向南征何處歸淮陽病客欲相依故鄉我復并州滯

自送孤帆江上飛

客夜誦介翁相公見贈之作奉懷二首

黃閣經綸繫寒宵禁直深每從退食暇幽賞發清吟冰

雪登淵抱江湖寄遠心聞人不拒客庭館晝沈沈

西垣承詔出時啓愛賢堂玉饌分天供芳筵接御香春

風溫入坐秋月白臨觴感遇紛嘉彥同滋聖世光

高唐道中

還淮經魯地處處列重闔何事煩民力先防爲虜塵歲寒凡幾易風雨漸多湮自昔金湯者先茲溝壑親

憩吳橋菴贈劉道人

清齋白鬢唯貪佛自結精廬養道人疑是化城時暫憩依然車馬在風塵

自然亭二首

亭在漕府後園

幽亭久蕪沒稍治廓然清喬木昏鴉集寒塘水鳥鳴景將塵慮澹坐覺道心生因知結茅處可以自然名

玩鹿亭稿卷一

十四四明叢書

孤亭臨水上竹裏小橋通深曠市塵杳蕭條墟里同平

蕪城列障枯木烏爲叢吏隱吾何有悠然覺性空

奉賀介翁相公七十壽

愛賢論政色常溫吏靜庭閒道自尊夕侍西垣酬聖藻晨趨中閣代王言笙歌綺席紛爲壽賓客雲霄盡在門淮海下交遙獻頌願如松柏奉明恩

韓侯廟

韓侯生長淮陰里寄食漂母人弗與塵埃偃蹇無不至自古英雄如處女胸藏甲兵富萬千目中何有惡少年



低頭市上那知辱看君志略已超然獨憐丞相能知爾  
三十登壇名遂起戰勝攻取帝不如滅項王劉竟若此  
丞相亡因國士亡國士一亡帝業荒千金酬食封惡少  
丈夫何必爲假王漢王解衣復推食待我甚厚死不易  
陳兵識君無異心自是盈虛互消息功成不慕赤松餐  
蒯生之言安足論里中故宅今何在河邊漂母祠仍存  
至今漢史猶烈烈羨君原是人中傑四百年來海宇清  
千載淮陰應廟血

病中口號十首

玩鹿亭稿 卷一

十五 四明叢書  
約園刊本

學道不爲軀殼計諸方□□未扶衰縱云聞悟超生死  
覽鏡那堪兩鬢絲

披衣起了公家事病骨常懷報主恩祇慮災屯緣忝竊  
敢言肥遯在巨樊

獨臥空牀月滿堂應門童絕病魔降予心浩浩曾無限  
何處淮陽是異邦

年來喜了向平債春夢應稀到越南生死已隨恩愛斷  
猶將此意病中參

園中野花徧地開病足人扶看一迴抱酒已無知已在

自將新句對花裁

官齋一臥春將暮日與羣魔作戰場煩惱也知無寶相  
震時景度又清涼

日望長安使返遲傳言執政不容歸山中猿鶴空相待  
王事留人未可期

每悲屏息一支頤飲水寒溫祇自知三十功名消已盡  
欲歸猶有世人疑

萬艦軍儲轉帝州一年一度一雲游那知三月懨懨病  
卻似禪關禁口秋

玩鹿亭稿 卷一

十六 四明叢書  
約園刊本

檐外鵲聲日幾迴人傳老嫗越中來鏡前刺刺言何盡  
話到飄零淚滿腮

清江道院二首次中丞韓公韻

清浦平江廟深林羽士家萬竿煙翠徧何處著繁花池  
閣沈秋月山亭宿暮霞坐令塵事冥那復歎年華

琴鶴人何在空餘駐鶴亭清池分漢水喬木迥雲屏牆  
上梨初白杯前竹自青客心歡暫憩終是歎流萍

愛葵齋 前總兵顧公仕隆建

昔人愛葵徧植葵春風蒿艾共離離向日心存花再發



愛葵軒下一凝思

別姚生二首

人情久住應難別  
羨爾從僊拂袖行  
掩戶離懷倍惆悵  
沉聞夜雨滴階聲

幾年學道渾無得  
老覺情多重別離  
爾去金丹何日就  
寄將一粒報相知

贈別李道人

對君忽憶十年事  
荏苒蹉跎白髮新  
君已丹成人共慕  
憐予仍是昔時貧

玩鹿亭稿 卷一

十七四明叢書  
約園刊本

自然亭小酌

誰言春去花俱盡  
亭有葵榴沼有蓮  
疑是小園春獨在  
偶忘羈旅一欣然

寄懷天池寺山書記二首

吳門重見卽相離  
圓頂方袍異昔時  
參學幾年應有悟  
好將半偈度吾癡

與爾曾將出世期  
空山寒月共棲遲  
而今南北遙相憶  
猶是情塵未斷時

贈別童侍御還杭三首

雲霄龍驤飛騰近  
何事明時早拂衣  
別有玄思身世外  
知君應不戀鱸肥

棄官自覺此身閒  
身似浮雲出復還  
莫道山中便無事  
開扉耕釣總相關

淮陽留滯三徂暑  
遙見僊舟一葉輕  
別意自然傷去住  
與君況有入山盟

贈別王同野之楚三首

徐淮境接頻來往  
道義情深數寄將  
別後相思何處是  
夢魂隨雁度瀟湘

玩鹿亭稿 卷一

十八四明叢書  
約園刊本

湖山有約遠同眺  
況復驅車我向燕  
人意自殊那可語  
異鄉分手益淒然

山東羣盜勞紆策  
新命麻陽鎮百蠻  
共說君才今吉甫  
罷兵應閉玉門關

與司徒韓公泛舟城南次韻

一曲清歌酒半酣  
薰風吹棹轉城南  
池菱郊柳含離思  
佳句無將待月探

水月寺改爲忠孝祠次韓司徒韻

城邊古寺作新祠  
樹隱谿迴客少知  
水月尙存僧已盡



惟將忠孝繫人思

南樓奉餞南司徒韓公辱倡佳篇次韻贈答時予

亦將北上

臥病經春暑復秋暫因公駕一登樓夕陽城郭丹虹沒  
暑雨池塘綠樹稠銀燭清尊那語別江雲燕月幾看愁  
廟廊霖雨蒼生望回首淮陽是舊游

有所思

一病春徂夏那堪別所親蕭蕭今夜雨寂寂異鄉身雲  
杳書難寄情存夢亦頻非無言笑者不是意中人

玩鹿亭稿 卷一

十九四明叢書  
約園刊本

祐民觀九日酬劉戶部見訪韻

秋來政允塵盈抱偶挹清芬一灑然多病每慙時誤用  
停車何事爾相憐黃花忽訝逢佳節瑤館聊將供野筵  
無那紛紛仍繫累縱令脫去亦衰年

灤縣道中示舍姪

阿舍小姪子隨我燕都還為道風塵惡遙指滄洲閒欣  
然感素心廓爾開離顏徘徊恩闕戀祇覺拂衣難

病中夜坐

敝榻蕭然偶息塵孤燈明暗坐相親還思山閣禪樓夕

不謂天涯一病身

天津館臥病東京中諸友

結髮至今宦辛苦三十餘累疏辭微秩立身本迂疏領  
節復三載馳走無暫紓虜質那堪此分當犬馬如出城  
猶脫負返我并州居衝寒構新疾一臥滄海墟辟穀絕  
饗餐伏枕但欷歔百事俱廢置如彼庭中檮釋綬無今  
日垂危檢藥書涸鱗縱得水圍圍將焉舒恩愛時見嬰  
道阻還自祛生死尚皆遣是非復何拘所憂在王事明  
春理茲初臥曠千里外逝日不我需情好且勿道君當  
念邦儲豈無賢與達而以終困予

玩鹿亭稿 卷一

二十四明叢書  
約園刊本

憶子四首

毗陵攜汝從師日韋布蕭然意味嘉二載漕樞成底事  
祇應添得夢中華

朝游湖寺攜俱往夕返西園共討論若使悠悠堪卒歲  
未云曠逸負明恩

汝因婚娶向明州漂泊天涯結百憂千里相思空極目  
託書魚雁亦沈浮

乍辭膝下吾憂汝少小還家自立初越客每來頻問訊



佳聲日至旅懷舒

愁二首

去年臘日愁盈室今日遙看滿地愁若使趨前仍密密

祇應與爾其悠悠

愁來如織去還無來去因窺心地初吾體本空那可染

漫將爾我太分疏

寄內四首

常年病日深憐汝竟日忘眠湯藥勞伏枕異鄉誰與伴

寒燈無燄朔風號

玩鹿亭稿 卷一

三三四明叢書 約園刊本

童時與爾聯姻久薄宦同游三十年別後飄零千里外

孱軀難料定生旋

鄉間娶婦喧闐夕正我孤懷悄悄時讌笑滿堂知憶否

天涯排悶一裁詩

蚤經病患心存道每欲遺家事遠游雖逐世緣常不易

故嬰多病稍忘憂

過東阿喜張秋嚴水部遠至問勞詩以謝之

別君荆門道重會東山阿別時初履霜堅冰今滿河微

勞不自慎積困成沈痾衝寒枉遠駕攜觴列清歌眷眷

此交情一顧豈在多

贈鞏鷗江

憑君筆底識吾容鬢漸皤然一老翁我自有真君識否

盛衰不與四時同

江南道中

解印歸來忽斷緣江南春色復依然芳村桃李連鄉國

綠野桑麻傍客船雲裏松關經舊履山中野衲話當年

悠悠性本成多病慙遠風塵意自便

天津館臥疾示掾人張忠

玩鹿亭稿 卷一

三三四明叢書 約園刊本

風寒孤枕天涯日耿耿予心那可論不是維摩緣示疾

稍欣談對遣黃昏

示崔廉

亦天津館侍疾者

淮揚留滯三年後歸去秋霜兩鬢侵聚散衰榮何足問

殷勤感汝歲寒心

題童侍御湖邊草堂

時自淮初歸

背郭紅塵隔臨湖畫舫環曉風清吹發暮雨醉歌還喧

寂心因悟迂遲地自閒寧知淮上客同此臥花閒

應舉山房對雨二首

山房在鄞先租墓側



山中方息駕一雨阻幽居  
靄靄煙光暮欣欣草木舒坐  
深心愈寂寞換意俱殊投老詎非計况茲衰病餘  
一還桑梓郡窈窕憶山行坐對松巒雨彌傷游子情煙  
嵐忽變夕水石自成聲辭祿元耽寂那爲俗所榮

山中歸

一宿青山促櫂歸初晴草木曉輝輝不分淑景三春盡  
卻憶幽期百事違夾路烏聲清俗韻層林芳氣濯塵衣  
瞻雲已作誅茅計長夏寥寥獨掩扉

清道觀感懷

玩鹿亭稿卷一

三四明叢書

約園刊本

綠樹陰陰石磴遙碧岑丹宇倚青霄廿年不到歸何晚  
一月初晴雨復飄蒨荔門深窺洞府竹松風度訝僊韶  
客懷幽勝偏多感不盡江聲伴寂寥

宿慈谿陳氏經堂

何處聞經梵雲林處士堂谿迴紆帶竹徑遠密通房山  
鳥分禪食江龍護法航雨深因息駕行道其焚香

梁湖夜發

溽暑江村積雨收蛙聲兩岸送行舟客身漂泊曾無定  
明日愁眠吳地樓

山陰道中

偶喜新晴泛越船出門梅雨復絲絲折腰蓬底殊忘瘁  
擬脫樊籠返自然

己酉歲五月廿二日同男盛二夜渡錢唐時久雨

水泛舟不利涉

洪波浩浩那堪渡昏黑相將冒險行豈謂委生方是達  
但看吾履向來平

送甥毛經世往金陵二首

三十風塵吾易老往來維護爾稱賢秦淮行欲從之去

玩鹿亭稿卷一

三四明叢書

約園刊本

病足蹒跚未可前

令祖昔年爲五馬而翁讀易老青衿古來祿仕皆闕析  
毋墜家聲慎爾心

過虎跑寺贈住持僧

寶峯逝後叢林替殿火臺荒谷鳥啼不謂求泉寫經者  
道風繼席老山西

柬譚少參

鴻雁每勞薇省訊煙霞一臥竹房深故交多病疏應盡  
誰復悠悠寄此心



東答馬石潛方伯

衰年一構疾形神索然殊解印還明郡親朋亦因疏投  
迹來山中但與木石居有懷薇垣客契闊今何如顧勤  
垂問意頓令沈抱舒崇要自多政詎復存遐隔是以君  
子交悠悠靡終初相思不相見因風致尺書量力避城  
府豈爲形迹拘况當趨曠秩焉能安一區

題僧瑞雲扇景

人間名利俱塵土出世高僧亦染衣紅葉青山谿閣上  
蕭條誰向此中歸

玩鹿亭稿卷一

三五四明叢書  
約園刊本

報先寺逢德圓

無聞弟子老頭陀辛苦叢林髮盡皤嗟我風塵形亦老  
幾迴辭祿竟嗟此

贈性天行者

少小出家應有悟往來役役若爲忙祇緣學佛先忘我  
隨處勤勞是道場

七月六日余自四明來與沈青門童南衡陳子開

謙坐吳壻子旬宅自晨至夕子開放歌故情欣

洽各詠一首分韻得此

新秋晨氣爽少坐覺炎生散髮忘賓禮高歌洽故情流  
雲度微雨涼月吐初更茲會百年幾因嗟水上萍

登大石山偶憶石川公語奇勝宛然喜而賦此

昔逢石川老語我大石奇今日登臨處穿雲路更危飛  
梁橫洞口迥壁俯湖湄坐愛空中閣高棲歲月遲

宿天池山

病借雲中臥天開山上池諸峯臨水淨片月出林遲古  
院秋逾寂高緇故所知自當長此隱那復別爲思

夜宿毗陵聞輓舟聲有感

玩鹿亭稿卷一

三五四明叢書  
約園刊本

歲漕萬艦涉關河險阻身親勞慮多今日毗陵成病臥  
不堪夜聽輓舟歌

九日過招隱寺逢定菴上人

抱瘵思山隱行逢招隱寺崇巘嘉樹蒼層阿香閣祕坐  
憩泉上亭泠泠說吾志幽磴入秋雲四垠周一視天風  
吹我襟煩憂忽如棄晶晶練湖明浩浩長江浙緣崖步  
紆迴歷洞窺奇崒時陟昭明臺猶存讀書字况值登高  
節游盤不知遲釋子武林舊爲言山中事在昔戴顓宅  
虎鹿泉呈瑞開剌逾千載廢興不能記掃榻留殷勤願



爲簪組繫猶懷捨宅人深悟已忘自

春日病懷 寓金陵作

春寒欺病質三月被重裘躍馬思年少看花益旅愁事  
從前臘廢簪向幾時投寂寞誰相問傷心淚欲流

贈吉牧雲

三晉家何在閒居金馬門五侯延士少數口向誰存賣  
藥朝依市垂簾夕灌園還將萍水意與爾醉芳尊

壽李中丞封君八十

豐城李翁年八十顏如嬰童眼如碧問君內養祕何方

玩鹿亭稿卷一

三七四明叢書  
約園刊本

世閒萬事吾不迫得失君平豈假占長安杜甫知如弈  
更無俗意擾公私惟有詩人數朝夕湖上行歌風日清  
眼前自覺塵凡隔兒孫四十羅堂前濟濟稱觴色常懌  
中丞迎養發樓船故里端居報書尺爾將五鼎榮言孝  
我於百福損爲益但使兢兢奉聖明何必朝朝侍吾側  
中丞捧書意若違復見翁心喜仍劇斑衣起舞天邊雲  
祝借諸卿星斗文古來養親貴養志潦倒承顏何足云

送祠部章郎中公事還明

二月江城氣尙遲桃花初蕊柳初絲一官異事同羈旅

多病經年惜別離閩里交情今更稔風雲僊駕祇難隨  
與君攜手知何日越水吳山入夢思

送姚郎中僉憲四川由浙之任

鄉里衣冠集舊京喜瞻風度結同盟花明鷹服文爭麗  
水淨巴江政與清藹藹河橋春滿道蕭蕭林雨夜還聲  
病懷愁極翻成詠一片歸心逐去旌

與余子奇話舊 余善丹青

江淮一別看猶昨帝里重逢鬢各斑數載驅馳身覺病  
幾迴悲歎世多艱寄懷湖海浮沈外揮穎谿山遠近閒

玩鹿亭稿卷一

三七四明叢書  
約園刊本

知爾雲蹤無所繫憑尊酒共開顏

贈吳芝山

年來多病少逢迎到處看詩識爾名混迹每爲朝市隱  
言交不擇縉紳榮鬢眉早見雪霜色吟詠時聞金石聲  
來往風塵何所礙右丞已老悟無生

不寐

山館淒涼客舊京孤眠中夜覺寒生故園千里魚鴻絕  
腸斷西林風雨聲

金陵客舍與劉愛山話舊二首



錢唐秋夕河邊宅明月梅花調益奇萍迹幾遷俱蝶夢  
相逢猶誦別時詩

道人自昔多山隱世路相看盡染塵少小遨遊今日首  
憐君猶是本來真

別柴允中三首

人情應與道相違來往憧憧已覺非歸去閉關交欲絕  
惟留一櫂訪玄暉

識君已在十年前野鶴孤雲興灑然珍重秣陵聯榻意  
豈將蓬迹滯塵緣

玩鹿亭稿卷一

三十四明叢書

約園刊本

詩篇但可消長日據德依仁始一游盡說功無先後際  
子歸好向自心求

別何吉陽考功

風塵燕邸初逢日世路多歧歎忽違尊酒細論情更切  
扁舟此別會應稀天邊誰共吟秋夕松下那堪對月輝  
鄒魯寥寥千載後知君振古欲傳衣

別劉初泉掌科

問訊都門垂死日重逢已是復生時紛紛世慮觀應盡  
寂寂深心悟豈知抱病欲投三竺老識君猶恨十年遲

驚秋一葉偏傷別鴻雁空勞寄海涯

別何大叡儀部

春巷勞君數駐車蕭然一榻病方初愁邊那有還顏術  
架上空餘繕性書已識玄思瀛海遠更看宦況野雲疏  
相從脫屣知何日別去山中閉舊廬

得告東還宿弘濟寺有懷城中諸友

經年臥病乞身歸出郭分林塵事違向夕暫投江上寺  
觀潮猶啓月中扉寒厓釣石花陰靜秋水長空野色微  
寂坐忽思朋舊隔不知清露溼征衣

玩鹿亭稿卷一

三十四明叢書

約園刊本

燕子磯作

燕子磯前風滿臺倦飛高鳥識歸來波漂雲影江心度  
帆帶山光寺外迴病足倩扶將弱息衰顏難駐付金罍  
鄉關日暮猶堪指北極恩深首重回

中秋夕歸舟對月

臥久遲京報歸候中秋夕涼輝新雨霽憂與陰雲釋短  
吹舟尙移遠鐘景方寂綠厓樹湛陰深坐露凝憤家近  
思轉勤朋違昨成昔念獨抱病還吾生此行息耿耿忽  
不寐良宵況當惜



贈崇明尹道輿

賢才屢不偶雅志在滄洲  
忽試崇明令欣然航海游  
微茫千嶂失浩蕩一桴浮  
近日魚鹽者聞將劔易牛

途中寄懷閩郎中

憐君久南暑多難倍思親  
念切心成障憂深淚滿巾  
寒鐙稚子侶鄉夢北堂身  
歸路頻相遲何時五馬新

以上皆庚戌年以前作



玩鹿亭稿卷二

明鄭萬 表鹿園著

男達甫編輯

詩

病歸

病歸因得遠氛塵稍喜清明氣若神幻體有生唯辯智  
閒情無著見天真束身禮樂應終棄消日詩書偶一親  
謝客閉門非傲世支離已是背時人

臘月十二日將往荆谿至錫山阻凍已而復往風

玩鹿亭稿卷二

一四明叢書  
約園刊本

日和霽因喜賦此

荆谿舊隱處懷戀數年心祇為冰河阻那愁霜霰侵東  
風回短櫂晴日滿前林去住唯關志玄探自此深

靈巖寺 卽吳王館娃宮

歌舞易消歇千秋一寺存日斜寒塔影僧閉薜蘿門

送錢道士天池山入關四偈

投佛園中士縣壺市上人本來唯一事祇用見吾真  
紛紛異趨向如爾信心希了此無餘義應看選佛歸  
一心重成道為爾若寒行自度須今日毋令負此生

人皆憎汝行我獨識其心好向巖扉下縣縣寶寸陰

天池山雪後歸途有感

山中三日雪樵徑已先開豐瑞秋仍遠陽春何日回

南濠寄居言志

吳門避迹掩郊扉衰柳寒塘客到希鏡裏青絲愁盡變  
人聞白日病長違蕭條祇擬填溝壑嬾慢誰能計是非  
旅況自隨禪味淡佛龕燈火夜相依

春日過百花菴

古院百花裏城中唯此林序寒頻臥病春盡強追尋芳

玩鹿亭稿卷二

一四明叢書  
約園刊本

氣浮禪榻野禽喧夕陰漫將游適意忽易閉關心

元夕觀燈偶成

元宵攜友兼將子燈下羣行聚復分雜沓互看人似蟻  
喧闐猶見氣成雲興來月色忘人困歸去鐘聲徹曉聞  
過眼繁華無駐景閒庭漫誦五千文

題僧一舟卷

大道還將法喻舟不登彼岸未應休如今多少操舟者  
祇是悠悠苦海游

題嘉興本覺寺雲間卷



曾聞樵李雲間老郡守公餘日與游前輩風流無復見  
荒臺廢宇自春秋

題嘉興水西寺疏 寺乃唐宣帝建有遺像

諸山興劫頻求偈請我如來弟子身殿火尙存唐帝像  
至今猶作勸緣人

舟中睡起偶成憶子盛一盛二

自昔心貪佛違家意灑然投閒今一載爲客已三旋寂  
寂途中思搖搖吳下船夢回憐二子穎異道應傳

初夏自姑蘇返櫂過嘉禾宿萬壽山作

玩鹿亭稿 卷二

三四明叢書  
約園刊本

游興隨緣變歸帆信晚風樹陰沈水碧霞彩散波紅落  
日城初背前村寺忽逢吾心忘厭悅莫訝屢西東

酬董太史見訪不遇次韻

都門一別後雲樹靄重重僊館詞成綺沙隄馬似龍獨  
憐多病客幾到兩高峯采藥歸迎晚空尋來徑松

夏日飲許員外山亭卽景三首

一亭梧竹裏迴出市塵閒石逕綠蘿入江峯對座閒海  
雲朝數變山鳥暮雙還別去衡茅下思君嬾閉關

豈謂池臺上蹊迴復此亭江環城外練山列越中屏酌

酒花同醉彈琴鶴共聽主人應戀此不貴鼎彝銘

檐楹俯奇曠洞壑入庭登峯閒戍樓起林連雉堞平翠  
煙巖閣靄紅日海門生景絕恣臨賞茲亭不可名

夏日同許員外琴士周桐菴憩李氏郊居

一曲芳塘外清風滿古林夏英偏爍日徑竹自交陰暑  
向簾櫳斷塵從澗壑沈閒邀二三友緩坐聽鳴琴

夏日同楊水部飲李氏臥雲樓喜黃陸二生偶至

歌詠及夕

亦知衰鬢短強逐少年歡淑景寧堪返愁懷但覺寬清

玩鹿亭稿 卷二

三四明叢書  
約園刊本

歌消永日綠醕伴幽蘭童冠非真樂喟然應不歎

湖上泛舟感懷

道人睡起心無事小艇城邊泛午風一望湖光山色裏  
幾重春樹夕煙中乞身歸隱寧非主多病棲遲漸作翁  
林嶼蘇隄俱往迹僧來何事更談空

仲夏夜坐

五月金未伏朱氛何太炎更闌人尙語坐久夜虛檐幸  
與簿書遠兼無車馬淹還丹如可學寒暑詎爲嫌

伏日夜坐



風微庭樹靜星密火雲開入夜炎仍熾經旬雨不來稍  
行猶喘息欲臥轉俳佻自覺逢多難衰頹老更催

月中偕友訪楊水部留宴容閒閣

僊人樓閣俯郊川月色花陰啓夕筵檐外數峯煙漠漠  
鷗邊幾樹柳翩翩高情倍飲歡尤劇野客忘憂思入玄  
更有清音澄玉宇只疑夢到九華天

東方道人久為舟隱浪迹江湖行無定止寒暑結

制山中子見而愛之因與訂盟云

期君相逐野雲閒半寄孤篷半住山霜到草堂寒獨閉

玩鹿亭稿卷二

卷二

五四明叢書

約園刊本

香生蓮浦暑應還行無程計心常靜事與塵違意不關  
佳興四時堪共樂何如風詠舞雩閒

湖上病居喜周桐菴攜琴遠至

閒居正憶陽春曲何意攜琴千里來湖上草堂明月夜  
花前蘭醕碧荷杯舊游隔歲曾無信孤緒逢君但有哀  
一病閉關交欲絕衡扉那復為誰開

病歸西谿山中漫述

先墓在上

豈如陶令憂三徑幾省雲封滿薜蘿抱病卻嫌辭祿晚  
入山猶厭識僧多蟬聲兩樹驚年謝心緒千般柰老何

安得盡排人世事白雲流水和樵歌

送聞它泉之欽州

去年京邸為君別今日江頭復送君官舸霜前隨雁發  
客身嶺外更誰羣猿聲斷處聞蠻語草色青時入瘴雲  
忠信千城堪自衛不須三尺淨妖氛

武林病居寄答唐荆川太史二首

病歸辭祿家無計老去貪閒子析居賓客到門常不接  
詩書乘興獨難除已知攝養形終滅稍悟浮虛意覺舒  
為問荆谿唐太史道心病後更何如

玩鹿亭稿卷二

卷二

六四明叢書

約園刊本

十年學道渾曾悟遇景還迷卻未曾身事欲酬翻不了  
道心將覓轉難憑故人同病誰堪語末行無矜眾所憎  
汨汨流光知不返舊盟空復憶山僧

夜坐寶叔塔與周訥谿掌科話別

金陵小院相過日擁褐連宵坐歲寒幾漏升沈頭共白  
五年縲絏語猶酸湖中漁火明寒水檻外空煙滿夕巒  
千里遠來今復去別君惟有淚漫漫

送童侍御至廣東

湖山有約同為隱何事孤舟萬里行奉謫祇承君示諱



攜家兼就祿資生峽江山月隨帆駛梅嶺僊葩帶雪明  
相送離懷無復遠亦知不久待持衡

送劉望洋之南華

幾年每作南華夢緣有曹谿一水通料得君游非浪迹  
好傳心印到吳中

聞王龍谿書樓被火有懷

廿載聞論道能令瞶者興書焚因絕學苑廢少延朋已  
悟成爲壞還觀損是增紛紛門下士於此得師承

憶子來章二首時赴餘杭考試聞被主司嚴譴

玩鹿亭稿 卷二

七四明叢書  
約園刊本

聞汝身遭譴何由見汝身步庭愁對月望信夜難晨訓  
誠將無甚詩書詎用陳悔來那可及憂憊病應新  
斂迹來歸息衡茅多閉關人隨時見背身與辱相安祿  
棄家無養門衰子共難病眠唯益苦敬枕淚頻團

撥悶

閉門耽著述盛暑卷常開自是支離者偏爲歲月哀詠  
歌聊遣興景物嬾登臺困守元吾事寧傷異患來

重宴楊水部容閒閣

涼暄雖異序煙月共斯樓又覺一年謝空憐兩度游行

雲仍駐曲密柳更移舟留客何須醉忘情但狎鷗

送劉少府之鎮江

六年佐杭郡唯飲吳山泉髮爲憂民白心因敬事懸蟬  
風揚庶頌江月照離筵幾許徒攀臥金焦已待賢

題柯亭奪筮卷爲楊南泉作時李岫巖有斛筮甚

奇南泉以一局博之故名

野翁爭席罷詞客勝棋還舞筮秋陽下思漁煙水閒興  
來仍裂冕身退更藏跣安石何須慕桐江若可班

宿吳山雲窩贈鄭澣僊

玩鹿亭稿 卷二

八四明叢書  
約園刊本

結屋依山洞開廚近石泉挂瓢聊出世揮穎卽成僊楊  
許詩人借方從道士傳欲知丹熟候明月幾回圓

九月六日湖上同沈青門許茗山茅鹿門許石屋

諸友宴集分韻得風字

已近登高節清尊雅席同未須吟待菊祇愛醉乘風餘  
綠連隄密幽芳照水紅自慚衰廢者叨宴墨鄉中

九日同沈青門劉望洋童南衡楊南泉姜對洋諸

友登吳山昊天閣旣而朋舊沓至列坐庭陰分

製得五言律一首



僊閣雲厓迥清秋此其臨江山時極目散逸識同心野  
席紛平麓斜光明近林嘉朋元不約觴酌漫相尋

題王大巡雲竹卷

片片自無心蕭蕭滿故林祇緣虛是質不礙出為霖結  
幄虹初變棲枝鳳一吟毋勞歸夢到披卷足幽尋

贈王西石戶部

山中方一遇歡洽若平生論世懷先老憂時志甲兵玄  
空諸士蘊諾視百金輕別去頻相戀猶為大道盟

登太虛樓一首為孫環山太守作

玩鹿亭稿 卷一

七四明叢書  
約園刊本

擾擾入寰裏凌然此縱觀使君元有道黎庶許同歡危  
檻雙峯並西湖一曲看吾將乘鶴背萬里御風搏

宿應舉山樓

窈窕蒼霞裏登樓愛隱居水聲孤枕近山色四窗虛林  
靜朝看鹿心閒夜對書獨將耽寂意覺與世情疏

送高南洲行取北上

網羅紛俊彥雅志不如君其有飛騰慶應將獻納聞琴  
尊移海月車馬入燕雲清禁疏鐘晚玄機詎可云

會川龍泉閣為戴靜山翁賦

幽閣橫谿迥軒窗騁望賒遠山浮瀨氣寒樹發瑤華鯨  
膾供賓饌川流擁釣槎相留無復去城市總如麻

除夕宴鄰宅

弱冠辭鄉早并州久滯身乍歸翻作客欲別更相親臘  
向宵分盡春隨曉霽新寒暄君莫問千里尙為鄰

新正登阿育王寺四首

避喧來海嶠元日坐禪林自笑身逃影還將景易心寒  
流春雪化疊翠暮煙深幽寂非人境應無積俗侵

山中無節序新歲不聞喧步壑遵樵徑同僧叩竹門春

玩鹿亭稿 卷二

十一四明叢書  
約園刊本

盤供野蕨晚磬諷空言卻憶閻浮界酣歌景正繁  
坐觀山色好忽斷世閒緣欣厭知情轉寒暄與運遷金

沙明寶地玉几淨慈筵說法元無二松聲祕已宣

攀蘿登上塔絕頂見蛟川抔土三山小叢陰萬室運還

觀隨所履色界本無邊欲識元來面因僧一問禪

荻洲詩為張德馨姊丈作

荻江迴曲處草閣一洲閒雁宿時來去潮留日往還秋  
風吹葉老夜月映花閒自歎風塵久因君戀故山

元夕祖關獨坐



城市觀燈罷仍還郊外居春暉林木變野興酒朋疏茹  
菜分僧供臨軒閱道書笙歌何處沸喧寂此中殊

元夕後宿應舉山莊

幾宵燈下醉麴向隴頭醒隔歲梅猶白經春竹更青就  
雲移石榻迎日啓山扃入郭非吾好塵勞鬢易星

戲贈蕭復初

文武時兼重君家奕世榮子爲百夫長父作一書生已  
識懷珠玉還看富甲兵毋嗟久留滯志在定應亨

壽樂亭詩爲戴靜山翁賦

玩鹿亭稿卷二

十一四明叢書  
約園刊本

一亭深院裏別自有山川疊石松生嶠開池地迸泉天  
光翻上戶春色每增年幽勝心俱遠朱輪何處邊

還明家宴卽席偶成

三十功名如轉眼歸來已是丈人行持觴爲壽紛成敘  
擊筑高歌笑滿堂病裏臞顏吾獨老鐘前情話夜兼長  
翻思親在歡承日心緒微微忽自傷

壽會川戴靜山太守八十

八旬林下人間少况復優游三十年興寄煙霞常避俗  
手栽梧柏盡參天壽如令德應齊嶽道與流光併在川

漫集耆英追往跡看君已是地行僊

送孫槐谿太守考績北上

閭里謳歌偉績彰廟廊側席待明揚緣經飾律存吾道  
抑暴康民視彼蒼政劇定心同碧水畫閒清詠滿黃堂  
光輝別後何能覩蔽芾庭前有召棠

前川詩爲趙掌教賦

江夏何年移劔在每臨樊沔流湍水聲三峽通朝暮  
樹色千崖自歲寒吾道早聞同此逝明時應辟且投竿  
傳經多士無殊義洙泗還將一派觀

玩鹿亭稿卷二

十一四明叢書  
約園刊本

壽薛雲舟六十

與君三十年相友意興於今總未更世上重逢生甲子  
林閒還訂晚交盟繁霜不染閒人鬢明月常怡逸客情  
歲歲流光知不老悟來自性已丹成

自明初還避客潛過石屋山亭訪主人不遇見其

二子詩以待刺

不到此亭久因君憶此亭出門忘宿戒看竹坐深坳籬  
權經春長巖花向日馨主人何必遇雛鳳正傳經

過明眞宮澹然道士故居



一試人閒味榮枯總澹然厭身還羽化住世已胎僊壁  
上塵封塵鑪中篆息煙因經下榻處默默憶當年

過虎跑寺有感

果師遷化後上首斷傳鐙廚有經年粟堂無一宿僧高  
山懷舊隱喬木想餘馨紺宇成輝映惟應慰覺靈

夏日宿陳青芝孤山湖閣

故人湖閣敞邀我散炎襟荷氣隨風入橙陰覆院深相  
忘因信宿放逸發高吟自媿非僊客孤君問道心

午日泛湖

端陽重載西湖酒山色依然似去年隄上兩行桃柳密  
湖邊一望苑臺連競將歌管娛佳節自折菖蒲插野筵  
病質強支同此醉不勝歸思夕陽前

題楊水部五十壽卷

金冠羽扇容閒閣盡道蓬萊鏡裏僊尊酒每邀明月飲  
竹牀還伴白雲眠榮名已覺俱成夢山水常親獨有緣  
不用知非求妙道地偏心遠自長年

瑪瑙山樓晚眺爲楊水部作

江作長渠湖作池遠山如黛越中低晚晴今日山樓景

玩鹿亭稿 卷一

十三四明叢書  
約園刊本

似與容閒閣更奇

喻蚊

汝類千萬億豈能盡飽血何不安草萊依棲以永月

六月廿四日

六月今當廿四日先公海上射龍時黠夷屏迹滄波淨  
近說揚帆徧海涯

陳氏湖居避暑

一片湖光淨野扉經旬避暑竟忘歸晚來松下貪涼坐  
十里荷香透葛衣

玩鹿亭稿 卷一

十四四明叢書  
約園刊本

聞海警有感二十首

掃穴焚舟稱偉績鑿山填海亦弘勳可憐憂憤身空隕  
兩浙何人一念君

百年滄海曾何寇防杜多應失漸微安得東南還沈瀚  
但持三尺息兵機

屠城掠邑臨關急載酒輸糧饋轉頻黨與紛紛今滿省  
豈無見憚漢朝臣

小人得志知無止防守朝朝幾得休兵力久來應自斃  
誰將爲國一更謀



稱王惡逆滔天甚聲罪如何杳不聞遂使邊臣甘稽首  
不知順逆若爲分

既名爲敵天難其詎有紛然復往來法網漸疏人漸玩  
失今不救勢難迴

海上只今非二賊更誰欺隱復言倭豈無智者能窺汝  
至使飛揚黨漸多

有法不行何自爲本來謀國是謀身既居天職司民命  
忍見摧戕一體人

乍浦潮迴海氣腥流尸塞岸盡殘形行人掩淚何須問

元龍事稿 卷二

十五四明叢書 約園刊本

況是愁中可忍聽

古人利什不變法聖祖宏猷遠慮存海市誰將倡此議

祇應流禍毒中原

奏請中丞幾日迴應掄破賊濟時才浙中士馬無增數

旌節唯添一將來

黠虜入邊稱百萬今年來侯更先秋誰能持法清東海

稍釋君王南顧憂

動言擒黨爲招費今日屠殘誰激之逆黨不擒從恣蔓

不知何日是休時

銅錢爲銃鉛爲彈關市無譏只恁行若今束手甘資敵  
何用徵兵議結營

舟師擅廢言無事弛禁三年釀所成今日豈應猶隱蔽  
可憐誤國誤蒼生

秦璠王良吳中亂跳躍那聞破一城聲討羽書馳滿道  
固應不久奏昇平

遮天枝蔓從根長根若不除蔓豈除稍去輒言爲賊遁  
復來城邑慮丘墟

首逆不名今得志吳衢宿寇日聞歸不知苦諱緣何事

玩鹿亭稿 卷二

十六四明叢書 約園刊本

當局無人早悟非

風煙若此稱良賈市稚登城更備誰勾引既多焉用守

千尋鐵鎖亦何爲

有賊不擒擒且縱朝來鼓角又東征積薪厝火膏頻沃

杯水兒童識不勝

伏日避暑湖寺聞海賊圍台州作

今宵炎太劇池館總如蒸電掣雷兼迅雲垂雨似凝清

塵思借扇抱病久依僧滄海何時晏憑棹我欲乘

輓楊南泉



來往交方密山林趣正長那知寺中會忽報別來亡饋  
藥嗟無及觀詩祇重傷哀哀雙令子堪作九泉光

輓沈兩湖

憶作清江尹徇民百慮違惟將素履往不問世情非好  
學多辭席買書常典衣遺囊不盈粟賓客慟靈幃

病久不出偶與軍門論海防有作

海上日多盜屠殘真可傷偶登公府步誤落是非場抱  
疾憂偏積逢人說更長山中歸舊隱庭竹對蒼蒼

壬子秋登許氏樓觀諸士入試

玩鹿亭稿

卷二

十七四明叢書

約園刊本

白露初零秋氣激高樓臨望喜賓興月宮已見千鐙聚  
桂窟誰持一斧升題柱橋邊迎駟馬乘風霄外化鷗鵬  
丈夫奮起元何爲斯道康時待爾弘

冬日同諸友餞童南衡之南都

深山寒雨積遠出爲情親茲別社中友誰同白下春弦  
歌歡永夕雲樹悵離津君去無知己林扉一病身

報先寺鑄大銅佛書此一偈

丈六金身合下成本來無滅亦無增豈知佛亦由人做  
擬見紅蓮腳下生

冬夜坐蔡可泉中丞舟中話別

山寺僧同寂雲霄客盡疏獨將剡谿權爲得故人書  
燭寒宵短停雲積抱舒相忘知道在復別意何如

雪中登上寺聽祇園濼主講經

苦寒何用避冒雪上方行淨界天花滿空林玉樹明忘  
言迷有象聞法悟無生攀陟胡爲累吾身自可輕

次答史燕峯玉潭僊院韻

僊院偏承雨露多步虛遙夜靜鳴珂當年玄榻曾三宿  
何日扁舟更一過月印玉潭知見道風生龍洞獨高歌

玩鹿亭稿

卷二

十八四明叢書

約園刊本

齋居長祝天王壽海晏河清水不波

每逢聖誕設醮奏聞故云

次韻贈楊道人

小小辭家事遠游諸方何處覓丹丘天涯自有還鄉路  
珍重臨歧着兩眸

許石屋秋卿有婢名雪梅性不茹葷善煮雪茶今  
已物故感傷成詠偶爲次韻

美人不茹人閒物清味悠然況雪茶石鼎尙遺無宿火  
閒庭空見落瓊花

元夕自山寺入城散步遇沈青門張中山劉望洋



諸友

新正七日雪元夕月偏明即此人閒景誰無燈下行路  
多朋舊遇步逐管絃輕何似棲山寺寥寥負此生

春雨有懷許石屋

江城春雨氣如秋樹色籠煙洞壑幽卷幔乍看新燕入  
玉人相並倚山樓

湖寺贈孤峯禪師

有道者無我偏為眾所依盧能充確主拾得作廚師淨  
意消三業焚香禮六時龍華今幾會九品總蓮池

玩鹿亭稿卷二

十九四明叢書  
約園刊本

暮春集石屋山亭餞別許茗山憲副之粵

春亭今日會猶及牡丹芳遠見江流急愁催去權忙文  
星光異域霜節失炎方為念里中社蕭疏望獨長

湖崎草堂宴集分韻得成字時茗山有粵南之行

因寓別懷

城邊高館修文約牆上湖山入座明近寺樓臺臨鏡出  
遠船簫鼓向天行每覽禮數憐予病茗山屢顧不答故云欲別遲  
留識爾情萬里王程看獨去不勝離思句難成

戲柬王冉山

美人一遇桃源後樹合雲封路忽迷借問誰將春色去  
武陵無處聽鶯啼

赭山戰後作時用僧兵取勝

一夜風煙傳警急曉扶病骨強臨戎山中饋粥供兵食  
架上詩書易塞弓耕鑿于今那識陣跳梁使爾獨稱雄  
最憐子壻能忠戰不道緇衣也報功

又

寇盜紛紛徧海濱赭山一戰省尤鄰誰知今日焦頭客  
元是當年獻策人

玩鹿亭稿卷二

二十四明叢書  
約園刊本

賀楊司訓連得二子楊湖廣人

庭前桃李爭春麗階下芝蘭向晚生千載斯文知其淑  
一經家學待人鳴淵源洛水應分楚草木眉山盡遜榮  
昨夜步蟾時倚杖文星遙傍女牛明

哭壻吳子旬二首

靈幃寂寂誰為守母哭妻啼病兩牀每一登堂腸欲絕  
可憐處處共悲傷

人言一死堪酬國憶爾忠懷志獨真大義不明無定是  
相逢誰不解全身



閔黎吟三首 有引

浙參政平崖錢公出按四明會予於舟中談及  
征黎事悲動顏色且示以閔黎諸詠惻然傷懷

因而有作

地何產枿與速吾何畜豕與犢豕犢盈盤吏反嗔枿速  
窮年采不足但願黃金滿粵南寧使黎田不盈粟粵南  
金多吏不索黎田粟少人未哭刻箭為約安得銷黎人借錢  
無約刻歲歲生當剝吾肉負戈因拚一命償嗟嗟黎人  
誰爾牧皇章惠爾非爾毒

玩鹿亭稿 卷二

三四明叢書  
約園刊本

二

虎兕來猶可奔狼師一來人無存大征縱殺玉石焚昔  
人鵬勦只一村鵬勦功成賞不厚大征蔭子還蔭孫殺  
一不辜尙勿為何況萬骨多冤魂願君爵賞毋苟貪但  
以三槐植爾門

三

鑿而飲耕而食撫黎何事來相逼舊設有撫黎老人瘠牛可耕  
豈不惜薑水那堪吞滿臆撫黎逼黎人之財遙明燈火  
忽驚疑一望旌旗我心惻撫黎至黎則明羣黎草木豈

有知貪吏腹削無窮息攻掠犯順誰所為撫黎毒黎還  
毒國南征稍喜平崖公殲掃惟悲不為德

送法光弟子還普陀山因簡法光

佛光何廣大夷賊亦來親為緩王師令將全苦行人遠  
峯巖列戟環海總迷津擒縛自為計慈悲是小仁

與法光泛舟月湖時光自賊中還

月湖同蕩槳相對各生悲百死何須問重逢轉覺疑禪  
心元不二幻體豈無知寂寞殘生在焚修更有期

冬日偕友游金裝寺

玩鹿亭稿 卷二

三四明叢書  
約園刊本

逢君每道金裝勝況與山僧隔歲盟霜葉未零秋色在  
凍雲猶合暮煙生禪宮遙向層巒上竹徑紆從曲澗行  
夜靜堂深同對酒故園朋舊有餘情

游金裝歸途中作

入寺連陰晦初晴氣轉寒偶然游興盡不願敝裘單夾  
路山開畫維舟水急灘草堂看不遠雞黍且同餐

祖關夜坐簡倪生

別爾惟孤坐其如夜雨何自從禪學久應慣寂寥多惜  
福頻辭席思漁欲理蓑不嫌貧薄味衝淫好來過



酌酒與倪生

故里逢吾子高歌百慮輕少年誰不愛衰歲轉多情從  
獵心應怯忘機酒其傾餘生何足問對爾欲逃名

村居留客

斂息江村久閒來悟百非氣衰於事怯理妙向心微雪  
至先飛霰煙生欲輓暉此生寧復幾聚樂莫言歸

居明歲暮偶成

居家猶作客俗慮不相關歲事從兒辦圍棋對客閒一  
年今又度兩鬢早成斑騰化知無術金丹尙可還

玩鹿亭稿卷二

三五四明叢書  
約園刊本

贈曾龍山行取北上

三年仁績誰將述但見人同皞皞春士不苟徇爲若德  
政惟平易近斯民每嫌案牘妨經籍試檢行囊只舊貧  
此去省垣堪吏隱謾搖玉佩致經綸

賀張東沙少司馬元旦生孫次豐南禺韻

寒宵方慶歲初更又報庭蘭一度增萬事而今於世足  
一經堪付待蛟騰椒筵讌笑元雙喜名闕圭璋此再興  
黑鬢翁心歡更劇自裁紅錦與爲綳

又次周萼厓參政韻

其識君懷濟世才門庭佳氣逐春回已窺令子非凡器

會有文孫接武來柏酒滿卮還暢飲瑤篇對客屢賡裁  
從今身作無餘累報國忠懷益壯哉

次東沙少司馬元旦生孫志喜韻

鴻鈞大地啓三陽更訝君家有異光天上麟兒誰抱送  
夜來罷夢是禎祥芝園宿植雲霄種香閣新裁錦繡裳  
五十爲翁非不早况看勳業與時芳

人日同諸友集全九山太史宅對雪

冬盡絕微霰春來五出霏總言非瑞氣猶喜耀晴暉鄰  
酒釀初熟佳朋賞不違自今寒意少不醉莫言歸

玩鹿亭稿卷二

三五四明叢書  
約園刊本

春日過延慶寺格上人房

古寺城隅近春風短櫂游水環多著舫地窄各爲樓故  
友悲丘偃詩僧望雪川今已物故新詩見爾優老懷思借榻斂息

與吟謳

春日飲陸氏延碧亭

巷僻門深春自好孤亭叢卉向湖開綠楊西岸官騶度  
碧水南橋客舫來逸叟閒情呼對弈主人佳興勸銜杯  
賞心偏覺傷心處荏苒韶光去不回



春日過白石山人幽居

幽人深巷居閉戶少迎將外屏懸名書前除列羣芳雙  
桂破檐端清陰常滿堂紅杏帶春色一枝出鄰牆惟有  
三尺童烹茶與焚香坐來忽移時不覺心清涼時取壁  
上琴爲我鳴琳瑯庭月爲之白子夜爲之長人閒那得  
此疑是費長房欲別猶徘徊何花露沾衣裳

清明日山行偶成

春來城市無停轍每憶山中自在行但覺松深無俗韻  
不因花落減游情野禽悅客聲相和流水隨人步與輕  
一滴豈沾泉下土翻嗟不飲負平生

玩鹿亭稿卷二

三五四明叢書

續圖刊本

次答舒黎洲見招韻

大士偏多混世塵中懷妙悟豈同人最憐競物消閒語  
黎洲嘗與物競問之便是通玄了道因舉世有成皆夢  
如何日消閒故云幻本來無得但真淳看君自識潛龍理  
豈向荆榛寄此身

暮春同東沙少司馬宿陸氏山莊時亭前牡丹乍

開

山亭春乍煖一夜牡丹開但辦芳尊賞無煩羯鼓催日

暄顏並醉風過翠翻回城邑雖俱發幽偏不共摧

暮春過二都母家與諸兄弟宴聚

連宵兄弟相歡會重我依依桑梓情世上浮名誰復戀  
花間幽徑幾同行谿添新水堪垂釣雨足深疇欲並耕  
四十年來成底事豈堪白髮數回生

雲龍草堂聞報復起時對江山不覺依戀因而有

作二首

已定幽棲計山樓傍水成扶藤壁欲挂種竹筍初生時  
蕩月中槩閒從江上行何因樞密貴違此薜蘿情

玩鹿亭稿卷二

三五四明叢書

續圖刊本

病嬾耽高枕幽居擬息游諸峯排戶入一水抱村流家  
國知猶負年華詎可留謾移招隱調忽作去鄉憂

周莓厓參政有燕領之相席中口占戲贈

擒王破虜吾家事病質悠悠何所成自古封侯元有相  
可憐燕領一書生

陸心橋兄宅寶珠茶盛開邀余過賞夜分乃歸

鄰巷奇花開滿樹主人尊酒特予招夜深秉燭還相對  
似與朝來色更嬌

別先祠



雲龍堰上拜新祠恍忽儀容儼格思南畝每耕遺澤在  
西谿遙望暮雲迷江山屏練垂應遠蘋藻春秋薦有期  
明日扁舟又西去不知迴櫂是何時

甥以善同謙兒送至姚江別回有感

一片姚江月相攜此夕同潮平分別去月亦各西東吳  
浙何多難旌旄屢失功行將何所止總是亂離中

越中

還明成久滯漸暑向杭行離思頻回首歸心數問程帆  
風催客櫂乍雨慰農情見說平湖寇朝來逼海寧

玩鹿亭稿卷二

三七四明叢書  
約園刊本

西興道中

客歲新涼度今當溽暑還風煙猶未息士馬幾能閒乍  
入來時路欣看夢裏山道傍人自語謂我覺衰顏

心梅卷

冰姿自出雲煙外清影常橫夜月前何事君心獨相契  
歲寒應在百花先

海寧交戰聞殺周都閩有感作

東西三戰北孤注海虞軍將歿兵隨散民殘室盡焚受  
言寧至此失策詎猶文靡止旻天在疾威何太紛

偶成

抗論爲時忌危塗不可行祇憂違大義豈好拂人情烈  
燄無時息殘尸徧野橫如何於此日猶自惜吾生

楊涇橋戰後示男盛一盛二

喪亂悲無已吾身似太輕幾時重見汝相望不勝情暑  
氣衰年怯妖氛壯志生裏瘡終報國先世總忠英

金陵臥病戲東李一山錦衣

與君廿年交感君相知情伏枕候兩月思君邈如瀛一  
病尙棄捐何況死與生高車固簡出豈無直中行小館

玩鹿亭稿卷二

三七四明叢書  
約園刊本

禁城側常聞前呵聲予病幾欲絕相聞詎無驚屏息尙  
苟延誰爲歲寒盟

病中謝李道人

人生本如寄飄忽陌上塵自昨病患來我命懸之一  
日日待好一日日轉老人事無盡期爲樂苦不蚤客從  
龍池來執手心爲良尙言僊可學萬劫心不灰感爾遠  
來意吾身安可棄潛觀代謝理長生恐非智甘心與運  
遷庶無憂懼牽

有所思三首



病裏思偏切歸期一月違每聞鴉鵲喜轉憶雁鴻希豈  
爲孤行怯還應故土依欲將他緒易但覺此情非  
僞習人滋甚童心爾不違一辭歸省去每憶笑顏希予  
病仍孤枕汝行何所依總緣吾意在人世事俱非  
臥病常親汝難教一日違可憐沈患積更欲解顏希神  
似與俱往情如無所依一觀空體妙總覺妄心非

初冬病起出坐後岡小亭作

病閒扶杖出獨坐小亭中闕對丹心近陵瞻紫氣通寒  
花低向日落葉亂從風擾擾東吳寇誰將一劍空

玩鹿亭稿卷一

三十四明叢書  
約園刊本

病中辱軍門張半翁之招將往姑蘇與疾討賊奉

別何吉陽萬兩谿二丈

舊館秦淮近五雲五年衰病勉酬君朝來辟穀非貧道  
夜不褰帷豈避蚊林巷高車遙見過山亭落葉臥偏聞  
明朝輿疾姑蘇道擬淨妖氛一策勦

舟次無錫偶成

行以孤誠爲向往裏瘡與疾詎由人有生自惜千金質  
垂老回驚百難身總說憂歡情是妄歷嘗甘苦味還眞  
昊天已厭繁威厲此日應旋下土春

元夕過平望驛

去年鐙鼓歡歌夕今日干戈擾攘中子姪蕭條三地在  
親朋宴賞幾人同寒檠篷底幢幢影疾雨湖邊陣陣風  
此夕他鄉思舊樂誰將談笑海涯空

附

砌路讚施偈

佛說布施法爲人蕩我執我執既消亡成佛無他義故  
名檀波羅其次作福田利樂一切故造寺及塔廟砌路  
橋梁等是名人天果或以消災橫早善破財故趨吉以

玩鹿亭稿卷一

三十四明叢書  
約園刊本

避凶世閒之智哲是名退無曜或以祈生男人生劑量  
故損彼以益此種種行布施辭富而得子是名奪天命  
或以祈永年滅祿延壽故假使服藥餌百法求長生所  
爲者一己而不知天事以故逆天理轉多速其亡無如  
散施實是名增定算或以滅罪業一念轉移故如執熱  
而濯應時得清涼是名眞懺悔或以資僊道積功累行  
故損貲以濟眾福重而障輕然後僊可希是名爲築基  
或以資聖功無欲害人故函人與矢人心念隨業異一  
念在利人滿腔皆惻隱是名仁之事或以禪爲政以善



導人故古人行之者陳文惠公是出米濟飢貧富民爭  
出米全活者數萬民知充此義焉有不仁者可以措刑  
罰是名爲德化或以長守富滿而不溢故如水長流通  
而無崩潰患是名順天道貧窮布施難克己痛切故若  
以所被褐乃至捨一文皆以成功德所獲利難量是名  
清淨施萬物同一體吾心元廣大而人自狹之人我山  
高隔遂至父子閒亦不能相通是之謂牾亡廣廈盛池  
林自奉餘綺麗凡諸義可爲分毫忍弗予是吝而非儉  
惡衣菲飲食護惜重天物念彼同胞苦惻然起悲心揮  
金如瓦礫是儉而非吝吝惡儉美德所差爭毫釐是故  
當精察我知布施法徹上徹下義惟人所自取各各因  
不同各各果亦爾砌路便往來脫諸泥塗苦一切生歡  
喜佛嘗說此事

玩鹿亭稿 卷二

三四明叢書  
約園刊本



玩鹿亭稿卷三

明鄭萬 表鹿園著

男達甫編輯

文

祐民觀理漕廳事記

漕運之行府七迤淮南為瓜洲為儀真即今參將之所臨駐迤而北為清江為徐州為濟寧為臨清為通州凡五今多曠而弗居日以圯矣乃茲復有祐民廳事之創何也曰今昔之漕事殊也粵初制轉般程近而力節

玩鹿亭稿 卷三

四明叢書 約園刊本

固未始數數然者既改交兌於瓜淮漕艘百千直輸京師計程三千里率六閱月而訖事猶未數數然也維時督漕之官循澣而上於諸行府次第臨駐以有事焉後罷瓜淮交兌又越數百里而之江南越千里而之湖廣江西以就兌於各州縣水次淹程曠日視昔徒倍如湖廣則往返萬里而勢始蹙矣然當其時有司每冬十月開倉十二月畢徵以備漕漕艘每春二三月畢渡淮如制限即或後至渡將凍阻則聽寄困於天津以返以是猶未數數然也而諸漕府以次臨視未盡廢焉比其抵

灣繩繩起納只一百戶之職而已何則其期會一而事理序也今之漕猶昔之漕也而其事勢扞格有不可以昔治治之者凡以江南諸郡徵輸失期病之也歷春徂夏遷延惟意比至畢兌渡淮時已五六月矣彼疲卒十人晝夜引輓數數然以趨猶恐弗達尙復淹駐以糾督哉此諸行府之所以日曠也時或兩洪會通河水涸若汎稍淹時日則求免於凍不可得矣又歲值全運則萬艘雲蒸旅進蝟集由河西務以達通州縣互百數十里兩涯之間舳艫相銜中流僅僅通舟且時復壅塞運剝小舫甚亦旬日不能通乃至嚴飭各總官士協智通力疏先達後宵且無替凡再而月而幸竣事蓋未有若是之數數然也予嘗兩由病廢起漕參將五載之間咸所親履而臨駐申令須厥止焉此祐民觀之廳事所由肇也嗟夫積貯大計也漕輓本務也初交兌之法有司部民如期候兌於瓜淮無敢後者今長運乃役軍以就民而民願玩愒以病軍鮮復以王事視之此獨何心哉至於起納一百戶之職耳顧勤集漕運上下之官士又莅之以參將焉事變所因善反者蓋亦探其本矣是觀也

玩鹿亭稿 卷三

四明叢書 約園刊本



適當起糧周道之中道士周從善者因里二寺廢址而立之運士祈報便焉得請於上賜今名廳事即觀之左偏聞室參將賈君前之稍易以軒楹闢其階除是為理漕廳事予因記之俾來者知所始

贈別大司徒克齋王公序

皇帝御極之二十五年予先子告養病西湖之上本兵以漕運總兵缺舉而上請命下時句曲克齋王公以右都御史總督漕運迨二載矣客有過而謂曰克齋公明達於政子往協恭邦家慶哉客又有過者曰克齋公才

玩鹿亭稿 卷三

三四明叢書 約園刊本

而自用未必相能子往其慎之竊惑焉既而履淮獲侍公教乃喟然歎曰誠有人言吾已悉公矣公沈毅有度善藏其用簡約直諒不苟徇物遇事必揆理據法詳審精密當而已矣公仁而愛人寸長片技未嘗或遺而心誠好之人已靡析廓如也及見公之為文嚴整簡確絕去浮靡之習議論反覆鬱然精義皆為格言由中發外誠有所不得已而作者殆非近世文士之所能到而公未嘗言文公之造理察夫性命之淵微燭乎聖賢之精蘊而未嘗言學然默而識之舉中肯綮今世之談道者

言愈辨而道愈離矣公好問好察考古證今於凡經世之事無小大無遠邇無簡陋利害得失無不槩於胸中而公亦未嘗以自鳴是故蘊抱淵泉達諸用則時出而無窮爾茲獲同事深竊幸焉公乃進大司徒提督倉場行且去淮是以不覺悵然失所依矣況今之為武臣者事權漸移多非其舊未免依人以行志後之繼公者豈復有公心正論如公者乎若乃剗方為圓違己從俗非予之所能也既而俺答叩關求貢報至公卒然有動於中憂形顏色乃相與論曰今不曰無好事之臣而難於曉事之臣不難於曉事之臣而惟難於任事之臣若先朝于肅愍公者真閔氣也時公方圖省掃已有行色聞報遂遺書家人曰匈奴未滅何以家為慨然攬轡北指予亦翻然深省焉蓋公之入朝中外有所倚重時方戒嚴當願早駕區區依戀之情抑未矣矧今運士苦於倉場吏攢之需索視昔增倍公至運士其復甦乎乃躍然而起舉鬯為餞欣然而別

敘淮關志後

淮關權舟初未有志近有而亦未備今志則創於元岡

玩鹿亭稿 卷三

四四明叢書 約園刊本



馬子增損裁定於敏齋喻子潤飾於北潭熊子而志始成矣志成而制置之詳輸權之則廉約之規敷歷之蹟紀述之文居然可考也夫國有經費歲賦不足而佐以商舟之權非得已也若又從而錙求銖校以取盈焉豈士君子體國子民之心哉是故軌事要束必以其政謹節宣惠存乎其人得其人而政斯舉矣故曰理財之道必先用喻子公廉平恕正已格物不煩其令而下不敢緣法以爲姦是以權政肅然商民戴之頌揚於道余適督鎮茲土嘗樂聞焉嘻其果不在人乎其果不在人

玩鹿亭稿 卷三

五四明叢書  
約園刊本

乎由是而知喻子之關志爲可傳也已仰惟國制關稅輸鈔初行鈔法以便民用尋征折銀非制然於國用爲有資今征錢鈔者仍舊制也論者以比年諸邊北虜繹騷兵興之費司徒每每告匱諸關稅之入曾未足支乃復訾校鏹幣置之無用非計也且錢鈔之法卒未能通以便民用而展轉乾沒適又歸於販家估客抑獨何哉或曰餼羊存禮權絜利用非所宜焉惟當國計者知所取裁矣因喻子之請僭敘諸末簡云

皇明經濟文錄序

經濟文錄者錄國朝經濟之文也初得微刻前武選郎中黃君訓所集名臣經濟錄錄其若干篇次得前廣西僉事章君槩所藏九邊十三省錄錄其若干篇聞此亦黃君所集殆未刻之半也并錄往歲所輯漕暇錄又若干篇亦已成書近得大名新刻疏義輯略今督學浙江副使阮公鶚所集又錄其若干篇合四帙以成復續采羣集以益之視初稍備矣凡先臣訃謀淵慮忠言嘉猷久而無弊者則錄之達權處變安危定亂保扶社稷者則錄之老成謀識深達國體曲當時宜不愆舊章者則

玩鹿亭稿 卷三

六四明叢書  
約園刊本

錄之言由深衷事專毗主犯顏無諱者則錄之論事必原始詳夫沿革之因可備徵考者則錄之議論剴切深究時弊有所建明者則錄之言悉民隱而處置或未一一盡當者亦錄之若夫繁詞泛論不切機宜或論事瑣屑非關大體無裨經濟者皆略焉然此但錄所睹記者耳門類則承黃君之舊而少爲減併未增兩直隸九邊十三省類分三十有一卷總四十有一名經濟文錄云仰惟我太祖成祖神衷睿略屈用羣策鑒察往代審量時宜損益就中垂範立法誠萬世不可易者也列聖相



承以至今上勵精求治剔弊抉蠹又特命儒臣纂修大明會典所以祇重舊章固歷千萬年弗替也夫法者達斯道以康濟乎斯民者也堯舜之道不以仁政不能平治天下然道於堯舜至矣苟非仁政則澤不下究而經濟之學可少乎哉士生斯世其致君堯舜之術當不外典章以求之爾是故祖宗之法即堯舜之法也舍祖宗之法而別求所謂堯舜之法皆妄也且凡物之製也有體裁焉久而或弊修法以存之可也因其弊而去之易之以美材弗善也爲非其體也夫典章乃國家之元氣

玩鹿亭稿 卷三

七四明叢書

約園刊本

典章具存而國家之元氣完矣雖歷代沿革之不同諸臣議論之懃懃惟以復其舊而已故茲錄者皆以發明夫典章者也或曰有治人無治法此抑末耳是不知所謂治人者以其知治法也不知治法而謂之治人可乎蓋用法以爲治猶用規矩以爲方圓若因是而廣之以會夫全體之大適夫通變之宜如庖丁之目無全牛而天下自無不解之牛矣其於邦家不猶視諸掌乎某自病歸不敢自逸幸睹諸君之成書稍加選略惟不徇名以遺實不後事以先文不重位以輕野不持我以求說

庶幾有焉然嘗商榷於前武選郎中王君畿鄞尹曾君承芳集既成今浙大參潘公恩見而取焉乃量出節省公費付杭郡二守曲君入繩梓之復以兵事中阻左方伯游公居敬復樂成之志固同爾某昔自弱冠先後奉役漕事一十五載凡得於聞見之稔者稍有識記質於王曾二子咸謂是不可不備也因併附於末云

贈國醫吳君世良序

人之生斯世也承夫天而已矣天以生物爲心而有所不盡人實相之凡培植愛養所以生吾民者皆天事也

玩鹿亭稿 卷三

八四明叢書

約園刊本

此人之所以承夫天者也是故繼天立極撫惠元元則曰天子左右天子變理諧和則曰天位協恭王命分治庶列至凡一命之寄咸曰天職一夫之微亦何遇而非物何用而非仁何事而非天書曰順天者昌逆天者亡可不敬承乎昔人謂不爲良相則爲良醫醫之與相雖及物有大小所以承乎天而生乎物者一也其所遇又豈若匹夫匹婦之無一技一能者囿於一丘一壑而已哉然則醫亦天職也錢塘吳君世良承厥祖若魯君之業以活幼名科徵爲國醫存誠愛物究極岐黃大宏其



業而施無擇人有召必往有往必濟聞於遠近皆曰吳若魯云夏初予孫女痘發繁甚而數寫告急徧求諸醫投以脾胃之劑而世良不可獨以異攻散已之繼而身戰齒噤莫不曰此異攻散症也世良乃愈以脾胃之劑蓋其命藥真有出乎眾人之所不可及者余於世良相與三十年中間隱顯違合不知其幾而交好之情未嘗少異是又豈眾人之所可及者耶孔子有取於南人之言曰人而無恆不可以作巫醫若世良者夫誰曰不可予之二子二女幼昔嬰疾皆陷於危亡每藉世良之匕

玩鹿亭稿 卷三

九四明叢書

約園刊本

劑活之不但今日一孫女之獲生也噫世良之德於予深矣蓋其心之恪承夫天不以始而勤終而怠純然一致故杭之士大夫不獨貴其術而必曰世良君子人也豈可誣哉今之居天位食天祿而不盡夫天事者視世良亦少愧矣茲爲文以德之因悉其爲人或庶乎其可傳也已

### 明州三佛傳序

明州三佛傳者記吾明三佛之因也予生於明自少有知卽聞之父老戒香寺有啞女曰維衛佛阿育王寺有

舍利塔曰釋迦如來嶽林寺有布袋和尚曰彌勒佛爲三佛地啞女傳至正間僧無染族居兒時授之一老尼舍利傳至正乙未禪僧悟光所作布袋傳則撰於元比巨曇噩彙三傳爲一帙名明州三佛傳云比板毀帙亡鄞白衣寺僧清玻偶得遺帙持而喜甚謀諸同衣曰吾輩生於斯爲佛弟子而昧其因可乎皆謂不可以無傳也遂相與重梓之其崇教利人之意可嘉也已夫佛者心也心卽佛也心外固無佛也外心以求佛是廢吠畝而望雨穀於天終必饑亡而已今人見靈像異人則傳呼而競禮之曰此某佛也過則想望追憶之不及至遇本色至人則當面蹉過聞實際理地語則漫不加省豈非厭常喜異外心以求佛哉夫一切奇特之相易以起人之信向而不知皆從吾心真實而生蓋真實者本也求在我者也奇特者末也求在外者也吾心與佛豈有二耶噫道在邇而求之遠事在易而求之難信乎知道者之鮮矣金剛經云若以色見我以聲音求我是人行邪道不復見如來言以聲色而求佛則終無可得也楞嚴經阿難白佛見如來三十二相勝妙殊絕心生愛樂

玩鹿亭稿 卷三

十四四明叢書

約園刊本



而發心從佛以故世尊訶之而屢徵其心蓋以其着於形相失此真心非正因也然豈可以他求乎哉是故啞女者以無言而言化導眾生也舍利者以有象而無象顯化眾生也布袋和尚者以有言而無言開導眾生也傳中記布袋偈云卽箇心心是佛十方世界最靈物縱橫妙用可憐生一切不如心真實其開導之心可謂透漏盡矣人尙不悟而不知反之於心何哉觀斯傳者必因傳以求其人因人以究其理因理以參之吾心則當見佛無疑斯善觀也否則不以稗家小說類爲市井

玩鹿亭稿 卷三

十一四明叢書  
約園刊本

笑談者幾希僧玻以予爲佛之弟子請序遂漫述求佛之正因且以策初發心之士俾知所適從毋徒爲耳目所眩庶不高推往聖辜負己靈爾若明眼者觀其不以葛藤擲之乎是爲序

### 宜興開勝寺朱氏捨田記

粵自佛法傳入中國若建寺塑像爲西方之像教所以起人之瞻依密布種子於識田漸積功德究竟成道者也夫像教雖爲法季不得已之善權而使人遇者見者或舉一手或小低頭或五體投地乃至捨田捨身心生

渴仰各種善根其植出世之因漸了一心而圓至道其利豈不溥哉荆谿之西垂霄堂之里開勝寺建自五代時歲深廢興不知凡幾天順六年里人朱某修宇繪像又一新之於今不廢其孫某每過寺瞻禮必念曰此吾祖之功德爲吾子孫者所當繼述者也於是卽其寺之傍買田若干畝屬之寺僧某永充常住供養又爲祠於寺之東院以祀其脩寺之祖某每歲三月三日一舉之歲用其所收之什一以爲祭祀之資餘以給僧至期長幼畢集歡歌交洽益敦善念流衍芳澤鄉人咸有觀感

玩鹿亭稿 卷三

十一四明叢書  
約園刊本

焉噫若朱君某者可謂仁人孝子矣又爲約曰凡吾子若孫及僧之嗣徒當永承之毋廢其業不如約者眾罪之其意尤厚也余謂施之者非難而受施者爲難夫施田資食本爲養道之基而道業不修是豈易以食哉先宿謂爲復身當隨類以報檀那者真實不虛也是故受施者當因食思道六時靡懈究竟無量法門成熟干生道果則萬兩黃金可消矧茲數石之粟乎施之者益擴施心了達實相本空福德利益一毫元無可計猶如虛空所不可量歷萬劫而不壞矧茲一二世變廢之慮乎



聞是語已皆大歡喜請遂爲記朱君名某字某茹素二十年純一清淨心不涉世與物無忤其子某孫某皆勤慎誠懇爲足以繼其善云

陶真集引

陶真集者陶夫天所付我之真也世習巧偽喪此真者多矣而賢者亦或行不著習不察約縛於名教執逐於見聞作意於行誼而未得其真焉非如手足痿痺不仁者乎故曰鮮能知味也曲本近俚而聽聞之頃使人或喜或悲或歎或忿或舞或泣各得其性情之正所謂吾

玩鹿亭稿

卷三

十四明叢書

約園刊本

天真者時一著之其三百篇之遺意也哉因名之曰陶真集云蓋欲人聞聲而知所返本也或曰注詞麗曲蕩人心志集中不宜並傳余曰孔子刪詩書而淫詩猶存豈無謂耶是惟可與達者言耳外此亦有聞而爲樂爲病之不同者蓋自取之也若夫窮途逆旅撥悶解懷則一時對治之劑而飽食煖衣逸居無教淫玩於此則如水益深如火益熱其爲病病可勝言哉於曲奚咎焉凡曲若干首彙爲二帙其目凡七曰景曰情曰行曰慶曰隱曰詠曰附各以其類分云

送天池山侍者行山還山卷引

姑蘇天池山山書記者少穎慧歲十四卽出家禮僧正心爲師正心爲別延儒師授書凡過目輒成誦作小楷得文衡山書法語及詮諦意皆領會若夙有聞予過天池一見而愛之又復爲之懼夫因從識建果遂因成因果相依形影不背蓋未有種豆而獲瓜者也昔墨子見素絲而悲以爲可以緇楊子臨歧而泣以爲可以北可以南是懼夫一切之法易染而難變所趨之路易入而難返也吾觀山子童質清粹不猶素絲之未染

玩鹿亭稿

卷三

十四明叢書

約園刊本

乎歲已十八正修進之時不猶行者之臨歧乎予因質之曰夫出家者出世俗之家也修出世之道而上之則有佛因佛果菩薩因菩薩果二乘因二乘果下此則外道人天之果矣子將奚擇焉曰凡諸名相教有析詮未究其說願以今耳目所睹聞者試一語之予曰卽蘇之竹堂寺有僧曰福懋文墨標雅詩畫兼工吳之名公巨卿皆折節與之交而郡使一方之尊亦禮遇之緇衣莫不嘖嘖稱羨以爲如何曰此與山素稔山敬之慕之願學焉而未能也予曰蘇之天宮寺有僧曰東昇靈隱寺



有僧曰楚瑛者皆精持戒行一則晝夜六時純一念佛一則課誦焚修寒暑靡懈予以為何如曰此人之所難山之所未睹也自少牢落山居雖二僧在蘇亦何從而遇之予又曰吾師自然者關中人今居杭之西溪絕學無為獨顯真風掃蕩一切不拘文字截裂教網世所擯棄禪門衲子毀斥尤甚子以為何如曰識者稀其為珍也必異願從而禮焉鹿園子許諾遂攜俱來同師正心參禮而去因敘此以送之

書瓜洲王孝子卷

玩鹿亭稿卷三

十五四明叢書

約園刊本

君子之學盡夫己者也孝者由中達外不得已之至情也夫親病而割股以生之寧傷吾生親歿而廬墓悲思至忘人世謂非至情而何哉禮以割股廬墓非孝之中故今之淺夫俗學全身營私談笑而道其親者咸得指之為非孝矣予謂割股廬墓孝之至也若必以割股廬墓而求人則難乎其為子矣故曰非孝之中也王子之孝出於天性割股廬墓無所不盡可謂至孝但以是而表揚之予不能不少於王子也王子吾友方子弟子也方子當有以正之

跋葉母還金傳後

世有活千人不及活一人者作意誠意之由別也夫以千人作意而活之惠勝矣而心則劣一念之誠活一人焉惠雖劣而心固勝也是以活千人不及活一人蓋惠有劑限心無涯涘故爾今葉母還金以活一人初無內交無要譽無希天報無義利之辨亦不緣是而訓子純乎一念之誠惻然還之故全體皆仁也雖活數千萬人又何以加哉卒之不內交而交自投不要譽而譽自揚不希報而天之報者自厚義利之辨訓子之義不假議

玩鹿亭稿卷三

十六四明叢書

約園刊本

擬而胥符不爽者只一念盡之矣噫大哉予心惠何足云

書克齋卷

昔孔子告顏子以克己復禮為仁以非禮勿視聽言動為為仁之目蓋吾心之發用未有外乎此四者也視聽言言動而溺之焉己也視聽言動而止之焉己也視聽言動而不溺不止焉亦己也禮者中也即吾之性也仁之體也固不可絲毫容意於其閒者也是故無思無慮寂然不動感而遂通不識不知順帝之則克之至也或曰



克者但克其物欲之私如視聽於聲色之類勿之云爾則淺乎其告顏子矣大司徒句曲王公以克名齋蓋究夫克之義仁之體學顏子之所學者也敢以寡陋之說書請正之

### 重題王孝子卷

德行本也文藝末也孝爲百行之原而王子事母至孝割股廬墓爲人所難蓋有本矣文藝不足爲有無也吾不欲王子之爲文也夫孝於一時一事猶可爲孝之全體大用不可爲也故曾子曰行父母之遺體敢不敬乎

玩鹿亭稿 卷三

十七四明叢書

約園刊本

居處不莊非孝也朋友不信非孝也然則孝者豈特一時一事而已哉是故庸言之信庸行之謹因割股廬墓而擴充之以得乎全體大用則左右逢原無非孝矣然又何以加於孝乎文藝誠不足爲有無也且文者剝質而斷真者也行有餘力則以學文足於此而通於彼也夫文以載道亦惟宣吾中之蘊不假雕琢而自然成文斯天下之至文也若違其素履之常而專事於浮藻之末則是高寸木而卑岑樓矣不知何以謂之文也吾故不欲王子之爲文也王子有才華於詞章之學知所易

從而志向方新吾懼夫王子之日流於末而併忘其本故於其別也獨諄諄焉

### 祭吳子旬陣亡文

嗚呼子旬人生斯世爲斯官盡斯職而已爾於往歲分總臨觀修城垣治器械嚴號令選士卒均勞逸折巨宦之私船不爲勢奪犯上官之深諱不匿賊報此爾職之所能也若夫今日海寇內絕其交不使人資糧以授刃明其爲賊毋令稱良賈以縱橫附從則按法必誅奸細則雖微必察根本既除枝葉自落吾浙生靈庶幾不爲

玩鹿亭稿 卷三

十六四明叢書

約園刊本

塗炭矣知爾有識素懷忠憤然此非爾職之所能也近賊犯緒山逼於省城官軍屢北城中騷然爾乃奮身而起督率義兵直趨賊所擒斬殆盡焚其巢艦大呼於眾誓滅無遺乃爲逸寇奔突竟卒於敵職斯盡矣嗚呼子旬人生斯世爲斯官盡斯職而已爾初辭家以往爾母爾妻牽衣共止爾乃斷裾而行無一毫兒女之態忠義所奮何其果耶及臨敵交戰指揮張麥等所部之兵先已望風而散後賊勢稍斂邛兵齊赴賊舟取利亦還爾提孤劍獨當一面遂與家人永福俱歿爾母痛哭屢絕



醫而復甦如狂如瘡吾女屢日不食瞑逝終夕幸回奄奄之一息道路聞之無不墮淚況於子耶聞爾侍妾已懷四十日之孕天道有知當延爾嗣萬一非男爾母爾妻之存吾夫婦二人亦能顧恤吾二人雖老吾兒天性友愛豈肯恣然且自古忠義鮮復顧家屬鬼殺賊英雄之志元如是耳今海寇日盛徧布浙之東西殘殺無算事幾屢失吾何忍觀生不如死而今而後知爾不爲賊臣以辱身辱親幸矣尙復何憾哀哉尙饗

祭楊涇橋陣亡諸兵文

玩鹿亭稿 卷三

十九四明叢書 約園刊本

嗚呼某爲武職大臣捐軀報國分所當然而爾等爲我而來對敵力戰俱歿于陣吾何安哉予謂蘇州南都相爲唇齒欲固南都必守蘇州此守一固則自蘇以北常鎮諸郡皆無患矣況江南財賦國計所關故與爾等盡力於婁門楊涇橋之拒戰詎意賊眾我寡不啻數倍勢不相敵竟不能守俾爾等死於無功其誰之辜吾何安哉夫自海禁一弛而貪滑競趨句引諸夷患漸至此是豈一朝一夕之故哉今失法禁而至兵革遺海外而守蘇門策亦下矣蓋非得已也時予與爾等同冒矢石不

敢先退流矢中胸溺而復救愧不與爾同歿然幸苟活收爾骸骨使不爲魚龍鳥犬之食聊盡予心嗚呼吾何安哉爾知夫人之有死夜旦必然親上死長人之大義今我倡爾以義使爾皆爲國而亡不亦美乎夫復何憾尙享

祭孝豐義士吳石田陣亡文

玩鹿亭稿 卷三

二十四明叢書 約園刊本

某病居武林時知孝豐有豪傑倡義兵討逆賊江天祥者矣然不知爲石田也近日少溪茅子見過備道石田之事且言其才可用併爲致之昨來相見甚歡握手如平生方將與石田商榷討賊之計以安江南而不幸遇賊猝至不暇爲謀竟歿於陣嗚呼哀哉使盡爾之謀亦必有所建立當不寂寂已也嗚呼惜哉時盜方擾攘蘇城盡閉人不敢出越二日方遣人徧索得尸予亦中流矢傷甚倉忙收殮聊盡吾心嗚呼痛哉尙享

祭忠義文榮陣亡文

嗚呼文榮爾事吾子學業夙興夜寐勤勞匪懈經籍圖史收帙整然吾子視汝猶左右手也每以時亂暇則嘗習弓戟諸藝故吾行遣汝事我汝之懃懇固無異於吾



子之事我而我之視汝猶吾子也昨隨我於楊涇橋之戰與眾俱歿索尸三日不得近方得之於屋端左手執弓右手執石汝亦何所爲而然哉嗚呼文榮世方以愚爲忌汝主之愚至矣汝又從而愚焉其不爲世所嗤耶而今而後汝復何愧歿斯寧矣愚者所得獨賴有此汝知之乎尙享

### 策問三條

問天地一氣也生於其間而變理轉移之者人也故論天變者必本之人事蓋人事動乎下天變應乎上切於

玩鹿亭稿 卷三

三十四明叢書  
約園刊本

影響夫孝婦含冤三年不雨鄙夫結忿六月飛霜是以一人之氣足以干天和而致變有如此者而淮之人自殺自縊死者甚眾所司申報殆無虛日其有司匿不以報者又不知其幾則怨忿之氣上干天和者多矣今淮災患頻仍歲屢不登未必不由此者古謂大軍之後必有荒年亦以橫罹者之不得其死故干和而致災也是豈地方細故深用憂惻然必何如而可以使其不爭不殺招和致祥其樂堯舜之世也耶願有以告我  
問盜本民也赤子也捕而殺之君子所不忍焉古人弭

盜于未盜者蓋必有道也夫盜賊多起於地方之饑饉而淮海貧民日甚安東近有殺人之盜及所緝獲者則皆東門下關之民私販爲生者也或曰近日鹽禁太嚴人無以爲生故相聚而爲盜若然則將弛鹽禁以弭之乎比年以來邊事日敝正仰給於鹽法而鹽法之害莫甚於私鹽之盛行則鹽禁又有不可得而弛者今此鹽販之民竟何業以安之而使不爲盜乎古人已試之方不識復有可行於今日者乎抑惟嚴緝捕之令使之畏法而不敢爲乎弭盜安民固修於家者所必講也所幸

玩鹿亭稿 卷三

三十四明叢書  
約園刊本

### 勿祕以裨寡識

問稼穡乃民生之本實爲政之首務而王者攷職必曰田野闢重民生也今淮土地荒蕪不治者十之六七雖膏腴亦棄焉豈淮民果皆逐末所廢耶抑或有欲治而弗遂者夫民之情猶水火也在因其情而導之方其逐末也固未可遽抑其末然勸課之令自古所先不可一日廢者若撫其流亡勸其耕耨若牛若器若食若種均量給貸以助不給則荒蕪漸闢而民生必有賴矣或曰吾淮水溢不時縱然耕治隨必淹壞不則亦爲蝗蝻所



食恐艱於穫徒費而勞不若使之長草則猶可刈而爲  
薪也或曰不然耕種畝畝常理也旱澇蝗蝻災變也虞  
其災而廢其常不猶因咽以廢食乎束手視斃非計之  
善也二說不知孰是願聞定論

玩鹿亭稿

卷三

三

四明叢書  
續圖刊本

玩鹿亭稿卷三



玩鹿亭稿卷四

明鄭萬 表鹿園著

男達甫編輯

東

復錢緒山放心說書

緒山子示我以求放心之說既聞教矣願有以復之夫仁人心也心則仁之體也由是而達之正路也即元而亨也四德本一元也學問之道無他求其放心而已矣而已矣者盡之也謂求放心之外無復有由義之功也

玩鹿亭稿 卷四

一四明叢書 約園刊本

今子曰求之未放之心使不馳於物無乃有以制之乎明明德者明之也慎獨誠意者勿欺之也尊德性尊之也盡其心者盡之也存其心者所以事之只奉承而不違也孔子曰出入無時莫知其鄉惟心之謂與蓋心之體本如是也然雖曰出入而實無出入雖曰操存舍亡而實無存亡也學問之道求其放心者蓋欲因其已放之心而求之使得其體也故曰求而不曰收求則尋求義也苟求得其體則千緒萬端皆之紛馳而放之者悉皆得之無復遺也則無放與不放也不得其體雖時存

之猶放也以心制心是二之也行其所是而去其所非其取舍之心乃知識也非不識不知也非感而遂通也非乍見孺子入井一時怵惕者也亦二之也子謂性不可離又惡得而放則得之矣而又云馳乎物者又誰馳也敢以是質之

讀錢緒山敘思樂書

讀緒山子敘思樂之什文則美矣然於言樂若有未盡敢述所疑敘曰樂者心之體也學者所以復其體也不學則私勝欲流而戚戚然憂也又曰君子之學以全其

玩鹿亭稿 卷四

一四明叢書 約園刊本

樂也其不容不學以遠憂也夫樂固心之體而喜怒哀樂四者皆樂也子以行歌泮隄油油然之樂為樂以為復心之體也則喜怒哀樂之時為非心體乎若然則是心體為有閒斷也喜怒哀樂聖人不能無子謂聖人非樂乎孔子謂顏子不遷怒非無怒也蓋心之體即太虛也喜怒哀樂心之用也譬之太虛則雷霆風雨開合往來無非太虛景象子獨以晴霽者為太虛乎是故君子求得其體而已矣喜怒哀樂隨感而見所謂左右逢源則觸處逢渠者也又何疑乎惟其喜怒哀樂之一體



也故曰常樂故於富貴於貧賤於夷狄患難但據目前  
隨所顯見無非一體之流行而此體未嘗或昧此之謂  
無入而不自得也然非窮理盡性至命何足以知之是  
以君子貴窮理也子盍曰二三子今日行歌之樂於拂  
逆憂惱之時其懷抱景象殊異究竟其體是果同乎異  
乎其中或有一負性命者不作文字見解便能聞言卽  
疑寢食弗措唯然策發親到孔顏樂處其爲樂也至矣  
若只以行歌泮隄油油然之樂以爲真樂不復會其本  
體則樂亦是苦耳近來狂夫之言更覺狂甚惟吾子擇  
之

玩鹿亭稿

卷四

三四明叢書

約園刊本

答劉省齋都督

久違侍教甚切瞻思每接手書恍如對晤況益以厚幣  
之賜拜領感愧公金陵閒氣武弁翹楚冰檠之操始終  
一致而持政奉公如保髮膚雖權要之言不爲少徇人  
所莫及此素所仰服者也奚待詢之人而後信哉公亦  
不知小子矣但公過於自信而不相時進止所少者此  
耳其他於公何損耶辱愛知不爲罪卽今公論自明殆  
必有爲公白之者矣某山野放廢大不成章兼以宿疾

未瘳已分終棄遽承此命何以克勝勉強力疾誠非獲  
已況此地眾所競趨不揣孤立鮮不仆耳公固識之有  
言不盡

答楊文峯戶部

比來養痾山中人事俱廢無便奉候懷仰渴然適領手  
教知兄惓惓不忘於此只此惓惓不忘便知造詣日高  
矣性命玄妙更無可議擬易簡超脫只在妙悟則自然  
易簡超脫如欲得易簡超脫便不易簡超脫也蓋悟入  
卽其礙處便是超脫今之超脫便是滯礙此卽謂之玄

玩鹿亭稿

卷四

四四明叢書

約園刊本

兄云不能超脫者非在世緣在此方寸則深得之蓋欲  
於方寸不超脫處不要放過極精研思不要隨人言語  
文字作解自然有箇悟入處則脫灑滯礙自不相妨也  
蓋卽此方寸滯礙處便是玄關便是格便是參性命之  
要無出於此除此便無處入頭矣千萬珍重

與白溪張公

某昔叨侍教未久卽違殊切瞻戀後以病歸山中人事  
俱廢曠問闕然頃復被命承乏於淮懷仰遺風益興山  
斗之望淮人之思公如鳳鳥一鳴爲希世之瑞耳蓋時



久脂韋尙同而公以直道行之固與時違其於地方國計真誠懇切持法據義裨益多矣公所撫之地所督之士頌言嘖嘖無處非碑也茲北上道過鍾吾咫尺不能趨侍教言停舟耿耿謹此專人奉候不盡傾仰之懷伏惟台鑒

### 與傅虛巖

行時三承手劄示教精義極荷不鄙別來冗俗不可言今久不奉音教殊耿耿也今日道念如何弟之所以倦倦於兄者蓋欲兄迴光返照直窮性命一切文字知見

玩鹿亭稿 卷四

五四明鼓書  
約園刊本

於生死岸頭俱用不著宜皆棄之惟獨觀自心以爲究竟則玄關在此藥物在此火候在此庶不爲一切聖賢言語所瞞且不辜負己靈也惟細心察之弟雖冗俗於此第一義終不敢忘古宿所謂生死事大光陰迅速真可爲懼不當以此戲論耳何日對兄一細究之悵然悵然

### 答馮眞所憲副

白河幸會甚慰渴思未盡請教復爾睽違殊悵然也清濟領手教并新曆多儀之及極荷記存豈勝感慰道德

經則併領矣公謂老子明物理之書貫徹天人不可強合以吾夫子之道未易窺識其端緒今吾夫子之所傳只章句文字爲科舉之學外此則以性命之說傳習相談夫性命之微但當心悟豈可言傳然知夫子之道者鮮矣誠強合也公意向超脫留心老氏一書而究極精微深所仰服更望於吾夫子之道併精之則老氏之說自見願暫屏二氏之書惟究自心更爲直截必當一旦貫通矣如何如何敬因還使漫述正之有便惟不靳示教千萬前許佳作何不併教豈忘之耶

玩鹿亭稿 卷四

六四明鼓書  
約園刊本

### 答傅虛巖

別違漸遠想仰殊渴兒輩來獲承手教惓惓愛念之意感服何可言日來委覺塵勞習熟與初出意思景象若有不同乃知一切忻厭皆習也讀兄所示語言文字之說反覆論辨謂不可無弟亦未嘗盡謂無言蓋爲兄諄諄以語言文字見解便爲會道故不得不切切以屏絕言語文字爲言然道本不立文字亦不離文字如來教云只在自己心上照破會得道之本原方可忘言似爲近之若夫養生之說煅煉全形非弟之所知若金丹則



全言性命不落形氣故參同契者參同此理而已悟真篇者悟此真而已此二書之要旨也兄之高明足以識之但恐心欠細欠虛未免扞格更願察之如何昭慶寺功成甚賴留神可喜亦存一方古蹟也餘杭砌路事兄論減省固是然亦當圖堅久之計工程雖大豈一時所成固不可責效於旦夕所喻分水諸曹牌面相臨亦有之蓋行之諸有司者內備勅語未免及之承教亦感相愛之切毋過滯毋專主二語深服之矣人便草草附謝尙容嗣布

玩鹿亭稿 卷四

七四明叢書 約園刊本

答羅念菴太史

別來每忽念兄思卽相見而不可得欲致書以達所懷又卒無良便後遇便羽又爲事擾非前所懷是以因循殊曠修問耳果齋至獲領手書欣然失笑知兄捻著此繩頭也所示語言皆無證可見兄之夙發真心固應有此入處然雖如此只是解悟未可據以爲是正好著力研窮必盡去此礙膺之物觸處洞然頭頭明了此便是盡心知性須一毫不要自瞞過去爲好第一要遠口談性命之友懼其作混轉爲所蔽不見自心大抵海內要

尋一箇真下手人真在性命上研窮下工夫者實是難

得此曲真如陽春白雪和固應稀也第二要將一切世事俱看得破萬事如幻得失俱幻是非亦幻方不礙此性天作用千萬愈切精彩如鑽火逢煙切莫住手也弟居此豈敢曰火中之蓮出力擔當還須退步倍加精彩煅煉始得不然自賺非淺自家跟腳不著地焉能與人救火耶夢瀑一向在九江金陵等處漫遊前寄六書統統未達或因是也果齋事因湘中兩司俱自揚從陸故不及會已託相知轉言之矣洛中事因不相識不能爲達聞令郎中痘甚稀此大可喜春深能至淮上一會否偶尹子談及何善山在儀真附書最便聊此草略諸惟

答劉西巖

有以鑒之  
萬里之別一去五六年竟相阻絕往年奉命南徂又以病返想念何如也石漢回領教甚慰去歲過鎮江會沈紫江公又得兄寓粵之詳如與兄對且聞留心儒佛二教之辨畢竟何所分別然此恐須精辨吾心乃可辨二家耳弟比居山中未嘗敢廢此學未嘗敢外吾心而作

玩鹿亭稿 卷四

八四明叢書 約園刊本



他觀一切文字語言於吾心終無干涉不復敢求其義亦以光陰迅速性命在我年已半百生死無期吾暇乎哉近來力疾於漕亦甚勉強適逢全運便難遽脫只隨事役役而已於此心此理其何能忘但不得與兄一晤以致商榷耳

### 答傅虛巖

屢枉手教惓惓義理之精論極荷德愛不以鄙人爲不足言而棄之豈勝感慰但愚弟芹曝之誠欲兄捨詮求理因文見道故也欲明其分合之微洞見道體之妙不

玩鹿亭稿

卷四

約園刊本

九四明叢書

於吾心求之殆緣木而求魚耳所謂參訪傳授講論亦卽討箇入門路頭取證吾心所見之理曰藥生日和合曰運火曰溫養者又豈外乎吾心哉兄當更思之道經贅言昔年寓江右時所成附上一冊請正之暇時幸垂細覽勿以弟爲虛談不根遽以覆缶如何修路事聖堂僧已回當來候見乞與商之周道執一而不變通誠然誠然他僧不可信似不敢用吳子兄謂花酒狂士絕不知道甚是甚是而其卻病之法亦不可盡誣同野文谷南衡必試有明驗乃信弟固未嘗行其術但人之有病

咨及者遂舉以告之今承兄教當不復言其行之可疑處固亦知有所避忌耳其泥水之說不聞不聞方崖道長再三託致謝意併聞

### 與聞石塘冢宰

前因人便具啓奉候諭當達之門下矣昨見榮轉之報無不稱慶如久旱積思而沛然得雨不獨某一人之私喜而已也公碩德重望久繫天下人心況遲以十年之轉故歡騰快睹人人自不容已仰惟留意蒼生諮詢采擇蓋非一日所以答天下之望者固蘊之素也不勝翹

玩鹿亭稿

卷四

約園刊本

十四明叢書

仰之至謹狀賀聞

### 與王同野兵憲

豐城之賊今如何或當撫散未可專攻也此不可與之持久須早撲滅當此困窮之時恐伏匿覬覦者不止一方更有乘時而起者則從此亂矣今年歲首白虹之見太白光芒火星入壘壁皆兵占也望公深留之意而勿輕之地方仰賴茲黃巖胡思巖者乃翁東崖之故人近以邊事行取道便因令一見扣之或必有行兵之妙術耳諸不盡



又與王同野兵憲

單鉅之賊知勞智算想不日就擒矣聞今困於竹林中未知信否但只坐困之撫勦俱身然窮寇弗追不當亟成功也淮兵甚弱又無器械誠不可用况非邊衛常調之兵法應請旨今梧翁倉卒調發蓋欲爲公聲援耳先聲後實固兵家之言而淮城太覺空疏柰何此寇若不早爲撲滅使之延蔓地方真是無備惟側耳捷書也蔡翼二人所領兵快惟公裁度用之愚意且令守房村下邳等處勿遣出境如何是亦以爲聲援而又不失法意

玩鹿亭稿

卷四

十二四明叢書

約園刊本

矣蓋慮此兵既無勇力而又無利器徒取地方輕笑故贅及之

與沈紫江總戎

相隔不遠未由奉晤耿耿然公西南名將士論共推江淮之借誠淹台節新命固似降屈然爲地方有事而用蓋所重在事不在官也將來兩廣之印非公其誰佩之幸願安意大策奇勳以答當宁之望俾同袍庸末亦預有光不勝傾仰耳謹狀

答傅虛巖

昨領天象之教未一月卽有嘉祥妖賊之變勢甚猖獗合山東河南徐邳數萬之兵未易撲滅我軍每戰輒北奪神器而殺官兵延蔓月餘近得山東礦徒之捷殺戮頗多賊斂餘黨西遁矣兩淮無兵又無器械止有老幼千餘以爲城操此實天下喉襟重鎮也可慮可慮所示八月之應如何舊治興化竈買民田民爲竈害者曾爲言之梧翁及陽岡道長聞越望諸公而道長之意終存竈丁耳今竈田清查新舊越望之意頗公稍革其害知兄留念併聞

玩鹿亭稿

卷四

十二四明叢書

約園刊本

答張石里儀部

屢枉教念感服厚愛不可言比來病冗每違啓候殊闕然耳今年全運藉庇苟完比上年差早一月昨晚報遼東之火住套之寇俺答之請邊事皆有可憂卽圖糧運早納未知何如某稍俟會議考察本發隨當力疾督催北上矣奉教之期量當不遠昨者山東之寇地方甚覺無備觀此北虜之患中原更較可慮蓋心腹受病不可愈也兩淮爲天下喉襟之地今無一可用之兵動輒召用鹽徒甚非可久之計卽今武備誰復圖之惟苟延目



前耳近日之事倉皇如此皆以無備為言及事過即已何哉昨汴塘所謂之兵其情叵測亦甚危也公謂事在今日動見掣肘誠然所云業有七八分即已幸也豈敢如此過望蓋得三五分亦難自違山中役役一年世味備嘗時勢備識但君子惟當見吾心而不見事苟事必求可功必成則吾心本直焉為此委曲固君子之所不道也不知有道者何以教之入夏論道體清勝承顏加慶為慰近喜榮轉儀制朝廷增重蒼生有待尚容躬賀

玩鹿亭稿 卷四

十三 四明叢書 約園刊本

答錢緒山

雲舟來領教甚慰弟居淮役役所謂倚毗屬望者全未全未而今覺得政事著些心不得轉為所累只隨事處事稍覺省力也尋常心中順逆得失冷冷熱熱往往來來此理之常亦稍識破亦無可去取者耳吾兄何以教之讀尊翁雲夜吟集句句皆從胸中流出非詞章之學所能窺識容贅數語另當寄上俚說一章附請教今年全運幸俱過淮七月半邊當議北上矣

與萬蕘菴萬履菴二宗文

小兒寓荆溪辱惠愛稠密可謂至矣言何以悉謝聞二

兄居喪守禮之甚雖哀戚之情自不能已而亦足以範俗賢人君子在邦在家何往而非利也趨候無由惟此瞻悵弟此來諸凡不甚著意過事亦不敢不為之盡心悠悠度日而已梧翁近甚相信事無逆者淮中上下小大亦頗無閒不無絲粟之益大抵一切事功真如浮雲太虛於我若無與耳賤體夏來多病昨力疾以行意太懶散山中之念時起時息終不得消磨如何茲遣小兒終業望頻垂指誨乞以猶子視之勿云客禮則友誼宗

玩鹿亭稿 卷四

十四 四明叢書 約園刊本

情並敦之矣

與馮真所憲副

向夕舟中清話爾我俱忘可作一場鼓吹別來至清源人皆頌德雖嚴子亦甚服公蓋如真金玉隨處光明不昧本色故也此後不知於何地再請教承使遠道因還附啓言謝不盡

與楊禹峯兵憲

別遠甚切懷企昨過德州不及奉會豈勝悵然但聞德之士民感頌德政而已亦足深慰吾兄明道君子作用



自別愚意於人無所不愛則爲慈悲貪官汙吏之害人者毅然去之惟恐不速則爲解脫二者惟公所行但隨時節因緣一見之耳吾何心哉不知公當印可否戶部戴渾菴磊落不凡者也一見甚契公朝夕與處金蘭之好又當何如許守備亦可人最謙謹者幸加禮之使各盡其職則陽春化育自廣大矣辱道義愛厚言忘狂僭冬還道當復經必得侍教舟行恩惠布此不盡

答羅念菴太史

墨領手教句句皆析精微從此精進直造更無話說弟

玩鹿亭稿

卷四

十四明叢書

約園刊本

意常疑兄亦相似語非實際理地語然所可疑者目前有三欲同諸公赴匡廬之約是一與何善山寫書辨論是二念念接引諸友是三兄當於此三處細察之於自己實際理地尙未相應尋捉得手只在舊根上發用故也今若真實爲此學一切且當不顧蓋不是顧人之時古人只了自己便是顧人真切處也故成己所以成物明德卽是新民其於諸倦切處總謂之魔然亦於人無益不過文字見解而已總是葛藤牽纏他日兄當自有驗處偶病暑頭暈盛价欲回之速力疾數字不盡請教

何日晤言對使悵然

答何總戎卿

勳名威望傾仰有素淮上每會月梧公讚服不盡某前歲秋暮入京時公出城未久不及一奉晤以慰平生豈勝悵然但見潤菴公竊聞雄略耳願見之私如何可言去臘還淮舊疾復作至今伏枕忽拜雲翰願承謬愛之深感愧兼集白草之功非公夙望素懾蠻夷更誰成此也敬因便羽聊具短狀上聞力疾甚略尙容別啓

與沈夷齋海道

玩鹿亭稿

卷四

十六四明叢書

約園刊本

別又隔年馳仰恆切近日海上多事邊備久廢知勞整飭士民仰藉但事勢誠有不可責效於旦夕者固須從容窮治其本而姑先其末則地方賴安矣近日來持通市之說者漸多此所謂因弊變法而不知體者也倣府在成化弘治閒並無通番者亦從無海寇之擾正德末年始漸有之然亦只一二人可數今往通者不可數計海賊之擾年甚一年亦不可以數計矣使先嘗通番元無海寇今因禁而致則當開禁以通之近日海寇之多實因人頑禁弛所致其受病之源蓋可求矣知公於此



固已了然不敢復贅日來科中所言未識地方機宜故耳公實心實政而虛以受人根本之病久而自除軍食久而自足邊防久而自飭若夫目前之擾只少紆籌策自足以驅之矣生自謂知公為獨深也豈勝顛仰伏望安意地方幸甚近有一儒者挾兵術過淮觀其法略頗奇不知試之於用果皆驗否知公為地方之寇所留意者謹以其書奉獻併為引見請一一試之如何

與吳劔泉少卿

往夜造宅上擾後聞道舫嘗至善卷愚父子時即返杭

玩鹿亭稿 卷四

十七 四明叢書 約園刊本

乃失奉晤嗣有漕命恩恩奉役北上既違再造孱軀力疾困冗並奪問候闕然豈勝罪歉都下獲領董後峯所寄雲劄益感存記去臘還淮一病至今尚未全愈春來恭諭道體康強閒情曠逸殊切瞻企每至灣中督漕會通輒思功德真垂無窮之利然不特省費而且進速比年全運若非此河則湖廣浙江之船俱凍阻矣每見經紀船戶追思公德至於感泣昨已磨碑往求龍湖公文章託舍甥朱生催文刻石容另報聞

與唐克菴

小兒遠勞令郎枉教非吾兄過愛篤於道義通家之好詎可得此知感不盡但兒輩頑稚不足施教杭寓乏人有慢令郎恐得罪耳弟病疏不行比來漕事日集過客日煩病體甚艱周旋但覺精神不足支持不去為之柰何較之吾兄悠悠自得尚論古今發舒志意心逸日休者豈不啻天淵乎道經贅言乃臨江客邸一時漫題但據陋見亦不曰老氏之意果如是也弟平生每求自信自覺亦以為必欲得古人之心先得吾心古人之心元與吾心不少有異若只以古人之心求之便覺有閒故耳幸有以教之如何老氏質疑心麤尚未精閱病中口傷附呈

與羅念菴太史

與兄別後冗俗不可言祇覺紛雜應酬心每煩厭亦有時灑落以心委之而已但景象頻異不能常灑落也實有非調抑寬散能安舒之者縱得安舒亦不能久惟常究此宗起落難易令安穩不疑耳時憶同心不覺吐露兄一念真實不為戲論海內相求豈可再得驛中別言意各懇懇豈非古謂眉毛廝結者乎但常不向外求只

玩鹿亭稿 卷四

十八 四明叢書 約園刊本



從心究所謂囊中捉鼈知無走失必於學問見聞上漸  
漸移動平日所愛書籍忽置不用方是入道得力處也  
否則恐終不離自己窠臼如何屢辱手教深感愛切相  
違愈遠不任馳情弟初六日領勅初十日長行卜念六  
日到任俟至淮有便更當奉啓不盡

答章三洲祠部

兩承翰貺感荷高情賤恙近稍止跡尙覺頭暈心跳蓋  
因勞所致不敢復勞耳攝生之說素每略之不欲於軀  
殼上起念祇添心上一種纏擾竊謂人生修短有數不

玩鹿亭稿 卷四

十九四明叢書  
約園刊本

可以術免者高見如何金陵僧人別久已無相知然知  
道者本少所往來者亦不過迎待之雅借以偷閒耳高  
廟寶錄爲小兒盡卷而還昨已奉告非敢爲祕病中他  
無所聞敬因使還力疾裁謝不備亮之

奉張半洲總制書

某病側居於事百廢曠違奉候豈勝歉甚恭喜特起留  
都總握機務適吳浙海寇危擾之日此天意有寄也不  
勝仰切某昨復補中府聞命卽行時江之南北賊正猖  
獗自集水陸兵一千率領前來聽翁指麾稍爲一助及

至蘇州聞江北之賊已退而蘇松之賊方熾度今事勢  
欲固南京必守蘇松遂與本處撫按諸公詳議海上賊  
勢舊者未去新者復來源源未已必先截之海外庶斷  
其源先將水兵四百發往江陰駕領福船一百往太倉  
州支領火藥軍器復往江陰下船出海截殺隨報海賊  
百餘自嘉定太倉而來某率陸兵五百禦之至楊涇橋  
地方拒河而守不意賊眾數有二千乘勢長驅一日夜  
過崑山沿途放火劫殺直趨婁門某親與眾兵同冒矢  
石督兵力戰殺賊二三十人眾寡不敵遂爲所奪某亦  
被賊矢中胸溺而復救輿疾入城先松江賊急蘇州諸  
兵俱發松江止有山東兵五百守官瀆橋更無他兵可  
以應援者某病瘡頗重心脇俱痛不能帖枕席而各賊  
沿城劫掠四下圍燒恣肆已極聞南匯所復報賊船一  
百七十隻登岸嘉定縣報到賊船八隻松江元有賊二  
千恐其相合而來大不可支今蘇城十分危急且聲言  
欲往無錫以至常鎮二府勢逼南京某甚憂切昨已急  
遣人往調水兵四百原往江陰駕船者今暫回無錫防  
遏尙恐兵勢不盛又爲所奪乞如翁近日所題亟命韓

玩鹿亭稿 卷四

二十四明叢書  
約園刊本



璽或路正齋銀募兵星夜前來無錫地方併禦方張之  
虜不勝幸甚然截之於蘇常地方而後南京可固也某  
陸兵五百陣亡一百有餘發回殘傷併病弱者亦有一  
百餘見存二百共同水兵七百俱在但各兵所食口糧  
所用兵器取之各府似亦不便耳謹差舍人董甫閒道  
馳狀以聞病不能詳伏惟台鑒賜教祇候

又奉張半洲總制書

竊聞海寇見在松江地方者尙有萬餘每欲渡湖西來  
其勢似不可止一過蘇州則勢逼京城誠不可不早爲

玩鹿亭稿 卷四

三三四明叢書  
約園刊本

之備所謂毋恃其不來恃吾有以待之也詩云迨天之  
未陰雨徹彼桑土綢繆牖戶於時亦晚萬一果來何以  
禦之今城以內則宗廟百官城以外則有皇陵使少動  
一抔土其罪誰歸可不慎乎所關重大豈當惜費若夫  
明春風汛賊來必多相合之勢殆有不可言者某病垂  
絕之餘卽今稍回一息日夜憂惕伏枕思惟敢以保護  
京陵數事冒陳采納至於發兵分守蘇州至王宅楊涇  
二橋防賊之西來以保松城募彼土人爲兵使知道路  
且止饑荒之民相率從賊屯兵要害爲堡設險固守嚴

截松江住寇出沒之路時復運謀出計相機勦絕以祛  
宿患設布兵船於寶山陳前殿前諸山遠近之處以防  
賊舟之繼入募撥舊民沙兵分列劉家河吳松江各海  
口以爲重防嚴飭浙東海道之兵或召募屢年出海人  
民併力巡邏遇到截殺使不得過馬稷下八等山以爲  
浙西東吳之害如此則今冬明春之事並舉無患然此  
皆非某之敢議也今將守城事宜開列于後

計開

一守狼山竊以陳前殿前等山皆浙西蘇松通泰節中

玩鹿亭稿 卷四

三三四明叢書  
約園刊本

之地松江見賊萬餘俱入寶山內河恐其乘便揚帆徑  
過狼山不登餘東各廠以擾通泰則從圍山金山直至  
上新河登岸燒劫便不可禦京城驚皇矣必會操江并  
江北巡撫衙門亟行造船設兵給與火器刀杖應用器  
械擇官督兵晝夜以守遇賊截殺不使入擾此非大福  
船五隻蒼山大鐵頭船一二十隻不足守也今鎮江見  
有造完大福船五隻可以應用金山圍山各設兵船或  
造車輪船一二十隻以防狼山之失守此備賊之舟來  
者也



一練營兵先當擇各營把總中之才力可將者數人量其才之可將多少則與之多少令其自選精壯堪用之兵并舉堪爲副裨衛總一員以分統之每名日給口糧三分常川操練聽候征調遇賊報警卽遣各官領兵分守各要害地方務令盡力拒戰仍令坐營將官督之如各營無可將之官則於各衛選取更換不失營規選下不堪者或暫令休息候警分派上城防守如此則各任其責而兵必選精兼之時加練習或亦可用矣

一守要害彼賊過蘇常而來則丹陽入句容鎮江入岸

玩鹿亭稿 卷四

三四四明叢書

約園刊本

渚龍澤二路俱爲要害而丹陽句容爲最若入宜興則溧陽溧水一路爲要須當預先多造火器等項齊備一聞過蘇卽於三路各擇要害賊所必經去處暗設坑陷密埋地雷兼以伏弩窩弓之類并多列弓矢銃礮以待之彼賊豈能飛越蓋我軍之氣多弱若不設險於前使之膽壯則未有不望塵而退者未易守耳此備賊之陸來者也

一備應援南畿無賊之郡必先檄其各選民兵照郡大小定以多寡擇官統領備處工食毋令缺乏操練聽候

或差官各歷點驗務在精備一遇軍門牌至卽便星夜前來應援如違時刻坐以軍法先令其各將選委官員職名申報所選之兵不拘召募僉報俱要精強不許將無用民壯快手迎接應役趁食之徒充數誤事如此則應援有備而京城無虞矣

一設遊兵夫旣以營兵守各要害若不增設遊兵以爲策應則各軍孤矣雖檄各輔郡之兵爲之應援然緩急恐難卒濟必選謀勇將官二員令其自行召募務得精兵二千分領屯駐城外時親練習或委部司官二員監

玩鹿亭稿 卷四

三四四明叢書

約園刊本

之遇有警急左右往來策應或京城事勢稍緩則命率領南去相協諸兵征勦此居重馭輕之所不可無者蓋京城事體重大不宜惜此小費而不爲之備也故曰有備無患且物之不齊迺物之情集以千夫自不能一少不循矩但當嚴飭以齊之則久而自安至於慎選責在主帥如此必無他可慮矣

答張半洲總制書

某病中聞翁兼總制之命不勝喜劇宗社生靈並有賴也方將奉啓而忽拜使翰祇領感慰某雖鶩鈍敢不勉



承以備奔走但賤體素弱遭此傷溺復患泄痢力不稱志殊負知愛爲可愧恨昨賊過吳江浙兵五千禦於王江涇我兵被傷數百殺總督夏光千百戶數員徑往嘉善聞今已至松江矣敢以所聞所見忘其僭陋爲翁一陳之近日山東募來之兵損傷頗重全未見斬獲之功地方每爲所擾今欽募六千若與無異恐不足倚大抵江南地多水田溝港眞英雄無用武之地北兵至此墮水不救者甚多狼兵終比他兵勇猛昨被殺數人亦不敢出都司周應禎募來徐邳亳州之兵至浙中者亦有

玩鹿亭稿 卷四

三五四明叢書  
約園刊本

可用但難駕馭此非統領之將官得人審識機宜而善用之則兵雖強多然未必能成功也此賊渡河涉水如飛一半收用吳民故其道路極熟抄灣涉徑曲折皆知而各兵至此先失地利每爲所陷其埋伏一起橫衝中後如山東長鎗手一時已過者勢不可折旋後者亦無所用技只棄鎗奔走而已從其追殺此皆已往可鑒者也往時此賊用兵零散或一二十人或三五十人多則百數十人神出鬼沒使人莫測此番二千之賊布旗列陣分作三路齊來又與往日不同賊中似有善用兵者

爲之主張耳蓋自用兵以來只水戰每勝陸戰往往失利蓋陸戰彼之所長水戰則我之所利也但一登岸雖數十之賊千兵不敢近爲今之計必召募寧波下八山兵相兼太倉沙兵領駕福船數十隻更調蒼山大鐵頭船百隻截之海外去者擊其情歸使片帆不返來者乘其未備使一帆不入則杭嘉蘇松江陰并通泰淮北諸處俱可無虞明年之事斯不足憂也謹以海圖呈上審裁蓋比之陸戰事易而功倍惜上年之不爲此耳地方安危全在此一舉今年似不可再失如寧波定海兵船

玩鹿亭稿 卷四

三五四明叢書  
約園刊本

數多但令參將俞大猷率兵至上下九山大洋往來哨捕則浙東諸郡可無虞也今南匯所船二百二十隻賊數量有萬餘聞皆飽載而將去者近報嘉定新船一千有餘亦過松江其崇明南沙大船十三隻聞是新來尙未登岸合陸兵之計但當以守爲戰如蘇州婁門外楊涇橋地方乃嘉定崑山太倉賊來衝要之處當築敵臺開戰場置河棘立墉屏設埋伏屯兵二千拒河而守雖千賊不能踰齊葑二門之旁路近可以併守此守一固則自蘇以北常鎮諸郡皆無患矣常州只守靖江可也



今崑山太倉蘇州閶門一路皆爲所掠再有賊來不擾蘇城必至無錫一過無錫則宜興溧陽在所必擾都下亦危所當急議若松江上海之賊由嘉善吳江裏湖而來者則吳江水兵船數百艘自足以禦之然非信賞不可使也今松江上海崑山嘉定城外俱被殘掠無遺已是清野但令各城堅壁以待時選精兵或用狼兵山東等兵漸移賊巢近處擇地爲營與之對壘其重船在港者仍發沙船以火攻之先攻其所必救則陸兵乘其亂而奮擊方可取勝極宜慎重計定而戰務出萬全輕戰

玩鹿亭稿

卷四

三十四明叢書

約園刊本

徒折我官軍益沮我士氣非計也此以處未去之賊又見近賊多崑山太倉崇明人此三處沿海之民遭兵燹之後耕植俱廢誠不聊生勢必從賊於本處發銀募兵所費不多必用精選每日照客兵給與口糧則人皆樂從募得一千可省一千之賊然知路道且又可用其利又愈於用他兵也若滅其口食去其僱值則所得者皆非可用使其從賊亦不足畏者耳前云閶門賊首乃是徐碧溪故猖獗如此今看來不是若此賊來必有鳥嘴銃未見有此故知其非然亦此賊所引來者皆吾土各

處沿海大家造船僱人僱倭而來每倭一名用銀七兩彼國王皆所不知蓋以倭爲名正以自蔽況我皆指其爲逃荒倭奴彼益得計恣意敢爲夫此輩於海上得財寧復於海上享之必歸其家若使人務廉其迹則一繩之力耳此皆由海禁法弛所致豈一朝一夕之故哉然彼耳目極多凡一舉動彼無不知而彼賊之情我則懵然莫識但報賊來則便發兵往攻似太疏略每多取敗實非知彼知己之道不得賊情而欲取勝未之有也此非重賞密遣其情豈可遽得大抵諸賊雖各方之人皆

玩鹿亭稿

卷四

三十四明叢書

約園刊本

賊首王五峯等所引不費己之力不用己之財而以利使之競來殘破困乏我之兵力其深謀遠慮恐未可測殆不可一法以圖之所不能盡近日用兵全無兵器誠以其卒與之至於禦守猶以火銃滅賊於數百步之外者爲先次弓箭次鎗刀次盔甲皆當急造然必精而後可將就苟簡未免僨事仰惟我公爲宗社生靈專茲重寄中外倚望敢恃舊愛僭陳悚息伏乞涵育賜擇不勝幸甚某再生之餘垂絕之息此心若有不容已者萬一調治稍痊尙當趨候指麾更容對悉不宣



玩鹿亭稿卷四

玩鹿亭稿 卷四

三五四明叢書  
約園刊本



玩鹿亭稿卷五

明鄞萬 表鹿園著

男達甫編輯

九沙草堂雜言

壽鏞案九沙老人既集諸說部書為灼艾集又作雜言凡雜言所錄皆耳聞目見者也議論尤純粹

西湖之上有武穆精忠祠焉過者至今憤然意猶未平謂武穆之精忠如此而全家覆滅人則已矣而天之所以報施者何在也善曷以勸予曰不然天地之間只是氣之往來屈伸耳今人之生皆出是氣既出是氣則屬

玩鹿亭稿卷五

一四明叢書  
約園刊本

往來屈伸夫誰逃之蓋未有來而不往伸而不屈者也故日往則月來寒往則暑來寒暑夜旦之相推屈伸之相感天地不能逃而況于人乎自武穆之應募劉韜以百騎擒陶俊降吉倩也所向克捷金人無敢嬰其鋒席捲長驅盡復中原直擣燕幽不難也其氣之盛何如哉惟其氣之盛也故其屈之至惟其屈之至故今廟食千載而又一伸之皆氣之所為耳若例以天之報施論之則難言矣  
儒者不易稱儒者仁義而已矣不言利所謂利者只事

求可功求成便是利也故孔孟行道濟時而終身不遇蓋不言利此古今之大儒也漢董仲舒正誼而不謀利明道而不計功之言真有儒者氣象孔明出師表曰鞠躬盡瘁死而後已至于成敗利鈍非臣所能逆睹也其所以稱儒者氣象者非以此乎夫必欲事之可功之成未免違吾心以就事與功也違吾心則違理違理則非道非道可以稱儒者乎

玩鹿亭稿卷五

一四明叢書  
約園刊本

皆併合于淮以入海是故河流入海舍淮無他道也比歲庚子二洪水涸漕舟並阻議者謂為黃河改流予則曰非也夫河流遷改宜必有漫溢之處計今水道只渦河孫繼口耳今孫繼口之出徐州者既淤則當泛溢于東南之渦河而渦河之水即今亦微至可截以壩也斷可識矣蓋自清河以至徐沛地勢隆擁節高一節如往年黃河盛溢之時則上漫濟寧其魯橋諸閘皆為滄沒而淮水亦幾浸城後水勢少降則自魚臺以出谷亭再降則由飛雲橋以出沛縣而淮水亦以次漸小又降而



出徐州小浮橋則淮水亦漸平矣近年黃河之水日微故小浮橋之水淤塞豈特小浮橋之水淤塞宿遷桃源二小河亦塞今淮安河口合流入海之處可以塞裳而涉也此徐水之通塞實本於黃河之贏縮豈關于河之改流也哉

漕河原不用黃河之水惟用洗汶沂泗諸泉溝湖之水足以濟之渡淮而西皆是清水故名清河正統十三年黃河決滎陽至陽穀入漕河潰沙灣以達於海景泰四年都御史徐有貞塞之乃分流自蘭陽東至徐入于漕

玩鹿亭稿 卷五

三四明叢書  
約園刊本

河以疏殺之而黃河始來然亦小小與清水合流清水七分黃水三分並入于淮至正德六年水勢方盛行浸漫而衝洗之矣先是黃河未衝之時清河河道皆狹水故易充然亦有淺故沿河俱設淺鋪每年轉運固無滯也後黃河水大來而淺鋪雖設而不用矣今觀二洪之舊隄宛然正是先年河道但二洪一向黃水浸漫一旦水落石出而清河一帶淺涸人心乍見不能無異其實則故河也蓋自淮達濟由會通以至衛河一路隄防只恐黃河之水衝入爲漕河之害今徐州二洪以下一向

反用黃河之水而忘其故及水不來則用工挑濬以引之日望其來而不可得此卽所謂以病爲藥也如酒本傷人之物而耽酒者一向沈溺于酒反以酒爲生一不飲酒卽欲死矣此非今日漕河之喻乎

渦河在淮之南商船皆自淮入渦河至河南祥符銅瓦箱以達陽武陽武去衛河只六七十里議者欲鑿而通之只萬夫一月之力耳可以直至白河比之由會通河甚便且渦河雖比會通差險不愈于海運之險乎其言固近是但先會通河之役也築金口堰於兗東而障泗

玩鹿亭稿 卷五

三四明叢書  
約園刊本

水流西南築扛城壩於兗北而障汶水以南注疏渠出漕流分南北南達於徐北通於衛當時會通河之塞自濟寧至臨清共三百八十里內止七十七里有小河可通漁舫其三百餘里皆爲陸地工部尙書宋禮都督周長發山東濟兗青東四府丁夫十五萬登萊夫三萬以成之而開河建閘設官置吏所費不貲當時若可爲豈有棄七十里之易不爲而顧爲其難哉今若鑿而通之則黃衛二河之水合矣二水相合則衝激非常誰復測之其說決不可行此會通之運誠永久而不可易者也



夫誰敢議若于衛輝府置倉每年糧運就以鳳陽等衛軍船兌鳳陽等府糧米者令由渦河達陽武陸路七十里輸于衛輝倉交納遇有災折支運至京則由衛河順流而下甚易此或可通且會通運船得以分減而河道船行亦爲疏便可無凍阻之憂如昔年山東流賊之變運道不通京師阻絕則又可爲事變之備殆亦一策但多七十里之腳價耳

海運爲祖宗已棄之策今人厭常喜異動輒以丘文莊之論爲言此文字之見非達于事者也在昔海運歲溺

玩鹿亭稿 卷五

五十四明叢書

約園刊本

米不止十萬計其載米之舟駕舟之卒統卒之官皆所不免又何忍復言若海運役以官軍則是以官軍船糧委之海也必欲爲事變之備今浙江海船雖極遠番國皆能通之至京師或不難也松江府與太倉通泰州俱有沙船淮安有海鵬船嘗由海至山東寧海縣買米云離天津不遠若以南京等總缺軍缺船衛分坐兌松江太倉等處近海糧米者求的當船戶厚與僱值量運三四萬石歲一行之使海道漸熟可爲日後之備似或可行也

自古夷狄之侵擾中國未有中國人不爲所用而能侵擾者也如近代之遼金元可鑒也夫華夷異類居處寢食氣味絕不相同豈有棄衣冠而願爲犬羊之役哉不得已也必有驅之者矣比者北虜入擾山西太原等府地方殺掠殘害生民塗炭上廬九重之憂中外所上利害章疏日有獻納然所獻者類多擊截之計所薦用者皆善爲戰善爲陣之人而于籌邊固本久長之道則置而勿論夫用善戰善陣之人急于攻截捍禦之計乃一時救變之事如醫家所謂急則治其標者也今每督諸鎮之兵日事虜賊于一擊而他不暇顧然卒不能以禦之如病者屢投以逐邪發表之劑而邪卒不去元氣不爲其所傷乎古方製參蘇飲發表逐邪必用人參以先固本者深有謂也且諸邊自將權之移而邊政日廢矣自屯田鹽法之壞而邊儲日不充矣邊儲不充而軍士殍死者眾矣殍死者眾而軍心日益離矣軍心日離而故多叛亡者矣凡叛亡之卒虜人皆厚養之與之以婦使生子女給以牛馬孳息使有恆產土俗漸宜心無變反而後用爲向導使爲奸細故地里之迂近廣狹兵之

玩鹿亭稿 卷五

六十四明叢書

約園刊本



強弱眾寡貨財之盈虛人心之離固將之勇懦昏知事勢之難易常變皆得以知之而諸邊饑餒苦瘁之卒聞先叛亡者之有子女牛馬雖以犬羊不類然猶得以緩其死故相繼亡去而不亡者亦無固志是則深可憂者耳夫虜之來也不測而我之禦也無時諸邊日夕所慮惟以目前捍禦爲計竭本窮力苟利捍禦無不爲之何暇圖維固本也哉此所謂決陂以取魚圖一朝之利也運法一船十人一人運正米三十七石分倉收貯共封識之中推一老成者綱領之謂之綱司次綱司者又有

玩鹿亭稿 卷五

七四明叢書  
約圖刊本

攔頭扶舵二人相協持之旗甲則管領之凡出納必同悉于綱司籍記之餘則共利少則共償其贏縮利害亦同也同船十人事由一體以故交兌無虛會之弊沿途無盜賣之失而運于是乎興矣今也兌納皆旗甲一人眾則惟任撐駕一毫利害若不相關甚至一船皆僱倩之無藉夫以數百石之米付之一人苟非其人可乎此運之所以做也是何也各處月糧不給軍日貧乏故也一船求旗甲一人之得人尙不可得況綱司庶卒乎雖有聖實在伍百法避之而領運之官又營營自私誰復

任怨以盡公此運法之日做而不可復也

漕運者漕則漕河運則糧運然河道糧運元只一專其事權不容分故自瓜儀以至通州河道皆屬漕運衙門兼理設郎中二員南北專理之其諸洪開各有主事一員專司之今漕運都御史總兵官敕諭則各有自通州至揚州一帶水利有當利洩者嚴督該管官司并巡河御史管河管洪郎中等官設法疏築以便糧運怠職誤事者一體參奏凡有便于糧運利于軍民悉聽爾便宜處置之命一向事權歸一先年遇有河決事體重大則

玩鹿亭稿 卷五

八四明叢書  
約圖刊本

專敕大臣一員往治之事竣還京後連有水患遂作缺補以爲定員其職專管黃河于曹州駐紮故山東管河副使則屬之管河郎中洪開主事不相屬也故管河都御史敕諭內云今特命爾前去總理河道其黃河北岸長隄并各該隄岸應修築者亦要著實用工修築高厚以爲先事預防之計如各該地方遇有水患即便相度訪究水源可以開通分殺并可築塞隄防處所仍嚴督各該官員斟酌事勢緩急定限工程分投用工作急修理凡修河事宜敕內該載未盡者俱聽爾便宜處置事



體重大者奏請定奪此原敕也近今添奉敕諭云近年  
沛縣迤北漕河屢被黃河衝決已經差官整理今特命  
爾前去總理河道督率管河管洪管泉管閘郎中主事  
及各該三司軍衛有司掌印管河兵備等官時常往來  
親歷多方經畫遇有淤塞去處務要挑濬深廣蓋此敕  
旨亦爲近年黃河遷變不常衝塞漕河故有是命其實  
專爲黃河也先年漕運都御史總兵官每歲進京會議  
往迴查看河道比年都御史以巡撫地方常託巡按御  
史奏留不行遂成故事自嘉靖元年都御史俞公諫後  
更不赴京矣至嘉靖二十年二洪淺阻糧運不通漕運  
衙門不肯身任其責協力爲處乃具本盡推之河道奉  
旨切責自管河都御史而下俱戴罪整理自此河道糧  
運遂歧而爲二豈特歧而爲二竟成仇讐凡運船上開  
則用意窘虐之而洪閘使用比昔數倍漕法自此亂矣  
若漕運之職無關漕務何以漕名夫漕以轉運運必資  
漕二者元不可得而分者也

今太倉卽平江劉家港元人海運開洋之處永樂初蘇  
松浙江歲糧俱輸納于此裝運入海以達直沽永樂九

玩鹿亭稿 卷五

九四明叢書  
約圖刊本

年開會通河十二年會通河成十三年罷海運糧令浙  
江杭嘉湖直隸蘇松常等府歲糧原坐太倉海運之數  
改送淮安倉交收鎮江廬鳳淮揚糧送徐州倉交收徐  
州并山東兗州府糧送濟寧倉交收令裏河船於會通  
河以三千隻支淮安倉糧運至濟寧以二千隻支濟寧  
倉糧運至通州倉每歲通運四次其天津并通州等衛  
各撥官軍於通州接運至北京自是罷海運而爲轉運  
也又浙江湖廣江西布政司并直隸蘇松常鎮等府除  
存留及起運南京外坐撥二百五十萬石令糧里人戶  
自備船隻運赴北京通州河西務等處上倉先時裏河  
運糧軍民相半軍則官爲打造淺船民則自行僱船裝  
運經年往復多失農月永樂末年巡撫侍郎周忱會同  
平江伯陳瑄議奏民運糧儲俱於淮安瓜州水次加增  
船腳耗米對船兌與軍船領運令衛所出給通關付還  
銷繳軍民兩利自是轉運變爲兌運矣宣德七年以右  
參將吳亮言江南浙江湖廣江西軍船各同本司府地  
方交兌諸府州縣各于附近水次蓋設倉廩領兌不盡  
者令南京并江北衛所不下壩軍船仍於瓜淮交兌其

玩鹿亭稿 卷五

十四明叢書  
約圖刊本



北邊一帶如河南彰德等府俱小灘鎮交兌山東濟南  
州縣各于德州交兌東平等州縣于安山交兌沂州等  
州縣于濟寧領兌其餘水次類多倣此民糧仍有送納  
淮徐臨德諸倉者支運十分之四成化七年都御史滕  
昭議罷瓜淮交兌令南京并江北官軍僱民船于江南  
水次交兌軍船俱不下壩民加過江船費視地遠近有  
差至是兌運變而爲長運矣至長運而制始定矣案自  
有漕運以來江船不入汴汴船不入河漢唐則河船不  
入渭各於水次隨便置倉轉相遞運古今稱善漕者首  
劉晏原其用法然亦無踰此者

玩塵亭稿卷五

十二四明叢書  
約圖刊本

國初於水次淮徐臨德天津置倉正爲轉運之計又相  
傳以爲五處要害之地萬一中原有變可以屯兵實兼  
此意故只今五處俱設鎮守兵備守備等官是也歷朝  
損益海運變爲轉運轉運變爲兌運兌運又變而爲長  
運蓋因時變宜爲軍民計也成化十年又議將民送淮  
徐臨德四倉支運糧七十萬石亦改就水次兌與軍船  
名爲改兌而諸倉之糧每歲又有災傷支運所儲益少  
倉廩倒塌皆荒蕪矣今長運之法民無往復出納之擾

軍得加增腳耗之利亦可謂長便之圖但湖廣浙江江  
西等軍船原於瓜淮交兌今各回本省水次領兌往復  
江河多涉一二千里之程守淺阻凍之困利害蓋相當  
也議者欲于臨德天津增置倉廩水通則舟船長運於  
京遇淺及凍則寓于倉然而又有觀望寄倉故爲遷延  
之弊嘉靖初以糧運連年凍阻數多又有復瓜淮交兌  
之議者而少司徒乃江南人懼爲民累執以爲不可乃  
止夫以湖廣江浙四千里之運一船裝負四五百石  
之重十人撐挽一船挨幫而進往返萬里兼以修船船  
隻買辦器具過湖越江守水剝淺道路之難若督率少  
緩未有不凍阻者矣當時初罷瓜淮交兌改就各州縣  
水次民心甚樂其便船到水次卽時交兌又設酒作戲  
以待旗軍蓋有勞酬之意有主道焉有司亦以客禮待  
之軍民相悅其始未有不善及夫行之年久民忘其故  
軍士則漸有勒指刁難之弊焉勒指不已便有爭嚷爭  
嚷不已便有打鬪打鬪不已便有人命屢年間發邊衛  
充軍累死無數糧長則漸有練穀濕潤之弊焉漸有開  
倉留難守候之弊焉漸有集眾相持相打之弊焉漸有

玩塵亭稿卷五

十二四明叢書  
約圖刊本



扶老病飢民誣賴之弊焉漸有誣申捏告拿害之弊焉  
爭端日起奸弊日滋近年以來官軍赴各水次交兌若  
告債然有司全然不理只言事冗運官不相見面甚有  
令各舖戶不得賣酒米魚菜與各運糧官及拘治歇家  
不得容留安歇以困之必使官軍至於甚不得已哀懇  
求請之至而方爲之講兌有守候至數月方得領兌者  
竟不以國家糧運之重軍士代運交納之難其心但謂  
糧運愆期虧折掛欠米色不堪罪在軍也不及民也故  
得以任意爲之而地方上司又曲爲庇護公心正論者

玩鹿亭稿 卷五

十三四明叢書  
約園刊本

能復幾人慮存軍國大計者又復幾人及戶部每年奏  
差主事一員分詣監兌然不能秉公作主者勢不能行  
于有司也雖奉專敕亦只求有司禮貌體面過去而已  
然又有不論糧米好惡逼軍交兌示恩有司者亦甚多  
也其有私者又不待言且如領兌糧米務要乾圓潔淨  
此明例也如不能乾圓潔淨米色濕潤倉場窄狹不及  
曬揚以一石爲率明折多少爲準而加增之亦例也每  
年監兌主事出京必持漕例一本以行而此例更不能  
行但漫無所據而定奪之將何以服人且凡糧米進京

通二倉必曬三日揚一日方收豈有不曬揚於交兌之  
日而曬揚於交納之日乎此糧運之所以日難也夫瓜  
淮交兌民久便安固不可復若不嚴交兌之期公濕潤  
之增禁困逼之害則長運之弊又豈特守淺凍阻而已  
耶司國計者所當軫念也譬人之一身心則君也目視  
耳聽手持足行皆一體聯屬而聽命于心者也若目爲  
目而耳爲耳手足自爲手足則支離其體矣支離其體  
而又可以圖存也哉

玩鹿亭稿 卷五

十四四明叢書  
約園刊本

糧運輕齋所謂一六二六三六者卽耗糧也江西湖廣  
浙江兌運正米一石加耗六斗六升又加尖米一斗共  
七斗六升以四斗隨船作耗餘三斗六升則折銀故謂  
之三六江南直隸兌運正米一石加耗尖米共六斗六  
升除四斗隨船作耗只二斗六升折銀故謂之二六江  
北直隸兌運正米一石加耗尖米共五斗六升除三斗  
隨船之耗亦只二斗六升折銀故亦謂之二六若山東  
河南兌運之耗并尖米只四斗一升除二斗五升隨船  
餘一斗六升折銀故謂之一六蓋加耗隨地遠近爲  
差耳先是耗糧俱本色隨船候到灣僱車起糧則易銀



爲用後以灣中米價低昂不一而易賣又滯交納弘治十三年都御史張敷華都督郭宏方議折銀每石定價五錢可以輕齎就于交兌之時支領隨船此一六二六三六輕齎之名由始也然只令完納兌運三百三十萬石而已餘耗本折皆歸旗卒官固無利之者是故旗卒富饒糧運於斯爲盛其成化十年改淮徐臨德四倉支運糧七十萬石此山東河南直隸民運四倉交納者亦令軍船就水次與民交兌運赴京通二倉上納卽今之所謂改兌者其加耗數少止有隨船耗米俱無一六二

玩鹿亭稿 卷五

十五四明叢書

六三六折耗輕齎就令於兌運輕齎銀內均貼腳價進倉等用若地方災傷支運倉糧亦以兌運輕齎處貼之亦只總完四百萬石而已此雖減耗它貼比之只了兌運者數雖減少然用亦裕而軍無告困至正德六七年來京師權要始有官債虛立文約逼奪輕齎而弊又從此生矣時各總運官多出其門牽引爲害蓋借公物以爲私賂希寵庇耳於是始有鞘封過淮赴漕運衙門呈驗重封仍委官至張家灣驗封乃發之蓋以革逼奪之弊而把總彘欽遂因資緣驗封查算使用以羨餘獻之

於官故有扣除之例矣欽雖卽以贓敗而後之相繼者則用意算扣歲增其數成務多獻以爲功太倉庫所積羨餘至盈數千萬而官旗揭借陪費貽害不可勝言欽之倡始爲可罪也夫一六二六三六輕齎乃耗糧也惟因地有遠近故耗有多寡非腳價也若腳價則一例矣灣中起糧使用各總皆同又何必分一六二六三六之外殊哉今以輕齎扣除于官是則于正糧四百萬石之外復收其耗糧也豈制法之意乎後又添設參將一員駐紮通州專一驗封參將王佐乃定腳價搜括倉中使用如太監則有茶果錢如經歷倉攢每石一釐則謂之釐兒錢及至吏書門官斗級之類莫不定之以數每年造報花銷而遂爲例矣先年倉中使用初無定數每因人之狡懦而高下增減之司使用之人又有虛數以欺眾者屢致爭訐故此法一立一時人亦便之但使用公行太監茶果又添火耗催茶果者又有班兒錢其經歷倉攢往年各衛得以所帶本地貨物高價與之而今皆紋銀且以此爲應得又于數外求之爲厚薄低昂矣蓋作法于涼其弊猶貪作法于貪弊將焉止故爲法之不可

玩鹿亭稿 卷五

十六四明叢書



不慎也後又革去參將只巡倉御史會同通州坐糧員外驗封查算凡倉中一應無名之費俱不准開銷扣除愈多糧米不能上納運軍苦逼之甚勢不可行乃又別淮南河起剝以抵其費爲法不一故倉有掛欠之米庫有羨餘之銀而理不可通又往往人皆以爲言故又議以羨餘給軍夫羨餘不復扣之於官而以給軍是矣然而無救于其運之敝者蓋有說也各總運船只旗甲一人管事眾軍只任撐挽今以羨餘概給之使旗甲則有掛欠鎖扭追賠船軍則有羨餘歌唱飲酒恣然不顧但恨扣除之不多又相結黨告訐欺打旗甲時灣中糧運俱集眾聚數千人成羣哄嚷官亦無如之何爲弊一至于此而旗甲受累日益困敝是故旗甲敝而運亦敝矣愚謂贏縮之利當歸旗甲旗甲裕而運其有不裕哉眾軍則量賞之以酬其撐挽之勞可也蓋小人薄福領銀二三兩在手便不能勝糾羣合夥飲酒宿娼無所不至然亦可惜但今之司驗封查算者乃以給眾軍爲公給旗甲爲弊專持此意不復詳審而務扣刻旗甲之羨餘給軍以爲盡職使旗甲困苦揭債陷之死而不恤豈不

玩鹿亭稿 卷五

卷五

十七四明叢書

約圖刊本

謬哉

初以耗糧輕齎扣算羨餘解太倉庫作正支銷都督楊公宏上疏其略曰漕運糧儲除本色正耗完糧之數外餘耗浙江江西湖廣二六江南江北二六山東河南一六耗米照例折徵輕齎銀兩先年俱係各運官軍收掌哀多益寡隨便支貼支銷但欲正糧完足不計耗米羨餘弘治以來用非其人漸有那移提取之弊掛籌累債之名至正德年間勢要恃強凌逼公然奪去莫敢誰何已該漕運衙門計議用鞘裝盛以革前弊銀雖頗存而糧多侵盜京儲掛欠官軍愈困遇蒙正德十六年四月二十二日大赦漕運官軍借欠債負不拘多寡俱不許還漕運官軍幸得甦息前項輕齎仍舊盛銷印封至通州參將處查算僱腳支用計算羨餘扣收在官其各衛糧船經過瓜儀二壩及沿途遇淺起剝并置辦隨船什物無錢支使往往動用耗米官軍乘機遂將正糧侵費及到京倉交納掛籌復如往年法立于彼而弊生于此欠糧卻于概總扣算餘騰糧米以補其數餘下輕齎銀兩以爲羨餘作正支銷臣案唐史裴耀卿爲發運使凡

玩鹿亭稿 卷五

卷五

十八四明叢書

約圖刊本



三歲運米七百萬斛省餉車錢三十萬緡或說耀卿獻之耀卿曰此公家贏縮之利耳奈何以市寵乎悉奏以爲市糴錢宋崇寧初蔡京爲相始求羨財以供侈用用所親胡師文爲發運使以糴本數百萬緡充貢入爲戶部侍郎自是來者效尤時有進獻而轉搬無用矣二人得失悉載史冊仰惟國家混一六合富有萬方軍民之財皆朝廷之財豈賴此完糧餘銀以爲裕國之計伏自太宗皇帝建都幽燕屯宿重兵數十餘萬歲用錢糧數百萬石迄今百年中間豈無冗兵贍員可以沙汰然而

玩鹿亭稿 卷五

十九四明叢書

約園刊本

不能去者由所繫重也至于漕運糧儲歲額四百萬石出于田里之地收于糧里之手運于各衛之兵公私耗用豈止千萬石然而不能裁損者顧所得多也矧輕齎原係耗米以備沿途僦僱水陸車腳之用折收銀兩以輕運船實非正納之數今欲算計秋毫俾無遺餘舍耀卿之至計用蔡京之弊政誠所謂竭澤而漁焚林而畋恐所得不足以富國將來人情不堪軍逃運廢京儲正糧將有缺軍挽運之害所繫誠非細故此則可憂之甚者也疏入下部看詳議准給軍公關中人正德間忤劉

璉得罪謫戍于邊時遂庵楊公爲總制甚雅重之常召至制府商略邊務凡所建白多出公手嘉靖改元復公官尋命提督漕運時年六十餘銳意修振雅好讀書每于政暇手不釋卷未嘗間及家事常切切以祖宗典章法度爲言在淮六年後遷南府以致仕歸卒于家子爲公屬受公教愛獨深今九泉莫作儀刑尙在老成練達如公者豈可復得耶

玩鹿亭稿 卷五

二十四明叢書

約園刊本

等府浙江等布政司每年財賦實徵起存之例夏稅收糧馬草地租屯田食鹽錢鈔稅課鹽課顏料果品廚料蠟茶燈草蒲杖鹽金局稅門攤各有成類成化弘治以前各邊寧謐百費歲入之賦足供歲出之用尙有盈餘南京及內府光祿寺并兩直隸天下司府衛所各邊一應起存錢糧不計外姑自其盈縮易見者言之京通倉糧歲入三百七十萬石嘉靖十年以前至有八九年之積今則所儲僅餘四年太倉錄庫歲入二百萬兩嘉靖八年以前內庫積四百餘萬外庫常有一百餘萬今則



內庫止存一百一十餘萬外庫僅及三十餘萬太倉銀兩極費而其拙者邊防爲最商舖料價次之馬正料草次之加以不時奏討如進用修邊給賞賑災之類不可勝紀且今之邊費每年仰給太倉有增無減及備查太倉歲額銀兩折銀折草餘鹽等銀止計一百八十餘萬加以派贖餘米輕齎放贖等銀每年額入實計銀二百餘萬先年歲用各邊額用主兵年例銀四十一萬衛所額用折糧四箇月銀二十三萬一千四百三十餘兩職官額用布絹銀一十一萬五千九百餘兩軍士額用布

玩鹿亭稿 卷五

三十四明叢書  
約園刊本

花銀十萬餘兩京營額用馬正草料折色三箇月并巡捕一年全支共銀一十二萬六千六十餘兩倉場糧料草束額用銀三十五萬餘兩每年大約實支銀一百三十三萬三千三百餘兩是太倉每年支贖銀六十六萬餘兩近年以來除進用修邊給賞賑災等項外各邊每年加添募軍銀五十九萬二千八百餘兩各邊每年加添防秋擺邊設伏客兵銀一百一十餘萬各邊每年又加添補歲用不敷鹽銀二十四萬五千六百四十餘兩京營每年加添口放下場馬正草料銀一十八萬餘兩

□□內□每年約用加添商舖料價銀二千餘兩通前□用銀內除衛所兩箇月折糧銀不放外大約每年實支太倉銀三百四十七萬餘兩是太倉每年歲費少銀一百四十七萬餘兩迄今不爲節省年復一年出浮於入雖有開納括取等項有時所濟幾何此近日戶部之所具題國計如此誠不可不爲之慮也

玩鹿亭稿 卷五

三十四明叢書  
約園刊本

名利之士不言生死每每忘生以求所欲養生之士則營營於生死滋味寢處極其奉養廣延方士講求丹術呼吸屈伸鼎器藥物百計以求長生而卒不能生轉速其死惜哉淵明詩云客養千金軀臨化消其寶誦之亦可哀也夫人之延促定於當生之數蓋有不可得而逃焉者耳其可爲者惟減祿延壽之說乎語云人無壽夭祿盡而亡若不自儉惜一旦受用遽盡豈可復圖存哉故曰省嗇淡泊有長久之理可以延壽也

暴殄天物蓋人間一切所用之物皆天物也今之富貴侈麗恣所欲而糜費之惟日不足人或以節儉喻之則曰此吾物也噫是豈知爲天之物哉夫天之生物以養衆人豐于此則嗇于彼矣又焉得視爲己物而恣用之



梅屋許先生曰天不能家訓戶飭賢一人以誨眾人之愚天不能家贍戶給富一人以濟眾人之貧非以賢私一身富私一家也故凡事曰天事職曰天職位曰天位蓋我者天之所生而我之所養無非所以贊天也可以人而不知天平書曰順天者昌逆天者亡

儉吝二義似同而實異儉者德也吝者惡也儉者約於己也吝者吝於人也儉而不吝者約于己而厚於人也吝而不儉者約於人而豐於己也儉而吝者人已俱約也人已俱約是亦謂之吝也人已俱不約者則不可謂

玩鹿亭稿卷五

三四明叢書  
約園刊本

之吝然亦不可謂之儉殆猶愈於人已俱約者乎約人而豐已斯下矣

近年陝西總督撫按官會奏欲自花馬池迤東定邊營起至黃甫川止一千五百餘里接修牆塹以固邊防而總督曾銑又自建議欲大發兵糧兼爲復河套之舉以除禍本兵部議云舉大事興大工則必動大眾捐大費就沙漠不毛之地以修築千數百里之邊牆利害固已匪輕入險遠必爭之穴以驅逐數十年盤據之黠虜安危所係尤重必須慎謀於始乃可保無後艱詳看修邊

之議自定邊營至龍州城自龍州城至雙山堡自雙山堡至黃甫川分爲西中東三段興工期以三年內完事總計二十萬之夫連起於一省人力或有不堪二百餘萬兩之費仰給于內發國計亦恐有礙且前項財力特以居常處順而言其天時雨暘之不齊虜寇侵擾之難保水土沙礫取用之便否夫役逃亡事故之有無凡此皆所當慮者也又詳復套之議所引周秦漢唐故事多非今日之所宜取法況虜賊據套積有歲年生長蕃息動稱十萬今以六萬馬軍二千槍手將爲攻伐之正兵

玩鹿亭稿卷五

三四明叢書  
約園刊本

鳴鼓而前則主客懸殊恆憂其不足將爲掩襲之奇兵銜枚而進則形迹滯重又嫌其太多加以正馱馬匹牛騾幾於九萬計程五十日行糧草料共該二十五萬以上齎折銀則艱於得食饑乏之難免運本色則疲於涉遠抄掠之可虞且精兵盡抽於三邊不無顧此失彼勝負求逞於一擲抑豈善後圖全在正德初年議修邊牆總督楊一清首創其端經畫歲餘方敢舉事至嘉靖八九年間總督王瓊復繼其後首尾二年始克完工夫二臣銳於籌邊且有才力然前後所修者止是花馬池三



百里牆塹則其難其慎可知矣一清又有言曰茲欲復守東勝使河套之地歸我耕牧斯爲上策顧力有未能未敢議及若將延寧一帶邊防設法整飭使虜不能犯饋餉可省休養生息於數十年之後東勝未必終不可復此皆昔人之所用心而今議之所未及者也此出治齊萬公鏗筆引據籌畫可謂有見當時惜不能從其言也因撮其略於什一以見大意云

世崇三教儒與釋道也釋道二氏皆出世之學惟儒教爲大中至正治天下國家之不可一日無者也然二氏

玩鹿亭稿 卷五

三五四明叢書  
約園刊本

教雖各異而盡性至命處則同故道謂之玄釋謂之白言於性命無所加損皆本色也但不同者教耳故曰三教而釋氏所謂菩薩道菩薩行者則愈高遠而無涯涘矣中庸亦謂君子之道聖人有所不知不能天地有所不足者亦可謂高矣遠矣而皆不出乎平常日用之道但不令有止耳

希仙學道者先要識破世間一切虛幻身亦是幻凡有必無凡生必滅既少而長必老而死此必然之理也故須具此正信無惑於中斯無貪慾凡諸邪師謬解不能

亂之可以入道矣但一有貪生之念生於其心則邪說易入而無所不至雖名學道祇是作業豈有欲此身常存於世朝夕用心只成一己之私而可以爲道乎蓋人之貪慾莫有大於長生者也老子曰吾有大患爲吾有身及吾無身吾有何患又曰死而不亡者壽人知死而不亡者壽則知長生之說矣

甚矣財色之溺人也人初學仙意本爲長生也及夫盲師邪士指以彼家鼎器泥水金丹黃白燒煉點化之說鮮有不爲其所溺者嬌豔入室慾火熾然鉛汞在鑪貪心海若卒之長生之念亦不足以奪之精耗神做財散齒衰而不知止破其家戕其生而不知悔嗚呼甚矣財色之溺人也可哀也已

玩鹿亭稿 卷五

三五四明叢書  
約園刊本

金丹不落形氣專在性命世傳參同悟真二書皆金丹之學也亦言性命其旨只是一陰一陽之謂道而已蓋參同契者參同此理也故觀天地萬物之理未有外於一陰一陽之道而莫不皆同者也悟真篇者悟此真理也真理卽金丹也陰陽之祖也篇中所謂一乾一坤一離一坎一月一月一男一女一龍一虎一鉛一汞一烏



一兔一彼一我一水一火一金一木一土一賓一剛一  
柔一有一無一浮一沈一情一性一戊一己者總是一  
陰一陽也諸皆引喻耳故篇中詩云不識陰陽正祖宗  
萬般作用枉施功其要專在悟此陰陽之祖方名悟真  
若不於此悟皆非所謂金丹也二書多爲隱語者正使  
人精研其義以求之庶或有得于心若直說破則不復  
有悟矣更何有得於心耶爲此學者當正志虛心以求  
自得毋爲邪師謬解之所惑可也

太倉總督廳板刻則例一廩兌運正米一萬二千石每

玩鹿亭稿卷五

三十四明叢書

約園刊本

石加耗米七升共計八百四十石約定四百八十石作  
正支銷餘准作耗數內欠五十石或一百石以至二百  
石以上經歷官攢甲斗照依欠數多寡責治有差數外  
間有賸餘者則是多收之數不敢別作支銷節年於倉  
中隙地掘窖埋之後主收者日苛賸餘漸多嘉靖十三  
年周侍郎口敘初督倉場見餘米歲埋數多心切惜之  
乃言於大司徒儉庵梁公材公曰此出耗米附餘四百  
四十石之外若欲具題作正支銷主收放者法應參究  
況起此附餘之端他日害大計矣寧復棄之不敢作備

也周乃貯之空廩以數作一手本報部公亦不受令總  
督廳自計乃知老臣固識體耳夫每廩明交耗糧八百  
四十石以其不得盡耗責以四百八十石附餘作正支  
銷然或缺少亦止於責治而已不爲深究蓋恐後之流  
弊至於多收也宣德年間京通二倉收受斛面一尖一  
平尖斛淋尖平斛行概後將淋尖斛外餘米俱要入官  
有虧旗甲成化元年參將袁佑奏要每石不分平尖明  
加一斗俱刮鐵收受戶部題奉欽依只加耗五升此佑  
之見惟目前之圖而無久長之慮彼當事者猶存寬厚  
之意耳成化二年又該戶部題爲收受糧斛事奉欽依  
准加八升今載入議單每石兌運加耗七升則是加耗  
米七升原爲尖斛而增今於加耗之外復收斛面以爲  
附餘則是耗外又加耗矣正德十六年子總浙運時每  
石只加一進倉便穀交納常有餘賸土米照出今每石  
加二五進倉尙有掛欠若不革去耗外斛面行概平收  
則軍逃運做雖有善者亦無如之何矣蓋所取之斛面  
餘米不多而國計根本所繫爲害者大耳此只十數年  
來之弊老成籌國者固當革弊以存大計可也

玩鹿亭稿卷五

三十四明叢書

約園刊本











住雙嶼港此海上宿寇最稱強者福建陳思盼住橫港  
吳美幹福建義官原通番者朱都堂行取福清船令其  
率領而來後因海邊反爲所擾令率一半先歸遂不復  
還省別作一夥亦住橫港後許二爲朱都堂取委福建  
盧都司帶領福兵破其巢穴焚其舟艦擒殺殆半就將  
雙嶼港築截賊首許二逸去今見在京買賣汪五峯亦  
徽州人原在許二部下管櫃素有沈機勇略人多服之  
乃領其餘黨改住瀝港而陳思盼尤強後吳美幹爲陳  
思盼所殺其黨不平陽附思盼潛通五峯五峯正嫉思

玩鹿亭稿 卷五

三四明叢書

約園刊本

盼之壓已而瀝港往來又必經橫港屢被邀截迺潛約  
慈谿積年通番柴德美德美發家丁數百人協之又爲  
報之寧波府府白之海道差發官兵但爲之遙援詢知  
其從船出掠未回又俟其生日飲酒不備內外合併殺  
之盡奪其財德美所得亦以萬計擒其姪陳四并餘賊  
數十人送官及各船餘黨還無所依悉歸五峯後雖有  
一二新發番船俱請五峯旗號方敢行使五峯之勢于  
此益張海上遂無二賊矣此因其有隙而用賊攻賊亦  
兵家之常未爲失策五峯以所部船多乃令毛海峯徐

碧溪徐元亮等分領之往來海上四散劫掠番貨出入  
關無敢阻而與販之徒紛錯於蘇杭公然無忌近地人  
民或饋時鮮或饋酒米或獻子女絡繹不絕邊衛之官  
有與柴德美通番而往來五峯素熟者近則甘爲臣僕  
爲其送貨一呼卽往自以爲榮矜挾上下順逆不分良  
惡莫辨法禁之壞至此極矣今雖平昔本分者亦往通  
之是果誰使之乎近自破黃巖屠鄞衢而其志益驕至  
定海操江亭發牌送府追貨稱淨海王僭竊叛逆腰斬  
指揮殺府知事殺千百戶焚燒房屋擄掠婦女財物數

玩鹿亭稿 卷五

三四明叢書

約園刊本

月以來沿邊軍民被殺數萬罪惡滔天在所不赦昔年  
太倉秦燭王良之亂未嘗見其攻一城殺一官而撫按  
衙門卽以奏聞請將出師一面通行各省緝捕其親黨  
翦其羽翼而其勢始窮束手就擒地方遂寧今此賊屠  
城掠邑殺官戕吏一至于此而今見四散劫掠不于餘  
姚則于觀海不于樂清則于瑞安往來塗毒生靈無有  
虛日而猶混言倭寇不實上聞果何待耶旣曰倭奴酋  
長爲誰是誰欺乎其所劫掠地方凡通番之家皆不相  
犯蓋以立信故人皆競趨而賊黨之在省者紛紛不可



復言奸細如汪五峯之眷屬徐碧溪之子弟亦且安住出入真若無人況其他乎近日碧溪子弟見為人首告拿獲在官而又故縱毛海峯鄞縣人先因長子毛子明通番通欠貨物以父往質而後以弟代之頗有勇力善使佛郎機又善彈射五峯因育為子託為心腹就稱海峯父去子來子去父來交馳番國且徐碧溪毛海峯皆五峯部下賊首也黃巖縣實徐碧溪同姪明山率領攻掠又嘗臨關叱罵肆無忌憚其惡不在五峯之下族誅猶有餘辜而待之若此果何說耶杭城歇客之家明知

玩鹿亭稿 卷五

三五四明叢書 約園刊本

海賊貪其厚利任其堆貨且為之打點護送如銅錢用以鑄銃鉛以為彈硝以為火藥鐵以製刀鎗皮以製甲及布帛絲綿油蔴等物大船裝送關津略不譏盤明送資賊繼以酒米非所謂授刃於敵資糧于盜者乎此自古所未有者也今之在位者亦明知事機但曰巡按不欲行夫朝廷之法有職者之所共守若抑法以徇人邦家又何所賴愚謂當此之時不論官之崇卑事權之在與否皆當自奮所謂人人得而誅之蓋所協恭者惟一人之事也或又曰行法慮以招釁若只畏忌必欲法不

行而釁不招但各悠悠以度時而彼賊養一日則盛一日四方黠猾之來附者日眾沿邊財物之劫擄者日富畢竟縱之何所至而後已也且今日之屠殘是果誰招釁以激之耶正在法之不行有以釀成之耳先年夷齋沈公為海道正當羣盜縱橫之時虛心訪冤盡得其情惟盡心奉法略無假借凡地方積年通番者一拿即至不敢踰時按法治罪雖豪右不能以計免而人皆始知懼法無敢窺海者如巨猾柴德美亦逃之福建而不敢歸番船亦各漸往廣東別為生理若遲以一二年海道

玩鹿亭稿 卷五

三五四明叢書 約園刊本

其肅清矣惜乎其去之速也豈邊海之當厄耶至今士民皆懷誦之後自沈公之去而法禁復弛逃避者復回問罪者復脫而海賊復橫後又折巡海之哨船減墩寨之戍卒城垣任廢而不修邊糧侵欠而不究海賊殺掠禁不許報惟務隱蔽大壞邊備苟延脫身但令邊官買賊以為功姑以塞責僥倖以去祖宗之法益蕩然矣夫以朱都堂搗穴焚舟除海巨寇鑿山築海功非不偉而人未有懷之者蓋以其高而不下粗而不察惟專攻其末而反遺其本臨下雖過嚴地方之通番者紛然如故



除一許一增一五峯其勞宜不足稱此不猶汲水滅火而厝薪沃膏者之不息乎故本之所當先而末之所當後也明矣今以杭之弱卒器械不利裹糧不足盛暑以往卽欲攻其未不亦難乎赭山鼉子門又焉能守賊船盡入其將何法以禦之但謂之迎賊可也各郡役民守城妨其生理殆不可久況通番者得利而良善者受勞人心焉服且勾引者之不除則海賊必不可去從逆者之不正其罪則遠近黠猾者何所憚而不爲此紀綱法度朝廷所以維持天下不可一日或廢者也豈勝太息

玩鹿亭稿 卷五

三毛四明叢書  
約園刊本

或又有謂欲禁通番爲礙士夫者噫此官府之礙士夫耳士夫豈有礙官府者乎如沈公之行法更誰敢犯且寧波士夫並無有通番者雖聞有一二人眾皆鄙之其餘不過因他人番貨之被獲而爲其說人情者有之若官府執法自不敢說今謂寧波士夫盡是海賊豈不冤哉叛亂至此而猶爲此顧忌是果何說耶因循猶豫必至身與地方俱壞而後已誠可哀也豈當局固迷如此乎識者有謂今歲不亟爲處養至明年二三月間其勢決不可復爲浙東諸郡皆危矣豈特浙東之危如杭州

由鼉子門而入嘉興由澈乍二浦而入其先潛住諸黨又爲之內應其可保乎斯言殆不爲誣然卽今誠猶可爲也但以朝廷之法治之則有不待血刃而可以成功者交通既絕酒米不饋彼亦不能久住今舍其易而不爲坐失事機何哉前雖有幸脫者此又非其時矣豈可效尤且聞此賊攻掠之處未嘗不有人勾引而但無勾引者則無攻掠此黨又豈可容潛住近地又聞許二規知海禁之弛糾領黑番復來海上此尤可憂事勢甚急而諸公談笑飲宴若罔聞知略不爲意以爲賊去百萬生靈之命誰一念之愚衷切切若不容已深知逆眾耳而犯眾怒所不敢恤伏惟公誠爲國者一垂覽焉

玩鹿亭稿 卷五

三毛四明叢書  
約園刊本

張棟莊先生曷字仲明成化壬辰進士治鉛山每有異政鉛俗尙鬼神邑中淫祠甚多禍福靈異祭獻者充斥於路公曰蠹財惑民莫甚於此盡毀之乃教民力勤稼穡以正人心時有羊角巫者能呪法立致人死前令每宴待之畏禍惟謹其法書人年甲于木屑取生羊向糞道一擊之羊仆人死公知之勿發蓋俟其犯一日有老婦泣訴巫殺其子公受其詞選勇銳者數人令往捕之



時巫在山已覺謂其徒曰今日縣有捕我者徒曰何不避之巫曰縣主張公正人也吾不能避吾命盡矣乃束手待縛至杖百數無損反傷杖者之手公釋其縛謂曰汝能呪杖者死復呪之生吾即有汝矣試之法卒不驗遂收之獄夜半烈風飛石屋瓦索索若崩公曰此巫所為起而衣冠焚香肅坐詰旦取巫至庭時耆老士庶皆以巫為神人咸請釋之公不聽謂巫曰汝以邪術惑我吾以正法治汝何如巫叩首請死公厲聲叱之巫忽墮珠一顆光燄燭庭又墮法書一帙如掌大公取而置之

玩鹿亭稿卷五

三四明叢書

約圖刊本

案上乃會僚屬焚其書碎其珠于庭問曰今欲何如巫不答即仆而死眾請昇出之公曰何言之易也躬往瘞於獄中仍取大石壓之時暑月越三日啓視之腐矣巫害遂息公釋奠邑中孝子節婦皆得頌昨敦風化也有節婦之子持肉踰嶺而歸為虎所噬其母泣訴于公公作文告城隍言神為一邑之主今虎噬人吾與神皆有責焉限五日神當驅虎於吾不然吾當罷職神亦當毀像皇天鑒臨豈虛語也是夜公夢中恍惚聞高聲叫云虎至者公覺曰豈神之驅虎來耶命列炬于兩傍啓門

視之虎果伏於外若有束縛而不能動但俛首戰栗如畏罪然公叱之曰良民何辜遭汝爪牙之毒雖碎首斃肉何以償民之命遂命眾擊殺之以皮肉賜婦後絕無虎患又民有賣薪者性嗜鱸一日晡歸乘機恣啖忽患腹痛而死鄰保疑其妻殺之執送之官械繫踰年而獄未成公莅任方三月偶於月夜步庭見一人衣冠皓首向公揖曰公毋疑吾某鄉土地也某婦之夫中鱸毒死非婦之罪凡鱸首昂者殺人試烹以啖狗即死言訖不見公如其言明早取婦問之曰汝夫平日好食何物婦

玩鹿亭稿卷五

四十四明叢書

約圖刊本

曰好食鱸公遂命婦捕鱸數百閒得昂首者五乃設釜于庭即命婦烹之啖狗果死公謂婦曰汝事白矣遂為釋之一婦喪夫翁姑逼其改嫁乃書嫁狀詣婦告批婦不得已佯許嫁期是日泣祭夫畢潛投後園池中翁姑怒即填屍于池事久不露自後期年不雨公憂之齋戒徇城隍廟夢一婦抱狀且泣且訴公詳閱其狀既覺悉記都里姓名竟詢至其家鞠之啓池土得尸婦貌如生公為之大慟作文祭之忽雨如注平地水尺餘即為之殮葬併罪其同謀者因輓之以詩曰土類曾為俗所移



可憐孤寡受翁欺半生婦節將誰恤一點天心尙有知  
堂上肯教違父母地中端可見男兒于今留取鵝湖月  
千古清光照野池復立祠塑像春秋設祭以表其節如  
此類者尙多不能盡記大抵公之精誠通乎鬼神懋德  
昭乎天地人心所未知者鬼神通之人力所未至者鬼  
神相之夫爲政而至于格天地動鬼神至矣後公爲御  
史則抗疏暴權奸太監蔣琮尙書陳誼之罪辭連監閣  
及諸執政不諱以至落職爲監司則伸民命之冤殺巨  
萬之豪巡按不得而撓之事與心違卽棄官而歸家居

玩鹿亭稿 卷五

聖二四明叢書  
約園刊本

一十九年未嘗一入公府閉戶著書啜粥飲水兒女啼  
飢號寒於前而不爲意都御史王璟遺以百金堅卻不  
受始終一致至死弗渝公病篤郡守周坤率僚佐問疾  
寢所見陋室敗垣凋帷敝榻相歎感泣嗚呼公誠山川  
之間氣天地之偉人也余祖母都憲公女公之嫡姑與  
先君中表兄弟故聞于家庭者甚悉先君嘗遣候公每  
侍公教公手垂過膝頰長盈尺龍準劒眉霜髯雪鬢雙  
目炯炯危坐一室望之儼然神明云  
鄞布衣胡弘字任之勤苦力學正統初游杭遇一老翁

自云汴人深于易理弘從之遊因盡得其祕景泰初張  
都御史楷征閩寇延之軍中所言奇中卒賴成功而功  
竟不錄者不能盡從其言故也居蘇士大夫競往卜之  
趙御史筮得坤之師云當發科官風憲至某年月日罷  
官生子祝參政灝筮得比之二五爻云君臣慶會必先  
黃門近侍之職轉大藩而止後皆如其言楊尙書翥筮  
得復之六二云公至中年方有奇遇若官三品壽九十  
官二品壽差減五年有子亦霑祿後果以潛邸舊恩累  
進大宗伯卒年八十五子以公蔭受吳縣簿此其易筮  
之妙全主乎理觀趙之罷官得子楊之增秩減年可見  
人生祿壽子嗣俱有定數而每相流通豐此則嗇彼今  
資緣得顯位者皆默損吾數所有以益之非數外別有  
所得也弘不特易筮隨所遇皆占之無不剋應二士子  
將赴鄉試遇弘於途因請卜之云某君當領薦某君有  
服阻皆不以爲然已而一果喪父一登第或問之弘曰  
某君問時傍有一人汲水而立此泣字故知其服阻某  
君問時傍立一人此位字故知其領薦又一應試者書  
一串字問之弘云君當連中進士串是二中故也又一

玩鹿亭稿 卷五

聖二四明叢書  
約園刊本



士聞其語亦書申字云君勿言科名當憂疾病其後二人一果連中一果得重疾或問之弘云前問出於偶然爾後從而效之則有心矣申下加心故患也其術大抵如此弘與先祖竹窩公素善故得以聞記其一二云

九峯孫公交湖廣安陸人嘉靖初以宿望同幸庵彭公見素林公奉詔起用以公爲戶部尙書時予以都指揮領運兩浙至京部見公召至暖室從容謂曰聞子青年才敏盡心運務我故欲一見我不敢當長者子遠業未涯當去此秀才氣將來自受用予領佩之尙未深解

玩鹿亭稿卷五

四明叢書  
約園刊本

後涉歷之久方有悟于公言每歎曰公誠長者也憶自往歲壬午獲受公教于今二十八年犬馬之齒漸衰所謂秀才氣者尙力除不盡慚負此翁多矣果能除此則純一真實其于聖賢之道不庶幾乎然不自棄者尙未敢忘乎公言也

南湖余公本在庠時母舅夏攬納官錢費用逋欠時郡守伍公符于攬納逋欠之法甚嚴犯者必杖之死夏懼竊匿公家捕者日急公母與夏相持而泣痛不能釋公亦悲泣乃以身代詣府伍怒乃拽公于庭痛笞之流血

汚衣仍逮繫必得夏乃免公曰願以已產鬻以代償情極痛切伍許之公產不厚遂盡鬻以償後罪遇赦免終庇其舅乃自授徒以養不數年公連第中榜眼授翰林編修歷遷南京通政卒于官公性孝友其析居從兄弟數人皆貧乏不能自給公令并爨食之公性直不能抑情凡語笑發皆真切聞者不厭甬川張公閒居常曰安得余南湖在一聽語笑洗我鄙懷蓋深思之也

玩鹿亭稿卷五

四明叢書  
約園刊本

爲之定擬若不得已者後公卒九峯公作詩悼之有執筆停批念瘴方之句此見公仁人之心也

九峯孫公爲戶部尙書時鳳山秦公金爲左侍郎鳳山明達于政部中事公委心任之惟大事致商決焉鳳山亦爲之盡心或讓公不親事者公曰昔韓魏公與歐陽文忠公同相魏公無文人曰歐陽公之文卽魏公之文也今鳳山之政卽我之政何必出諸己耶聞者服之書曰人之有技若己有之人之彥聖其心好之不啻若自其口出九峯有焉



丹山屠公在吏部時致尹頭陀于京留居數月不垂一語臨行公再三懇之但謂曰早飯要早午飯要飽晚飯要少不吃又好竟不復言豈以名位之士不堪他授耶子謂此老所得亦只形骸小乘耳

金太僕公湜字本清號朽木居士善草隸作詩寫墨竹鉤白竹俱清妙有思致人得片楮尺幅莫不珍之稱賞海內咸謂殊品公多鬚鬚嘗封王出使一路經宿郵傳恐鬚污被乃製布囊至夕囊其鬚以寢惜公物如己物此亦人情之所易忽者而公獨慎之可見公存心之一

端也後致仕家居悠悠詩酒無病而卒

堪輿士謂子曰造化忌發揚嘗見人家造坊牌者數年之內不落職則喪身但立于當門者謂之獅開口其禍尤驗公試觀之當自知矣子曰此固理也豈獨堪輿之說耶後偶于淮杭寧三處建造之家歷驗之果無不然聞有一二福厚者或免然亦減分數子益信之子謂坊牌尤爲身外之物所得已者就以世俗之名勢亦不假此縱有榮觀殆不可以彼博此也況上費官錢下役鄉人自勞心思非惟無益而反招災是不可以已乎但未

玩鹿亭稿卷五

四明叢書  
約園刊本

之察故耳子故有感于堪輿者之言而因識之

杭州自北關以至布政司大街皆爲詔道未嘗覆以坊牌布政司左右坊牌二座亦止題承流宣化四字未嘗書某官某立蓋龍亭往來之處不敢以臣子之名加諸其上也昔年陳進士橫街造一坊牌後詔至即移于街側至今諺云陳進士街坊牌請過一邊今數年以來起造大石坊牌高標姓字林林相望非夙昔矣子自宦遊初歸爲一駭然

武宗朝諫疏當以武選郎中黃鞏第一其疏首曰陛下

臨馭以來祖宗之紀綱法度一壞于逆瑾再壞于佞倖又再壞于邊臣之手至是將蕩然無餘矣天下知有權臣而不知有陛下言者寧忤陛下而不敢忤權臣陛下弗知也其曰通言路夫古之明王導人以言用其言而顯其身後世則不然不用其言而反罪焉今則又不然不使以其言獲罪而以他事獲罪由是雖有安民長策謀國至計無因以達于九重之前雖有必亂之事不軌之臣陛下無由知之矣其曰正名號陛下自稱爲鎮國公誰則爲陛下者今天下不以陛下事陛下而以公事

玩鹿亭稿卷五

四明叢書  
約園刊本



陛下是天下皆公之臣非陛下之臣也其曰戒遊幸陛

下始出遊戲不出大庭止于南內論者猶謂不可既而

幸宣府幸大同幸太原幸陝西榆林延綏諸處所至費

財動眾寓縣騷然又曰即今江淮之饑父子兄弟相食

天時人事如此加以休息愛養猶恐不支況又重以蹙

之其何不流而為盜賊為死亡也哉奸雄窺伺待時而

發變生在內則欲歸無路變生在外則望救無及陛下

斯時悔之晚矣彼居位大臣用事中宮親暱羣小皆欲

陛下遠出而後得以專權自恣乘機為利也其或不然

則亦袖手旁觀如秦人視越人休戚之不相涉也夫豈

有一毫愛陛下之心哉其曰去小人今之小人簸弄威

權貪圖富貴實繁有徒至于首開邊事以兵為戲使陛

下勞天下之力竭四海之財傷百姓之心至今紛紛未

已者則江彬之為也又曰彬外挾邊卒內擁兵權騎虎

之勢不亂不已天下之人切齒唾罵皆欲食彬之肉彬

不誅則天下之亂必自彬始陛下亦何惜一彬以謝天

下耶此疏議論第一忠誠第一文章第一真所謂與日

月爭光者也因識其略云公蒲陽人字伯固號后峯中

玩鹿亭稿 卷五

四七四明叢書  
約園刊本

弘治乙丑進士有後峯集梓行云

先祖蘭窗公平日好焚香隨寓不輟一日先母夢有人

告曰汝舅壽本七十以焚香多故壽止六十四今當盡

矣越兩月忽中風果卒是知馨香臭味乃是人生一種

受用皆不宜過減祿延壽之說于斯益信然香最散氣

亦養生者之所忌也但可以之勝濕解穢而已

近予目疾退膿兩眦皆黏破痛澀不能視物彌月不愈

甚苦之適武林舊知王雲谷撞過予謂曰此風熱也非

苦不可以清熱非辛不可以散風宜用黃連剉碎先以

生薑一塊切兩片剉空入連煨之次以紅棗去核加少

礬末入連再煨俱用濕紙包裹候以紙乾取出加入乳

置磁杯中蒸熱點之熱淚淋漓其病如解又曰於大小

便時閉目固齒意隨便下降火尤妙二法用之俱驗雲

谷磊落不凡年踰六十止育一女後自喪室遣女即棄

家不娶遊于江湖好讀褚伯秀莊子得其旨趣所作詩

畫亦脫俗嘗寫王大癡山水雲氣悠揚令觀者動屢中

之想人謂之王小癡又嘗草萬言書論時政甚悉不果

上一日寓徽州以詩謁余明府曰十年南北竟支離出

...

玩鹿亭稿 卷五

四七四明叢書  
約園刊本



不諳時處復違書草萬言空憫世交論四海可依誰窗  
梅苑菊饒冰霰客況人情送鬢絲酒醒山城聽夜雨新  
寒又是去年時亦可誦也

海寧邑中有高堅者爲糧長費用官錢頗爲侈肆後罷  
役里人以詩嘲之曰西鄉糧長脫高堅便覺菱蕤不似  
前拚性命拖官府債寫文書賣祖宗田當時口是無量  
斗今日身如沒舵船寄語一般糧長道此人堪笑亦堪  
憐詩雖嘲戲實切事情可以警俗



玩鹿亭稿卷六

明鄭萬 表鹿園著

男達甫編輯

奏議

奏處大患船糧疏

為異常水患衝滾船隻漂流糧米淹死人命事據江北直隸把總運糧指揮僉事梁端呈據直隸泗州衛運糧指揮趙恩呈備左等所旗甲潘真等連名告稱領運蘇常二府武進等縣糧斛本年六月十八日儻運到灣至

玩鹿亭稿 卷六

一四明叢書 約圖刊本

長店鎮地方住泊起糧閒本月二十八日霖雨猛風大作連夜山水陡泛汹涌漫流四顧成湖人民房屋衝倒致被皇木漂流將大河衛旗甲鍾得名等三十餘船從啞巴莊衝開數幫順灣隨流真等一十四船盡被衝壞頭梢梁棧隨即溺水漂流糧米各旗軍得抱篙櫓救生至次日真等前往里二寺尋得王谷許鶚二船當就撈獲濕米五百二十六石五斗告蒙本衛照例分散各船食用易換好米代補外實漂無存正糧一百一十六石真與宋綱簡義魏廷仲劉保唐志劉現凌餘蔣舉李方

玩鹿亭稿 卷六

一四明叢書 約圖刊本

孔鑾陳有才十二船共漂流正糧三千六百二十四石并帶官磚一千七百三十八箇官酒瓶九十三箇俱被衝溺無從上納等情具告到衛轉呈到總行聞又據大河衛運糧指揮管善呈備中等所旗甲王受等連名告稱駕船於六月十九日到灣住泊啞巴莊地方聽候起糧閒不意本月二十五日夜二更時分山水陡漲平地約高三丈有餘兼以惡風暴雨大作將受等船八隻衝開又被大木交橫互相撞碎漂溺各軍得篙木伏搭救命當有前所旗甲王貴三船隨翻淹故該船軍人未知存亡下落中前所運軍張阿金等亦被淹死二十六等日止尋獲中右所旗甲趙向老鍾得名雷仁三船漂入居民田內梁頭棧板俱壞沈水撈救濕米七百七十石告蒙本衛給散各船易換代納外實漂無存正糧一百六十九石又與王林陳保一陸復三王貴三五船共漂正糧一千五百六十石并磚瓶盡被衝滾無跡等情具告備呈到總呈乞照詳等因又據中都留守司把總史謙呈據懷遠衛運糧指揮王佩呈備後所旗甲李玘等告稱各役領兌常州府無錫縣糧米於六月二十四日



駕領到於張家灣啞巴莊地方住泊蒙撥京倉上納聽候起糧不意天雨大作至二十五日夜二更時分陡發風浪齊湧將玘并旗甲吳貴武雄三船樁纜衝倒原裝在船正糧共九百四十九石本色蘆席二百三十七領臨清廠城磚五百七十六塊盡被衝滾無存玘等搶扶篙櫓得命上岸告乞分豁等因到總理合呈乞施行又據江南下江把總孫承宗呈稱鎮江衛指揮李楫下旗甲施寧船裝正糧三百一十四石跟幫行至北河泗河崖南京留守中衛百戶高軒下旗甲正勝船裝正糧三

玩鹿亭稿卷六

三四明叢書  
約園刊本

百七石住泊長店地方俱於六月二十五日夜忽被水發將船衝滾連人糧不知下落呈乞施行等因又據浙江把總孫支呈稱杭州前衛運糧千戶蔣文迪呈稱本衛前後二所旗甲周永寧鄭林二船各裝支運粟米四百石官磚二百箇於六月十八日至張家灣地名新河口住泊聽起糧聞不期本月二十五日黑夜風雨大作山水泛漲將各船磕撞沈沒淹死軍人周憲章陳淮又據本衛中所旗甲陳行亦告本船領兌粟米四百石磚二百箇亦被衝滾次早水耗於里二寺地方尋獲本船

打撈濕米一百六十四石五斗分散各船易米代納實漂正糧二百三十五石并周永寧鄭林二船正糧八百石官磚四百箇並無蹤跡緣由又據南京水軍左衛百戶劉儀呈稱本幫千戶周易管領支運臨清倉糧船隻到灣本官因病呈准在於小甲孫惠船調理糧米起上於六月二十五日陡遇水發連船衝滾淹故打撈不獲等情又節據各官呈稱流瀟糧米俱經備呈巡倉衙門批委通州知州汪有執公同江北把總梁端山東署總指揮劉經徐州左衛運糧指揮陳鑄各親詣張家灣漂

玩鹿亭稿卷六

三四明叢書  
約園刊本

流處所拘集地方巡司總小甲及鄰幫官軍人等結勘是實回報訖各呈到臣據此竊照臣猥以薄劣積病屢廢誤蒙聖明簡用方未履任即遭此大患漂失糧米數多淹死官軍臣聞不勝驚惶寢食俱廢無以自安除待罪外臣查得漕運議單內一款漂流糧米所在官司奏到之日一面行巡按御史覈實勘報一面先將運到糧米照例就將兌運京糧減除通倉上納如漂流十石減除一百石每石省下腳米一斗以補漂流之數除正糧照例加耗所省腳米止是刮鐵兩平收受若通州倉缺



厥不必減除仍赴京倉上納如漂流一百二十石免曬  
一千石亦兩平收受每石省下曬折米五升并耗米七  
升共一斗二升以補漂流之數前項免曬及通倉所收  
省下腳米俱不挨陳先行放支又一款自嘉靖二十二  
年爲始漕運糧米漂流船糧照舊奏勘處豁其官軍侵  
盜費用照舊參提外其過洪開遇風浪灘淺等項船存  
糧米漂失多寡者拘審該幫官旗眾證相同若果漂流  
損失不係官軍侵盜者就將該幫官旗應給羨餘銀兩  
查算扣失米數每石折銀七錢徑解各該倉庫收支折

玩鹿事稿 卷六

五 四明叢書  
約圖刊本

銀應用如該幫官旗羨餘銀算不足損失米價就將該  
衛該總運內扣餘務要當年補足原數如扣餘贖照舊  
給軍等因節該戶部題奉欽依通行欽遵外今據前因  
爲照前項漂流糧米委係非常水患衝滾無存節經巡  
倉御史委差多官勘明參奏所據前項糧米除大河等  
衛尋獲旗甲趙向老等六船係船存糧漂各將撈獲濕  
米分散各船易換好米交納其餘漂失糧共五百二十  
石五斗俱合比照洪開灘淺磕撞船存糧漂多寡事例  
就將應給羨餘銀兩責限買米上納或買不便查算損

失米數每石折銀七錢徑解各該倉庫收支應用務要  
當年補足原數其潘真等二十四船係全船漂流無存  
正糧七千五百五十五石六斗五升四勺相應遵照全  
船漂流減撥京糧通倉上納事例處納或令免曬以省  
腳耗陪補竊照前項全船漂流與船存糧漂事例分別  
甚明具載議單非臣所敢擅擬再照各總官軍自六月  
二十五日以來爲因衝決石壩稽誤進糧其被患四總  
軍船雖納完者亦不敢支領羨餘俱各守候計經三箇  
月日尙未發船回還明年又該全運缺船千餘缺軍未

玩鹿事稿 卷六

六 四明叢書  
約圖刊本

計將來之事誠當亟圖所據淹沒官軍各越數千里之  
程身爲國儲一旦遭此災患隨糧漂失不知去向實爲  
可憫卽今京城內外同患漂沒軍民之家俱蒙聖恩垂  
恤萬姓歡騰咸霑天澤如蒙伏望皇上軫念漕運重計  
乞敕該部將前項漂流糧米并各該官旗查照節年漂  
流事例早爲處發軍船南還亟圖下年全運之計其淹  
故官軍照例令各該衛所查出今年應支糧俸并羨餘  
銀兩全給家屬存恤以溥皇上一視之仁螻蟻羣生不  
勝仰戴漕運幸甚緣係異常水患衝滾船隻流瀟糧米



淹死人命事理未敢擅便爲此理合具本親齎謹題請  
旨

議處截起通運疏

爲水旱二患先後遲阻糧運預計起納事近據浙江等  
總處州等衛所運糧指揮等官王熙等呈稱孟陽八里  
灣仲家淺新開新店等閘水甚急溜難行每船用大纜  
八九條方拽過閘日夜無停每閘止過船五六十隻艱  
辛萬狀不能速進過違期限官軍負累何堪呈乞議處  
分豁等因據此案照今年春夏自淮迤南天道亢旱瓜

玩鹿亭稿 卷六

七四明叢書  
約園刊本

儀一帶外江裏河水小不能相接四等月日先各據湖  
廣江西上江等總武昌等衛所運糧指揮羅英等各呈  
稱兌完糧米見抵儀真停泊守水不能過閘該臣會同  
前任總督漕運都御史韓口通行高郵儀真管河管閘  
郎中等官并淮揚二府州縣各管河官員逐一閉塞涵  
洞毋致漏泄蓄水濟運至五月中旬幸遇時雨接濟方  
於六月初二日儘催過淮臣復會同都御史韓具奏及  
行參將賈席并委各把總官逐節分押幫船沿途催償  
外後據南京等總廣洋等衛所指揮等官李春等呈稱

自清河縣至徐州一帶大水泛漲洶湧非常船不能進  
每十船併拽一船日行不過數里耽延遲誤緣由又經  
會行沿河有司着管河官員拘集淺溜人夫相兼運軍  
晝夜打拽前進臣隨於本月二十四日離淮隨路催償  
又據江北等總泗州等衛所運糧指揮等官蔡需等呈  
稱濟寧迤北十里舖等處衝倒隄岸決口數處長闊不  
一大者計長四五丈阻集糧船數多已該河道等衙  
門當卽撥夫築塞但決口闊大不能卽完又該行令各  
把總官調集各幫運軍併力修築月餘方完船始通行

玩鹿亭稿 卷六

八四明叢書  
約園刊本

後遇連雨決口修築不堅又復坍塌隨行修築船復無  
阻爲照全運一萬餘船各總先兌江北糧米船隻所去  
不多其餘江南兌糧各總船隻俱爲旱阻一遇時雨通  
行沿途聯接前後挨幫不能速進一船少延後幫卽阻  
雖派委各把總官每員量管催船一千逐節分督照顧  
每不相及臣隨路身親督催每見各幫動輒告稱已頂  
前幫雖遇好風亦只坐泊蓋由船多壅滯不行疏先達  
後之故臣卽嚴督見在閘河上下把總黃印呂元孫承  
宗等所領三節幫船盡轉白河次第抵灣起納計後接



續繼至而把總劉敕所領幫船止到一半餘未見到又經差人鎖拿脫幫台州衛千戶衡潮并查把總劉敕未報今復據呈濟寧迤南一帶諸閘水溜艱難尙爾延滯臣聞心切驚憂雖則與上年抵灣進納之期不甚相遠而今年無閘九月節氣更早晚幫運船不無凍阻之患事應速計尙可圖脫近先准總督倉場督理西苑農事戶部左侍郎李○咨據本部委官員外郎周魯呈據武昌等衛指揮羅英李文明等呈前項水患遲阻緣由煩爲差官前去沿河催備備行到臣除擇委把總黃印自

玩鹿亭稿卷六

九四明叢書

約園刊本

河西務起直至尾幫止沿河一帶迎催如遇各閘淺溜阻集去處就彼調發人夫併力扯拽日夜催備前來不許時刻停泊及分委把總朱文呂元管催起剝督發完糧空船清理張家灣一帶河道又經差人守催完糧把總指揮孫支周應禎出京并取遮洋完糧把總賴天佑各總完糧指揮陸琦弋揚劉翹等分布各淺協力催備先將楊村以上見到各幫嚴催抵灣起納俾後幫續到船隻隨到隨剝隨起不致守候庶無復滯其河西務起剝近因天寒河水淺涸各船剝米數少行至蕭家林等

處仍復淺阻不能抵灣又尋剝船起剝甚是耽延照今時日甚迫豈容少滯如各總缺船衛分每船有加裝正耗米至七百餘石者須起米二百五十石方得通行抵灣若裝六百石以下者須起米二百石亦可無阻已行委官把總酌量各船重輕加剝石數毋令再剝就將輕齎十分之三沿途起剝銀兩動給船戶以免守候隨督開行仍回河西務地方聽剝如後幫船糧到多剝船不足量留江北路近回空運船湊剝以速前進外卽今凡有可爲出凍之圖者猶當悉心周計不敢坐待臣思每

玩鹿亭稿卷六

十四明叢書

約園刊本

年通會河石壩日起京糧數止三萬石又有陰雨遲阻之時今查未到京糧自寧波衛起至末幫安慶衛止共計九十六萬有零雖日起米常盈三萬石之數計須三十餘日方可進完中間又有風雨閒阻不能定計今十月十二日小雪只隔二十三日節前每年河先走凌船已難行計不足三十日之期矧今石壩每日起米二萬餘石或不及二萬似難出凍甚爲可慮必當通融爲處方克有濟惟通糧路近進倉頗速而湖廣江西上江路遠船隻一經凍阻有誤來年兌期尤宜亟處爲今之計



查將後到投文湖廣江西上江三總糧船盡進通倉將各空船急發回家其扣下腳價存貯通州候下年三四月閒江北等總先幫糧船到日照數給發盡起京糧以補原定兌改京通三七四六之數比時各幫到灣數少時日從容進納不難似爲通便仍令石壩委官每日務起三萬石之數共圖脫凍一面馬上差人行令河道等衙門一體催儻毋容停泊并嚴行後幫把總劉敕田于公魏元等晝夜兼程督押前來如或遲延以致誤事照例參調降黜庶使人心警勵糧運可完矣如蒙伏望皇

玩鹿亭稿 卷六

十一四明叢書 約園刊本

上軫念全運水旱路途之艱難凍期時日之迫促乞敕戶部參酌臣議早爲計處俾圖完納不勝幸甚

奏請發銀補造以濟全運并議折銀疏

爲議處缺銀修造船隻以濟全運事據江北直隸把總運糧指揮周應禎呈稱本衛所屬八衛額運淺船一千六百七隻該修船料銀并辦什物等項大約用銀一萬二千餘兩先年俱于本總減存料銀動支給發近無減存料銀蒙漕司題准於各衛完糧羨餘銀兩內扣留三分之一銀九百三兩二錢六分四釐六毫六絲四微尙

欠銀一萬一千餘兩如今年壽邳等衛缺銀修船糧已兌完到壩船泊外江守候延至四月方纔借得淮安府庫官銀前去買料旋修旋復始得起運僅能完事近年見奉明旨全糧緣無減存軍料前項船隻未免缺銀應用臨期誤事罪及何辭呈乞預爲計處免致遲累等因據此先爲議處輕齎羨餘銀兩以備修造以濟全運事該戶部咨該臣等具題議查嘉靖二十五年以前各處災傷閒有折色衛所淺船得以減存旗軍照例辦納料銀連年藉此修造船隻應用去歲奉有明旨全運本色

玩鹿亭稿 卷六

十一四明叢書 約園刊本

原額淺船俱派見運無軍減存辦料缺銀修船委難區處議自嘉靖二十七年爲始將浙江等十總運軍應給完糧羨餘銀兩以三分爲率二分仍照例給軍回途盤費量扣一分給付各把總官收領解淮貯庫相兼支贖料銀聽候應用題奉欽依通行欽遵去後今把總周應禎又呈下年本總除扣留羨餘一分外尙欠銀一萬一千餘兩爲照各總幫修貼造銀兩自來俱有減存料銀例於各軍月糧扣解惟周應禎所屬淮大邳三衛因缺月糧是以料銀亦每缺少然尙足給近因全運通無減



存非獨周應禎一總無料各總俱無但各總猶有先年解到給發未盡料銀尙可爲一歲歲半之給後亦無處今年運回卽該修船赴兌事體甚爲緊急所當亟圖及查嘉靖二十一年漕司具題補造各總衛所節年漂流毀壞事故無存運船共一千七百餘隻一向減運未造上年因全運缺船查支節年減存料銀七萬兩先補造船七百隻餘查無銀又復停造及將老舊沈水壞船盡行秤屏修驗赴兌不足裝運又將山東糧米俱雇民船其餘缺船之糧加派見在各船附帶苟勉完事今年老

玩鹿亭稿 卷六

十三四明叢書

約圖刊本

舊壞船不堪再修以故船逾缺少加派附帶逾重一船原裝正耗米四百五十石者今裝至七百餘石做船重載洶水疲卒撐駕甚艱隨路報患如寧波衛指揮顧松一幫大患船八隻失米一千四百四十餘石小患損失不計委實錢糧可惜追陪可憫臣司統領沿途目擊豈能自安爲今之計必將先年原題未補造船一千數內量行補造二百隻撥浙江下江二總缺船衛所領駕裝運少甦重艱計該銀二萬兩并給湊周應禎總年例修船銀一萬一千兩俱係十分緊要誠難缺少卽今十月

已盡急爲議處修造已遲萬一誤事獲罪何及臣查嘉靖初年補造事故運船俱借運司餘鹽銀兩應用前項或備邊用不可借支查得每年糧運解貯太倉銀庫扣省等項銀兩俱係漕運錢糧似應查發修造以濟全運然此數亦有限若以後俱是全運未免不繼尙當別圖料銀修造以爲經久之圖臣復思舊例漕運糧斛四百萬石不得虧欠議單內一款儻有災傷等項停免於附近府分撥補附近府分各有災傷漕運官就臨德二倉照數支運撥補務不失原運四百萬石之數者爲災傷

玩鹿亭稿 卷六

十四四明叢書

約圖刊本

停免而言夫災傷例當停免然恐虧國計且以臨德二倉糧米支運有限故准折銀往年蓋於災傷停免之中以爲減折非無故折銀坐虧國計故減存料銀自漕運以來之所並有修造淺船一向所需實皆自昔相承之法臣愚以爲理財之道莫要於本折通融互用如飢飽寒溫各適其自然之宜而已是故惟財與泉同謂之理蓋得其理則贏失其理則屈無他道也如豐年米賤全運本色則取民所有而京儲大本以充雖連年全運繁苦劇費在所不惜遇奏災傷或應停免者量減折色以



存國計使民易出辦運稍休息而折色相兼爲用于國計亦不可無若俱運本色臣恐後之財力勞費難繼而公私所傷亦多未可爲一定經久之法也臣又常竊計漕運糧斛除河道工役之費其輕齎耗米并修造淺船料銀官軍行月等糧率四石致一石艱難險阻實不易得如今年支放軍京月糧每米一石不過易銀三錢難得而賤用似爲可惜若以先年所收折銀每石七錢者作二石放支公家所獲之利既倍京軍莫不鼓舞而糧儲省積不愈于凶年重困吾民以取盈者乎候至米貴

玩鹿亭稿

卷六

十五四明叢書

約圖刊本

之年放支則軍需實濟京師之米價亦平而鼓舞者眾矣故常平之法自古稱善有則不至於傷農無則不至於價踊亦惟因時調停損益而已原非執一之法今本折出納實過常平元承夫舊蓋無不適其自然之宜以裕國用非專於節運之勞徇民之欲者也臣今會議至京正舊運方集來運接始之時適遇明旨因災條陳之日特陳修造缺乏之由併獻一得之愚少據忠悃輒忘冒昧伏望皇上垂念國計俯擇芻蕘乞敕戶部將前項銀兩早爲查處給發亟令先冬修造以濟下年全運併

將減折事宜再爲從長定議上請以爲經久之圖不勝幸甚

丙午年會議二條

一均進納以蘇做運看得遮洋一總十分疲做節據該總官軍告稱天薊二倉交納繁難薊州倉尤甚比之京通二倉遲速懸隔凡遇二倉上納者糧必掛欠船必凍阻官必累罪軍必逃亡借貸既多賠償無措以故各皆避死不敢赴彼交納今該總各衛俱輪年派撥二倉上納無有不做者官俸軍糧每年盡數扣除完補尙且不

玩鹿亭稿

卷六

十六四明叢書

約圖刊本

足貧難至甚日來各衛俱做輪流亦難幾不可支及照各總衛所上納京通倉糧大約三百三十餘萬石如災傷之年亦有二百餘萬石以一幫自進糧曬收計之糧多者不出月餘少者二十日俱得完報十月終旬二倉糧米通報納完惟薊州天津二倉數各六萬石往往不得完報且如上年淮安衛指揮吳山一幫六月二十六日船糧抵薊州倉河下守至十月方收兩次曬颺回碾加增斛面稽遲日久挂欠賠償比之京通事體迥然不同是以難于上納及今若不早爲之處決當大壞極做



臣等罪復何辭合無查照京通二倉事體投文到倉卽與進糧進完卽曬照例曬二日颺一日曬颺完日卽與報收毋復稽延守候以致困累再照天薊二倉去京不遠只二百餘里或令各運官投文到倉赴總督等衙門告限併進十日一次到京報限尤爲畫一庶免事無統紀因人變遷遮洋困憊可以漸蘇矣

一重逃法以修運政據南京把總朱文呈稱南京各衛糧船例不下壩水次兌糧每船止用旗綱二名僱覓民船裝載餘軍八名在營聽候糧運到壩上船內有奸頑

玩鹿亭稿 卷六

十七四明叢書

約園刊本

者觀望糧到輒便逃躲虛食月糧三四箇月者有之或中途畏懼艱辛棄撇船糧逃回者有之直待幫船去遠捏稱患病等項具首南京兵部未經百日者免參已經百日者參送刑部不過問擬越關杖罪改驗別差以遂避運奸計船非人力不能前進南運北回旗甲只得僱人代運逃軍行糧止于三石豈足僱人工食及至運回南京戶部查扣逃軍行糧反將旗軍名下安家月糧扣抵還官一船或二三名在逃旗甲月糧經年累歲不得關支蓋因逃軍罪輕易於玩法旗甲貽累難以支持奸

弊日滋漕政漸廢呈乞議處等情據此爲照運糧以船一隻負米四百餘石駕船以人一船十人缺一不可南京兩總兌江南糧者船不下壩旗綱二人旣先僱船裝兌其餘八名自合赴船聽候糧至駕運詎意奸頑安然坐視糧至反行躲避或行至中途棄糧而逃致累旗甲僱人撐駕本軍行糧數至三石不足僱人所僱之人又將何食若不重治人皆效尤逃亡日眾爲患非細南京兵部常例一向於逃法太輕如一軍在逃未經百日免參已經百日參送刑部止問越關杖罪改驗別差今各

玩鹿亭稿 卷六

十六四明叢書

約園刊本

軍旣於年前派撥在運以至兌糧之時先已虛支月糧三四箇月及至起運卽逃同運稍遠卽捏患病首役所得旣多而獲罪甚輕則人將何憚而不爲哉旗軍受累不可勝言而又將月糧扣除苦屈愈甚奸頑愈肆查得議單內一款南京運軍逃走同衛及買求衛所官員改當別差者許把總并管運官旗呈告南京兵部督拿獲日轉發應天府解送漕運衙門問罪改正仍發上運招出衛所違誤并受贓改差官員參拿提問照例發落又一款運軍恃頑不行上運不候交兌及雖交兌而棄船



逃走以致遲誤者將行糧賞鈔盡追入官仍問發邊衛充軍另勾戶丁補伍合無通行南京兵部查照前例一體遵守自嘉靖二十六年為始兌糧起運之時凡有逃故者令把總并衛所運糧等官先將開報南京兵部行南京各衛督拿獲日轉發應天府解送漕運衙門問罪改正仍發上運毋容一概首役別差并將旗甲月糧不得混行扣官虧累旗甲中間果有事故照例督補若至完報同日通無到船者依議單前開運軍恃頑不行上運棄船逃走事例將行糧賞鈔盡追入官仍問發邊衛漕法不可紊亂矣

玩鹿亭稿 卷六

十九四明叢書  
約圖刊本

丁未年會議二條

一補腳米以免虧累據南京把總黃印呈竊照南京江北中都五總淺船俱在瓜儀二壩寄泊官軍前去江南等司府領兌惟江北三總給與過江腳米一斗三升內除七升僱船水腳餘贖六升給軍盤壩修船其南京衛分每石止是僱船過江腳米七升有司徑給船戶其盤壩旱腳有司並無升合官軍只得將各船本等加四耗

米內動支一升應用又無餘米幫助修船俱令運軍包賠出辦所以軍船狼狽為最切思南京衛分二總官軍領兌南糧僱船到壩盤糧修船復載俱與江北三總事體相同南京官軍止隔一江除僱船腳米七升與江北相等外至於盤壩修船何獨給與江北六升而南京官軍並無給與升合查得江南糧米先年俱係民運過江就軍交兌僱船盤壩皆出於民今民既免轉輸之勞盤壩之費亦當在民不為虧累呈乞議處等因到臣查得先年南京二總官軍屢常呈告漕司會議欲行有司每石量添二升部司恐其增多病民未准所擬今把總又呈前因蓋因見運軍賠累之難誠非得已委應議處卷查南京二總衛分先年議將領兌浙江三六耗米輕齎內存二六完糧扣出兩尖米一斗折銀五分名為斗米封收在總一半作改造旗船軍三料價一半該總貼補修船什物并盤壩等用以故南京各衛未嘗稱乏後至嘉靖十二年為存斗米復辦料以濟漕船事該戶工二部咨將南京總下三六輕齎銀兩照數驗封入鞘完糧合用給軍羨餘數內用使不盡者作為軍三料價造船

玩鹿亭稿 卷六

二十四明叢書  
約圖刊本



又該漕司議得羨餘必候糧完方得查解不無有誤造  
船覆議將領兌浙江三六耗糧內每石原扣銀五分除  
該給各廠成造旗船外其餘銀兩合依所議仍發各總  
領解赴京完糧回咨戶工二部查照外所以斗米止儘  
造船完糧羨餘給軍其修船什物并過壩米並無給與  
升合一向累軍包賠合無仍酌量先年舊例將南京二  
總領兌江浙三四耗米內原扣斗米銀五分除扣解軍  
三旗船料價外所餘數內量扣銀一分以爲過壩旱脚  
并幫修什物等用俱報循環稽查其餘銀兩仍盡發各

玩鹿亭稿 卷六

三十四明叢書  
約園刊本

總照例驗封入鞘領解赴京完糧支用羨餘給軍是以  
各衛三四完糧給軍之多餘給補概總起運包賠之不  
足上不扣損於官下不加賦於民完糧腳價亦均而揭  
借賠費之苦可少息矣

一議處耗米以蘇軍困據遮洋把總蔣懋勛呈查得山  
東江北等總每年領兌山東河南二省改兌正糧每石  
加耗一斗七升運赴京通二倉每石例交上納耗米四  
升惟遮洋官軍領兌河南改兌每石止得耗米一斗五  
升運赴天津倉上納每石交倉用耗六升較之山東等

總領兌耗米原少二升交倉反多二升共計每石虧耗  
米四升節致掛欠累軍揭債賠補疲困已極況有司原  
收民納耗米一斗七升山東江北等總照數領足惟遮  
洋止領一斗五升卻留所餘二升別項支銷既不寬免  
於民何獨貽累於軍若謂運納倉分稍殊天津相去何  
遠減去二升及照天津倉歲收遮洋改兌六萬石不過  
隨收隨放較之京通倉久貯挨陳放支者卻反多納耗  
米二升事體不一久爲軍累呈乞議處將遮洋改兌糧  
耗比照各總每石加耗一斗七升運至天津倉亦照京

玩鹿亭稿 卷六

三十四明叢書  
約園刊本

通交納四升以蘇軍困等因到臣查得議單內一款改  
兌糧米加耗則例山東河南一斗七升遮洋一斗五升  
天津倉相去京倉不遠輒減二升亦似太多又一款內  
開進京倉交納糧米每石兌運加耗七升改兌加耗四  
升遮洋六升山東江北等總交納京通二倉本倉俱兌  
兌改納耗自是不同其單內遮洋六升惟指正兌納耗  
而言如薊州倉上納正兌耗米應該六升至於天津倉  
上納改兌耗米與京通倉納耗事體相同不係正兌卻  
濶作正兌亦要納耗六升蓋因議單遮洋未分交糧正



改加耗數目以致每年天津倉改兌溷照薊州倉正兌俱納六升負累官軍概將月糧或揭債賠補困敝已極故遮洋總分比之他總十分狼狽相應議處合無嘉靖二十七年爲始行令有司將遮洋總改兌原徵耗米一斗七升先年止領一斗五升扣留二升今量給一升每石領兌耗米一斗六升其運赴天津倉亦照京通改兌一例加耗米四升則民不加徵軍不虧累永爲定例開載議單庶耗米適均做運可蘇矣

### 患病乞代疏

玩鹿亭稿 卷六

三四明叢書  
約圖刊本

爲患病危急亟請更代免誤漕務事竊照臣素患虛火怔忡病症調治未痊嘉靖二十五年欽奉敕命提督漕運臣聞命喜躍力疾供職以圖補報連歲趨走苟完運事但前病怔忡時作時止每發數日或旬日卽愈至今年九月閒僂運進京一時虛火復發偏身火熱咳嗽吐痰加以鼻衄伏枕月餘稍愈隨復奉旨嚴整明年運事欽遵陸路兼程回淮因勞動火前症大作頭目暈眩喘嗽不息鼻衄不止心氣怔忡全身戰動復加疼痛日夜呻吟半月不痊轉加危重積患交攻勢難延活縱使醫

治得生亦恐終成痼廢竊念臣犬馬之年今踰五十叨竊運樞正當聖明向用之日不意命蹇福薄遭此病患不能少效絲粟圖報何時思之感泣臣螻蟻微生固不足惜但漕運重任時難廢息只今病臥不無誤事憂惶激切如蒙伏望皇上軫念漕運爲國重計察臣惓惓圖報之心積患危急不得已之情乞敕兵部早賜推官更換容臣回籍調治以圖後報不勝感激

### 戊申年會議二條

玩鹿亭稿 卷六

三四明叢書  
約圖刊本

一禁私兌以重京儲據中都把總運糧署都指揮僉事尹鳳呈據懷遠等衛運糧指揮莊棠等呈稱蒙派領兌蘇常二府州縣糧米依期到彼眼同官里將在倉糧石從公領兌此外又有不入倉糧石名爲兌戶各居鄉城不一每衛派散五十七家糧米多寡不等旗甲挨門找尋伺候彼便則出兌不便則叱回只得守等曠延月日又被將糧插和糠粃濕潤倚勢兌與官軍受害不敢聲言緣由到總呈乞禁治行聞又據江北把總周應禎呈稱泗洲衛運糧千戶劉爵領兌常州府武進等縣糧米被糧長白子道等仗倚豪強濫將粗惡糧米存落在後



通不上倉曬揚勢逼官軍私家領兌實慮京通交納虧苦呈乞議處及據杭州右衛千戶暴以平呈稱領兌蘇州府崑山縣糧米被延四月之上未完糧米千餘石被勢豪糧里倚恃豪家不行運倉逼軍上門領兌等情各先後到臣已經會行江南巡撫衙門查究禁治外竊惟漕運糧斛乃國家重計各處自有水次官倉曬揚交兌係不易之定法奈何近年江南各縣豪戶罔畏國憲不遵明法公然不將糧米運倉倚勢存家任其拖延該府縣管糧等官莫敢誰何直待三四月內倉糧兌畢之時

玩鹿亭稿 卷六

三五四明叢書 約園刊本

方令官軍找兌既不曬揚乾潔反又插和糠水百計留難官軍畏懼違限比較問罪只得屈兌上船沿途蒸折臨倉虧欠負累包賠不勝困極且前項奸弊不獨蘇常二府糧長白子道爲然上年節據江北把總呂元鹽城所千戶李顯紛紜呈各相同若不申明法例嚴行禁革第恐效尤者眾不惟官軍被害糧運日敝國法亦爲撓阻誠非細故如蒙俯念軍儲爲國家之重計法例爲天下之遵承阻廢不容以漸合無通行江南巡撫衙門嚴行各府州縣掌印管糧官自嘉靖二十七年徵收兌軍

秋糧爲始務要遵照律例依限開倉收受完足具收過在倉糧數開報漕司聽候官軍曬揚交兌雖升合不許容放私家敢有勢豪仍踵前弊不行上倉逼軍私家領兌者聽臣等并撫按監兌等官拿問重治該府縣管糧等官問以罷軟革職如有贓私照律治罪仍計各戶不進倉數糧米坐以侵盜申照法律乞載議單永爲遵守一併軍船以便漕運據中都留守司把總運糧署都指揮尹鳳呈照得本總所屬河南潁上所止船五隻官軍五十一員名運糧一千五百餘石數爲極少官軍不便有三該所寫違不善過江每年輪兌山東鳳陽一處糧米派撥三四州縣水次星散一官不便鈐束一也糧船北上經過洪閘灘溜軍船畸零難於併力牽挽二也抵灣分撥京通二倉交納上下不能相顧三也此外不便於本總者又復一端該所應報合干上司一應錢糧公文因隔寫遠多不如期雖差守取往返千里動經旬日每每稽遲誤運查得總屬潁川衛亦係河南都司所轄該衛止船二十隻額設指揮一員百戶一員領運船糧亦爲簡少如蒙乞將潁上所原運旗軍五十名改革春

玩鹿亭稿 卷六

三五四明叢書 約園刊本



班京操卻將潁川衛春班操軍摘留五十名領船駕運  
遞相互換庶不兩誤呈乞議處等因到臣爲照潁上所  
原無運軍成化年間爲因長淮等衛缺軍運糧始於該  
所添設五十名領船五隻駕運及查嘉靖元年該先任  
漕運都御史陶琰總兵官楊宏會議題准將淮大等衛  
春秋兩班京操旗軍改撥運糧以抵徐左泗州二衛缺  
運之數卻將歸德等衛所空閒餘丁頂替淮大等衛京  
操今照潁上所止有額船五隻官軍五十一員名地居  
僻遠遞年領兌交納委果星散一官難以鈐束及中途

玩鹿亭稿 卷六

二七四明叢書

約園刊本

經過洪閘淺溜人少力薄不便併拽每致愆期聖誤及  
照潁川衛與潁上所俱屬一省各有操運二差均係重  
役且該衛止船二十隻數亦不多見有指揮百戶二員  
管領若將潁上所運軍改操潁川衛操軍改運互相兌  
換彼此均便查與徐邳歸德先年改撥操運之例相同  
似應議處合無自嘉靖二十五年爲始將潁川衛春班  
京操旗軍於內摘留五十名兌領該所船五隻併附本  
衛運糧不必添官卻將潁上所革糧旗軍五十名抵數  
赴班操守運官退所別差如此庶操運兩便事易統攝

俱無妨誤矣

辛丑河道淺阻議處起糧出凍疏

爲僭運糧儲事竊照臣先於今年二月間前往瓜儀二  
壩催僭各運陸續過淮前來五月十一日隨至清河一  
帶督船過淺後因兩洪清河有水船行無滯臣復至濟  
寧一帶各閘督催今見督過濟寧南糧運船先後總計  
五千七百一十隻即今末幫運船俱於七月二十二日  
過呂梁洪挨幫前進但查往年先幫運船正月已有過  
淮二月三月四月陸續過淮不斷次第抵張家灣進倉

玩鹿亭稿 卷六

二七四明叢書

約園刊本

交納每年七月間隨路俱有空船南回今年五月初六  
日兩洪方得水運船方行即今八月頭幫高郵衛運船  
方纔交糧一兩月間各總運船先後擁集深慮灣中擠  
泊不下起糧起剝俱爲艱冗而火盜之變干係重大昔  
嘉靖元年臣先任浙江運糧把總時因糧運節年遲誤  
自天津以至張家灣船俱凍阻臣訪得天津丁字沽桃  
花口一帶俱堪起糧蓋由武清縣馬駒橋一直進京路  
不甚遠其京糧車脚銀兩比之張家灣起米進倉所差  
不多惟通糧車路沿河灣遙進倉比之京糧途路亦各



相等所費車腳甚多臣議將丁字沽一帶凍阻運船通起京糧天津以南閘河一帶凍阻運船通起通糧總不失京通兌改三七四六之數將分撥通糧船隻腳價空貼京糧蒙戶部題准前議行臣催督不加絲粟給濟通將凍糧起發進倉後江西安福所浙江台州衛幫船連日兩處起火共燒船數百隻得糧米俱已起完止燒空船實出萬幸今後幫各船接聯轉河沓進豈但重船阻雖起完空船亦恐擠塞分投差官晝夜清理不開其起糧條子剝船尚有阻旬日半月不得到閘者今年八千

玩鹿亭稿 卷六

三十四明叢書 約園刊本

餘船俱陸續先發只今雖見清理八九月間後幫運船俱到數當不下五千比常加倍督發尤難火盜干係將來豈不深有可憂況九月以後凍不可測只有八月一箇月之期神輸鬼運展轉不及若照常格起糧必然致誤况江西湖廣二總途路遙遠若再凍阻明年凍開方回勢難復運下年糧運又須停減及照各總糧運近來十分疲敝今年受累尤重隨路逃亡再使守凍缺食十亡八九將來糧運從此不可救藥若不預陳區處以致失時誤事雖罪死無益爲今之計必須水陸並進或於

後到運船內量摘通起京糧就令於丁字沽一帶灣泊聽候僱車不須抵灣擠塞卻於已過河西務各幫摘起通糧惟不失京通三七四六總數京糧腳價于摘撥通糧船內提貼但今輕齎二六者止是二四三六者止是三四恐不足用其原減二升量動累年由閘節省銀兩照數補足其通惠河每日進糧三萬照舊不誤或將湖廣江西二總路遠運船從權水兌以速回南今年河道濶阻遠近共知後不得援以爲例然必多方並行庶圖出凍仍查先年各幫扣存事故給軍銀兩每船量給僱

玩鹿亭稿 卷六

三十四明叢書 約園刊本

人不候交糧先行駕船回南則下年運事可以依期責成若一年凍阻則歲歲愆期爲害有不可勝言者矣今年河道枯涸異常臣等不勝憂懼荷蒙皇上軫念糧儲重計特命大臣督治河道又遣官祭告河嶽等神以故萬靈效順百職殫力多方疏理晝夜靡懈以致於斯實出望外今事在垂成正虧一簣如蒙伏望皇上俯念艱阻垂成之時重恤軍士守凍之苦早圖下年兌運之計乞敕戶部早爲議處水陸並進將路遠運船從權水兌兼濟務期早完出凍不誤下年起運則上不負皇上聖



慮之勤至下不虛諸臣奉職之辛勞糧運不勝幸甚

乞免淮邳官軍守江以固重鎮疏

題爲乞免摘撥淮邳守江官軍以固中原重鎮事竊照兩淮爲南北要衝天下喉襟之地東臨大海鹽徒出沒不特倭夷之防北接徐沛盜賊尤多自昔雄強桀猾之所隱伏蓋中原之鎮未有要於此者也今淮安大河邳州三衛戶口日減差役甚繁所最先者春秋二班京操裏外河運糧巡鹽捕盜河下接替夫役雲梯關把守次則派撥廠料局料顏料并賠納屯田荒糧餘補守城操

玩鹿亭稿卷六

三三四明叢書  
續圖刊本

備軍少差繁實不足給近年又該江淮巡捕總兵官湯口行文選取淮大邳三衛并東西二海所官員共二百餘員名前去鎮江湊足二千餘名之數在彼操練以故城操愈少今年山東單縣地方妖賊竊發境聯豐沛切近徐邳嘗調軍防禦於淮大二衛城操軍舍內逐一挑選只二百餘名其中尚有老弱充數人心驚惶甚爲可慮臣思兩淮喉襟重鎮既無調集防守之兵而乃以兩淮之兵調守鎮江卽今城伍空虛誠不足以居馭彈壓緩急殊無所賴且淮大二衛原非沿江衛所今調彼防

守過湖越江遺家遠役雖則於該府地方給有行糧而連年月糧多缺關支家口亦無供贍每去必處幫貼軍伍愈累況江南亦無哨墩之盜在彼亦爲冗食卽有盜聚調取亦易如蒙伏望皇上垂念兩淮爲中原重鎮乞敕兵部行令操江巡江提督巡捕等衙門將前項官軍止於沿江各衛查撥其淮大邳三衛原撥鎮江操守官軍仍回淮安本鎮操備遇有盜賊生發聽彼調用庶不顧彼失此地方有賴人情亦安武備可修中原可固矣

乙卯年會議六條

玩鹿亭稿卷六

三三四明叢書  
續圖刊本

一嚴收納以祛夙弊據遮洋把總運糧以都指揮體統行事署指揮同知徐學下德州衛指揮周金呈稱本總所屬淮安通州左等衛官軍先年在天薊二倉上納守候艱難至嘉靖二十六年該蒙漕司議擬比照京通二倉事體各運官赴京總督等衙門告限併進每十日一次比限稍得蘇息但近年運官赴京承領各衙門限票止蒙比併運官不蒙責併各倉官吏夫運官在倉孰不欲其速完早歸但進倉曬收俱係各倉官吏所司運官豈能預力責限既不加于倉官曬收愈加稽阻展轉索



指不可勝言况運官赴京比較往返耽閣動經半月盤纏花用未免科派貧軍比之先年尤爲繁苦呈乞議處等因到職卷查先該漕司會議看得遮洋一總十分疲敝節據官軍告稱乞照京通二倉事體投文到倉卽與進糧進完卽曬曬完卽收勿得稽延守候或令十日一次到京報完該戶部題奉欽依通行欽遵訖今據前因爲照該總官軍呈稱天薊二倉曬收延遲欲求并限比較蓋因近年責限止及運官而不及倉官遂致倉官乘機求索愈致稽遲乞要議處職等竊惟糧運稽遲其弊

玩鹿亭稿卷六

三四四明叢書

約園刊本

有二一則運官運軍窺知在船耗米數多沿途侵欺花費以致虧欠正糧不得完納一則在倉官攢軍斗指以常例爲由索要財物少有不遂縱使糧運進倉完足仍復百計刁難不卽收受中間忽遭風雨動至半月或一月不得收納完足此其爲弊已非一日之積矣今若獨比較運官而遺倉官將益中其姦貪之計恣行捐勒若獨比較倉官而遺運官將縱恣其玩愒之爲愈益稽遲又十日一次到京報完兼行比責此亦責成速完之意但各倉自天津薊州到京往返四五百里若使運官屢

行至京豈惟勞費艱難抑恐曠廢進納爲照天薊二倉各設有戶部管糧郎中主事等官堪以委任且見在彼處地方行事勢亦甚便合無自嘉靖三十五年爲始凡各該糧船將及抵倉之日運官投文戶部總督并巡倉等衙門給限發與各倉并運官各照糧數多寡定限某日完糧戶部卽卽行文令天薊二倉管糧郎中主事等官就彼將運官倉官查照總督等衙門原定限期嚴加比較責令上納一如在京各倉主事之例免其運官數數赴京止是半月或一月一次其該倉郎中主事將收

玩鹿亭稿卷六

三四四明叢書

約園刊本

完糧數呈報本部及移文巡倉衙門知會查考不然或令運官一月一次赴京呈遞完欠數目因行比較如有延捱日久糧運不完及掛欠數多審有侵欺情弊者就將運官旗甲人等參送法司問擬追併不必復待運回致令展轉遲延如此則夙弊可除繁文可省而糧運亦不敢久稽矣惟復仍舊赴京比較施行

一復舊規以紓疲軍據江北等總把總運糧以都指揮一體統行事指揮使等官張弧等呈據歸德等衛指揮千百戶趙滂等呈稱漕運舊規旗軍領兌糧米運船駕至



張家灣等處住泊坐糧衙門撥給外河剝船將糧剝運石土二壩通糧則車戶搬運京糧則襄河由開旗軍只在各倉候糧米至日交納輕齎銀兩給與腳價騰出空船即日趕發回南止留一旗一軍在後完納此是經常舊規旗軍尙多負累近蒙改派空運至密雲昌平等處作爲邊糧每運船一隻裝糧三百餘石其牛欄山水淺須用小船七八隻或十數隻剝運軍少船多防範不周至于起旱之時車戶人等四散行走尤難照顧往往中途偷盜潑散追陪數多竊思糧運自水次抵灣跋涉月

玩鹿亭稿 卷六

三五四明叢書  
約園刊本

久指望至灣交卸少得蘇息卻又令其空運水陸復有二三百里十分苦累乞賜轉達免其空運只照舊規運至京通二倉交納實爲萬便等因具呈職等查得議單節年題奉欽依止是運至京通二倉原無送至牛欄山事例近自一二年間委因北虜侵犯古北口等處動調主客兵馬錢糧不敷乃遂有改運牛欄山之議此亦因時轉輸以供軍餉事理職等何敢不遵但思近年各處地方災傷重以倭寇道路梗阻交兌爲難其各省如期兌完者少過期者多比及兌完起運已犯住俸降級之

例此其轉運之苦一也又運官運軍自江淮一二千里赴山東河南水次領兌比運至通州已極困憊正望息肩而復重以此役實是筋力盡轉運不前且南人至北道路不知僱倩車戶腳夫人等十分指勒典衣鬻櫓艱難萬狀此其轉運之苦二也及職等查得先年該戶部主事胡致和建牛欄山水運之議節經該部行巡撫等衙門覆議逾年未報彼時蓋已知其難矣且今由通州分水以至牛欄山水道八九十里雖有小船剝運之勞亦不敢辭惟自牛欄山至密雲石匣等處則陸運險阻遠方疲困之卒實難爲力及照近年宣大亦嘗空運俱是戶部題行順天府起車或運至宣府或運至懷來戶部出給官銀僱腳原非運官轉輸此于軍民兩受其惠其在今日亦乞議處將原議糧米止照舊規運至京通二倉上納如或以近議已定則止運到牛欄山交卸其腳價亦不敢煩費戶部就于輕齎銀內動支但乞行文各該坐倉員外或密雲昌平管糧主事督令彼處通判州縣等官給領前項官價僱車裝運至密雲并石匣昌平等處如輕齎銀兩不足則於新加耗米三升內出

玩鹿亭稿 卷六

三五四明叢書  
約園刊本



辦則公私亦兩便矣等因到職卷查嘉靖三十二年該戶部議擬備行漕運衙門查將三十三年山東河南應運京通粟米內撥一十五萬石運至密雲昌平為主客兵糧之用其薊州密雲昌平班軍行糧共五萬六千一百八十八石除薊州該一萬二千一百四石七斗照舊轉運外密雲該三萬四千八百一十石八斗昌平該九千二百七十二石五斗俱比照小灘至臨清事體於原兌地方除應加耗米外每石量加米三升以爲盤剝之費徑由通州水路運發密雲昌平收貯聽用仍要將頭

玩鹿亭稿 卷六

三七四明叢書

約園刊本

幫船糧撥發等因備咨漕司遵照分派江北等總空運嘉靖三十四年七月內該戶部咨爲儻運糧儲事內開會議嘉靖三十四年漕糧查將原派密雲鎮主客糧米一十五萬石內量改六萬石運昌平鎮四萬石准作主兵二萬石客兵隨宜參酌支用以後年分查照派撥施行等因備咨前來除案候查撥運納外今據前因職等竊惟法貴通變亦貴宜民南糧節年運至京通二倉者國家經常之制也改運至密雲昌平以濟軍餉者一時濟邊之權也維今倭寇四出東南民力已竭其運至京

師亦難矣而可復重以遠輸之苦耶易曰通其變使民不倦神而明之使民宜之語曰強弩之末不能穿魯縞其在今日通變宜民之道亦不可不爲之所矣如蒙伏乞聖明軫念民艱將遮洋等總糧米止照先年舊規運至京通二倉上納完足出給通關卽令回空南去不誤下年糧運乃爲長計惟復令其運至牛欄山交卸戶部行委管倉郎中等官就彼收受督令府縣等官議處或于牛欄山蓋造倉房寄囤或令車戶人等支領腳價般運至密雲石匣等處少紓軍因此亦一策又或不然則

玩鹿亭稿 卷六

三七四明叢書

約園刊本

宜查照京師官軍半年下通州倉支糧事例令密雲石匣昌平等處官軍將應得月糧自牛欄山等處各自般運回營用度則軍餉民情實爲兩利矣此於運事尤切乞賜矜處一專責成以重國計查得近該戶部咨開漕糧四百萬石係額運軍需少有虧缺例當卽時措置完補今查以前年分至三十三年止額運數內每年各有掛欠漂流一總或數計盈萬本部雖履行撫按并漕運衙門督催百無一二完結照得各該把總職任一總運務攸司先



該本部題奉欽依議得各該把總但有掛欠漂流不許推陞縱有遷轉聽本部參留等因在卷近節准兵部咨開下江把總郭全仁湖廣把總常勳江西把總華蓋江北把總姚灃江南把總朱冠南京把總張建節俱陞任去訖且節年掛欠漂流之數皆各官經手錢糧若既離任則將來愈難完結合行移咨前去煩照本部先題准事理將前開陞各把總備查領運經手糧米除一總下通計欠少不勾千石者著落新運把總補運不必拘留外其掛欠數多至二千石以上者拘留在淮完結一面

玩鹿亭稿 卷六

三五四明叢書

約園刊本

參奏前來以憑從重參究情輕者完日行令赴任情重者革任等因備咨到職爲照漕運四百萬石係干軍國之需是故漕司自總兵參將而下設有把總都指揮有署都指揮有以都指揮體統行事者俾之總司一總之事官階既崇人心自服其漂流者令其處補掛欠者令其嚴限催徵至于緊要重大甚有關係者則尤在總領輕齎船等項銀兩每年以千萬計皆此一人典司出納之權也可不慎乎查得正德五年四月內該都御史屈直奏該戶部議擬題准漕運把總等官三年以上果

有廉能幹濟運糧依期不至借債者准於實職上陞一級總督總兵等官務要從公推訪愜服眾心不許徇情聽囑有辜恩典等因在卷故先年推陞把總俱在十月十一月漕運會議之後必查得把總官糧無掛欠銀有羨餘方纔推陞其在正月二月以後漕務方殷則不復推用此其立法良有深意今照嘉靖三十四年自二月起至四月止不及半年陞遷把總運糧官郭全仁常勳姚灃華蓋朱冠張建節李忱共七員且正在糧運過淮之際而各官忽叨遷轉在本官則棄原官爲弁髦幸以爲脫身之謀在他人則視本官爲贅疣實無服從之意是之謂臨敵易將矣關係豈其微哉且交承官員倉卒前來罔知頭緒其漂流者何項抵補掛欠者遽難催納至於輕齎銀兩則出入盈縮之間其有無侵欺皆不能毫分而縷析矣緣係先年題奉欽依事理況准戶部明文咨行前來除將各官欠糧二千石以上如常勳等各行拘留完納外及照各官陞轉多係湖廣等處都司僉書閒散官員原非軍前聽調緊急之用職等失今不言萬一將來復有遷轉不無變易漕規重誤國計如蒙伏

玩鹿亭稿 卷六

四十四明叢書

約園刊本



望皇上軫念漕運重務敕下戶兵二部會議凡運官應該陞遷者仍須查照先年題准事例每年完糧之時令戶部并漕運衙門查將糧無掛欠銀有羨餘把總指揮等官開送兵部查果係三年以上者照例加陞其遇有軍情緊急不次陞擢者亦須於內參酌巡按巡倉等衙門疏薦推用中間但有掛欠凍阻者雖有論薦不得推陞仍乞載入議單永為遵守如此庶事有成規人有固志而僥倖速化者將無所容矣

一均法例以勵運官查得戶部議單正月終有司無糧

玩鹿亭稿 卷六

聖三四明叢書

約圖刊本

軍衛無船者府州縣掌印管糧官領運千百戶各住俸半年二月終無糧無船者府州縣掌印管糧官領運指揮千百戶住俸一年若延至三月終船糧不到者提問降二級四月終船糧不到者連布政司掌印管糧官領運把總通行提問各降二級等因近該戶部咨為饋運糧儲事內開嘉靖三十一年投文到部送納未獲通關并次年二月終不完及漂流等項照例問罪降二級閒住浙江等總杭州前右等衛指揮千百戶等官邵昇等共二百六十餘員節又准

清查侵欠錢糧未

完通關事內開領巡嘉靖三十三年分糧米次年二月終完糧違限照例降二級山東等總任城等衛指揮等官許遷等共五十九員俱經會行漕運理刑司提問降級去後查得一二年間參降運官共三百二十餘員職等竊惟完糧違限重誤軍儲住俸降級載在議單所宜遵守夫復何言但照近年各處地方災傷重以兵燹小民上納艱難多不如前其在有司無糧者豈止三月終而已至過四月終欠糧者恆十之三四又軍衛運官羈累水次已違過淮之限縱使過淮亦已違完糧之期其各該監兌饋運等官止照舊規一時概參今一二年間黜降至三百餘員其各該衛所每遇京操領運實是缺人差遣且指揮降千戶千戶降百戶百戶降總小旗只待終身之日子孫襲替方纔復職職等查得見行條例軍職有犯監守常人盜受財枉法滿貫等項立功五年滿日還職帶俸差操其餘減至杖九十徒二年半以下與別項罪犯俱照常發落原係管事者照舊管事原係帶俸者照舊帶俸此天下之通例也今照各該軍衛等官止以運糧違限公罪反致終身廢棄情似可原且較

玩鹿亭稿 卷六

聖三四明叢書

約圖刊本



諸有司并布政

為偏罪通合議處

如蒙伏乞聖明軫念時事艱難運政凋敝查將各總衛所自嘉靖三十四年以前除犯賊情罪深重及漂流虧欠數多者月行議處外其犯該完糧違限并軍船到遲降級官員敕下該部會同法司議擬題請候命下之日備將各官行各該撫按衙門或理刑主事查勘果無別項重情姑照軍職立功事例已及五年者准令復職未及五年者候滿日准復各許改過自新聽候委用如或以節年議單已定一時未可盡復或降級至十八年或

玩鹿亭稿

卷六

四四明叢書

約園刊本

十年姑行准復則懲創已久自新有日而曾經領運人員亦不為終棄矣其但係託病避運棄撤船糧逃回等項問擬降級者並聽終身子孫方許復職不許一概妄行援例如此庶法例惟均勸懲允當庶官亦得勵志於運矣

一申舊議以整漕規據浙江把總運糧以都指揮體統行事署指揮僉事朱仁呈照得漕運通志內一條每衛指揮二員分番修船運糧景泰五年該總兵官徐口具奏江南船隻經涉江湖車壩損壞原擬各衛掌印官指

料協同整理近年多不遵守往往稽遲起運又先年各衛原有指揮二員運糧後暫停止今合照舊每年一員管運一員整理船隻聽候下年輪運守禦千戶所亦同聯觀此條誠為便益何者如浙江兩總運船近遭黃河水患船多漂流無存及至湊運抵灣起糧上納軍船先回而總運指揮千百戶等官仍復羈縻在京掣取通關其軍與船無人管束修補直至次年正二月間各官方得南回乃亟欲於數日之間行文於數百里相隔之府衛催解料價修船淺船補軍整甲不亦難乎是以各種有旗缺船有船缺軍凡此皆由分理乏人幹濟不預之過也呈乞議處查復舊規以便糧運等因職等竊惟凡事豫則立不豫則廢而況漕運係軍國之需必須得人協心預慮庶為有濟查得各總衛所官員有掌印有軍政佐貳掌印者掌一衛之事軍船皆其所屬運糧佐貳官則代掌印官分理原非判然為二事也但近年各該掌印者以運務一付之佐貳官其船之修否軍之有無漫不加意蓋由利害不切于身考察無預于己是以缺軍罔肯僉補料欠不行扣追犯罪脫逃者不行拏解富

玩鹿亭稿

卷六

四四明叢書

約園刊本



豪隱避者受賄改差而領運官員倉卒回還復欲赴兌  
又焉能一一整理之乎是則不獨浙江總分爲然而湖  
廣江西上下江南京等總糧運愆期率多由此緣今歲  
正當考選軍政之年諸凡事務可以選定如蒙合無查  
照申明先年總兵官徐棊奏行事例自嘉靖三十五年  
爲始通行各該巡撫等衙門查將所屬衛所等官務選  
材幹指揮二員定擬一員掌印一員運糧一遞一年分  
番領運如三十五年佐貳官領運赴京其掌印官在衛  
不妨原務卽行預整三十六年運事軍有逃亡卽爲僉

玩鹿亭稿 卷六

四十四 明叢書  
約圖刊本

補船有損壞卽督修造派下新糧就便行文依期催償  
事事完備候領運官回交代印信令其署掌本官卽遵  
照議單限期於正月內起行赴兌早圖完納其下年運  
糧事務則署印者在衛照前預理停當輪流上運以効  
同舟共濟之義如有怠緩誤事者聽漕司并撫按官參  
拿究問如果係緊急地方掌印官必不可缺該衛堪用  
指揮有餘則定擬指揮二員分番上運亦聽從其便如  
此則庶乎事有責成官無曠廢而國計漕規亦或可得  
修復矣

一議分理以速漕務竊惟漕運之設專備上供及京邊  
仰給之需關係實重國家設有總督都御史又有總兵  
有參將蓋俾之各司其事各効其勞事乃有濟爲照淮  
安爲南北要津議單內各總兌運糧米俱載有過淮之  
期其各處軍衛有司開兌時則畏監兌僱運郎中主事  
并巡按御史查參既兌後則畏職等在淮稽考比較是  
故率以過淮爲重且每年三四月間漕運參將復至瓜  
州儀真等處催償故人多罷勉爭先過淮無敢後者一  
自過淮之後以爲職等給過幫帖無復事矣其把總并  
指揮千百戶等官乃遂夷猶自得在途遷延或販賣土  
宜或收買貨物甚或把總并指揮乘坐大轎張傘登陸  
或以漕卒送人拽船或以漕卒恣行私役展轉遲延罔  
知畏憚此其有誤糧運一也又自淮以至邳徐波濤洶  
湧逆流而上舟行甚難故嘉靖三十一二年間率三四  
船共輓一船方得牽拽而上糧多人眾非有尊官以統  
蒞而聯屬之鮮克濟矣此其關繫糧運二也又近年南  
直隸湖廣江西等處運官運軍人等侵費官糧慮無陪  
補往往駕言徐邳等處黃河溜急中途漂流覆沒者無

玩鹿亭稿 卷六

四十六 明叢書  
約圖刊本

補



歲無之雖經行勘大段地遠年久聞見失真亦徒取具文書而已今嘉靖三十四年五月內淮戶部咨該本部總督左侍郎盧口題稱鎮江衛運丹陽縣糧米漂流宿遷縣具老人宋通一勘結遂爲遮飾此其爲弊已非一日之積其虧損國賦不已多乎此其蠹害糧運三也又近年江淮盜賊出沒無常往往焚劫糧船重爲運阻近該兵部題奉欽依命都督周于德江南防護遂得無虞是亦近年事例昭昭可見者此其關繫糧運四也職等查得嘉靖三十二年六月該刑部左侍郎吳賑濟淮徐

玩鹿亭稿 卷六

四明叢書

約園刊本

條陳封事其一曰重守鎮謂徐邳當兩京之衝須職重者居此控扼庶幾人心有所畏攝欲將淮安參將常在邳州駐紮往來淮徐訓練兵馬防守城池此爲曲防至意于時因是不專漕務未卽舉行今該漕運都御史陳口親到地方七月間會河道都御史曾口謂淮北一帶缺官催督糧運乃遂稽遲且復滋弊合行議處題請以裨漕務如蒙乞敕下戶部再行查議如果可行候會議已畢之後令總兵參將卽便回南在淮經理下年糧運事務至次年正二月間參將先赴瓜儀經理過壩過關

次第待至三四月糧運湧到之日本官到同勘處自淮以北一帶糧運由清河直抵徐州嚴加催督令其日夜前進如有水溜則多方牽輓漂流則就近覈實其有多帶私貨卽行盤詰一或有盜賊生發卽行緝捕務要周旋其閒夙夜匪懈如果糧運之到稍遲就于邳州暫行駐紮將邳州并桃源宿遷清河等處各城操并民兵快手民壯等項時加操練聽候往來調度防護一則可以速京儲一則可以控要害緩急良有攸賴矣其淮南糧運則職等會同委官或把總或府衛官多方催儻如或稽遲廢格則職與巡撫都御史不時巡歷所屬地方親行督責務期早完載在議單永爲遵守如此則眾志攸同而事務畢舉其于國計不無小補矣

玩鹿亭稿 卷六

四明叢書

約園刊本

玩鹿亭稿卷六



玩鹿亭稿卷七

明鄭萬 表鹿園著

男達甫編輯

文移

淮大二衛告缺月糧行巡撫都察院

為乞憐軍歉拯給月糧救濟生命事據淮大二衛見運軍餘家屬陳海等狀告前事海等各有子姪兄弟夫男在船駕運所有應給月糧除節年缺欠數多一時未敢開告今年分蒙本衛造四箇月糧冊送府於四月內各

玩鹿亭稿 卷七

一四明叢書 約園刊本

軍南來再三哀告止給糧兩月稍得漿補衣衫此去遺棄父母妻子在營正遇年歲凶荒柴米價高有役過操運老疾廢殘不能動履者有餓損染患瘟疫時病將垂死者眾口嗷嗷缺食救命老幼饑饉日夜悲啼不能覓討全家委實不能存活惟望月糧濟度如蒙可憐乞將本年分未支月糧先行查給兩三箇月急救性命以後月分再乞查明准給庶慰貧軍仰望有此苦情具告連名狀陳等情行聞又據春秋兩班操城操守門局匠疾幼等軍謝蘭等各告相同據此隨行淮大二衛先將嘉

靖二十年起至二十五年止各軍已未支過月糧備查造冊繳報前來查得淮安大河二衛裏河運軍月糧嘉靖二十年分淮安衛未支八箇月大河衛未支九箇月嘉靖二十一年分淮安衛未支四箇月大河衛未支七箇月嘉靖二十二年分淮安衛未支四箇月大河衛未支十一箇月嘉靖二十三年分淮安衛未支四箇月大河衛未支六箇月嘉靖二十四年分淮安衛未支三箇月大河衛未支九箇月嘉靖二十五年分淮安大河二衛裏河運糧各支二箇月餘尙未支其遮洋見運節年已未支月糧多寡不一大約與裏河運軍相同其減存運軍月糧奉例抵扣料銀修造船隻者多皆無支其邳州衛東西二海所尙未查報缺欠尤多及查兩衛春秋兩班京操者惟起程之際各告支四箇月餘亦無支其城操海操守門備倭局匠老疾等軍歲支不過二三箇月有全無支者查據得此為照官軍俸糧朝廷所以養贍官軍按月給之謂之月糧以故先年皆按月關支未嘗遲缺蓋身役于伍食寄于官為有司者一方在官之人所共仰食故以歲計之以給一歲之用且如一年會

玩鹿亭稿 卷七

一四明叢書 約園刊本



計除起運若干災免若干官吏俸糧若干師生膳米若干衛所軍士月糧若干必先爲之徵派務使足給如民間一大家其賓客之費僮僕之食農莊之需亦必歲計之事同一理蓋未有忽然置之而不爲之處給者及照淮大邳三衛并守禦東西二海所操運等項官軍俸糧舊例坐派淮安府二州九縣該本府大軍等倉存留夏麥秋糧米豆并淮大邳三衛屯糧籽粒相兼本府稅課司局商稅課程給放不缺今淮大邳三衛軍士歲歲缺食略不爲處但曰無糧竟無查據及又行據淮安府將

玩鹿亭稿 卷七

二四明叢書  
約園刊本

原派各州縣未完錢糧并商稅銀兩查報前來中間隱細雖未盡知而其所以缺糧支給者大約有三其一有司不重農桑淮安各州縣地土荒蕪者多而人民逃亡者眾蓋人民之逃亡者日眾則地土荒蕪者日多且如一里若干戶其一戶逃亡則一戶錢糧概里爲之陪納逃亡兩戶則陪納兩戶逃亡漸多陪納漸重陪納漸重逃亡漸多地土豈不荒蕪錢糧安得完備月糧何由足給夫荒閒田土召民開墾蠲其稅糧限滿科徵者俱有祖宗明例節經申明卽今有司每年凡遇上司按臨憲

綱冊內首先開答但不肯著實奉行不過爲紙上故事以致澤不下究荒蕪如舊良以考覈遷轉原不係此故也其不視地方如傳舍者幾希孰有以生民爲念者哉且今淮民之有田不能耕種者只少牛具所用黃牛二隻爲一具不過用價二三兩再給以飯米一石可耕一頃有餘則是得銀四十兩便可開田十餘頃歲可望收千斛而於地方亦多千斛之糧雖不能盡爲之開墾而一縣用銀四十兩亦易處辦若試爲之以次開墾則荒蕪漸闕收穫漸多其爲地方之利不細其極低窪之處

玩鹿亭稿 卷七

二四明叢書  
約園刊本

亦可樹柳爲薪以充糧稅苟存誠於爲民殆無不可爲者又往年嘗至清河等縣地方督淺親見耕熟地土切近居民門首者亦任其長草嘗怪而問之則曰此逃戶之田也若拔田中一莖草則里甲便來追要原戶節年拖欠之糧故不敢種及問其見年糧稅何人出辦則曰里甲共陪夫里甲何愚也就令附近之民從便耕種雖不能償宿欠之糧亦可以代見年之稅就見年免稅以後亦固有望若竟不敢種而終使荒蕪陪納寧有了期大抵只州縣官不爲之主耳若查逃戶之田使附近居



民有力耕種者給與印信帖文執照不許里甲追要宿欠之糧仍照例免稅限滿科徵則人誰不種但種得一畝得一畝庶田土不致荒廢里甲漸免陪累官府亦便催徵將來逃亡漸可止矣此皆不費給銀區處者亦何所憚而不肯爲哉然此亦須州守縣令留心于此身親區畫非泛常委之里甲文移查報而可行是以難也竊以爲不務開墾而止逃亡終無以爲月糧之本開墾既多逃亡既止則又豈特爲月糧之本而已哉若夫水旱荒歉所不必論蓋水旱荒歉雖云災變而事實常成化

玩鹿亭稿卷七

五十四明叢書

約園刊本

弘治間倉廩實軍儲足之時亦未嘗無水旱荒歉之災也蓋耕穫常理也若云荒歉而罪於歲不務開墾豈有不耕而穫之理故曰所不必論也其二糧里收頭串同吏書徵收侵隱襲以爲常其弊有不可言而各州縣管糧官一到卽吞猾餌莫敢誰何惟其所使曲爲庇護但曰無徵州守縣令竟不之察及府行催但亦曰無徵乃以蔽護僚吏糧長收頭撐持上官爲有力量而府管糧通判令已不行於州縣知府惟以州守縣令之言爲信本府該吏又相扶同遂亦曰無徵上司問以官軍月糧

則曰無糧而其所以無糧與是否無徵竟未嘗爲之深究豈不重誣上而蔽下也哉今據該府所開本府倉各州縣未完之數然不謂全是有徵俱屬侵隱中間亦有無徵亦有有徵者且如每年之所派徵如起運兌改糧若干鳳陽倉糧若干徐州倉糧若干常盈倉糧若干本府大軍等倉糧若干每年先儘起運其次卽儘鳳陽倉糧蓋鳳陽倉有坐倉主事又有巡倉御史參問例嚴故也徐州與常盈倉各有坐倉主事經營督催而無巡倉御史事得稍緩又次及之惟本府倉糧每年但穀完給

玩鹿亭稿卷七

六十四明叢書

約園刊本

官吏師生俸廩則已至於官軍俸糧有則量給一二月無則遂止未完之數遂不追徵其糧若可已者又且向無人查以故各該吏書糧里收頭人等皆得緣以爲奸恣爲侵隱慣得其利但說本府倉糧便作肥家之想且如荒歲無徵猶可諉之荒歲至於成熟之年官軍俸糧每年亦只支得二三箇月固無加於荒歲之不給者何也然謂之無徵不可也謂之非弊不可也其弊多是糧里收頭串同積年書手爲之豈但官不之知雖該吏亦未知之也官吏常易而書手未嘗易故也又聞有錢糧



起解至府前而復回分侵者此亦皆書手之弊其由實本於該府官不以軍士月糧爲念置之度外故奸小得以窺伺而爲之爾況吏書只利放支錢糧之少而不利其盈足蓋少則可俟衛所之謀幹乃爲呈請而方與之如其盈足按月放支皆各人應得之糧何人謀幹支領則不須呈請爲矣然此豈特三五年來之弊其所積漸者深也再查該府申報查過各州縣自嘉靖十六年起至二十五年夏稅止總計十年原額該徵府倉夏麥八十三萬五千七百一十石秋糧米一十七萬三千三百

玩鹿亭稿 卷七

七四明叢書 約園刊本

四十四石二項共該額糧一百萬九千五十四石內除奉例減免三分并災傷勘實蠲免糧三十四萬四千三百五十八石實該徵夏秋米麥六十六萬四千六百九十六石於內止徵完一十一萬八千四百二十四石未完糧五十四萬六千二百七十二石申稱各縣不行徵解恐非盡是小民拖欠若不專委公正一官素有風力心計者爲之清查剗革前弊則無以圖新而軍士絕仰食之望矣其三稅課司局商稅課程一向俱同本府倉存留夏麥秋糧米豆并屯田籽粒盡數相兼給放軍士

月糧近來存留夏麥秋糧米豆各州縣拖欠無徵數多以致缺糧固應遵照見行事例卽查倉庫錢糧或別項區處補給今該府既不區處補給卻乃反將原派商稅銀兩留以糴穀備賑以致反招物議其夏麥又挪作起運甲丁二庫顏料之用是以官軍俸糧愈缺關支矣今以夏麥挪作顏料猶爲有說至於商稅銀兩必是放給月糧有餘方可糴穀備賑舊例卽以各衙門贓罰糴穀備賑者正以其無礙也今奪軍士應得之食而以備賑其可通乎然獨備賑爲有司之事而給軍又非有司之

玩鹿亭稿 卷七

八四明叢書 約園刊本

事乎亦可謂不知體也且先年軍伍充足食之者眾嘗聞軍儲足給食廩盈餘今軍冊戶口歲減僅存原額之三四食之者寡比之先年宜有餘積而反告匱者似無可說蓋不出乎以上三者之弊也夫國家養士所以待有事而備不虞今雖所養非所用而見今淮大邳三衛軍士春秋兩班京操者千里裹糧以趨役況又有到京工價之納鎮江南操者路雖稍近而身操於彼令妨生計遺棄父母妻子在家與京操者均無仰給其裏外河運糧者則駕運往來父母妻子終身遺棄其在城操者



則有南北往來差使迎接護送上至邳州下至高郵一差動經旬餘往返豈能空腹又有兩班京操與南操之幫貼屯田荒糧之陪納然各軍雖用有不同要皆身役於官而未嘗寧處者也且有諸項出入之費豈可無糧而役之假使月糧一年全給內除一箇月作為公費半箇月扣為廠料顏料只得十箇半月今每米一石給銀三錢一軍每月八斗只該銀二錢四分一年所支十箇半月總計只得銀二兩五錢二分尙不足一人之食如上年米貴每石價銀一兩五六錢只糴米一石七斗

玩鹿亭稿 卷七

九十四明叢書  
約園刊本

將充何用蓋各軍自己衣糧在此父母妻子仰給在此一應盤費幫貼京操工價出辦在此全給亦不足濟何況缺給乎是以各營老幼眾口嗷嗷飢寒待哺求乞無門流徙困苦疾病啼號誠有不忍坐視其死亡者今有司任其飢寒至死而不恤誠不犬馬畜之然此輩亦人耳實非異類其同胞一體之義何在也且兩淮為南北喉襟之地武備不修久矣比來逃亡者眾戶口數減差役繁重分疏不下武備豈但不修亦不知所謂武備也今北虜方盛各鎮警報未息識者咸以中原為念昨者

中外所上利害亦以山東江北中原地方皆宜備禦以防衝軼而自古徐邳之間雄強桀猾之所隱伏其畜不逞而待變者或多殆不可以不慮而古者安不忘危思患預防之道固不俟其幾見而後備今三衛軍士月糧既缺口食不度所謂救死不贍豈暇他治欲求其親上死長之義亦難矣夫飢不得食寒不得衣雖慈父不能有其子安能有其民哉斯言殆不誣也即今開墾查糧給軍誠為今日地方第一之重務蓋軍安則民安民安則軍安軍民安而地方安兩淮之地方安而中原之本固矣揆之法義察之人情參之時事誠非可緩所據錢糧係巡撫衙門掌行合用手本前去欽差總督漕運兼巡撫鳳陽等處地方都察院右都御史喻口處煩查照施行

玩鹿亭稿 卷七

十四明叢書  
約園刊本

### 議處全運缺船發銀補造稿

為議處漕運事故缺船以蘇軍困以裕國計事先准戶部咨該漕運衙門具題議單內一款補造以濟駕運據南京等十二總把總韓哲等呈稱本總所屬南京龍虎左等衛見運漕船節年漂流損壞不堪拆卸等項各缺



不等共計額船一千七百餘隻爲因年限無滿并底船無存不能補造節年領運只得將糧灑派概衛見船附帶以致載重難行遇淺閣損負累困苦漕司查得先因節年漂流毀壞船隻曾經奏請鹽運司錢糧補造合無仍照先年事理挪借餘鹽銀一十七萬兩買料成造該戶部會官議擬前件行漕運衙門另議回奏題奉欽依備咨前來又該漕司覆議得各總事故缺船一千七百餘隻近年爲因河道梗阻打洪放閘損壞及守凍回遲遺棄等項所缺之數又不止此去冬荷蒙聖恩軫念漕

玩鹿亭稿 卷七

十二四明叢書

約園刊本

河艱阻軍民困憊准將嘉靖二十一年分漕運糧斛減折三分軍船亦省三分臣等罪過少道萬一深慮來年全運本色前項缺船計該裝運正糧六十餘萬石若使加派豈能盡載許多但前請鹽銀既該本部查革所缺船料動以萬計委難別處查得今年漕銀減折三分隨船旗軍得減四萬二千餘石各辦不等大約共該辦納料銀九萬三千餘兩俱係奉例於月糧銀內抵扣之數應該陸續解淮或于各省收貯以候及年打造并修捻船隻之用除當年修船用過約計一半其餘尙有逃亡

事故等項不扣外若嚴加徵處僅得三四萬兩可以補造缺船三四百隻仍將嘉靖二十二年分漕運糧斛照依今年事例減折三分或查照有災去處減折五六十萬石以拯前項缺船裝運所存旗軍亦照例徵辦料銀除用當年修船之外餘者亦聽徵解補造缺船二年間可得補造七八百隻派給領運其餘缺船陸續修補等因具題該部議擬題奉欽依備行前來已該前任總兵官顧口會同漕運都御史張口備行浙江等十二把總官轉行所屬衛所各掌印領運催料等官并各該司府

玩鹿亭稿 卷七

十二四明叢書

約園刊本

州縣將嘉靖二十一年二十二年分減存軍辦料銀照例于月糧內扣解赴淮及委造船把總并指揮等官許信等十員前去各總查催解報去後續據湖廣把總指揮丁奎呈稱湖藩木植萃聚之所事故缺船若赴淮廠造補不無往返不便要將前銀免其解淮留彼造船緣由前來亦經准擬其餘江南中都南京江西浙江等處節據委官催解各年料銀大約有四五萬餘兩俱經驗發淮安府貯庫比因節年漕糧奉例災免本色減派折銀大半用船數少是以前船未經補造今照前因會同



都御史喻口議得來歲糧斛近該戶部題奉聖旨漕運糧斛歲輸四百萬石悉徵本色係國家之舊規如何節年任意減免過半欽此為照全運本色伏承明旨督責甚嚴連年因災傷減存大半用船數少將就選揀堪駕船隻裝運明年全運糧斛缺船數多將何裝運所據前項事故缺船雖經題請補造尙未興作相應急為整理及查先年三次補造船隻原因流賊燒燬及節年漂失大患積壞之數比來燒燬漂流歲報有數屢歲積計尙不盈百挨年又復改造今又報缺船一千七百餘隻者

玩鹿亭稿 卷七

十三四明叢書 約園刊本

其故原不在燒燬漂流也蓋近年以來各廠造船公私費用太多船不如法堅完如江北十年一造者每每只駕七八年江南五年一造者僅駕三四年甚有未及造完不曾出廠而即沈水者以故缺船數多雖歲借官銀補造亦無補足之理當時只為目前應濟之計不暇細究遠圖而嚴切于造船之始只言補造是以無救於今日之缺為今之計若再因循則歲歲缺船寧有了期所謂三年之病求七年之艾苟為不畜終身不得所據查究以為後圖誠不容緩今查嘉靖二年以至十一年民

七大料俱只用五十兩或造一船至十二年增銀四兩五錢十四年又增銀二兩二十一年又增銀三兩五錢共增至六十兩加以軍三小料三十五兩并底船貼造無底船者又給銀二十兩每船一隻共銀一百一十五兩其價不為不足船隻固應比前堅完而積弊既深所加銀兩未見有增于船料商人又將空心木植混送付廠解板黏補印貼將就打造又各廠官賢愚不一所領小料三十五兩公私費用其灰油釘麻賒挪苟且豈能堅緻足駕十年而造船把總每每不行用心全不稽考

玩鹿亭稿 卷七

十四四明叢書 約園刊本

此亦數年因襲之弊也及照各總運官勤惰不一交糧畢日不行的當委官督押空船回還以致貧難缺人撐駕遺棄中途漂失損壞其減存在家停泊各處河下者又有看守不謹苦蓋不周以致損壞其浙江台州等衛又有灣中盜賣情弊缺船之故亦叢眾弊非止一端相應通究今既慎之于造船之始又嚴之于領駕之後庶幾以後可免缺船矣但今嘉靖二十六年全運糧斛緊要用船前項所圖乃為後計遠不就急所據前項補造一節勢不容緩及查先准工部咨為議處休息船料以



便糧運事內開通行各該撫按官嚴督司府衛所掌印等官自嘉靖十年爲始將各總衛所減存軍辦料銀就于各軍當年應支月糧銀內扣抵在官以備修船并補造事故缺船之用等因題奉欽依備咨前來俱經通行欽遵外查得各總節年俱有減存旗軍該扣料銀不下數十餘萬兩內江北等總每年間多解淮貯庫支用惟江西浙江并上江等總解淮甚少遞年俱扣彼處官軍止是修船支用數亦不多其支贖者銀數甚多俱係補造事故缺船之數與年例料銀無干除候行各總查報

玩鹿亭稿 卷七

十五 四明叢書

約園刊本

未補造及查數內江西上江江北揚州等四總雖原報缺船頗少況與各總今又俱隔四年之後各總未報又有漂失等船不知數目應合于前缺船數內先行量造七百餘隻一面行府動支庫貯前銀七萬兩委官分投買木補造派給裝運一面查修減存舊船以備全運之用其有不足之數各總作速查明議處呈來定奪再查遮洋總額運糧米內有常例折銀十分之六本色四分船可敷用山東總耗少船輕可以加帶湖廣總缺船近年補造足數外合將前補造七百隻內派浙江南京江北淮安中都五總各一百隻下江總六十隻江北揚州總四十隻上江江西二總各五十隻其江北南京等五總船隻查照上年補造舊規在于儀真等處浙江下江二總船隻在于蘇州上江總在于安慶江西總在于九江各近河地方取便設廠成造所給料價查照原議題准每船連底給銀一百兩俱行淮安府呈送漕運衙門當堂驗發其銀數已免虧折木植釘灰油麻等料俱用見銀收買匠作隨便僱用別無公私等費雖比清江廠年例船料少銀一十五兩亦已足用但使承委得人事

玩鹿亭稿 卷七

十六 四明叢書

約園刊本



亦克濟今照衛河造船把總指揮黃印浙江造船把總  
 指揮牛天賜各廉能詳慎堪以管造南京等五總船四  
 百四十隻原任江北把總杭州右衛指揮朱鸞嘉興所  
 原運糧今掌印指揮鞏洋各老成勤幹堪以管造浙江  
 下江二總船一百六十隻造船把總張天爵管造本總  
 船五十隻江西都司委官管造本總船五十隻各協併  
 提調其分理等官江北造者聽於清江廠內浙江上下  
 二江江西聽于該廠或減存運官內各責委差用支領  
 府庫料銀七萬兩分領前去蕪湖等處收買木植等料

玩鹿亭稿 卷七

十七四明叢書  
 約園刊本

各赴所定地方聽造各該廠務另行委官帶管仍行各  
 總查撥全無底船旗甲并帶長行船軍四名赴廠領料  
 執匠興工并查各船年分原造字號造冊在官候及號  
 之年行廠扣將軍民料價解淮貯庫擬合通行各總并  
 清江等廠施行

玩鹿亭稿卷七



明鄞萬 表鹿園著

男達甫編輯

道經贅言

道可道章第一

道可道非常道名可名非常名

常者真常不變者也可道可名以其有實實則有形  
數形數則有衰壞故曰非常蓋神無方而易無體無  
方則無可道無體則無可名何變之有乃所謂常也

玩鹿亭稿 卷八

一四明叢書  
約園刊本

無名天地之始有名萬物之母

未有天地先有此氣未有此氣元是玄虛何名之有  
故曰無名天地之始既有此氣即有陰陽既有陰陽  
即生萬物故曰有名萬物之母

故常無欲以觀其妙常有欲以觀其徼

不思善不思惡正是本來面目此即喜怒哀樂未發  
之中此即真常不變之體即無而真有也萬化生焉  
不有以觀其妙乎然有雖真有其歸本無所謂萬物  
歸焉而不知主不有以觀其徼乎故曰徼者歸也

此兩者同出而異名同謂之玄

雖有有無之名而實無有無之別故皆曰玄所謂水  
即是波波即水也

玄之又玄眾妙之門

有無之辨不可勝窮故曰玄之又玄為眾妙之所自  
出非久於內觀深達造化之妙者不足以語此

天下皆知章第二

天下皆知美之為美斯惡已皆知善之為善斯不善已  
不識不知順帝之則乃為至善擇其所謂美善者而

玩鹿亭稿 卷八

二四明叢書  
約園刊本

居之即離體矣緣拘文字總屬識情故曰斯惡已斯  
不善已此蓋為最上一乘者說其餘學者舍此善美  
則將何以持循哉故聖人不得已而立教廣為眾生  
也

故有無之相生難易之相成長短之相形高下之相傾  
聲音之相和前後之相隨是以聖人處無為之事行不  
言之教

有無相生難易相成長短相形高下相傾聲音相和  
前後相隨皆自然之理也如易所謂日月寒暑之相



推屈伸之相感同一自然也然則聖人又何爲哉又何言哉此聖人之所以與天下之爲美善者不同也萬物作而不辭生而不有爲而不恃功成而不居作而不辭盡其性也生而不有體本空也爲而不恃無所能也功成而不居與道冥也

夫唯不居是以不去

諸行無常皆有生滅以其有居也夫唯不居何去之有蓋非不居實無可居耳

### 不尙賢章第三

玩鹿亭稿 卷八

三四明叢書  
約園刊本

不尙賢使民不爭不貴難得之貨使民不爲盜

古之聖人治國治心同一無爲其旨只在齊物使民復性而已若以賢者而尙之則民便有爭爲賢者矣是使離性而有作也以難得之貨而貴重之則民皆競趨取貴故慕紈綺而服布素不足慕膏粱而食菽粟不足其不爲盜已乎

不見可欲使心不亂

不見可欲使心不亂者妄除心息也此承上文而言聖人之治心亦猶是也如上章所謂美之爲美善之

爲善者皆不見有可欲則無所揀擇而心自安矣謂有可希可求者皆見可欲也是卽妄也故妄生則心亂妄除則心息此義最精信心銘云至道無難惟嫌揀擇又云一種平懷泯然自盡是也

是以聖人之治也虛其心實其腹弱其志強其骨

虛其心者中無一物實其腹者一得永得弱其志者心無進取強其骨者不爲搖奪蓋心無進取卽下章之絕學無憂也所謂不起精進心是名常精進蓋本自無瘡勿傷之也人性上豈別有所增益哉

玩鹿亭稿 卷八

四四明叢書  
約園刊本

常使民無知無欲使夫知者不敢爲也

聖人明德新民只是一義吾之絕學無爲民亦無知無欲是以智者無所用其明也

爲無爲則無不治矣

凡爲有爲皆有限量故有不治者是以聖人但爲無爲則無不治矣此總結聖人無爲之治

### 道冲章第四

道冲而用之或不盈淵兮似萬物之宗

不盈者無滿足也凡實則有盡虛則無窮道以虛應



萬變而無窮似無而有淵深莫測故曰似萬物之宗也

挫其銳解其紛和其光同其塵湛兮似若存

挫其銳者元是渾然解其紛者元是無爭和其光者元不異物同其塵者元不離塵湛兮似或存存而無存也道體元自如是曰挫曰解曰和曰同非實有功可用也

吾不知誰之子象帝之先

吾不知道所從生而先天地生似可象也主宰萬物

玩鹿亭稿 卷八

五四明叢書  
約園刊本

之謂帝

天地不仁章第五

天地不仁以萬物爲芻狗聖人不仁以百姓爲芻狗

天地以生物爲心而未嘗有心於必生聖人仁民愛物而不留情於仁愛故似不仁芻狗束芻爲狗古之祭祀所用用時則致敬及已則棄之故以喻萬物百姓蓋天地聖人之心於萬物百姓元無係累此其所以廣大而無窮也今人但知仁之爲仁而不知不仁之所以爲仁也豈慈悲恩愛者可以言仁乎哉

天地之間其猶橐籥乎虛而不屈動而愈出

橐治之輔也籥橐之管也皆所以生風本無而動有者也屈者窮也天地之間虛而不可窮動而愈出猶夫橐籥乎

多言數窮不如守中

天地卽吾身吾身卽橐籥也橐籥卽中也吾中本虛應物無迹萬變皆從此出寧有窮乎此謂之無盡藏也聰明才辨皆有窮屈以其屬數而有盡也故曰多言數窮不如守中

玩鹿亭稿 卷八

六四明叢書  
約園刊本

谷神不死章第六

谷神不死是謂玄牝玄牝之門是謂天地根

谷空而應謂之神應而無息謂之不死深遠之謂玄能母萬物之謂牝有闕有闕謂之門是謂天地之根陰陽之祖也

綿綿若存用之不勤

惟谷神常應而不息故謂之玄牝故又曰緜緜若存用之不勤皆所以狀道體也勤者勞也言不乏也與動而愈出義同



天長地久章第七

天長地久天地所以能長且久者以其不自生故能長生是以聖人後其身而身先外其身而身存非以其無私邪故能成其私

此章言人爲己之私過於自愛而卒以自弊天地之長且久天地何嘗自生聖人亦何嘗有自生之心故常後之外之而顧獨先獨存蓋以其無私故能成其私也無私者無自生之心也能成其私者窮天地亙古今而不壞也

玩鹿亭稿 卷八

七四明叢書 約園刊本

上善若水章第八

上善若水水性利萬物而不爭處眾人所惡故幾於道矣

水性就下隨其所遇之方圓廣狹高下盈科而進無與忤者故曰善利萬物而不爭諺云人向高頭水向低流故曰處眾人之所惡蓋高則危而卑則安道者安也故幾於道此非大智者不能以自處故曰上善易曰知崇禮卑崇效天卑法地然非知崇如天則未免爲情識所礙故不能禮卑如地禮卑如地者必其

知崇如天豈尋常勉強可行者哉

居善地心善淵與善仁言善信政善治事善能動善時夫惟不爭故無尤矣

上善者居則善地心則善淵與則善仁言則善信政則善治事則善能動則善時皆與物無忤故如水之善利萬物而不爭亦以其所見者高所處者卑所行者安故也夫既不爭何尤之有而物自莫能勝之此所以爲上善也

持而盈之章第九

持而盈之不如其已揣而銳之不可長保金玉滿堂莫之能守富貴而驕自遺其咎

玩鹿亭稿 卷八

八四明叢書 約園刊本

聰明睿知守之以愚其可持而盈之乎天下事變無窮故君子臨事而懼其可揣度而銳行之能常倖不敗乎物聚必有散金玉滿堂雖有智力能爲守乎高而不危滿而不溢長守之道也富貴而驕能無患乎以上四者皆言眾人知進而不知退知得而不知失之事

功成名遂身退天之道



四時之運功成者退天地之道也故君子功成名遂  
身退則無上四者之失

載營魄章第十

載營魄抱一能無離乎

此章蓋驗玄德也言人之營魄要在不離一則不離  
離則不一故曰載營魄抱一能無離乎營魄抱一卽

神氣相依情性相合也

專氣致柔能如嬰兒乎

嬰兒氣柔惟性所役食息笑哭皆爲自在及其既長

玩鹿亭稿 卷八

九四明叢書

約園刊本

則識生而氣剛不爲性役氣反制性欲言而訥欲行  
而止觸途成滯矣所謂如奴作主是也學道者必淘  
去情識則情來歸性氣專而自柔惟性所役若嬰兒  
然故曰專氣致柔能如嬰兒乎

滌除玄覽能無疵乎

窮理盡性須從玄覽然玄覽不除反爲心病所謂病  
去藥存而藥是病矣故曰滌除玄覽能無疵乎此佛  
氏謂之理障

愛民治國能無爲乎

此言事理無礙權實雙顯蓋事能顯理亦能覆理若  
愛民治國未免全在事上雖在事上不爲世諦流布  
頭頭明顯無爲而爲旣不失理亦不失事事理渾融  
然非大聖人不能也故曰愛民治國能無爲乎此佛  
氏謂之斷除事障

天門開闔能爲雌乎

雌者卽玄牝之義天門開闔動靜無端也故如谷神  
常空常應常應常空生生不息懸懸不絕大哉雌乎  
此卽人生而靜聖人定之以中正仁義而主靜所謂

玩鹿亭稿 卷八

十四明叢書

約園刊本

靜者非動靜之靜爲有對待正雌義也

明白四達能無知乎

言灼然一切處光明活潑要在無知所謂用之不可  
見見之不可用若少有知則神包乎氣而非氣包乎  
神乃無量劫來生死本也故曰明白四達能無知乎  
丹書所云神包乎氣凝神入氣者皆大隱語欲使人  
精思而自得之今邪說謬解雖智者亦惑其言可悲  
也已

生之畜之生而不有爲而不恃長而不宰是謂玄德



生之畜之而實無生無畜卽不有不恃不宰也是故謂之玄德蓋以其無迹也此重言上文之義宰者主宰也

三十輻章第十一

三十輻其一轂當其無有車之用埏埴以爲器當其無有器之用鑿戶牖以爲室當其無有室之用故有之以爲利無之以爲用

車爲眾輻所湊轂當輻之中其空處則容軸而利轉也埏和也土黏曰埴和土爲器而其空處則受物也

玩鹿亭稿 卷八

十一 四明叢書 約園刊本

牖以通明戶以出入鑿戶牖所以爲室而其空處則居處也故曰有之以爲利無之以爲用此言車器室三者之用以明此理之用妙在於無也然無因有而無有因無而用有無不相離微哉微哉

五色章第十二

五色令人目盲五音令人耳聾五味令人口爽

目能視色而所以視者非目耳能聽音而所以聽者非耳口能知味而所以知者非口曰目盲耳聾口爽者蓋言物於物而失其本心蔽其所以爲視聽者耳

故曰盲與聾也

馳騁田獵令人心發狂難得之貨令人行妨

以上言眼耳口三根之過此則言意根之過有二故馳騁田獵難得之貨能狂其心妨其行乃意根之溺於嗜慾而失其本心者也

是以聖人爲腹不爲目故去彼取此

易曰坤爲腹腹歸藏也離爲目目發用也視聽嗜慾知所歸藏則發用亦歸藏也故不以其小者而奪其大者去彼取此達本故也

玩鹿亭稿 卷八

十二 四明叢書 約園刊本

寵辱章第十三

寵辱若驚貴大患若身

貴重也人之寵辱若驚者蓋以其所重之大患在有吾身耳下文更詳言之

何謂寵辱寵爲下得之若驚失之若驚是謂寵辱若驚聞辱而驚者常也遇寵宜喜而亦驚者蓋其汲汲於希寵患得患失之心勝故也寵爲下凡承寵者皆在下也

何謂貴大患若身吾所以有大患者爲吾有身及吾無



身吾有何患

有身則有患故人所重之大患以其有身達者知身是幻不有其身則一切皆空又何患焉故曰因愛生憂因愛生怖吾無於愛何憂何怖

故貴以身為天下若可寄天下愛以身為天下若可託天下

以身為天下者天下即吾身也不有吾身故可貴愛若吾有吾身則天下為天下矣可以寄託乎哉此蓋明夫無身之義

玩鹿亭稿 卷八

十三四明叢書 約圖刊本

視之不見章第十四

視之不見名曰夷聽之不聞名曰希搏之不得名曰微此三者不可致詰故混而為一

此言道體之無聲無臭至矣以其無色可見故曰夷無聲可聞故曰希無形可持故曰微曰夷曰希曰微三者詎可詰而辨之總同於無故曰混而為一

其上不皦其下不昧繩繩兮不可名復歸於無物形而上似明而非明形而下似昧而非昧繩繩兮運行無極而又不可以名要之皆無實體故曰復歸於

無物本無故也

是謂無狀之狀無物之象是為惚恍

凡狀皆有狀而此狀獨無狀凡象皆有物而此象獨無物似無而有似有而無故曰惚恍

迎之不見其首隨之不見其後執古之道以御今之有以知古始是謂道紀

推之不見其始要之不見其終是以聖人惟執無以御有也古始者即虛無也故為道之紀也非窮理盡性至命者詎知所謂古始與道紀哉

玩鹿亭稿 卷八

十四四明叢書 約圖刊本

古之善為士章第十五

古之善為士者微妙玄通深不可識

微則不有妙則不無玄則不窮通則不滯古之得道之士有是四者故深而不可測識之也

夫唯不可識故強為之容豫兮若冬涉川猶兮若畏四鄰

古之為士者既不可識故強為之容蓋借猶豫以狀之也以下皆言強為之容猶豫皆獸名其性多顧慮而不定王弼氏云冬之涉川豫然若欲度若不欲度



其情不可得見是也猶兮若畏四鄰謂東西南北不知何所向也道人心無意必已亦不自知他人能識之乎雖鬼神亦不能觀其幾也

儼若容渙若冰將釋敦兮其若樸曠兮其若谷渾兮其若濁

儼若容者言若有儀可畏也渙若冰釋者言若灑然無滓也敦而不鑿則若樸曠而空闊則若谷渾而同俗則若濁蓋其變化莫測元無定狀易之乾卦六爻皆曰龍者亦以變化不測之義故曰老子其猶龍乎

玩鹿亭稿 卷八

十五四明叢書  
約園刊本

孰能濁以靜之徐清孰能安以動之徐生

此承上文而言雖渾兮其若濁以靜之徐清濁不常濁也其孰能濁之其靜而清則似安矣以動之徐生安不常安也其孰能安之蓋道體之妙不可湊泊故耳

保此道者不欲盈夫惟不盈是以能敝不新成

道無可盈盈則非道是以得道之士實無所得乃爲得道故曰悟了還同未悟人是謂之能敝不新成也若有成則有壞矣

致虛極章第十六

致虛極守靜篤萬物並作吾以觀其復

中無一物虛之極也一念不生靜之篤也而萬物作焉作必有止故觀其復於以洞窺精微矣若多慾混亂又何以見之故易剝盡乃復周子曰無慾故靜古衲云世人愛黃金我愛剎那靜金多亂人心靜見真如性亦此意也

夫物芸芸各復歸其根歸根曰靜靜曰復命復命曰常知常曰明不知常妄作凶

玩鹿亭稿 卷八

十六四明叢書  
約園刊本

此言物之芸芸茂盛莫不枯落以復歸其根而人心之萬變紛紜未有不息而歸其體者本體元靜故曰靜此卽人生而靜天命之性所謂本來面目是也故曰復命命無生滅故曰常知此則頭頭上明物物上顯故曰明不知常則任其所爲奇特與聖不殊皆名妄作以其不達本故也是故窮理盡性至命之學不可無也

知常容容乃公公乃王王乃天天乃道道乃久沒身不殆



此復申言知常之妙蓋知常則體自虛空何所不容則萬物一體自無物我之殊故曰公公則巍巍蕩蕩無不周普其尊無上故曰王王則與天爲一天卽我而我卽天故曰天惟其天乃所以爲道也道則無盡故久一得永得歿壽不貳故曰沒身不殆

太上章第十七

太上下知有之其次親而譽之其次畏之其次侮之太上者猶言極上聖人至治無象下知有之而已所謂帝力何有於我也此爲極上若夫親而譽之則德澤之敷民得而稱故其次也以政以刑而下畏之又其次也刑政之弊下復侮之斯愈下矣

玩鹿亭稿 卷八

十七四明叢書  
約園刊本

信不足焉有不信焉  
常是本體無不真實信斯全矣民相忘焉道之齊之爲德爲禮爲刑爲政因權蔽實離體漸遠而信斯虧是以譽之畏之侮之馴至於偷薄故曰信不足焉有不信焉

猶兮其貴言功成事遂百姓皆謂我自然  
猶兮其貴言者若難言也不言而躬行

大道廢章第十八

大道廢有仁義知惠出有大僞

大道本具夫仁義而無仁義之名故由仁義行而莫之知也惟大道廢而有仁有義則文字立而行仁行義矣自是以降取舍是非動拘文字則知慧出焉知惠之弊則爲大僞其流益遠又何可勝言也哉

六親不和有孝慈國家昏亂有忠臣

孝慈與忠元無名字以國家之亂而孝慈與忠名斯立焉此甚言名教救世之不得已也

玩鹿亭稿 卷八

十六四明叢書  
約園刊本

絕聖棄智章第十九

絕聖棄智民利百倍

示人以聖智而民得聖智之義於心意識中則醍醐爲毒藥矣絕聖棄智則民無所得無得則無害故曰民利百倍孔子欲無言而曰天何言哉四時行百物生達摩曰廓然無聖面壁少林絕人知見皆此意也  
絕仁棄義民復孝慈

仁義立而民徇仁義矣絕仁棄義而仁義之名不立則心無知見而父子之間孝慈真切藹然天性之發



越乃所以爲仁義也

絕巧棄利盜賊無有

巧以發民之機心利以起民之貪慾而盜賊生矣故

曰絕巧棄利盜賊無有所謂雖賞之不竊也

此三者以爲文不足故令有所屬見素抱樸少私寡欲

曰聖知曰仁義曰巧利則皆絕而棄之三者固盡之

矣以爲文不足故令有所屬者猶以爲未盡而申言

之也見素抱樸純一無文也少私寡欲渾然天理也

此二者以足上文三者之義

玩鹿亭稿 卷八

十九四明叢書

約園刊本

絕學無憂章第二十

絕學無憂

古語云有求皆苦絕學無求何憂之有爲道而至於

絕學無憂至矣

唯之與阿相去幾何善之與惡相去何若人之所畏不

可不畏荒兮其未央哉

唯阿本同一言而恭慢分別遂生喜嗔善惡不外一

心而是非揀擇遂生好惡此皆爲情識所轉流浪生

死蓋人之危而可畏者故不可不畏然必有此畏而

後可以絕學無憂也若付之不畏而遽絕學焉則莽

莽蕩蕩荒廢寧有止耶

眾人熙熙如享太牢如登春臺我獨怕兮其未兆如嬰

兒之未孩乘乘兮若無所歸眾人皆有餘而我獨若遺

我愚人之心也哉純純兮

眾人世味濃厚如享太牢目前一切色相皆真故如

春之登臺咸有趨向而我獨心無起念形兆不萌如

嬰兒之處胎而未孩謂無所見也怕當作泊澹然也

乘乘猶言騰騰謂騰騰任運而無所歸著也眾人意

玩鹿亭稿 卷八

二十四明叢書

約園刊本

氣盈溢而我獨空空若遺我誠愚人之心哉純純兮

而無所分別也此正言眾人皆是情識而我獨超乎

情識之外下文同意

俗人昭昭我獨若昏俗人察察我獨悶悶澹兮其若海

颺兮似無所止

此復申言上文之義人昭昭而我若昏人察察而我

悶悶也澹兮其若海則巨細淨垢無不併納又何分

別耶颺兮則飄揚盡大地又何所止耶

眾人皆有以而我獨頑似鄙我獨異於人而貴求食於



母

此言眾人之心皆有所為而我獨頑然似鄙全無所為然我之獨與人異者以我所重惟道是資而一切無心也道者吾所自出故曰母

孔德之容章第二十一

孔德之容唯道是從道之為物唯恍唯惚

孔德乃大德言得道者也大德之容蕩蕩無物唯道之是從然道果何物耶道本虛無無可形容故曰恍惚

玩鹿亭稿 卷八

三十四明叢書  
約園刊本

惚兮恍其中有像恍兮惚其中有物窈兮冥兮其中有精其精甚真其中有信

惚恍有象者實無象也恍惚有物者實無物也無象無物窈兮冥兮雖無而實有故曰其中有精然極真切者莫如此也故曰其精甚真無感不應故又曰其

中有信  
自古及今其名不去以閱眾甫吾何以知眾甫之然者以此

甫始也自古及今唯道獨存其名不去道為萬物始

生故因之以閱眾始吾能知眾始之所以者正在斯道恍惚窈冥中有以見之也

曲則全章第二十二

曲則全枉則直窪則盈弊則新

常人求全而反不全求直而反不直求盈而反窪求新而反弊道人則曲而全之枉而直之窪而盈之弊而新之然非故為曲枉窪弊而唯道是從實不知曲不知枉不知窪不知弊也即前章所謂處眾人之所惡故幾於道者也

玩鹿亭稿 卷八

三十四明叢書  
約園刊本

少則得多則惑是以聖人抱一為天下式

易簡而天下之理得矣若支離膠雜豈不惑哉故聖人抱一以為式於天下而示人以易簡也抱一者惟道是依也

不自見故明不自是故彰不自伐故有功不自矜故長自見則障己之真光故不明自是則人不與也故不彰自伐者常自滿假故無功自矜者則的然日亡故不長不自見不自是不自伐不自矜四者正曲枉窪弊之反



夫唯不爭故天下莫能與之爭

夫安處曲枉窪弊而不自見不自是不自伐不自矜則與世無爭也唯其不爭則天下莫能與之爭無可爭也

古之所謂曲則全者豈虛言哉誠全而歸之

曲則全三字最緊要此極難用力處乃爲道之生死路頭也蓋從吾好則違時好徇時好則違吾好故善爲道者唯道是從一切是非不顧所謂天下非之而不顧也夫至於天下非之曲之至也苟見道不真孰

玩鹿亭稿 卷八

三五四明叢書

約園刊本

不爲其所搖奪哉惟見道而不見人抱一不離故能全而歸之若少徇時好雖得世俗之憐全與道違矣故曰修飾人閒事最苦不堪諧謂不可與適道也然則曲則全者豈虛語哉誠全而歸之

希言自然章第二十三

希言自然故飄風不終朝驟雨不終日孰爲此者天地天地尙不能久而況於人乎

希言自然蓋言無聲無臭於穆不已而自然流行所以明道體也飄風不終朝驟雨不終日以喻作意之

行雖顯赫而有止蓋言非自然者之不可久也風雨乃天地之所爲既不可久而人之所作又豈能久耶是以貴自然也下文皆言希言自然之事

故從事於道者道者同於道德者同於德失者同於失同於道者道亦得之同於德者德亦得之同於失者失亦得之

故務道者惟體自然道無所道德無所德失不知所失故同於道同於德同於失言無所見也惟無所見故道亦得德亦得失亦得此所謂希言自然也

玩鹿亭稿 卷八

三五四明叢書

約園刊本

信不足有不信

此希言自然之道惟其自信不及故有不信然學道者當求自信也

跂者不立章第二十四

跂者不立跨者不行自見者不明自是者不彰自伐者無功自矜者不長

跂者一足著地其可立乎跨者盡足闊步其可行乎自見者蔽其能明乎自是者小其能彰乎自伐者滿其能有功乎自矜者弊其能長乎蓋猶跂跨者之不



立不行也

其在道也曰餘食贅行物或惡之故有道者不處也

餘食贅行言自見自是自伐自矜四者皆道外之事

反害道者也物或惡之言人道惡盈也有道者不處

處則喪道也

有物混成章第二十五

有物混成先天地生寂兮寥兮獨立而不改周行而不

殆可以為天下母

未有天地而有此理故曰先天地生以其無所自出

玩鹿亭稿 卷八

三五四明叢書 約園刊本

故曰混成寂兮寥兮言無可捉摸也獨立而不改不

逐四時周也周行而不殆能為萬象主也可以為天

下母無物先之也

吾不知其名字之曰道強名之曰大大曰逝逝曰遠遠

曰反

此物元無名誰復知之今字之曰道者道亦不足以

字之強名之曰大者大亦不足以名之也以其大而

常遷故又曰逝常逝而不息故又曰遠雖逝雖遠而

實未嘗去故又曰反所謂江河競注而不流野馬飄

鼓而不動日月歷天而不周微哉

故道大天大地大人亦大域中有四大而王處一焉

道大天大地大人亦大者言同一氣故皆曰大然人能

盡其性則可以位天地而育萬物豈不大哉故曰域

中有四大而王處一焉王粲氏曰言王舉人之盡性

者良是觀下文曰人法地可知故天德王道亦盡性

者之通稱也

人法地地法天天法道道法自然

上言道天地人為域中四大而王處其一此言人法

玩鹿亭稿 卷八

三五四明叢書 約園刊本

地地法天天法道道法自然者謂人與天地道本無

二猶言人即地地即天天即道道即自然所謂法者

言後先相繼也此甚言自然為斯道之極蔑以加矣

若為道者惟曰自然則知果而不知因又謂之自然

外道然必窮理盡性至命而不知其所以然乃所以

為自然也

重為輕根章第二十六

重為輕根靜為躁君是以聖人終日行不離輻重雖有

樂觀燕處超然



輕躁不離乎本體輕躁雖動而本體實未嘗動故曰  
靜重蓋所以爲輕躁之主也是以君子必識心達本  
以爲其主而不釋動以求靜終日行而不離輜重者  
言終日動而常靜也燕處謂不動超然謂無礙也雖  
有榮觀燕處超然故不妨朝市也

如何萬乘之主而以身輕天下輕則失臣躁則失君  
心如萬乘之主若隨識變遷以徇事物則是萬乘之  
主而以身輕天下也輕則失臣躁則失君言體用皆  
失也是以貴窮理盡性而得靜重之本體也

玩鹿亭稿 卷八

三十四明叢書  
約園刊本

善行章第二十七

善行無轍迹善言無瑕謫善計不用籌策善閉無關楗  
而不可開善結無繩約而不可解

無轍迹可尋者謂之善行無瑕疵可謫者謂之善言  
不假籌算者謂之善計不用關楗而不可開者謂之  
善閉不用繩約而不可解者謂之善結蓋先發此五  
者以起下文聖人無棄人爲善救人之意不必例以  
爲道用而費辭牽合也

是以聖人常善救人故無棄人常善救物故無棄物是

謂襲明

此節加是以二字以起之可見重在此下文也蓋救  
人救物勢不能以盡救必有棄之者聖人救人而無  
棄人救物而無棄物乃所爲善蓋無救之之迹也是  
謂襲明言晦其明也

故善人不善人之師不善人之資不貴其師不愛  
其資雖智大迷是爲要妙

善者不善者師之以取法不善者善者資之以爲用  
故善與不善皆無可棄者矣二者固皆無棄而又不

玩鹿亭稿 卷八

三十四明叢書  
約園刊本

貴其師不愛其資雖智若大迷皆無迹可見人不得  
而知是謂要妙此等氣象必深造乃見蓋自有無可  
分別者也

知其雄章第二十八

知其雄守其雌爲天下谿爲天下谿常德不離復歸於  
嬰兒

雄動雌靜靜乃常而動則用也知其動而守其靜者  
貴一本也故曰若得一萬事畢谿爲眾水所歸謂得  
天下之所歸也得天下之所歸亦只是不離常德而



已卽常守其雌也惟其常德不離而復歸於嬰兒蓋情識盡而天真全也然欲復嬰兒者必須知守雌之要乃能嬰兒所謂嬰兒者豈齒落更生反老還童哉謂不失赤子之心也

知其白守其黑爲天下式爲天下式常德不忒復歸於無極

白以喻明謂識神之昭昭也黑以喻闇謂性天之混混也道人知白守黑者不識不知而順帝之則如闇味無所見也爲天下式得天下之至則也得天下之

玩鹿亭稿 卷八

三五四明叢書  
約園刊本

至則可以爲式於天下者亦只是依於常德不差忒而已常德者卽守黑也無極猶言無盡諸行無常皆屬生滅常德元無極故曰復歸於無極

知其榮守其辱爲天下谷爲天下谷常德乃足復歸於樸

知其道理之榮而甘守其辱遇賤惡不移至死壽不貳堅定故也爲天下谷者言天下之至深也如理未穩實未免遇賤惡而移至死壽而貳故守辱爲天下之至難必過此以往常德乃爲足矣常德本樸故曰

復歸於樸亦言究竟不出於樸也

樸散則爲器聖人用之則爲官長故大制不割凡木石之未斲削者謂之樸樸散則爲器言斲削而爲器是散其樸也聖人用樸以爲治故曰大制不割不割者不破其樸也

### 將欲章第二十九

將欲取天下而爲之者吾見其不得已

聖人濟世之心固皇皇然而用之則行舍之則藏又若無與然也若欲取天下而爲之是著物矣聖人

玩鹿亭稿 卷八

三五四明叢書  
約園刊本

豈如是哉其欲取天下而爲之者如舜禹湯武之曆數在躬天與人歸蓋不得已也

天下神器不可爲也爲者敗之執者失之

天下者天下之天下當以天下處之豈有方體故曰神器蓋不可以己意爲之也故爲之者反敗執之者反失聖人豈特不欲取天下而爲之而有天下者亦不可爲也神無故也

故物或行或隨或响或吹或強或羸或載或隳是以聖人去甚去奢去泰



物之不齊物之情也聖人者去甚去奢去泰蓋因其情而損益之行所無事也故曰聖人有心而無爲

以道佐主人章第三十

以道佐人主者不以兵強天下其事好還師之所處荆棘生焉大軍之後必有凶年

以道佐人主者不以兵強天下以其事好還也蓋天道好還無往不復我旣以兵強天下而天下畏之矣其事殆不可常他日必受天下之攻而畏人也然不特其事之好還卽時所害者蓋亦不小師之所處農

玩鹿亭稿 卷八

三三四明叢書  
約園刊本

事必廢故荆棘生焉大軍之後傷天地之和故必有凶年此理之所必然也

善者果而已矣不敢以取強焉果而勿矜果而勿伐果而勿驕果而不得已果而勿強

善強者自果而已矣不敢以取強於天下也果而矜伐驕之心勿行焉可謂果也已矣此三者有我而好勝蓋兵之所由用也果於不得已而用之果於勿強以侵人所謂寬柔以教不報無道南方之強也而君子居之故曰果而已矣

物壯則老是謂非道非道早已

恆久不變者之謂道物壯則老壯老之變非道也非道則未有能久者故曰早已君子不敢以兵強於天下者非道故也知其事之好還也

夫佳兵章第三十一

夫佳兵者不祥之器物或惡之故有道者不處

佳兵善取勝之兵也天道好生而兵以殺爲佳故曰不祥之器好生惡死人之常情故曰物或惡之也有道者不處蓋不以爲美而居之也

玩鹿亭稿 卷八

三三四明叢書  
約園刊本

是以君子居則貴左用兵則貴右

君子平居之禮則尙左而用兵則尙右以見君子之所不處也

兵者不祥之器非君子之器不得已而用之恬淡爲上故不美也若美必樂之樂之者是樂殺人也夫樂殺人者不可得志於天下矣

此復言兵者不祥之器非君子之器然而不能盡廢者以除暴去害或敵加於己不得已而用之也恬淡爲上勝亦不以爲喜故不美也若以爲美必樂用之



是樂殺人也孟子曰不嗜殺人者能一之未有樂殺人者而可以得志於天下也

故吉事尙左凶事尙右是以偏將軍居左上將軍居右言居上勢則以喪禮處之殺人眾多以悲哀泣之戰勝以喪禮處之

禮以吉事尙左凶事尙右尙右者喪禮也今用兵以偏將軍居左上將軍居右則是以喪禮處之也殺人眾多以悲哀泣之戰勝以喪禮處之蓋甚言兵之不祥故君子所不處也

玩鹿亭稿

卷八

三四明叢書  
約圖刊本

### 道常無名章第三十二

道常無名樸雖小天下莫能臣侯王若能守萬物將自賓

道無體豈有名乎樸亦無名蓋以喻道樸無小大天下不能臣之以其爲物之始也王侯守此則萬物自然賓服蓋道能賓物物不能臣道也

天地相合以降甘露人莫之令而自均

此言道之混然天地合而甘露降人不令而自均蓋陰陽相合而混沌自然故降甘露言混沌自然之樂

若甘露也不令而自均出作入息帝何有於我也此皆明道之混然無迹也

始制有名名亦既有夫亦將知止知止所以不殆譬道之在天下由川谷之於江海也

制者判樸成器之謂夫支派流注離體漸遠若不知止則終迷不返豈不殆哉故始制有名當卽知止也言當返體也是故道之所以萬殊只是一本譬川谷之於江海耳

### 知人者智章第三十三

玩鹿亭稿

卷八

三四明叢書  
約圖刊本

知人者智自知者明勝人者有力自勝者強知足者富強行者有志不失其所者久

知人者用明於外也自知者用明於內也勝人者以力勝人也自勝者以理自勝也富者有餘也知足則自有餘矣強行者無怠也無怠則有志矣凡物得其所以則可久也以上皆泛論之重在下文死而不亡者壽一句

死而不亡者壽

此理通乎晝夜之道而知死何曾亡死既不亡則常



存矣其壽何可量也今道家相傳以爲長生之學者非以此耶

大道汎兮章第三十四

大道汎兮其可左右

大道汎汎元無定著故可左可右蓋言其或左而或右也皆無形象方所之意

萬物恃之以生而不辭功成不居

萬物生而不辭言生生無盡也功成不居言不有其功也大道虛無固無窮盡亦無可寄泊耳

玩鹿亭稿 卷八

三五 四明叢書 約園刊本

衣被萬物而不爲主故常無欲可名於小矣萬物歸焉而不爲主可名於大矣

衣被萬物而不爲主此一本之所以萬殊體此道者於此萬殊總是自然故常無欲也謂名於小者以其散在萬殊故名小也卽小德川流之義萬物歸焉而不知主言萬殊之一本也萬殊一本故曰可名於大矣卽大德敦化之義一本本無何主之有

是以聖人能成其大也以其不自大故能成其大

自大者不大不自大乃所以成其大也聖人不知其

大故不自大不知其大豈有限乎是以聖人能成其大也

執大象章第三十五

執大象天下往往而不害安平泰

大象者卽道之完體無形之謂也以此爲之總持則天下無往而不通也不害者勿傷之也若以大象可執寧無傷之然大象無形何可執也知不執之執爲之執則往而不害不害則安平泰矣曰安曰平曰泰皆言全而不害也蓋一事而三致意云

玩鹿亭稿 卷八

三六 四明叢書 約園刊本

樂與餌過客止道之出言淡乎其無味視之不足見聽之不足聞用之不可既

世之有聲有味者故人悅而爲留而道之出言淡然無味所謂冷水蘸冬瓜者也視之不足見聽之不足聞言無可取也無可取而用之不可窮乃所謂道也將欲歛之章第三十六

將欲歛之必固張之將欲弱之必固強之將欲廢之必固興之將欲奪之必固與之是謂微明

將欲云者將然之辭也必固云者已然之辭也此據



其已然而逆其將然也蓋道之張者所以翕也強者所以弱也興者所以廢也與者所以奪也此道之妙用至微而至明者也

柔之勝剛弱之勝強魚不可脫於淵國之利器不可以示於人

此言微明之道其柔其弱而實至剛至強猶魚之不可脫於淵國之利器不可示於人本體如是也

### 道常無爲章第三十七

道常無爲而無不爲

玩鹿亭稿 卷八

三五四明叢書 約園刊本

今人言無爲之道只靜默以無爲乃謂無爲何爲玄妙道無不爲而無爲此其所以爲玄妙也

侯王若能守萬物將自化

君人體此道者故嘗不廢天下之爲而實未嘗爲如天之四時行百物生而已故萬物日化於道而不知也

化而欲作吾將鎮以無名之樸

民之既化而猶有作也吾將以無名之樸鎮之樸者器之未制名以喻無爲之道也民之欲作而欲鎮之

豈有他哉亦惟此道而已

無名之樸亦將不欲不欲以靜天下將自正

以無名之樸鎮之亦似有物故亦將不欲夫不欲以靜則民之化而欲作者自止故曰天下將自正也此正所謂鎮之以無名之樸也蓋聖人到底只是一箇無爲而已於民之化與不化作與不作更無二道也故大人者正己而物正者也

### 附豐道生道德經贅言序

老子之世傳記言人人殊方士者流尤迂誕不經宋

玩鹿亭稿 卷八

三五四明叢書 約園刊本

儒因斥爲異端與論語曾子問所稱異學士無所取信余嘗閱世本世紀管子古史路史王深寧金仁山諸說似得其梗槩老子者偃姓生而聃耳下垂故名聃字伯陽父皐陶之曾孫曰理微爲夏翼隸諫吳伯不當誅死之妻契蘇氏生聃走之亳更李氏李者理也變其文而存其音不忘父也歷事成湯太戊武丁爲商賢大夫封彭城稱彭祖商末以德長諸侯號大彭佐武王伐紂見牧誓又歷事周成王與史籀同爲柱下史幽王時論三川震見國語敬王時猶掌周室



圖籍壽最高學最博孔子憲師之故曰竊比於我老  
彭若方士謂僊人李靈飛配玉女生李耳爲老子又  
言錢鏗彭祖析爲二人非也今傳道德經爲老子出  
關授令尹喜者不經見顧其文太奇道太玄諦思之  
要皆性命之理善讀者渺矣獨其曰谷神不死方士  
類以藉口列禦寇又謂出黃帝書蓋秦主呂政好長  
生博士叔孫通輩乃取賢聖經訓託之黃老雜以不  
死之言僥幸不俱燔耳古之聖者修德養生一貫身  
也者道之器也身存斯德修德修斯道在孔子亦云

玩鹿亭稿卷八

三十四明叢書

約園刊本

身者親之枝也敢不敬與又曰利用安身以崇德也  
豈二道與周官保傅暑寒晝夜雨暘之際喜怒哀笑  
動息溫涼之宜論語飲食之節內則玉藻滋味澡浴  
之微罔不曲載謂養生修德一貫非邪志士成仁取  
義必時有大不得已者權其重輕可耳非不得已而  
輕生以傷勇非至不仁者莫之忍爲是故天壽不貳  
修身以俟道斯正矣秦漢以來言養生者罔繇於正  
或矯揉顛倒盜以偷生固儒者所斥亦老子未嘗語  
也都督萬侯鹿園子暇時著道德經贅言深明性命

之旨而不雜于迂誕俾人修德凝道順受其正甚可  
傳也或疑贅言詞旨似本於楞伽何居則解之曰浮  
屠漢中初入未有妙說至晉宋間世主好之於是許  
玄度宗少文輩援易老子邃語入釋典而廓之繫彼  
實藉我我曷本於彼與鹿園子過謁予曰聞子學藝  
於經於史傳博而覈必詳老子之世與通其言幸爲  
我序贅言乎余曰唯唯序曰贅言道經若干言先刻  
嗣德經又若干言余繼懇成之鹿園子天資聰明和  
平粹美而虛心好道於百家言靡弗通敷歷至於大  
帥於天下事靡弗燭於心如爲文官殆可以坐廟堂  
議禮樂佐明天子進退賢不肖俾海內安富守在四  
夷不但汶汶已也大明嘉靖三十有一年玄默困敦  
之歲春二月丁卯望前進士水丘天兀翁豐道生人  
叔序

玩鹿亭稿卷八

四十四明叢書

約園刊本

玩鹿亭稿卷八







介山稿畧十六卷

王廷揚題









介山彙略叙

古今以詩文名家類有作者世稱屈平離騷孔明出師李密陳情至與日月爭光今取而讀之忠君孝親之心憂慕感嘆之切千百世之下可以想見其人何者其所發者真也次則陳思王處危疑之間立言不詭於作者之旨觀其贈白馬浮萍瑟調及審舉求試之作忠憤義氣激動人心至論陶潛則天趣冲澹悠然自得其所作述獨邁千古宗工巨儒實所鮮儷吾友介山林子與予同舉進士文學蔚有聲稱入仕守正毅直不同志加窮民威鋤豪貴動罹擠陷仆而復興所至實有惠政於民德之而亦以此為時所揜忌故坎珂畏途垂二十年始得貳於其磨剗艱阻飽更老練可謂動忍以增益之者矣所遇時事與平植不類然感慨憂傷之懷守己俟時之志形諸詠歌發於情之真者則一而已今年夏得聚首珠宮溫話契闊間出二帙因悉其履歷之詳予喜攜而歸之越八月其門人歸善葉子韓夫過予問學因請曰茲吾師介山先生稿略金子遷所刻而專校輯之者也願乞

介山稿略序

仙居叢書

一言以弁之予於介山厚且重韓夫之請不能辭於是諦觀之與前日所得於介山者僅十之二三稱其諸政蹟與誦與他著作多不載詢之曰是刻非介山意也故略之吾二三子惟取詩文體裁之備格調之工可以傳者梓之以惠惠之學者焉爾矣予情於作者工不工備不備弗知也特以介山之作發於情之真庶乎不詭於作者之旨則足以有傳也亦宜昔者蘇子瞻以才名見斥遠徙於惠所著有寓集可傳也其寄虎兒食荔枝等篇尤為卓越忘情羈困若將終身何其壯也及觀和陶諸作則又迥爾不類夫文根心者也本之茂者實必榮養之盛者華必暢積中發外不可掩也淵明學道知德榮枯得喪委運順受樂天衷而時發本真趣以問諸其言藹如非苟作者蘇子志意凌邁而充養未力宜其不類也介山茲陟雀峯泛西湖歷覽羅浮之勝身親子瞻舊遊之地增其所未高濬其所未深緬景前哲邁跡高軌期於所立以垂不朽宜優優乎有餘力矣予不敏尚能嗣書之

書嘉靖壬子冬十月既望南海古林何維柏書

介山稿略序

介山林公以青年登甲科才名英望為一時著稱初試吳江令即銳志以別姦鋤彊扶植窮弱為務利害是非一無所顧因以是困困且十有八年適為今貳守職故其素所蘊籍未得奮施於世及時事所觸有不勝其慷慨激烈者輒於詩若文發之是歲之夏始蒞吾惠間得讀公製於少濱金子之手因感而言曰夫詩自唐季之衰文自六家之後久矣其不振也迨我朝黜華返淳至弘德以來古風乃蔚然諸染翰之士斌斌乎競起角立矣然儻文者唯詞之工而或靡其情局體者僅法之拘而不融其意故翹翹藝苑橫照今昔者之未易言也今自介山茲集觀之其詞調之清逸氣格之宏昌咸上下乎秦漢魏唐之間至其緣於情之所暢根諸理之所極而能神變於驪黃牝牡之外實可使人悠然於諷詠之際者也於乎擅詞林之宗工越拘擥之蹊徑公非其人哉沈鬱之久而誕洩其精華於斯豈所謂窮而後工者乎雖然茲未足以究公之深者公風範清越器度闊達蒞惠之政未

介山稿略序

仙居叢書

及數月而慈祥豈弟之休馳播遠邁清慎明決之風昭乎上下則公之所以困於前而大行於將來者自今可預期也異時左右天子黼黻鴻猷出其緒餘作為雅頌以歌詠朝廷功德以殷薦於清廟吾知必能修一代之光以傳之無窮則斯集也特變風之一體耳金子聰敏英慧雅志詩文惜公之集尚未即傳於世也乃真其卷什付諸梓人而屬序於余夫余豈足以序公集者唯因得以識風仰之私云耳

湖千利賓頓首書



林介山先生傳

林孫枝

公諱應麒字必仁號介山其先閩人唐乾符間始祖任自長溪蓋竹徙黃巖轉遷樂安之留程橋即今斷橋也十六傳至世謙以公貴贈國子監博士母王將誕公夢有乘無角獸身牛尾突入寢室覺語贈君曰麒也遂以命之公天才穎特英毅敢爲膽識過人讀書多所關覽尤喜吟爲文剴澗幽傷然埃埃之外絕不依籬傍闥甫踰韶鮪輒議論天下事大司寇容港應公試與語答辨如響反爲所挂大奇之引爲忘年交南洲應方伯人倫鑑也方入庶常時以逆瑾用事引疾家居嘗爲弟二女擇婿一妻李景山都憲而一以妻公年二十領嘉靖乙酉鄉薦比試禮部不利遂游王陽明先生之門講明絕學而所造益精尋以省親旋里無何贈君卽世哀毀盡禮至十四年乙未始成進士先是公試於鄉贈君夢公名第十旣應而同榜稽世臣之房主夢公中第一百六十八贈君又夢中第四甲八十六意以稽之主人非所夢而四甲又無其例故並不驗至是後四科乃中而會試

介山稿略

附傳

一

仙居叢書

及廷對名數亦與兩夢相符是歲十月授吳江知縣縣故多豪右爲民害公至輒收訊之故事每十年一編造黃冊審圖賦役而田歸都圖之魚鱗冊歲久漫漶至亡失不可問圖賦役冊獨以田歸戶以故豪右得買田過都過造冊屬里書詭名蒙蔽有飛洒鬼寄花分派賠等弊貧民受累逃亡相踵公廉得其狀乃爲一月限集糧長書手稽田戶歲額數目視部所下京版派單核其有免無免及曾過割入與否一一查對彙冊已乃返野漏脫而窮治其稔惡巨惡弗少寬境內肅然會巡江御史苟汝安按郡公晉謁端坐不爲禮公長揖徑出豪猾乘間搆煽苟大憾將糾公李太常蕭石書致公曰少川盛怒須君躬至留都託諸同年請罪或可少解不然殆矣公答書曰少川職司監察使誠怒麒不職不能爲國家牧理其民則當竄伏待罪以謝邑之人士而彰少川之明若止以不能隨衆爲不近於禮之恭不能投隙爲悅不以道之悅而致怒焉麒實內省不疚雖以此得罪而去如值飄瓦如觸虛舟固碎首隕身萬萬無怨又奚請爲既而苟劾公人命激變世宗震怒

禍且不測吏部侍郎歐陽石岡抗疏論救復移書科院請以頸血汗地明其無罪

嗣經撫按司府州縣勘問官一十八員往復查覈三十餘次先後垂及五年鈞距羅織以實公罪迄無左證當是時天下莫不直公賢歐陽而皆苟之爲人事既白題章到部得降級調用顧公以不能執法橫遭譴罰尙無以塞鞠人口又早失怙母年且老遂懇疏乞改授教職會徙六安州判官到任踰月遷國子監助教然益不憚於讒問公不自安復乞補外二十六年調泰安州判官其明年山東撫都御史彭黯巡按御史傅鎮交章薦公謂公操履清慎氣節剛方文學豈止潤身惠愛更多及物秉百折不回之志懷隨試卽效之才智識足以斷大疑力量足以當重任云云二十八年轉金谿知縣以廉幹聞明年陞雲南提舉隨陞惠州府同知公自初試大縣爲強項令頗躡播越者十餘年至是稍稍起清操愈厲別姦釐弊扶植窮羸教士子崇實黜華爲有用學在任五月治行爲粵東最尋聞母訃計以三十一年九月二十一日星奔至五羊驛時湛甘泉先生方家居手書致弔既抵家荒

介山稿略

附傳

一

仙居叢書

迷委頓杖而後起迨釋服將赴部而江西巡按御史蘇端蒙者潮州人也疑公同知惠州時曾委探其家不法事銜之久又謂公先在江西與副使鄭世威議呈減革餽送坊牌等銀是公屬稿內引進賢分宜二縣歲費六千兩爲證一時傳誦稱快而大爲二縣權貴嚴世蕃萬鏗所切齒已而世威無故削職擬必及公遂勸公前知金谿沽譽世威查盤羅織以迎合之萬鏗時在吏部從中構之有旨罷公冠帶間住公之返自惠也邑歲有倭警所過焚掠三十五年六月倭由永嘉金溪登陸突據城邑巡撫院公鸚督諸道兵與郡守譚公綸合勦倭東逸追至斷橋殲焉以故公里蹂躪最慘公既家居久又數經寇亂蓋藏服食之具蕭然無餘小兒奔走拮据而其牢騷抑鬱不得伸之氣時抒洩於楮墨間所著有介山稿略二十卷鄱陽余公城來令是邑憫井閭彫弊竭力撫循民其感德願以廉正與時忤被劾去公爲申懇於當事曰昔宋韓子師守婺其宜其民而當路乃以恣酷劾罷婺民千百赴闕願留龍川陳公爲文以送之曰大官人所尊也齊民人所信也所尊之



効如彼所信之情如此吾不知韓子之政爲何如已至今讀之令人感嘆余尹事  
甚相類今司風憲之臣苟用民之好惡爲好惡當必無家室如韓子師者然殺人  
之言再至雖以曾參之賢其母不能不爲投杼余尹之賢或不及曾參而當路之  
愛余尹恐不能如曾參之母之愛其子也隆慶改元詔天下四三十年擯黜之吏  
凡不係考察及不犯私罪者許所薦引起用而公以嫉惡太嚴又才高不能下  
人人遂無有爲公推轂者五年例當編審適仙令缺郡伯番禺張公廷臣委其事  
於臨海令周公思稷會吳悟齋公方不得於當軸以廣東憲副罷問歸里貽書訪  
公有官寺民田均爲一則之說公以縣之官寺米與民米起科懸殊覆書力言不  
可吳公遂與周令定議官戶田三百當里長一民戶稍耗其者歸併之田去戶存  
者開除之僧田別立一圖不得雜編民戶於是戶有定籍賦無重差公一紙力也  
公老猶倔強雖放棄繫心國是遇大利害輒與所知慷慨指陳以示可用年七十  
八卒

案當在萬曆十一年癸未  
生於正德元年丙寅正月

介山稿略

附傳

三

仙居叢書

孫枝論曰聞之宋張忠定自以違衆不和物號曰乖崖公之取乎介也其猶行乖  
崖之道與或曰以所居後山形似介字故云當世廟時權奸跋勢燄方張患得之  
夫爭炙乎其門公負籍其才名意必以不得羅致之爲恨嚮使稍爲突梯彼翼虎  
者非特不齟齬之將蜚負而驥騰之投之所向宜乎其不齟齬難入矣顧以鴻漸  
之翼困於燕爵卒掣搦不復奮鮮不謂公之介實爲之嗚呼不有介何有公夫惟  
確乎不易庶幾與山俱永生前頗領何傷乎嘗讀公感寓行路難語詩激楚多商  
角音雖所遇使然怨誹不亂風雅之遺甯惟韓吏部利劍白太傅太行路有嗣  
響哉



介山稿略卷之一

明林應麒著

樂府雜體

答渡河操

濁兮濁兮世殫爲河予寧兮赴清波女止予兮則那

荆山操 三解

韞而輝兮玉兮非兮辯者誰兮 一解 嗟嗟悲兮莫我知兮反以我爲欺兮 二解 我

之不欺玉則知兮玉不受知我生胡爲兮 三解

臨高臺

臨高臺高以廣環視四野蒼且漭水多毒蛟陸多蟒吹噓濁霧成魍魎我欲拔刀

殺蟒與蛟使我皇帝陛下明德孔昭光被四海至於夷苗億千萬世永永無肯妖

有鳥篇 八解

介山稿略 卷一

有鳥啣珠光華五色來集主人宅報主人德不見主人反見斲力 一解 斲力鼓舞

張弓機弩迫入網罟鳥時良獨苦淚下如雨 二解 思欲飛翻羽毛摧殘思欲仰懇

主人無與相道傳困於籠樊一何艱難羈竊寡單 三解 日復日夜復夜經三秋歷

九夏燕雀啞啞烏鳶羣啞狸狐鼠瞋目張口相呀長與死爲隣舍鳥無可那 四

解 一日主人來視鳥爲主人延頸涕泗哀鳴號籲主人短氣 五解 羣力側目主人

頓足開樊迅速縱鳥林麓鳥飛肅肅 六解 南山雖有羅北山雖繳多鳥不遊山阿

當奈鳥何 七解 一舉猶徘徊彷彿有遺哀再舉天門開三舉栖紫臺託辭浮雲往

不來終當報主申予懷 八解

五禽言

泥滑滑滑且可天昏地黑愁殺我 其一

瘦兒瘦兒兒瘦兒嫂肥兒嫂逐兒不敢歸頭多蟻虱腹苦飢父兮母兮那得知 其

二

行不得哥哥山多繪弋川風波汝翼橫天力惡河逝不顧我奈哥哥何 其三

姑惡姑惡大姑不惡小姑惡小姑不念同苦樂嗟嗟小姑亦誠薄 其四

不如歸去野有豐草林有茂樹 其五

擬東飛伯勞歌

東飛鷓鴣西飛燕南箕北斗橫夜半誰家女兒樓上頭象床銀燭彈箜篌一彈一

曲調轉哀雙雙白鷓雲中來可憐玉顏方二八明眸皓齒朱華發長安夫婿輕薄

兒錦裘翠帳爲誰施

白苧詞 四首

雲羅霧縠明月光吳刀并製爲衣裳胡姬被服嬌中堂輕盈綽約鸞鳳翔爲君起

舞夜未央流波斜吟紆清揚目獨成兮心不忘

蕙樓茵閣高參天綺疏朱綴刻方連金盤玉饌陳四筵秦箏晉瑄調蜀絃垂瓊散

瓊嬾倦僊瑰姿逸態倚遷延欲語不語私自憐

介山稿略 卷一

明星有爛河漢移華燈錯落蘭膏施主人爲壽客奉卮筭瑟狂會吹參差白苧之

舞且莫遲東流自古無西馳及今不樂當何時

四座既醉朱顏酡美人赴節揚清歌揚清歌激清商上聲急調心飛揚且復含情

奉君觴人情翻覆那可量願君長照白日光妾學葵花長向陽

行路難 八首

對酒不能飲對食不能殮燕姬越女且莫舞秦箏趙瑟且莫彈停君琥珀葡萄之

玉罍微君龍膏鳳髓之瑠盤請君四座俱莫譴聽我與君歌彼行路難行路之難

不在武溪水不在太行山君心今日豈無感我欲高歌還未敢

洛陽城中楊柳樹春三二月齊作絮狂風吹之南北東西隨所去人生賦命各有

投丈夫何必多煩憂眼前世事只如此黃河之清苦難埃

長安少年遊俠兒紫駟玉勒黃金羈碧坊朝醉宜城醪青樓夜宿邯鄲姬千金作

樂萬金賭詎識人間有愁苦下帷儒生頭早白腹中空飽天人策漢朝天子不好



文饑寒落魄那可云

白日在天難照陰青銅作鏡難照心古來怨士悲白壁至今護口銷黃金我欲歌  
此曲此曲哀已深不必漸離岳不必雍川琴不必楚妃嘆不必梁甫吟君不見伯  
奇履霜申生死子胥浮革靈均沉精誠不鑒君與父他人悠悠復何想

水中之馬陸地船雖有意氣那得前東流豈無西上魚瀨高湍急當何如古稱多  
財始善賈若無長袖且莫舞今時不學事干謁絕世高才誰論列

莫耶之劍不可以刈草刈草不若鎌與鏡隨侯之珠不可以彈雀彈雀不若坭作  
丸饒母充後宮西施為誰容孫陽已沒九方死縱有麒麟總垂耳

洛陽城內多朱門洛陽城外多高墳高墳白骨生青苔當時曾住朱門來年深代  
往不知姓朱門車馬還馳騁冉冉流光能幾何請聽墳前殘露歌

莫言歡愛便莫疑腹中之劍長劊劊莫言盟誓便莫欺東海可竭山可移今日與  
君生別離請君念我初來時君言生死願同路那知有新還棄故人須覓姑射

介山稿略

卷一

三 仙居叢書

丹及時為駐如花顏莫待秋風更搖落與我同前歎飛蓬

願作曲四首

願作青銅鏡日日照歡面但見歡顏色恐歡心內變

願作七弦琴長鳴臥歡膝恐歡無知音挂儂在幽室

願作齊紈扇展轉在歡手恐歡有炎涼棄儂不得久

願儂作歡影長自依歡身恐無光明燭永夜歡難親

塞上謠六首

胡騎入塞塞為空三軍走入黃茅叢虜收積聚載婦女烹牛宰羊恣歡處

將軍閉門何為乎佩刀引玦聲嗚嗚妻妾滿前抱相泣泣問將軍計安出

虜騎一月屯始回門外白骨生青苔將軍開門播大鼓反作平戎凱歌舞

城外軍人半不遺將軍奏凱稱全師却令民間借首級道路流亡無百一

奏書飛報甘泉宮天子遙頒靖寇功黃金盡入將軍室剩卒遺氓更誰恤

將軍金多名易聞詔領漢廷南北軍邊人喜逐新都護那知又襲將軍故

將進酒

將進酒酌北斗一斗兩斗不稱意須挽天河入吾口君不見九十六帝骨已朽虛  
名於我果何有胡為不飲令心負

楊柳詞二首

憶昔與君初別時門前插柳為君期只今柳已成高樹送盡行人君未知  
妾心一復似垂楊萬縷千絲日夜長恨殺不如枝上絮隨風好去落君旁

介山稿略

卷一

四

仙居叢書

介山稿卷之一



介山稿略卷之二

明林應麒著

四言雜體

彼侮

諷畏也傳曰畏首畏尾身其餘幾

我欲上山則不畏豺與虎彼狐彼狸彼將予侮彼而侮也豺虎誰脯子之不信請

視予俎

我欲入水則不畏蛟與螭彼鱣彼鯉彼將予欺彼而欺也蛟螭誰皮子之不信謂

視予筭

彼侮二章章八句

楚棘

傷也斤斧逸施嘉物懼矣

介山稿略

卷二

仙居叢書

楚楚者棘生我門戶何用惡之我無斤斧

人有斤斧不伐杞棘伐桂與蘭以莫不力

杞棘喬止蘭桂銷止執斧斤者亦曰勞止

楚棘三章章四句

脫粟

刺也耳目非其任也

脫粟付白護敝付婦迺刺錦紵付之朦腹

付白脫粟付婦護敝迺調韶英付之聾聵

脫粟二章章四句

荒莽

刺也

析我棟宇携我甌釜將我子母入彼荒莽彼荒莽兮昔穴蛇虺彼蛇與虺今徒據

我中土我不可與伍

斧我桑柘焚我廬舍將我兄弟入彼荒裔彼荒裔兮昔居魑魅彼魑與魅今徒據

我闌闌我不可與麗

荒莽二章章九句

我行

戚也

霜結于溜我行獨悲我之悲矣豈曰無衣

霜結于塲我行獨傷我之傷矣豈曰無裳

霜風靡靡凋此蘭芷彼蔓則不死

霜風烈烈翳此日月彼陰則不撥

我行四章二章章四句二章章三句

華屋

介山稿略

卷二

仙居叢書

志獨也

豈必華屋我宿則獨獨兮宿兮尙勿愧於衾與褥兮

豈必華屋我食則獨獨兮食兮惟奮德兮

豈必華屋我行則獨獨兮行兮視履以爲祥兮

豈必華屋我坐則獨獨兮坐兮嗒焉吾忘我兮

華屋四章章四句

介山稿略卷之二



介山稿略卷之三

明林應麒著

五言古體

擬古四首

惻惻駕言邁長當與君辭迢迢隔山川况復中險嶮執手易為別旋歸渺難期浮雲西北飛流水東南馳奄忽異情態胡能不相思相思復相疑恩愛那不移願言保貞白矢死君莫遺

青樓臨廣陌飛閣何嶺嶺修簷麗遠漢曲檻週重欄上有幽思煩當窗理清彈一彈朱顏頰再彈淚潺湲三彈遠梁字響過行雲端歌長不可竟中曲猶盤桓淒淒儵然來白日光不完傷哉無知音抑抑摧心肝

良譙及茲辰芳羞雜繁吹日夕罷四座且復相躊躇踟躕各為壽共言所相知相如何必舊取足終心期調絕寡所和捷徑多曲趨昔者蘭與芷今為葦與施昂昂介山稿略 卷三 一 仙居叢書

千里駒今為狐與狸變化一何速逼仄將安之願與二三子返駕南山垂終焉拾瑤草以解長渴饑

喬喬南山木摻枝何離披纖纖谷中葛引蔓故不辭條條相縈帶葉葉相迫隨結髮為君昏一心不相疑恪勤在昕夕契闊多所期君情詎終斷白璧成捐遺在話易為醜沈抑富告誰蒼蠅豈難辯熠燿亦有輝君心如白日光照胡不垂思君五情熱歲月忽已遲

偶感二首

芙蓉在中河流輝艷人目採掇誰不憐寒裳恥滂漉

絕壁垂藤蘿條條自相附登高詎非資攀援心所惡

都門別錢介夫四首

宛彼全棲鳥廿年作乖離我初試翱翔子還守故枝子宰荆山陽我困吳水湄子

今飭葆羽翎復來儀我羽半摧落行將適蒿茨飛沉勢屢展轉空相思

相思曠相隔衷曲不得宣幸復有茲會况已迫離筵送者俱在堂車馬在門前出門有程期逝矣難久延別日何苦易會日何苦艱感舊感已盈懷新意彌愴

彌愴亦胡為念欲將子征斥鷃非我友黃鵠不可乘悠悠春日光冉冉復西傾舉俗薄遲暮何當策修名持此重念子心苦涕自零一展清商曲請子為我聽

聽之子當慘豈復知他人古來重知己四海猶比隣千載亦有契况子平生親所云立不朽詎必登要津子其念久要我亦忘賤貧願言慎歧路因風惠微音

感寓三首

紙鷲乘衝風一日凌紫極鳳鳥驚虞羅戢羽當杞棘天地何茫茫有身不得側仰視浮雲翔低頭淚沾臆

明日為今朝今朝儻成昨百年亦須臾中復多好惡往者不可追來者不可度胡不從吾好為此眼前樂

腐草為螢火宵騰類流星朽麥變蝴蝶遽遽亂莊生人死化為土感念傷我情豈介山稿略 卷三 二 仙居叢書

無王子喬此道誰能營

秋懷三首

日月遲已積感此涼颼生梁燕遺故巢庭草靡新榮我齒亦漸邁悠悠竟無成念之熱五內俛仰胡自榮

百卉無春枯夏虫不冬遊鳴鷄及其旦蟋蟀吟以秋物各有常候人生苦多憂所以古達士處世恆若浮

萬物隨運化誰能識貞理我身非我有身外那足恃至言本無詮神行亦無軌迹哉容成翁高山空仰止

嶺南別金少濱

最愛金公子翩翩真鳳毛豈惟蘭作抱直以玉為標南越趨庭暇西園下士勞韶年多妙悟作賦近風騷愧我推先輩因君託久要長途須自愛事業在雲霄

雨霽舟中即事言懷



舟行駛塵鞅憤蕩值嘉日雨過羣濠收霧盡千山出品晶浦乍光泛泛亮始集芳  
杜鬱中州垂楊蔭修術對物感已屢懷舊情靡一因念薄劣姿誤繫承明秩一去  
逾一紀三仕復三黜直道多值時巧宦慚素質漂泊將誰尤容與聊自適何當便  
浮海言采三山朮

途次逢教夢坡學十言別

別久意苦長即晤難爲申况復在歧路轉益相酸辛憶昔都門日譚笑忘晨昏不  
謂行當離所念非一身何知竟乖隔一去八九春我今適瘴土子返承明闈門外  
爲天涯後晤將何因請子立斯須一言爲子陳久要在明德語迹非疎親心期苟  
不異四海猶比隣

擬古四首

灼灼三春花楊英一何早娟娟東門妹容華一何好採桑城南隅調笑城北道方  
矜盛顏色誰言有衰老且夕涼風吹良人尚燕趙寒帷中自憐芳年詎能保

介山稿略

卷三

三

仙居叢書

悄彼北邙坂白楊何蕭條人生寄一世倏若流星飄生死不自測那用貴與豪豪  
貴滿京邑甲第千雲霄顧盼生輝光唾涕成瓊瑤冠帶集九衢磬折無晨宵擾擾  
竟何益偃仄多所勞不如策吾馬遊戲南山椒

駕言出東麓蕭艾何翹翹中有幽蘭花馨香逐風飄因風撥其花將以遺所交沉  
思復中止貴賤各有遭幽蘭豈不芳所貴或在蕭

凜凜秒秋節涼風振前庭玄鳥逝安適鴻雁多悲鳴南臯徧荒莽北麓無留榮昔  
日桃與李枝葉東西零時序一何迅華悴紛相更感此獨延佇忽忽傷我情世無  
王子喬虛名爲誰成

題純孝冊贈陳希齋都憲

大孝稱尊親弗辱乃其次末俗妄援藉決情話聲利既冒維鵠羞終觸相鼠刺失  
身能事親在昔未聞記希翁顧守身孝與時輩異養以四境歡福即百順備甘棠  
遍三省苦藁惟一致國人稱願曰幸哉子如是是爲顯父母是爲真不價國區慕

與哀特迺翁餘事行將佐明主天下以孝治溥之橫四海置之塞天地用作純孝  
謠爰以告同志

述覽效元白體八十六韻

時年十七歲作

出自城北郭涉彼滄溟村村中有二墳纍纍成荒原墓道犁爲田碑碣俱不存華  
表亦零落石獸依稀借問田間父此是誰家墩田父慘神色歛衽爲我言云乃  
勝國末計氏三弟昆大哥位家宰特受明主恩二哥執金吾出入羅旌旆小弟大  
學士赫奕金馬門兄弟兩三人氣焰凌朝暎父母各七十詔許稱壽樽饒送傾皇  
朝車從何續繁唾涕塵成珠顧盼水亦溫卿寺總領使郡縣分奴奔良田九百頃  
華屋三千軒鳴鐘聚食指不數王公尊揚威震山嶽流炤週乾坤鄉閭舊親黨莫  
敢通寒暄大哥身死日天子爲招魂珍羞盡水陸笙磬頻月喧諸侯相祭吊冠蓋  
如雲屯兩弟爲卜葬奪我高祖園我祖由此死裹屍從圍垣至今我言之不覺生  
煩冤金烏玉爲器水銀成川源當天隕星宿平地堆昆侖過者誰不羨謂是真龍

介山稿略

卷三

四

仙居叢書

擬嗣是兩兄弟相繼攀冥轅名位既銷歇聲勢多不燔無人爲卜築只得同茲播  
執紼寡朋黨僮僕無啼痕生前誼已薄死後情執俾未及三十載零落如破甌妾  
媵流爲媼子孫空饑飢寒泣衢路乞食無瓦盆一皆野死肌肉充貉豕田宅  
豈不廣更爲豪右吞我榮無定在彼此相更番茲播亦三掘骨節滑犬豚聚散任  
樵牧哀怨惟猿猴我祖所親見况此非無根昨遇一貧婦僂偃提竹筭頭面總蓬  
垢兩脚微完棍自稱家宰奇實彼甥女孫異姓猶若此此或天所掄我聞田父語  
心亦爲之煩回言向田父此亦何足論月盈尚有虧日且尙有昏况彼貴與富如  
彼空花翻亦如水中泡不久歸溟濞亦如鏡中影恍惚難爲捫亦如石中火奄倏  
無餘燉亦如日中露即復晞蒿藜亦如弦中箭乍發弩與彈亦如園中菌朝茂暮  
不蕃茲理驗自古舉俗何獨憮况彼值衰世穢濁爲籠樊忠良伏草莽奸佞充鸞  
鷓狐狸據關要魍魎羅天閣鴛鴦笑驕驥蚯蚓哈鯨鯢所以此等輩日夜相扳援  
不恥登隴斷誰復羞乞膳致彼國勢如涉海乘朽輪雖彼身未死迹已膺鼠賢衰



榮亦奚道使我徒氣歎吁嗟大丈夫立身方瓊瑤當其值明主出則靈鳳驚孤鳴  
向陽旭刷羽棲岷峩否則神龍蟄暫混蛟與龍聊以藏其身啓蟄還騰鸞乘風策  
雷電掃彼塵世渾如其不可濟亦託墳典繙摛詞燦雲漢析理窮玄元爲天闡  
祕爲聖拙悖健爲人作龜鑑爲世張屏藩冥冥空麗日月長夜飛煌燁直使千萬代  
皆得開聾聵是謂三不朽賢哲所教我雖在冲幼茲義良所諳安能與此輩齷  
齷爭低掀語罷別田父不覺山月墮南林噪螿蛄北麓鳴蛙縣東臯舞商羊西隰  
翔鷄鷓鴣雨倏然來黑霧如鬼噴偃臥扁舟中達曙多側反

涉江

宵予息西陵晨興涉錢塘中流會衝風層波磕湯湯江豚互負機商羊亂栖橋篙  
師亦憫憫舟人悉傍徨予爲發深省傾危果何當聊爾肅巾帶臨舷酌杯觴上言  
誚風伯下言讓河王須臾發澄濤周覽多晶光玄螭爲予引文魚爲予將凌波不  
假榮輕帆自相伴日夕抵城郭安坐神還揚

介山 稿 略

卷三

五

仙居 叢 書

別詩

凜凜仲秋日行將赴吳淞念當與子別氣結不能任仰觀乘鴈翔俯視雙魚沉物  
物願儔侶况子同一心嗚風促行輪樞馬生哀音丈夫志四海已復多滯淫何能  
在岐路刺刺露我襟願言各努力愛此分寸陰

蘇季子行

季子天下士挾策多權奇十獻九不遇空言竟何施黃金百鎰盡貂裘亦離披熬  
面返閭里總爲鄰人嗤父母及妻嫂啼飢不爲炊忍恥重自恨憤激多幽思發書  
得陰符伏讀年已暮謂足說當世遊周尙趨趨返策西入秦術斂方解肢謀士際  
屏息遑遑復何之百折志不挫擬作王侯師迺謁燕文侯抽談靡猜疑傳約歷五  
國赫燁多光儀輜重擬王者金印何纍纍報趙過雒陽天王亦驅馳郊迎預除道  
玉帛承金危父母躬遠逆昆弟勞奔趨妻嫂皆膝行僮僕不敢窺詰云昔何侂今  
恭亦胡爲俯伏起再拜迺復前致詞位高仍多金季子非昔姿嗟嗟炎涼態骨肉

猶若茲何况於他人稱量不錙銖

七言古體

感寓四首

南山之駭能食虎百獸見之皆伏俯一朝失足困機阱乳犬張牙來作侮世途所  
見惟目前高牙大森人共憐螭龍不異蝦與龜那知更有升天時  
誰言日中不有昃誰言月盈不有蝕在天靈曜尙如此人代繁華豈終極君不見  
思華黃犬秦相國舊日東陵侯還作青門種瓜客寄語乘車駕馬人莫將富貴輕  
寒貧自來桃李無長春

探蘭莫採棘採棘傷我手食葵莫食葛食葛傷我口智禽不棲木枝君子不結  
輕薄友嗟嗟狹邪歧路多下機矰繳高爵羅狐狸當關賊峨峨我欲出門當奈何  
海底乘車其可行墻上種蓮其可生丈夫窮途會委運那能枉遇違我情高臺多  
風桂多蠹世人誰復知其故夷齊餓死還令名京公千駟空朝露

介山 稿 略

卷三

六

仙居 叢 書

長相思

長相思哀湘妃湘妃思別湘江湄湘江之竹何離離九山靜綠紅淚滋斑斑點染  
凝旋絲截以爲管吹參差緩音急調多沉悲行雲反駛霜倒飛長相思何時歇風  
吹五岳成瓦屑海底浮沉白如雪西升赤日東生月參商牛女相錯雜心中之思  
迺可滅

思煩嘆

玉魄沉江江不流飛光倒入江南樓樓中思婦年尙少坐嘆良人久征調倚檻含  
悲凄不眠玉顏雲鬢風飈然似對嫦娥欲相託朱唇未吐淚橫落

東溟歌爲徐生賦

我年十七遊岱宗醉眠日觀之高峯夜半驚看海底日天鷄未叫金輪紅二十天  
台訪華頂目眩溟渤東方空東方島夷三萬六千國微茫却與浮螺同更有蓬萊  
瀛洲方壺員嶠岱輿之屬開五島黃金白壁仙人宮我目雖眩心獨喜欲便乘桴



苦無侶邇來錢塘逢徐生笑談自號東溟子千奇萬怪羅心胸落筆精華滿精紙  
昆蟲草木隨化工陵谷山川任遷徙嗟嗟徐生豈徐市秦帝樓船幾千祀即今又  
作人間遊豈憶童男與童女請生歸理姜肱槎與爾同將臥烟水神仙踪蹟俱渺  
茫莫把機關動天子

送蔡少尹致政還山東

誰人不畏風波誰人不羨山林樂總爲五斗甘折腰奴顏事人心不作吁嗟丈  
夫七尺身參天兩地驅百神堯舜功名雲一點金玉軒冕皆銖塵蝸角蠅頭何足  
齒却與蜉蝣競生死我亦當時誤著脚廿年飄泊風波裏欲歸不得長自羞憐然  
拂袖憐吾侯貧無琴鶴伴行李滿有花鳥迎歸翰仙民計莫留侯住爲侯護却甘  
棠樹公子他年杖節過棠陰試問還如何

漁父辭

東家出江去歸來魚滿船西家出江去歸來魚滿船我亦今朝出江去但見漂屍

介山稿略

卷三

七

仙居叢書

敗楫浮江邊始知有得必有失江湖風浪終口憐

對月九言

憶昔家中對月圓即樂只今那值月圓情轉悲可是三十二迴逢月圓其如總向  
吳門照漂泊雖然月有薄蝕冥晦時矧我能無流離與落魄吁嗟三五望月自  
明我且照影弄此三人酌

顏魯公書東方曼倩碑歌

謝黃伯明

顏公筆法天下雄東方一贊其猶龍嗟我愛之力莫致夢魂幾到平原東我固拙  
鄙不解字平生慕此忠義風憶昔李唐天寶初蕭牆禍起營州奴羣兇一朝撼京  
闕二十四郡皆爲虛堂堂顏平原狗國恩捐軀竟以七十衆不爲胡塵汚乃知大  
節人不以藝自殊胸中浩氣泄不盡往往翰墨揮其餘游藝况亦君子責自古以  
字爲心畫平原顏公不知作何狀觀此墨寶端可測書學到此稱絕筆萬丈晶光  
貫星日晉漢名書凡幾家與之對壘皆敗北識哉蘇眉山謂此能事畢出入右軍

骨更勁豐神稜稜推第一參氏龍潘古井波將軍虎臥南山石儼然大人垂紳正  
笏廟廊上側士見之皆辟易又如秦華秀出萬朵青芙蓉峭崿端嚴謝緣師嗟此  
至神物每爲好事得君家父子輕向歆剛方博雅空儒林幾年秘此分賜我拜嘉  
不翅千黃金君心欲我同尙友我報愧無瓊與玖歌成大笑不自量擬共君名傳  
不朽

銅方爵歌爲薛戚晚作

荒陵盤盤枕山阿石麟零落秋草多妖燐夜發金作崇牧兒走避羣雉叱幽城一  
朝見白日神物還從地中出勒銘壬子歲幾週往昔茫茫難致詰篆文鐫刻最奇  
古周鼎商彝應甲乙兩柱撐貝形四趾垂象齒雷章繞腹隱觚稜老鳳喙長驚下  
哆土花繡造不敢蝕翻成翠羽丹砂紫我考三代製飲器悉圓體咄爾胡獨方刻  
刻豈神鬼物之隱見固有時幸落君家綺筵裏士雖好尙具目稀博雅君眞吳季  
子晶光彷彿明中宵元氣淋漓開太始君不見達人能大觀今古一昏曉人生極  
壽止百歲作計千年意何藐我爲作歌君試聽帝霸皇王誰盡了一入九原不復  
起此器君當日傾倒且釀春江萬斛醅歌兒粉黛長相遠

雨雹行

雷師掠地震平陸石尤狂颯怒拔木崩雲掩落赤日烏烈缺光騰燭龍目長鯨駕  
海海爲翻九首天吳出深谷須臾捲却雨來中雜水丸幾千斛殺聲咆哮屋碎  
瓦萬億神兵自天下中衝橫擊合陣來昆陽之戰何雄哉又如馬陵夾道萬弩發  
矢下如蝟無魏甲如斧如卵聞自昔怪狀奇形此其匹野人庭戶變館霧湧烟  
靄龍鬪敵又疑蛟人蛋客泣相別淚灑珠璣恣狼藉葉穿鳥死芳樹慘禾麥擊盡  
驚赫赤神威收斂俄寂然瀟瀟合浦還珠玳正冠變色立前廡但見土窩無數皆  
深圓五行有占非小異調元失職誰所致春秋歷年二百四十二特書雨雹凡兩  
次大抵貶斥臣下邪佞專君事况今朱明壯陽月胡爲縱此羣惡相陵鷲九虎當  
關白日翳蟻虱小臣寧敢議吁嗟乎天聽民聽視萬姓何辜受茲崇二麥摧



殘苗總枯盡無斗粟灶無燧將何供奉催租吏

惠州城樓

惠州城南江水流惠州城北多古丘東坡居士不復見浮雲西北空悠悠長鯨駕  
空海波立老鶴叫月荒烟愁自古江山感遊子蹇予無賦媿登樓

大醉言懷三首

介山迂儒飯不足獨抱遺經向深谷南北東西百不成廿年奔走空髀肉四十無  
聞五十來羞見妻孥問榮辱

憶昔童年慕奇士十二明經十五史二十賓興遊帝都三十登朝見天子許身悞  
擬伊與周豈料中年離百憂涓埃未報坐捐棄不及狗馬甘白頭

迂儒雖以經史貢半世飄零無所用迂儒雖有山中田手脚生疎不能種讀書耕  
田兩無成不如相隨劇孟鬻博錢吃酒新豐城逍遙更埃黃河清

聽蟬

介山稿略

卷三

九

仙居叢書

迂儒五十未聞道偶於世事百不好尋常惟愛山中竹夢想廿年今始到微軀之  
外無長物寒暑一裘兼一帽倭夷亂後升斗絕不獨無烟亦無灶身輕自笑可駕  
鶴眼明豈止能窺豹人情世態看爛熟潔不如汚柔勝傲有瑕可指未為辱無善  
足稱方入妙此意於今覺更深靜倚窗前聽蟬噪

深夜大醉讀離騷走筆賦此

建茶三椀水雪香離騷九歌日月光腰金騎鶴快可擬味永不羨天庖羊短燈檠  
子移近床秋風吹簾月盈廊一歌再歌神魄動入眼渺渺橫沅湘湘妃漸遠望不  
及金支翠蕤澹飛揚彷彿漁父話獨醒更聞孺子歌滄浪山鬼跳跟獨一脚拊掌  
大笑來我旁湘纍歸魂吊故國遺墟老樹山蒼蒼歌罷掩書一太息夜如何其夜  
未央東家女兒綉羅裳銀瓶瀉酒勸客嘗一酌忘爾汝再酌齊彭殤宇宙不今古  
氣節無炎涼少年避酒不肯喫那知妙入無何鄉世人愛名與利死不徹日夜甘  
以冰炭撐其腸吁嗟乎安得麴生與之澆膏肓麴生功德那可忘吾當挾爾參羲

皇

虎害

北山之虎穴作屯南山之虎行成羣目光如電聲如雷倚蕩起伏迷荒雲百人一  
飽不吐骨牛羊犬豕何足論青青幽谷絕樵牧白日廣路無行氣三五垂涎闕城  
市市豈有虎誰其云嗚呼天地豈不仁城隍社廟甯無神胡為徧聽泰山哭千村  
萬落哀秋豈安得登封禪主簿移文直上天皇聞此兇物斷苛政出入息生吾  
民世上久缺不其令弘農太守今何人下莊已沒周處死吾亦老矣其奈爾憤激  
作歌歌其俚願附觀風獻天子

服氣歌

擬黃庭經  
用古韻

清陽希微上朝暉翠霞紫霧相葩紛中有不死真君存采而食之固靈根幽關日  
月常自明內顧返視無三彭金光瑤草秀峴嵒離神珠赤水源絳宮真人號無  
聞身披素練誦靈文即此斷絕生死門專氣致柔萬事畢子如得之可無忽天仙

介山稿略

卷三

十

仙居叢書

書功在金闕

大丹歌九章

天皇南居紫微宮三關牢鎖呼黃童方鞭起海驅潛龍龍翻黑浪騰太空六丁擲  
火當前衝猛獸突上崑崙峯流涎萬里回陰風神兵野戰如虎雄三彭命在破竹  
中六賊勦滅勢力窮一洗遂定中興功流精洞燦陽明紅乾坤六合歸混同君臨  
大寶御九重萬方臣幸來朝宗民安國泰德澤濃禾生大有歌年豐右一  
九華僊子登黃庭尾閭日出生金晶晶光化作月窟水西來一派流泉清華池澆  
灌黃芽生深根真氣頻蒸蒸琪枝玉葉開瓊英春風吹動天香霽神精朗朗居香  
冥含真抱朴如孩嬰箇內消息無限情乾坤日月晝夜明結胎三旬聖體成天門  
劈破雷一聲真人出現誰敢爭乘雲跨鶴朝玉京右二  
東方赤子號木郎半夜抱出海底陽龍飛駕瑩昇扶桑紅輪直上天中央光明照  
耀雲錦裳時同蕊女回洞房兩情相合春心芳真精一滴生玄黃身居混沌含清



光滿口馥郁流瓊漿飲之嘔之百體康返老回童天地長右三

乾金色玄坤土黃巽風鼓動爐火光一時煅煉成金剛鑄為慧劍名干將摩娑三尺如秋霜鬼魅喪膽龍虎降七星夜夜騰光芒橫拈倒用神無方右四

金苞空氣藏乾元生門之後密戶前圓中高起不倚偏中分寸二存玄立陽君主握天地先周流四德頻回旋崐崙一道西流泉倒瀉千尺銀河懸露珠洒入金谷圍蟠桃花發三千年採而食之鎮丹田長生不老人中僊時來直上九華巔白雲黃鶴來翩翩右五

日出恍朗耀八荒曲江高處金鳥翔中皇老人坐玉堂手握紫籥吹洞章一聲吹動海水揚二聲吹落水輪光三聲合吹天混茫鈞天一片聞宮商此時獨飲醒酬漿五臟歷歷生秋涼四肢如醉形質忘不知身在無何鄉右六

東華初曉曙光分五老朝元謁紫宸手握三花獻帝君一團和氣回陽春中天日月光芒新萬方有慶皆來賓籥韶九奏鸞鳳馴熙熙皞皞風俗淳河海清晏山藏

介山稿略

卷三

十一

仙居叢書

雲是真得一清乾坤右七

青天掣電轟震雷海風捲雨從東來冥冥晝霧密不開霏微洒落空中悔忽然雨息收陰霾天清地朗山崔巍松間露滴庭無埃蟾光皎潔輝靈臺刀圭飲罷凝真胎真胎養就躋聖階壺天極景收滿懷遊戲自在皆蓬萊右八

朝陽觸石生紫雲隨風縹緲朝崐崙羽蓋垂蔭浮氤氳流精映暎白玉新重樓直下戊己門空中瑞雪飛縹緲靈苗秀發琪花春根深蒂固命永存形神俱妙道合真逍遙長作天中人右九

夢遊蓬萊洲歌

東海之東去此十萬里其洲名曰蓬萊洲上有銀濤雪浪出沒三百六峯如羅浮風氣長如二三月琪花玉樹不識人間秋棗大如瓜橘如斗蓮開十丈根如舟鸞鳳即雞鷲麟龍為馬牛琳宮貝闕相環週中有仙人紫綺裘朱顏綠髮方兩眸日夕洲上相遨遊介山狂客隘九州忽然一夢何悠悠御風直到蓬萊阪仙人乃遣

金童玉女持綵旂瑤笙引鶴猴山頭迎我同上黃金樓開筵列宴徵神謳戲弄玉如意擊碎珊瑚鈞相招麻姑與王母浩歌一曲天倒流手捫星辰若棋子騎鯨返過崐崙丘黃河清淺眼中見海屋為我添新籌夢回不覺東窻日已曉却憶仙洲猶曠曠幻却塵寰墮空香世上浮名那足道

介山稿略

卷三

十二

仙居叢書

介山稿略卷之三



介山稿略卷之四

明林應麒著

五言近體

登金山讌集用傅吏部少巖韻四首

拂曙沿江渚乘春訪妙高鶯歌將雀舫樹色引鷗濤到岸雲隨鳥登山露滿袍久  
慚牽俗網暫此息凡囂

勝地留玄賞開筵俯碧湍天空諸界淨雲護上方寒梵樂調靈籟仙盤進木難况  
陪英妙躅不覺酒盃寬

象界浮蒼玉龍標建紫霞門臨千地水臺積四天花鏡裏開蓬島空中轉狹斜此  
間堪避世兼得問三車

未能離幻劫偶爾狎人天洞隱藏龍穴潮吞變海田樓臺依蜃結日月共輪圓不  
盡登臨興蘭棹望裏旋

介山稿略 卷四

仙居叢書

送何吉陽吏部謫倅九江

朝辭三殿雪夕望九江雲意外全無介行邊獨有君明時憐謫宦同署憶離羣未  
必匡廬上長容訪洞文

詠霧

滄滄更霏霏盈塔復入幃似雲非觸石爲雨不成絲祇益黃塵暗翻將白日移遙  
知多隱豹何晤有乘龜

送茅鹿門吏部謫倅廣平

人皆嗟不遇爾獨早馳名豈謂無知己翻令有此行草黃燕市路雪白廣平城慰  
此蕭條別釐宮待買生

送翁夢山司諫謫丞龍泉

鳳闕舊黃門龍泉新使君旆隨胡鴈去船到浙江分彭蠡多秋水匡廬足暮雲經  
過知意氣騷賦未應閒

詠宛馬圖

憶自貳師開遙從大宛來種今天既少圖是伏波裁遐舉追風意橫行報國材蕭  
條空悵憶西北有塵埃

遊通玄觀

勝地常年想玄都麗日來山川懸四望樓閣亞三台桂水珠爲沫瑤階綺作苔無  
勞問丹訣卽此是蓬萊

登五雲山

亦爲散煩襟名山費獨尋場來茲寺頂真慰此生心縹緲無空闊清虛混古今翻  
憐久漂泊今日始登臨

戲贈彭夢澤編修談玄四首

我愛彭夫子愴然謝世氣已應圖石室猶自隱金門錄啓三頁秘丹還九轉文時  
能朝一炷獨謁上清君

介山稿略 卷四

仙居叢書

共憐金馬客翻好碧鷄僊遠似東方子卑栖漢苑年無營仍混世有得已亡詮詎  
可爲思議清虛象帝先

爾祖昔居殷玄修得洞真三千塵裏界八百幻中身丹液調雲母紅顏作帝臣羨  
今能嗣響端不愧前人

曾讀旌陽傳因占授記期會應今日是誰可衆中師上乘無棲泊旁門總辟支法  
幢君定執况執豫章奇

泛西湖因登三竺

長夏日如年銷閑訪上禪欲窮三竺寺先泛六橋船草樹行相引雲山動自連高  
高翠微裏應別有人天

賦得邊馬有歸心

宛馬號飛黃橫行志未央識因無百樂御復少王良鬱鬱羞同櫪依依念故鄉非  
緣忘主聖不是畏途長



泛太湖

縹渺三江接微茫萬派通帆飛雲樹外山雜浪花中  
盤結蛟龍務長吹鵝鶴風蕩  
鱸秋正美臨泛意無窮

送馮侍御赴謫

明時憐遠別分手倍沾衣盡室今南去何年更北歸  
河橋芳草盡江樹暮蟬稀唯  
有衡陽鴈聯翩伴爾飛

塞上曲四首

胡騎口妖氛神兵掃陣雲勾陳開帝策太乙動星文  
沙淨風塵氣霜明草木芬漠  
南今尚說漢有霍將軍  
玄雲沉漢塞朔吹動胡笳蒲海水為岸榆林雪作花  
將軍空有樹戰士總無家敢  
憚提兵苦中原故是華

玉壘分符出金壇授律來刀鏗同月轉劍鏗與霜開  
柳葉銀光鏘桃花汗血材持

介山稿略

卷四

三

仙居叢書

將報天子不是為雲臺

紫塞流沙北黃河碣石東帝圖原自闢虜氣近來雄  
烽火通長樂宵衣念大同馮  
唐今已老投筆更誰封

過貴溪吊徐波石五首

自別京華後相從海岱中片言多契託共食每從容  
為憶窮途日長懷長者風酬  
恩留寶劍何處覓徐公

公向滇南日予隨嶺北旌邀歡空刻地離隔總懸情  
寄到金晶訣傳云玉液成何  
言藏壑遽竟作負舟輕

才名三殿紀指要六家通人共推王佐門專述聖功  
平生期不朽世事轉成空惟  
有甘棠樹留思處處同

不憶推先覺為仁任獨知詎藏神豹略翻受點狐欺  
優詔傳三殿空棺返九夷一  
生多飲志千載有餘悲

舊悟三乘秘新傳九轉丹長

看華表鶴早晚到人間

將赴嶺外留別諸友

適罷黔中役仍牽嶺外行得

聲謝良友飄泊見平生

再經弋陽道中

憶昔經遊地於今屬再過山

情多感寄一倍惜年華

律詩五言近體

上元夜立春值雪

今夜今年雪飄飄更可人似

疑成闕苑農瑞未須陳

介山稿略

卷四

燕別

芳日念將離開筵命所知禮  
人嘉秉燭共醉不須辭

艷婦詞

艷婦婉清揚嬌裝出洞房  
釵然下雙淚夫婿在遼陽

題劉揮使壁上美人用

憶自桃源見疑從洛水來  
雙耶寧再誤子建議多才

詠隙光

永夜愁難寐翻憐壁有空  
亂云茲室陋絕勝覆盆中



靈巖道中

高興窮立暮歸驂背越墟花榮村外靜人到此中疎石角斜妨蓋山腰曲度車館  
娃遺蹟在日夕更躊躇

追吊楊太僕四首

海宇淹多暇君王靖萬機玉書傳寶訣金殿引丹輝火候應常密朝班故漸稀如  
何楊太僕獨與帝心違

太子在青宮安危有數公四方饒貢獻百辟靜章封巡禱徵田暇郊壇苑廟崇祇  
應僊可學此外更何從

大藥今多誤忠言古不難獨憐公命薄終失帝恩寬垂老干天憲荒郊葬鐵肝遙  
聞先涕淚不必諫書看

誰云方外士肯受世間塵自是天王聖能來玉帝臣九還應有術三殿豈無人此  
老偏多事憂天竟誤身

介山稿略 卷四

五 仙居叢書

立秋泊德清雷殿書寄所知二首

有客遠明世無家向獨舟月臨雷殿古風報露華秋樹暝蟬俱寂江空水自流美  
人猶在望離隔可勝愁

在昔長輕別于今獨掛神非緣念兒女亦不為風塵此意汝應解他鄉誰復親未  
須論去住俱是斷腸人

戲呈彭起之編修

聞說瀛洲客尋僧湖上來旃沿三竺駐船過六橋開問法兼僊秘翻經逞史才鹿  
車應已悟龍節幾時迴

對月

迢遞天邊月蕭條客裏看不禁臨永夜猶自隔長安氣拂銀河淨光浮玉露寒遙  
憐小兒女相拜祝團圓

送蕭邑傅之官

辛勤蕭穎士作意向南州夙昔青雲志飛騰黃葉秋一杯難草草千里正悠悠樸  
械青莪意知應故講求

醉贈鄭江村

時七月苦雨舟中潯寂江村自三衢來顧傾蓋痛飲抵掌論神僊事若數一  
二贈予鵝形端硯一方製甚工又傳煎瓊玉膏法精妙絕異時醫善鼓琴故  
及之云

客有三衢彥時常七月天雨中能枉顧酒外更談玄相贈鵝為硯仍傳玉作煎琴  
心妙三疊無或是齊消

同李進士自瓜步乘舟至焦山訪鉉上人

有約尋支遁相期共李膺棹從瓜步發山傍海門登曲徑通禪室香床引藥藤此  
中堪避世兼得問三乘

中秋舟次對月二首

三五月初圓流暉滿畫船橋疑七子挂舷類百枝燃燭燿飛難見嫦娥望獨妍似  
介山稿略 卷四 六 仙居叢書

憐人寂寞偏添錦帆懸

每恨中秋節長富逆旅逢那知今夜玩還與舊年同魄似將愁滿魂疑逐望空鳳  
城何處是遙隔五雲中

遊天池用韻

徑轉丹霄逼山迴翠磴連石頭雕作屋玉乳瀉為泉寶閣留雲宿金輪借日懸千  
章琪樹靜七道斗燈偏鼓嶂危窺地蓮峯散刺天却憐人代裏得禮梵王前常住  
仍臨濟禪關况普賢談玄懷未了歸路轉依然

送高都諫謫赴廣東

聞說辭青瑣揚帆接素秋勞予瞻漢闕遲爾度胥丘詎意成鴻燕無緣問去留承  
書自西水 高子至嘉興西水驛方識任南州敢復遙別端將慶壯遊九疑連五

嶺七澤帶三洲海氣全吞斗山文半射牛 廣東星分至今雄越秀越秀山在  
省城為鎮自

古著羅浮 羅浮山有璇房瑤臺七十二所璇室瑤臺迴金箱玉笈幽丹砂隨地出鐘乳雜泉流奇



秘乾坤孕精靈草木抽豈惟供朗眺兼得契玄修至道非難悟金丹或可求會看  
騰鶴馭謁帝五雲頭

別錢後峯侍御赴廣西謫所

慚我長羈在憐君遠謫來相逢俱是夢明發詎爲我鴈向三湘急猿聞五嶺哀經  
過春定滿須寄嶺頭梅

落花

春盡花無賴飄飄惱殺人隨風嬌度竹逐水亂依蘋墻圍將能禁枝條已不親物  
情兼世態遮莫見天真

不寐

多病長爲客無眠祗益愁玉繩低度柳銀漢淡橫樓嚶嚶過鴻雁迢迢見女牛美  
人空在望魂夢未應投

答雲山用韻

介山稿略

卷四

七

仙居叢書

異地同爲客無家更屢空隙中憐日月江上泣刀弓時有海寇故云世眼猶餘白楓林已  
淨紅何能攀逸駕俱脫畏途中

憶長安

銀漢倚珠樓琳堂掛玉鈎却憐僧寺晚遙憶帝城秋苑樹原難瘦官雲定不收祗  
應臺上草蕭颯使人愁

秋盡十首

作客秋仍盡臨風鬢欲新六年懷主意三載逐臣身永夜頻看斗空山只避人引  
孟彈缺罷餘夢遠楓宸

作客秋仍盡還家計未期白頭憐母老黃口念兒癡世事浮雲度生涯短劍知不  
禁門外菊一復似東籬

作客秋仍盡荒村屬暮天山山惟落葉樹樹有啼鷓草屋參差閉巢禽次第還相  
逢無舊識不覺爲泣然

作客秋仍盡聊爲澤畔吟露橫江岸白雲接海門陰獨鶴飛無際雙鷗去有心安  
能了機事與爾共浮沉

作客秋仍盡翻然忘素居門多栖鳳竹架有換鵝書腹飽旬三食頭便月一梳養  
成疎懶性夢亦在華胥

作客秋仍盡羈懷尙自舒寒從童僕臥貧任故人疎公伯其如命臧倉豈尼予行  
藏吾道在天意定何如

作客秋仍盡東林葉半飛那堪對搖落猶自媿依違獻曝心空壯揮戈事已非何  
當拂衣去終採北山薇

作客秋仍盡含愁獨上臺風煙迷澤國雲日亂天台北極看難見南山信不來登  
臨更延佇歸路滿塵埃

作客秋仍盡攜壺上虎丘遊人沸絲竹荒徑冷松楸臺古天花散池空劍氣收越  
吳俱不見江水自東流

介山稿略

卷四

八

仙居叢書

作客秋仍盡移舟泛崦嵫西山橫吳地闊湖接楚天低日月浮沉見星辰下上迷端  
將任蓬席隨意學雲棲

避寇山中二首

舊說仙居僻山深好避兵那知橫海寇翻傍亂峯行鳥路通夷島人家雜虜營自  
憐衰劣其無計託餘生

攜家緣避地捫葛當登臨半嶺留殘照千峯澹夕陰人煙行處斷風葉坐來深隔  
谷聞猿嘯空懸叫闕心

次李牛山同諸友登景星韻

長憶景星寺平臨鳥道斜座中低日觀檐外小天涯法露晴霜樹曇雲冷作花何  
時遂登覽因過謫仙家

送陳分教木之歙縣

十月都門柳蕭條不可攀長風吹易水朔雪滿燕山此際聞人別猶能慘客顏况



逢知己少倍覺送君難

白璧人俱嘆青旣復此行親知惟我識吏隱是君情邑有佳山水文堪託姓名談  
經多暇日詞賦答昇平

人有饒匹厲者予養之逾月鵝鴨皆狎之然不勝其中夜悲鳴憫而賦此

爾有霄雲志翻爲鵝鴨憐向人空欲盡刷羽故凄然立罷秋霜冷鳴殘夜月圓天  
邊有儔侶消息仗誰傳

次包三溪大守園亭韻三首

刺史園亭勝會聞共說來鑿分銀漢曲築象斗城迴海氣晴薰閣峯文暗入杯庭  
花分四照紅破上階苔

此日陪清讌方知境更幽野存經世局地隱濟川舟花霧融衣濕香泉傍席流地  
應緣主勝天似爲君留

行到斷塵事坐來生道心山川餘氣色花木變晴陰霞護丹砂鼎風調綠綺琴未

介山稿略

卷四

九

仙居叢書

須論世外卽此是仙林

又次前韻三首

久有耽幽興言陪勝賞來徑披垂柳入山擁畫屏迴水樹涵星象雲舸泛酒杯夜  
闌猶秉燭清露滴莓苔

息想圖南暇栖兼谷口幽園亭環傍水行坐若乘舟對酒烟霞滿臨軒草樹流悠  
然迷出處漫爾得淹留

却愛高栖處能諧吏隱心林塘澄夕霽花木駐春陰架滿金仙錄床閑玉軫琴那  
知城市裏別自有山林

又次前韻三首

主開池上酌人入鏡中來苻帶牽風縮蓮衣捲日迴鶯能啼和曲鶴解舞啣杯興  
洽林塘晚移樽向碧苔

徑轉千花簇亭開一鑑幽疑將姑射館移入武陵舟迹豈神仙著名兼吏隱流知

君多道氣談笑且相留

高士好棲隱羨君同此心淵明歸栗里賀監返山陰曠節明秋水清標洽素琴三  
溪他日記應並二賢林

遊仙四首

窈窕尋玄圃逍遙度碧虛六龍常作馭三鳥豈成旗閭闔丹扉啓明堂紫氣疎盧  
敖與蕭史相接下天除

東挹扶桑曜西陵弱水流北臨玄闕觀南息絳雲丘八極平如砥三天俯若浮塵  
區那可道彷彿類微瀛

仙官金作榜離樹玉爲題神桂侵檐秀靈芝隱砌齊投壺多玉女節唱有銅鞮漫  
奏承雲樂鸞迴鳳鳥栖

谷神甯有象數妙總無名浪解飛龜術空傳相鶴經青泥原是饌白石本成羹却  
笑迷真者經年採藥莖

介山稿略

卷四

十

仙居叢書

泛湖

頓棹沿胥水揚帆截洞庭吳山晴歷歷荆樹遠冥冥地擁三江白天連七澤青喜  
看塵世隔端欲臥滄溟

奉次王敬所大行皇帝挽詞韻五章

聖歷回初紀皇猷屬再新胡然成九鼎竟爾棄羣臣已墮號難及龍歸迹易湮遙  
悲含玉夕無復負辰辰

共訝掖垣西長懸寶錄題那知玄極殿眞作上昇梯更逐三清遠塗從七聖迷空  
遺傳法嬪淒切聽晨鷄

感激輪臺詔頻繁聖慮勞勸忠旌舊直罪已訓新朝有典皆稱禹無人不頌堯喪  
應同考妣過密到天驕

登遐當五紀輔聖屬三孤座乍移中極神應返漢湖似猶存陟降無自聽吁都却  
訝嵩山祝空遺萬歲呼



燕翼弘先烈龍圖屬繼明許將金作冊賚勝寶爲城九譯敷文命三都起頌聲孤  
臣甘稿死重見秦塔平

送張鶴樓赴謫所名冊

漢代理輪裔年青志燭然有忠偏貫日無念不憂天抗疏辭軒冕携家人瘴烟生  
懷明主賜名重遠夷編宣室行應召長沙賦莫傳

友人以書來問併索近作者口占答之

落落依明世悠悠已暮年跡慚金馬隱形較木雞全有託長中聖無家覓入禪久  
來疎筆硯不作子雲玄

不寐

殘雪凍在屋風吹月皎皎漏緩響向分銀河淨如掃攬衣步前庭庭空人影小徘徊  
不成寐懷我心所好

走筆答侍揮使烈時以事係台郡獄

南京人號桃溪

介山稿略

卷四

十一

仙居叢書

我已飄零久憐君數更奇誰知公伯妄翻笑不疑癡

時當道有以待君不待辨先納賄爲痴者故云

道直

天終定途窮志莫移屈伸原倚伏政是策勳時

連年海寇大舉兩廣三邊俱不寧故云

舟宿獨石

萬里扁舟客三更獨石營天清風葉亂月白浪花明鴈響兼猿嘯壑笳雜戍鉦永  
懷愁不寐牢落念平生

咏秋風

漸銷銀漢暑偏引玉樓涼吹萬俱成籟調絃併是商大會歌漢主雄已賦襄王一  
罷班姬扇蕭蕭恨不忘

咏秋雲

已謝靈隱勢閒隨閭闔颯停停時學蓋漠漠迴疑綃蔽日愁將夕爲神每及朝長  
安偏易滿悵望使人勞

尋桃源

桃源何處是共說此山陽洞口臨飛瀑峯頭對石梁澗紋隨溜轉花氣入風香恐  
有胡麻泛臨流試一觴

病中友人携樂見訪口占卻之

一月病中盡雨多人跡稀庭花開已落檐燕乳仍飛調息斷塵念閉門生道機維  
摩非示疾天女謾皈依

贈思山

落落思山子名家故業儒悔從簪筆仕早上掛冠書四壁家徒立三都跡已疎相  
看俱白髮杯酒爲躊躇

久雨

淹淹連夜雨不斷自初春赤日稀垂地黃流屢沒津乍疑珠作粟漸訝桂爲薪肉  
食調元化誰憐草澤人

夏望江天閣

到寺已疎豁况登江上樓雲陰晴抱席風色暗生秋入望無青嶂低空有白鷗恍  
應超宇內何必問丹丘

避地

十年常避地栖息古城隅漸與故園遠轉將明世疎竹風吹理縵花日照臨書大  
隱偷從此此生寧願餘

病起泛湖

病起始出郭湖山佳氣來劇晴喧鳥鵲過雨長莓苔棹轉千峯入天連一鑑開忘  
歸非爲酒真意得悠哉

次兩遊禪雨有應志喜韻五首

火化丹天運時當溽暑初赤燂吹早魃黃牒走神車索徧宣王祀占窮太史書惟  
馨在明德昭格定何如

爰驗神人理深知令幸賢投詞方罪已靈雨竟垂天綠換萎黃野青浮聖白田老



夫歡欲舞爲續兩遊篇

隣邑霑餘潤昔邦澤早流泉原千種秀禾黍萬家稠感實通無象人咸樂有秋次  
公遺德在弈世羨相求

濂澤甘於雨仁聲動若雷因之昭瑞應頓爾洗炎埃花縣絃歌發詞林藻詠開觀  
風端有採早晚獻蓬萊

齋心三日禱凍雨四郊臨風解吾民愜雲生宓子琴沉山疑豹變飛澗似龍吟  
試波臣手皇家待作霖

贈劉羽泉四十六韻

國孕勾吳勝風從泰伯傳天文占斗極地紀曠金躔物采跨都會聲明鄙澗瀨篤  
生應有兆毓秀豈無緣岳降徵申甫人靈見羽泉霄遙分赤帝學久瞻青田射策  
魁洪駿頒符試小鮮絃歌言偃後化理魯恭先擢給黃門事班清紫禁聯出朝焚  
諫草入直擁金蓮籍矣銀臺陟寅設帝命宣旋遷京兆尹益著保釐詮奕奕光三

介山稿略

卷四

十三 仙居叢書

輔優優潤六邊胸藏黃石秘神悟白猿編簡在皇心定材居列寺前爰推分闔穀  
特授制中權磐石藩屏固昇壇禮數全建牙屯虎豹開府控山川兩浙通南甸全  
閩帶海墘境皆歸節鎮將各領裨偏分陝榮堪擬承天寵更專感恩懷激烈委質  
誓周旋陣總精三略威常肅九天穿山飛羽檄橫海泛樓航電掣神機統風鳴破  
的絃鑿徒魂盡落倭寇種俱殲崖谷妖氛絕滄溟駭浪恬僞屍填鳥道敗艦亂蛟  
涎詎復憑幽險無緣恣結連已聞歌凱暇時見枕戈眠夜帳衡珠漢晴空靜綵旃  
弛弓斜倚月探候冷收煙庶物隨交泰羣生解倒懸四郊增氣色萬里斷塵纖名  
豈尋常得助須鼎鼐錫况逢新帝聖尤眷舊臣賢兵念留都重機需督府參攀轅  
號老稚送別儼神仙召伯甘棠在周公赤鳥還行瞻畫閣佇見秉鴻鈐憶我流  
離日逢公英妙年媿成牛馬老幸見鳳凰鷲涸鱗何能奮波臣未擬拚窮途虛夢  
想末俗自迤邐悵望雲霄遠迤邐道路延作歌于筦爾投筆羨燕然

賀梅林胡公五十八韻

鳳曆三千紀龍飛四十正有生皆濊澤無處不含菁地最新安勝天鍾曠劫靈星

躡當北斗旬服隸南京秀衍黃虞裔祥流白鶴品爲生昭代輔會屬泰階平弱冠  
魁秋省芳譽協日評青雲連得雋赤宇早蜚聲擊浪看鯉運朝陽羨鳳鳴美材優

錦製大邑試鮮烹學道同言偃彈琴似宓生擢爲驄馬使勅代衰龍行直節朝紳  
動埋輪士論旬更持全浙斧旋請上方纓白簡凝霜冷丹心向日明適逢蛟寇擾

坐失海波澄買勇鋒難禦憑深勢莫撓乍聞勞感憤長慮及區萌攬轡期銷瘴投  
膠欲變涇飛章繩圖帥馳檄走蕃兵朞月傳三捷雄風薄四溟聖衷嘉茂茂伐寵命

賜專征授節分天仗推輪出帝庭屯兵聯玉帳行部引金鉞位應三台座身當萬  
里城感恩猷益壯敵愾氣偏橫矢石躬嘗冒鎗鈴律更精笑談紆廟略延訪及巖

肩壯士思投筆儒生願識判幕中羅劇孟車左載侯嬴將總諸機略人皆仰國植  
運門占日月飛令肅風霆百計擒渠酋千奇破虜營獻俘三殿慶奏凱萬方寧神

武威無敵中興象有徵人間臬揆揄天上掃樓槍島島稀傳箭村村事偶耕鹿彰  
介山稿略 卷四 十四 仙居叢書

純玉瑞芝產彩霞諸福皆能致貞符兆已成我公扶景運聖眷邁先程式念無  
前烈因酬不賞榮青宮尊太保黃閣擬阿衡顯命金書錫殊章玉册承銜新大司

馬秩攝左中丞蟒服明朝旭綢冠秩上卿兼官知受大戡亂信師貞鬼國三年克  
東山九戩迎周公歸作輔傳說列爲星百世開王祀三篇著帝經古人多際遇今

上倍雄英命相寧須卜流言久絕聽詎惟輕辟孺應復駕殷丁矧在貞良佐尤深  
毗倚情台衡資秉軸寶鼎待調羹矧見麒麟書行頒帶礪銘八紘祈福澤千載照

丹青未必三王後專流二相名逸夫攜對語遙祝代稱航  
恩榮齊壽册爲李五華憲副使賦 二十 四韻

遙宵傳唐室崇居近帝鄉五華偏孕秀二殿早蜚黃式際中興運弘敷孝理光舉  
家駢景福同日捧襲章紫誥兼爛綺袍綺併張拜恩成書錦稱慶及春王度轉

逢庚甲庭開見鳳凰椿將萱並茂榮與壽俱昌湛樂千禧集承歡百順張金衣環  
膝舞玉樹對筵芳俎錯龍肝脯樽傾約乳漿洞回仙女奏山獻寶爐香宴總荷王



母星真降歲祥靈鍾南紀勝名自北堂揚盛事傳文苑徵詞遍楚湘有詩皆白雪  
無調不春陽水鑑曾開浙吳謳亦滿湘獨慚巴唱拙未扣郢人堂誦德心常醉懷  
賢意不忘即今瞻憲幄仍復駐錢塘錫類仁偏著持身義益方觀風多感慨問俗  
遍窮荒咨及迷塗客恩先末士行人懷真父母跡掃舊豺狼移孝貞心顯成親令  
譽敷神應多哉穀愛總及甘棠行擬膺三錫終期壽八邨名齊衡岳永澤衍漢江  
長奕葉沾湯沐千秋聖聖皇

奉次郭陶峯舟中夜集韻

繡斧臨丹甸銀槎轉絳河月含秋色早星麗水文多出錢聯貂史臨流發權歌酒  
深情更洽不問夜如何

奉次郭侍御陳大參喜雨譙集韻二首

少岳能張宴中丞亦愛山况逢時雨後正值早秋間把酒民同樂披雲意共閑徘徊  
一以眺日夕未言還

介山稿略

卷四

十五

仙居叢書

雨散千林暑泉飛白道深玄都雙轡蓋此日共登臨樽剖黃封酒歌調白雪音寧  
知遊以豫總慰省方心

病起出郭

抱病淹旬朔同官廢往來閉門芳草合燕坐小花開有夢皆爲蝶無心不作灰荒  
郊成漫往鷗鳥亦忘猜

題大陳獻捷冊二十二韻

舊仰金閨鳳新瞻憲府驄受符空冀北持斧向江東節映台星建權兼制鎮崇練  
兵方范老化俗侶文翁士總能經武民咸願即戎先聲真破膽殺氣宛成虹已過  
防春候仍嚴守禦疆狂夷忘喘月炎夏敢乘風遠傍陳山巖圖摠負險攻何期三  
哨躬竟覆兩番纓死戰沉千指生擒獻七雄訊俘屯虎豹飲至叙熊羆夾道觀如  
堵騰憤沸若訂感深思俎豆恩普慶旃幟誰不誇飛將由知妙折衝捷書傳帝闕  
賢績簡宸衷日夕占三錫明良會九重願紆籌海策遍試洗天工淨掃塵區外同

熙化日中萬年歸一統列鼎勒膚功未數平江漢寧論定鎬豐野夫先作頌擬奏  
大明宮

介山稿略

卷四

十六

仙居叢書

介山稿略之卷四



介山稿略卷之五

明林應麒著

七言近體

飲秦中九席上用韻

僊郎別館對蓬萊秋日文筵向晚開盤出上方珍作饌酒分中賜玉爲杯珠談似  
逐星河動蘭抱眞迎寶霧來叨以故鄉陪勝讌轉於明世愧非才

送林少峯使兩廣

蓬萊三殿漢鄒枚遙捧天書百越開日擁黃龍馳畫舫江迎白露過蘇臺貪趨畫  
錦茱萸會擬接春風綵仗回定憶諏咨有封事明時莫上賈生哀

立秋先一日安東舟次

淮樹陰陰淮草稠長年奔走使人羞即看落日過漣口又逐驚濤向海州北斗漸  
移愁裏柄西風先報客中秋空將往事悲黃鶴底似初衣共白鷗

介山稿略

卷五

仙居叢書

送許進士還京

南國西回上苑僊東吳北送木蘭船文昌星遠牙櫓動闔闔風隨錦纜牽菊想開  
時經戲馬虹應藏日到幽燕黃門青鎖懸相待紫塞蒼生正可憐

送何侍御還京

曾向三河持節來更從百越省方回經綸前後傳封事中外分明數異材此別未  
應多委遠相逢須復少遲回明君治世無窮意莫負臨岐酒一杯

聞謫志感

金門弱冠慚通籍樛散常年愛左遷身外總應輕似葉道邊寧忍直如絃况聞岱  
岳連新署更近蓬萊可放船吏隱壯遊平日志此行端荷聖恩偏

中秋城樓望月

城上高樓接大微樓頭月色倍暉暉遙連絕塞關河動懸帶中天星宿稀避弋厲  
鴻翻北叫無枝鳥鷓更南飛誰家玉笛吹初散長夜漫漫淚滿衣

答友人見慰言懷

壯遊自是平生志直道甯悲行路難謫去一官還從七經來十載始餘三扁舟舊  
老江邊柳正馬新窮海上山總以淹留供浪迹轉因漂泊破愁顏

登觀音閣

地迴天空江自流峯迴谿逼寺藏秋南來鴻雁蕭蕭度北去雲烟故故浮扶病杜  
陵猶作客思鄉土粲更登樓側身涕洟乾坤滿獨倚危欄歌四愁

夏日禁中聞蟬

夏木陰陰覆苑城寒蟬噤噤遠枝鳴微形葉底深難見亂響風前故不平萬里隨  
看秋思動六邊遙憶暮愁生數聲已下孤臣泪莫遣長門宮裏聽

羈寓吳門聞散夢坡編修奉使過姑蘇治餞不及寄懷

一自空文流落來六看黃菊楚江隈逢人彷彿還投石避地蕭條學死灰聞爾遠  
從天上至擬將孤抱酒邊開那堪咫尺滄波上錦纜星槎望不回

介山稿略

卷五

仙居叢書

送徐秋亭秋官出守鄖陽

五馬朱旂出帝京年方三十羨專城符分楚蜀咽喉會帆挂江河日月行熬水北  
通胡馬窟龍門東接獻皇堊知君撫字多辛苦秋夜遙看太白星

冬至候朝次王梓沙寅長韻

天回北斗挂西垣銀燭千官候午門侯國總陳龍鳳表夷方遙識聖人尊香飄瑞  
氣連三殿風曼祥雲遍七屯此日孤臣倍歡慶叨陪鶴序奉堯樽

魯王賜宴園亭次睿製一首奉謝

王家池榭枕城隈錦席時開池上臺舟泛乍疑通太液樓高應似見蓬萊鶯花併  
簇霓裳舞絲管分催蓮葉杯幸侍龍光叨既醉重承睿藻愧非才

奉寄谷少岱

一別于今又隔年不堪消息總茫然移居想已依長白閉戶能無了太玄愧我尙  
淹彭蠡棹因君重憶汶陽船何時定擬攀叢桂同賦山中招隱篇



遊靈巖館娃宮二首

靈巖山列館娃宮別樹離樓十二重  
雲裏每傳香縹度月中時見羽衣通  
瑟留黃鵠寶炬金蓮散碧空  
往事即今俱寂寞祇遺荒草向東風  
獨憐遺跡舊時開與客登臨盡一杯  
細草依稀分豔道閒花狼藉傍琴臺  
採香涇在魚猶聚響屨廊空鹿自來  
行樂千秋總如此浮生何必更多哀

題少濱雅號二首

鑑湖東接海天長蓬島瀛洲共渺茫  
每向波中看日月轉於風處見文章  
驪珠掩映鮫人室雲錦昭回織女房  
濱此總應靈異聚君家橋梓獨輝光  
憶昔淹留鑑水春每將蘭棹泛湖濱  
汀花岸柳交相映浴鷺飛鳧劇自親  
雲處暗藏姑射館月中時度洛川神  
即今嶺外空成夢驚見湖濱似玉人

送吳怡齋司諫謫赴橫州二首

璵郎年少最名揚若爲承恩得異方  
雀舫更過回鴈處鸞栖仍傍下雞鄉  
山標銅介山稿略卷五三仙居叢書

柱南經盡江擁橫樓北望長淮海伏波  
多往事將因懷古一沾裳

半生長抱杞人憂零落其如志未酬  
獨羨君能頻借劍却伶誰不愧爲鈞  
九千里外遊偏壯二百年來氣總收  
早晚帝庭思直諫應知不遣到橫州

送董幼海秋官謫赴滇南

敦逸昔曾排蔡相江都原不齒平津  
君今峻節凌華冑我幸明時見直臣  
乍會愁爲千舍別長塗須愛萬城身  
中興禮樂多相待何日重來謁紫宸

贈謝可山隱君

隱君詞賦薄閑居八十年來興總餘  
三竺峯頭行對月六橋花底坐觀魚  
憂時尙作驚人句煉藥能傳御女書  
舊社故交零落盡偶緣同病轉憐予

贈徐鳳石廣文

鳳石先生身姓徐蚤年馳譽滿公車  
五侯交致金縑聘三殿爭求石室書  
天上歸來思避世客中相見倍憐予  
相邀共買文溪棹擬向江郎定卜居

避地

年年避地此栖依獨向城陰掩敝扉  
徑僻總無求仲跡床空猶有伯牙徽  
愁隨庭草除難盡夢遶山醉易歸  
聞道台州頻報捷引盃彈劍轉沾衣

送張元洲赴部次留別韻二首

都門憶共賦甘泉鳳鸞栖各異天  
奉役慮陽勞莞爾寄語朋輩見依然  
歸應有意憐同病會却無何訝別筵  
岐路風波知飽歷策勳須及盛明年  
憐君指日帝城遊留別瑤篇若爲酬  
心悅白雲難取贈聲懷黃鳥愧相求  
賢名况滿平津閣春色能驕上漢舟  
忽到釐宮定前席杞人應得破深憂

送黃伯明赴桂林參軍言懷二首

伯明久翁宗伯季子與予遊最久故詩及之

與君少小侍遊燕却入金陵歲復淹  
花滿帝城皆並馬月明梁寺幾聽禪  
何知流落今如此爲數心期一惘然  
明發又成千舍別粵山吳水渺風煙

介山稿略卷五四仙居叢書

君家五世四金焦現有勳名記石渠  
公子似君才孰似拜官如此意何如  
豈便勾漏尋丹藥將向轅門試素書  
幕府古來多駿烈懸知雅志薄塵胥

病足痛不可忍枕上口占

心懷獻玉未能成底事幽屈得楚刑  
疾過淵明妨乞食廢同孫武恥談兵  
爲貪山色開窗臥愛寬園芝徒榻行  
久矣津塗俱斷念祇將枯坐學無生

送祝九山員外暨還閩中

九山畏內六十始就武林娶妾舉一子  
獨留杭州故未及之

君辭天上紫宸班我亦投簪嶺外還  
避地共爲城市隱論交真在弟兄間  
方期結社聽新句若遠乘槎訪舊山  
想到咸陽憶并舍鳳鸞鶯侶倍情關

題陳希齋方伯天人交濟橋卷

遙聞漢使飛虹構不用秦皇跨海鞭  
水上風雷雙嶽破石間年月五丁鑄  
人推明德符玄瑞天爲中興試大川  
定擬九重思若濟詎惟三楚頌無前



次童南衡侍御卜居韻四首

高居曲巷不聞喧幽雅何殊郭外村三徑總多方士躅四筵頻中聖人尊遙連綠柳疑陶舍近對青山似謝門為憶猶龍周柱史同官今見道家孫

雖同學士早焚魚不向深巖去卜居心遠詎嫌當市隱機忘未覺與時疎庭中半有壺中氣架上全無世上書我以憂天常避地登堂真愧杞人愚

樓近南山對鬱盤樓居倦客擬多歡酒中避暑輕衰紹花下圍棋勝謝安滄露金芝偏自秀臨風玉樹耐人看九還大藥聞將熟願乞刀圭却互簞

共訝君懷濟世才却辭驄馬下蓬萊移居再擬隆中臥前席應煩闕下催金碧題標宸語切煙霞圖向錦堂開出處懸知兩無繫將因丹候少遲回

題李蓮湖憲長迎養卷送封君歸

庭椿臺柏兩相依報主娛親願不違總以承歡將孝理漫因行樂泥光輝舟分櫂李難為別春滿阿陵易憶歸色養台增知有日莫忘此地試班衣

介山稿略

卷五

五

仙居叢書

應進士誠之奉使使省迺翁容菴尚書

拜恩銜命早春歸報主寧親兩不違入里榮誇金榜客承顏勸動錦堂幃旋開御酒稱家宴試舞宮袍學彩衣計日王程知尚緩羨君行樂泥光輝

友人以有以至日欲往都門投謁者詩以止之

聞君結束事天涯短劍蕭條擬向誰談笑已非開口日風塵方是閉關時才高自昔難為達身賤何緣易受知此去未應多得意不如歸種北山芝

客居人日立春感寓

索屈又拜天王正抱病虛逢人日春凡卉總應回淑氣餘生何事隔光塵偷將風角占星甲借取椒漿酌穀神但得豐年息兵事敢辭投老臥江濱

應進士守凍彭城詩以訊之

遙聞倚棹合鄉城為憶流澌緩去程日下虛瞻雙闕近雪中應擬四愁成關河亂後稀煙火鄉里年來遍甲兵咫尺雲龍堪縱目知君一眺豈勝情

代簡答趙方匡司寇

都門告別幾為年欲寄相思只惘然能許心期長似舊不堪筋力大非前家經兵火栖難穩身在泥塗眾易捐海內故人公獨厚一秋三遣雁書傳

雨後北高峯晚眺

雨餘雲日弄霏微獨坐高峯送落暉蜃氣不隨西日盡狼烽猶傍北雲飛蒼蒼水國葭初變寂寂山城鳥自歸漂泊蚤傷頭盡白感昔空有泪沾衣

聞秦白厓彭城訃哀悼二首

訃傳忽忽使人疑訊罷情情祇益悲少別詎應成永訣吉行何事與凶期月明淮北魂歸遠雨暗江南夢到遲欲奠生芻渺何所百年交義海雲知

場來共喜新恩至憶去翻令舊恨長底事玉堂將粉署併隨仙魄殫他鄉二千里

外傳雙泪五十八人間夢一場借問向時門下士可誰偏為翟公傷

七夕童南衡席上分韻送張王屋

弦月娟娟暑乍輕銀河歷歷雁初征正怜天上逢靈匹詎向樽前別友生共飲擬為千日醉分題真媿五言城試評明發樟亭恨何似經年漢渚情

介山稿略

卷五

六

仙居叢書

志感

少年曾擬致雲霄誰料疏狂遠聖朝一落紅塵驚世變三淹玄紱使神銷飄零總負雙龍劍寂寞空憐舊鶴瓢往事只今何足論將因衰病覓圭刀

謫赴山東郊外留別諸友

春風楊柳綠絲絲此日都門念別離底事更為滄海吏幾年空負漢霄期雲浮北闕瞻仍近馬向東山去獨遲播詢本非明主意擬將葵藿報恩輝

五十初度

生當武廟元正月第賜今皇乙未春報主無能慚雨露憂天有癖畏風塵敢辭身向溝中斷但願朝充席上珍共捧大明熙萬宇老夫長作太平人

六十初度



五十悠悠六十來半生蹤跡傍蒿萊耕田藝圃已無力獻策匡時空有懷實腹漫  
殮霞五色陶情時進酒三杯浮雲世態從渠變且向山中學打乖

題世翰坊爲葉柳亭中書賦

君裁五色侍今皇詔許移封並玉堂池上鳳毛仍濟美省中雞舌共含香星臺爲  
表明時寵錦里榮開世翰坊想見彩毫千氣象遙占奕葉駐輝光

贈陶真人祀泰山禮成

遙傳鳳勒馳中使驚見龍筵出尙方千載岱宗添氣色一時齊甸有輝光明禮禮  
洽天人際寶翰旛懸日月旁想到釐宮報立瑞天王玉策共天長

送陳月川年丈以地官郎出守鎮江用韻三首

共羨先生瓊海濠秋風欲發潤成旄朝騎五馬辭天闕夕綰雙龍別地曹伏雨正  
添燕市漲河流遙蹴海門濤蘭舟此去應神速好慰吳民引望勞

潤州城壓大江旁天塹千年壯地防門外舟車長日聚海邊孤矢暫時張總戎見

介山稿略

卷五

七

仙居叢書

說新開府近墅聞多舊戰場渤海穎川俱往事須君談笑靖江洋

二十年前鬢未華與君同插漢宮花君橫黃帶懸新印我傍青門憶舊瓜執別不  
堪秋又到相期無奈意偏除江南驛使多經過莫惜音書付押衙

探僊閣同諸君讌集用韻

仙郎雅意好幽尋共訪僊閣入碧林翠壁迴開丹地穴靈泉疑泄洞天深上方雲  
磴空中轉下界煙花望外陰總以勝遊陪勝躅將因初地識初心

送王子器分教無爲

昔年奔走遍廬陽却意無爲亦故鄉君以故鄉仍宦往我緣分袂轉情長五雲閣  
迴臨空碧四望臺高接太荒定擬登遊多述作墨花應續米元章

送潘五山分教東莞

憐君素抱五山奇半落今爲百里師文幄遠從東莞去征帆方信北風吹天邊海  
氣連三島望裏雲陰接九疑官舍若逢方外士相煩爲覓漢安期

登金山海岳樓

千里維舟初避地三山斜日此登樓江空浪蹴蛟螭舞風急林翻猿鳥愁豈少浮  
雲迷北極砥餘清泪向南州憑高敢負平生志何限英雄逐水流

泊石湖

去國離家又暮秋年年漂泊在長洲行春橋上霜仍滿處士祠前月更流紅蓼白  
蘋空籍籍紫萸黃菊竟悠悠中宵無限羈懷在海上那添笳鼓愁

宿水晶庵

漂泊尋來焦處士淹留仍宿水晶宮江含素壁娟娟動榻引香雲細細通永夜星  
辰浮鏡裏上方鐘磬散空中恍疑身在蓬萊島夢裏逢人問赤松

聞蟬

半塘斜帶薛家墩古木長藤面面昏五月寒蟬催節氣六年羈客滯吳門姑蘇臺  
北雲如蓋滄澗關南雨若屯總爲長安看不見空教魂夢遠天閣

介山稿略

卷五

八

仙居叢書

寄題人草堂

我今六載尙流滯迴憶故園成昔遊聞君別業向湖島疑有小苑通瀛洲卜築寧  
慚陶將勝往來况密求羊僊尋幽早晚欲經過月明定買吳江舟

夜登鷓鴣山憑虛閣

百尺憑虛天畔開六年羈客夜深來依稀北斗黃姑近燦爛南山白石迴望裏六  
朝空草樹月中雙闕靜蓬萊秋風不盡登臨意城上驚傳畫角哀

遊靈谷

十里名林枕帝州萬山迴合九江浮塔開金碧朱甍迴殿閉松杉白日幽碑碣已  
稀梁世代衣冠猶落晉風流此中棲息眞吾願擬向禪關訪惠休

江夜

露白天青江自花渚清洲靜月初華雲浮鴈響沉玄浦風引潮痕上淺沙身外只  
今俱夢幻眼前何物是生涯步蟾寂寞瞻香漢北斗平臨鳳苑斜



誌公塔晚眺

碧檻朱欄翠磴週誌公臺塔上方幽岩裏吳楚東西接縹緲江湖南北流日落風烟迷下界月明河漢淨中秋長安想像浮雲外極目空懸李白愁

題花院新春冊贈天台吳尹

方提金鐸表儒宮更給銅章向始豐花滿桃源迎露冕春回桐柏待乘驄庭閑日晃熙臺燭院靜琴希解慍風試卜治平誰第一吳公今是漢吳公

口占贈孫兩泉契丈六十

韶時硯席憶相聯回首俄驚四十年愧我飄零竟如此羨君風韻尚依然鴻名况已三台滿鵬翻還期六月鶯莫訝孫弘老方遇平津開閣待招賢

次應容庵尙書金一所提學葉海峯正郎高道夫員外同遊鴈宕韻四首

鴈宕虛遺瑞鴈名龍湫真訝蟄龍驚移來一道分空碧削出千厓見巨靈錦水遙通康樂嶼墨雲長護矩羅亭東南奇麗應無比時有仙人訪勝行

介山稿略

卷五

九

仙居叢書

明玉峯頭峯更奇相傳峯接雁龍池當空倒瀉銀爲水繞峽時飛雪作絲大塊總將玄秘洩浪遊誰脫幻離知廿年兩度成虛往慚愧曾留洞裏詩

幽禽時對絳風鳴想到看山日日晴雁嶺疑分太華龍池應不讓昆明山光水色同虛幻地簾天花自滅生珍重翠遊總名獻新詩遙寄野人唐

龍湫名剎號靈岩天柱高凌日月間玉女似須屏錦障洞文甯待筆峯刪旗連閣道雲長滿剪插霞標綺自環更有石梁橫巖蝶疑從陸海弄潺湲

至日呈邑大夫

常年至日寒偏劇此日今年迥不同縹緲弱雲含瑞雨氤氳氣淑轉條風林間覓口將舒甲澗底聽泉併入宮可是使君多惠澤頓令枯澗變春容

至日玉山懷玉驛

憶昔曾隨鷓鴣班年年此日候龍顏山呼共祝齊天壽獸舞真成動地歡朝罷更沾門下燕歸來錯認柳邊鞍耶今流落滄江暮遙拜楓宸北斗間

至日玉山懷玉驛

憶昔曾隨鷓鴣班年年此日候龍顏山呼共祝齊天壽獸舞真成動地歡朝罷更沾門下燕歸來錯認柳邊鞍耶今流落滄江暮遙拜楓宸北斗間

贈季彭山太守七十口占

西臺柱史久知名南國儀曹望獨清三黜事人緣直道一麾出守竟逃名甘棠到處新歌起苦節歸來舊業傾長日著書忘老至却嫌人擬鄭康成

贈葉海峯秋官七十口占

早辭雲省向林泉煉藥談經世所賢杯裏聖人時一中洞中仙錄久應傳嘗爲令尹疑關尹近更修玄似易玄文行身名堪不朽詎將中壽慶長年

壽陳南衡春官五十

新從玉殿聽臚傳便向霞城託草玄報國心常懸象魏悟真身擬到鈞天非跨伯玉知偏早易衍宣尼學已專總有聲名行揭日還期勳業冠凌烟

憶陳南衡

入山臥病動經年離索其如斷衆緣身伴白雲聊自悅情同明月向誰懸不堪心徑茅將塞爲憶交游夢總牽寄語南衡陳禮部能無尺素慰沉潛

介山稿略

卷五

十

仙居叢書

題懷德卷贈戚南塘總兵二首

共羨元戎龍虎標浙東氛殺藉全銷八閩漸見空妖穴二廣仍聞靖瘴潮赤手擬扶中夏日黑頭真插上公貂麒麟畫閣切應最雨露新河德漫謠

移鎮全提閩廣戈舊曾開府駐新河三台澤在棠初茂百戰功成海不波士女至今私俎豆漁樵滿地起謳歌交南朔北俱王土勒石標銅屬望多

奉次郭陶峯霍山道中卽事韻

雨餘旌蓋萬山巔望裏芙蓉一色鮮縹緲行雲濃復淡透迤曲磴去仍還天根似出藤蘿上地紀遙纏日月邊此□□□□事叨從驄馬記山川

奉次郭陶峯英山道中卽事韻

英山草樹有光輝柱史巡行下紫微日霽雲披開鳥道鶯歌花笑見天機旆旌拂處霜華滿轍蓋停時肅氣依聽得迎途人共語此中星使古來稀

寄戚南塘總兵兼呈譚二華少司馬四首

寄戚南塘總兵兼呈譚二華少司馬四首



高皇一掃虜庭空成祖三犁略更雄西盡流沙深駐蓋南看北斗徧登封自誰誤  
國盟城下漸引胡奴入套中新帝擬恢神武烈除兇雪恨仗羣公  
制府新懸司馬印總戎原插侍中貂共誇聯壁歸天府會見雙龍翊聖朝朔漠尙  
肥南牧馬胡奴未款北門軺遙知早有平胡策須慰今皇側席勞  
紫泥絳節上青霄百越三吳瘴已銷橫海勳聯銅柱建伏羌聲並玉關標暨提虎  
旅依京甸擬連龍韜絕漢驕兒說如雲趨幕士可誰投筆似班超  
解組歸來二十年時時抱病臥林泉僅餘四壁家俱破未悟三乘學已捐心似蜀  
葵空戀日思同袍客尙憂天老來幸覩明良會擬賦康衢擊壤篇



介山稿略卷之六

明林應麒著

五言絕句

不寐

獨坐對明月涼風生我襟一得靜中意彌清塵外心

秋巷

三徑秋風早蕭蕭亂草多門荒雀亦散不見有人羅

途中別李西楚中允

君今黃閣去我向碧山栖對面隔霄漢何論東與西

別敖夢坡學士

何以惜君別途長時載陰臨岐無可贈唯有歲寒心

閨情二首

介山稿略

卷六

仙居叢書

乍聞閨裏月亦去照金微寄問金微成今年歸未歸

自寄月中問宵宵待訊回那知關塞險月已半輪摧

宮詞四首

一自長門掩那知上苑春昔時承輦處驚見草芽新右春

罷却班姬扇無緣侍翠華忽傳僊仗度避暑董嬌家右夏

永夜喧絲管金輿近隔墻誰憐銀漢月獨照玉階霜右秋

漏緩金猊冷香銷寶鴨空無言對殘雪不寢聽晨鐘右冬

古意

送郎出門時十步郎九顧恨殺郎車輪推郎不得住

推郎向何方云向遼西去遼西萬餘里迢迢隔煙瘴

隴頭

早被封侯誤從軍向隴頭不知嗚咽水日夜為誰流

落花二首

昨日花偏盛今朝見已稀非關風雨妬榮落自天機

莫怪看花伴逢花大放頭花開能幾日一落便經年

偶爾

偶爾尋幽去不知谿谷深拂雲時坐石松澗總成琴

孤雲

心共孤雲遠身同斷梗孤雲將斷梗飄泊任東西

鳴蟬

飲露自為潔長鳴將告誰螳螂深爾忌切莫近疎枝

山中四首

一自來山中朝朝復暮暮白雲朝暮生迷却來時路

山中何所有松泉與鳴禽坐久滿清聽冷泠諸素心

介山稿略

卷六

仙居叢書

朝猿石上芝夕飲石中髓聊以忘渴飢非關慕僊理

久負物外想塵區量難諧結廬入空山爰愜心所懷

山居雨後二首

山中本泔寂况值連宵雨開戶望朝暾幽禽自相語

雨過翠微深巖扉逗回照倚杖見前山悠然攬羣妙

田家二首

濁酒息勞劬荷鋤得餘暇田父偶相過共酌松樹下

松古有遠蔭輕風扇微寒農談未終竟朗月生雲端

衰年二首

衰年會多病悒悒傷予抱豈戀西日暉所憂未聞道

朝聞夕可死不朽良在茲流浪苦海中耄耄將何為

呼門



聽得呼門者多應問字人老來疎散其莫恠懶衣巾

竹實

園竹有佳實見之令我猜世方誇腐鼠鳳鳥詎能來

閨思

寂寂青閨頰含嚙問玉關昔時征戍士曾見幾人還

對鏡見二毛有感

夙昔雲霄志飄零一未伸那堪明鏡裏忽作二毛人

午夢

應俗心偏懶幽居意頗舒日長時隱几夢入上皇初

嶺外送友人

嶺外花初盡送君還送春一樽岐路晚萬里客愁新

閨情

介山稿略

卷六

三

仙居叢書

紫塞淹羈旅青閨怨薄遊中宵看破鏡何日大刀頭

逢楊參戎

前歲猶持戟今參大總戎遙知開府易莫笑讀書窮

都門鴈

孤影遠關月哀鳴隔塞雲不堪燈下聽况是客中聞

贈隱者

聽鐘尋野寺穿樹扣雲關鶴臥琴窗靜樵歸棋局閑

志感

丈夫猶神龍不受天壤束豈羨鼠與蛆廁中誇滿腹

山庄夜飲

獨酌對明月天空象緯稀醉歌驚宿鳥啞啞遶枝飛

立春

玉瑄回堯日銅儀兆舜年柳含霜裏翠梅綻雪中妍

頻歲多飄泊他鄉足苦辛那堪春陌上愁思更看春

子夜雜曲四首

儂在湘水側歡在湘水頭正是順風時望歡逐風流

朝亦理機絲暮亦理機絲日夜望成匹苦辛那得知

西風吹梧桐梧葉何颺颺不見梧桐花何由見梧子

儂作楊柳根歡作楊柳絮楊柳根不移絮逐風飄去

贈李騎士

我有憂天癖君多剝腹方願將腸與胃先受沸麻湯

送沈子剛移官在平四首

出門多岐路山川錯其間我流異鄉縣送子何苦艱

朔風吹雨雪子行有程期念子不得留遺我長相思

介山稿略

卷六

四

仙居叢書

別子一樽酒對子絃索琴將子日以遠為誰發徵音

黃鶴命其匹飛鳴亦翺翺安得有兩翅送子俱北翔

北風吹浪花四首

北風吹浪花南帆不可上念子行不來愁予獨南望

北風吹浪花驚葉穿破屋念子魂盡飛起坐成羈獨

北風吹浪花白白高於面念子一水間三日不得見

北風吹浪花晝夜不得息念子同肝心胡為阻顏色

咏蚊

乘昏喧利嘴得熱亂為羣白日嚴霜際何緣不爾聞

題半塘寺四景四首

門暗沿河柳樓明帶郭花山僧初入定蜂蝶滿袈裟

紺殿欺三伏蒼松落五雲日長無一事移榻坐南薰



玉露浮龍藏水輪掛雁堂夜深丹桂散香濕定僧床  
琪樹飄玄雪祇園綻朔梅喜看清世界高閣任徘徊

短疏

短疏奏明主憤心無婉詞恐煩官長怒讀罷又長思

自君之出矣二首

自君之出矣不復見容暉思君如懸旌飄蕩那有依  
自君之出矣芳歲忽再週思君如懸泉日夜無停流

寄答西亭宗室

未識王孫面先傳郢雪音神交從古有夢想自今深

寄聶泉厓同年

三秋方一日十載意如何最是相思處空山黃葉多

都門送友還鄉

介山稿略

卷六

五

仙居叢書

送爾故鄉去都門春正新東風啼杜宇愁殺未歸人

江樓對月

對月興不淺起登江上樓天空秋萬里身世一虛舟

羣盜

到處滿羣盜故園今盡荒欲歸親識少何地寄孤狂

自嗟二首

自嗟牽薄祿趨走遍江關底事長江水奔流亦不閑

朝發瓜洲埭宵回北固津長風吹浪起驚盡渡江人

徵兵

頻歲幸無警徵兵苦未休黥奴與亡卒取次覓封侯

邀客

白酒初盈缶黃鷄亦滿斤能來清話否况值月華新

旅夜

浙浙千家雨蕭蕭四壁風孤燈寒少燄愁坐待晨鐘

訪隱士山中不遇

爲訪隱君栖行日已西山深人不見雲裏遠聞雞

宿華頂二首

一萬八千丈悠然海岳迴不登華頂上猶是失天台  
太白讀書堂東有望海石石上未三更已見海底赤

詠銅雀硯

昔昔銅雀瓦相傳寶爲硯如何臺上人不及瓦一片

山居

山居本幽深秋至轉高潔自覺塵事疎非與世緣絕

詠史二首

介山稿略

卷六

六

仙居叢書

燕國擬致士黃金高築臺豈有名世者而爲黃金來

涓人市駿骨專以術致馬賢用市道猶爲計亦疎野

新聲

朝來雨新霽雲淨山如沐遲日語幽禽庭中春草綠

池上夜坐

月皎湛空影風輕生細波澄心一相對取適良已多

觀石佛

壁月懸爲鏡曇華繡作衣鳴泉與啼鳥相共說禪機

停舟

停舟玩明月獨步清溪上鷗鷺滿晴沙忘機亦忘相

旅夜

旅館燈初暗霜天月正新臥聽行路語俱是避兵人



投簪

投簪日多暇所樂在山水真賞非外求冥心得玄理

客至

孤琴臨水榭客至罷鳴彈幸值新醪熟相留盡一歡

夢與王龍溪越中泛舟

一與王維別黃花已再秋夜來頻夢見同泛越來舟

大夫松

秦皇封禪時避雨五松下封爲五大夫奔顏至今緒

晏子二首

待嬰舉火者動以千百家獨吝宣尼封爲智當如何

十年著一裘祭肉不揜豆儉也難爲下所執良已陋

歲除

介山稿略

卷六

七

供居叢書

方悲聞道晚况復偶時難奔走頭將白其如歲又闌

夷齊

夷齊餓西山輝光照青史羞彼竊祿人甘同狐鼠死

李龍眠畫馬

神全氣自逸隱隱見權奇欲識天機妙莊生化騷時

觀奕

少負怒移色微贏喜動顏毫芒牽失得而况利名關

石屋

丁甲運神斧琢巖成巨屋藤蘿面面垂誰却高僧宿

宿梅關

星連鳥道懸峭壁啼山鷓萬里一孤臣來宿梅關夜

題山水卷

秋色微茫際天機浩蕩邊山翁閑隱几人境兩悠然

忘憂草

憂時復憂道悄悄寧可忘老我棄巖穴相看意彌長

西湖春望

郭外江山麗湖中歌舞多不知熙皞世景象更如何

甲子元日

萬古本無始年從此日新靈莫方吐莢幽谷總回春

題爛柯園

莫嫌觀奕者柯爛不知老萬古只此局至今那得了

與友人夜酌花下

移席傍花陰留連夜漸深興緣知己盡無復少年心

別知己

介山稿略

卷六

八

供居叢書

忘憂空滿袖蠲忿謾盈卮聞爾驪駒動眞生斷雁悲

咏橘

綠葉迎霜淡朱苞映日輝但令陪玉饌何惜卸金衣

憶家

母老鄉關遠家貧兒女癡飄零猶未定懷抱總誰知

長嘆

喟爾發長嘆非緣賤與貧文王我師也而乃爲鄉人

彈琴

曠懷渺千古桂苒歲已陰中夜不能寐對月張淨琴

天地有眞籟寂寥無凡音奇語鍾子奇誰知絃外心

觀靖節像

我慕陶淵明以心非以相身爲晉全人心在羲皇上



六言絕句

春日即事

鷗弄溪心微雨鶯啼谷口殘春半水半山古寺一觴一詠高人

愁思

愁思籬邊殘菊年光葉上驚颺從渠得馬失馬笑我操瓢棄瓢

菊徑

荒徑雨苔未掃疎籬霜蕊先開綠酒從人放飲白衣爲我攜來

題畫

霞彩明涵疎雨蟬聲暝咽殘陽人境不殊仙境醉鄉真是吾鄉

別所知

十載相思相見一生同德同心試看春江百丈何如此別情深

題五雲寺二首

介山稿略

卷六

九

仙居叢書

山上雲松簇簇山前烟水溶溶明月清風爲友羞稱黃閣三公



介山稿略卷之七

明林應麒著

七言絕句

梅關聞鷓鴣

梅關鳥道自唐開每有孤臣好事來聖代即今行總易鷓鴣何用苦相哀

過白鶴書院

夢魂此地昔曾過想像其如感慨何蠻土瘴煙今古在鶴峯應識舊東坡

遊羅浮

羅浮秀出斗牛邊遙隔天台路八千誰意桃源迷徑客廿年還結此山緣

登飛雲頂

相傳峯止飛雲到偶跨飛雲到上頭臥看滄溟三萬里不知何處是瀛洲

五月五日河源舟中風雨潄寂

介山稿略

卷七

一 蒲居叢書

五月五日客他鄉江雨江風罷舉觴一片孤帆家萬里猿聲兩岸斷人腸

友人以詩見慰有風裏孤蓬遠天邊過雁稀之句口占一絕答之

二十年來飄泊身東西南北走風塵多君憐我孤蓬跡爭似孤蓬不屬人

題墨梅

姑射仙人白玉姿霓裳皎皎珮離離昔年記得相逢處淡月黃昏雪霽時

題宮人汲井圖

燕子來時風滿林碧梧梁月夜沉沉轆轤聲裏銀床冷望斷君恩似井深

新燕

江花自發柳依依江燕初來作伴飛多少朱門今寂寞舊巢雖在主人非

題棠梨白頭鳥

離離春草館娃宮滿目河山夕照中可怪棠梨枝上鳥白頭猶自怨東風

題畫

巖下樓臺擁翠霞千章綠柳蔭窗紗曲欄杆外春風暮人捲朱簾看落花

塞下謠十首

三至南北古遼城千里鮮腴水陸并載取列屯真勝算不知庭議爲誰停

大霧列衛控羣胡聖祖眞貽萬世謨捐付朵顏緣底事至今識者爲長吁

由來三衛隱危機曾引番胡瞰帝畿朝河古北黃花鎮設險增屯計莫違

宣府去京四百里鎮雄兵勇六邊稀年來頗染雲中習大譟呼糧亦損威

大寧移鎮大邊捐坐使雲中勢獨懸將情兵驕軍法弛積薪厝火詎無燃

榆林鎮最稱忠勇枵腹臨戎亦可憐飛輓漕屯原有策誰能獻策早輸邊

寧夏須防花馬池套中出沒虜無時大開城堡添兵將固靖延寧始可支

甘肅勾連二千里西控羌戎北距胡一線孤懸臨百詐折衝神略更誰需

固原寧夏相唇齒靖虜花池實要衝冰合材官須戮力莫令胡騎恣西東

茶馬屯鹽漕政荒桂剽珠粟歲難當六邊丁壯爭逃命逃向胡羣乞酪漿

介山稿略

卷七

二 蒲居叢書

贈陳鶴溪閣帥二首

曲逆當時在漢庭總將奇計策興平遙遙華胄若能嗣擬見簪邊顯大明

遙知武略透神機一劍能開百萬圍要使羌胡無片甲歸分金冊佐垂衣

嶺外與張一山同年言懷

憶共金門獻賦時那知零落總如斯相逢勾漏頭俱白覓得丹砂計已遲

經梧州諸郡縣

秋滿蒼梧瘴厲空片帆三度桂江東勝游總是君王賜得覽名山遍粵中

行經海岸

浪靜風恬海宇閑仙宮宛在海中間我來欲控神仙島借取靈波洗濁寰

粵中舟夜

兩岸青山夾瘴溪無朝無夜有猿啼孤舟坐徹三更月北斗迢迢望不迷

別李景山



十載相逢又別離一樽成喜轉成悲浮雲世事原難定再奉高談是幾時

梁燕

自經喪亂解朝衣門巷蕭條客到稀惟有舊時梁上燕年年春社遠相依

闌思

霜寒月白鎖窗明風裏蕭蕭度雁聲欲寄征衣問邊訊新軍移駐受降城

送人從軍二首

雙懸寶劍七星文送爾翩翩向玉門塞草隴雲天萬里會須談笑策奇勳

遙知投筆請長纜擬斬樓蘭獻漢京絕域祗驚飛將至那知定遠是書生

西湖春望二首

湖上望春春可憐桃花沉醉楊花顛大堤流艷誰家女面與桃花一樣妍

面似桃花柳似腰雲衣霞帔更飄飄自來水上多神女未必陽臺勝六橋

由湖上謁宋理宗遺像遂登北高峯四顧怡然興感

介山稿略 卷七

三 前居叢書

南高峯對北高峯湖上平臨宋帝宮草木不關亡國恨向人猶自弄春容

慈雲嶺晚眺

武穆祠前湖水平子胥江上暮潮生吳宮宋室今何在孝子忠臣空復情

醉贈陳少竹

少竹堂前花亂開彈琴日日海鷗來天台逸史乘風到一曲雙清酒百杯

奉和徐芝南侍御今上南巡歌十首

皇帝春開巡狩旗天行不數漢官儀朝冠蟒服屯千騎虎賁龍驤擁萬師

萬乘初臨鉅鹿州沿邊關塞拂旄頭乾坤西北風塵淨江漢東南王氣流

離宮行殿與天通寶霧祥雲結九重蹕侍千官齊豹列朝瞻御座引昭容

豫州城北古黃河海若天吳已靜波玉璫金縷聯複道七香車逐五雲過

六龍南下指湖荆號令風霆肅太清夾轂止容中使輦檻車前縛慢臣行

三湘七澤迴諸服五領南衡會百靈獻帝山陵今古勝我皇瞻省太丁寧

鼎湖龍氣尚依然獻帝飛昇已有年聖子不勝虞舜慕盡携臣妾拜陵前

襄陽自是龍飛地漢主由來憶沛豐一境盡霑湯沐賜萬呼齊扣未央宮

太子青宮羣弼開天王朱紱九州來雙懸日月乾坤靜陋殺歌風猛士臺

錦衣朱袖萬輪飛羽蓋霓裳隊隊圍一望郊原無草色四方俱慶翠華歸

別孫季泉少宰六首

都門告別奉瑤篇回首風塵又十年愧我蕭條仍避地羨君銜列更稱天

龍函鳳勅紫泥香新拜官聯舊玉堂共向中樞瞻斗極還從左轄見文昌

楊柳青青桃李丹雙旌飛指五雲端宮中擬賜高馮鏡天下爭彈貢禹冠

送君何事轉依依豈向長塗戀末暉為憶東南滿羣盜可誰談笑解重圍

濟時須用出羣材誰識千金駿骨來伯樂只今過冀北天閑應自少驚駘

憶自賓興附驥塵看花還共曲江春同袍霄漢君偏達念着沉淪有幾人

題贈姜琪岡地僊

介山稿略 卷七

四 前居叢書

白鶴青鳥爾最奇赤霄黃閣我非姿相煩為覓天台路何處山中有紫芝

題三台靖寇冊贈譚二華三首

早歲名高司馬班暫分符竹鎮台山年來每奏平夷捷天上頻開聖主顏

倏忽狂夷數萬來烈於風火迅於雷笑談樽俎紆神略四面重圍一夕開

逐北追亡第更奇伏兵隨地得渠夷赤城淨掃豺狼跡白日長閑虎豹旗

題扇

小亭遙對斷磯斜碧樹青山映白沙兀坐了知人世幻江風江靄亂江花

送楊連溪還太平

攝符吾邑便飛聲想見謳歌滿太平兩地口碑他日記送君無限戀君情

客夜舟次

江草蕭蕭江水長江風浙浙雁初翔一蓬雪月千家杵若箇羈人不斷腸

秋日懷趙大洲同年



楓落吳門秋氣深懷君其奈最傷神豈無上苑同袍友偏愛中行獨復人

題殘荷野鴨畫

隱隱瀟湘已變秋脩脩野鴨謾多愁紅銷綠滅烟波闊正好忘機狎海鷗

題美人畫

寂寂無言歛黛蛾玉簪橫墜翠鬟斜却怪早被容顏誤入得官來妬便多

贈歌者張華

憶昔相逢上苑春清歌一曲動梁塵別來幾度空成夢燕燕鶯鶯惱殺人

重過溪上人家二首

逶迤石逕遶回溪竹密松深轉欲迷舊日花如解相識百般嬌冶向人低

候來遠去已堪悲况復難期再到時花與主人偏愛客慙慙留取醉中詩

對盆中緋桃

小小緋桃窈窕栽東風引得一枝開花神縱是能憐我白髮何心爲舉杯

介山稿略

卷七

五

仙居叢書

記得二首

童時記得清平日官府徵科不及門村市家家明月下姑姑搗鼓戲兒孫

一從後寇傷殘後鄉市人家半徙亡野哭村村唯聽得赫衣樵戶索兵糧

嶺外夜飲有唱竹枝詞者聽之四座慘然予爲賦此二絕

南粵山深瘴嵐多勸君休唱竹枝歌帝京一別三千日回首高堂鬢已皤

飄泊風波已十年只今猶逐瘴江烟何當使脫塵纜去歸種山中數畝田

聞京師虜報直犯張義門諸公束手無策惟趙大洲奮議稱旨喜而記之

六首

聞說狂胡今歲多長驅直入帝城阿乘城戍士空千萬目眩心驚半墮戈

鼓譟禁屠聲徹天九門飛火照甘泉天王震怒徵羣策袖手千官只黯然

唯有青宮趙大洲揚眉張膽向螭頭嚴言畜犬須防盜鼎食何人爲主謀

面奏籌邊三四策言言流自肺腑眞誓期借取朱雲劍斬盡胡奴與佞臣

大洲學本究天人堯舜君民志獨勤此日帝心偏簡在將因唾手展經綸

狂胡深入犯宸威已有殷憂啓聖機况復官孫過趙普擬匡天下見垂衣

謁馬伏波廟二首

千載名隨銅柱標漢庭功最伏波高當時底負明珠誇長使英雄恨不銷

我亦遭讒歲頗多至今流落向天涯空存馬革包尸志未報涓埃塊伏波

題龍眠秋社圖二首

禾黍登場歲有秋萬方齊慶帝恩優割雞到家村醉孫子相扶半白頭

此日遺黎病未蘇荒烟破屋滿榛蕪却怪半世黃虞想回首翻悲是畫圖

野老三首

屠龍有技人誰信畫虎無成世共非野老自安樛散性曲肱蔬食久忘機

隱几雙成蝴蝶夢尋幽長共鹿麋還錦衣玉食知多少誰得山家半日閑

繡壁瓊臺萬疊霞風能張樂鳥能歌山中富貴應無比豈數陶家與石家

介山稿略

卷七

六

仙居叢書

行經道旁廢宅

桑棗扶疎繞岸栽頽垣亂礫隱蒼苔欲詢舊主無人識時有行人撲棗來

避寇宿山中

桑棗山下無名塚渺渺峯頭不定雲歲晚天寒人跡少猿啼鬼哭夜深聞

北高峯晚眺

南北高峯共落暉西湖烟樹半霏微可憐亂後遊人少山色湖光送鳥歸

春日送友人入京

垂虹亭下水悠悠簫鼓偏騎上漢舟江北江南春似海何人不羨帝京遊

移檣

新春移檣傍墻隈忽已過墻盡開惟底梗楠栽沃土十年猶自隱蒿萊

流螢

入戶穿簾更點衣夜窗燈盡轉暉暉自憐亂後琴書散負却慙慙拂案飛



中山寒食二首

萬里輕陰冷暮天  
萋萋芳草遍荒烟  
山中多小新墳墓  
寂寞無人挂紙錢  
桃李萋萋楊柳齊  
亂紅零落浣春泥  
誰人肯顧山中客  
惟有嬌鶯盡日啼

詠千葉緋桃贈劉生

密瓣深紅別有香  
武陵千樹只尋常  
當時誤雜胡麻泛  
惹得劉郎夢一場

雨後舟中望廬山

一朵芙蓉散刺天  
千重翠壁鏤寒烟  
歸來記取屏風寫  
向茆堂聽雨眠

山居春日

石崇步障四十里  
猗頓珊瑚八百株  
豈及山家萬竿玉  
錦屏千疊擁冰壺

介山稿略

卷七

七

仙居叢書

介山稿略卷之七



明林應麒著

奏疏類

乞改授教職疏

臣年三十三歲原籍浙江台州府仙居縣人由嘉靖十四年進士本年十月內除授前職十五年三月內到任十七年十一月內遵奉欽依聽勅二十年十二月內勅明到部駁回再勅今年四月內勅覆無異題行該部通查具題備奉欽依待令起送臣赴部聽候降級叙用臣於六月十九日前赴蘇州府領文八月十七日朝見十八日投文到部臣以山谷諸生誤蒙聖明採錄授臣大縣臣之官之日即謝絕親舊秉志束身勉圖自效何期界內多豪右久不制小民畏憚過於官府其無行誼甚者迺至白日嚼聚道路詐冒官校擒掠職官凌巖婦女殊駭傳聽臣過不自量既臣為之長子弟賢不肖異等不可一概相視爾其自恣憑厲干壞紀法非

為稍收訊之律以典常何以宣昭陛下彰輝之化然獄未成而怨生令初布而仇起旁午搆扇造為謗語外連不逞之徒相與文致其說致使巡江御史苟汝安風聞劾臣人命激變臣被茲空文兼慮深網重足累息無復處所尚竊幸臣平素頗能自檢雖經撫按司府州縣勘問等官一十八員往復查覈三十餘次先後垂及五年日訪月詢絲撫毛舉以實臣罪終無繇也巡按御史舒汀周亮等俱止擬臣調用特奉陛下明旨到部該部亦明知臣之愚直無他罪狀特以臣所言向等讎惡尚復逃罪潛住京師轉移飛語臣虞譴罰甚薄粹無以塞唯心之口遂更定臣降級上請仰荷陛下洪慈俯賜俞允部筭至日臣欣踊恍惚疑若夢寐捧檄叩頭惇不自定沉痾廢瘠復起為人雖萬碎臣骨詎能為報但臣野性不諳州縣人各有能有不能抑而行之必發狂疾臣嘗謂之過言今者念臣往事足為明戒又臣不幸早孤臣母今年七十有一臣自待罪以來流轉飄泊臣母念臣羈危之形憂惇成疾日至委頓每見臣子稍知誦讀長相對於悒慮其他時僥倖成立萬一如

臣復為州縣等官言與涕俱抵書哽咽不能仰視臣在羈所一聞此言膺背交辟

徒東向長號以首頓地泣盡血零跪自訟臣不孝之罪而已且臣家貧不辦菽水未能決去誓得自白當求一便郡致授庶幾職務稀簡得以朝夕就養左右盡其餘年實臣烏鳥之私薰炙心髓未能自達者也今雖隆臣一級尚不免於有司等官一親民事此念俱廢束縛簿書之繁奔走期會之急折腰仰面懼且不皇寧容將母况臣迂材萬萬不能堪此他日不績復被愆尤臣不足惜上負陛下莫大之恩下貽臣母垂盡之感通天之罪死有餘矣臣見近者治縣諸臣或被論劾告訐勅宜降級叙用如長洲縣知縣黃大廉安福知縣周瑞等難以遍舉例得陳乞改致數年之間踵跡相望有以仰見陛下天地之德日月之明曲成庶類隨器甄陶至為委悉自非木石誰不感激思奮臣最不材無異知解然尚有章句微能雖非師授遂可名家至於師先子弟涵泳聖化實所願學不後諸臣如蒙乞勅吏部查照黃大廉周瑞等先後事例改臣致授職員庶分責易酬便於將母補報有日不

至瘵官臣不勝感激之至

又疏

臣本山谷諸生嘉靖十四年誤蒙聖明採錄賜臣進士出身授臣吳江知縣臣時年少氣銳一意以別姦奉法惠安窮民為務不識幾宜不知避忌卒致傷忤豪家橫被飛語一從勸議坐廢六年幸賴天理在人罪難文致勤事之臣俱擬臣調用赴部而讒者重以危言轉移相諷吏部更因議臣降級上請臣緣此得授六安判官人皆為臣不堪然尚未足以塞讒者之意臣亦逆知必有今日遂懇疏求改授授等官不蒙吏部查覆遷延既久勉强就任莽月之內臣嘗痛自激昂再被旌薦矣謗深功淺誰復見明及轉臣今職讒者益怒市本亡虎三人成之臣蓋自分考察首當幽黜不意尚得不脫仕籍特以才力不及附於調用之列臣之僥倖實出望外自非遭際聖明在上光照覆盆之下人懷公議何以有此今雖徒臣瘴厲之鄉投臣荒徼之外臣即踴躍就道披瀝心腹腎腸摩竭項踵猶思未足仰報皇上



恩慈萬萬之一何敢更求安便但臣聞之智者不以曖昧滅名忠者不以旦夕圖報臣自蒙被採錄以來十有三載流離顛頓艱險備嘗未效尺寸之功未有涓埃之報竊欲仰首自同狗馬尚不可得何以爲人每念及此魂神俱飛私心無口詎口口棄即今讒言未殄若使更冒有司稍涉嫌疑之間易資謗訾之口蹟臣往事爲鑒甚明異日復被中傷臣將何以自解臣不足惜孤負恩慈死不可贖以臣耳目睹記近年知縣州判等官議該調用降級例得陳乞改教如長洲縣知縣黃大廉改授吉安府儒學教授東平州判官陳中立改授寧波府儒學教授其他難以備舉有以仰見皇上天地之德日月之明曲成器使至爲委悉自非木石誰不感激思奮臣最不才念賞竊以章句出身伏望皇上憐臣今日哀籲之情察臣往歲招議之故勅下吏部查照陳中立等各事例容令改臣教授職員庶分責易償誘缺可免由是稍得苟延歲月循資效用則臣未死之年皆可圖報之日矣臣不勝感戴激切之至

介山稿略

卷八

三

仙居叢書

又疏

奏爲應詔陳情乞賜昭雪誣枉以明心迹事臣浙江台州府仙居縣人由進士出身嘉靖二十六年以國子監助教調補泰安州判官二十七年該山東巡撫都御史彭黯巡按御史傅鎮爲振拔淹滯賢能官員事各特本薦臣一則曰質性剛明才猷清逸久挫益堅操守不變於素履屢試皆稱盤錯愈見其精詳文學豈止潤身惠愛更多及物一則曰有百折不回之志有隨試輒效之才爲廉不求人知行事必達民隱乃意氣深深有可稱而文章又其餘事二十八年三月內欽蒙陞臣金谿縣知縣本年七月內到任二十九年當天下朝覲考察江西巡撫侍郎張時徹巡按御史胡彥又各題臣賢能任淺其獎臣之詞一則曰負穎俊之才目無全牛崇古雅之學文同逸驥屢挫而守益貞久練而仁益熟一則曰志節剛方操履清慎智識足以斷大疑力量足以當重任內蘊裕而文學更優左遷久而職業匪懈會同三司正官考臣一則曰志銳氣剛屢挫而益勵令行政肅百廢之具與一則

日器識老成欲爲詳練年力方壯持守甚嚴本年十月內欽蒙陞臣雲南提舉十二月內接憑離任三十年八月內陞臣今職三十一年四月內到任本年九月二十一日聞母喪回籍守制兩廣巡撫侍郎應積清軍御史王紹元前巡按廣東御史蕭世延接管巡按御史郭文週各前後移檄以禮幣獎臣或曰不器之資有用之學操履定居官擅不畏強禦之名才欲練歷政懋隨試輒效之績或曰文學精粹治政嚴明清節足以起頑宏材足以濟難其餘獎臣之語大較聲浮於實臣固不足以副之也三十二年又當考察之期三省揭帖到部於臣歷任名下節年考語俱優備蒙本部會同都察院考臣無過存留題奉欽依榜示天下已久何期巡按江西原籍潮州御史蕭端蒙疑臣同知惠州時曾經委探其家不法事情懷挾嫌怨又乘知臣在江西曾與副使鄭世威議呈減革餽送坊牌等銀是臣屬稿內引進賢分宜二縣歲費六千餘兩爲證人皆傳誦稱快惟二縣權貴嚴世蕃萬鏜切齒以待既而鄭世威無故削職擬必及臣遂因劾臣前知金谿雖有小材而無

介山稿略

卷八

四

仙居叢書

實政治縣則粉飾以沽譽承委則凌轢以立威肆科罰以完糧因查盤而羅織等項浮詞以迎合二縣權貴之意行其報復之私於時進賢縣權貴萬鏜方在吏部果挾私聽信而擬臣以閒住也臣嘗伏讀大明會典御史職掌凡百官有司才不勝任善政無聞猥瑣闖茸肆貪壞法者許卽糾劾又曰須要明著年月指陳實跡不許虛文泛言今端蒙劾臣既曰有材又曰沽譽則非闖茸無聞不勝任明矣而其粉飾其無實政之說不知有何實跡可指臣又讀大明律秋糧逾限一年之上不足者人戶里長杖一百選徒攬納稅糧者杖六十著令赴倉完足再於犯人名下追罰一半入官監守自盜倉庫錢糧四十貫者斬常人盜八十貫者絞若委官盤點錢糧數目不足符同申報備足者罪亦如之是國家之務莫急於錢糧而查盤之罪莫重於符同矣今端蒙劾臣科罰完糧查盤羅織豈以違限攬納者爲不宜罰糧不宜完盜倉庫者爲不宜追問耶江西倉庫錢糧攬納侵盜之弊撫贖二府最其攬收不納者多至七八年少或三四年神出鬼沒臣固未能一一清查追



爵完官是則臣才力明智之不逮也而端蒙反以清查羅織追爵完官劾臣將以奉法者爲罪而姑息符同者爲賢實臣所未解也設使臣有爵及無辜貽怨地方則臣已離江西之後端蒙未接江西之前中經巡按御史曹忬清軍御史孫慎巡撫都御史吳鵬翁溥相繼任滿及凡年終俱有舉劾題奏揭帖此四三撫按皆精察廉正一意爲國家瘡痍剔奸明示好惡者何不先時指實劾臣以泄地方之怨而遠待未嘗一日與臣相臨之端蒙據此虛文泛言以爲其報復私怨地耶臣又讀律內一款卑官犯罪遷官事發在任犯罪去任事發公罪笞以下勿論杖以上紀錄今端蒙劾臣於離任三年遷官兩省方經部院會同考察無過存留之後不知當何罪耶臣又查得吏部事例凡朝覲考察以後各撫按劾到官員俱案候半年之上查訪真實然後題覆蓋爲存留在任者言也今本部五月十一日覆端蒙劾臣之本拒朝覲事竣各官領勅辭朝之日未及兩月臣已回籍守制一年凡臣歷任地方俱有撫按題保獎勵等語在部而端蒙所劾止於江西又在臣陞官兩

介山稿略

卷八

五

仙居叢書

所共笑誠恐一旦溘先朝露臣之心迹終不得白長逝者魂孤負聖恩死有餘恨况今日正臣釋盆望天之時用敢昧死陳瀝血誠如蒙准奏乞勅吏部與臣通查俱題如臣果有應黜罪狀甘自退就斧鑕若幸明其無他賜臣得白心迹使沉痾廢痼復起爲人再覩玉階方尺之地則臣未死之年皆可圖報之日臣實無任冒味激切待罪之至爲此具本差義男林悅親資奏聞伏侯勅旨

擬宋以范仲淹兼知延州謝表

廣東鄉試錄

康定元年五月某日陝西招討副使臣仲淹伏蒙聖恩命臣以前職兼知延州者符分重鎮折衝當千里之繁隼建專城民社繫一方之寄古稱閩外今並侯封虎帳宏開綬雙懸乎蠕蠕熊車獨軾略兼著於鷹揚願茲文武之相資實乃疆場之重務荐膺寵命實激愚衷臣誠惶誠恐稽首頓首上言伏以羣牧設自虞廷爰任柔能之責州伯紀於載記總司連帥之權秦始罷侯郡俱置守繼而歷代授以專官董子稱其師帥之尊漢世重爲吏民之本故第五倫鮑昱皆以太守入拜三公

介山稿略

卷八

六

仙居叢書

而鍾離意黃香亦由尙書出知列郡晉云守相內史並綰青綬銀章唐號持節諸軍悉領魚符虎竹勝國柄漸移於方鎮我朝制益重其事權改枝郡直隸京師不復羈縻於帥府令長吏得自奏事反足攝警夫諸藩任實匪輕官寧易攝矧茲上郡古稱白翟之居接以要荒最近黃沙之積長城因河爲塞正當五路咽喉提封在洛之交互式值三流會合所惜先朝設險久已陵夷以致夏賊乘虛漸成猖獗保安失事備盡弛於范雍金明被殘燄益張於元昊且彼雲屯風散勢不可支而我日守月防民難久困要害若青澗永平等寨方憂保聚之未成濟患如明珠滅藏諸兇尙苦招徠之無策四郊多壘豈惟土地之羞三面受攻恐釀腹心之疾故登祈僊而悵望空憶嫖姚每聘土門以長壤真慚李廣必也如段紀明之破羌虜方可言攻或者效趙充國之制先零斯爲善守至于臣輩本以凡流誤承投大遺艱轉覺愧心靦面茲蓋伏遇□□□□撫運亨嘉凝圖丕赫三聖有光於續緒萬機無替於經綸安不忘危敏而好學退朝時覽章奏樂聞切直之言盛暑靡倦經筵



擬探淵懿之道省耕賜綵憫農再見於幽風鑒古製圖式治遠徵於舜典推誠信以懷夷狄降恩禮而御臣工刑以不殺爲威財以不蓄爲富政以不煩爲化兵以不用爲功萬方仰福於和平百職承休於恭默正宜舞干羽以效唐虞之治何期聽鼓鑿而思將帥之臣謂守位曰仁須先邦本而近民爲政莫過州司材難求全官不必備念臣業已經略四郡遂令因而兼攝一州初未悉於邊情仍濫尸乎民事循墻莫遂覆餗何堪况臣少歷孤貧長成樸陋以泥古不通之學幸竊科名當釋褐始進之時猥參司理南京課士謬荷晏殊之知北闕上書偶合王曾之意叨除官於館職尋出河中蒙召補於諫垣實逾望外久懷葵藿未效涓埃爰奉使江淮進烏味而而謬有六宮之疏及權知京兆忘葑菲而妄陳百官之圖狂瞽以披龍鱗誰分雷霆之開霽迂疎而效螢燭寧增日月之光明詎意在饒方受神環遽承轉命乃至赴陝未溫坐席復授兼官固知聖主量其無他尙憫愚臣材爲有用與之掩瑕藏垢試以錯節盤根成命自天措身何地感已深於刻骨分寧惜於捐

介山稿略

卷八

七

仙居叢書

軀臣敢不勉竭忠貞圖以宏恢遠略常效匪躬之蹇蹇遠師敷政之優優招集流亡訓練徒旅通圻堦而修城堡開屯市以瞻有無藏兵於農相機而動養威蓄銳先爲莫勝以挫其鋒設伏藏奇繼出不虞以攻其敝求千慮之一得期百戰而萬全雖我片甲莫捐使彼隻輪不返盡復靈夏橫山之土遙追燕然銅柱之勳以天下爲一家臥榻側更無他人鼾睡致華夷俱一統潢池中不復赤子弄兵庶幾下慰愚臣先憂之情少或上寬聖主西顧之慮伏願清心慎德外寧獨抱乎內憂制治保邦文事兼資乎武備敷求俊乂懷保困窮養萬民以致賢人赫一怒而安天下拓列聖未成之業守在四夷開累世太平之基式於九有臣無任瞻天仰望激切屏營之至謹奉表稱謝以聞

介山稿略卷之八



介山稿略卷之九

明林應麒著

書簡類

上鄒東郭先生

不肖某自己酉奉違道範候逾一紀中經徙官滇南又量移嶺外壬子冬由惠陽  
奔老母之訃僅餘殘息丙辰夏杪倭夷殘破敝邑寒家鞠為戰場養生之具罄盡  
坐是拮据奔走久稽修候然瞻戀之私固與日俱積也緬惟門下福祉駢臻盛德  
大業日新富有而公子公孫接嗣霄漢策助揚名光昭宏緒積善餘慶固天道報  
施之常某何敢舉以為賀伏念某自壬午童歲獲侍陽明先師又因南洲妻伯引  
謁門下迄今四十餘年聽誦訓規心皆未嘗有所疑逆備遭頓挫險阻頗能不為  
所困內省漠然遂自倚謂得力每見世途競趨功利之會得則決齧恣睢揚揚肆  
志不得即忿恚熱中神銷魄喪敢然若無以自容者心竊鄙之輒復妄自較量謂

介山稿略 卷九

仙居叢書

真能塵視軒冕皆虛見也前年夏承門下效筭并墨刻雅咏附趙子道源來約某  
走晤會稽并同赴甘泉翁武夷之會某擬束裝追從繼詢之自越來者云門下同  
駕且踰半月迺止不行失此良晤悵悵憤憤茲某居田頗久閉戶觀心將種種習  
根冥搜曲索始覺從前抵仗口耳義諦禁縛塵情於一切拂逆境界皆以頑空意  
識承接過去便自認為得力實際証已慢人罪過難贖况年逾五十前路轉欲相  
逼朝未有聞夕豈可死為此悚懼若涉淵冰且素居無足就正雖欲激發切劇期  
於不負如中夜有求於幽室之中俛俛何見又家廢不能遠出卒業門下奈何奈  
何專此陳候并疏所疑于心者數節具如別楮伏乞備賜教策以道終矣無聞之  
恥不勝願望感激之至先師年譜及同志叙錄計當脫稿否聞之趙子謂張代述  
惟進伍述巖思行皆遊翁門下得寄言託之梓行尤足風勵來學也至望至望

與陳南衡春官

頃辱宴飲既醉之餘益得聞所未聞感刻無量敝邑余尹勤廉律身慈約厚下蓋

近四三十年所罕見者特以不能脂韋從俗下致睡毗之口上生譁潤之疑闔邑  
民庶恨不能披肝瀝血代雪汚流皇皇滿城固門下備見而備知之矣昔宋韓子  
師守婺其宜其民而當路顧以恣酷劾其當罷黎民動以千百赴闕願留龍川陳  
公為文以送之曰大官人所尊也齊民人所信也所尊之効如彼所信之情如此  
吾亦不知韓之政為何如矣至今讀之令人感嘆余尹事其相類茲幸延陵翁以  
仁明按察我土用民之好惡為好惡按屬察吏當必無蒙冤如韓子師者然市豈  
有虎成於三人殺人之言再至雖以曾參之賢其母不能不為投杼余尹之賢或  
不及曾參而當路之愛余尹恐不能如曾參之母之愛其子知我者莫如南衡知  
南衡者莫如延陵敢以此言申懇

奉寄曹几山都憲

不肖某往歲以摺斥路落之餘備員金谿幸蒙臺下撫慰收卹置之人數使自拂  
飾以圖効用某銘心鑠感不敢安處曾未卒歲徙官滇南又荷臺下惓惓憫惜若

介山稿略 卷九

仙居叢書

不忍捨寵以符檄導之旋歸生死肉骨恩詎能喻既而銓部隨且遷某惠陽皆臺  
下扶植之力無緣馳謝徒有結衷及癸丑考察倖免幽黜擬得循資策奮少報恩  
慈萬分之一奈何福薄望豐竟與禍會老母奄沒奔喪萬里僅餘殘息尙圖服闋  
赴部一陳心迹不意丙辰倭寇殘破敝邑寒家鞠為戰場被禍尤慘祖父二三百  
年蓄積遺業名書圖畫一旦化為煨燼養生之具千不存一食指累百嗷嗷無倚  
公私通負蝟毛交責坐是拮据奔走日不遑給忽焉一紀困抑莫勝節聞臺下榮  
陟政履暢嘉柄用伊邇臨風遙企輒欲奮飛然霄漢益高泥塗益下釋階升天終  
不可得悵悵恨恨因念方今夷蠻熾於東南戎虜騷於西北正國家多事之時凡  
占譎瑣之技抱卒伍之能者各克乘會自售華射炫俗張飾炎炎之勢而某叨竊  
一第二十七年於此自揣才志豈盡下於炎炎者哉顧流離頓挫上於朝廷未有  
涓埃之報下於肝胆未有傾瀝之期且自揣公無牽連誣誤之過私無暗昧渙忍  
之愆坎壈明世將與殘灰共棄即思昂首張喙下儕狗馬尚不可得何以為人且



草之腐也猶化為螢木之朽也猶蒸為芝聚光暎夕登羞華筵古稱不得志於今  
將必得志於後者蓋以身雖貧賤而能立言明道託之簡策以垂不朽云耳某今  
齒逾五十昏眊遺忘六籍百氏無所發明雖酬應之文濡筆伸紙數行已後輒欠  
伸思睡不記倫次將未能與村曲學究爭雄長於聲偶咕嗶間矣况敢擬跡作者  
之林哉恐此志便已孤負門墻恨慙何言每一念及擬就趨伏臺下吐其溼鬱而  
盜賊滿道進退惟谷望風熱中奈何奈何茲因門生行便先此布陳區區尙圖嗣  
悉乞賜垂察臨楮無任瞻企隕越之至

寄趙大洲宮端同年

奉離已三易裘葛傾馳何任適弟至虔州見軍門走報云是月七日北虜擁衆直  
犯京師無一人敢出城與之對禦逗留不發天子震怒斬本兵以殉乃親御午門  
召百官會議又各觀望惟宮僚趙某者能面折羣臣且奏對稱旨立命陞本官兼  
都御史便宜行事專理邊務云云雖未親的報然其言有據弟不覺起而雀躍爲

介山稿略

卷九

三

仙居叢書

國家得勁正任事之臣如兄慶又爲兄得英明一德之主如今天子慶也明良相  
得政兄立功報國不負所學之時弟當拭目但觀駿烈耳雖然於諺有之即百易  
牙不能饜砂夫邊事敗壞已極不知兄當先從何處措手弟固未能操刀烏敢議  
於大匠之斲然臨事而懼孔子所與宰執異向立功或艱惟兄其熟計之幸其外  
往歲兄與夢坡兄共借弟册府元龜三才廣志計各抄寫已畢萬祈發下懸望懸  
望偶值軍門承差行便驛次借楮筆附候殊未悉耿耿

寄答胡柏泉都憲

客秋承使筭諭取抄寫書籍當即裝束國朝典故八十六册計五十七種丹書二  
十四册計一十九種隨使者獻上與約待報然後走謁不意使者尙留山陰守錄  
別書竟不爲報而台駕已先度懷玉兵寇旁午不克追送罪媿罪媿今春吳南康  
來辱筭示練兵條約榜文始知書籍已入記室兼得竊領經濟宏略欣慰無任伏  
惟門下廊廟舊寮猷伐素著制此雄服未遑煖席輒屢奏奇功凡海內有識之士

翹首彈冠思修名於門下者未知其數至如某之不肖值時迂俗聲銷跡沉慚負  
門墻恆切憂懼顧蒙曲賜存念何以克當近者小僕以闕文赴門下掛號更辱教  
言累幅重以俸金爲賜惓惓勉某以乘時策勳立言詔後爲事某捧誦感激至於  
泣下嗟乎蹶不忘起盲不忘視誰非凡人湮抑無聊恣其妄自覬覦者之情哉然  
世已目之爲蹶孰肯付以驅馳之任世已目之爲盲孰肯付以紋繡之觀自昔忠  
臣奇士實謗議不能自明卒之湮抑以死者何限而况某哉至於立言必道德明  
備上足以攷三王下足以俟百聖而不謬不惑者然後可也某何敢以語此又辱  
詢某以江西兩廣山川形勢險要之詳與民情謠俗剛柔強弱敦厚變詐之等以  
及平日試驗天官太乙六壬遁甲風角雜占之文是誠素聽於聾矣念某嘗爲江  
西廣東揀謫之吏公委遊歷所經二省全境十未六七地利民俗詎克周知某往  
住京師時亦嘗好集星官三式占驗之書然不得真傳秘訣徒守紙上空文以求  
徵應不免十失四五要之孟子天時不如地利地利不如人和之論確爲兵家不

介山稿略

卷九

四

仙居叢書

刊之典况門下三關奏記與安邊保治一疏固嘗陋孫吳而述湯武膾炙人口久  
矣豈假別求神秘外術耶又辱命某作計一會實某嚮往素心第家爲戰場以來  
養生之具俱廢食指累百嗷嗷待哺公徵私責內外交徧某以一身展轉受紿實  
難遣出仰違盛情奈何奈何門下資望深重且夕當有柄召候台駕臨經敝省時  
擬得扣謁殺水驛次少吐幽抱耳茲因羽使行子鵠立待棧倉次啓候殊無倫次  
萬乞台照伏暑未除惟爲國珍攝幸甚幸甚

與張王屋憲幕

辛酉七夕侍同南衡十洲席上賦詩言別明發公出北關某亦東渡錢塘一遠光  
儀四回星紀銜結傾注僅同日暮間耳然童方二友忽復冥化轉吟遂成陳迹人  
生聚散如驚鷗墜葉而光景疾於石火迺爾良可慨恨始悟種種浮榮不足把玩  
種惟我公銳志藝文足以不朽甚盛事也敬服敬服嘗思操觚侍公几案庶幾窺  
約一斑以自附於作者之林然彼此離索欲會殊不可得今幸借重贊我憲府喜



真不寐客秋兒輩蒙被眷顧語雅誼惓惓似尙有意於不肖者感媿感媿亟擬趨候卒業但小人分薄復與病會左足不能履地者數月且家爲戰場以來養生之具俱廢古書名畫蕩成灰燼憂悼交心神氣耗憊借人墳籍日記舊所誦習不能四五百字酬應之作拈筆信紙十數句後首尾遺忘稍加思索輒茫然困憊雖登堂受聽嘉訓豈能終始省憶有所伸長哉恐此事遂罷與草木同腐奈何奈何近學方士習靜行氣之法頗覺有效俟略痊愈當敬求謁晤耳司馬書法不知曾就梓否貴鄉文宗虹洲中方二公昕夕晤會珍譔必富幸不惜示教撫臺羽翁節鎮未久兵民忻戴仰見貴鄉多賢而評譔贊畫有資於我公者當亦不少竊意浙中今日之患不在東夷而在土寇不在兵食而在亡命惡少相率而投充外兵耳夫土寇多則中產以上之家廢亡命惡少投充外兵多則田業賦役廢三者廢則兵餉無所出法紀無所施良民無所安其生他日可甚懼者此也又梅老召集亡命作爲親兵加以千長名色害人不少事發伏誅逃散將盡而山西強盜若某某介山稿略 卷九 五 仙居叢書

與李海雲別駕

某自陞伏草野以來喪亂頻仍困頓成疾閉戶山中動經寒暑雖素積傾仰如我翁者僅於下車之日一觀光儀而已疎闊何如然耿耿懷抱向往之私固未嘗與寢少忘也世俗風靡瀾瀾賴翁孤標砥柱欲於頽波駭浪之中障其百折而回之凡有意氣者誰不拭目傾耳願見其成况如某者能無驚羨踴躍哉極思乘便伏謁少吐胸臆而車駕近日往回敝邑皆值某病臥山中小人緣薄坐失良晤悵恨奚言傳聞當道奏留不欲買董之國此事更光史册矣則尙趨侍有期敢此陳候少布私忱力疾殊不宣備萬祈垂諒幸甚餘惟爲國珍葆以迓天禧不勝大願

與戚南塘總兵

客歲遠辱華楫文葛之賜續後王光來又辱教示惓惓情逾骨肉遠不遺舊貴不遺賤銜抱高誼何能去心第某不幸甲子乙丑兩歲家男長女相繼短折老懷殊不能堪坐此久稽候謝慚懼交集徒有熱中而已罪何可文仰惟門下神武獨揚聲伐雙著凡海內懷材蓄志之士皆思結綬彈冠修名於龍門之下畢習陳力策

功於虎帳之前自非門下吐握禮士飢渴求賢有古大臣名將之風何以得此於天下哉敬服敬服某有門生徐彥宙者少年庠士也負莫大之志而勢不能以自成挾靡羈之才而貧不能以自振傾企門下風誼久矣茲一旦毅然杖劍負笈不遠數千里徒步求謁其氣其銳懇某一言爲之先容竊意門下延攬無方藻鑑有哲固不待區區之言以爲徐生輕重然又念陳平不遇魏無知則終爲楚中之亡卒韓信不遇蕭相國則終爲跨下之餓夫塵埃窮頓之士非藉通顯有力者爲之維持引拔雖負異才奇志烏能以有立於世哉惟門下憐而進之試而錄之不使流落困踣以歸則其他日必當有以自見不負門下知遇惟終始察之幸甚幸甚

介山稿略 卷九

六 仙居叢書

答胡春奉通府

日者走謁仰辱賜顧至再兼承示及兵道泊我刺那列侯擬表亡女幽操實出門下顯徵章教之盛心也存沒銜感何既偶因兒病延醫西歸不克候謝爲罪茲適錢生大佐書來又備道門下扶植至情且傳語命某爲定數字題扁謂出自泉翁意旨益深銘刻以某之不肖學荒行劣鄉曲吵聞雖亡女所乘皆其天植真性非某能訓範之也緒山先生貞女傳所錄略見初志而其已嫁之後孝敬懿靖慈睦莊順人不問於其舅姑伯叔妯娌妾媵之言者則當稽之錢氏宗黨以爲實錄至於舍小取大節美擇精探諸輿論以表宅里足樹風聲傳播永遠者是在明公酌之而已某之不肖何敢預聞哉

與劉白石副使

燕臺一別遂成參商弟以不肖流播之軀雖在同袍乘如遺跡者多矣因俱不敢有所通候轉益間缺然得披誦葵坡所列門下佳什醉太平梁州序等作輒爲慨



然知振古豪傑胸次所藏真欲陶鑄天地豈以區區空花石火之榮辱得少動其中者恨不得一見顏色以祈消我鄙吝耳乃客秋得報始聞門下憲節當臨敝省不勝慶忭滿擬僥倖徒官得便道伏謁詎意不肖又適值凶閔斬然墟墓之間徒有瞻懸悵惋而已何言何言緬惟門下政履雙暢柄召伊邇但不知何時述歷敝郡可遂參承也茲因妻弟送考之便謹附申候并拙稿請致荒迷不悉所云萬乞台照

寄陳渠軒東昌太守

某往者值羣奸論訾流寓虎林正危疑共乘之時頓仰承豐眷獨倍常誼銜抱縷記何能去心屬以漂泊靡定蒼泥漸遙載阻因循竟歸簡略慚悚何言何言然奏記雖疎神情常往高明必能體鑒之也惟兄資深羣彥望重兩都且夕省臺已爲濡滯迺聞運甫握符東郡望風懷昔博益依依所幸榮履令聞休暢宣茂瞻懸之私藉以少慰耳敝省固兄甘棠舊地也何日得節鉞撫臨俾兩浙人士俱沾覆露

介山稿略

卷九

七

仙居叢書

之澤乎某自客歲奔喪嶺外即今寢伏塊間殘息僅延繁憂並集長口末光總已絕望殊無可以稱塞盛德萬分之一者奈何奈何願兄更加作莫振烈天衢揚輝帝籍使太平之業波及朽枯某雖不肖勉當鋪叙洪駿載之野記以備金匱石渠之副以流示無窮庶或以此報兄也不知可否謹因貴部下大盈庫吏尹子慎便陳布區區荒迷未悉鄙言尙圖嗣中萬祈函照

與張元洲侍郎

武林奉別已九更朱明矣同鄉同榜倏如晨星求位望最隆於某夙素誼分最不薄者惟門下一人而已銜抱豐眷昕夕在心然而久替竿牘亦緣寒家鞠爲戰場以來養生之具俱盡流移寄食殊乏良便耳詎敢忘久要哉今天子銳意安攘以東南重寄全掣而委之門下可謂投大遺艱則門下紆猷集思爲國家運建長畫力挽天河之流以湔洗荒微使薄海內外絕無氛祲妖孽奸於其間然後晉而柱石廊廟以弼中興之業亦門下所以報答聖天子之分也某實不勝大願茲因便

附中候不足自宣萬祈台照

與張鶴樓都憲

某愚陋百無所似惟彥聖之好出自性真每讀書窺見古昔駭烈奇偉之士輒忻然會心神與之交况當今海內有如門下固昭昭揭日月而行者乎戊午夏秋幸因吳董一字似脫獲親光儀于錢塘江濤即辱門下披不情慙登臺命酌懽若平生銜抱豐眷銘刻心髓容春曾具鄙詩小册託悟齋轉致門下計當必達茲聞借重建節度臺固某陽明先師耀德振武講道之場而某總角從遊之地也言念今昔益切瞻馳即日惟台履百福不識振武之暇亦肯延納英俊講道開來以光脩陽明先師舊事否乎適因使便謹附陳候不一

與趙方厓司寇

奉別餘二十年不克再獲一晤僅計前後七承慰存教節而已藏之篋笥耿耿不滅望風懷舊徒有熱中仰惟門下齒甫五秩位極九卿封侈三宗位此字滿四海

介山稿略

卷九

八

仙居叢書

乃得歸侍二親棣萼聯輝玉樹森映五福三榮萃於一門揆諸今古應罕儔儷不識亦知所以自樂否不肖弟伏陸草野喪亂頻仍長男長女相繼化爲異物哀楚成灰頭足俱痺是以計地雖與門下相去二百里而近未能扶伏稱慶者殆坐此也素辱知愛當不用爲嘖謹俟稍耐行履尙擬瞻拜德門追從鴈宕之間抵掌聯床一吐出契關幽抱不識肯容我否茲因鄭少峯高士歸便先布區區鄭君乃貴邑故族久以文雅圖畫薄遊於外近者始有桑梓之思一見當入鑒品何如何如

與萬臨海

客歲荷表亡女幽操匍匐謁顧辱教悽悉生死銜感是後沉痾累月至今僅餘氣息坐是久缺修候愧負何言入春緬惟政履雙暢爲慰恭遇新皇御極求賢如渴之時臺下資望茂彰內召伊邇熙載澤民豈勝願望適聞督學以文衡倚重臺下士林稱慶昔有騶駟而久不售者以告於伯樂迺伯樂爲之適市來而迎



睇之去而目送之一朝價至千金此馬豈昔爲而今年駿哉由未得伯樂者爲之  
顧盼耳今某亡女之子錢甥鳳舉年雖幼而亦頗負麒麟之氣未售者三年於茲  
幸伯樂在上能不爲之長鳴以求脩名定價使終遠於爲駘之櫪乎固知樂育盛  
心不俟縷贅恐人多致窄稍後前列則終成捐棄惟賜垂念而優進之幸甚幸甚

答張鶴樓都憲

客歲因便草遽陳淚殊未盡區區方切慚悚頃者忽辱致祝周臆重以珍章綺軸  
之賜謹當十襲藏之以爲宗門寶玩感刻何可言喻因敢奉次嚴押一律併錄申  
謝珍重虔臺使辛勤隔歲行遠酬傾蓋語深見古人情分祿金爲梁傳詩玉作聲  
拜嘉藏十襲奔世耀宗盟

答吳悟齋都憲

與門下別後即不敢通候一字者亦以巖穴老朽分難廉布竿牘溷援當路尊貴  
人耳豈敢一日忘瞻注於門下哉忽辱致示倦切重以俸金之賜令人慚感無已

介山稿略

卷九

九

仙居叢書

所論官寺民田均爲一則之說起於邵城士夫某曾屢屢於周原公前力言其不  
可考蓋云僭居官寺之米六千有奇畝皆以二斗上下起科民米僅三千耳畝各  
以一升二合上下起科若以六千均於三千之內則民田每畝歲加糧米四五六  
倍矣子遺之氓何以堪命須門下極推始末致之浙江撫按乃克有濟不然一齊  
衆楚某言何益哉

與臧南塘

夏間門生徐彥宙同李參將行時曾附短啓拙詩遠中候忱計當必達近得姪孫  
林德七月初九日密雲家信始知我翁於五月二十日已蒞帥府則策奇決勝爲  
聖朝廓清塞漠盡復百王所未有之疆宇量在旦夕矣敢洗耳以聽駿烈七八月  
之交敵郡遭值異常水患漂屍不下數萬寒家房舍蓋藏養生之具俱盡所未盡  
者惟人耳迺長婦又忽夭折老懷殊不能堪每以門祚單覆爲懼而姪孫林德幸  
荷門下錄按使之周旋轅戟之內他日倘得因沿塔地叨竊一命以歸則敝宗存

沒之感豈有涯哉伏乞推念終始不勝大望入冬氣漸嚴凝惟爲國珍攝以膺天  
眷是祝

上久菴黃侍郎

某方入都竊聞時事大可駭嘆恐將來釀成元祐黨禍爲國患害不少愴夫怙勢  
行私忍心滅理以白爲黑以功爲罪顛倒狂悖變亂國是至於如此凡有人心皆  
懷憤懣而舊在先師門下一二讒賊顧諱警相煽造爲誹訕橫語以悅怙勢行私  
者之意爲其口實此人雖到屍粉骨詎足泄萬世神人之怒哉竊嘗以犬喻之方  
其食腥殮穢盤旋主人欄楯之下尙有外客輒瞋目張口迎之聲氣俱狠必搏必  
噬然後爲快於心眎其信信悻悻真若不負其主者暮夜有點盜焉投之以戴骨  
餒之以餅餌彼即垂頭搖尾欣然就之拜舞馴服盜雖盡發主人蓋藏豈復顧耶  
雖然猶未至於反噬也此輩又誠狗彘之不若矣嗟乎先師日月也毀不毀固無  
傷於其明然某等皆受罔極之恩義與此輩不共戴天我公忠誠體國方爲天子

介山稿略

卷九

十

仙居叢書

所重而元山西樵涇厓諸老同心同德力足以請於天子肆此輩於市朝以少沮  
怙勢行私之羽翼牙爪庶於世道大有所裨也不然亦宜率諸同志之士二三百  
人待罪闕門決以身之去就生死爲先師求盡白其心迹彰顯其功烈錄其嫡嗣  
世襲封爵之典配饗孔廟必得請而後已他日方可見先師於上帝左右也倘依  
違而不言言之而不盡使檢夫羽翼牙爪布置已成終無以白先師之幽微則將  
何面目以自解哉某激懇不識機宜惟門下察而教之幸甚

答李蒲石太常

承示苟少川盛怒不解須弟躬至留都託諸同年爲引謁請罪云非兄至愛厚誰  
肯爲弟念及此耶感刻感刻但弟鄙意以少川爲天子耳目職司監察使誠怒弟  
之不職不能爲國家牧理其民則弟當奉身而退以避賢路以謝邑之人士竄伏  
待罪以彰少川之明其何辭之與有若止以弟之不能隨衆爲不近於禮之恭不  
能投隙爲悅不以道之悅而深致怒焉弟實內省無疚雖以此得罪而去如值飄



瓦如觸虛舟固碎首溺身萬萬無怨也且弟年已三十有一大較不過數十寒暑便無此身矣塵區得喪僅如蟻穴一夢迺橫逆之來不知息機自好復患得患失枉道降志以求蚊睫之榮以取狐鼠之媚以甘心於乞人之所不屑一時自爲得算不知凡有羞惡是非之心者皆將聞其事而唾之見則掩鼻而過之不啻負塗之豕溺廁之犬矣則何益之有哉且古之君子非其道義雖祿之天下弗顧不幸而遇強暴之人凌之以勢劫之以衆威之以兵則見死而不更其守其自立有如此者弟縱驚鈍然嘗受教於門下矣敢自訓辱以干升斗之粟以自棄於君子重爲同年諸君羞哉詩亦有之我心匪石不可轉也謹用謝復計亦從此屏跡巖竇俾少遠於罪悔耳惟兄諒之幸甚

簡李景山敘

獻歲草草附盛价還答教惠未盡鄙悰候屆秋序不值便使情候替缺宗想輝蔭徒有結心緬惟道履台眷同膺百福良用爲慰某於孟夏之朔即迫賤事遊寄武

介山稿略

卷九

十一 仙居叢書

林既而倭夷四塞進退兩難逡巡迄今不意鄉邑竟爾化爲丘墟寒家獨當戰場焚掠尤慘羅雀之門頓成擒虎之穴僵屍數百蓋藏服食之需蕩然一燼敝族得姓以來所未聞記嗟嗟與矣夫鳥懸舊林魚思故淵某自挂冠念不出戶何期陵谷遷變且夕異態一至於此身世生涯漂泊靡定荆妻孀各依其父母之家與某離爲三地僮僕百指分投寄食於人某獨何心能不悲哉執事當亦爲之永嘆否也茲啓春山亦以衣食奔走控謁門下想彼素辱知愛必能分祿振之不俟某爲饒舌然區區鄙懷與經羅患難之詳因得託之馳布以備抵掌耳夢坡兄處書籍得再遣使一取至望至望敬所同此致情不備

寄郭黃匡方伯

不肖某自乙未獲侍釋褐輒違光儀垂二三十年未克一申竿牘世講之誼謂何徒有瞻憤緣某初以迂狂領邑不能脂韋泯泯以悅豪宦爰招文致之說觸天子宰相喜怒幾糜虎口者五年卒從吏議得白再起再卜壬子冬杪始由惠陽奔喪

萬里視息苦塊又三值倭夷踰躐寒家鞠爲戰場流離寄食於外又且八年服闋已久無力赴部自明遂甘與死灰共棄慚負同袍因益不敢以猥陋之迹相聞于門下也頃聞借重岳轄吾浙亟擬奔賀伏謁一吐出半生溼鬱契闊之懷第苦貧病交纏實難出戶仰惟門下資望並隆行當樞衡天部柱石綸扉將霄漢益高泥塗益下疏賤如某恐終無陳晤之期而門下陟歷崇峻亦不復省記浙中有同榜流落未入鬼錄如某者矣瞻企奈何謹因妻弟生員應才伏謁之便力疾布候不勝耿耿惟爲道珍攝以承天寵幸甚幸甚

寄聶華亭從野

憶從金川奉別昕夕懸注越五載始得執事賓興消息喜不能寐者累日繼辱致簡惓惓情踰骨肉銜抱不忘又三載始獲邂逅武林勿次語離令人悵憤久之又八載始報執事策名天府時某抱疾伏枕不覺起而雀躍又一載舍親培菴書歸知借重製錦華亭與敝邑相去千里而近滿擬趨候盡吐十餘年患難離索之懷

介山稿略

卷九

十二 仙居叢書

冀相知如執事能爲某表暴幽微使世之大賢君子知某放非其罪死亦無恨第某家爲戰場以來養生之具俱廢念難出戶坐是竟成替闈徒有熱中茲者恭遇天子新嗣歷服詔告中外恩澤曠蕩海內四三十年撥落幽抑之臣凡不係考察及犯私罪者皆藉知己薦引相繼彈冠而出某無公私纖芥之罪不由考察能官獨以讒口空文橫議閉住禁錮待盡心實闕憤夫太和熙物燕谷不被其煦則鄰子恥之伊尹思天下匹夫匹婦有不被堯舜之澤則若已推而內之溝中古之賢聖其愈於爲人也如此某雖不足齒數寧非伊尹溝中之一夫鄒子燕谷之一草哉執事生際明時方擬調熙臺之燭建立堯舜君民之功若某者亦宜有所動心矣用敢以疏稿投控門下獲賜覽閱一過將必惻然垂憫不啻某再喋喋矣且蕭同野專以貴邑事狀論某執事在貴邑與某游處最久卽耳目所聞見曾有一二可疑之迹彷彿於其所論撫否耶况某年已六十豈敢忘其老醜猥劣希覘末路升斗之粟以自取賤惡於人第以減名慘於減身誠如屈平所謂寧葬江魚腹中



不忍以身之潔白而受世俗之塵埃故乘倖明詔急求洗雪汚流以待蓋棺附於仲由結纓曾參易簣之義而已若夫嘽歎之食雖乞人忍死而有所不屑某之羞惡是非之心未至泯滅豈顧能甘之哉昔韓子有云蹈水火者之求免於人雖非親戚苟不至於欲其死者皆將狂奔盡氣抹之而不辭今某蹈於讒謗之水火固已裂膚滅頂矣執事夙素憐我能忽然坐視之耶且執事方握符元老之鄉其言易入而元老舊日亦嘗知某惜未有以某被誣始末之詳面告之耳執事行將入覲固甚便也况執事風猷茂著年資已深即當留居天子耳目侍從之司明賢別奸使幽枉畢達以光昭聖治固執事分內事也責也又何待諉之人耶某區區之情已具疏中惟執事賜為順帶一奏萬一某之心迹得少白於朝署之間僥倖恩澤以終殘喘則執事於某有大惠矣何以爲報不勝願望慚悚之至

與黃隱君書

僕仰高誼甚切昨有自武林來者云親見執事於北關舟中戴櫛冠披羽服囊琴

介山稿略

卷九

十三 仙居叢書

匣劍手書所爲詩文十二三冊將薄游京師投謁貴人僕又甚爲執事不取也方今貴人之不禮賢久矣彼挾伎以見者非相士則丹客非星命之談則探戰之術非搖尾之犬則逐臭之蠅固日夜肩摩而袂接也執事烏能側足於其間哉且櫛冠羽服所以養高林泉之具即有著述亦宜藏諸名山付之孫子以待後世有知己者發而傳布之耳迺泐泐然服此異服持此隱書輕身以自銜焉誰不用爲姍笑哉聞之吳中有節婦年十八負國色無子而寡者以冰玉自誓年逾五十已有司請旌其廬乃繪綵表坊之日窺見畫工而美遂私奔之醜聲載路執事安貧守志著書山缺一字 二三十年念不出戶茲迺東塗西抹駕言出游得無有吳中節婦之心耶非耶夫夜光之珠天下之至寶也以暗投人猶必按劍相視執事其可不熟思哉僕侍執事知愛最深敢馳急足披瀝鄙悰請執事即日回棹且留敝治數日抵掌劇談以濁酒澆洗執事塵垢胸臆然後徐議巖巖之游亦未爲遲也何如何如

與鄭澹泉職方

昨者草草遣候顧辱寵答倦悉轉增慚悚聞兄於是月十一日已拜召命將取道廣德陸行其真不俟駕之禮耶爲賀爲羨但弟爲兄熟思進退維谷至於通夕不寐詰旦輒敢布獻愚忠惟兄其聽察之竊嘗聞諸孟子云觀遠臣以其所爲主今兄遠臣也其力主建建似作作兄之議者果秦誓所謂休休之大臣歟抑謙恭下士之王巨君歟此人與王巨君相去殆不能以寸兄肯出其門下否耶弟在京師時親觀其怙勢專寵招納亡叛無君臣禮九卿百執事至側目而視從之游者咸青負芒刺日又強奮民間財產不顧其死羣情汹汹怨莫敢言敢在一二歲耳兄可不足可待而乃忍以隋侯之珠彈鳥雀耶即改塗從舟至敝治三高亭下停泊與兄詳議或就此姑上病疏庶可託郭似菴代巡終始勸覆也郭公剛正明達忠信不苟近嘗御史所罕見者侍至愛不敢不吐肝膽惟兄其聽察之目畢并祈以此

介山稿略

卷九

十四 仙居叢書

械投付丙丁至囑至囑

答徐少初司練

近得執事都門八月二十一日書知榮拜諫議已久兼承道履嘉暢之詳甚慰甚慰又辱惓惓下問諭令必致訓策劇切之言僕素謂陋穢竭千慮以獻胡能有所增益於執事之萬一哉惶愧惶愧竊嘗聞之語云不得爲宰相即願爲諫官正以諫官司天下進退興革之論宰相司天下進退興革之權猶心腹耳目其爲用一也然權在諫官則公論明而天下常治權在宰相則任用偏而天下常亂是故諫官之責尤重而君子小人不可以不早辨矣蓋世之君子至少小人至多而小人又每畏君子者之議其後乃相與薰釀粉飾巧爲污穢之計務使凡有志節之士各藏縮鋒穎不敢少吐其生氣而後已是以天下靡然日入於奸佞渙浞風俗瀾倒其可惡也非有一代偉人氣力環傑毅然肯以身任天下公是公非之責者其孰能振之昔者范文正富鄭公歐陽文忠同時進用又有司馬溫公呂獻公等雜



選在朝亦嘗爲小人讓阻以出當是時諫官力諍致爭相引退決去就以明國是  
卒之國是亦定諫官之功也近世則不然今日一君子者去諫官不諍也明日一  
小人者入諫官又不諍也衆皆却立環視絕無憂戚於其間將見舉朝皆變爲小  
人而無君子禍不細也執事著抱志節講聖賢之學已久不惑不愚非所謂一代  
偉人氣力環傑肯毅然以身任天下公是非之責者哉且又幸爲諫官居天子  
耳目之司中外素所屬望於論薦其真爲君子者而力進之論核其真爲小人者  
而力退之勢甚便也則掃除奸佞澳澁之習挽回瀾倒之風俗一洗而新之揭赤  
日懸之中天使是君爲堯舜之君使是民爲堯舜之民固執事分內事也尙可諉  
之他人否耶僕方得罪于世不敢妄議政理獨念辱執事知愛最厚爲同志之盟  
麗澤相資已非一日而執事今復誨之盡言故敢持君子小人之論以獻惟執事  
不鄙而垂察之天下幸甚

與呂沃洲尙書小簡

介山稿略

卷九

十五

仙居叢書

自與執事別後遂成膏泥追緬往昔聚晤之驩如隔世事誰可更得耶客秋聞執  
事乍釋萬里兵柄旋憩皆可園中不勝欣慰正圖伏謁有期耳近復傳聖上頤倚  
執事進秉機務已有成命固國家宗社之福恐非執事名遂身隱葆光怡神之素  
心也何如何如適趙方匡兄姻契鄭子以精于君平之術與繪事薄遊江湖間爲  
鑑品家所重將經錦里敢使附區區陳候之私亦不知執事尙能記憶二三十年  
間狂迂落魄老弟不也奉晤末由惟冀寶攝以迓景福

奉謝歐陽石岡少宰

某少讀載籍窺見古昔端人名輔能爲國家竭誠效忠明賢別奸不隨衆口雷同  
毀譽者輒忻然向慕之恨生不同時不得爲之執鞭中歲悞舉進士居京師十許  
月接諸縉紳大夫以千百計大較奔競取容悅者十殆七八私心固甚爲世道憂  
患也及出宰吳江屬在明公撫臨之末受法紀條約頗久仰見明公負絕異之才  
履忠貞之節廉直勁正昭曠宏偉夙夜勤瘁念不及身某又重爲天下慶幸知能

挽回國家元氣實賴明公一人昔汲長孺在漢無他勳烈僅一意亢直耳然猶內  
足阻孫宏之詐外足寢淮南之謀傳之來代尙有生氣况明公固十倍長孺者乎  
故某忘其猥陋誓當殫智畢力精白一心終始奉明公規訓相與周旋庶得所怙  
恃爲立功報主計耳何圖福薄望豐竟與禍會橫被檢夫文致之詞上觸天子震  
疊之怒幾陷幽阱罔克自明又荷明公不避嫌怨抗疏論救且移書科院諸賢請  
以頸血汚地明某之無罪擬爲世道一助錢海石掌科以明公手札示某謂某不  
可不知某捧讀不覺泣下嗟乎方今士習萎爛清論淆舛間有一二懷奇負特之  
彥皆知藏鋒韜穎與時鍛抹懷懷退避以自保其身爰能內不失名外不累知  
己而某獨味機宜冒忌諱怵懼自信卒羅縉弋實某所自從取得之何足怜惜顧  
仰累明公費過激之詞駭流輩之聽某之罪過益深重矣慚負奈何焦灼奈何且  
古之賢傑丁時不偶招詆抱毀甚至滅身赤族終不得昭雪者何限而况某之不  
肖敢復尤人否耶何期明公光明之照偏欲及於曖昧山海之量偏不棄於纖微

介山稿略

卷九

十六

仙居叢書

將接枯荑而噓之使生將起白骨而澤之使肉罔極之恩施於不報如此某縱摩  
竭頂踵鏤心刻髓何能稱塞明德意萬分之一徒自怨艾而已頃聞明公以是  
月一日進陟天卿海內皆翹首跽足願見大儒之効而進賢退不肖盡洗官邪而  
廓清之求廉直任事之臣布之中外爲聖天子贊大猷移風端化開至治之澤某  
所致望於明公者尤汲汲焉萬希珍重勿使辜夔伊周專美於前幸甚幸甚罪人  
無以爲禮風便敢布腹心言失倫次惶悚惶悚

奉謝湛甘泉尙書

不肖孤行誼孰敢上天降割禍延老母沒身陋巷凶計聿聞已逾旬月傷哉貧也  
流播荒微養不及祿哭不及殮五內崩灼無所控罪忍死星奔甫抵五羊驛次荒  
迷委頓杖莫能起末由告哀方切瞻注顧辱門下親屈台鼎臺臺之尊俯致羊豕  
牲帛之奠且手灑詞翰曲賜褒揚非老母游魂所宜款饗非不肖賤品所能仰承  
存沒刻骸何以爲報惟當珍藏吊挽三札昭示百世爲寒家孫子傳家重寶誠令



永永戴德不忘門下大賚而已視息待盡之人不能扶伏陳謝萬祈鑒宥無任哀感隕越之至

寄答羅念菴修撰

近者臥病武林側聞執事赴召道經浙江滿擬晤會持僕素所疑殆者以請迺驛人忽報車從徑往北關竟不入城僕方欲覓舟追從倏辱命使約會五雲以三日爲期僕又過喜得副深願比及五雲始知執事已先日皆發云將由問道尋覽張公善權二洞僕舟車未備追不能及悵然而返昔人篤重友誼以聚爲樂至輕千里命駕寧解組綬相從僕素與執事同志莫逆別且十年今迺不能趨赴二三百里爲四五昕夕之會不及古人遠甚慚灼如何丹陽急足回承示教札累幅且云心時習即見時習勿以離索爲念僕捧誦再過不翅晤對銜感無既夫時習心詮不傳已久陽明先師單提良知示人凡在同志宜所共惜然談析牛毛得同兔角深可慨嘆執事所云心之時習即心詮也嘗觀易於重坎名之爲習而以水之荐介山稿略 卷九 十七 仙居叢書

與唐荆川編修

至家之日君子以常德行習教事時習義實取此夫水之荐至譬猶呼吸之出於口鼻血脉之運於四肢非有待於安排矯強故中庸曰天命謂性率性謂道不可離可離非道無隱顯無規聞戒懼慎獨自不容已於穆乾乾爲命爲誠皆一理耳僕悟斯解未欲告於人人幸執事今且發之敢舉其說仰求印可萬乞詳示適解茶官便草次答謝殊不悉區區荆川夢坡大洲處皆不及另具啓候並祈出此代僕陳致遠餘惟爲道珍重與同志諸賢和衷一德以匡彌天子教養東宮宏開明道之路長育人材使至治之澤覃被生民僕實不勝願望之切

而歌以夷俗自處得罪於名教甚重孔子未嘗絕之且云故者毋失其爲故僕先

峻伯十許年奉教於執事亦嘗辱執事之譽相知不爲不久僕固猥陋鮮炯迹可齒然自束髮以至今日亦未嘗有不可掩之惡聞於人人不知執事何從而遠棄之也且以仁人萬物一體之說觀之即僕雖有不可掩之惡亦猶執事四肢之有疽癰瘡腫也宜藥之砭之薰而灼之必痊而後快于心苟置之不恤任其橫潰崩裂侵淫於腹背腰脊之間執事將不爲狠疾人哉雖然孟子有云不屑之教是亦教誨之而已矣審若是則執事固將以激僕也僕敢不猛省以求無負執事曲成之德哉又適聞之徐養翁云執事遇拂意事輒怒不可回性偏厥人造請呂沃洲素稱莫逆方巡察時曾三次往候執事輒辭以疾因托尊翁入臥內強執事至再終不肯一出審若是恐執事險漸成癖而形迹近於驕且吝矣夫以伯夷之聖之清周公之才之美不可以被隘與驕吝之名故孟子謂之君子不由孔子謂之餘不足觀而况執事固方願學孔孟者也可不察去之耶夫執事譬猶美玉貴於瑕類一設使衆人以爲白矣使離朱凝神注目而視之稍有纖塵之不瑩焉豈不

介山稿略 卷九

十八

仙居叢書

介山稿略卷之九



介山稿略卷之十

明林應麒著

書簡類

與周白川大中丞論均糧書

本月二十二日於撫院公移中得遞至門下與歐陽石翁手簡一通云田有肥瘠故糧有輕重自古則壤成賦法本如此新令尹議欲一旦比而同之甚為不可他日脫有變亂版籍之論當誰承其咎者某敬捧誦再過無任惶恐雖然事關地方利病非某一家私議何憚往復某因攷之則壤成賦其法防于禹貢揚州田惟下下計其封域兼今南京兩浙福建江西廣東韶雄潮惠之地隸延五省郡縣數百餘區幅輳所屆六七千里田止下一則而已至于三代賦皆什一重之則桀輕則猶天下以為中正絕未聞以田之肥瘠為賦之輕重哇分畝析如此其紛紜者一采江一縣為里方不及百而賦稅之等自三升至于九斗十有三升科則凡

介山稿略

卷十

仙居叢書

百二十有七不知果出於禹貢則壤三代什一之法否耶法固知其不能皆出於古苟使肥田之則必重瘠田之則必輕盡如門下所云亦何容於再議惟肥田多歸豪右而豪右之田其則反輕瘠田多歸貧難而貧難之田其則反重以致逃亡日衆虛糧日積里甲包賠日不勝其困弊某不得已為之長慮却顧勞證遠引稍擬湖州事例敢於拂逆勢家豪族兼併之戶而委曲調停陳此末議竊謂當必快於仁人君子之心不期願與門下意旨大相刺謬也負罪奈何夫堯舜至聖猶必詢乎芻蕘誠以一人耳目有不及也伏願門下試詢貴鄉之凡往來留都若士若庶云吳江石塘以東自二十五都以至二十八九等都其低窪之田皆一望成湖人人知其瘠矣其則果輕乎重乎抑亦貧難者受其重之累也相率棄之為逃亡之荒區乎石塘以西自二都以至八九等都禾稼如雲人人知其肥矣其則果重乎輕乎抑亦豪右者欲其輕之利也相率高價購之為子孫之永業乎詢之一人十人以至百人宜必同然一詞謂田之肥者則輕而田之瘠者則重也又必

同然一詞謂則之重者歸于逃亡而則之輕者歸于豪右也門下聽之將恍然自悟何埃某之喋喋哉門下又以變亂版籍為疑恐某他日當不免於論者之口則所以為某慮者甚周愛某者甚厚某非木石詎不知感第某查得永樂間太宗皇帝曾勅令拋荒官田照依民則起科是官田可改為民田出于上之勅令者為例

其明也又查得宣德間知府况鍾奏減蘇州府重額田糧七十二萬一千餘石宣宗皇帝曾賜欽依是重糧可減為輕糧出于下之奏請者為例亦甚明也况今不議改則減額而特議稍為之均節輕重宜亦無不可者昔孟子嘗議復井田於滕董仲舒師丹嘗議限民名田于漢李安世嘗議均民田業于魏彼以命世亞聖之賢儒宗名碩之佐當時為其國君建議皆不憚於更變如此况今不議均田以更易民產而惟議均田之賦不議均變黃冊額賦而惟議均攤冊外所賦金花加耗之米又奚不可之有蓋吳江之田其米有正有耗其折徵之銀有金花有白銀白銀每兩准米二石金花則准米四石正米照科起徵而耗米則畝皆增收一斗六升為例者也然曰耗米曰金花曰白銀並不載入黃冊額數而總督迭撫歲得通融為之會計以質其成于大司徒與漕運之府者今議畝以三斗為率其自三斗以上至于五六七斗者則遞加金花減耗米白銀以輕之自三斗以下至于五升三升者則遞加耗米白銀減金花以重之某所議均糧條款不過均此而已實不必以變亂版籍為其他日深慮也孔子曰不患寡而患不均與其糧累無干之里甲包賠孰若均派有田之入戶分納其法為至平乎是非利害明若觀火門下恐亦偶未之思耳且古之大臣思天下有飢者則若田已飢之思天下有溺者則若由已溺之思天下有不被其澤者則若由已推而內之溝中門下之為大臣至尊顯矣素負中外鉅望行將入秉台鉉其存心決不宜自後於禹稷伊尹也無論天下之廣即吳江固門下梓里其飢困流離死于溝壑者難遍以數計而勢家豪族田聯阡陌縱其狂奴悍僕相與吞人產業奪人妻孥擄掠人蓋藏之積過而置之水火無忌者又豈少少也不均之弊其漸至于此極門下生長於其鄉固耳聞

介山稿略

卷十

仙居叢書



而目見之不待詢諸人人而知矣則哀多益寡損有餘以補不足推之天道人事似亦宜然不知門下肯終慕禹稷伊尹之爲大臣亟思先拯鄉里窮民于水火之中不使之益深益熱因以安戢鄉里之豪右不使之難于顯禍然後推之以平一天下否也親親而仁民舉近而篤遠推恩當亦自有其序某濫尸門下父母之土觸目激衷日夜惴惴焉惟思治理罔効得罪于百姓誅辱于公議爲門下羞不覺言之煩瑣失次惟門下裁察而優容之不以冒昧搢突爲罪則某不勝願幸之至

復歐石岡述撫

四月十三日奉臺下符付爲積弊縣總尅賣金花銀兩殃害小民事備行到某切緣金花銀兩比於白銀輕減實多故營之者之謀甚固又值地方災患拘自硃批派徵失覈故乘之者之弊易文告許有同于吠聲雖猶猶滿耳何嘗循影而見形訊問止據夫空言縱兢兢勞心豈能刻舟而得劍是以徒歷兩院委查卷册成山淹及五年轉覺迷茫似海某備澄明示不揣昏愚意造謀者必有其機而究弊者

介山稿略

卷十

三

仙居叢書

當原其始爰本之會稽之則以定其規參之派徵之殊以盡其變考之荒圩之總以要其成驗之實荒之田以核其數嚴督里書互對荒册始知弊之源也由於撫院愛民之深而其流也乘於奸書罔上之巧蓋吳江往歲被災圩分凡三百三十有六圩內額田凡一千一百五十三頃六十六畝九分四厘四毫而其實荒田畝止一百四十四頃九十二畝三分二厘九毫前任述撫侯公則以被災圩分既同田土不宜有異於是計圩而派得平米五萬八千二百六十二石四斗五升八勺每米四石准銀一兩共計金花一萬四千五百六十五兩六錢一分二厘七毫俸得者多而其應得者寡矣奸書乘機而謀則以圩內荒熟既異派法不得不殊於是覈畝而派止得平米七千二百五十八石九斗八合每銀一兩准米四石僅該金花一千八百一十四兩七錢二分七厘應派者寡而其餘剩者多矣於是散賣各區以其餘剩輕減之銀而營殖一身以圖違法非常之利共一萬二千七百五十兩八錢八分五厘七毫真情莫掩細數已明更無纖毫可以脫漏遵依追併以

俟完報外伏觀節開私買金花已經行縣改正尙未驗派人戶今斷每兩准米二石聽令完納似若爲改正言也然當年會計已定白銀本色各已徵足更復驗派人戶恐不無重徵之嫌又蒙開各犯原買金花銀兩合將三之二入官餘銀姑准作數似若以贓罰言也然京庫銀兩未經停免雖係私買尙在會計額定之數縱舊一兩准米四石今斷准米二石已多追一兩若通計以三兩爲率二兩入官止餘一兩於正銀尙缺五錢將何抵補某竊以爲莫若將幸免平米五萬一千三石五斗四升二合八勺遵照節斷每二石准銀一兩通追貯庫比舊會計四石准銀一兩之數已多一倍以其一半足原派之額以外一半撥補縣實荒田畝與每石六分三厘之數庶奸戶罰當其罪小民恩過於望而節示所爲量處以謝其怨各犯每銀五錢准米一石及撥補作數之惠皆四達而不遺矣但比年以來災傷迭見况今年淫雨彌月本縣地勢一望成湖新舊京庫銀兩通未追徵前項買免之數俱係大戶固宜監併完報其餘小民拖欠急之則勢必流移得候豐年帶徵

介山稿略

卷十

四

仙居叢書

庶寬一分則民受一分之賜矣某俱未敢擅便伏乞詳示施行冒昧陳瀆死罪死罪

復陳西郭代述

謹白爲除橫惡以靖地方事蓋聞去莠爲其害苗刑一可以懼百然出匣之虎啖傷益多破譽之鷹橫絕無制是以宜尼攝政遽有兩觀之誅虞舜登庸先嚴四裔之放除惡務去之義也前曾謁蒙鈞語命以刁惡密開有以仰見祭伏保安之心肅清揚振之紀化成有日願望不勝除備訪另陳外今有見犯某人等平素奸縱不法難以數舉所據顯跡大略合併開報庶知由來者漸罪貫已盈事雖出于見聞之新孽豈緣於朝夕之故原情可以察比慎測終於無疑爲此具白

答郭黃匡方伯

龔縣丞回捧到教符示及議發官銀二萬兩賑恤目前又慮春冬之交無措將有破格之請台民百萬延頸待哺願須臾無死以終被至仁之澤幸甚幸甚但各屬



吏書里總類以舞文乾沒爲計傷者未必賑賑者未必傷又恐暴殄可惜或不若抵補應追糧餉公私兩便也且寬恤舊遺大小罪名之詔兩年再下聖恩優渥矣迺各屬奉到追徵革前紙贖料價文檄反急于風火子遺之民何以堪命况僊居土瘠民稀不通商賈實視各屬最劇倭寇殘破十有一次井邑邱墟死亡過半禍視各屬最慘重建城池官民解宇八年甫畢工役歛視各屬最繁山深谿險蛟蜃並出津水頃刻數丈今年災害又視各屬最酷若加以新舊徵誅亦如各屬富庶之縣則僊居寧復有人哉邑里無人他日國家賦役誰與承辦惟門下試與諸司熟議多方詢察民情之所向背以爲舉措則功不啻造七級浮圖矣某家徒四壁受田不滿一區節年賦役俱無逋負決不敢挾私心倡狂言以淆輿論也因便附答萬祈涵照

與陳鶴溪都閩

僕仰執事風譽已稔第自揣遜陋不敢輒陳未同之言以取嫌于左右坐是替缺

介山稿略

卷十

五

仙居叢書

修候徒抱耿耿姪孫林德叨備執事帳下持戟員役仲春二日寄到家問始獲聞榮履駿烈宣暢之詳無任欽慰夫北胡西戎由周而來二千有餘歲迭爲中國患苦惟我朝訊誠犁庭驅之絕漠不敢喘息者七八十年真守在四夷然治久而玩至于今日已極賴天之靈新皇帝銳意西北而勇智神武如譚翁戚翁與我鶴溪鄉丈二三名碩並受簡命得專九伐之師可謂一時妙選則凡光昭祖宗宏烈盡復大寧東勝三城河套遼中故地列亭置障屯牧其中繫羌胡哈密吉囊俺喀各部酋長之頸咸獻其俘于闕庭之下宸宗社于泰山盤石之安永伴兵革不試皆可跋足而咲野夫何幸躬逢其盛惟執事珍重以介昌期以承天寵不勝願望之至

代答毛東塘司馬書

某以便差簿具書儀仰履尊覽方懸憂慢顧辱回賜紋綺手札惓惓存慰銜抱無任又承邊議之委某益惶媿往時濫受邊命迭歷逾年無所建白拙之爲効甚明

彼中形勝虜情日詢月訪雖頗得其梗概有問不敢不以實告然恐無益于勝負之數也聞之故老云正德末年虜運中衰易于控禦近歲漸復強盛進如潮湧退若鷗散中國之兵難于格敵屢犯晉冀未嘗一有挫衄揚揚滿意而去以致跳跟屯聚有輕中國之心頃逼冬深入乃即返逝者則以其酋帥專欲而部落不協故也古稱夷狄相攻中國之利今漢北大酋士馬雖衆受制強臣威權已去套虜若俺答不孩雄勇猜狠精兵屯至三萬其吉囊三子分領亦各不下二萬俱負鷙悍之氣奮吞併之謀與北虜陽合陰携後必構爭則我中國練精積銳觀釁而動斯非其時乎夫胡馬不能食粟雖中國之草亦必久而後食箭大不能及遠刀劍僅如中國之最下者宜若易勝然中國往往不能決勝何耶蓋繇士氣積弱而將多情驕也是故將領不容以不論矣方今將領皆出自世襲儼靡之子智不能謀勇不能陣惟培尅罔相習奔競援結中貴以爲深計故寇至則規避軍巧寇退則妄殺報功每每奏捷之詞真足駭世震主及求其實絕無一二形影之可稽有識

介山稿略

卷十

六

仙居叢書

者方疑其不免於欺罔規避玩寇殃民之誅虜酋方相傳播以爲嗤笑不知朝廷反爲之覃恩錫爵賜之金帛寵之璽書彰之服采彼得腰玉肘金紵纈衣蟒以誇耀于其儔列矣夫爵賞不以報功而反以勸罪章服不以命德而反以炫奸如此雖有名將孰肯爲國家用哉竊惟我翁裁之而已且上兵伐謀今河套俺答與吉囊二子常川渡河窺伺宜大止留少子駐套守護巢穴若合諸路之兵掩其不備匪特盡可擒獮亦能牽制山西之寇使不敢住是或一策也世無班定遠誰可與辦此者至于設險守國易有謨訓揆今事勢宜大爲急而榆林定邊亦多可慮晉溪王公厚築邊牆固足爲環慶寧固之護但舊邊大牆遺在二十里外棄而莫守烽火不通虜踐無人之境西行南下則爲門庭之寇東行則出舊牆墩臺之背榆林千里莽無限隔安邊諸營孤懸虜地三面受敵援兵難進此營一失則寧榆中斷虜賊入寇中國爲通衢矣曾經守臣題奏于舊安邊東西適均之間築起碑井柳樹澗二堡以爲聲援不特安邊有恃而不失雖大牆既斷之勢亦復聯屬虜欲



長驅直入勢不可得南溪張公會以祖宗之舊境不可失萬頃之膏腴不可棄銳意欲爲脩建而又有以遷民之難錢糧之費爲說者故遷延至今卒無定議我翁昔曾駐節寧夏寧不知此某復懇懇陳述者正以天下大議非凡近所見惟翁恢廓雄略見宰本兵可以張主此耳夫宣大虜患可謂其深幸仗我翁握機于中諸巡鎮聽命於外師同江漢氣吞旣裘盡取醜虜而俘馘之銘勒勛伐於燕然之上固唾手可成跂足可望寧俟庸流末職復置喙其間哉雖然受翁深愛舊爲末屬臺臣擬進鄙見猥書少效涓埃久矣况承誨之使言敢不盡乎夫用兵之法十則圍之五則攻之倍則分之今虜之驚勇既過我軍數復倍我軍往往以彼之勇乘我之弱以彼之衆乘我之寡一與之敵不無被其蹂躪突蕩折北不支蓋彼國惟流徙民皆引弓谷以量馬衆號牛毛傾國而來無恠乎其然也我中國所用以禦之者惟各鎮堡騎兵而已又且分而不合勢單力弱嬰城自守猶恐不濟况衝鋒破敵與之戰乎夫赫赫萬邦利盡四海匈奴雖衆不能抵我一郡顧乃拘常守

介山稿略

卷十

七

仙居叢書

故困于小醜是惟不來則屠害我生靈是惟不戰戰則覆敗我軍將每歲糜費百萬僅能保其不入以致賊勢愈張國用愈詘使再因循二三十年不知何以措手昔晉制三行以備胡漢設五校以禦邊皆馬步相兼未嘗專于用馬蓋治無一定之法勢有強弱之形因形制強權時之善經也然欲張我軍勢必須添補卒乘使貔虎千羣積銳蓄威如太阿出劍斯可振起衰弱不貽將來之悔某思北直隸軍卒壯快良家子弟人等挽強及遠善射者最多可選募一萬餘人使團結爲一營南直隸江北山東壯快軍卒良家子弟曾經流賊慣弓熟馬亦選募一萬餘人使團結爲一營每營惟參將一員主之分置左右都指揮二員以爲之副中間膽勇素著技藝絕人者卽命爲隊長旗甲之類其金鼓旗旛盔甲弓弩刀槊銃砲等件種種具備仍選滿清探礦鎗手三千餘人淮揚販鹽鎗手二千餘人共五千餘人別爲一營以備二營策應置之宣府以與騎兵相參山西脩邊民壯久歷邊方與虜相習可選募一萬餘人結爲一營其嵩山一帶毛葫蘆接連商洛漢中山棚

亦可選募五千餘人別爲一營以備二營策應其將副千百夫長甲冑器械之類亦如宣府事體給發俱置之大同以與騎兵相參其錢穀賞賚務使優裕常調不足稍行設法加賦亦無不可蓋爲民除患人亦樂輸不猶愈于胡馬南牧爲虜搶劫之資乎又嘗聞之兵有騎步古之制也今惟用騎而不用步卒馬之生殖既不

介山稿略

卷十

八

仙居叢書

庭掃穴之舉以振起累年衰頹之氣以報復三晉屠戮之慘必使稽首中涓起舞後庭斯可以伸中國之尊而得制馭蠻夷之道矣某非敢倡爲驩兵之議輕舉深入以重天下之難以召生靈之禍正以進則強退則弱張皇則奮迅偷安則駭亦欲矯今時之弊以少裨于社稷生靈亦惟我翁剛大正直英明斷果指揮伸縮中外咸稱動協機宜採擇嘉納羣策畢集豪傑並進故爲此疊疊之瀆以發憤懣之懷耳若他人前某詎敢一字進說惟賜裁察不勝悚思幸願之至

寄郭黃厓方伯

客冬得仰誦執事遺奠南洲先師哀詞惋切悲悵情深而思永令人感嘆無已某緣衰病侵尋久稽裁謝罪媿罪媿向所呈覽文稿不知曾入梓否先師平生刻志砥行期大有樹立表見于世迺竟以護阻名隨位息縉紳雖往往扼腕永嘆然未有肯堅然出力爲之暴白者所恃以信後惟僅遺此空文而已幸值執事以隆德重望保釐全浙且素能諒督先師心迹行誼履歷仕止之詳力足以顯微闡幽使



大章灼于後亦仰惟執事雄文鴻筆賜爲製序立傳冠于茲集之首庶幾先師得藉之以流播于不朽耳如荷俯遂不肖前後陳請之忱豈特師門九族仔沒銜感凡在斯文同志罔不衣被執事光寵矣詎勝大願僊屺黃尹廉直勁正文學政事俱優或試以茲集託之刊布想當有濟也何如何如



明林應麒著

序類

近思錄序

錄者錄哲言以明心學也思者心之官也近者不遠于心之所同然也心之官則思猶目之官則視耳之官則聽也故同色而視雖盡目也無改見矣同聲而聽雖盡耳也無改聞矣天聰天明其於聲聲色色觸而即應不待逆億無古今智愚一也何獨至於心而疑之乎心所同然理也義也良知良能其於非非是是感而即覺亦不待逆億無古今智愚一焉者也故曰仁義禮智根於心思則得之夫何遠之有若夫或索之於隱或離之於幻或溺之於空寂或鑿之於權謀皆思之遠于心之所同然者也其猶病目者之自翳乎為空花為黑暗目與人同而視與人遠矣其猶病耳者之自鳴乎為鼓鐘為蟬蚓耳與人同而聽與人遠矣夫是之謂喪心夫是之謂思妄於以語作聖之學不亦哀哉易傳曰天下何思何慮天下殊途而同歸一致而百慮通書曰無思本也思通用也嗚呼盡之矣是則近思之說也使其得而通之則于是錄思亦過半不然執是錄而拘拘求之事為之末以證所謂近思抑又遠矣希程張君令吳江時惟取是錄託吳子以傳其亦探本之義也與哉予承乏二載始克讀而序之思與同志共明其旨云

三墳叙

叙曰三墳自秦漢來不列載記是以藝文之士缺而無稱焉余蓋十五六嘗繇天台探會稽禹穴入吳泛震澤出孟瀆口得此于惲氏功父家藏云初不甚解秘之垂二十年迺今始發讀之綜其旨不悉閱遠文詞詭飾則比往往出入汲冢書豈即元豐間人為哉其或毛止仲所譏疑不能明也嗟乎古之君子雖多聞見率不敢言疑殆事其自信真矣故易詩書敘述虞夏商周略備其外不少概見詎乏作者哉後世學術頹敗不能自信亦無以取信於流俗之人大都好異求表見者不

得不援古譏命之爾據其用意亦可悲矣孔子曰吾猶及史之闕文也今亡矣夫余特三嘆而論叙之云

關氏易傳叙

敘曰予蓋少而好易淺聞亡所知解不能宣究其義凡百家傳註雖丹書卜史稗官小說技術米鹽之詞靡不雜置而醜比之焉然後見斯道之大也曰嗟乎自古聖神明哲其所以理躬繕性創物規時灼然有施於後世者曷嘗不法象之哉巍巍乎蕩蕩乎不可得而稱述之矣若夫卜筮祝史之事也一藝耳商以前少所考信第弗論矣論其著者由周而來亡慮數百十家言術人人殊然而各有左驗彼殆鶴樓而鼠飲者乎孰非斯道之枝葉漸沫哉今觀緯書易林終始五德之論大抵其徒所撰著也詞率詭異幽險使人惑而寡信學士大夫非深知其意者卒難言之蓋至於關氏易傳予開卷讀其所謂卜百年義遂恍然晰矣魏不知有晉也豈論隋唐其於興衰治亂之際否泰成敗之迹迺能占之於數十年之前而徵之

於數十年之後若合左右券何其精也及按其詞又皆平平綜於理道雅馴閱博亡其詭于儒者之旨其言易大衍乾坤策盈虛闢闢理性時變動靜神雜義凡十有一篇錯綜參伍終始運數推見至隱於易多所發明至極論聖人洗心退藏吉凶與民同患時命亨塞之說令人反覆誦誦為之太息是故曷可與徒卜筮者同日語哉篇逸過半今所傳者為天水趙莖註繕錄既久字復謬舛予乃為是正而論次其說云

擬廣東鄉試錄後敘

廣東鄉試例取士七十五人第其名氏擇其文之最雅馴者二十篇彙書為錄以獻制也迺嘉靖壬子某濫殿茲役宜序諸末簡爰進諸士與之言曰在昔唐虞三代之盛也咸以道化天下士生其間者非道不學學成而官之其所贊畫訐謖亦必盡軌于道然後敢矢故稱極治至於比屋可封及其衰也化澤缺絕雖以孔子之聖不得其位退而老於洙泗之間與其門弟子相為問答述先王之道筆之於



書固諸士今日之所誦說而有司論而試之以登其俊焉者也夫廣東之屬其設  
爲庠校不止以百數而士之列於庠校弟子員者極於萬且羸焉今所錄士殆百  
不能一可不爲難乎且以草萊之微一旦莫然萃拔於百千萬人不可必得之中  
遂以登其名於天府而流播于瓊海之遠其知遇亦其榮矣然于司校事者非有  
習故之澤非有介紹爲之先容亦非有所表見也特得之二三日夕間所試易書  
糊名之藝文遂取以爲據耳則是文也固諸士之所自飾將以贊於天子而取爵  
祿之左券矣可不慎乎今夫執虛贊以相見者必謂之慢持虛券而遊于市以罔  
市貨市之人必羣起而詬之諸士其亦反而思之否邪諦觀諸士之文皆根切理  
道于孔子六經之旨句研字析其於往古帝王帝緒之迹姦佞忠直君子小人之  
分若辨黑白籌天下國家之務而擬置之於泰山盤石之安若運之其掌富哉異  
矣文言曰修詞立其誠所以居業也諸士當不愧此否耶吾於諸士不能無望矣  
卽爾諸士之鄉凡縉紳先生若產若吏若流寓遷謫與夫比歲之貢于朝者由唐  
介山稿略 卷十一 三 仙居叢書

送太守鑑濱金公入覲序  
人皆曰今郡守官卽古諸侯也考之周蓋千八百國計其國之封域不當今一縣  
是今郡守官兼周十數諸侯地其屬不爲不廣矣今制六部尙書郎非兩考不得  
輒拜郡御史臺行省擬於王者自稱代巡奔走方面二三品尊貴大臣若庠校博  
士令其弟子員然可謂曰榮亦必近兩考迺授其職不爲不重矣然識者謂古易  
而今難何也蓋古者郡守拜授無常官其治行卓著者往往卽召補三公於上無  
所攝也故其志易伸得自辟吏斬二百石以下於下無所扼也故其令易行祿二  
千石足以仁其三族及所識窮乏於內無所顧也故其操易廉今時則異然矣自  
撫按方伯連帥而下諸道官各得遞相巡歷以簿書期會之間督責郡長吏雖非  
公務或東西南北行過其疆者守必出迎四三舍屏徒從俯首拱立道左送之出  
疆迺返至坐公署門者唱然後敢入趨謁庭下四拜蒲伏有問卽箴箴折膝仰對  
與輿臺吏承人雁行立眩其堂上顏色爲憂喜如是而必望其志之伸得乎縣令  
介山稿略 卷十一 四 仙居叢書

字丞尉而下稍有與當路權勢人相習故或其境內豪右負奇資遊貴介公子門  
者皆得制挾其守守顧日夕惴惴慮或迂焉如是而必望其令之行得乎歲定祿  
二百五十石實支者十之一耳而其以貨財爲禮交相覲望殆無虛日如是而必  
望其操之廉得乎其矣今之郡守之難爲也某以不能脂韋挫折自容流檄州縣  
間垂二十年持是以較列郡之守何止百十非守之盡難難乎其爲君子者也今  
年夏某始奉命來武惠郡值山陰鑑濱金公爲守獲日炙焉然後知爲公之上者  
與列郡同而公之所以事其上者則異不狗人以非禮爲公之下者與列郡同而  
公之所以御其下者則異剛亦不吐也爲公之祿者與列郡同而公之所以守其  
祿者則異以儉助廉也故絕餽獻羞奔走惡承順而人不以公爲傲風厲屬吏裁  
抑豪強無所假貸而人不以公爲苛革橋稅杜兌耗清紙贖申明屠宰凡迹涉疑  
嫌者避之若蹈機阱而人不以公爲矯公茲歷任未及三年而薦劾五上志孰有  
伸於公者乎民安其業士率其訓和平之寇騷動江右公至輒空巢出謁羅拜謹



呼其令孰有行於公者乎金玉冰蘖之謠萬口一詞三年若一日廉孰有彰於公者乎是古之人爲其易而公爲其難碩果不食非公其誰方今聖天子勞燭無外公是行也以最課矣超擢固不俟卜然君子非徒成其身之難也所以使天下回心而向化者當必有道耳公能因而敷奏之否耶公在臺諫時已爲眞御史今更涉更益久爲世道慮者宜益深矣某敢傾耳以聽是亦我二三僚友之意也遂同書以識別云

文圃贈言敘

予讀載軼藝文稱公子之盛者往往以其娛聲色射獵被服輕好能施與足以誇耀流俗太史公記四公子其最著矣然皆俠客之雄無足道者其餘直春華朝露耳蓋其生長豪華之室其所以縱其耳目心志之娛者皆蔽于俗所歆羨也金子少濱于山陰爲右族祖父皆以科第發身蓋其始生即不見其家有韋布衣方成童侍其大夫鑑濱翁來守惠陽使其縱心于聲色豪俠之好誰則禁之迺能篤志

介山稿略

卷十一

五

仙居叢書

藝文慕海內有道術行誼之士圖自樹立古所云三不朽者猶之靈鳳神駒羽毛雖未成而意氣固已凌霄漢隘寰區矣是以一時名流識與不識皆忘年輕千里交書投分樂爲之友亦異矣哉是歲鑑濱翁當入覲少濱宜侍還其鄉諸名流各致贈章遺與惜別遂爛然盈帙間以示予予異少濱以幼年意氣輒能感動一時名流若此後將何量因題之曰文圃贈言用以記一時之盛雖古昔諸公子皆不能及誠孔子所謂後生可畏者而亦以致願望無窮之意於將來云



明林應麒著

序類

賀竹厓馬侯三臺同旌序

國家大計羣吏之治尊自方伯連帥以及委乘抱關之卑其進退榮辱俱寄之御史是非之口夫吏雖一命以上皆制於天子方伯既尚書稍下一等而御史之秩僅與令比均之爲吏耳且是非之心人皆有之孔子曰吾之於人也誰毀誰譽斯民也三代之所以直道而行也以孔子之聖不敢有所毀譽特以其非非是是之真蘄不說于斯民而已使羣吏各據其所見聞而各陳其所可否紛然與御史交相是非亦奚不可者而唯御史之所是則人皆以爲榮而被其所是者亦遂欣然自謂其實足以榮我也御史之所非則人皆以爲辱而被其所非者亦遂欲然自謂其實足以辱我也豈御史一人之足以勝羣吏一言之足以服衆口哉特以

御史爲國家耳目官以監察爲職將能察民之所共是者而是之必不敢有所私是察民之所共非者而非之必不敢有所私非故的然得以其是非之口榮辱人也然明好惡公是非必賢者而後能之而御史未必其皆賢賢矣而左右未必其不蔽不蔽矣而採撫未必其不訛是一人之口疑若不可以盡據者是以國家于巡按之外有巡鹽有清軍皆以御史奉簡命而行其印均以巡按某處監察御史爲章固周禮天子使其大夫爲三監監於方伯之國者國三人之遺意矣說文人三爲衆以衆目眩則無不明以衆耳聽則無不聰况三臺皆極耳目之選者乎且章與銜同則其勢不能以相下督緣務異則其心不能以不相忌以不能相下之勢而行之以相忌之心則其所以致察於羣吏纖悉之間而摘抉其向背隆殺以吹求洗索其疵點者當無所不用其極自非熯然不可磷淄誠之足以動物者悅於此必不悅於彼名初至而謗隨功未彰而毀集者多矣况能並受其賢良之譽哉我竹厓馬侯由進士高等出宰吾邑下車之日即束身厚下恥爲脂韋不飾尺

幅使人可望而知謂非熯然不可磷淄而誠之足以動物者耶迺未及期月而三臺皆能察吾邑士民之所共是者交檄旌侯如出一口誰不用爲榮哉雖然不惟侯之賢足榮而三臺知人之哲以人事君之忠亦昭然見矣使列邑皆得令如侯則宜無不治之民使列藩皆得巡察如三臺則宜無不彰之善知人安民堯舜之盛殆不越此固將爲國家慶而特用以榮吾侯哉

奉賀郡伯二華公榮旌序

壬子夏倭夷入寇焚掠黃巖殆盡已而歲一至或再至公卿議以台二千石難其人必得文武備具沉毅宏達之士往蒞之于是江西二華譚公由夏官尚書郎擢守台郡以乙卯十月至至則諄諄問民疾苦與之休息勸學育才士蒸蒸興矣居亡何寇自平陽將踔仙居時惟仙居寧海天台三縣未城公聞報吐哺集兵身擐戎服馳來砥地決水盈澗以爲溝伐木縱橫樹之以爲壘日夜震金揚鐵鼓譟于其中爲掎摎之勢以張之寇且至顧令士俱銜枚立寇疑有伏引去公復單騎

疾馳分途設險餌之以毒多所俘獲迨至天台如之迨至竊海亦如之寇退而後反旬月喉脯菓冒矢石出入山澗蹈不測之險以一身爲三縣長城未嘗語人以勞也迺曰兵怯非兵之罪罪在不訓耳通都大庠肆刺犀象駝兜若礮礮三家之市雖悍夫不能割羊豕豈其性與力不若哉不習也亟捐俸募兵身親教閱之日忘食飲丙辰秋寇三萬自四明登岸突來提督軍門追戰失利勢益獗偵公有備遠城二十里而止聲聲僂居公計遣謀書問道以給之曰大總制調狼廣兵十萬分屯各要害蜚鳥不可度矣吾憐爾窮寇忍逼示爾可生之路爾其速去毋自撥禍寇得書卽中夜背城三十里渡江南奔一亡所犯鉅萬之費千百之命免于公之一言利何博也此皆麒所親承其昭昭于吾邑者迺歲十一月江南寇平天子論功有差大總制胡公由少司馬晉左大中丞巡察趙公由侍御史晉少廷尉爰會書列郡之賢者以告于天子而公爲之最曰守臣某學有淵源云云語在牘中天子受而藏之命書其貳于太宰太宰受其貳而藏之復書其貳以咨于



大總制而行勸賞焉檄至人士交慶吾邑博士與其弟子員屬麒麟以賀麒麟曰是鳥足爲公賀哉公蓋素以天下之重自任欲舉斯世而置之唐虞熙皞之盛使兵革不試四夷咸服一夫不被其澤則若已推而內之溝中者夫豈以兵伐而祈上之知耶且觀人不于其所勉即公于百家九流之言六書七略之旨罔不探其精蘊未嘗幾微露乎言面炎門要津舉世所競競趨之若蠅之集隴者公顧澹然少附麗乃骯髒不爲時用退處巖穴之夫一見語合輒款洽若平生真得于所性大行不加矣寧以受知爲榮哉雖然進賢受上賞寧不爲大總制賀又有之曰篤以不掩邦家之光惟公有之將又不重爲聖天子賀歟曰然遂書公不掩之澤在吾邑者以獻云

平夷紀言序

南昌貞山唐公初膺聖天子簡命奉符授鉞建牙吾台之明年文脩武練民蘇將良百廢聿振迺四月夷酋大舉分五路入寇衆以數萬計公從容指示大小將士

介山稿略

卷十一

三 仙居叢書

方略凡七戰七捷俘馘八千有奇其竄死崖谷焚舟自沉者數且倍之窮寇三千將蹕僂居公偵知其狀出奇設伏盡殲之僂居封界之外四三里許繇是吾邑官無遺矢亡鏃之費而民有家室胥保之謹令尹姚君某屬予紀之以賀予曰唐公勛德燁然衣被東浙即東浙官屬民士罔不率慶將吾僂居之所以銜戴公德者尤宜百倍于他郡邑矣蓋東浙諸邑惟僂居爲最貧其被夷酋之禍亦惟僂居爲最慘壬子丙辰戊午七八年間凡十躡蹕焚掠度劉城野爲虛迄今凋瘵之民朝不圖夕非藉公威稜神略萬一寇突入境何以堪命夫傷弓之禽曲木是憐涸轍之鮒勺水爲恩况公德擬肉骨雖人人像公于家而祝之猶未足罄其效感之心予言何足以紀之且民者國之命也而傳又以將爲民之司命即往歲夷酋八九十人頃刻破僂居新壘之城而據之恣其淫毒越月逾時饑餓而後去告急請兵之檄日夜四馳而諸將無一人敢入境問夷酋聲息者况敢拒勤卒之塵軍門提兵五六萬至僅殲其擄獲脇從四三百人而夷酋故揚揚去也吾邑長武而下僅

以身免然猶不免于文法之議是豈真其罪哉今夷酋將數百倍于往歲萬一迫我城下非藉公威稜神略諸將觀望如昔君侯豈不寒心茲得道于憂虞者誰之賜哉雖悉民之力建宮宇生祠公其中龕穹碑廣硃瓦鉅卿名筆樹之通衢載頌駿烈垂示永永猶恐未足以稱君侯之意予言何足以紀之于是姚君矍然曰然則某當何以報公予曰聞之細人之報人也以力君子之報人也以德今君侯精白一心奉唐公束約惟謹可謂其敬推唐公惠養元元之意省刑薄斂使民得力田脩孝悌忠信以佐國家之急可謂其厚勸學興士明唐公所傳習陽明先生道德性命之說以化導人可謂其盛凡唐公所望于君侯與君侯所求以報塞唐公之德者宜莫大於此矣願空言何賴焉請書以質之唐公何如

賀壁峯桂侯榮獎冊叙

國家做古命大夫爲三監監于方伯之國之制歲遣監察御史各以其務巡督方藩比竣事各得刺舉其按屬羣吏任久而賢否最著者以詔天子黜陟其任未久

介山稿略

卷十一

四 仙居叢書

而賢否著者則有慶有讓册而質之大中丞大家宰以待其成而先檄厥典以風厲之貞憲度也御史凌君巡鹺將竣我郡倅桂侯任未及葦而首得慶典慶之之語雖未能悉舉其詳而大要則以曰勤曰慎曰練曰達四者之美備歸于侯至器重矣予聞凌君不輕許可當必有以試侯人樂侯之獲知于上各相與爲文若詩以賀而屬叙其端予曰嗟乎才之難也自古記之方唐虞夏殷周極治之際人固比屋可封而舜之臣五人武王九人而已孔子嘆其于斯爲盛不其難哉予陸沉下僚垂三十年奔走東西南北環歷幅帙所屆不啻四三萬里以耳目嘗所省記其萎陋無爲若偶土木而裹以冠服者十且二三其肆無忌憚以官爲市縱吏舞文法漁獵人者十且四五不學無術愚好自用膠其柱而求絃之調者十且六七冀其可稍當勤慎練達四者之名誰歟侯南甸右族少輒穎悟盡得其大人刺史公家學爲詩文有聲于昔吾台連數歲因于倭夷號稱難治侯以掄舉至至常戴星出入夜分而寐案無留牘庭無留訟明習典章尤深于六經之旨待人無衆寡



小大必盡其情曰勤曰慎曰練曰達侯以一身兼之決非溢美予固不知凌君真能知侯若此與否然其獎侯之語則實近之亦不知他受獎者皆能如侯與否然于獎侯則實得之是可交相賀也雖然予因重有感矣古昔盛時小德役大德小賢役大賢故德成而上藝成而下今賢者能者反或多居下位而甚至微一行可稱之人僅以咕嗶藝成因援倅會得司機衡爲朝廷操進退榮辱之權肆然據尊挾勢以其喜怒持賢者能者短長之論是非非舛視凌君之能知人不有愧焉者鮮矣即侯所素樹立較之隆赫通顯豈當大半無能出侯右則侯豈真以其慶之典爲足深賀哉雖然士爲知己者用不獲乎上則民不可得而治受侯知者固爲知己賀爲吾民賀耳於侯何與焉

贈文學鳳岡謝先生榮擢南還敘

僂居自丙辰殘破民漸不堪命矣邑長吏艱于捫理往往蒙被詬讓以去臨海文學鳳岡謝先生推奉撫按會委祝篆吾邑諸司旁午督過邑所通滯謝先生裕然

介山稿略

卷十一

五

仙居叢書

爲之簡節疎目一意撫字束身茹蘖水火不與民交民大蘇息未四三月聖天子用董賈膠東長沙故事擢謝先生爲宗藩弼輔之臣謝先生得報即日解所署章綬飄然將去歸其鄉吾邑之民間之皆相顧涕洟若失慈母諸縉紳弟子員又各祖道東門外依依不能別于時少尹鄆君甫至以所聞見于民士者爲予誦之請紀其事以贈謝先生行予曰然哉嗟嗟與矣謝先生儒官也古之儒者聖莫盛于孔子賢莫如子產方其始聽魯鄭之政皆不免于怨謗謝先生來僅四三月耳奔走於期會之日居其大半何以得民若是速哉且又學與政事殊科以僂商由求之賢各終其身不能互擅聲譽謝先生兼之顧足動衆抑又何耶雖食飢飲渴易於適口民之憔悴於他政使然然民非仁不懷非誠不動要之爲不掩之光矣至于利達之際固世之所猩酣蛆濁死而不厭者其平居號稱才士開口落歷評議古今持人物短長斤斤以廉靖自許一旦出而爭爲乞墻登隴之所不屑爲首尾衡決比比而爾况於庸譚無聞奚可勝責謝先生獨見利而若患避榮而若辱

然不淄浩然勇退與之較世俗等差詎止九牛毛哉昔有逃空谷者聞人足音則登然以喜予乘斥于時不獲盡交天下賢大夫士然得見如謝先生者又豈直空谷足音擬哉故不辭而敘次之以志予喜且使因此得聞先生之風者庶幾有所勸勉愧恥爲世道一助云予蓋未嘗敢以言語佞人者

賀少尹蔣君榮獎序

國家方制侯甸吾浙于函夏稱首服焉聖天子往往加念凡方伯連帥二千石及所陳傳參輔股伍遠邑長吏繇進士京朝官銓補十居其九邑少尹而下猥然冗矣然猶必擇其壯敏者充之故持斧行省使歲計羣吏最殿登其名以風厲之率拘于數自邑長吏以上與于薦者十不能一與于慶者五不能一邑少尹而下得與于慶者殆百不能一矣然得與于百不能一之數者必津要人之昆弟從十與其姻聯肺腑之戚不然則挾奇貨常往來奔走于其門能致請託爲先容者又不然將善乘間抵隙工于呢嘗嚙嚙脂韋突梯之態時俗所稱毛髮皆虛眉睫能言

介山稿略

卷十一

六

仙居叢書

者非此黨也必不得與其難也如此吾邑少尹蔣君故儒家子以清約自甘身則退然言呐呐若不能出諸其口恥爲攀附胸中寡城府于前數者固一有焉歲甲寅冬大總制大司寇張公巡視大中丞李公會委少尹領官帑緡錢數百萬走甌閩二千里外召募素不相附麗馴習之人繕造耳目未嘗聞見之戰艦以備棘寇內有孤危叵測之虞外有督責非常之患人人謂少尹將求免於譴讓之不暇而少尹毅然往不數月先期竣事由是大司寇大中丞交檄巡視憲臣以彩幣羊酒慶少尹其難宜又倍於所謂百不能一者矣不其榮哉以予雅耳目所記省吏宜其上將必不宜于民今少尹祇役于公竣事于外吾邑之民固未嘗目睹其成而躬藉其利也迺茲人人相慶且暮走叩吾廬求言以彰少尹之榮不啻若其父兄獲非望之寵者不知少尹何以得此于民也抑又甚難矣昔者孔子稱獲上治民必原其以至誠相感動少尹殆進于此乎否哉嗟乎使凡吏吾浙者皆能以至誠相感動詎惟集事王道其庶幾矣吾又何幸得見其彷彿也故樂爲少尹



書之

贈王岐山兩考赴京序

古者立賢無方自市井耕稼版築魚鹽樵牧筦庫輿臺庖割之賤驟然舉而加之  
 上位舉者不以爲嫌受者不以爲泰卒能顯君揚名凡以其才德素著云耳今章  
 布下士類以記誦剽竊蕪爛之文躐取高第踐華要歲不乏人統袴子弟藉父兄  
 勢承恩賜秩往往驟至通顯又得任其子弟爲美官者指不勝屈比來武夫健卒  
 乘亂應募虛飾功伐僥倖執兵柄拖金紫豐貨貨呵擁出入肩亦相摩是今之所  
 以取富貴之途百倍於古惟吏員一途尙斤斤然較其資格程功積勞高者不過  
 七八品簿領官耳是又何其與古昔異耶昔漢興蕭何曹參趙廣漢尹翁歸張敞  
 王尊諸賢臣皆出自刀筆卓越偉震耀四海雖平津侯樂安侯輩以儒宗稱者  
 皆墮乎其後而况其他乎即今宣德景太間如况公鍾之守姑蘇周公旭鑑之守  
 吾台雖才德不同豈今區區之徒以諸僥倖獵華要者所能望其塵耶要之在乎

介山稿略

卷十一

七

仙居叢書

自立王君德和我外太祖大學士少師節齋公之孫也少孤事祖母與母以孝聞  
 友愛其弟至篤以家貧就從事勤慎練敏歷府縣幾二十年未嘗有一日之過上  
 下咸愛重之然往往以時事爲念若思有以拯拯之者惜未有所遇今月某日以  
 滿考將赴部衆掾僚以予與德和至戚請予文贈之予蓋素知德和之賢過於今  
 之區區以諸僥倖取華要者數倍而推德和之志出而濟時視况周二公與漢世  
 諸賢當必不欲自畫且爲名宰輔後聖天子方勵精求任事立功之臣不拘拘於  
 資格德和茲行會遇有機其勉以自副毋負予與諸君所願望予尙傾耳聽之

贈僊居贊府鄧侯述職序

嘉靖壬戌春王正月適天下諸侯各帥其屬朝于天子之期先是撫制大臣以東  
 夷竊發不常疏留瀕海諸郡邑長吏迺吾邑贊府中都鄧侯以次當行明府岷原  
 公使徵予言爲贈予曰聞之諸侯之朝以述職也其事蓋始於虞典羣后四朝敷  
 奏以言云歷漢唐宋元二三千年間皆莫之行我藝祖高皇帝猷上稽虞周下酌

法紀制天下司府州縣正官例三年一朝各以其所治須知爲冊以獻勅大家宰

大中丞各帥其屬計弊天下大小羣吏治行第其最殿以詔廢置已而天子御正  
 殿會三公九卿科院百執事引來朝官立陛下各以其職務面相責對請上威罰  
 退而六官諸寺之長又督較諸所通缺令得各條地方利弊興革之宜以聞凡以  
 通幽隱之情考失得之故覈治忽之漸以示慶讓以彰彰輝以彰彰輝以彰彰輝  
 安斯民計哉然職最近民責最專者宜莫如縣即民所欣戚縣諸大夫罔不耳聞  
 而目見之也韓退之云蹈水火者之求免于人彼介于其側聞其聲而見其事皆  
 將狂奔盡氣濡手足焦毛髮救之而不辭其勢誠急而其情誠可悲也吾邑自倭  
 曾殘破以來度劉倖擄爲口殆以萬計兵盜焚掠建城繕邑公私耗散爲錢以千  
 百億兆計無論單戶即中右之家父子凍餓兄弟散而之四方十且二三往日數  
 十百金之產售不能一二十金衣輕策肥坐不垂堂之子弟被繫械敲朴身無完  
 膚者駢首累跡于道四五月間新穀未升雖非凶歲老羸往往枵腹而死壯夫鬻

介山稿略

卷十一

八

仙居叢書

男女以供官府或殍於羈獄或自經于溝瀆之中指不勝屈盜者窺銖兩之利忘  
 其首領嗚呼斯民也聖帝明王之所與共康樂者何使至于此極哉其危迫之狀  
 愁苦之聲慘于蹈水火者固吾邑諸大夫耳所親聞目所親見嘗百計殫厥心力  
 圖拯拯之矣然創鉅痛深猝難平復牽制文法惠不克究失今不理子遺之民將  
 淪胥以亡耳鄧侯幸當入覲述職立殿陛咫尺地與三公九卿科院百執事面相  
 詰對退而條陳利弊興革敷奏以言之時能忍不以斯民迫急可悲之狀聞于吾  
 君與吾相否耶且古之聖王一民饑則曰由我饑之一民寒則曰由我寒之而爲  
 之大臣者亦思天下匹夫匹婦有不被其君之澤者則若已推而內之溝中其急  
 于爲民也如此孟子曰人皆有不忍人之心先王有不忍人之心斯有不忍人之  
 政安知吾君吾相之聞之也有不惻然如古君相所云然耶夫以不忍人之心行  
 不忍人之政則舉天下可運於掌上言聽計從沛然膏澤下於民是在吾君吾相  
 一念轉移間耳聊以鄧侯之行卜之也侯其勉以副哉昔鄭監門散吏也無專城



司牧之責流民一圖至今頌之不衰鄒侯以中都名文學貢于澤宮筮仕爲親民  
官正直慷慨抱濟時之略當必毋讓鄭監門云予敬傾耳聽之諺曰食人之食則  
宜憂人之憂昨有自京師來者云往時杞國憂天之夫今隱于都門市中侯事竣  
之日幸爲我特訪問之不知其憂曾可喻而解否當必有以語侯

士林贈言册序

初春臯胡侯之將倅吾台也則人皆仰其合浦之政焉其已至也則人皆樂其循  
良之澤焉其拜受提舉閩海之命以行也則人皆致其甘棠之思焉既相與肖之  
像以祠之樹之石以紀之而諸縉紳士林又各備爲詞章以稱述其多方之美而  
宣洩其無己之情燦然盈簡文學錢生大佐偕其姪鳳墀哀集爲册而以其序屬  
予予曰以予觀于茲册而知情之不可強也以予觀于其情而知德之不可誣也  
夫侯恂恂怡怡人耳貌溫而詞寡中無町畦其于名譽之際未始少有所鈎鈎之  
也不知何以得此于人士哉且今之從政有三其高自張伐盛氣而飾容開口議

介山稿略

卷十二

九 仙居叢書

論人材否臧政務失事後當成敗之故如指諸掌聽之洒然望之頤然者一也  
外飾慎恭內藏機阱擠人以章己之能詭志以投上之好違道以干時之譽者二  
也澳認脂韋相賂以利相籠以詐凡可以希寵乞憐無所不至者三也是三者其  
術不同大都皆時俗之所以縮取通顯之資而皆侯之所不能也然不知其未至  
也人皆仰之已至也人皆樂之選擢以行也人皆思之頌之有能如侯否乎語云  
刺錦紋不如倚市門又云官甚宜其民將必不宜于其上予驗之時俗竊謂信然  
今觀侯四三年間當路褒旌文檄不止數十行察采師師相讓其推讚之詞與民  
謠輿論贈册所載若出一口抑又何耶昔孔孟之論獲上治民必本諸信友誠身  
且謂不誠未有能動然則侯之得此于上下也其殆誠之動耶非耶予聞侯裔出  
可山公後至今家以勤王稱忠誠蓋其天植又聞侯嘗與其鄉東廓南野念菴諸  
公講明聖學得至善要旨淵源所自遠矣莊生有言逃空谷者聞人足音則蹙然  
而喜夫真儒之不與頌聲之不作未有疏于此時則是册也寧非空谷之足音哉

予故喜爲之序將以告夫採詩觀風者轉聞于上使得如侯數輩當軸于朝則王  
道其有興乎予雖老尙能拭目傾耳以俟

賀節推東厓李侯榮獎序

仕而能使名實加于上下固自昔難之然論者謂仕莫難于令宜亦莫難于節推  
矣節推案聯刺史而階與令等諸所供應顧五不能一其祿在郡察中爲最薄且  
非理其所治之郡刑獄已也凡有訟于撫按司道者靡不移檄轉使聽治故其事  
爲最繁至于當路歲所稽訪各屬大小臧否出入乾沒地方利病之蹟往往密委  
而深託之故其權爲最重夫祿薄則難于養廉事繁則難于程績權重則難于遠  
嫌此其大較也而兩浙名甲天下疑謗易生爲之民者又喜越蕩相爲告訐追呼  
不能必集而時方以簿書期會爲急將不免于上之督過故節推在兩浙爲尤難  
吾台人士又獨尙氣節好以清議持時所短長即閭閻細夫文亦不肯越文法受  
挫奴于地方且其貧用兵無寧歲服郡案者皆身兼文武之責故吾台今日又

介山稿略

卷十二

十 仙居叢書

百倍其難于列藩也我東厓李侯以畿輔世家負閎俊之才夙登巍科奉天子簡  
命履此百倍其難之任不畏不沮一意茹水服藥以砥世挽俗爲務大節光矣振  
滯平獄刺錯理紛迺其餘事政未期月羣艱畢濟署天台而天台之民感署臨海  
而臨海之民感雖古循吏何加焉代述春洲崔公心知侯之才賢與我那伯業翁  
同光相照不媿察案爰各首頌慶典以風勵百司而其慶侯之語則曰彈力民艱  
凡以章勤曰矢心官守凡以章廉曰獄不留情凡以章慎曰民咸知感凡以章仁  
台之人士樂我郡伯與侯聯璧之輝速于獲上而侍御崔公藻鑑之明精于審官  
莫不忭舞稱慶各告其長乞言爲賀僊屈令姚君某以侯嘗齒及予之不肖遂以  
其事屬予紀之予聞行無隱而不著功無無積而不崇故獲上治民本諸誠身孔  
孟垂以爲訓廉也慎也勤也昔之當官者名爲三寶若夫仁心仁政固帝王所以  
運天下于掌之具侯兼此四者蓋衆美備矣雖天下可也而况一郡一藩乎哉考  
之在宋王忠獻之推開封僅以勤稱趙清獻之推武安僅以廉稱錢宣靖之推同



州薛簡肅之推隰州僅以雪冤之憤活人之仁稱彼四公者名遍口壤勳勳彝鼎其始爲推官時各僅著侯之一節耳即侯今日飛英流譽悉備四美固若百川方至異時縮取顯秩與四公繼美匹休詎有量哉姑紀侯所值之時之地之任難于四公而蚤有譽者以期侯之他日爲賀云

贈南厓顧翁七十壽叙

予觀世之所爲決性命之情以贊之相趨相競至捐其生而不悔孰有踰于竊聲與利而謂之貴者哉而鴻範五福其一曰壽貴顧不與存焉竊嘗疑之及考諸三代以天子之貴而養匹夫之老至親爲之執爵饋饗踴躍然如子弟之養其父兄天子之元子亦與公卿大夫士庶人之子相齒讓于學下逮草野之間頽白者皆得衣帛食肉而不負載于道路其或以父事兄事與肩隨之者皆以年爲差疾行先長則謂之不弟迺知古昔盛習自天子以至于庶人未有不尚年尊齒以俾行孝第之教者此其所以人人親其親長其長道德同而風俗一也後世教道衰缺介山稿略 卷十一 十一 仙居叢書

養老之義不明于上明倫之教不徵于下父兄之所以望其子弟與子弟之所以求塞其父兄之望者皆不出于聲利蓋自襁褓而其說已熟于其耳欲聞道德之旨將孰從而聽之由是浮詡子弟稍誦咕嗶得射策甲科卽志盛氣滿張飾虛饑以暴橫于其鄉甚至奴詎其諸父若兄者有之烏睹所謂親親長長之俗哉豪傑之士恥其如此往往避世隱居以遂其志而壽亦因之而昌澳濇聲利者反以其未有聞達于世也相與媿咲而夷鄙之則何以異于鷓鴣飽腐鼠而嚇靈鳳哉嗟乎自古及今挾不賞之功負震主之略未旋踵而滅身夷族者指不勝屈而况于借聲利以盈其犬豕之欲直冀中之菌耳爲榮幾何而其日夜之所爲患得患失以危苦其心者視拘囚殆有其焉則奚樂而爲之貴之與壽真難同日語矣南厓顧翁其殆豪傑而恥于聲利者耶隱居巖谷日與其伯仲石湖晉庵以怡性樂生爲事而又躬帥其子弟以孝弟道德之行其子曰棗者從予遊有聲庠校問翁于五福將身兼致之未可涯也茲當七十懸弧之辰予姪大器請予言以爲翁壽因

書其說而歸之用質于翁與石湖晉庵以爲然與否云昔嘉靖甲寅孟夏

惟石先生奏疏序

予少而悉愚長而謏陋知吳江數月弗類于德弗融于政方求鄉先哲論議而諦觀之將藉以開固明俗振滯利行以終遠于罪戾已而太學吳子邦模以其先君維石在諫垣時奏疏凡若干篇示予且斬爲之序而梓藏之予受讀焉侃侃侃侃知必言言必悉眞古之遺直與然而明罰飭法生財節用其義屢多達言也既志之矣迺竊嘆曰國之有賞罰猶天之有陰陽其有財用猶人之有氣血也陰陽蓋則天無以爲運氣血竭則人無以爲生賞罰不平財用殫耗則國無以爲治其可緩哉其可緩哉嗚呼武宗承孝廟豐富之後加之以不樂興作不恣施予不嗜殺人公猶切切然陳之憂危之意形于言外如此使值好神僂聲色土木征伐賞任喜罰任怒誅逐諍臣禁錮賢直如前代喜事受蔽之主公之憂危又將何如耶夫古之君子諫行言聽膏澤下于民然後爲遇易曰遇王于巷言委曲以致遇也攷之武宗雖不悉悉施行公言然公終未嘗以言受譴亦不遇之遇也嗚呼君子諍臣而使之幸其遇于不遇固非天下之福而臣之逆其未必遇也而安然屈位固寵結舌杜口以視其變豈受祿不誣者哉嗚呼于公重有感矣可弗傳與可弗傳與遂三嘆而書之公名巖字瞻之登戊辰進士由行人歷工科都諫官至蜀藩右參維石其別號云

心源德澤册叙

歲在丁卯新天子嗣歷服改元下詔綜核中外法理重守令之選于時蒲陽周原黃侯奉簡命以二月上日來蒞僊居僊居巖邑也民貧而悍夙稱難治丙辰殘破以來流徙過半外郡豪猾漸占業其間至十五土著人與諸剽劫亡命之投屠勢家者狼鷺相倚稍緝詰之輒噏噏造飛語以惑傳聽故近歲仕人避僊居如避機阱其難治又百倍于昔已容有語侯以其故者侯笑曰爲之自我耳乃下車諭民所疾苦而爬梳之減常費十之八九懸衡稟益游刃勞錯未二十旬蠶剔而廢舉



矣冬十月以述職行手疏六事甚切民隱越明年夏始復厥任值時亢旱侯亟為之引咎齋禱露宿于外走四三十里上下谿洞請水于韋羌龍潭之源甘澤隨注民咸歡舞相慶侯弗自為功也今年六月又大旱侯又為之禱請如前益虔甘澤又注民又歡舞相慶侯又弗自為功也于是博士吳君採集民謠與頌與鄉大夫羣士賦咏紀述之詞聯為巨冊題其端曰心源德澤遣文學陳子金子請予繹而叙之將以轉陳于侯予曰異哉所禱者龍潭之源也而曰心源應之澤者天也而曰德澤其觀侯之深而知道者歟在傳有之天以民為心侯茲精被厥心以為民禱則天之心非侯之心之源耶書亦有之惟德動天侯茲齋戒明德籲天而天遂應之澤也非侯之德之澤耶雖然特一事耳王道其易易矣蓋昔者齊王不忍一牛孟子即以是心為足以王及論王者之效至與天地同流不過言舉斯心加之而已侯蓋素嘗從事于內聖外王之學者即他日佐天子贊化為天地立心祈天永命以開萬世太平之澤夫豈待于他求哉予故叙侯治艱難之邑而能得天人之應者用致厚望于將來云并敢質之博士文學諸君不知以為然否

介山稿略

卷十二

十三

仙居叢書

介山稿略卷之十二

王鑒緒錄



明林應麒著

碑記類

重修顯慶禪寺碑記

寺始名顯元建于梁天監癸未不在紫籙山之陽唐天寶中神光現今址遂徙稱光  
 明山宋祥符初改今額我國朝永樂十四年重修相沿為習儀攢造之所蘇永樂  
 癸未上距天監癸未凡九百歲蓋徙者一廢且興者二燬而復新者三又百五十  
 二歲為嘉靖丙辰倭寇犯吾邑焚官民廬舍殆盡而寺與文廟城隍之宇獨存若  
 有呵護之者丁巳委官修建城池公署凡燬者咸新而二廟及寺以不燬故仍舊  
 又若有待焉者己未十月荆門姚侯奉命來令吾邑乃周覽而嘆曰城池官署新  
 矣而先師城隍之廟習儀攢造之所若此豈所以尊吾君師敬鬼神務民義耶越  
 明年政治民懷百廢具舉爰捐俸斥羨修繕二廟而茲寺之役出內囊數十緡為  
 介山稿略 卷十三 仙居叢書

倡委任僧性聰使得募緣助之不數月而工告竣視昔增美于是性聰調予徵文  
 記之嗟乎自漢魏來佛氏之宮遍天下矣在昔君子往往昌言力排欲火其書廬  
 其居卒莫或禁而識者謂宜修其本以勝之侯茲役也無亦修其本以勝之之微  
 意與夫下之視上莫尊于君故春秋王必稱天而孔子過魯虛位猶為之色勃足  
 躍凡恭敬以尊王也上之視下莫重于民故書云民惟邦本而孔子至式負版之  
 夫凡養慎以重民也佛氏之教乃曰天上天下惟吾獨尊是不知有天矣况于君  
 乎以大地為幻欲舉一世眾生而滅度之是不知有地矣况於民乎邪說行而人  
 心惑以至萬乘之貴甘舍身為之奴雖叛俘逆虜指其像而使之拜則拜不肯拔  
 一毛利天下及不顧父母之養者或竭貲自鬻以施浮屠皆溺于習俗不見禮義  
 之舉表儀之著無以感觸其良心耳侯則因其宮而莊嚴之為天子祝贊習儀之  
 所因其廡而繕緝之為吾民攢造黃籍之局由是眾皆曉然著侯尊君之禮佛氏  
 惟吾獨尊之說無所容而僥倖越志之患消著侯重民之義佛氏滅度眾生之說

無所容而游惰惰淫之風息一舉而眾善皆集豈非修其本以勝之之微意哉雖  
 然侯自下車以來夙夜匪懈無一事而非尊君之實勞心焦思無一念而非惠民  
 之誠固上下皆知而信之無俟予言而是舉則侯教化之微權也宜闡之以表侯  
 微邑丞鳳陽鄧君橘邑參蘇州張君元卿邑尉黃州江君沐皆與有贊襄例得并  
 書若夫規制材物工作錢餼施捨出納之詳則系之碑陰侯名服璜字廷佩湖廣  
 承天荆門人

貞山唐公平夷記

我兩浙值國家恬熙百八九十年間無大征伐台民耄耆有不識戈鋌者武備盡  
 廢近歲三三亡命以壘斷利啗倭酋緣為奸壬子來破城邑劉虔人民掠子女  
 金帛焚廬舍椎烹牲畜若入無人之境他郡省置不論即吾台十許年公私耗費  
 以鉅百萬計徒死俘沒為口殆以億計至慘毒矣庚申廷議專建憲臣整飭台州  
 兵備而難其人適梅林大總制荆川少中丞各特奏貞山唐公材賢可屬大事家  
 介山稿略 卷十三 仙居叢書

宰乃疏原分巡夏僉事並公名上請聖天子獨嘉公治兵有略令制符勒馳往授  
 公公甫下車不遑他務首進諸博士弟子員語以聖學又進諸父老百姓兵士之  
 在團者訓以親上死長之義又進諸將領上自參戎下比百夫長諭以各世受國  
 家爵祿不宜缺敗自隕先伐誓當忘家致身答天子恩寵聞者咸惕然踴厲思奮  
 已而練兵卒利器械繕戰艦高固城壘百所綜理機宜方略備極密費常半而  
 功倍之民用大謹仲春予將赴會城公與參戎戚侯飲予郊外指戰艦兵器咲謂  
 予曰以諸君之福寇或倖不至即至當必無所於虞公蓋計之熟矣予別去僅二  
 月寇報紛至諸道為震大總制下符檄親征渡江未發先一日報寇由桃渚所大  
 城浦登犯者五百有奇流至花街官兵以公略殲之次日報由新河所遇洋北  
 潭登犯者四百有奇官兵以公略追至溫嶺又殲之次日報由健跳所拆頭港  
 登犯者二千有奇官兵以公略追至白水洋又悉殲之既而報洋坑之捷斬首三  
 百餘級報大閩之捷斬首七十餘級報東江之捷長沙之捷俘戮敗走凡二千三



百有奇夫不二旬間前後斬獲敗走幾七千有奇自唐宋來未有勦穢倭酋若此  
 多且速者詎較近日哉鄉大夫士及六邑之人俱室家相慶其有守土之責者慶  
 更倍蓰于是通府桂君某戴君某節推李君某以予素辱公知屬予記之予曰猗  
 與盛哉學之不可以已也如是夫孔子云以不教民戰是謂棄之又云我戰則克  
 孟子云地利不如人和壯者以暇日脩其孝悌忠信可使制挺以撻秦楚之堅甲  
 利兵蓋言盡教之學也貞山唐公學于予師陽明先生材雄志昌妙悟宗旨仕轍  
 所至輒著茂烈持是以往將清寧天地育萬物平海宇使天子守在四夷矧蠢茲  
 小醜哉雖然予因貞山公愧恥多矣廁跡師門候逾三紀五十無聞齒髮俱敝身  
 之六賊尙未能除况黠夷耶或曰除有形之賊易除無形之賊難敢借心兵一旅  
 未識貞山公肯假予否請因諸君質之并以爲賀

雙溪記

予嘗聞山谷之所磅礴則溪澗縈抱清淑幽龐完醇雅固之氣于此乎鍾將必篤

介山稿略

卷十三

三

仙居叢書

生瓊奇鎮永恬澹敦貞之人以象其勝異而發泄其精靈之秘自昔記之矣吾邑  
 雙溪派出南中諸山蜿蜒泓衍凡數十里抵應氏之宅而詘折環遠澶漫渟滯若  
 不見其去者即草木樹石亦皆發麗含澤與他境壤殊予每望而愛之意必大司  
 寇谷菴公應茲降祥耳而攷諸僊錄圖牒又俱志其爲幽人隱士栖遁之所宜予  
 更疑焉以容菴公爲天子重臣身繫天下大望雙溪之勝實不足以專之且大臣  
 之體在廊廟則憂其民在江湖則憂其君容庵公又不可一日專雙溪泉石之樂  
 也及聞容菴公從弟自號雙溪者讀書好禮不干榮進實隱君也有衡門泌水考  
 槃在澗之風所謂碩人之寬者耶雙溪將得專隱君矣而隱君躬課耕稼于雙溪  
 之原以豐其貲又暇日每每發爲咏歌以陳極雙溪之趣隱君之專雙溪人又似  
 不得而攘之者且水者天一之所生也與天爲體老子贊爲上善貴其致柔爲精  
 性修命之宗仲尼嘆其如斯亟稱有本取爲希天知命之學不知隱君能庶幾知  
 此否耶隱君今年過甲子矣其臘月十有三日爲初度之辰厥婿顧子敬甫謁予

求記以賀予爲推隱君得祥于雙溪者以徵之使隱君知修命之說則雖壽敵天  
 地可也矧茲下壽固百川之方至矣請質之容庵公求證真諦何如

興復界嶺廣濟院公館碑記

界嶺之有廣濟公館也蓋始于宋咸平壬寅改樂安爲僊居之明年大士周姓者  
 所創置云厥地西屆邑治四十里而近東屆臨海治五十里而遙無論宦士吏卒  
 商旅游業之人自兩廣湖閩江右之有事于吾台及寧紹溫處諸屬者必東行過  
 之其自寧紹溫處諸屬之有事于吾邑及兩廣湖閩江右者必西行過之路當衆  
 山之東迤北爲院南向設佛像以勸濟度其前東向爲公館堂庶庖廡厩涸之舍  
 與凡几榻甌釜器用之物悉具緣以周垣垣之外跨路爲廊以濟夏日炎暵之旅  
 又僊山場田園之入以濟修理供應過客之需大士之誼甚高其濟利人甚遠且  
 廣不宜使之湮沒第自咸平壬寅至我嘉靖戊申五百四十有餘載代移產改守  
 掌不得其人至盡燬公宇逃去奸夫乘變藉其所有田土投獻豪族遂至大廢廢

介山稿略

卷十三

四

仙居叢書

且三年而令尹竹厓馬侯至于時鄉獻景山李侍御鶴田蔡中丞皆以濟物爲念  
 者適行過其址相與悵然已迺協贊轉達司府得斷給遺田十有二畝還之乾沒  
 者什且七八守掌益艱爰推擇素有戒行導師原住鐵龍胡崇德者授以符帖使  
 之董理仍免其田丁雜派歲令諸寺津帖銀兩以濟過客薪水崇德受命惟謹繕  
 葺將半而倭夷數犯工未克竣容庵應大司寇歸即遣助區畫丁卯令尹周原  
 黃侯下車又素以經濟自負乃更爲捐俸督飭于是官宇路廊以次就緒己已崇  
 德老且病懇將來不知往代嘉績及我前後邑侯與鄉獻贊議興復始末之詳確  
 石求予紀之以垂示永後予曰嗟乎語有之禮失而求諸野又曰苟存心于濟物  
 於物必有所濟不亦信歟蓋周禮遺人委人所掌十里則有廬三十里則有室五  
 十里則有館凡薪芻疏材畜聚井樹息宿食飲各有委積所以濟行旅也周衰而  
 禮壞矣若大士者豈非能補周禮之缺者哉我邑前後令尹暨我二三鄉獻相與  
 贊議督飭興復之于大廢之後豈非愛禮存羊欲使行旅之必有所濟者哉雖然



此一事耳凡布在周禮孰非濟世宏法且一夫不獲古人輒恫瘝愧恥引以爲辜則今之顛連無告日夜望其上之有以濟而出之于水火之中者何限惻隱羞惡不容泯滅也苟在位皆推諸公興復茲館之心天下將盡濟矣矧大士與崇德俱無職司于官無子孫眷屬之繫迺能博施忘身服勤盡瘁期于必濟如此則今之仕而無濟于國退而無濟于鄉反或害之者于心獨無愧乎令尹竹厓馬侯名濂無錫人見任桂林知府民有去思周原黃侯名議莆田人任方二載百廢盡舉富道屢有旌揚聲績茂著鄉獻容庵應大司寇名大猷歷少宰年六十以刑書致仕今八十有三欽奉勅賜禮幣羊酒遣官存問景山李侍御名一瀚仕終都察院左副都御史鶴田蔡中丞名雲程仕終刑部尙書

誌銘類

明故文林郎峽江尹湛泉李公墓誌銘

嘉靖四十有五年二月壬午臨海湛泉李公以故峽江尹卒年七十有七初公之

介山稿略

卷十三

五

仙居叢書

將卒也執其子應元手曰我且死惟介山子知我汝須需之銘應元泣受命迺瞑某月某日應元將啓公長石山壽藏合公配余氏窆焉使以狀來徵銘并申前語某手之泣然曰嗟乎丈夫生負奇氣率真尙志不能渙忍取世俗榮名銜惋以沒沒已復無名公鉅儒德位文章足以不朽者爲之表微闡幽使彰灼於後迺區區屬意于摺落猥陋之友如不肖某者不亦傷哉公生宏治辛亥長某十有五歲某在襁褓公已以能明毛詩著聲遇校閱輒屈其先生長者咸謂功名可戾契致迨乙酉始克與某同舉于鄉某百不能望公二三且又倖竊一第公顧連不得志於春官垂二十年始授峽江令尹以出是豈可以常理測哉方公之尹峽江也人又皆曰尹專官也峽江大邑也且當水道之衝夫官專則易於展施邑大則易於徵應道衝則易于援結取名公屈久矣其將階之爲貴富乎迺公居僅數月見諸富路與貴勢人之東西行過其疆者類相責以非禮之恭而鄰郡州邑之長又競習爲脂韋之態培尅以取非道之悅公乃嘆曰尹也而奴乎鬚眉也而娼媼乎人之

世也而狐狸與居乎遂稱病解印綬歸嗟嗟視棄二百里之印若棄管屨是又豈可以常情測哉夫不可以常理測者天之命也非公之所能爲也不可以常情測者公之志也非人之所能識也公易以俟命而不僥其倖于天貞以遂志而自得其適于已持是足不死矣又何待生而存哉公名某字某別號湛泉唐刺史李素十七代孫也曾大父豹大父潛父公匡世有隱德母張氏方公伯張公鎮之女孫生公及其弟璋珪玠而珪玠皆爲諸生先公卒妹一適侍御余公機之孫概配于氏閑靜克家有葛覃樛木之風先公四年卒子男二女一皆側出長即應元爲邑學生有聲娶崇安尹南峯王公孫女次應明娶瑞州守古泉許公女其女未字亡矣孫男三長觀成聘大理丞山南葉公會孫女次觀德觀政女一適解州守益庵林公孫中亮府學生公狀貌豐饒清約出于天性家居杜門謝客不喜與勢利人交然聞二三老友剝啄聲輒忻然延之談笑竟日興至則相與登城闔步曠麓酌酒賦詩往復酬和忘疲詩不泥韻格然往往有佳句爲人所傳人有過當面斥之

恆陽葉貞士墓誌銘

不願旁後然中無機械素多疾疾然善自繕攝此公之大略也人皆惜公位不滿德某聞之位不滿德者必有後爲之銘曰士多靡靡而綦大位公抱卓異繫不得試決川必至蘊火必熾秘于其身將以昌其後人於萬斯春徵茲幽珉

貞士姓葉氏名慎字允修自號恆陽其先倦屈小同人也五世祖諱成甫者娶于黃巖徙家雞鳴山生平陽知州士元知州生天銘又自雞鳴山遷于牛橋今其地俱析隸太平縣因著籍焉生哲號迂川迂川生刑部主事諱鳳靈號未一登宏治壬戌進士配陳氏以戊申正月二十日生貞士于牛橋貞士生十有餘歲而主事沒乘喪變羣侮蜩集鷓鴣張貞士以幼弱處之裕然不選不校識者咸稱主事有子矣比長補邑博士弟子員見皆所爲舉業大都蕪爛破碎與六經指要離畔不合又見諸以舉業發身者往往營殖自私甚至決敗檢法亡忌心醜鄙之爰書座右自傲曰莊生以讀書不悟者爲糟粕劉君亮以舉業爲大豕食糟粕之糟粕若然

介山稿略

卷十三

六

仙居叢書



亡怪其射利苟竊甚于穿窬也棄去從陽明先生于會稽得聞良知之旨躍然曰是矣是矣聖人決可學而至也既歸遍以其說話諸其鄉之人其鄉之人皆膠于舊聞聽而駭之相與指目呼貞士為葉聖人云貞士不為訝持之愈力皆有以隨處體認天理為教者又有以洗滌心垢為教者貞士曰理非外鑠心本無垢其超悟自信類爾以故游陽明先生門者皆敬慕貞士人人自以為不及也貞士讀書不求盡記然經涉省覽必得其宗詮所在性剛直肯面折人過然胸中無城府未嘗逆詐不喜飲酒然對賓客輒忘勅居常以玩物誇多為戒然學最精博亡論九流百氏之專門擅長者與之往復辨難雄譚立論颯發泉湧各徹底蘊使之愕視傾聽神受心服乃已平生薄名譽為文不蓄稿嘗云詩不理于性情雖逼真二南猶為淫辭又云訓詁辭章功業氣節皆吾道中事近來悉藉此以資利達其設心操于申韓孫吳絕滅人倫而不顧乃更摺摺羣言自稱著述期以欺世飾奸哀哉語在集中讀之令人悚然自失嘉靖甲子蜡月庚辰以疾卒年七十有七元配稠

介山稿略

卷十三

七

仙居叢書

開任氏繼配路邊陳氏生子漸力學自樹將光大貞士之業再配下涇陳氏生子沈汧洽女二長適部濱金昂次適冠嶼趙成杜賸生子一法先貞士卒孫男二宋仲女四將以乙丑臘月廿七日葬于部濱貴耕橋北涵以禮部主事南衡陳子所序論貞士遺集并涵自述事狀馳疏請于介山林子曰先君幸嘗與子同學于陽明先生捨子微能知先君心者乞銘諸幽林子手之泣然太息曰嗟乎由濬洛來五百有餘歲而陽明先生出于絕學之後直指良知示人如披積翳揭白日懸之中天一時聲應景從及門者四三千人凡經指授罔不快心滿意自謂有得皆先生精誠神化所感發耳今先生沒而儀刑遠同志散而觀摩空各以習氣意見之私緣飾所聞為工證匪心傳談均耳食原情充類半同操戈入室之徒求白首斤斤守其師說反躬實證終始不悖若貞士者詎多得哉籍令貞士逢時致位以彼之志究施厥學所以加諸上下者必大副名實為師門世道光乃使之隱約處困獨善其身以死是可悲也雖然境無順逆心無生死惟知道者一之貞士其復奚

憾為之銘曰夕而可死以朝聞道矧伊貞士早徵衆妙日有孳孳年將及耄乘化逍遙歸全立造身闕幽宮神光列曜流形露生同彰至教以啓後人食天之報

趙子元達墓誌銘

趙子諱官字元達皇大父璋大父佐父熊母陳氏世居武丘山塘上為長洲著姓云元達生而明穎讀書知禮義顏氣和粹性至孝父疾侍湯藥浹旬月不解衣帶臥私以身禱真武神祠期往進香武當誓蔬食水飲絕葷酒骨為立無何父疾革元達手植胸足頓地仰天號曰天乎地乎神乎我不誠乎不以死我死我父乎遂仆幾絕家人揀之甦喀喀然嘔血滴瀝橫泗鼻口俱出未及暮竟以血死嘉靖辛丑六月四日也距其生為嘉靖壬午九月十六日僅二十年娶陸氏生一女無子用母命抱其兄元顯之子大欽立以為後卜某年某月日葬于某山之原先期元顯持選部郎王公祿之所譏事狀來請予銘予曰予忍銘吾元達墓耶始予乙未舉進士返過武丘元達與其外舅陸君實來逆予甫十有五歲耳見其髮濕漆黑

介山稿略

卷十三

八

仙居叢書

被肩眉眼如畫豐輔承顙朱唇貝齒肌肉玉雪潤可念也次年秋元達又特顧予吳江官舍予留之旬月察其精神意氣言笑動息多閑靜周詳不類凡兒心大期之詎意至是耶豈相之術果無耶苟卿氏蓋有非相篇以予耳目所覩記往往亦有驗者何也劉子曰威儀之則以定命也能者養之以福不能者敗以取禍若元達者其所謂養耶敗耶竟短折以死禍耶福耶或曰元達之死毀滅性也孝則至矣嗟乎天之報施孝子固類若是否耶然則喪不必毀耶毀必死耶且毀死有說與之女不與之男抑又何耶今之惡貌險心不修儀止害仁義悖德視其父母如塗路人生不養死不戚者何限迺或享富貴老死多男子此又遵何理耶豈天道故爾倒行而逆施之耶是皆不可知也已矣嗟嗟傷哉為之銘曰蕙兮速凋玉兮速銷秀骨兮惠標胡永閉兮沈瀟

介山稿略卷之十三



介山稿略卷之十四

明林應麒著

文類 鏡渠案似當  
作雜文類

重建霍山縣先師孔子廟碑陰紀事

霍山故六安州壤也介河南湖廣之裔環四三百里皆崇崖邃峪逋徙亡命往往  
湊集其中至十五土著人與土著人相倚為悍故土著人在山中稍富盛輒陳器  
仗金鼓持旗旆前導乘雕漆轎呵擁出入以暴橫于鄉其鄉之人莫敢相告言即  
告言有司置不問則已稍窮捕之大都匿不出或格拒甚迺椎牛羊封豕羅設酒  
食召諸逋徙亡命樹竿高陵上裂帛懸之大譟呼激變以脇警有司勢漬不可長  
宏治初始奏請立縣制可遂割州之遠而難制者二千餘戶以故埠鎮址徵拓建  
之為治阻山帶谿舒廣不及里許繚以土垣自文廟學宮縣廳事以下皆草創限  
陋不稱正德壬申盜入城焚縣廳事庾庫椽斲殆盡而不及文廟故惟文廟久不  
介山稿略 卷十四 仙居叢書

葺嘉靖甲辰江南北大飢流徙相聚挾強人富人家稱貸空其蓋藏者不可勝數  
霍山山中盜並起至紅抹頭被甲別旗號盛戈鋌弓矢矛戟隊列步騎白日肢解  
人無忌百姓訛言將有壬申之變署郡符郭公鳳儀迺議以縣事屬麒請于撫按  
不旬日撫按檄交至麒辭不得命以九月二十六日詣縣詰曰謁廟觀棟宇之傾  
頹傷風雨之不蔽四顧熱中值凶盜方棘計亡所出既而竭不肖之思集多方之  
略擒賊首百十人置之法發廩勸粟請官藏賑垂死萬餘口縣賴以不震爰得遴  
集材敏練識人員與匠作之有心計者雜議廟事僉曰毀廟之朽析薪易粟足贍  
諸役力若食可亡論論其繁者木石磚瓦丹漆銅鐵金碧之費為直約百四十金  
有奇然慮復擾民論之諸弟子員于是黃生養道慨然曰吾父榜風輕實好施今  
茲得免於寇受賜多矣况是義役願效其費十之七麒因損員下祗候俸直以足  
之議遂定鳩工集材卜日經始列狀以請于郡守張公瀚代巡賈公大亨督學馮  
公天馭具嘉允焉然後祭告遷主徹廟鼎建址崇舊二尺棟崇舊尺有咫材惟文

杏惟粟地琢整過墟承堯衡縮跌葦葦實灰蓋藉望雙闕文疏繪綯五采錯皆  
舊亡有工始于乙巳二月辛酉迄于七月丙子凡百三十有六日迺八月丁捧  
主入廟式昭祀典俯仰瞻眺殿翼有儀諸弟子員咸拜舞相慶請麒為紀其始末  
刻之碑陰云若其讚述聖道以振起來學則諸公之記序備矣故不及

賑濟告廟文

惟神司幽歿福各以類應不爽不淫斯則陰陽默相之大義也此者歲凶賴聖天  
子軫念命所在司長發廩勸粟賑貸缺乏為澤甚厚麒忝署斯邑德既不明人復  
多詐費侈惠虛深用恥恨茲特選委省祭等官朱鶴方金松朱墳俞耀張鵬搏等  
沿鄉履戶存問窮民籍其尤者加意賑恤此未必非神之意也惟神鑒之麒自今  
以後益當矢志束身帥先各官精白一念以承神明之意以懷保地方以宣昭聖  
天子光澤敢有二三其德殖賄行私不恤民隱總之為欺其心夫內欺其心外欺  
其君明欺典法幽欺鬼神與盜賊禽獸無異人道絕矣神豈宥之哉敢申誓告惟  
介山稿略 卷十四 仙居叢書

神鑒之

禱雨謝神文

朝廷設壇廟以敬事神以神能捍災禦患出雲為風雨豐殖嘉生奠安我民也某  
等受命臨茲裔壤夙夜兢業精白一心以對承神德受神之庇深矣迺者歲屬旱  
暵害于生長虔告于神神應如響致齋之日甘雨倏至繼繼瀼瀼旬則大澍農舞  
于田商歌于市神之休烈不可殫記曰祈日報自古有之爰申醴荐以答神禧

介山稿略卷之十四



介山稿略卷之十五

明林應麒著

行狀類

明贈中憲大夫太常寺少卿梅軒盧公行狀

公諱懋字時勉姓盧氏以少子今提督汀贛等處軍務都御史君勳貴封太常博士加贈少卿其先永康孝義鄉人也皇祖某者徙居縉雲竹川遂為竹川盧氏云祖守義正統間願輸粟千二百石備賑天子賜璽書褒美旌為義民父環敦睦好施鄉人德之共稱曰存仁先生因以為號存仁先生生二子長即公公生一歲而母夫人黃沒事繼母呂盡孝甫成童智慧過人有心計嘗從存仁先生履畝分佃人租日百十餘處悉令公督發入廩鍾釜雜裹擔負異齊公密以穗粒置左右袖中默齒其數不爽一二人奇服弱冠起家拓產業數倍尤敬事其先每歲時祭祀必夙興躬灑掃堂室滌祭器與弟柏軒君友愛篤至垂髫白首如出一日訓誨

介山稿略

卷十五

仙居叢書

諸子嚴而有則常曰為人父母非必其子之以肥甘食我輕煖衣我也但能謹身守法為人所稱道弗貽我羞辱則樂矣今都憲君自筮仕給事黃門縮取顯秩未嘗一日不為美官然束身砥行志意恂恂亡異布素時皆承公訓也公又雅重儒術舍縉邑東偏與甯紹台裝連接壤土寧紹台裝之間人多業儒貧者常十四五大都走四方覓訓事為衣食計途經公舍公必出留止宿款洽之雖雨雪浹旬館穀不怠且厚為餽遺以周缺乏正德丁卯歲大飢鄉人多流李公捐蓋賑之全活復業者甚衆有孤子順田者為後父所逐公收育長成為娶婦置產遺還其宗佃人陳祐少時稱貸富人百餘金游商吳門失計大困乏罄產業亡足償遂流落不敢歸公聞之曰人恆過然後能改少年為算一不當輒令挫衄流播至此而欲自表見以蓋前愆其道無繇也豈造物者之意哉迺招之還為出金贖所負富人券更給本殖使復商其人感激改行竟以成立故終身德公嗟乎自古畸人軼士備時負俗制事稍越法吏文墨譏夫媒孽其後因而擯斥禁錮困踣漂落以終其

身者何限雖或卒賴辨別流光史籍然於當年助庸無補矣安得以公言盡告之

當事者哉台人季義壯時受備公家公廉其勤畏字之如子年八十餘猶依依戀公其族子迫義與俱歸去返骸骨先人丘隴上義曰我受公恩五十餘年安忍捨之即歸汝輩視我恐不如今日也其恩德繁人大都如此方今國家多事惜不得如公數輩為邊徼將領使士卒人人肯出死力虜不足平矣比歲豪右吞併僧徒田土常百計擠之使廢公獨助葺蔣山沙門靈嗣寺中積逋為焚其券浙中大宗祠絕少公以百金倡族人建之且為市田以供祀事皆時俗所難者公性率直胸中無城府人有拂於理者公侃侃正言不少貸已則忘去未嘗留畜故人咸畏而愛之公家甚裕自奉甚約而待賓甚豐與應恭人結髮偕老侍婢老不堪用恭人勸置新者輒不從曰此輩侍久解吾意新者不熟徒惱人耳其他行誼一一皆可法更僕未能悉數也公生于正統乙亥二月四日卒于嘉靖丁酉九月十有七日享年八十有四配應恭人生一女最長適永康童釗男六曰燿曰煥曰煇曰煉

介山稿略

卷十五

仙居叢書

曰某某即今都憲君也孫男十七人女四人曾孫男三人女二人甥男四人女三人皆公所親見傳稱五福公一身備之矣所謂積善之慶非耶以某歲與應恭人合葬于鳳凰山之麓麒違公第百里而近聞公行誼最習都憲君屬麒次序之遂論述其彰彰在人耳目老列之事狀云

介山稿略卷之十五



介山稿略卷之十六

明林應麒著

後語類

雙節錄後語

嘉靖壬子夏四月麒起廢來官惠州先數日便道謁代巡友山蕭公于會城公命坐賜茶慰諭而退既出授麒一簡迺李太常所撰公生母李氏伯庶母陳氏雙節傳也麒捧讀再過作而嘆曰異哉貞貞乎其人瑞也哉國家將興必有禎祥不在茲乎不在茲乎或曰何謂也麒曰問氣所鍾不數數然矣故千載一人猶且暮也四海一人猶比隣也賢聖相值其難若此何云閨秀周至文武關雎化洽唐虞之際于斯為盛矣然止一婦人焉得與十亂並稱况季世哉其後劉向傳列女率以一言一行得備採錄要之非其至者今二氏生同齒歸同門丁同艱守同節皆能勵志側室保世以滋大不失令名豈惟蕭之宗祊賴之雖國家靈長之運殆卜諸介山稿略 卷十六 一 仙居叢書

此謂非禎祥乎哉然必蕭氏當之矣或遂以雙節錄不麒曰諸緒紳章掖先生賦頌歌謠之詞略備于此子盍評之麒又受讀作而嘆曰美哉颯颯乎風之會也固將百世不忘詎今日已哉或曰何謂也麒曰民之秉彝好是懿德懿德之好根諸其性矣傳稱太上立德其次立言皆足不朽二氏懿德已誠而明諸緒紳章掖先生以其雅詞載而出之二美具矣雖欲朽得乎且賦頌歌謠皆古詩之流也被之而成樂其感人深其移風易俗易故先王著其教焉奮乎百世之上百世之下聞其風者莫不興起又何疑哉已而麒掩卷太息不覺涕下或愕然曰然則子何悲耶麒曰而子知我乎夫固有所感之也男子生而桑弧蓬矢射天地四方射所有事與天地參耳今秀穎諸生未弱冠類能撥拾耳目記聞應詞科取國家榮祿豈聰明不逮古之人也然自筮仕以至蓋棺無一節可表見者何限視二氏以閨秀樹茲不朽寧不愧死哉易曰地道也妻道也臣道也蓋言一也故古孤臣軼士不得於君亦往往據憤陳詞託言夫婦之間以相諷切嗟乎自秦漢來受盟帶礪為

國勛奮及奮起衡邪縮取通顯坐廊廟稱宰執者豈少也願或甚主賣國容奸

與奔婦何異其固位希寵苟且目前俗固比比稱盡職矣求其可以託孤寄命者誰歟卿寺以下類稱疎遠之臣國家有事則曰責不在我若秦越人相視其肥瘠然至號稱慷慨憂國者又不過抗危言以邀身名否則憤世長往自云高蹈於國家何賴焉設使二氏亦曰我側室也責不在我或止決於一死以從其夫則蕭之宗祊不亦危哉麒淹落倘時長且無述負身負國莫克自文感茲二端不覺涕之無從耳或又曰如子之言二氏超絕列丈夫多矣問氣所鍾國家靈長之運殆卜諸此似也而曰必蕭氏當之何邪麒曰於友山公占之矣公疎通知遠先後出按兩廣視民如子視屬僚如手足惓惓為地方立經久之計若例不以一載得代去者是蓋以二氏之所以恤孤者恤其下矣行將入掌內臺因緣塔地柱石國家又安知公不以二氏之所以慮其宗祊者為國家祈天永命延靈長之運哉詩有之孝子不匱永錫爾類傳亦有之德厚者流光不在其身在其子孫麒蓋于友山公

介山稿略 卷十六

一 仙居叢書

占之矣問者唯然而退越翼日番禺尹毛子汝麒沈子應乾刻雙節錄成謂麒宜有綴言謹敢次序其說附之簡末為後語云

白陽墨妙手卷後語

陳白陽彰隆池皆吳門名士得其片楮既如璣璧陳已不可作矣而彭復自珍不輕示人麒得此于西室當不疑其偽也因金子少濱雅意文事遂以為贈云

書林培菴名公墨寶卷後

此培菴少侍其先大夫南江公守解州時所得于諸名公語道之言若是予三讀而嘆之涇野呂公之言敦其證道取諸二程玉崖余公之言昌其悟道取諸二陸崆峒李公之言放東橋顧公之言峻分宜李公之言溫其因文見道取諸二蘇嗟乎道固非由外樂我者言之願人人殊若占風射覆了無定議而求得道之人其難甚于龜鱗兔角宜乎世之無信心歟且東周迄今餘二千年其南面稱孤俯列侯宰執得以生殺貧富人者何限類微片言能庶幾于道而有道如孔孟顏閔曾



冉之徒固世所誦繹其緒言以要利達者然常其肯顧皆身不免于窮阨以死其  
他賢而困者難備以數舉則世亦何利于道而求之即予與培菴落頓滯人共  
用為媻笑無足恠者老氏有言不笑不足以為道又云知我者希則我貴然則我  
與培菴其誠足為道為貴耶非耶夫道固朝聞而夕可死者得之真足以生天地  
而行鬼神雖皇欲帝略不過太虛中過目之纖雲耳又何斬世之知我貴我哉自  
涇野諸公逝後絕無足與語此者間有語及道字衆輒指為妖言邪說共排斥之  
矣培菴乃獨寶藏諸公語道手墨扣其志意向如初見諸公時略無退落不為俗  
所撼動要亦不待文王之豪傑非耶予因繫其說而廣之以俟異日

書榮壽冊後為馬竹厓乃翁

夫蹈德而履應者詎有常哉其諸幽顯通閼固錯然闕異也然而要以終始不大  
相謬者豈非莫益之運言管其樞乎今夫元厚所積峙為崇岳流為廣川其當  
土都會產發賢俊多則瓌異之物萃鈔至于奠礪窮舟車人力艱難絕之

介山稿略

卷十六

三

仙居叢書

區則必結為奇器珍寶若丹砂金碧瓊玉犀象孔翠璫瑁之屬以標衍靈勝故事  
云之柏徂來之松既以謝材清廟然後乃能假攝崖壑出雲為風雨見怪物稱于  
遐永消息盈虛其大較如此然則以之匪東哇翁詎不益徵哉翁蓋弱歲即博綜  
墳典砥身行誼燁然華也厥配復斤斤飭閨範以克相翁人皆謂翁振奮漢晉輝  
耀京國不啻誦指拾纖芥耳願垂白滯跡庠校為翁不平是烏知翁之食報于積  
者乃益大哉夫鴻範五福其一曰壽禮亦有之大孝尊親今翁與厥配皆年垂七  
秩強盛如少壯時壽當未滿且厥嗣倫魁桂甸通藉金門製錦載葦芳聲四襲將  
真能揚名後世以顯父母豈止因緣階地取榮目前已哉以余耳目親記即自早  
致宦達者或未必壽即壽矣或未必厥配亦與之齊即齊矣或未必克昌其子迺  
爾若翁者固通於既闕之後然亦天所獨厚者耶翁令子名濂庚戌進士

書盧一峯譜後

乙丑端陽晴雲名醫盧君克瞻詣余求一言以入家譜余聞物理論云醫非仁愛

不可託非明達不可任非廉潔清良不可信是以古之用醫必選名姓之後竊常  
以其論說求之醫家者流百不一二當焉獨克瞻則吾邑大家往往傾向之謂其  
通爽急人之患不規謀利責報然則克瞻其庶幾可託可任可信者耶列子載  
楊朱之友季梁寢疾謁三醫曰矯氏曰盧氏而季梁獨稱盧氏為神醫克  
瞻殆其苗裔耶非耶克瞻固今大司寇後屏公姪也其為名姓之後無疑且後屏  
公以仁愛明達廉潔清良之德刑于家邦而家邦同聲賢而企之者也克瞻為之  
子姓其克篤訓象足以異乎人也亦無疑矣待余言雖然軒轅岐伯皆至聖上真  
為醫家宗祖其素問內靈等經幽深閼遠罕有窺其奧者克瞻能進于此則大道  
可坐而得將登名仙錄又奚恃于家譜哉克瞻名崔別號一峯娶吾邑郭氏女生  
二子長曰元卿次曰亨卿其考父名與字文朴人稱為蘭軒先生有隱德是歲後  
屏公修譜牒以合族將必登名其中余故得并次云

書備後考略後

介山稿略

卷十六

四

仙居叢書

是編定海令鄭余慶所刻薛生俊所纂次者用心亦勤矣然以島夷雜紀水戰韜  
鈴海道心鏡諸書考之尚多遺漏嗟乎倭夷固古昔所稱最柔弱易制者乃頃歲  
番舶流徒相與勾引市易因竊其名號數往來沿海衛縣態度劉焚掠淫酣宴戲  
駐處官宇及富人家或三四日或五六日或旬日再旬日始揚揚載錢貨婦女去  
絕無纖芥疑忌之意而守禦員役顧免藏鼠竄甚至遠近驚詫縉紳先生亦往往  
緹城出匿山谷間未聞有能當一鋒畫一策少吐生氣者豈不羞封疆而辱聖世  
哉大抵承平累葉人人思聞見金革事且以鷲將而驅市民不惟不嫻鎗鈴機變  
抑亦不識兵律地利故也今夫鄙閭勇夫力能舉百鈞而使之持刀向鷄鶩輒手  
戰目逃心為之怵及毗通都大屠肆剝犀象駝兕椎牛割麋鹿羊豕亡異磔蟻  
虱豈其性則殊哉由習與不習耳故曰以不教民戰是謂棄之苟緣是編而廣之  
以海道水戰之法嚴之以較閱功罪之條要於守禦必有所濟雖然海壖之患於  
國家警諸疥癬撫摩之不遺猶將申日不能寐而况其足以耗元氣而病心腹且



有不測之慮固萬萬于此者乎不知謀國者終當何以籌之嘉靖庚戌十月望日  
志

書張道明褒崇孝行卷後

周官大司徒以鄉三物教萬民而賓興之復糾之以八刑其所以勸懲于六行者  
尤用其極是以民皆興行忠厚之澤被于草木去古日遠風教衰熄時俗靡然超  
于儉薄遺親倍師不待其死而讐棄之者踵跡相繼求能執親之喪而致其哀廬  
親之墓而追其遠躬治其師之後事而爲之供其饗祀有如張子道明否耶張子  
吳產也不爲其俗所移易且爾不亦更難乎哉撫按督學既各表厥宅里而鄉大  
夫縉紳之士又相與記而序之咏而歌之足樹風聲迺鬱攸適張其猷蕩然一空  
豈名果造物之所忌耶抑將盡蕩其名而收其實耶其友蕭鳴和氏備錄徐司諫  
魯菴之記及諸當道褒崇始末之詳請予繫數語其後爲不朽計予曰吳哉夫孝  
弟之德光于神明雖洪水障天而不能使之湮却火焚空而不能使之燬者也苟  
誠于其德矣予固將附張子以不朽而顧以不朽斬予哉乎中庸曰至誠無息不  
息則久久則徵徵則悠遠惟張子益懋之而已矣



步鄆稿序

步鄆稿者南麓應子之所著也應子生而靈悟四歲而孤七歲以奇童子稱每念  
 貞母鄭碩人苦節且學得其伯父太史公淵源十三四歲讀經史性理諸書悉遍  
 能通要旨垂齟就試輒誦諸博士弟子爲文有藻思不詭墳典之菁近歲兼綜九  
 流百氏更刻意聲雅出入王孟岑杜間雖感應殊方質文與尚不肯蹈襲前人隻  
 字寫景給心匠元神而鑄言諧靈襟而激響澤之以色永之以味真精所涵雋腴  
 蔚采擬諸剡截揣摩以爲工者奚翅徑庭優孟孫叔敖必有能辨之者矣應子七  
 上有司連綴厥羽丁卯場屋錄冠經房竟爲他有力者所擠可爲奇阨迺庚午自  
 倦於游爰緝舊作凡得五七言近體合若干篇自名其稿曰步鄆示謙也屬予叙  
 而評之嗟乎共驅阪者可與語勞分灼艾者可與語痛以予之獲落頗領竊不爲  
 應子憐才長嘆哉且人生而甘心枯稿爲許巢爲莊列則亦已矣苟誦法賢聖稱  
 違掖之徒丁年抱藝其誰不欲際昌期顯帝王之略以康濟斯民策勳當代使聲

介山稿略

補遺

仙居叢書

光流於無窮哉願乃坎壤無售爲時俗所阨寄修鱗於涸塗歛靈翮於叢棘目傷  
 瘼之狀巧不能繪圖憤時事之艱力不能叫闕欲揮戈以駐日恨乏魯陽之神擬  
 借劍以斬奸惜無朱雲之地則凡沈抑紆紆之情安得不假言以宣哉古詩三百  
 篇大抵賢士發憤之所爲猶石激而灘聲氣搏而霆迅亦天倪之不能自己者也  
 以予觀於茲稿其詞婉其情深其義正憂而不傷怨而不怒憤而不激殆二百篇  
 之遺響歟或曰藝必達而後徵名必貴而後成應子年未及強安知異日不大顯  
 庸也待其時而張之於名何所不致而汲汲於茲耶予曰否否使詩果以貴達而  
 始傳則自三代迄今王公列卿詎止以億千萬計傳者何其稀兮而泌水考槃之  
 濱幽巖草澤之下其人得藉詩以不朽願後先相望抑又何耶吁心之憂矣我謂  
 且諸不知我者爲我士也驕迺自古則然予蓋難言之焉後世必有知應子者應  
 子名來字育仁南麓其別號云

光緒仙居縣志 卷十七藝文

後跋

壬子徂夏惟我介翁蒞政茲土尊厠金子館穀密邇公署幸獲執經座下承資訓  
 課啓益不可言紀既而出今昔諸製以示尊諷誦弗忍釋手因竊嘆曰颯颯乎翁  
 之作足以傳世而世不獲傳也謀諸金子命梓以傳謬躬校讎之役於戲諸製肯  
 繁首敘既詳之矣無容置喙迺若諦觀翁署郡事勵精悉慮竟日折獄匪懈剖枉  
 矢如迎刃然罔留宿亦罔拂民之欲苟法所不赦匪貨以自贖者輒捐俸給之省  
 鞭箠厚憐恤格愚頑懲勸掖藹然視民一體之意蓋三代之遺良也此無他美在  
 其中故自然暴著於外赫奕有不容遏者其詣文之至焉耳豈惟言哉是歲冬十  
 月之吉門生葉夢頓首拜跋

介山稿略

後跋

仙居叢書



跋介山稿略後

竊聞世人之論詩者尚藻麗妍巧之辭論文者喜月露風雲之態難乎其論矣夫君子立言以垂世猶聖人尙象以制器其所以利天下而取其致用一也故言不致用空言也器不致用虛器也選當以是慨時習之靡而惜立言不朽之難也選自昔九齡誦介山公近思錄敘辭典而有則範而不靡反而體諸身若豁如也欲輕千里就之垂茲十載遷寄寓南粵公適宦焉幸獲聆公之誨窺公之德夙懷慰矣公清脩無欲聲懋馳其古之立德者非耶治一馴民政熙獄息其古之立功者非耶若其詩則軼唐漢有風雅之遺又則闡道詣本六經之旨有益于世教莫大焉者也古有三不朽公實當之乃輯而類次焉每憾四方之慕公者往往輒將屬稿携去故散逸不能多得謹題之曰稿略龍巖傅君聞予論而善之予乃鈔梓與海內嗜依籍籍者共焉時嘉靖壬子孟秋既望山陰後學少濱金遷跋

介山稿略

後跋

一

仙居叢書

校勘後記

右林應麒先生介山稿略十六卷嘉靖壬子少濱書屋刊卷首有南海何維柏惠州利賓序末有歸善葉夢及山陰金遷跋原刊板心均署少濱書屋每半頁十行行十七字除單據僅十六字字多鄙別此爲明人刻書陋習光緒仙居志謂有隆慶時趙善政重刊本考趙以隆慶五年辛未知縣事上距嘉靖壬子纔二十年書經再刊而流傳甚稀有清嘉慶間林孫枝明經營卽先生故里求完帙不可得攜據殘廢釐爲十卷附有自序謂文尙付闕如云云其罕見可知予家舊藏有鈔本二册存卷九至十六八卷屢思覓補不獲客歲夏與王子鳳揚邂逅林子遠希湖上遺希爲先生遺裔適有返籍之行予亟以是編相囑歸而携四殘帙至則嘉靖壬子刊本也審視卷中上下眉批及旁行夾註朱筆爛然均出先孝廉公手爲之驚喜不已惜原刊卷九以下俱漫漶不可繙插蓋往歲先孝廉公獲見是編既爲詳注誤字並錄副以歸迄今遞閱滄桑彼此藏本俱已殘闕而劍合珠還猶成完

介山稿略

校勘後記

一

仙居叢書

軼要不可謂非斯文之幸事已先生治憲政績具見葉夢跋語中其學術則出自陽明並世如羅念菴湛甘泉呂沃洲唐荆川戚南塘皆交通書札其自任之勇可於上鄒東郭及黃久菴羅念菴諸書中窺見乃以毅直不回坎坷仕途卒至窮老以沒所恃以自見者惟此身後遺文而已嗟乎以先生之才之學使其能稍自突梯歛抑何難與時羣爭得失然終不以彼易此者蓋所謂不惜以一時之誦求千載之仰者也吾人讀先生集可無憾于其遭際之艱迍矣乙亥夏月秋禪李鏡渠

光緒志補趙善政重刊有序今存云云惜現已亡佚卽序亦不可見又仙居集載有張奇後序全文與利賓序字句無異出入原刊未載今亦不加遂錄案明文海選有送太守鑑湖金公入規序又俞志載明百家詩有林介山集鏡渠又識



介山稿略勘誤表

卷	頁	行	字	誤	正
附傳	二	七	八	院	阮
附傳	三下	二	二五	勢	慝
一	三	八	二	鏡	頰
三	二下	二	四	貴	甘
三	五	二	二八	壽	驚
三	六下	二	一七	璧	璧
三	九	二	一二	傳	傳
正	卷				
三	三	六	一九	誤	阮下脫制字
十	十	六	一九	第	第
七下	七下	一	二九	第	第
十一	十一	七	三一	歷	歷
三	三	七	三一	秩	秩
十四下	十四下	三	一四	秩	秩
九	九	五	九	應注內似字下脫應字	
十四	十四	四	七	項	項
二下	二下	四	七	項	項







圭山近稿六卷

章授題







圭山近稿序

昔司馬遷南游江淮探禹穴闢九疑北涉汶泗歷齊魯過梁楚乃歸作史記其文雄雅博瞻說者謂得山川之助今夫文士之攻斯道也身閑務逸得以專精其間月探而旬索其涵於中也無所汨故發於外也無所資乃若公卿大夫繫于職司入教匪懈之誠出勳靡盬之節文牒填委日不暇給當其劇時目眩倦視心疲倦營雖有逸韻敏思且將撓亂而潛翳矣一或乘暇逸之時極巡遊之適覽觀山川之奇心目豁然觸景態生沉鬱以宣協于昭曠意興攸屬匪夷所思較諸平素不已異乎圭山張公存禮昔聞今蜀咸以折衝之資並膺戎務之寄乃以餘力形于著作得為詩文者若干篇積以成帙公之精銳警絕閩中肆外固無所資於物然往遊於閩閩之山川奇也繼泝於蜀蜀之山川亦奇也日月于邁涉歷滋久跡其所得不既多乎故其文辭理密緻條貫森然淵淵乎聖賢道德之徵鑿鑿乎仁義禮樂之實懇懇乎教化經綸之美有平淡若澄川變化若洪濤者有奇崛突兀若巖樹倚伏英華葱蒨若林木芳菲者有秀若孤峯而游氣淨歛幽若僻澗人跡罕到而落花啼鳥自含興致者信公之遠於文也謂非得於山川之助可乎夫子曰言之無文行之不遠其文如此其行也有望於近者乎達州守吳君昇將梓以行乃授書索言為序邦謨非知文者然昔在建州於公有一日之雅今又益稔其政固非因文而知者也將奚辭豈嘉靖十二年歲次癸巳秋八月初吉浙江按察司副使涪陵夏邦謨序

圭山近稿

序

仙居叢書

圭山近稿序

叙曰夫聖賢有言非得已也蓋將以明道也是故道之在人皆本然全具皎然明白無俟於言矣顧正學弗昌風漓俗弊道寢乎其弗修而民寢乎其弗古轉移化導聖賢者責任其責焉是故達而在上形於詔令窮而在下存諸著述以先知覺後知以先覺覺後覺期以同歸於善焉爾故曰聖賢者有言非得已也後之學聖賢者不能師其意而徒師其迹乃競奇鬪麗索隱叩玄而於道奚補哉唯蜀憲使圭山張公奮起粵中自志學來毅然以斯道為己任惟其所養者淵乎其深故其所發者沛乎其達予嘗誦厥言矣其見卓卓爾其意貞貞爾其氣渾渾爾其詞昭昭爾蓋生乎千百載之後而克繼于千百載之上善師聖賢而有得者也世之刻意為文者可同語耶嗚呼文以載道美斯愛愛斯傳先正有是言也余則以為圭山之可傳者不獨以其言焉爾矣苟徒以其言則班揚屈宋將不與聖賢爭先後耶善師圭山者當自得之也達守吳子獲圭山數百言特壽諸金石與同志者共

圭山近稿 序 仙居叢書

遺使來屬予以言予固私淑圭山而欲就正焉者乃陳所見以為之叙如此云豈嘉靖十有二年癸巳秋七月望賜進士及第翰林院編修蜀人楊名書

楊名曰吳守刻圭山集成遺使來告予予既叙諸復題曰圭山近稿蓋圭山出理憲政一於閩再於蜀此集實在兩省所著也吳守曰姑刻此俟得全集再圖之



讀圭山近稿

儒官來又領近稿即屏俗紛讀至暮繼以夜乃獲終卷愚於崇賢造士析理論道諸篇見先生之學之奧於經畫謀諒邊珥盜平役釐弊諸篇見先生之政之實於感述吟咏諸篇見先生之情之正嗟乎若吾圭山公者近世可多得乎野人蒙高賢君子之誨非敢漫焉置之而姑以虛辭復也皆嘉靖癸巳仲冬小岷山人曾璵敬復

圭山近稿

序

三

仙居叢書

書圭山近稿後

圭山張公撫治重變之明年刑清訟息民以輯寧一日出其詩若文凡二百餘篇以示界其半在閩建寧所作其半今重變所作也咸扶世立教憂國愛民之意寓焉界伏讀之餘僭編成集以告諸學正劉友義訓導王馨楊澳曰昔先正有云為文不足關世教雖工無益也斯集也誠關世教而不徒作矣乎界不敢以自私也友義輩曰然盍廣諸乃率諸同志入請于公弗諾曰因時紀事感物寄懷書之以自諷耳非文也庸可使笑于人耶界曰公當代人豪也公養深而純粹學博而閱奧是故其形之文也根極理要痛切時弊讀之使人心目豁然知所感悟而興起凡士若吏修身立政之典刑具在焉而非夫人之文而已也嘗竊謂以公之心之政推之天下將無一物不得其所者實於斯集焉徵之而奚容以自秘也于是凡三請乃許遂退而書諸梓皆嘉靖十二年歲次癸巳仲秋桂月之吉夔州達州守龍溪吳昇頓首拜書

圭山近稿

書後

一

仙居叢書



重刻圭山近稿小引

余祖圭山公生而穎異受庭訓十三四歲即能詩善屬文為人個儻有大節初以毛氏經試有司勿利改春秋正德癸酉與邑人吳榮贊同舉于鄉丙戌又與吳牛田應容菴奏捷南宮時余高祖涇橋公少共筆硯贈詩云嫩竹發新叢遙映孟間綠護促曉行車細酌論心曲固早卜其文章華國鼓吹休明如九齡之輕縑素練堪濟時困也當除工部都水司主事尋改留都刑部復入為員外郎時中貴預政網稍密公大節自潔斬勿少狗力平反之朝士氣為之一振與楊升庵慎善世廟議大禮同抗疏爭之且挺笏批桂萼頰上震怒廷杖濱死者再出為江西僉事豐城水溢親行視築堰以防禦其患民德之呼為張公堰丁內憂喪葬各如禮服闋除福建建寧道建寧右衛屯田半久荒蕪糧賤由辦該衛嚴刑追比敲撲盈廷額仍莫楚照軍攤賠賠又不敷因派幼丁屯旗益不堪命率多流亡間舉男兒謂為鬼物行將負累不敢育公喟然曰余辱安撫軍民之奇疾苦壅于上聞夢寐何圭山近稿小引

小引

仙居叢書

能安也遂反覆請獨報可歡呼聲震里巷后容菴過閩訪舊公拉友郭閩庵楊正所田一竹送于歸宗因遍覽泉石之勝飲罷而別公忽欲掛冠忽思供應之難刻為民之意往往復見于詩然胸懷洒洒落落不染纖塵幸無花鳥雜惟有泉石寒句可推也陞四川副使會銅梁盜熾焚掠州縣肆行無忌公擐甲胄親援抱鼓于和門出奇制變立蕩平之故謝表有云渠魁授首反側粗安惟瘡痍疲憊之黎赤尙須繪監門之圖若蝗常豕突之蠻囂今咸知漢家之大隨陞福建參政持法平允有一張八閩安之謠嗚呼公耿介廉明所至悅服而豐功偉績實足以貫日月而燦日星其鴻文鉅製又足以被金石而播管絃余王父夏斐子讀其詩想見其為人有風高華頂明時重心在冰壺聖主憐政績不由文字顯姓名還託簡編傳之句生平景仰之私較諸先世而倍切家藏圭山近稿六卷前達州守吳公昇孝廉黃公誥編輯參訂梓以行世序之者浙江按察副使涪陵夏邦謨翰林院編修蜀人楊名暨少珉山人曾璣也但自嘉靖癸巳歷今三百餘年舊板散失裔孫

秦文誼之嘉侃之潛也謀重光梨棗余嘉其意遂于庚辰初春同任起暢起麟男起著等謹擇遺稿晨夕誦習魯為魚參明不謬帝作虎考正無差敢云寫時編柳還愧校處燃藜向非繼起有人而竹素何以輝螢芸編何以走蠹也耶後之讀斯集者知世德之作求閱余序者并知闡發之非偶也故謹誌之以附簡端云乾隆廿五年歲次庚辰四月初吉從孫張躋初晴氏敬書于大宗祠之望雲閣

圭山近稿

小引

二

仙居叢書



明張 儉存禮甫著

尙友圖序

尙友圖者不肖儉所自作也始于義農迄于熊勿軒凡與道統者必在焉不以性勉分不以述作異不以言行殊不以隱顯間要其同也別上下軼以嚴君臣之分示不以賢習先禮也下軼始孔子道之宗也每位必舉行實載著作備徵也瞻道範而肅敬畏考德行而切思齊誦訓言而善知所勉過知所規一展卷而千聖在目矣則夫庸闇陋劣之軀敢不惕然悟幡然改以求去其所以不如聖賢而就其所以如聖賢者乎此作圖意也儉自幼妄自挾自傲長入仕途又惟知以盡職爲能至於以義帥氣以理制情得寬猛之中適因革之宜使學去駁而純使性去疵而粹實亦未之究心也嘉靖己丑幸托賢邦首謁考亭暨濂洛關閩諸君子茫然自失遂圖其像懸之書室朝夕親薰以消磨其悍傲不平之氣既而遍求諸真像

圭山近稿

卷一

仙居叢書

重刊黃文獻公文集序

以廓大之斯帙苟完而入道之門戶亦竊窺其一二矣嗚呼不有先覺孰啓後人此固不肖之所以汲汲死而後已亦觀斯圖者所宜共勉也

文者道之著也亦道之傳也道待人而行待文而著著斯明明斯傳斯通否則晦矣塞矣文其可少乎哉吾鄉金華黃文獻公與其友柳文肅公均以文名於時世稱黃柳如唐退之之於子厚也蓋公生長何王金許四君子道學之鄉得聞閩學之正傳而仁山白雲二先生猶及光霽故其所爲詩文意完而氣充事詳而詞覈一根諸理以羽翼儒先之緒論真如粟帛之可衣食而不可缺非彫繪枝蔓如珊瑚木難之徒悅美觀也公之學一傳而得宋公潛溪王公華川再傳而得方公遜志宋以文行顯王方以忠節著炳炳爲世名臣咸大裨於治教其源流蓋可見矣豈徒文詞云乎公邑後學侍御虞君惟明素慕公而同趣者深虞斯集湮沒無以迪後進觀風之始乃購舊本以屬不肖編次儉何人斯克當是任願一念向道

之志不敢不勉竊祿賢邦深以未得領要爲憂茲又獲觀斯集而得見公所誌白雲先生墓銘歛衽精思庸知道之不外是也何幸如之舊本頗缺失且汎載其一時偶應異端之求者恐非公意也索世家得善本及公所爲筆記一編稍加刪定付建甌尹沈璧陳珪重梓以傳庶幾侍御君懷賢淑世之盛心亦不肖儉尙友之一助也

刻杜氏通典序

經以載理觀理可以考事史以載事觀事可以察理唐劉秩採經史做周禮六官以著其制度沿革議論廢置之得失上自黃虞下迄天寶凡三十五篇刻爲正典由是經史之要開卷可識故房瑄稱其才過劉向良有以也杜岐公佑素號該洽惜其未廣參以新禮爲通典分食貨選舉職官禮樂刑法州郡邊防八門爲二百篇積三十六年而成書事詳而覈不失之汎詞節而要而不失之略志益勤而載益備矣自後若宋大素之續通典魏鶴山之國朝通典鄭夾深之通志略馬貴與之

圭山近稿

卷一

仙居叢書

文獻通考莫不一本於此獨是理者萬世之常也事者一時之變也事有變而理隨之故所因所革雖三代有不能齊者時也學者因其時以求其事因其事以求其理扣其所由異會其所以同則習日益而道日明大學所謂格致之功也苟徒以理爲吾心之固有而徐俟其自定則習日昏而欲日熾將併其所有而亡之况禮樂名物古今事變雖聖人有不能以生知者此通典之不可以不傳也舊本梓于元至正間歲久磨滅憲僉兼山史文材得是集于家藏以付不肖乃命工翻刻將以遺四方學者使備省覽而得其旨歸他日立朝議大事決大疑酌古準今權情度理以考百王之法立萬世之規庶幾爲一代之通儒也斯集之傳與兼山公之惠其庸有窮乎

重建政和縣儒學記

我國家仿古建學爲成賢育才之地又祀孔子及諸賢之有功於道學者使朝夕瞻仰興起其欽聖懷賢之心故堂曰明倫齋曰據德亦曰依仁殿曰大成其所以



致拳拳屬望之意者非淺矣諸士入是門親師友以成其身出是門由科貢以致  
其用其所以沾濡聖化極盡心知性之功匡佐明時效裁成輔相之道舍是其何  
居哉嘉靖己丑秋八月予奉命按治建州既歷政和詣學謁孔子與諸士商確經  
義自朝至晏諸士充然若有所得因進而請曰政之爲學久且頹敝而文廟逼市  
井尤褻慢不稱惟明公圖之乃以謀于邑令潘邦相令曰舊傳所駐分司爲飛鳳  
金籠之形實地理家之最勝然以其爲臯司也不敢有請予曰嘻昔范文正公以  
其宅出讓爲學宮與郡人同之卽今之蘇州府學是也吳邦人物用以不衰而文  
正公之仁亦不朽况分司儒學均爲公所予豈私哉令曰雖然費亦不貲奈何予  
曰松溪普載寺近徙爲學聞其寄莊于政者有田若干取其直以充費何如令曰  
善遂具以成議白于大巡施公鎮卿可其請經始于庚寅之冬落成于辛卯之春  
不歎于民不匱于帑厥地維維厥制維偉去卑褻以就尊嚴化頹敝而爲新美巍  
然煥然殆與建甌諸學爭先矣是歲之學予復東巡乃進諸士而語之曰諸士其  
圭山近稿 卷一 三 仙居叢書

知斯學之所以新乎向使謀弗豫志弗銳力弗勤材弗備其將有成乎諸士曰願  
聞其要予曰噫道豈遠乎哉自言動食息以至國家天下一理也惟志弗立則棄  
惟功弗恆則墜古之論道者多矣而予取其三日中曰誠曰敬曰敬則惕惕則不苟  
不懈誠則確確則不欺不欺中則不引以自高不俯以自卑而守之約也要之敬  
爲門戶誠爲堂室而中爲堂之中乎諸士其勉之諸士咸欣然曰用其地籍其資  
享其成以毋忘訓言吾族庶幾無負於明公以無負於國家作養之意哉遂相與  
鑿石請予書以訓諸久  
政和縣重建按察分司記

增大其堂宇重門深院炳然一新凡三越月而告成其規制實倍蓰於昔之十二  
三矣夫分臬所以備監司巡歷觀風宣化去暴舉賢釐敝興利於是乎施苟非嚴  
密則無以辯分遠嫌謹姦賊墨之吏得以窺伺竄歛之徒假以藉口而法星之炳  
曜者庸將因是以爲愚民病要亦爲政之急務也自非良有司其何能舉雖舉能  
保其無厲民哉惟茲役也益行祠於隙地給餘值於梵宮民不知勞而事就緒使  
後之繼今者時護而歲葺之雖以垂千百年可矣辛卯之夏予再至樂其成而嘉  
其供事之謹故錄頭末使勒諸石以紀歲月供事者潘令邦相鄭丞文光也咸爲  
浙人

重建松溪縣儒學記

端木氏曰夫子之墻數仞不得其門而不見宗廟之美百官之富韓退之進學  
解曰不止不行不塞不流人其人火其書廬其居其爲遠近邪正亦其分明矣今  
佛氏之宮遍海內名山大川無不蟠據雖極侈靡而不以爲僭吾聖人之宮太學  
圭山近稿 卷一 四 仙居叢書

之外唯郡邑一設又率多簡陋出此則嵩陽睢陽嶽麓白鹿四書院而已夫以天  
縱之聖功在萬世而吾人之所以崇奉之者曾佛氏之不如其責亦將奚歸哉松  
溪舊有學在邑治之東蓋創始於宋開寶八年世遠年湮屢修屢廢至是益大壞  
前副憲邵思抑僉憲伍汝文採輿議欲徙普載寺以白大巡聶公文蔚可其請未  
及庀事而去既而大巡施公鎮卿至僉憲曾元翰姜君肅復申前請乃以命郡守  
詹珪邑令陳輔相度材用之宜而予適來遂得專理其事實經始于己丑之秋訖  
工于庚寅之春左學右廟前溪後崗而蓮花湛盧七峯紅亭諸奇峯皆排闥迎對  
使人有飛動激昂之勢借地於廢取直於租民不知勞而事就緒巍然煥然蓋前  
此所未有也夫普載爲松梵院之最勝一旦燬于火以徙爲吾聖人之宮是固天  
實相成之而邪正廢興之機亦可驗矣建在宋稱小鄒魯人文之盛甲於東南親  
師取友由文獻而可考察其前之所其明持其後之所其懼則去其非以就其是  
見其大以忘其細他日士而賢賢而聖光我先烈使吾聖人之道益尊又將不有



望於今日乎

重修西山精舍記

精舍在浦城邑治東南舊學之西今創藩臬分司之右按誌宋嘉定十三年先生由集英修撰安撫江西丁大夫人憂十四年築室于此以與朋友講學有拱北堂有睦亭各自爲記以見志歲久湮沒至我朝景泰間邑令何俊始圖興復擇其子孫之賢者以奉祀事正德中前侍御程公時言又增以墓田然亦未稱也嘉靖庚寅夏六月予以賑災至謁公于茲而傾圮益甚乃出餘帑義激邑民之好禮者凡六人以相成之別立廳事五間以妥公神前爲重門後益以川堂東廡規制弘敞資材精備雖寸木片瓦之易汙朽者不得雜焉嗚呼斯可以久矣使後之視今者時護而歲葺之則先生之澤庸將有窮乎先生自少篤志格致之學應博學宏詞之選而私淑于子朱子者其功尤粹故其文詞足以羽翼仁義其材識足以濟物安民其忠信足以格君善俗載在史官者班班可考實一代之通儒而吾人之所圭山近稿 卷一 五 仙居叢書

新建崇賢書院記

當心企而及焉者苟宦于斯其孰能不興起其景行之思哉  
崇賢書院所以崇祀崇安之賢使凡由仕而入閩者必首造焉庶幾瞻仰而得所觀法且以詔其鄉之士大夫使知世之所以報祀者在此而不在彼庶幾歆羨而有所取法焉由觀法而得善政由取法而得善俗則我國家之治化豈不益光大乎由一邑而得多賢則全閩可知矣豈不益增重乎書院在崇安邑治西之通衢自南閩第一關而入者必過焉其地之直其廉費之給以贖金其山川之勝白華諸峯若端向拱揖而西溪環抱其後又舊有茂林修竹若天以遺後人者前爲重門繚以週垣中爲崇賢堂堂北爲六龜以安神自游雁山而下胡則武夷籍溪致堂五峯亦堂劉則屏山草堂自晦翁而下蔡則西山節齋九峯以及劉雲莊熊勿軒徐進齋有功於道學者凡十五人各以齒序以類從而父祖子孫師生之席不紊劉忠顯忠穆忠肅吳武安翁忠承則以忠義從江少徵則以隱逸從雖所造不

同而足以表世一也不敢像時制也堂之後爲泰山仰止堂揭御製敬一箴于楯

上龍文金書昭其重示所尚也與前堂各自爲兩廡廡東西隙地別爲小房擇蔡氏子孫之知自立者生員文祥居之以備潔除籍廢寺田八十畝爲租若干以充春秋祭享以備時葺之需經始于庚寅之臘落成于辛卯之春其材精備其制宏敞其慮久遠廡廡餘室可以講學可以會文載瞻道範仰誦聖訓可以自得師閩洛之墜緒可尋崇安之後賢將不由是而益著乎維時大巡施公鎮卿虞公惟明蔣公伯宣力主其義大中丞南津胡公少監師公迺贊其決始謀而董成者予予實不肖而諸公則極一時之望也共其役者經歷陳言縣丞袁大純義民暨益知效勞例宜及之

平政橋右路記

東甌平政橋之北舊議路分燕尾以便通濟臨江二門之出入今其橋與左路之成者凡若干矣惟右路以難阻徵費於左也民實艱之予始至數有以告者予曰此易耳告者掩口而咲予曰何爲其然也告者曰茲役之興必市民居徙郡城費動以千金功遲以歲月予胡言之易也予應聲曰民匪路弗由雖其費其勞庸可

圭山近稿 卷一

六

仙居叢書

以已乎斯予責也亟往度之隨出餘帑市木爲樁採石爲礎凡兩越月費僅百金而堅美完固則又倍於左路之十五六蕩蕩平平告者駭以爲神予因曰蓋善必積而後成猶一簣之能爲山也日累月計之功始若不足而終有餘駭然其能成立今日之謂也彼驅民徙城之議功非不高而用力則病志非不銳而造就則難是猶欲以一蹴至聖賢者眩人以浩瀚不可測之津涯徒使之望洋也惡在其能有成乎告者唯唯而退

自明亭記

亭以自明名紀事也何謂紀事張子按建州之旬日因閱視而登黃華之巔巔有樓所以壯形勝而備遠覽也張子慕焉奮而登之既至若坐幽室物無所於見扣其故或曰始爲樓懼其孤立翼以兩廡壯以前堂堂成則外觀其美而中之明或



蔽焉張子曰嘻有是哉斯不有類於學乎夫學者遜志時敏尤恐不及苟以人之劣已也肆然誇張則內外扞格而堂堂之容貌難與並爲仁矣又不類於政乎夫政者吐握禮士尤將不能苟以人之慢已也侈然尊大則上下扞格而訑訑之聲色拒人於千里外矣亟命撤其堂而易以亭因其材小其規制不疲人力不費帑藏不崇朝而告成張子登之八窗洞達左右無蔽志之所向目之所覩無弗如意而凡城挾閼闔如罌如鱗楮樸松篁若偃若舞雲屏霞渚瑤卉珍禽莫不合形輔勢效伎于樞簷之下於是向之蔽者以舒幽者以曠樓之高爽雄壯殆將傑然天下之大觀矣嗚呼然則學與政者其蔽也豈人能蔽其明也豈人能明之哉因茲亭而有得焉故以名而志東壁用告來者

君子樓記

樓之興以嘉靖己丑冬臘之望而其成以庚寅夏孟之朔不鳩工于民不出帑于官不程限督責于匠氏凡百餘日而訖功若有默祐之者分上下以象兩儀翼二

圭山近稿

卷一

七

仙居叢書

廬以稱四象上三下五成八卦之數前後各五以足天地之成要皆總於太極焉高泊城十尋廣七十二尺深二十步材木之美梁棟榱桷各適所宜輒石之整精粗巨細必中其節外示樸素內蓄文理奢不可踰儉不至陋中設竹壺一木榻十漆几十二如一日之有支于然以備燕遊之需登此樓也若脫凡近以遊高明若沉疴之去體目爽氣定心曠神怡不爐而溫不扇而涼不煩指顧而左右前後千態萬狀之奇觀畢著山雖高不能擁林雖密不能翳水雖激不能撞鬻闌闌雖侈肆不能喧囂屹然壁立如居上臨下人得而狎焉嗚呼建之爲州久矣而此樓不常有雖有樓而未必高爽精密一覽無遺如此也豈地以人興而造物者有所待歟樓據郡城西南隅崇建浦壽政松六邑之水合流於此而西折予始名曰障川蓋取韓子障百川而東之義也或曰障漲音同在所諱予曰然樓以人立而名拂之非予志也豈問其諱哉雖然予聞昔人以康節爲空中樓閣易之坤曰君子攸往西南得朋言君子之道柔順利貞合坤德也退之記宴喜亭名其池爲君子之

池言虛以鍾其美溢以去其惡也若茲樓者含弘光大不隘不幽人無貴賤士無賢愚皆得以扣其中之所存與其外之所該無憾惑而狐疑焉又大儒之邦也名以君子不亦宜乎因茲樓而聞予過又托以自勵且以望于郡之士大夫也予得無樂乎士大夫得無樂予之樂乎遂書以記同樂

考亭石坊牌記

予嘗讀子朱子大全反覆考究其師友咨問之語無非格致誠正修齊治平之實學雖近而一言小而一事必本天理而度人情上考百王之成法下立萬世之準繩真一代之元龜諸儒之大成也若夫表章六經作爲傳註不過傷漢儒之附會疏釋此理以發明先聖先賢之蘊奧使斯道如日中天家喻而戶曉之一洗漢唐之繆誤以啓我後人特道中之一事耳要之先生之所造不在是也後世不察以傳註爲先生功固不足以深知先生以傳註爲先生病又豈足以知先生哉按譜宋慶元元年乙卯先生始定考亭之居六年庚申三月甲子而先生歿是考亭實

圭山近稿

卷一

八

仙居叢書

先生之闕里不可以不重也明矣世之尊先生者有堂有殿有廡有燕居有故居又有慶雲樓半畝方塘亭有泰山喬嶽景星慶雲道學淵源等門其所以崇道德而極壯觀者無弗至矣然而隨新隨廢未能爲久遠之計者也嘉靖辛卯侍御蔣公伯宣巡歷建陽振治萬事沙汰百吏之餘尤以崇德尙賢爲首務瞻拜道範嘆廟門之卑隘遂以謀於不肖欲爲石坊牌之舉儉雖不肖當任其勞矣乃捐贖金卜吉採石以命縣丞司馬懋成之而僭以蕪詞紀之俾他日有欲肆詆毀者必觀先生之全書以仰求其所養所造之極至庶幾有以肅敬畏之心消傲悍之氣使吾子朱子之道復大明於天下侍御公之力也茲役之興豈非扶世教之一助哉

遊陶園記

言而見道謂之言行而見道謂之行道之切於人猶人之切於言行也而知者鮮矣故言者心之考也行者言之著也由其著而得其言由其考而得其心取人之法盡於此矣晉靖節陶先生元亮篤志於道者也其與道汗隆也時也非其情也



其言也約而非略也其行也逸而非放也至近而至遠也至易而至難也夫豈歸  
去來辭一篇足以盡其趣不仕僞宋一節足以盡其賢哉觀其詩曰匪道曷依匪  
善奚敦又曰徂年既流業不增舊志彼不舍安此日富宛乎吾見其進未見其止  
之意也又曰衣食須當紀力耕吾不欺營已各有極過足非所欽又曰義農去我  
遠舉世少復真汲汲魯中叟彌縫使其淳芻蕘有餘溫採莳足朝飧貧富常交戰  
道勝無戚顏宛乎用之則行舍之則藏之意也夫舉天下之欣戚不足爲吾心之  
軒輊非識高趣遠超然物外者能之乎故曰元亮晉之見道者也歲辛卯予訪少  
卿恆叔楊公于陶園歷覽庭榭池島而見其所取陶辭之警拔者咸揭以爲扁然  
後知楊公用心之勤而慕陶之切也夫善效郭者不在於折巾楊公之慕陶庸非  
有取於其道乎取其道而尙友其人則陶雖謂至今存可也茲園之勝庸奚減於  
今昔乎雖然予聞楊公篤志厲行用世之才也雖非元亮之苦節而有元亮之風  
韻觀其五十而勇退七十而色養優游順適不能與世浮沉其居茲園也哦詩以

圭山近稿

卷一

九

仙居叢書

爲樂宴賓以爲娛義訓子孫以爲家世之業要亦脫然于世累者今且七十有二  
矣其精神益完詩律益細遐齡晚福雖自天申之得非積累之漸有以來之邪如  
是而謂無減於陶也亦宜矣公從弟副憲乾叔與其姪僉憲元夫咸以予言爲覈  
實請以紀會晤之良遂相與棹方舟出清漣過曲徑三島徜徉于萬物得時之境  
洗盞更酌各充其量援筆而書囑而別

全閩勝覽解

客有過張子者儀容脩姘號爲知己張子以俎載肉以觴崇酒邀而燕請君子之  
樓酒將半洗爵樂賓不離席而取竹壺投之計算以資勸酬迭相進退無驕吝色  
終席揖讓無情容蓋志投而情洽也客將別揖予而言曰閩之爲州者八建特其  
一耳子以全閩名樓得無言大而誇乎予曰然誇則誇矣然未踰其實也客不聞  
舉一隅不以三隅反孔子則不復之義乎予請以樓所見爲客諦言之夫建八閩  
上郡南越喉嚨其風氣之所萃咸人物之所珍茲樓若天建而地設極千奇萬巧

以舉陳豈徒美願盼於城市尤將兼幽爽於泉林其居上風而後諸州久矣是故  
晦菴純粹諸儒大成建之道學閩之道學也文敏宰輔三楊首稱建之名臣閩之  
名臣也環溪砥愚屏山勸俗建之祀典閩之祀典也清獻以文黔國以武李公全  
城張君死虜建之名宦閩之名宦也斯其在人者若夫籍溪分流西山演派一考  
亭之淵源黃葉時北紫芝拱南皆武夷之透邇知建之山川而閩之山川可知矣  
麗譙百尺襲王審知之故宅節鎮十尋仍王崇文之舊居觀建之宮室而閩之宮  
室可想矣斯其在物者若夫街衢洞達城挾填盈舟杭所通閩府所呈平政有橋  
純孝有坊正學有里大儒有邦威武講武儒林業儒郡衛有堂監臨有司梵院寂  
寥傳陞絡繹建閩所同遵且勿數斯其在政與事與俗者若夫稻梁之爲甘美麥  
秀兩岐草木之爲天喬桂實離離魚鱉之爲鱗介縮編尖鮑鳥獸之爲羽毛素鷗  
玉狸夫物則亦有然者斯皆樓之所有姑舉遠以該近語大而遺細聊以備指顧  
之實書嘆茲樓之宏麗其耳目之所不及非筆札之所能盡記若拘拘於一方瑣

圭山近稿

卷一

十

仙居叢書

瑣於一伎此蹈常襲故者之所爲而非君子之達觀也客以爲誇乎爲非誇乎客  
曰唯唯建州勝覽聞子之言而百倍矣

崇賢書院釋菜文

嗚呼斯道之在人心者不可一日亡而胡自孔孟沒而無聞而胡至濂洛關閩而  
大振成彬彬其躍鱗而胡惟宋季爲獨盛而胡至於今其寡倫蓋人之所以不死  
者心而所以死者利與欲之交侵所望得師友而講明所賴上之人拳拳其作新  
苟行不著而習不察又惡知其自己之汨汨而汶汶儉也不才分按是邦企前修  
其如渴舉憲職以不任方將省日過而夕惕敢謂能綱立而紀陳念民俗之沒溺  
實利害之切身苟教養之無道徒志疲而力勤慨諸賢之流風遺韻良足以鼓舞  
陶鈞爰創斯堂以妥厥神吉日時良朗天氣清有酒既旨肴斯馨豈功德之足  
報聊誠敬之稍伸惟賢有靈嘉惠後生使愚者知廉貪以立懦俾習者咸慎言而  
尙行遠續閩洛之墜緒無替鄒魯之芳聲庶幾植綱常於永固揭日月以長明也



送孫少尹六年考績序

古之爲官者恆難乎其大今之爲官者恆難乎其小難乎其大則恐恐然愧無以塞天下之重望而思盡其職難乎其小則汲汲然懼無以據天下之要津而速去其守思盡其職此官之所以理也思去其守此政之所以隳也噫古今人之不相及也如此夫古之官者自卿士諸侯以及方伯連帥縣大夫里胥之屬莫不視其德之大小以爲崇卑此人之所以勸也今則不然限以資格積以年歲苟相等雖庸流與智能並進矣好其從已而諂諛者不好其直已而守道者苟相得雖不肖與賢俊並登矣是豈獨古今之罪哉僊居爲台下邑事最簡民最醇俗最禮義有先古靈之遺風自古靈至于今亦遠矣然未聞有繼其芳躅者豈真今人之不如古耶抑卑其職薄其守而弗加之意耶予昔自都下識少尹孫君深器其爲人既而出按江閩每鄉人至必曰孫少尹清廉愛民佐曹公出政有方得爲人牧之道焉予又私喜知人之不誣然則孫少尹豈真難乎其小而思速去其守者哉是今

圭山近稿

卷一

十一 仙居叢書

人之不如古也亦未必盡然矣雖然今方嚴久任守令之例曹公未六載陞開封別駕以行開封劇郡也曹公獨以清勤得美擢是用者亦未必盡以年歲資格拘孫君亦六載于茲矣又安知茲行也陟明之典不有美擢如曹公者乎予方以是爲古今世變之占故于其行也不以臚而以言



明張 儉存禮甫著

尹暨錄小序

子程子曰今之監司專欲伺察州縣專欲掩蔽不若推誠心與之共治可敬教之可督督之至於不聽擇其甚者去一二使足以警衆可也張子曰仁人之言其利溥哉夫秉彝好德者性也利鈍者才也名利者習也變其習振其才開其性者聖賢之公也寐就寤熱就濯者人心之同也斯之謂祥麟瑞鳳人人快覩矣否則私私則察察則苛苛則去人益遠激以邀名峻以集事詔以苟容之弊生矣名實益離民患益滋上下扞格之勢益成矣惡在其爲明哉嘉靖壬辰秋兩崖朱公以誠按蜀督下之令一洗常格而新之見者罔弗予予知其學之有本矣既而出尹暨錄授予讀之凡十六篇篇出新意發警語不激不隨切於民見於實行鑿鑿乎親民之成規非賤今慕古襲取強爲拂乎民戾乎俗者比也使爲郡若縣者事事圭山 近稿 卷一 仙居叢書

而師之雖以造卓魯可也然則公之爲縣也不爲掩蔽則其爲監司也不爲伺察良有以哉二者咸可訓也重刻之俾爲蜀觀法

中孚橋記

達古爲通州州治迤南山曰翠屏水曰通川川之水發源關西歷太東而合萬頃池汪洋湍洄不可以厲揭又州自唐貞觀置總管府景雲中置都督府迄我朝成化十九年置撫治司蒞以憲臣兼制川湖夷漢之民自重夔播州以至瞿忠施州其爲文武土流之屬員動以數百計其爲輿圖之廣動以數千計其爲政教兵刑財賦之劇司動以萬計其爲訟獄戎伍輸役之人動以億兆計咸不越茲川以度往過來續舟楫朽敗風雨所飄漲溢所漂甚爲民病嘉靖辛卯冬予奉命承乏監司既至渡川左右以病告予諦視之曰其浮梁歟越六月壬辰之夏政通人和乃以告州守吳昇守曰斯可以浮梁歟又以告于州之人人僉曰果可以浮梁也既而義民冉添俸氏告曰明公將以逸道使民乎俸請以五十金相之予嘆曰是可

以義動矣乃下其議于州民罔弗率俸爲首倡諸尙義者和之予足以贖金掄材鳩工凡五月而浮梁成爲舟四十艘爲板二百七十截爲鏈一百二十丈埠墊以石扁覆以亭堅緻精固實倍於凡梁民稱便焉吳守以名請予曰茲役也上以順使下以說應上其中孚乎夫中孚爲卦上巽下兌木在水上又外實中虛皆爲舟楫之象故易曰中孚豚魚吉利涉大川利貞子程子曰豚躁魚冥物之難感者也孚信能感於豚魚則無不至矣所以吉也忠信可以蹈水火况涉川乎茲梁也殆有取焉雖然橋梁王政一事也由橋梁而推廣之凡司之政與州之政咸若中孚則達之民其瘳乎由達而推於省於天下咸若中孚則省與天下之民其瘳乎由今以及後自一世十世百千萬世咸若中孚則一世十世百千萬世之民其瘳乎吾與子出入茲梁願名思義匪貞勿動匪義勿施民之孚豈直豚魚哉吳守唯唯予從而爲之歌歌曰昔也弗梁民其病魚今也梁之蕩平以熙昔也弗梁舟之楫之今也既梁載馳載驅我舟我梁匪惠以私輔天之道相地之宜誰曰匪厲惟圭山 近稿 卷一 仙居叢書

順是俾誰曰匪梗惟說是趨上順下說是爲中孚由之念之以遊以嬉保之葺之勿忘勿遺惟義與信萬世同之

陶太淑人壽序

平山李將軍文武材也與臬大夫圭山子善一日肅冠服具書幣謁圭山子請曰爵聞匪義弗彰匪文弗傳今太史稗官氏之採風泯矣痊德泥光志士恣恣以爵不敏受知門下匪母慈訓曷茲克臻斯厥孟夏實維誕辰可無一言以贈耶圭山子曰姆教熄而賢母寡聞此家之所以不齊也懿德可書願聞其詳將軍曰先君子強學力行以千戶致位參將雖屢空而樂惠施內助力居多爵少孤異母弟若妹一視膝下如已出長遂婚嫁無間言嘗語爵曰教有所闕維吾恥修身篤學自汝得之迺脫簪珥延明師躬課儉素俾爵駸駸向進不卽于荒其他率類是矣圭山子曰嘻維母賢以成其子惟子賢以彰其母古唯陶家母子有焉然凡爲子者尤不可不勉也士行當曰大禹聖人尙惜寸陰至於衆人當惜分陰豈可逸遊荒







旅動色曰美哉暮而悴再日而稿矣或曰太速則銳太遲則滯滯與銳弗爲也予折中焉本無巨細枝半之堅築而時漑之旬日且榮月而悴再月而稿矣惟如令者始若不足終而暢茂條達無得而禦焉逾時張子過之扣其故得二說焉顧侍者曰茲不有類於學乎夫面命與私淑者一也大其本者大其志也去其枝者去多能也深植堅築時視而日漑者功有恆也志小則狃於近能多則惑於岐功無恆則一暴十寒也如學何惟柳亦然本且未固何有於枝故多分則稿速少分則稿遲亦理也勢也吾見天下之學矣高明者以空虛宏博者以詞藻豪邁者以逸遊未有專心致志者也不猶繁枝之戕未生之柳乎吾懼其難入道也因書以自警

平羌野史序

大中丞南澗楊公征西之日蜀臬副使張儉從侍茂林因識玉壘雪山岷江棧道礪房棧橋之險勝且時方季秋九頂之雪已再積其餘諸山則蕎花黍熟紅綠滿圭山近稿 卷一 五 仙居叢書

前可喜可愕咸不可以不誌故不揣荒陋特錄所聞見爲野史以備采風擇焉若公凱奏天朝奇勳偉績自當銘諸太常紀諸太史氏儉無得而預也矧敢佞乎維蜀坤隅多崇山棧道岷江東注如建瓴奔衝滿湃之聲不絕于耳乍至者毛骨悚然自玉壘瀾門雪山虎頭以迄疊溪亘數百里氏羌之種非一夾河以居咸結礪拒險髡首垢面毳衣鮮食剽而輕生貪而罔利由漢宋以來鮮有臣者我國初既定疊溪兵糧取道于此乃歲時賞賚以結其心故附食漢官稍知服役者爲熟番專恃齊力不受賞賜者爲生番乍服乍叛亦莫之克制其最鴛鴦如鷄兒鷄公鳥都鷄鷄刁農黑虎三姐諸寨掠鹵無虛月民受荼毒者亦莫之控訴習之積遂誘百戶作勦殺之當事者畏激變亦少懲而已嘉靖辛卯勢益熾當道忿忿滅歲賚別求東路以行諸羌快失利癸巳春遂大舉入寇圍長安邀索金幣饗養之慾猖獗之威漸不可長迺侍御通山朱子禮氏集衆思以聞於朝本兵議是之選將檄兵解長安之圍未終事以罪去時七月壬戌也聖天子軫念蜀邊孔棘遂簡命

南澗楊公爲大中丞撫授蜀之節鉞錫以璽書公受命不宿于家倍道而進甫蒞任卽檄諸司議曰兵凶戰危始謀惟臧茲西羌夙擾邊鄙予奉命來征敢不祗懼子大夫其弼予嘉猷哉其簡爾兵戎鍛爾戈矛時爾稟糧以欽王事哉衆曰諾癸未公次于灌賦詩以見志庚子公趨節茂林相度機宜爰得其要輯諸將士諭曰蠢茲大戎負義聚逆梗我糧道圍我城堡荼毒我黔黎子則習知叨憤無髮罔中于信凡民罔弗愁子則習知茲予以爾西征志惟削平匪予嗜殺惟敵之應予匪貪天之功惟庶從康子藩司臬司將士庶士其矢心弼予哉先聲後實古亦有之敗豈在明惟細是圖正或奇之角或倚之合或誘之虛或擣之強或驕之堅或勞之欽哉惟時汝惟勿愆予惟汝功之庸汝弗克供命國有常憲子大夫其勗哉僉曰諾於是諸將奮勇據險嚴斥候謹問謀平道路丁亥師次長安軍威大振諸羌自百餘年來未見師入其境至是相顧駭愕莫知所謀壬辰伐烏都鷄鷄克之先是諸將問道入寨合圍攻賊賊出戰遂敗斬首五十級俘牛羊兵器以千計焚礪房積聚以萬計九月庚子遂圍遮花高黃鱒魚諸將乘勝以三寨無備欲攻之以絕後援果而諸番失利斬獲稱於前壬子伐鷄兒克之先是鷄兒合黑虎三姐爲援拒守月餘我師晝夜常若相向以勞之至是度其困憊乃出師挑戰賊方交鋒我師四面合圍賊潰遂大敗倍其俘獲焚毀有加甲寅魏磨漢竹木坎來降丁巳刁農鷄公降先是番黨喇嘛思結白兒什七斤等各備牛馬盛甲請降公許之迺單騎至長安諭之焉嗚呼爾羌越人于貨國有常刑汝惟弗寅念奇橫驕度自作不典我皇帝憫爾妄權非辜報虐以威汝則勿格以干天刑嗚呼爾羌昔人有言雷霆所擊無不摧折自作孽不可追爾惟怒蟻我惟轍爾惟聚蚊我惟雷爾罔克畏天膺播爾命豈寧鳴呼爾羌天子有道守在四夷茲我先王太祖太宗暨我嗣王聖以繼聖天作聰明爲民主爾曷勿夾介我明王以熙天命哉嗚呼天德無私親惟帝罔弗仁爾曷飲黜乃心愛乃身哉我天子宥過無大爾其宅爾宅敗爾田哉諸羌曰諾咸頌首繫頸羅拜馬前委命於下吏且自誓曰敢不世共帝

圭山近稿 卷二

六

仙居叢書



臣者有如此江公大悅賞犒有差願諸將曰威以威之恩以括之西陲無患矣乃磨虎頭崖大書高吟識盛美振旅而還

贈憲僉李瀘濱先生奏蹟序

士之仕猶女之嫁士之仕有臣道焉有父道焉女之嫁有婦道焉有母道焉臣思忠婦思孝父母思慈忠非犯顏敢諫而已也凡職之所當爲力之所能爲但有裨於君民者皆是已慈非矜憐撫摩而已也凡所以興利革姦以裕乎下創業垂統以門戶者皆是已慈非矜憐撫摩而已也凡所以興利革姦以裕乎下創業垂統以裕乎後者皆是已學弗仕筭弗嫁則無義亂倫臣失守婦失身則萬事瓦裂仕之爲義大矣哉後世倫理之學弗講以仕專爲利祿之榮以嫁專爲祗席之愛嗚呼仕止於利祿可以弗仕矣嫁止於祗席可以弗嫁矣此國所以罕純臣家所以寡賢母也予自辛卯承乏重慶得與臨安李瀘濱氏寅恭者僅三年瀘濱忠信慈惠人也學博而記政練而通至於議大事決大疑胸中涇渭若燭照數計而龜卜故圭山近稿 卷一 七 仙居叢書

所履歷咸籍籍有聲予之始至也瀘濱以正忤當道謀予去予告之曰仕非細故也古人三月無君則吊豈以無故引去乎瀘濱遂止既而予以疾欲去瀘濱反以予言告予亦釋然今瀘濱且奏蹟天朝矣政化所被東川之民仰之思之亦猶赤子之去慈母其於臣道父道庶幾以無愧哉第予之去瀘濱日遠則向時麗澤之言寡聞寮友之義將奚爲情郡判朱光燾楊子虞節推李璽進曰公茲行也方脩觀省於萱堂琴瑟之和棣華之歡取天倫之真樂誠盛事也可無一言贈乎予因序以識別

爛然亭解

爛然者吾心虛靈之本體也虛靈者知也本諸心無矯揉無假借者良知也聖狂一也維聖不雜不雜則不蔽擴之配天地推之盡物理所謂盡己之性盡人之性盡物之性者也維狂則雜雜則蔽狃狃以生泯泯以死已且不有有於人何有於物斯狂之所以益狂也學者去其蔽辨其雜而復其良知爾矣政者去人之蔽

辯人之雜而復人之良知爾矣斯君子各用其極也然亦不外吾心之爛然者而得也茲理之不講久矣外心以求道遠人而立政天下買買焉豈惟凡民哉兩崖子學於陽明子而得其說矣得其說而求諸心求諸心而盡其理斯兩崖子之所以爛然矣余懼天下之慕兩崖子者得其說而不求諸心猶將泯泯也買買也爲爛然亭解

平真外傳

貞州古夜郎地亦名珍今以隸川東播州叢險積貨爲通逃淵藪嘉靖戊子蜀大饑趨者愈衆已丑賊酋周天星王打魚輩聚黨三萬餘徒驚擣虎噬憑險拒順巴渝告棘川貴大梗有司屢撫弗輯勢益熾越明年聲震京師聖天子憂之時宋公有臺以才望被知於上遂由左納言進御史中丞擢循于蜀總憲度專節鉞爲西門鎖鑰蓋簡命也公至已歲暮委身國事簡兵戎廣儲蓄舉智勇振肅百吏諭賊威德樹之風聲又明年西蕃歸疆疊溪通道事聞天子曰俞秉忠定議不負所舉圭山近稿 卷一 八 仙居叢書

矣錫之璽書寶以金幣庸旌賢勞又六月真頑弗悛乃請兵公出次于渝分將授略決策如神兵威大振遇賊若摧枯然悉中機宜歷日七旬而大愆授首俘獲以萬計公撫其餘黨隸以編氓列隘塞險傾巢空谷真川遂平凱奏天子改容傳制稱賀璽書金幣加於前答公功勳未幾進公秩大中丞申以寵命恩禮渥矣豈非所謂上下交而德業成者耶時朝之縉紳莫不榮之凡蜀之吏與士民莫不愛戴而謳思之金玉琅琅或盈卷帙或勒珉珉儉躬親休嘉因爲外傳附諸君後備太史採焉

送鵬文

圭山張子撫治逾禩釐弊舉廢植正嫉邪大不理於羣口癸巳上元客于重慶行臺遺疾伏枕連夕鷓鴣縱號始若空空繼如汨汨音不可解意亦獲尋蓋將挾鬼物恐動禍福俾予規方以就圓也予嘆曰茲非姦人之徒欺雖然予聞孟子曰求則得之舍則失之是求有益於得也求在我者也求之有道得之有命是求無益



於得也求在外者也誠如是庸孰爲空庸孰爲非空乎誰能以身之潔白而蒙世俗之汨汨乎於是志益厲守益確神益凝定不逾旬而疾瘳行亦如初始知鴟之不能爲妬也因爲文以送之以解世惑焉若曰嗟汝鴟爾曷思汝羣維鳳維鷓維鴈維鶴維鳩維鵠成振于衆以邁種德爾維冥頑并於下流弗瑞弗大弗信弗清弗擊與義狎侮有衆甚於國禦嗟汝鴟爾險心視瞻匪正逆德悖行兇於而親速于天戮迺晝伏夜行潛形匿影窺伺隙挾鬼罔人人罔弗聞汝奚克知嗟汝鴟爾惟凶逆播於詩著於騷驅於周官賜戮於漢制我古后蓋臣咸欲孥戮汝雖有言誰則汝孚嗟汝鴟古我君子壽天不二修身以俟之矧予小子恭人匪懈攷攷慎行若不足惟缺德是懼是惕奚汝恫嗟汝鴟巧言亂德身必危修身慎行動名有終予亦諗聞先人有言不怨天不尤人矧惑於醜類嗟汝鴟人有恆言天網弗漏幸匪常微汝母忽至欲黜乃心悔乃行遁乃道母辱乃羣予亦包荒薄爾爵緩爾刑嗚呼汝鴟其慎監于我言天作孽猶可違自作孽不可道

圭山近稿

卷二

九

仙居叢書

重慶告城隍文

謹遣重慶府通判朱光霽以果酒致告于重慶府城隍之神曰我國家之制明則建官置吏幽則立壇祠神實相爲表裏除暴禁姦以康黎庶維吏若神曠厥職則有黜罰憲典具存茲者重慶盜賊布滿虎狼噬人其苦之斯固有司之弗職亦爲神者之勿欽也某奉天子命承乏監司釐弊舉廢夙夜匪懈亦惟國家之大憲是慎是怖况於神其可以弗靈乎今特與神約期以五日或七日九日神速遍戒諸土主俾爲寇若盜咸自改革以歸農否則奪其魄使自投水火以母爲良民羞其虎狼亦各率醜類遠徙眞播萬山之外食熊豕麋鹿安其身以種其子孫倘仍黨奸養暴以毒於民弗職其矣天子之命使必將出許猷選材勇操利刃毒矢殄滅二醜以衛民且疏神之弗職于朝以議廢置慎毋悔

祭吳忠武公文

嗚呼惟公英特之志敏達之才堅白之操不可奪之節載在史官銘諸太常某無

得而名也念昔倅台聲譽四馳某自早歲以文受知公之愛我略其尊卑宴我惠我願我僑居給乘與力延我爲師今之俗吏僞克爾爲公之望我超乘翬飛我實不肖愧負遠期逾三十禩踟躕卑樓豈非命邪才與世違公之大節凜凜於茲我瞻英靈涕下交頤蒼蒼者天茫茫者祇孰無知已我獨增悲一觴之奠永著勿遺

奠楊夫人文

嗚呼闔闔者一元之死生存歿者一身之晝夜故道妙乎化機而氣形於代謝有榮必凋有壯必憊莫可強而齊莫可逃而去惟達人之大觀視百年如一噫弗璞璞於殀壽之常豈役役於精神之弊斯所以順天安命龍蟄蟬蛻也哀哉夫人眞修淑惠姑嫜稱其孝而賢夫子說其敬而愛著母儀於樛木徵善慶於庭桂奈何一夕永夢而寐神宵宵以遐升友湘娥於異代如月西沉如川東逝斯固觀化之恆理又奚惜於儀刑之不再某等幸托交於君子聞訃音而長慨聊遺奠於一觴冀英靈之不昧

圭山近稿

卷二

十

仙居叢書

送大參黃月坡之任滇藩序

予與月坡黃公爲同年進士正德中同官南畿嘉靖初同官都下其志同其遭際又同其言論心迹亦莫不同既而予僉江臬月坡參滇藩歲辛卯同轉蜀憲副予至而月坡之聲譽已籍其矣予喜月坡離而復合得以終請益月坡亦視予如兄弟然凡可以體國安民者靡不殫力爲之而蜀賴以康甲午之夏月坡擢滇藩大參以行予方不任悵悵而諸僚友感其道誼之好亦莫不惜其別而冀其復聚也命予序之竊惟今之藩司卽古之中書省所以建大猷參大政阜康民物安利社稷宣布天子之化理贊襄化育之不及其職其重况滇爲西南巨藩壤接西廣地邇交趾有土漢之休戚有夷夏之大防非特清案牘而慎出納已也茲銓司以月坡敷揚之績詔于聖天子而簡命之固以致眷注於月坡矣月坡思職守之重念簡命之隆必將大其設施以展平生之實學以副諸僚友之期待也

贈俞文峯擢建昌副憲序



予讀宋史至咸平中見張忠定公復知益州之事然後知古賢君愛養黎元保固疆圉憂之深而慮之遠也夫以忠定公之剛正忠義始知益州治政優異繼而復來政績尤著可謂上不負天子下不負百姓中不負所學矣而真宗所以褒獎之者輒曰得卿在蜀朕可無西顧之憂吁何明良之遭際有如此哉蜀介秦楚間與西裔雜處氐羌之種無慮數百咸據險爲寨自古爲患而安綿松潘建昌諸道尤當其鋒嘉靖己丑簡命俞君文峯爲安綿兵憲文峯才識精練威惠並行未幾而壩底納款歸厥侵疆平番堡成而彝夏斬然事聞聖天子大加優獎癸巳歲文峯以年勞奏績遂有建昌副憲之擢蓋建昌在大渡河之外壤接滇南土地物產異常春夏多瘴癘俗惡蠻悍尤爲繁劇故前此若今大中丞南潤楊公方岡胡公皆天下之才望非此莫可使者茲聖天子復以處文峯其亦復以忠定公知益州意歟文峯感激知遇以向所治安綿者治建昌宜如就熟路一輕車無弗易易况知其地之難與其命之重則其所以懋著大猷艾安西陲以福全蜀者要必不使

圭山近稿

卷二

十一 仙居叢書

忠定公專美于前矣予與文峯忝同鄉同寅以處則久以知則深辱諸寮友之命聊舉忠定公爲期亦輔仁之義也文峯他日宦成德立遺愛在民以列于四賢之祀其亦有徵于予言歟

蓬州六橋記

善言道路者可以喻人心道路之險艱人莫不惡之道路之夷坦人莫不好之天下之心同古今之心同也蓬爲果之上郡與東川接壤山谿之險十倍梁益州守劉君河以清才雅操來蒞是邦拳拳以民心未古爲憂推愷悌之誠舉平易之政不逾年而民之化之也若飽歷羊腸而脫迹康衢視諸郡縣實大相徑庭矣予撫巴湘三年自達入省過蓬者數四觀其士寬而肅矣視其民恬而熙矣察其吏畏而懷矣田野闢矣庠序興矣倉庫實矣豈惟道路橋梁哉乃進而語之曰子之政有本乎答曰自正心始予喜曰民之不知正心也猶其不知平道路而興橋梁也轉移之機其在人上若吾子可謂知本矣豈惟蓬守哉雖以相天下可也吾子其

勉之劉子曰諾予愛而器之述答問之語作六橋記其事始末與其人之勞績則識于陰

重新蓬州儒學記

予讀孟子書至仁人之安宅也義人之正路也未嘗不欲莊而嘆曰嗟乎仁義之切於人而人固有之也嘉靖辛卯之歲予忝監司于達節以告其庠之子弟於是

有悅而譯者有俛而思者有反觀而內省者循循然若有漸磨之意癸巳冬迺相率請曰盍廣吾宮墻大吾堂宇而示之以述乎予曰然士知所趨矣然而有司之事也乃以請于撫臺南潤楊公擴分司之地爲堂爲齋爲門爲敬一之亭又以舊堂遺址爲啓聖名宦鄉賢之祠爲學職之舍二又市民居於泮池之西南以弘大其襟膺而茲學大備焉於是署州簡推陳瀛率諸士進曰明公既遣我以進脩之地矣然而道也高矣美矣阻於難者怯於進銳於初者倦於久其亦有要乎予曰子知衣與食乎夫終歲不得衣則寒終日不得食則饑饑寒者身死之漸也故人莫切焉人而不學則無以見性無以見性則如草木禽獸然狃狃以生榛榛以長心死之漸也夫身死莫大於心死則學之切身將不愈於衣食乎聖人者人之的也五經者聖賢之迹也夫不知其的與迹而不求者身存而心死者也求焉而未至者君子也求至而止焉聖人也非有增損也性也諸士勉之則與茲學同新矣慎毋怯於難而倦於銳也諸士勉乎哉

圭山近稿

卷二

十一 仙居叢書

左轄鐵索橋記

橋之成以竹以木以石未有以鐵者鐵索之橋自松州始然訪其制多簡略索少而布以荆一舉足則撼動不止可駭可愕又荆必歲數易乃克有濟當事者疲而非長久之計矣達左峽渡去州治六十里渡之水爲龍湫以時潮汐雖大旱不涸涉者病之予撫治之三年過者數四間觀有犯不測之險者乃相地得石崖二相時對如轄又如馬跡龍門然高可十許丈廣三十尋蓋天建地設自然之形勝非竹木石之工所能飛渡也遂議於上置鐵索大者六小者四六爲底而四爲闌伐



堅久之木爲板箱以車輻長九尺廣六尺者二十有四各爲牝牡之制繫以鐵鈕  
又旁爲連枋長二三丈許每三輻而聯屬之石崖之上爲屋一楹覆以重石如陶  
瓦而以鐵索繫於有機之橫木輪轉既定鎮以石柱設板輻於上而丹漆之車馬  
之過如乘豐隆跨長虹而入天衢也遠近便焉然其制則前此所未有耳越三月  
既訖工予過而喜之題曰左轄橋蓋峽與轄聲相近又左右轄者宰相之職也幸  
相佐天子變理陰陽裁成輔相以贊天地之不及故高宗視傳說曰若濟川汝作  
舟楫言川非舟楫莫濟而橋梁又舟楫之推也况達自唐宋以來李嶠劉晏元稹  
李適之韓滉張商英咸以州司馬刺史入登相位迄今而六相之樓傳焉自今而  
繼古又安知不有公輔之器由疏遠而躋顯要如若人者乎吏于茲土歷是橋顧  
是扁思是義必特懋德懋功懋學福于近澤于遠以濟乎險艱以不負聖天子寤  
寐之思側席之望斯予所以深致意於後賢而冀斯名之稱情也茲役也相厥事  
者變推陳瀛而新寧尹石尙寶東鄉尹董威開尹饒繼明董役者吏目高華以義

圭山近稿 卷二

十一 仙居叢書

刻三賢集叙

嘉靖壬辰之秋某既以變三先生流風遺澤建白當道創蓮花峯之祠矣既而大  
巡朱子禮氏檄諸司梓行名賢遺稿郡察長二復以禮聘太史楊實卿氏類選三  
賢集刻之書成范守廷儀等使訓導曾鎮致辭於某曰集之刻梓人已竣工矣盍  
序之以傳示變士乎某卻俗焚讀之喜不釋手因嘆曰賢者之文其有功於道有  
裨於政乎某聞上古庖犧氏仰觀俯察而畫八卦文之祖也堯舜氏精一執中更  
相授受道之宗也文以明道道以立政道明政理則治隆俗美而天下平斯文之  
爲用所以經天緯地華國而傳之不朽者也觀於三賢之集詎不益信矣乎夫太  
極圖通書尙矣王宋二公之文明白簡易博大精深其論事必本人情其論理必  
根天命孰非有用之實學乎使變之士由言以考心由心以考行則絕學可續敝  
政可新濟俗可厚將不徒爲絺章繪句入耳出口藝焉而已之學矣變士勉乎三

賢聞於變以告變士者欲其知所信也知所信則慕而愛慕而愛則傳豈徒傳乎  
斯郡察長二之意也某則以斯集之傳愛之者衆則效之者廣將大有功於世教  
豈徒變乎哉鎮乎其以是復於郡之長二可也

刻縉雲馮先生文集叙

聖人之文明天地之心賢人之文明聖人之心儒者之文明賢人之心其矣文不  
可以僞爲也未至聖人而言天地未至賢人而言聖人未至儒者而言賢人如深  
山窮谷之氓譴雄都巨邑之壯麗飯藜衣褐之士論玉食錦衣之華美非疑似則  
影響矣文可以僞爲乎哉由其文考其人斯昭昭矣縉雲馮先生宋儒也葆  
學累行樂道安貧爲世所推仰嘉熙間以狀元及第受丹稜令政成譽美召行在  
極論和議之非遂忤權奸知萬州部使者至承風旨附會先生由是退居里社者  
十餘年權姦死復起蓬黎州守皆著卓異之政遺去後之思而以左朝請大夫提  
點成都刑獄終焉先生居里社時嘗築室縉雲山中授徒講學所爲詩文五十五

圭山近稿 卷二

十四 仙居叢書

卷肆日所成感據發素蘊而止乎禮義其典雅冲曠愿款幽玄之思憂時憫俗不  
激不隨之體使人諷而讀之有超世出塵之想嗚呼先生之道不大用於時而其  
集不盛傳於世者數也今去先生三百餘年而其集始傳者亦數也道者先生所  
能盡文者先生所能工而數非先生所能必也然則斯集之不傳也奚足爲先生  
病而其傳也亦奚足爲先生喜哉儉生也晚息於學而聞於聞道執先生之集求  
先生之心慨然思尙友而不可得且以重大巡兩崖公之墓古有裨於政而樂節  
推李璽邑令孫奇之知所趨也於是乎言

平羌偉績序

嘉靖癸巳蜀臬大夫浮南張公以川西巡憲兼理威茂戎事于時西羌五寨構讐  
挾賞圍我邊鄙梗我糧道震撼我全蜀公奮厥智勇一鼓而烏都勃鴆擒再鼓而  
高黃鯽魚遮花滅三鼓而刁農鵝兒殲厥類鷄公黑虎三姐竹木坎魏磨溝種種  
心喪股慄或俘或遁或款以降願共帝臣恪守疆圉矢弗復敢叛蓋百餘年未有



之奇勳也時予以事駐茂林召邊吏詰所由來利害之原或曰羌性鴛鴦種庶且繁世讐弗忘苟勝以力是糜爛中國之民而積之怨不如姑與之賞厚其恩以結之或曰羌性犬羊叨憤嗜利弗信弗恆苟餌以利雖傾中國之金帛無以饜其欲不如姑與之戰聲其罪以責之予惑焉持二說歸以告當事者其從勦者曰羌弗可賞言賞者圖利也其從撫者曰羌弗可征言征者貪功也予滋惑焉乃喟然嘆曰茲惟坐視民患乎其哉落落難合其惟人情乎夫冒賞以窺利殺人而罔功罪也因噎而廢食將誰與謀國乎故此一羌也所遭不同則所處不能不異情有可原賞可也賞以安民也漸不可長伐可也伐以安社稷也其志公其事明白簡易者君子也無故而賞賞以謀利無罪而伐伐以幸功其心私其事詭譎煩擾者小人也自古難免于小人矣因小人而盡疑君子抑何持論之不平也茲役始謀者兩崖朱公力任者南澗楊公歷險阻冒矢石身當其利害者則公與劉南原以及兵參諸君也刷士民之忿作邊陲之氣振中國之威以光大我國家績誠偉也

圭山近稿

卷一

十五

仙居叢書

予樂之又重有感于世變且與浮南同年同官也于是乎有言

瑞虹文鈔序

儉聞韓子有言莫爲之前雖美而弗彰莫爲之後雖盛而弗傳故子瞻蘇氏蜀人也擊其文就試于京師歐陽公一見許可而蘇之名動天下及蘇氏之道行則又推之曰歐陽公今之韓愈也由是歐陽氏之道益尊二者豈非相須以成名而韓子之言爲不誣乎儉以眇然小子學未聞道才不適用一日過新都輒以所携近稿謁左司馬瑞虹楊公子僊里公欣然容納賦以雄文噫公之心其即歐陽氏公天下之心乎既而公以文鈔一什遺儉曰此邊帥鄧氏子爲予刻也子盍序之夫以公之盛德顯位文章宗於天下又奚取於不肖之一言然辱公命不敢以不敏辭乃歛衽莊誦俯而思仰而嘆曰郁乎佳哉其如縣圃之清層城之遠乎其如七澤之富三峽之峻乎其雷霆之鼓舞風雲之翕張乎雖然此文之氣也而理寓焉故觀于送揚名父黃汝賢刑理之以及易州山廠題名諸篇而知君臣之義矣觀

于壽王質庵戴茂軒服滿告父以及初訓申訓諸篇而知父子之親矣觀于皇都嘉會雲臺春饒同年醴會諸篇而知朋友之信矣他如建學以造士立廟以報功尊師以立教樂隱以養高莫非大義之所存茲什一出天下之士傳而習之慕而師之將不與歐陽氏並著矣乎儉妄不自量不敢自委於子瞻之後倘因獎拔而收尺寸之名尙當俟公之道大行而備驅策不徒付之空言而已公以爲何如

四烈女祠記

吾邑去西北三十里曰孟溪唐天寶中建貞女祠祀杜氏二女即其得死所也每歲早禱雨輒應宋宣和民避寇其間寇望山中草木皆爲兵畏不敢犯民德之別建慈感廟於五里之內以便供祀至嘉靖丁酉郡二守朱公按邑建雙忠祠祀靖難忠臣盧鄭二公以鄭二女禮弗同享徒以配杜氏二女顏曰四烈女祠獎忠節也祠初隘陋公拓其周垣大其寢室又置前堂爲士大夫拜瞻之所不勞力重費踰時煥然一新而四女之烈家聞而戶曉矣予竊有感焉夫忠臣死職烈女死貞

圭山近稿

卷一

十六

仙居叢書

分定故也分定不可以見性乎何也蓋貞女者非學問羈繫無勉强矯揉之虛飾見明志一舍命不渝自有以合夫天理之公人心之順雖學士經生子然寡儔豈非孟氏之所謂性善者耶故自其揚於家而言則可謂之孝自其揚於國而言則可謂之忠嗟夫世之味性道而蔑忠孝者比比仰視四烈以女子而身繫綱常之重將不愧心而汗顏哉公守台屹然以扶世振俗爲己任自四烈之名一正可以光祀典美風俗勵志節而天下之公是昭萬世之大閑定矣公之功豈曰小補之哉公名世忠字良弼江西南昌人歷官咸著顯蹟此其緒餘云

古靈祠記

先生侯官人宋慶曆七年令於茲後改河陽熙寧中受知神宗仕至樞密直學士先生道以自任德以化民文以名世忠義以忤權奸安善類迄於今流芳簡冊噲矣人口予無容喙邑人初祠先生於鄉賢尤未稱祀典聞朱子登福應覽南峯之勝曰賓主盡東南之美蓋一山爲邑門戶所宜壯觀弘治間鄉大參王公誠之倡



議前令李克常建朱子祠於盡美亭南峯猶舊葬也正德丙子予與司理王民望  
迺商祠先生於其上民望曰嚙服予采予曰六人者義可使民望曰嚙若予守予  
曰山古利廢田可耕老僧宗序居之民望喜力主議越歲丁丑六人徐翰張樞朱  
堅張楠張燁王信圭相成棟宇既新宗序又營別業誓守二祠時葺勿廢勿變煥  
乎東南之美也未幾民望擢置曹行且詰余記其事嗚呼七世之廟可以觀德令  
於民若父母父母之欲利子也罔弗殫力子於父母久而替其祠非孝也先生以  
子保民民之祠先生豈非宜哉雖然予邑自晉永和置縣縣置令由永和而慶曆  
由慶曆至今凡千三百有餘年三百有餘令未聞有祠民豈私於先生哉先生之  
後有令劉光者民懷惠而畏威有尉徐默成者遭呂師囊亂力戰死民亦罔祠其  
功德淺深可概見矣予故錄始末以屬今令曹南崗使礱之石或亦相與嗣其美



圭山詩集卷之三

明張 儉存禮甫著

平貞歌爲楊南澗大中丞作

鯁魚遊潢潦不知江海濤狐兔長丘陵安識泰華高  
 靈爾負險阻變鑿齒生咆哮緣崖飛棧定壁壘蜂屯蠓附如  
 鴟梟僭號大天家被服錦戰袍不能覆轍鏡藍耶駕言  
 引轡追方曹蹂躪兩省勢糜沸羽書四出民蜂騷霜臺  
 繡斧莫耶種大梁久矣誇人豪須臾即定萬全策滅此  
 朝食如燎毛大將誓戮力三軍戒喧囂堂堂義師昭白  
 日捐生赴死人相招奇兵扼其吭正兵擣其巢順如破  
 竹易振稿數年腥穢旬日銷夜耶故地仍懷白  
鏡渠按先孝廉公謂白當作昂引後漢書西南夷傳父子用賜懷抱匹昂 恭水新民欲賣刀人人歡舞頌聲陶陶願言我公佐聖主出將入相懋勳勞七鎮三邊驚破膽異國年年見旅裝

風水圖

圭山近稿

卷三

仙居叢書

柏臺樹如聲鳴鳴棲鳥聲問鳥何所思未報生育恩飲啄豈不美肌骨誰爲生  
 舞豈不習羽翼誰爲成念茲復念茲哀哀聲不停臺中主人翁磊磊聞之英示我  
 風水圖說我孝子情我昔少小時依依椿萱庭椿甫應賓與振鐸之廣平植成桃  
 與李倦勤亦仙昇我身勉進修願形長伶俜四九幸登第三載治績成沐茲鸞鳳  
 誥生彼泉壤榮盼盼青青松瑟瑟秋濤驚吁嗟人子心豈特鳥鳥靈感時增慨嘆  
 况乃哀榮并今亦共君恨聞君雙涕零收涕還謝君努力事勳名

次兩崖長壽韻 二首 五言

崑崙一何遠岷峨一何高高遠合二流日夕奔洪濤濤以石激怒木以風激號  
 石寒風穴物靜斯不搖濟世術豈踈處險心獨勞策馬扣天關悵望神魂招深感  
 英玉遺魂乏金錯刀  
 莫似天地寬無險日月高履地照日月滾滾名利濤佩芳豈人襲長吟非自號浩  
 然塞宇宙萬感何足搖伊洛先我心持敬原無勞素居仰高誼使我心招招哀哉

堯舜資奚事欣錢刀

見一詩

大化難力求至樂在獨得脫然妙心賞奚事空偈側茲理元非難物誘終解克壯  
 哉見一翁雅趣超凡識適意賦歸與了若塵世隔樂鹿豈吾侶蒼溟翔六翮高風  
 不可攀况復繼芳躅高風且莫陳有子更英特

別俞文峯

虞夏日以遠友道誰復悼交媚與朋詔意氣終坭斯道將益驕况復還其醇吁  
 我晚得友文峯抱清真直諒互警策情好隨日新念子超逸材安邊著經綸茂績  
 粵四載賢聲達楓宸攜我一束書伴此三月春信宿出巫峽遠赴江之濱豸衣作  
 彩舞欣慰堂上親忠孝斯兩并至樂難具陳雲安一尊酒對子斟頻頻

擬古

妾本儒家女二十不下堂埋頭理絲枲婉婉蘭麝芳廿六配君子嬌羞拜姑嫜君

圭山近稿

卷三

仙居叢書

以六禮至妾以百兩將羅襦蔽玉體翠壓凝紅妝矢心願百年兒女歡成行豈知  
 君子心悅彼岐路倡一日一出門一月一歸房君心諒匪他妖冶仍可當但恐巧  
 笑資能使心神荒妾貌如楚姬妾才似孟姜能素亦能練刺繡能文章君心倘中  
 旋妾心未敢忘衾綯奚足憐門戶生餘光

永川田父對

家家熟胡豈採採盈頃筐小麥尚青青大麥猶未黃餐玉愁無法化金何有方聊  
 且糞夾豈隨活少年耶  
 去年旱傷稼今年雨亦遲牛疫人代耕厥敗根不肥無蕪不瘵饑代牛力已疲請  
 貸不及時不請計無施  
 阿母急採桑阿爺急插禾桑遲蠶不織禾遲草橫斜又聞官索租阿郎煎阿爺阿  
 爺欲赴水兒女牽衣遮

答田父一



使君答田父傷哉陳苦詞我昔年尙少有才未及施稍長頗自負彈冠向天墀立  
登要路津坐見風俗熙桂再二十春骨肉生凋危感慨田父言能不增凄其王政  
薄賦歛省耕固其宜世道若流水法網密如絲十羊九爲牧此是彼即警展轉得  
累請賑給已違時而况出納間百弊隨以滋爾知使君貴不知使君爲升沉守資  
格不守仗噓吹舉動傍法度不傍遭議疑田父雖云苦朝夕恆自怡慙慙謝嘲吟  
遭際良有期

春日瀘川舟中三首

長川載輕舟泛泛若鳧鷖洪波激柁石奄忽千里餘所恃在百丈不與錦纜俱專  
任致傾敗謀國良匪殊榮名未爲寶知命戒不虞吾欲竟此曲此曲慘不舒安得  
凌風羽飄飄遊太虛

桃李榮山岡紅白盛顏色上有蒼蒼松偃蹇垂路側蒼松問桃李榮謝豈終極莫  
恃生芳菲忘却處荆棘韶光有時歇金烏忽西匿卓哉大觀人聆此三嘆息嘆息

圭山近稿

卷二

三

仙居叢書

且莫道懷慨各努力

中夜不能寐攬衣理書檠疎檣鑿明月薰風散重陰仰觀參辰沒俯瞰江漢淫擊  
柝聲暫已黃鳥發清音感茲節物換咄嗟傷我心傷心可奈何隨世藉浮沉徘徊  
仗儔侶翩翩非正羣

鹽亭喜雨

跋涉梓州路六月方苦熱所望得一雨解我中道渴清颺忽東來豐隆轟裂缺大  
雨注天瓢午夜聲未歇四郊盡沾足萬象亦欣悅俟爾生餘涼須臾鑿明月坐我  
水仙府襟懷嚙冰雪乃知造物功真宰妙予奪長安銳頭兒中腸空沸烈

驚秋至題鹽亭定光寺西壁

東去復西旋昏神重勞力桑弧念素心困敝良勿惜年豐晚稻黃夜靜秋月白田  
家農事徹酒熟鷄可炙斟酌諸家人歡笑情自適願我一葉身常在萬里極廿年  
無翽飛三載空素食俟爾感秋風悠然生大息

考滿述懷示達摩諸生

天地司覆載參贊賴於人人生不勉學空負三才身所學亦何事博古資經綸不  
見大聖賢孜孜憂萬民後世學不講讀書外人倫功名一入手捐棄勿復陳竊位  
與苟祿意滿云志伸其者效劫奪否則矜廉甄集事以筆楚視民如越秦吁嗟市  
井儔奚足齒縉紳我生十四五頗知稼穡辛既壯忝仕籍民瘼亦周詢廿年身許  
國三載渝湘濱所志在安輯焉能免怒曠此意誰鑒予蒼蒼泊明神我今萬里別  
欲見子無因所期士習變所望民風醇慙慙道情素願子德業新

高南崖掌史風木圖

悲哉兮秋風傷哉兮林木人孰無父母兮我孤獨山有木兮木青青木有風兮風  
冷冷父母有子兮子奚爲情祿養不及兮涕暗傾永言孝思兮指天地以爲盟

紀夢

壬辰年八月初  
八在萬縣分司

良夜有佳夢恍入蓬萊宮金闕壯而麗卿雲爛以紅上有朱衣人揖我雲之中授  
圭山近稿 卷二 四 仙居叢書

我白玉簡金書錯重重云是聖主瑞因子獻重瞳再拜受懷之喜極還忡忡覺來  
漏三鼓正值曉日洪盥櫛具冠裳忡舞三呼嵩初祝效麥丘再祝珍華封勳華建  
永極天地間無終空疎賤小臣百年慶遭逢

別崧少七言古

寬莫寬於天地寬難莫難於蜀道難丈夫夙抱四海志肯爲惜別凋朱顏君家穎  
水我台山聲氣相求芝與蘭念昔與君同憂患二十八宿資劇談生荆三十大愈  
把血痕猶漬金門班我緣親老乞江臬君亦出鎮湘之藩洞庭彭蠡幾千里月明  
夜夜相思煩聞君入蜀主文教我亦備武巴渝問錦官城東鳥臺裏握手無異平  
時歡促膝逾旬今欲別如此情惡生悲酸試憑杯酒坐夜半勉崇令德時加餐相  
期後會在何許黃金臺上五雲邊

哀榮詞

素齋先生松湖客簪笏傳家世清白早年妙得易範數塵視功名如唾核東遊吳



越西荆秦徐始定大梁宅大梁王孫多少年日抱絲桐共君繹閑拖雙屐醉吟  
哦高閣小車恆自適輕財好義本天性違卹盎中無擔石宅中主母慈且賢灑涕  
告君君不戚一朝天降麒麟兒骨重啼長脫凡格出誇親朋入慰母此兒當占公  
卿籍年纔十八頭角成痛惜先生先易簪慈母孀居二十秋麻桌孤燈手親辟不  
須斷髮與丸膽賢郎已奮冲霄翮繡衣時作彩衣舞獨立朝端誇白頰形庭忽下  
推恩詔追贈先生慈母錫光生泉壤門戶榮賢郎悲喜情何極慈母福先生識舉  
世誰爲敵餘慶由來從善積先生之言終不易

別劉南園

南園劉子關西英老我孤陋初識判貞成旬日得會晤高談靡靡如風生有時持  
出晉魏作格律雄渾還新清又聞去年選諮議據鞍橫東川平歸來論功了無  
語如此古意良恢宏愧我空抱凌雲志轍輒頰向巴渝行落落天涯少知己如子  
方可論交情今子別我又北上天顏咫尺生光榮願將民隱答前席薦賢不負唐

圭山近稿

卷三

五 仙居叢書

虞明

漣濱行

臨安美人身姓李雅好潺湲弄烟水誅茅結屋瀧之濱笑傲羲皇葛天氏才高器  
遠萬識融攸哉幽興川斯同合名自是關不住一朝網入賢羅中三年廷尉民不  
寃清時更許忝銜銓績成五載擢郎署春官門第清於禪西蜀憲臣忽簡命擾擾  
貞頑賴平定指揮撫勸泣山靈信越功高誰與競我來忝辱諸君後聞說風流不  
容口川東十月相切磨直挽當年莫逆友莫逆友人逆我順交可久請君試看瀧  
水流觸石衝崖怒濤吼消消不擇還納汚萬里一瀧夫何有

竹平七適行

屋角清風拂面寒案頭磊磊金瑯玕四時瀟灑萬慮寂劃然長嘯天漫漫吁嗟此  
志久已虛廿年靦面樊籠居江右閩南更西蜀塵容俗態空趨趨蜀中美人坪山  
子清雋風流大蘇氏跨鞍豪氣平羌胡下馬搗謙妖經史依山築圃如畫圖題詩

滿竹成歡娛少岷山人賦七適圭山短詩安可無我願此竹長森森虛心直節人  
共欽高標永作鸞鳳侶不須嶸谷龍鳳吟龍鳳吟莫重陳知音自古惟伶倫

戲贈余鶴池都閩生子

去年贈子何首烏今年誇我鸞鳳雛靈丹得效捷如響世人奚事還模糊乾坤分  
明一大治聖賢自古操錘爐如此小說特少試我有大道易子心窵潤子膚能令  
鳳雛生六翮簸却滄海翔昆吾又欲持此獻天子一掃千家百氏之藥蕪人人可  
知亦可由坐令四海一事無子如信我及早圖帝降之衷不可孤

述職行

嘉靖甲午之秋蜀臬大夫南原劉公將修觀禮于京師以語圭山子曰盍贈我  
乎圭山子曰奚以贈哉雖然予聞富者贈人以財仁者贈人以言予不得爲仁  
人殆有志焉適作述職行以識別

圭山近稿

卷三

六 仙居叢書

虞明

來續紛古昔元后建皇極時明政齊昭物則敷言試功錫車服三考幽明熙庶績  
於赫皇聖握乾符朝競夕惕虞周謨敬天享帝十四禩王功帝德天下孚銓衡况  
值明平宰日日闡前天監在侍門寂寞春草深九德時詢兼采君今此去劍閣  
高巴江寒溜聲嘈嘈驕驕躑躅渡棧道秦關蜀嶺鳴猿揉辛勤不作兒女憐丹心  
馳向重瞳前西川地遠雜羌虜民瘼俗敝千萬千小臣繪圖答前席願言天子休  
過責公廉本是小臣分賢才自古須愛惜鹽車之驥垂兩耳伯樂過之顧不已璞  
中蘊玉良工知做倒循資賢者恥聖明天子神禹資昌言拜受增歡而如此憲臣  
那易得路車玄衰頰頰施路車玄衰頰頰施子今去我誰與居留以相朕作耳目  
坐令四海成雍熙

使君行別嘯齋龔正郎

廟廊梁棟需大木使君將命西入蜀蜀國遺黎荒亂餘十室逋逃九室哭自言兩  
歲無秋成又被真蠻肆荼毒去年妻病減價賣今年子幼仍賤鬻租庸常調苦不



充重以採辦當益促我生雖有不如無老者搢胸壯跌足使君聞之長太息慰言  
我農休戚感聖明天子燭遐隱寧肯非時動工役蜀民聞慰歡如雷爭言使君經  
濟才使君如期復抗疏激切情辭動天悟大工小工悉罷停急買江船問歸路蜀  
民感念德使君使君今去失所慕借寇有志仗誰達戰路謫謫爲君賦圭山張子  
天台客握手渝江資麗澤交深義重已不禁况復天姥同一脈羨君此去發秋興  
巫峽湘江看咫尺我今欲歸不得歸鬢髮凝愁應早白聊述民情作短詞辭贊不  
覺書滿冊

宿丹溪七絕

西川川上夜維舟月到孤蓬客正愁回首長安何處是鵲聲如訴水悠悠

其二

欲挽東流勢未支使君行邁自遲遲剛方已共才名忌公論于今重俸資

九十春光八十忙丹溪兩度繫征航天台仙徑桃花裏悔不當初學阮郎

圭山近稿

卷三

七

仙居叢書

石觀音

煉得丹成石作身幽崖高坐謝風塵也知寂寞空無補留愧奔波波裏人

丘園酌別石壁韻

影散庭槐歛暝烟金杯落月碎仍圓故人此會須三鼓客路明朝各一天

贈丘景山東征

山兵六月下東川大樹將軍奮獨先莫道功成停使相搗謙從古著豪賢

太平寺

野徑橫斜路始通小菴高結亂雲中昏鴉欲定鐘聲起咲却山僧未解空

永川春雨

細雨如酥風正和豸衣馳馬遍三巴山腰紅素開無數雅認春薔是蓼花

見一詩

區區聲利似樊籠君到籠中便不同適意歸來訪彭澤高山流水仰清風

憩秋林

狂風乍舞經霜葉古樹頻驚向日鴉莫嘆秋林秋色變松篁叢裏有梅花

宿鹽亭

高山山雲寒欲浮雲谿谿水長東流浮雲流水自今古那解使君經濟愁

報恩寺

江寺松篁翠欲流禪床坐定篆香浮無端策馬衝泥去祗爲愛民念未酬

寶雪堂

九頂山高雪滿巔主人奚事結堂看蛟龍未遂施霖雨清白聊將共歲寒

玉壘行窩

天設金城限大荒巍巍玉壘自藏昂主人亦有堅剛癖爲築行窩向壘傍

題因樓

廢紙糊窗本自蒙誰人更著絳紗籠不如淨洗塵勞去無限靈光入照中

圭山近稿

卷三

八

仙居叢書

沙河晚行二首

辛苦經秋西復東葛衫偏怯晚來風依人明月滿懷抱何處山僧敲夜鐘

皎月疎松漾碧渠輕風靜夜馬蹄遲無端真興等閑裏欲脫樊籠問幾時

卽事

爲斬妖魔滯返期此心惟有鬼神知清霄獨立看明月耿耿無慚報國私

前星曜喜而題壁

前星爛爛曜長空萬國山河一照中自是文謨兼武烈丕承端的古今同

蜀道平

驛石刊山路始通蕩平誰不羨神功依依新柳迎春綠錯認川東是浙東

明府勞民傍歲閉功成三月萬民歡若汝心路亦如此一道風聲定改觀

雲萬道中

二首  
五律

自昔巴無日今春迴獨明舊巢初得燕新柳乍拋鶯性懶詩多債居夷訟未清觀



風聊自適生意滿郊垞

今朝風日好浪靜引舡運巴曲遊人處韶光滿眼時野花香片片新葉綠枝枝那得幽人共相看泛酒厄

宿墊江

曉節拂清露晚驂停紫煙馳驅明月道遊冶艷陽天鳥逐孤雲迴山圍遠岫裕夜關人語寂兩岸盡啼鷓

病懷

忽忽韶光半疎狂歎此身廿年新執法萬里一孤臣蜀道難方試岷江溯獨親壯懷徒耿耿伏枕已逾旬

瞿塘曉發

客歲崇陽道今年雲萬船霜華明赤甲月色滿中天麥送千崖翠花當二月鮮星槎近霄漢何日是登僊

圭山近稿 卷三

九 仙居叢書

清明

今日逢寒食荒墳掛紙錢歲時千里共丘隴一心懸祿養嗟無及浮名祇自憐松楸新雨露愁絕不堪言

隆橋驛

去去隆橋路看看欲暮春烟花謝紅雨車馬動芳塵日煖裘帷蔽風輕解袂親匡時應有策猶阻在田身

溫塘次雲夢韻三首

地入溫泉勝江連峽水游竹遮花色嬌風度雨聲愁林寂惜啼鳥窗虛過客舟幽崖如意坐何必慕嵩丘

已辦登臨興何妨想像游燈明栖鳥眩詩就畢 愁細雨蕭蕭木輕風泛泛舟采

真情未愜明日上蓬丘

旌節臨荒寺江山控上游遺題珍獨步新和破凡愁世事東流水餘生不繫舟夜

蘭清話永歸夢繞三丘

僊臺石次韻二首

明府無留事高情雅對山振衣荒洞裏濯足小池間谷響疑樓臺空憶解環雨餘涼月上幽致永教還

樓臺清如畫嘉陵第一山靈泉通地脉仙籟寄松間林密連雲障江空帶月環霞城更幽特何日遂東還

次有臺公八卦韵

九五正乾位四德廣帝基光大適資生德厚配坤維震動一以亨雷行江海涓崇道得良止能不昭神祇再拜陳坎巽椒漿迓雲旗至異罔弗格想像承天禮臣工兌斯說瞻戀情匪馳願依日月光萬古開南離

廣安舟中

人日春初媚晴岡木始欣浮沉此溪鳥濃淡半山雲急峽辭同富蘭橈瓊比芬宦

圭山近稿 卷三

十 仙居叢書

情兼逸興通滯未須聞

渝州病起二首

病起憐春久門閉覺草深簿書何太急幽思欲相侵家在三台鳥花非五鳥殘破愁惟有酒賢望且同斟

壯志非消渴清時豈暮天江風欺倦客山雨灑孤舡藥餌頻增苦衾綯漸向便養生如有術吾欲扣前賢

合江次劉函山韻

蓬背蕭蕭雨江心泛泛遊纔添三尺水恰好一帆舟草樹青山色禽鴉遠客愁天台家萬里何日賦清流

同遊翔鳳函山限韻

紫鳳翔空翠攢樹擁瑞雲山亭如有約賓主總能文黯淡移林影蒼茫數鶴羣酒闌涼月上歸馬愜微醺



再過渠縣

九十春憎短流江兩度旌野航新水送古渡舊官迎雨過山凝色花飛鳥變聲官期如此急漸負浴沂情

合宗懷賢

合宗宗派遠洙泗到濂溪世事水同去賢聲日與齊身心空老大民俗媿提撕仰止十年夢誰援百丈梯

觀稼

立馬觀新稼樓陰慰老農慚予多政拙於汝喜年豐浪捲薰風煖珠含淇露灑可知終秀實行擬賦崇墉

廣安道中二首

涼月明於畫晨光肅若秋長途事有暑蒼鬢半凝愁蓮採香仍襲禾觀翠欲流迂疎成底事聊足慰先憂

圭山近稿

卷三

十一 仙居叢書

曉發向東行暮宿仍西去山勢曲復盤客心靜無慮日煖聊窈帷風清輒解襦樊籠非我情奚足問毀譽

新寧道中

三月當三日晴峯紫翠添蜂忙鬢帶粉馬倦汗成鹽四十未為老三年甯是淹會須留淑景長使駐茅簷

天池阻雨憶曾少岷二首

欲住不得住山齋無限情層雲當午濼落日向昏明燈燼專心驗蕉聲徹夜聽問君何事急佳客在淪城

今日何其涼昨日何其暗乾坤好生化陰陽互根源陰氣有時微陽道當日尊吾欲竟此說但恐聽者忤

峨城里

道出峨城里欣聞漢將鄉樊喻故里雲憶如迓客花氣似供香布子魚侵荇營巢燕繞

梁物情真自適吾道任行藏

七里峽

崎嶇七里峽窈窕兩山坡隔隴聞人語穿林聽鳥歌雨聲侵幕細霧氣濕憶多愛爾韶光好如吾軼掌何

次王玉壘太史壁間韻

太史投荒服風騷迥異常半生任詩酒萬死戀君皇豪氣欺秋早愁懷入夜長十年寒塞猶著舊荷裳

遊銅梁洞函山限韻

十年曾夢太山登此日煙霞踏萬層曲徑崎嶇通古洞懸崖聯絡掛蒼藤身從方外慚非寂興入超然嘆獨能返照澄江歸路穩漫遊元不媿山僧

分水館

江閩公館名分水梁萬胡為亦此名自是世情分爾汝謾云天地本生成高登石

圭山近稿 卷三 十一 仙居叢書

蟠龍道中二首

虎身依日青入蟠龍手摘星潑潑春光無限意古來蜀道未全平

留靈旌曉拂星春光道眼更分明欲登盡處還須盡纔說平時未是平一道龍泉飛似雪幾番山石滑如冰村墟細細詢民俗惟有謙和遠下情

一山青了一山青拍拍風光向我迎到處耕鋤忘帝力等閑花鳥鬪春晴草堂人去留詩社魚腹圖存識漢旌千古英雄塵世恨不才何以答昇平

憩長壽

山行五日萬重岑獨喜東風感物深輕拂麥鬚張茗舌慢拖柳線引秧針村村農父熙熙日處處幽禽擬舜琴佳興滿懷清未寢經綸無夢作商霖

蓮花峯

仰止忻從萬仞峯峯頭秋水浸芙蓉荒丘塵蹟成今古霽月光風肯異同復禮本非常性外懷賢亦在乘舞中三賢祠就英靈赫鼓動東川草上風



白帝城

天設瞿門本自奇，謾將吳魏隔垣籬。西川已遂三分業，東漢應無一統期。延攬未酬頻，願重馳驅空負此身危。公孫跋扈成何事，剩有重關說鬼迷。

灤瀨堆

新秋解纜訪瞿塘，隱隱中流灤瀨雙。一道狂瀾真砥柱，三冬孤特仰堅剛。坡翁才大推傾覆，杜老愁多嘆混茫。我亦將心付流水，行違元只聽蒼蒼。

孫南江歸養

八座嚴君久倚闈，九重新命賜歸與。即看錦水開青眼，便擬衡山結隱居。忠孝傳家誰似子，功名有分莫愁予。承歡別有天然樂，白酒黃鷄喜正肥。

平番

聞說威名便解兵，誰知夷虜亦生靈。七縱習妙猶存術，單騎才高未泯形。壩底幾時曾納款，艾林今日見昇平。王師自是真無敵，不用天河洗戰腥。

圭山近稿

卷三

十三 仙居叢書

聶鳳翁再掌內臺

夢發清風不可肩，吾皇仁智更淵然。四旬兩轉恩波渥，昔日先王禮數專。司馬復來人共仰，東山高臥意徒堅。此行要識春光好，瑞日祥雲護九天。

端午

年年客裏逢端午，此日蒼山又一年。泛蟻豈無蒲切玉，競龍應少桂刺船。楚湘風浪孤臣憤，毫社衣冠滕士賢。天為聖朝興禮樂，肯容長落蜀江邊。

次碧川楊公為劉氏兄弟解元作

堪笑浮生羨百年，誰能好事與人傳。君家龍種自超逸，我輩樛材空簡編。白玉堂中留製作，紫薇樓上賸慶聯。元兄德懋稱文簡，季弟才高望嗣賢。

蓬州用江山一覽亭韻

路出營山百萬岑，霜寒泥滑馬蹄禁。荒村少憩多幽意，蕭寺留題祗短吟。風樹每看黃葉墮，晴空不礙亂雲侵。鄉官莫問升沉事，蜀道艱危歲月深。

走筆送函山年兄

十年重喜細論文，珍重風騷迥不羣。已辦低頭一雙拜，便却退舍三千軍。銅梁石洞哦新月，翔鳳山亭醉夕醺。此日聞君修慶觀，愁腸依舊轉車輪。

了頭寺

事說了頭難了頭，禪關深喜立名幽。森森木參天長滾滾，汗渠帶日浮蛇象。由來心未足，鷄鳴奚自志相投。人情物態看今古，事說了頭難了頭。

楠木寺

大才從古說樓楠，楠木名山豈浪傳。昔日台園曾作棟，近來孤榦欲參天。剛心未敢忘廊廟，大匠何常限歲年。愧我如樗空老矣，清霄吟咏一凄然。

營山翠屏

翠屏山色鬱葱葱，半落人寰半倚空。洛邑營時堪作障，中州移去可爲嵩。三秋井雨龍嘘氣，六月陰霖虎嘯風。我欲登臨春正好，自憐人在畫圖中。

圭山近稿

卷三

十四 仙居叢書

劉函山邀宴錦屏

重重紫翠接流霞，山意知春已漸佳。簫管聲傳江色淨，旌旗影落月光斜。新詩未遣愁山鬼，列炬何勞散曉鴉。勝地良宵文字飲，不辭連壁渡浮查。

古店次函山壁間韻

欲問前程逐日看，勳名到手解征鞍。戎馬每思歸馬逸，飛龍未許蟄龍盤。旌旗拂露春初媚，官閣停驂日已殘。宦海茫茫徒歎仄，一肩卸却即爲寬。

贈撫臺南澗公平羌二首

河汾自昔多豪傑，盛德如公遠近知。化浹巴湘韓閣重，恩深秦魯召棠思。平羌暫遣分龍節，調鼎須看入鳳池。從此茂林閑日月，歲時祈禱拜生祠。

金縷頻施點虜驕，班軍愁渡鎮西橋。如神雄略從天下，積歲妖氛一日消。銀燭恩同岷水遠，雕籠巧並雪山高。兼收更屬今諸葛，指顧威名萬古標。

柏臺夜酌聯句送黃月坡大參



良會清宵醉柏臺圭山多情懷抱爲君開南村百年萍跡渾如夢文峯兩地離愁  
仗此杯圭山銀燭謾辭搖夜月月坡甘霖須讓出羣才浮南茫茫漢樹三千里南  
村漠漠川雲首重回圭山

茂林卽事

自慚蹤跡遍西川到處看山到處便青入蠶崖常近日高登孺子欲齊天礪房棧  
道過秋雨玉壘鴈門清塞烟方叔凱旋應指日平番還擬獻詩篇

陳墩村憲使同遊青城約三首

傍險衝泥訪洞天夜闌還喜宴芳園清尊不負簾栊月古寺猶藏谷口煙杜老丹  
梯仍此日丈人幽意自他年同遊陶謝多豪興一度題詩一浩然

歷盡遐荒天外天探玄還上趙公園石床人去空明月丹灶苔封尚紫煙莫道青  
鸞無覓處只看瑤草不知年主人戀戀登山客旌旆東歸轉愴然主人內

古洞嵯峨尺五天如茵芳草勝名園盛唐文誥封蒼藓大漢靈符鎖暮煙修竹萬  
壑郭使也

圭山近稿

卷二

十五

仙居叢書

竿侵斷路枯楠百丈閱長年誅茅鋤徑登臨罷惜別山靈爲灑然出山大  
雨如注

遊中巖二首

西極名山此占先重崖深樹傍江緣玉泉流動終歸海石笋撐持好補天林外燃  
燈疑列宿空中聞樂似樓仙等閑吟賞虛成癖歲晚才微轉悵然

三峯崢嶸倚雲開試問何年此結臺空寂總教輪上界狂豪還許射中台山僧權

作遠公侶縣尹頻斟陶令杯見說子長文思古奇遊誰謂限凡才

九峯書院呈顧頤齋督學二首

擁翠樓高翠色堆誰將道眼別紛埃九山迴合一山聳三水同流萬水該心自靜  
觀須始有亭名朋於嘉會未容猜亭名微微道脈幾如綫鐵索重維仗大才

磨崖珠玉燦成堆幾着苔封幾點埃吟處江山行處樂靜時物理動時該要知藥  
鹿野人侶莫使鴟鵂雀猜潑潑眼前無限意兼收除是出羣才

劉曹四君子携壺觀音寺與予酌別

江邊送客觀音寺座上論文英俊流山霧未消須放飲天光初霽好開舟百年此  
會眞萍跡兩地相思看月鈞去去應須各努力無情白髮上人頭

送崧少大參湘藩有序丹鳳吟調

嵩山英特穎水人豪學貫天人卓越負伸舒之策道宗伊洛剛方繼叔子之風  
始乘銓曹共推衡鑑兩居藩臬益著忠勤賢聲籍籍擢居巴蜀宗文善教循循  
遂使菁莪樂育在在起文翁之化人人仰忠定之賢方圖奏績遠喜遷喬藩屏  
賢勞遇盤根以別利器湖湘遺愛就熟路而駕輕車某等察案偶同素挹光霽  
睽違無幾不盡煩忤聊賦短詞用伸別意

蕭疎一樹梧桐輕風弄葉明月橫枝夜來春雨九霄丹鳳棲遲遙見岷峨靈光瑞  
霧文添錦繡聲放笙簾驚嘆舜文佳兆時明主聖百年重見依稀况是花朝烟  
景飛騰容輿到天池東望楚王宮奈衡陽寥漠無計瞻依別恨動巴渝握手淒其  
錦水湘江流不斷千里共相隨此時此意問多少人知

圭山近稿

卷二

十六

仙居叢書

東征賦

維歲困敦變魑毒于巴蜀十室九虛下民其嗟聖天子發帑撤推是賑是貸有  
司殫厥心力全活億兆美矣休哉然而遐荒僻壤幽崖深谷情有所不通習有  
所不燭苟生命於網漏脫危機於轍澗者亦多矣越明年單闕眞寇聚嘯威鳳  
之山磨牙吮血鯨吸鷗張於是兩省諸郡羣黎爲之不康羽檄交馳震驚全蜀  
維時大中丞有臺宋公夙德老成仁勇兼備侍御雲夢熊公清才碩望文武所  
注協謀定策首挾恩詔待以不死命所司撫之弗獲乃上其變於朝勤兵東征  
廟算有成諸將戮力不費遺鏃不踰旬時而大憝授首賊用砥平民是安輯執  
誠獻俘鳴鑼奏凱蓋數百年未有之全勝也儉時猥辱撫治之命遠在閩壤自  
付方剛之力不得備戎行任驅策今已無事聊因耳所聞見筆之文章以紀盛  
美庶幾佐二公之光明使萬世之下讀其詞想見其形容猶茲日也戡亂以武  
放假將士爲答問之辭其辭曰



有懷遠校士問於昭勇將軍曰蓋聞乾坤以有親可久君子以厚德載物故舞干而苗格者舜也因壘而崇降者文王也平一郡而悒悒不樂恐民橫罹鋒刃者我聖祖也茲者真寇跳梁庸非巴蜀之赤子乎其竄也或迫之其叛也或激之微若蜂蟻脆如蠶蠓苟生命於旦夕履危機而不懼非有高視闊步立謀深識也非如良方罔像游光野仲異我族類也綏之用仁懷之用德將心輸而面格矣何至動王師動大眾碎轅轅擣巢响腦林等髓崖巒使身首為鋒鏑所分俾胸腋為流矢所洞尸積如山血流如瀨勝固奇矣功固偉矣甯不傷天地之和為先王所隱痛也邪蒙茲惑焉昭勇將軍曰噫執事過矣如執事所謂見其一未覩其二安其近而忘其遠者也僕請揚摧陳之而執事擇焉士曰唯唯將軍曰昔者胡元亂華鳥獸其民豪傑蜂起四海鼎沸我聖祖奉天眷命提劍而叱之當是時天授之佐不召之臣勇略蓋世智武絕倫如徐如沐如基如春廟算萬全不可殫陳故一鼓而萬方響應聞風而四夷來賓狹商周之越越軼唐宋之遭迤此無他聖賢合謀協圭山近稿 卷二 十七 仙居 叢書

德而威伸也自是以來三百餘年天下享昇平之福士卒樂驕縱之便武弁以詩禮飭躬文士以談兵為嫌三邊報警不陣而交綏七鎮告急未戰而獻誠變激論誅讐啓擬謫功則交獲罪或委責勤事者眾忌守常者多獲雖我以含忍畜德而彼以狎侮肆志故三軍之師不足而邊陲借寇江南之賦不給而內帑請餽或長其惡以資其強或不之弱而告之匪故今年陷一陳明年殺一騎譬之積薪以待然是猶養虎而遺慮也而况蜀之為都俗混戎蠻地連巴夔西有劍閣玉壘之險東有壘塘灤瀨之石其山則崗樹糾結隆嶺崔嵬其水則波濤洶湧濛汜湍激夜郎故地牂牁遺蹟重山復嶺兮遠跨溪洞深林兮近連魑魅一人守隘萬夫莫敵地則曠而盜易聚人則剽而性多惑故遠則割關公孫吳臆玉珍降城據邑稱帝布臣近則藍鄙烏合之衆不召而集方曹已滅之燼不熄而張士馬被其蹂躪人民變為獠狂其所由來者漸矣今聖天子堯仁舜智恢恢黃虞之治百執事文德武功懋懋元凱之勳顧此小醜嗚呼信信忘其累卵之危恬彼幕燕之欣負

丘陵以張猛利鋒鏑而拒大順招之不徠撫之不馴固自謂雷霆之威莫已震也苟釋茲而無討猶縱虎而噬人善類其何以安國威其奚以振也雖然兵出十萬日費千金虜虜遺民方自救之不暇其何利於門庭之寇之侵也孫子有言未戰而廟算勝者得算多也未戰而廟算不勝者得算少也于時日在青陽暮收執矩以治薄成綿羈如蛛蝥之網弱卒瑣甲若螳螂之臂冒重險而當巨敵出危道以資多費勢則有九變九地人則有五問五利向非玄機之在握衆雖戮其曷濟所賴大中丞有臺宋公協謀侍御雲夢熊公以國害為私仇以天討為己任去年通疊溪之據路而請番奪魄今年復艾林之侵疆而軍聲大振歷吉日協靈辰義師所指憲節所臨罔弗靡靡罔弗懼懼或攻其瑕或聲其罪宣示國恩聞者流涕故推仁仗信而人心協一立義抗憤而士氣俱勵決數千里之雌雄謀過孫吳集數百年之元勳才兼霍衛分而為奇塞奔衝之途合而為正成犄角之勢夷視險阨肉視腥穢殲揚桴以振塵縷鼠駭而蟻潰破層壘則土宇肅清殲渠魁而耕稼不廢善者扶其顛以持其危惡者取厥殘而殄厥害勢靡不懾恩無不逮方且持以搗謙保以毋怠宜其奏凱而帝命休嘉論功而南服永戴一洗養寇之偷風大著安邊之至計使天子舒西顧之憂俾吾人享安堵之惠以茲盛美卓越四代愧無長卿淵雲之文足以勒金石被管絃安得子長政駿之史庸以炳汗青昭來裔也言未終懷遠校士惘然自失逡巡而退曰僕誠小人也不足以知大君子之發謀出慮迺今日發騰庶蘇世而居正矣

平真雅  
皇聖命柱史爵董師集大功也  
於赫皇聖怙冒下土德禮既崇禎祥是祐四海率禱以莫予敢侮  
蠢茲真寇叫呶猖狂扼險負固鋒鏑斧塘毒于有衆民用以弗康  
皇曰真黎凍餒汝使維汝悔革予亦刑止完汝室家以弗夷有子  
彼昏卒狂頑鬪是怙皇奮其武爰整其旅爰命柱史以遏醜虜以振國威以篤予

圭山近稿 卷二 十八 仙居 叢書



祐

史拜即命六月于征王師巖巖如雷如霆如防斯決如山斯崩罪人斯得真川以平

皇曰史來真川之平時乃功乃弗矜厥能羣力乃從乃弗尸厥勳羣策乃衷錫乃明命金幣攸同維戎功是庸

史拜稽首天子萬壽匪臣之力伊王之休天弗謫惟德之求惟德動天惟誠格幽勿怠勿荒萬方以攸

圭山近稿

卷三

十九 仙居叢書

圭山詩集卷之三終



圭山詩集卷之四

建甯作

明張 儉存禮甫著

調考亭示建陽諸生

姬孔久不作世路多荆棘洛展其蕪悠然見要津龜山載道南游謝皆及親再  
傳得羅李表表同鳳麟先生產宋季傳述轉逼真半生全實學千載一素臣春風  
與時雨教育又一新此日拜祠下唏噓淚沾巾有志尚未逮幾負百年身而我同  
勉旃勿使愧前人

郭潤菴遊登黃華時在坐者應容菴楊止所田一竹皆故人也

載上黃華樓襟懷極蕭爽石蹬遠煙雲松聲出林莽憑闌定清濁縱目達幽枉良  
會合佳朋深春動遐想誰知塵鞅中得此奇絕賞

應容菴過閩訪舊予拉郭潤菴楊止所田一竹送于歸宗因遍覽泉石之勝

飲罷而別各充其量賦以記歲月

圭山近稿

卷四

仙居叢書

造物無盡藏山川有奇觀所以幽惟士志在雲霞端雲霞誠可憐世路忍漫漫送  
子未能別維舟上江灘行到雪峯引袂憩所歡平橋鎖流水石門若天刊丹臺  
聳而特羣峯怪以攢幸無花鳥雜惟有石泉寒一步一轉奇一上一盤桓俯仰失  
高下吾欲掛吾冠割然縱長笑百壺盡傾乾彼此各醉適恍若生羽翰我行還且  
思攸然促歸鞍從者如雲擁餘瀝不足餐毋使遊者嬉而令供應難

浦城賑災紀事

陰殄失常性貽我澤雨災十旬苦淹漬萬壑爭喧騰禾麥半漂沒田廬盡傾頹誰  
料昇平日窮簷劇可哀監門圖欲給那忍食塵埃隨索官中積旋療民間惺共承  
甘露堂還映流霞杯燮理既有術何愁黑雨催習習和風起笑口時時開

觀音竹次篁谿韻

閩嶺饒生竹此竹堪比玉浪擬觀音名自是君子局勁節非所撓盤根豈須臾真  
受嚴霜淒靜耐驕陽毒蕭洒明月侵蒼翠新雨沃順我無外好於爾契中欲相對

忽相忘偶爲金貂續

三衢謁孔聖家廟述懷

五帝不可作三王亦云徂天心應有待尼岳降祥符欲遂東周志自不惜馳驅孔  
席不暇煖齊如還楚趨司寇幸一試期月化已孚贊易與刪書三千並沾濡惜哉  
神聖抱拂鬱終弗舒已矣發長嘆歸與亦時吁過此難重陳舉世崇虛無秦漢無  
望矣晉唐誰嗣乎墜緒尙堪尋汲汲動遠圖予曾過闕里茲偶來三衢薰沐一展  
拜淚下沾裳襦歸來賦短篇志激非自誣

望夫石壁間韻

妾身已化石况復崇虛名似日有晦朔如月無圓明皎皎河漢女迢迢牽牛星雲  
雨不成夢膏沐爲誰營姑老夫未歸行當訴蒼冥

蚊蟲嘆

蚊蟲本微物所志在一飽一飽亦有時乘機或投巧撲滅憚一揮愛我玉指好

圭山近稿

卷四

仙居叢書

桂子庚寅辛卯二春俱垂實如葡萄多以石計

我愛庭前桂春實自秋芳紫實紛華枝清芳聞我堂雨露豈不公眞堅汝獨強採  
實實豆籩擗芳芳酒漿用備薦郊廟聊以徵禎祥

庚寅冬臘盆蘭盛開結實如罌粟

閩雪不着地閩山無改青炎方雖則然嚴臘亦近冥念汝本秋芳胡爲復冬馨垂  
垂五七本馥馥開中聽探佩意弗忍坐對神自醒旬日復結實宛似罌粟形既足  
擬九畹還以備四靈此理不可測攸然動心銘予聞桂與蘭茁茁詩禮庭予德既  
弗堪敢望傳家聲稽顙向北斗願以昭前星

楊憲副乾叔恩養圖

青青北堂萱湛湛雨露滋遊子在萬里安能長去茲願乞許國身慰我堂上慈蒂  
孝實廣大俞旨弗復疑歸來備甘脆兒母俱懼而吁嗟寸草心肯爲三公移

余孝子卷



家父陷賊窠阿郎腸似割傾貨贖父身萬死不容歇此心一何苦此志一何決天地爲感動綱常賴掀揭吁嗟賣國流茲理云胡滅

振龍樓新鑄鐘

厥性至剛厥心至虛剛則無二無雜其體健而順虛則隨感隨應其用疾以徐是以代天地以有言繼雷霆以爲威宜其振起方螯之蛟龍喚醒欲寐之蒙愚也歎

答郭淺齋見寄舊韻

四首  
五絕

別久心常共官同會轉希山莊珍邂逅分首欲齊飛  
樹葉迎風赤山光待日開旌輿何怪僮端只爲民來  
疎拙慚西署公廉忝外臺極知三友益奚事較頻來  
才大官非小心勞靜亦忙年資慚淺薄三徑未容荒

柳邊石亭

石亭緣洞建石洞爲亭開塵路留眞賞高人去欲來

圭山近稿

卷四

三

仙居叢書

楓嶺五律

落日度梨嶺繁星發楓林金風未成妻玉露還相侵  
覆覆幽蘭瓏皎皎明月襟傳巖如有夢吾亦欲商霖

自嘆

邪正分明字依違已較然杞人憂獨拙媧女補斯全  
憤世眞成妬縲官敢自恬反經如有日吾道一掀髯

送雷生孚

我愛雷生好趨時不習妍檢身恆寡過虛己要希賢  
十載窮非困三冬學已專終當勸業顯只爲性天全

饒別王堯谷大中丞七絕

才兼文武君誰並統合華彝我亦同劍閣十年叨麗澤  
臨岐杯酒莫匆匆操舟

力學如操順水舟此心堅定幸無憂有時仰面貪看鳥奄忽奔衝到石頭

把釣

堪嘆漁翁把釣竿區區得失便相關何如且縱芳馨餌繫着吞舟不等閑

撒網

冒雨衝風趕急灘誰云漁父息機關此心移與匡時者一網英雄濟世艱

田父

日出纔鋤向晚休順天生意又何求年年了得官租去宰相無勞只問牛

牧豎

簪笠棕衣只飯牛深林輕雨不須愁有時扣角歌聲遠未解齊威聽得否

松溪老梅

四十風霜耐老枝芳心清節鬼神知自憐本是調羹手暫放疎花待急需

月共蕭疎雪共寒珊瑚枝上玉花團移根莫向龍池去並却春容不耐看

圭山近稿

卷四

四

仙居叢書

香林寺觀稼

似緣如黃穗穗鮮安民無計仗豐年新秋偶入香林寺月透禪床睡正甜

宿西洲對月四首

萬斛清輝散九州波光搖漾海鯨愁而今始信吾儒事力學明生自一鈞

一鈞新掛候如輪梧葉梅梢更逼真愛我有人知我少清光夜夜照青春

青春頻見月重圓消息盈虛本自然恹底有人能翫月却將身計繫浮煙

浮煙消盡月初升絕似靈臺此隔扁寄與少年渾漫興把持敬一到惺惺

東峯觀月

月下觀心意洒然明明暗暗敢欺天虛窗打透重重幕心月由來只一般

興田用壁間韻寄題武夷二首

玉女峯高半插天武夷聞勝已多年蘭橈直遡源頭去只拜先師不問僊

武夷何處是通津渡口交加古木陰九曲定輪小曲好桃源應讓杏源深



答謝果菴正倒韻 二首 七律

由來此道只如川 遭際何須五百年 到處沉思渾用性 尋常體認莫非天 觀海要知窮海角 登山除是陟山巔 利名打透重關鎖 方許狂生了俗緣

置我賢邦豈夙緣 景行長在泰山巔 直愁襍線慚龍袞 設把輕陰作暮天 弱質研窮三月後 剛心磨淬十年前 自知一葦真無補 也出風濤學濟川

蕭家地山行

觸熱肩輿度嶺巔 山花何意向人妍 雲移遠岫收殘雨 月上平林散暝煙 璞玉見訶忠義憤 瑟竿殊好古今傳 無情歲月如流水 白髮相將到鬢邊

梨口得吳南溪手教詩以答之

脫穎羞誇二十年 青聰皂蓋尚依然 學非為己難忘已 事不由天豈順天 憂國每懷心耿耿 窮經未到腹便便 故人有意勞相問 崇德加飭共勉旃

登高山

圭山近稿 卷四

五 仙居叢書

獨立孤山望眼扁 川流脈絡更分明 當年英俊心懷赤 此日奸雄血尚腥 開素掃去此山石苟 勇猛定期登峻絕 須臾聊為剪榛荆 直從清獻陂前數 遺愛看看看到此亭 山上立清獻祠

宿幽巖

春雨深林路欲迷 忽聞鐘磬入招提 一泓活水魚龍澤 千尺蒼松鶴鷺棲 天地到茲分世界 山川於我愜攀躋 旌輿倏忽明當發 莫忘觀風問四黎

金峯公館前韻

當面金峯霧欲迷 小齋初構廓招提 館因觀改 新篁旋老凌煙節 古木猶懸瑞鶴栖 花塢無心到處賞 好山似夢倦時躋 行行似歷天台道 水滿前溪草滿隄

福寧行臺

春散江城麗色多 天涯何事獨乘槎 清時欲下狂生淚 近事誰憐壯士詞 一道紀綱漸振肅 半零書劍任風波 海天漠漠君門遠 千里孤臣鬢欲皤

福安

自分疎狂過獨多 可堪隨俗若依阿 知幾不作烝梁夢 濟世能忘扣角歌 嵐色開時看曉日 源頭活處是清波 一擔擔起綱常重 莫嘆青絲鬢欲皤

龍潭公館

堪笑龍潭似鐵爐 柳子厚有磁城碑記 老龍今日有應無 也知不是潮陽鱷 只恐猶潛曲阜狐 雨過山峯春欲醉 月當松澗夜非孤 醒來記得依稀夢 欲向巫咸問拙吾

壽寧

首夏觀風入壽寧 寥寥燈火數家城 謾愁行葦民非古 須信菁莪教未成 西北嵯峨山並秀 東南環抱水雙清 時感風水 鷹鷂自昔非鸞鳳 江漢從今聽治聲

平溪公館

伏火炎炎熱似爐 憑將敬一制教無 時件同列 山童不捕春雉雉 野獵曾遺夜拜狐 雲隴高低牛未喘 月梧蕭洒客同孤 何時了得桑弧債 一覓清閑一快吾

政和道中大雨

圭山近稿 卷四

六 仙居叢書

凍雨如麻清路塵 轟雷掣電也驚人 三農已慰雲霓望 四野爭看物色新 並坐黃鸝愁濕翅 高騰神蜃欲番身 明朝擬向芝城去 回首西頭即要津

障川樓

百尺危樓鎮郡城 全閩入覽便分明 未須砥柱千鈞力 坐障瓊溪萬古清 幾向晴空看過鳥 每隨新雨起飛鯨 諸君已兆文明會 多士從今續考亭

大橫舟中

兀坐安舟渡急津 風濤雖險膽如輪 平看兩岸分春色 忽見中流躍錦鱗 遠近晴崗收麥急 橫斜雲隴插秧新 聲聲布穀催耕鳥 獨解人間稼穡辛

久雨

晝夜兼旬雨更陰 守官無狀獨沾襟 耳邊聒聒水連市 眼底昏昏雲擁林 枯麥幾家會穫盡 短秧到處已埋深 傷農害稼渾非小 默禱何能只素心

喜晴



薰風淨掃一天陰路上逢人豁悶襟水落江潭魚蹤壑日當霄漢鳥依林曬衣處  
處憐塵久插瓦家家說漏深天地偶然成感格憂勤端自愧予心

清風亭

清風亭上本無炎况復黃金雨正添得得魚龍頻戲藻飛飛鷓鴣自窺籬萬竿竹  
動聲敲玉千尺松高影透蟾濟却羣生天意順暫時登賞夢猶甜

浦城舟中

一水迢迢夾兩山短灣繞過又長灣備嘗夷險渾多事每出風濤口等閑滿旆熏  
風清毒暑五更甘雨洒微班驅馳不是便勞動王事民情夢寐關

送曾白湖副憲慶覲

華封三祝重多男此日前星望眼穿共喜賢明朝上國定應精白動皇天旌麾况  
直薰風發袍笏須沾湛露鮮前席倘勞資顧問謾云災變似常年

送吳南溪大參慶覲

圭山近稿

卷四

七

仙居叢書

欽聖懷賢意欲塵偶因良會識高人丰標坐定如忘我詩律敲安轉逼真治到勳

華渚用晦禮遶姬孔不須嘖

時有分  
祝之誠

趨朝獻納多僉旨早望青天陟要津

南溪有吳  
齊天之號

爲學要箴共十二則

務外不誠身心俱病鞭辟近裏聖賢可師道在目前學非高遠爰輯舊聞用  
告來學聊以自箴云

爲學之方莫先擇術始術弗慎終恥何及希聖與賢可幾君子君子自期恆人而  
己若甘恆人下愚不移爲利得害求安就危作僞日拙躁進反滯爾其戒之敬慎

爾藝

既知擇術莫若務本庸德之行庸言之謹孝弟忠信是曰秉彝作之不止聖賢同  
歸鸚鵡能言猩猩能語人之爲人曰維倫理倫理弗敦大本已虧爾其戒之敬慎

爾爲

既知務本莫如定志志苟弗端欲動情熾燕安鳩毒凡戲無益酒色禽荒羣居博

奕凡此數者皆志盪賊術之用嚴驅之必力志常惺惺氣維使令爾其戒之敬慎  
爾明

既知定志尤宜惜陰大禹聖人寸陰是勤維晉陶侃朝暮運甕爾爲常人虛度晨  
夕業精於勤行成于思日月逾邁少壯幾時語云恐失易言夕惕爾其戒之敬慎

暑刻

既能惜陰尤宜取善學無後先道在聞見既問於師又辯於友弗得弗措苟得必  
守經史所載藹藹之言或利於行或中爾愆爰集衆思以成己德爾其戒之敬慎

毋畫

既知取善莫先虛已訕訕聲音拒人千里虛則有容滿則受損學務求益搗謙爲  
本約而爲泰無而爲有人之視已有如木偶君子下問吾人盡言爾其戒之敬慎

歌然

既知虛已莫先立誠矜誇矯飾滋僞日傾學誠則熟言誠則明行誠則粹藝誠則  
圭山近稿 卷四 八 仙居叢書

毋詰

精欺人欺已欺心欺天欺已欺天胡聖胡賢言不顧行萬事瓦裂爾其戒之敬慎  
既知立誠尤在謹獨謹獨伊何存理遏欲莫見乎隱莫顯乎微一念弗戒天理具

勿肆

遠屋漏是愧閒居如市十手所指十目所視幽暗之中細微之事爾其戒之敬慎  
既知謹獨尤在持盈世俗淺夫片善自鳴池盈則溢器盈則傾積中發外實大聲

勿忒

宏至德如愚良賈若虛潤屋潤身其效頓殊求也自畫賜也願息爾其戒之敬慎  
既知持盈莫先守恆人而無恆德用弗成天地維恆生物不息聖賢維恆造道之

勿寧

極一暴十寒朝更夕改溝渚盈涸可立而待如川斯流如日之升爾其戒之敬慎  
既知守恆尤宜見大人所避趨曰利與害趨利害避害賊仁惟吾心泰愛惡莫



侵小成不安近郊弗批完厥性天復吾固有堯舜姬孔利在萬世爾其戒之敬慎  
毋易

既見其大莫先順命非人所爲實天所定惟聖與神人定勝天修身俟死曰智曰  
賢用舍維時難進易退寧黜無辱甯遜無悔孟曰登壇孔曰執鞭爾其戒之敬慎  
勿愆

八勸 八戒

勸汝孝於親汝身親之遺汝身非汝有况迺競刀雖有身有富貴有身有施爲豈  
婦因身合愛子因身推常念身所由安敢忘孝思孝思不可忘不孝如行尸但恨  
子不孝莫恨親不慈

勸汝弟於長者分所尊所尊忘所敬安望天顯俾汝有兄伯叔汝有弟姪孫伯  
兄汝弗欽弟姪寧汝恩用是生荆棘因之相噬吞千古說椿津萬古重義門但恨  
禮弗盡勿以施報論

圭山近稿

卷四

九

仙居叢書

勸汝睦宗族宗族異途人途人有相知况爾一脈親向者同根源今日異富貧富  
貧勢若異祖父恩愛均一念苟不充漢若越與秦豐歉類相周分義日以新姬公  
聯宗族本裕教萬民

勸汝和隣里隣里非一日爾父泊爾祖相愛已成密耕稼共鋤犁晨昏同入出有  
時行慶弔有時分勞逸休戚本相關何事生仇疾爾昔年幼時談笑置懷膝今爾  
頭角成忘情事刀筆

勸汝做好人好人人所欽達則爲名宦窮則重儒林貧吾堅素守富乃散黃金黃  
金豈不貴勿使利欲侵得失付分定聖賢無古今有志事竟成肯負桑弧心但恨  
調不古莫恨無知音

勸汝行好事善惡由我積天道苟好還相報寧咫尺不見放覺翁未幾擁師席不  
見渡蟻士高舉奮六翮大則濟四海小則贈一宅仁心隨分充寧縱勿促迫富貴  
本自然何事徒役役

勸汝讀好書書中無限味六經萬萬言求之在弘毅書能廣知識書能浣腸胃靜  
存收放心平日看夜氣聞義須勇爲改過勿自諱愚者因書賢賤者因書貴但見  
讀書益不見讀書費

勸汝說好話話言禍所基三緘苟弗戒駟馬莫能追異言勿汝怒法言勿汝疑勿  
怒得盡言勿疑寧汝欺困者呼之覺險者導之夷由是辨義利因茲厚倫彞循循  
善誘人孔老眞丹師

戒爾勿賭博利害相倚伏爾有食人心人亦欲汝肉錢帛既成空旋及器與服器  
服又不充典田還賣屋父子不相顧夫妻成反目所得能幾何所失不可復一朝  
陷刑憲終身受慚慙

戒爾勿爭訟輸贏本人情爾輸不肯已誰肯讓汝贏臂腿漸成蠢產業日以傾傾  
業不足惜遂得好刁名姦刁名不已大禍將爾攪騎虎勢莫下讓畔不失耕何如  
守其雌一聽天司平

圭山近稿

卷四

十

仙居叢書

戒爾勿教唆教唆損陰德質樸爲汝迷狂癡信汝惑本是一朝念巧作終身抑其  
則與人命其則誣盜賊獄達至公汝詞俱不直徒使水火爭彼此不容息但恐  
有天刑汝身罹竄厥

戒爾勿盜賊盜賊爲人仇耳目得所探盡取不復留爾享一夕富人抱千日憂天  
地自然利爾獨不爲謀耕稼則得食蠶桑則得裘耕織若勞力衣食自悠悠今爾  
得之易能免遭虔劉

戒爾勿酗酒狂藥非佳味痛飲不覺多漸以潰腸胃腸胃蘊濕熱豈不耗元氣東  
西皆不知言談盡無謂但使聽者憎但使觸者畏既畏復爾憎視爾若異彘爾胡  
不反思天地人爲貴

戒爾勿淫穢穢德古所恥所以重風教必自閨門始鳥亦有唯鳩木亦有連理况  
爾貴爲人夫婦不相比荒淫喪人倫荒淫亂宗祀輕則速殀歿重則遭棄市爾宜  
速改轍毋使人掩耳



戒爾勿凌善善人天所祐違天虐善人天豈於汝覆善人心不貪善人言不謬爾  
獨利其愚百事勞搜究搜究彼不知汝心一何繆爾惡日以積彼情恆忍詬會見  
天道明報施無滲漏

戒爾勿吞貧貧者義當恤飢則賑之飽勞則節之逸况迺田產連曾可恣吞吸甘  
言遂疊算狼心相娟嫉致令鄉井離父子盡相失先師有遺訓悖人亦悖出汝胡  
不蚤思貪狼以爲術

增廣度寺二首

名山自昔經遊地此際重遊惜別難敲句幾宵清不寐談禪一榻坐來安明時促  
我登途急匹馬穿雲冒曉寒此去直完塵世事更從應約的無歡

久慕馳名紫籙山籙山萬仞路行難疊華且葉春長在禪榻蒲團夢亦安木井泉  
香雙眼豁鳳凰亭插兩峯寒我來得聽梵音處漫促行鞭且盡歡

萬歷仙居縣志卷十二

圭山近稿

卷四

十一

仙居叢書



明張 儉存禮甫著

請清寺田恤屯困疏

臣仰承綸音之重俯察民食之艱凡分所當爲而力所難爲者無不夙夜祗懼供職以求無忝一方之寄茲括民情乃知建寧一道久沿溺子之風詢其所自實有萬不獲已者也建寧民恥爲僧道寺院田產多被福清長樂光棍襲管每冬收租載歸原籍以自肥差糧則拋累里甲包賠至于軍民丁田每糧一石或丁一丁歲派驛遞夫首銀四錢民壯銀一錢八分料銀八分共六錢六分而里甲正役均徭解戶等差十年輪該一次復不勝繁重焉又左衛原額屯糧八千八百四十六石操旗屯軍共五千六百五十一名右衛原額屯糧八千六百八十三石操屯旗軍共四千四百八十名弘治十年奏例差官清查止據一處荒蕪開墾爲數一例加增左衛新增屯糧四千四百三十四石右衛新增屯糧二千一百六十六石當時

圭山近稿

卷五

仙居叢書

雖造田段四至文冊多係一時捏報至山至溪至路名色塘抵其實無田堪以徵辦該衛刑逼無奈照軍加賠賠不敷漸及幼丁或一分或五斗悲號之聲徹于上下此建寧之民若軍顧連困苦不復知有生人之樂不暇計及父子之恩間舉男兒以爲鬼物將負累故不敢收育也何慘如之臣查問刑條例一款僧道府不得過四十名州不得過三十名今建寧各縣寺田多者數千畝少者數百畝中間度牒僧道不過十之三而冒名濫給者十之七夫田千畝大約歲收租米七百五十石百畝收租米七十五石于內每畝納五升則千畝者餘米七百石可比六部尙書歲入俸米矣况數千畝者乎百畝者餘米七十石可比左右給事中歲入俸米矣况數百畝者乎臣以爲養茲光棍不若優恤良民查照前例凡有度牒不係外籍僧道聽其照舊管住量照舊額每糧十石定田一百畝以充糧差食用之費餘名革退將有餘田畝給散附近驛遞頗立行止細民及召募武勇之士每船馬夫首一名原價銀十兩以上者給田二十五畝民壯步夫原價銀七兩以下者給田

一十六畝仍每畝每年輸糧米五升餘作本役工食委官勘給造冊備照十年重審逃亡事故別給又查正德五年詔書一款各處屯田見今差官清理未完者悉皆停止原差官員俱各取回本年詔書一款各處屯田近因新例差官查理所至騷擾人心嗟怨悉令照舊耕種其文冊已未繳部者盡行燒燬夫屯田新增之害已遍天下而建寧左右衛尤最合無照前詔書悉令文冊燒燬如此則糧丁無溢派之虞操軍無賠納之苦國有常賦民有常產必以室家鄉土爲念必以男女承祀爲重尙忍爲傷心慘目幾無人心之所爲哉伏望聖明鑒察民隱概賜允行可寬民財可活民命端在是矣

寺田議

查得諸司職掌僧道度牒三年一給仍要各司考試能通經典者申送到部具奏出給洪武六年令各府州縣止存大寺觀一所併處其徒擇有戒行者領之若請給度牒必考試精通經典者方許二十七年榜示天下僧道不許收民間兒童爲

圭山近稿

卷五

仙居叢書

僧違者并兒童父母皆坐以罪年二十以下願爲僧道亦須父母具告有司具奏方許三年後赴京考試通經典者始給度牒不通者杖爲民永樂六年令軍民子弟童奴自削髮爲僧者并其父兄送京師發五臺山做工畢日就北京爲民種田主僧擅容留者亦發北京爲民種田十年諭禮部天下僧道多不守戒律民間修齋誦經動輒較利厚薄又無誠心甚至食肉遊蕩荒淫略無顧忌又有無知愚民妄稱道人一概蠱惑男女雜處無別敗壞風化洪武中僧道不務祖風及俗行瑜珈法稱火居道士者俱有嚴禁即揭榜申明違者殺不赦十六年定天下僧道府不過四十人州不過三十人縣不過二十人限年十四以上二十以下父母皆允方許陳告有司行隣里保勘無碍然後得投寺觀從師受業五年後諸經習熟然後赴僧道錄司考試果諳經典始立法名給與度牒不通者罷還爲民正統十四年令僧道應給度牒者先令僧道衙門勘試申送有司審保額內并籍貫明白仍試精通本教經典方與申送本部覆試中式然後具奏請給景泰六年令今後僧



道務要本戶丁多本人持行修潔不係軍匠鹽灶等籍里老保結呈縣覆實具申  
府司類呈該部方許收度仍勸各寺觀原定額數如有數多不與出給成化十三  
年凡僧道住持在外寺觀止許一人此祖宗之法有如此者今之僧道果能精通  
經典乎果由鄉都結勒乎果合定額果保其非軍匠鹽灶戶籍乎果能持行修潔  
各守戒律不犯榜諭殺不赦之條乎又查之成化十六年巡按御史徐題稱福建  
一省膏腴田地多屬僧寺一寺之田至萬畝僧人住持典賣勢要竊取價租致使  
錢糧無徵至於當差良民無分寸田地要將寺田令小民頂種納糧當差等因該  
戶部奏奉欽依取勘每寺除徵糧及五百畝以下不動外其餘查給小民領種應  
辦糧差候造冊之年收戶正德九年給事中賴奏稱僧道踰例詐冒度牒要行裁  
革每寺除香燈齋糧差役外餘俱收入預備倉以防荒旱等因該戶部議得本官  
生長泉州親見其弊所言有理本部查得成化十六年既以奉例查撥因何至今  
仍有前弊合行通查福建除已撥起科及五百畝以下照舊不動外其餘給撥無  
圭一山近稿 卷五 三 仙居叢書

一僧道雖有前項定額今亦不必盡拘但查係冒籍者遞解該縣結勒如果無碍  
就於本處寺觀焚脩若有詐冒者復籍當差或姑免其解勒止將一家冒管幾  
寺一人冒管幾菴者查革庶幾去其太甚之意  
一田地雖有五百畝以上給散小民事例今亦酌處每田一千畝撥還五百畝以  
爲香燈齋糧差役之用其大寺原當坊里長二三名者每一名給還田一千畝  
或六七百畝以足其用其餘俱收入官  
一僧道驗其度牒原係某寺觀投師者聽其於原寺觀住持亦不必限其名數若  
占據別寺觀者革退還官  
一撥還寺觀田地止令承納本等糧差其收入官者鄉例每糧一石該田二十畝  
或二十五畝歲收租米一十五石值時價銀七兩五錢今亦量減以寬佃戶每  
石歲收租銀六兩內除一兩作本年糧料五兩作爲民壯夫首之用應編均徭  
除豁免如此則一歲八縣大約省派銀三萬兩  
圭一山近稿 卷五 四 仙居叢書

一驛遞夫首舊規每糧一石編銀六七錢今除寺觀田租之外計民田與撥還寺  
觀田通共若干每年每石只用編銀一二錢以足其數使寺觀既免民壯又得  
驛傳輕省  
一民壯工食前議每名給與田一十六畝民俱樂從各縣俱已遵行今宜照舊其  
田應該糧料仍在餘田內支取不涉寺觀及民壯之事如此每縣每年省派銀  
一千四百四十兩  
一驛遞馬船夫首前議給與田二十四畝民本稱便今每名每年除廩給外給與  
工食銀七兩二錢其寺觀田租行令該縣管糧官徵收貯庫以時給散庶爲適  
中  
一時年有荒熟不同徵租不能一一合額如遇年荒除遇例蠲免外該用之數仍  
一體均派於民庶不至於供官有歎  
一僧道自願改正還俗者志趣可佳不宜令其失所但查有度牒真正者每人給  
左



田二十三畝令其附籍當差

一凡廢寺田土盡數入官其有原係里長本都別無上戶堪替者量其差使之用給與應得田畝就令該圖有丁人戶收入本戶當差除去寺觀之名

一廢寺田土已經先年給撥或價買收入民戶者聽其照舊管業不必追究以致紛更

一政和壽寧二縣寺田不多僅足民壯之需今亦已遵行不必再議自此法行每年雖極貧單丁省出民壯銀五錢

一浦城松溪原無驛遞寺田頗多除給民壯之外有餘租准作八分丁料此外量於丁米派足其數庶幾人人均沾

文公墳墓議

自該縣起馬六十里到東峯驛自東峯四五十里到禾平街地里平曠人烟稠密原有黃龍新寺一處相離本街一里之餘堪以棲宿又別有淫祠二處俱堪改造

圭山近稿

卷五

五 仙居叢書

公館自此直往嘉禾里道路甚窄亦無人家約有六十五里可至華嚴寺廢壞年久見存故址一處寬闊堪以蓋造庵院爲止宿之地且本寺原有田糧二十七石計田五百四十餘畝名雖入官實無下落相應查究以爲館穀之費自此至墓所一十五里有朱氏子孫老少二十餘人住房三所切近墳墓舉目可見自來並無他虞等情據此查看得朱子墓在建陽嘉禾里九峯山下離縣一百八十餘里山路崎嶇險窄參謁士夫由縣而宿東峯驛由東峯而宿禾平街有黃龍寺堪爲憩食之地惟禾平街嘉禾里則六十餘里因廢寺別創一菴改名懷賢菴最屬妥適自此至墓一十五里山勢峻逼別難建寺合無就於子孫住所量立祠堂五間以妥神靈參謁士夫先宿懷賢菴次日拜謁憩食祠堂畢回宿本菴庶幾彼此無碍誠敬亦伸若必欲置寺非惟風水有傷抑恐子孫微弱僧寺富強他日女男混雜之禍將有不忍言者非所以處先賢之後也參謁士夫供給之費 置立印信文簿一扇發縣就將華嚴寺已後年分田租糧差之外半存新菴作爲齋糧供給半

存縣庫遇有參謁之人該縣就時給發支用之費責付建溪驛夫牌領出支應往

來附簿查算庶幾可以無悞再照周恤一節其爲報本盛意但使仰給於僧則雖所以愛之實乃所以辱之况考亭子孫十三戶富饒者多墓下子孫三戶老稚不

過二十餘人除富饒者不必周用而壯強者亦不可盡周以情其營生之志其老疾所宜周卹者不過二十餘人 竊欲查處入官開福寺天宮一房田租除糧差

外每年約有餘租銀三百餘兩亦立印信文簿一扇籍其田畝都圖四至于內仰本縣一付考亭賢達子孫各收執略做范文正公義田事例老疾者歲給衣糧

銀四兩分四季給散喪不能舉葬貧不能婚者人五兩女不能嫁者四兩子弟入學或應舉者或貧不能從師者人三兩災變或出非常者以事大小爲差俱要考

亭賢達子孫及族長親率本人聞之于官如數支給其不守禮法有玷祖風者雖應給不給仍爲立石考亭書院請求雄文詳載其事碑陰仍備田畝賑給之由以

垂永久如此則不惟周其貧乏且又訓以禮義取給于官無仰面僧寺之辱載籍

圭山近稿

卷五

六 仙居叢書

于石無私相貿易之患其所以崇重先賢激勵後人而有關於風教者夫豈小補哉

建安八縣夫役議

夫役之設所以備迎送非專爲使客而已若上司之巡歷人員之差委所過必有夫馬之擾有驛遞者固取於驛遞無驛遞者必取辦於有司給於驛遞者民也而辦於有司者亦民也崇安建陽甌寧建安路當通衢原設驛遞民固勞矣浦城則路通江山松溪則路通龍泉政和壽寧則路通福寧州使客固亦不免而上司委官之絡繹其能以獨逸乎若均派其糧以貼驛遞則在彼者又將何所取給乎此七縣之糧不可以通融均派者然也又錢糧之出入視官府之貪廉以爲重輕古所謂有治人無治法者良有以也今以一縣之徵給一縣之役其勢易其情順若徵于縣以解于府貯于府以給于驛遞則入之難固損于民不免秤頭之加耗出之難又損于驛遞不無分例之扣除豈所以爲釐奸革弊之道乎此錢糧之不



不可總歸于府者然也爲今之計合無因其額設之數制爲均一之法不必均派於七縣而用自敷不必總領於一府而民不病糧戶得以從輕省驛遞無致於遲悞條件具後

一舊例馬夫每名工食銀一十二兩驢船夫每名十兩廚館夫每名銀六兩步夫每名銀五兩同一走遞而工食不同此不均之端也今量其勞逸立爲定則馬驢站紅舡夫及大安驛遞崇安遞連所無舡步夫俱每年每名給與工食銀七兩二錢廚館夫比之馬驢船夫頗逸仍舊給與工食銀六兩建溪驛與田長平步夫用舡日多用步日少東峯尤居偏僻接應頗簡亦俱仍舊給與工食銀五兩已上俱係各夫一年本等身役工食之費但令常川走遞並不許令其出辦廩給之用

一舊例每夫一名出辦廩給一日週而復始計每年每夫出辦廩給二日但每日供應自有繁簡如一時上司轉集或京堂內臣權要過往所用廩給或五六兩

圭山近稿

卷五

七

仙居叢書

否則二三錢亦可支持苟使下戶適當其繁何以堪處勢必倍取於糧戶以足其數矣一人倡之衆人和之此糧戶之所以人人受害也今立定規城西驛每日定銀一兩六錢建溪長平係各縣附郭大安入閩之初葉坊路兼浦城北之城西稍次每日定銀一兩二錢太平興田各爲腰站比之建溪稍次每日定銀一兩東峯獨通邵武一路又乏使客往來比之太平又稍次每日定銀伍錢已上銀兩俱於本縣餘剩秋糧銀兩按季徑給本驛答應不必解府給發該縣仍置文簿一扇送分巡道鈐印發驛責令本驛官吏公何直日總小甲支用逐一登記每月送縣查算一次將支用過數目用縣印鈐蓋以俟季終通算有餘不足通融處辦前銀仍要在每季十日之前給發不許該縣官吏抵換成色索取分例扣除秤頭致累該驛結債壞利

一舊例派定夫數每糧一石或定六七錢每年出牌拘勾着役令承役之人自行包攬先期即以賄賂廩給爲由每石或索取一兩二三錢者有之索取一兩

七八錢者有之以此民被科取又不敢親自承役不勝怨忿今每驛除去廩給銀兩不派於民每糧一石不過止派銀三四錢仍須行令各縣掌印官照數分爲上下半年二次徵收給發承役之人以爲應得工食其布帛谷米果於時價相應者許即喚承役之人當面給領如此則糧戶可以每年減省三分之一矣

一舊例崇安各驛遞不足之數俱於浦城建陽松溪政和餘剩秋糧銀內解府轉給不無出入之弊伺候之難今查崇安縣亦有前項餘銀合行先盡本縣支給如果缺少就於建陽附近縣分關取以足其數其浦城松溪政和前銀行令貯庫以備緩急之用如此則關支不致於留難供應不致於遲悞矣

一舊例驛遞承役之人不行名常川答應每月止以十二三人在官直日承役者少空閑者多以此遇到緊急支應不前或奸詐之徒包攬二三名在身互相影射俸免今量其夫數多寡每月編立總甲一名小甲二名夫或三十名或二十名共直一月自然人多不致負累仍以直月有餘之數量存銀兩以爲本

圭山近稿

卷五

八

仙居叢書

驛遞置造舡隻什物鋪陳之用如此則夫役均平姦僞隱占者無所容矣

一法之不行皆由本驛遞官吏革去見面常例不得便宜故樂於法之壞而惡於法之立以此聽信讒言吹毛求疵以圖阻撓今每驛遞量撥人夫四名跟官一名跟吏使其稍有贏餘自然法行可久

北苑茶場議

北苑茶場始于唐而盛于宋以迄于今前項茶夫自祖祖而孫孫世世承役始猶不過借用其力終則至於併取其茶以此致令逃亡誠所不免但據知縣虞慶所論往日之費十倍於今自蒙革除頗從輕省今縣丞史仲昇復有此論不過欲究竟民瘼以爲久遠之計况占山人戶先蒙鎮巡衙門定爲三等九則之數久被廢行由是各夫年年出辦不前致生嗟怨誠有如本官所論者爲今之計合無將前項定議申明除本等茶夫外其占山之人宥其已前之罪照依先定等則出銀幫貼仍從輕省將一項人戶分作三班使其三年一輪每年各立總甲一名小甲二



名總領其事又於原設製茶之處量建正房三間廂房六間以爲焙造之所使原設門子守之以重其事如此則一年勞二年逸茶夫無歲歲之擾因其山徵其稅占山者無遷改之勞矣

一本場原有官廳二棟及兩廊房屋今俱倒塌止存遺址以致製造無所茶品欠精殊非以下供上之義合無於舊址量建正廳三間廂房六間責令原設門子看守令其每年採茶會聚於此俱取龍井之水就場製焙自然事體歸一製造精潔矣

一本場前後左右原有官田二十餘畝比照鄉例年該租銀一十二兩自知縣虞變申明止於原設門子曾佛童名下追收一年已後向無追徵合無想其已前年分自嘉靖十年冬熟爲始每年取租銀八兩貼助十一年分茶夫仍每石留與銀二兩共四兩作爲本名下工食使其常用看守庶茶場房屋不壞

圭山近稿

卷五

九

仙居叢書

一原額茶夫五百名今查除逃絕外見在茶夫二百四十名舊例分作十六甲年年徵銀七十七兩一錢四分以此人心嗟怨不勝勞擾合無自嘉靖十一年爲爲始分爲三班每班八十名輪流推立總甲一名小甲二名總理催辦前茶價銀七十七兩一錢四分今內除管山人戶門子田租每年派銀三十三兩八錢四分六釐外止該派銀四十三兩二錢九分四釐量上中下出辦每戶不過出銀多者五六錢小者三四錢一年應役二年在閑矣

一原定管山人戶每年出銀七十七兩一錢四分年年出辦似失太重合無令其分作三班每班同門子田租共出銀三十三兩八錢四分六釐其餘不足之數仍令茶戶補足造定花名銀數文冊用印鈐蓋責付該年茶戶總甲收領照數催征買辦若山易主及恃頑不納者告官查究如此則亦用其一而緩其二矣

建安八縣丁糧議

看得前項丁糧之弊布政司所議已爲詳盡但欲以市鄉人民爲高下則居鄉者或寄籍於坊市居市者或載戶於鄉都以此區別愈見紛更又查之古制有田則

有稅有身則有役未有稅其身者也至漢始爲算賦猶以二十而傳五十六而除是所算者不過三十五年耳至隋大業中裴蘊以民間版籍漏脫戶口及詐註老少始奏令貌閱若一人不實則官司解職又許民糾得一丁者令被糾之家代輸賦役由是諸郡進丁二十四萬三千附口六十四萬一千五百丁雖加而元氣已索李密王寶一倡山東盡爲盜區唐宋以後莫不皆然近訪閩俗有以八分丁料爲未便者蓋緣舊法十年一役役雖重而以一戶屬於一甲里甲之情義相維故不忍盡竭其力且又蓄積于數年而取給于一歲過此又有九年之逸人情之所安也今法年年征取雖輕而以一戶屬於十甲十甲之里長視非己之甲首則無情矣以貪得之心以上似脫一字重以無情之念欲計其詭寄則斗米必收二斗矣欲

嚇其漏報則一丁必收三丁矣又其所入料價輕而供應里長反費輸之於年年者既不得休取之於見年者尤不能免以此民益窮而財益竭安得而不歸咎於立法之未善乎合無行各府縣每丁一丁不問鄉市比照浙江事例抵田十畝准

圭山近稿

卷五

十

仙居叢書

米五斗止派銀四分有其丁米不敷縣分查照每年該用實數每米一石量行加派一二分以足其用仍將嘉靖十年分丁料暫且停派行令將已前年分拖欠未徵之數作急徵完以備當年之需仍行布政司嚴催各縣掌印官及時攢造黃冊務將丁口應除者除應增者增但使不失舊額不必強民虛報以啓弊端其年十六以下六十以上於法不應賦稅者雖不報冊亦不許里長指以漏報爲由一例科取如此則所以養元氣而培植國本者未必無所取也

浦城縣立義學議

夫作興學校實爲政之首務知縣陳思謙未奉上司明文擅支官銀興造不爲無過然一念救民之意實可矜取爲此仰即查支 贖罰銀二十兩給發大戶李必昂等速將未完工程立限完整又前地不坐該縣公廨之側雖立旌善亭亦爲虛設合無除巡警舖照舊外二處俱作義學其店房前後共三十三間每年稅與相近居民管住開舖前街每間定稅銀一兩六錢後街每間定稅銀五錢比之民間



稍爲輕省該縣務舉保頗立行止粗知經藝敦實持重之人每處義學各一名就將店稅銀內每名每年支給銀一十兩以爲供給束脩之資每學仍扁義學二字將案驗刊刻一通揭之楣間許令通縣年十六七以下子弟赴學習讀孝經小學四書每日量其資質以爲多寡俱要講解使知大義每日寫做一張務令端楷教以孝悌忠信入事父兄出事長上與凡所以睦族交鄰親師取友接人待物之理與夫不可欺詐驕傲淫蕩奢僻譎怪鬪爭健訟之事其教讀各須正己率下使言行動靜皆可取法三年之內教有成效者 劾實獎勵若飲酒着棋貪淫教唆唱曲念佛交結下輩有玷士風不足爲人師者一經訪聞即行革退嗚呼夫風者天之氣也俗者民之習也民習而謂之風俗者言民之相習爲善爲惡如風之疾速也爲吾民者其念之哉

### 建大儒石坊牌議

切照建寧一府以宋諸大儒若胡文定公游文肅公劉屏山朱文公蔡西山九峯

圭山近稿

卷五

十一 仙居叢書

真西山輩層見疊出講明道學有功世教聞其風者尙能使人興起况在本府獨無坊牌以表著姓氏俾後學不知欽慕誠爲缺典查得 先爲禮儀事案發本府追完紙米價銀約有九十餘兩實係無碍贓罰堪以動支合無給發委官督工採石豎造石牌坊一座於大市街通衢左扁大儒之邦右扁正學之里備列建陽等八縣諸賢姓氏于上使人人知所瞻仰庶幾崇尙德賢在上寓鼓舞之機會舊圖新在下切思齊之念士類未必不振作風俗未必無少補也

### 惠民藥局囚糧議

看得病而無藥則危饑而無食則死有司民之父母而民其子也爲民父母安忍坐視其子之危殆而瘦死乎我國家每縣必置惠民藥局令軍民貧病者給與醫藥每監必置囚糧令獄囚貧無親屬者給與飯食良法美意所宜世世遵守而不可失者也况閩之爲俗寒煖不時瘴厲時行癘痢頻見夏秋之間非但囚犯橫死于獄中每聞居民天殁于暴疾則此二者又不可不急爲之處也 到任以來拳

拳以此爲言有司聽之邈邈恬不介意今知縣陳珪乃有此請其勤於脩職急於救民之心亦可想見矣合無准其所中一體申明行令各府州縣惠民藥局查究舊址量支無碍官銀脩蓋每年每縣給與銀八兩按季收買藥材精選醫士二人輪流在局直日修製如遇軍民及見監囚犯貧病不能請醫者許令赴局給醫藥官爲置立文簿責令逐日登記何日何人感患何疾給與何藥有無見效每季終送官查考所活幾人以爲賞罰其在監死罪囚犯及雖罪未至死審無親屬歇家堪以送飯者巡風官吏每日審勘明白呈掌印官核實計口給米一升責令直日看監禁子做飯給散前米或存留倉內支用或支八分丁料銀糴用如此則藥以起其疾食以療其饑則一歲之所有活當不可以數計也

### 浦城夫紅議

所惡者斯民有額外之征所貴者在官有不費之惠訪浦城一縣田糧二萬七千

八分丁料之外又有徵派步夫每年每糧一石派銀九分之上立綱首四名徵收

圭山近稿

卷五

十一 仙居叢書

又有步夫總甲小甲及觀前南岸等處總小甲又有貼差紅戶三百六十餘隻每年每紅一隻徵銀八錢亦聽管船總甲自收自用又立天地玄黃等號小甲總之夫管理之人既多騷擾之弊益甚以夫船則任情差撥初不驗其有無關文牌票以錢糧則恣意侵欺亦不問其曾否收支盡絕尅爲夫汗血之錢而抵換其成色剝駕紅辛苦之人而短少其履錢又查本縣原有 問擬入官禪寂等寺興善等菴歲收租銀一千四百兩或被徵收之人侵欺或縱奸頑之徒拖欠或支用不出正額或起解不究批迴名雖入官實滋姦僞爲此仰即僉殷實人戶二名將前項沒官寺菴田租除已前年分責今經手之人徵補還官外自嘉靖九年冬熟爲始厚額定租一石者念民貧苦減免一升十石者減免一石其餘照舊追徵租銀寄庫仍將發去印信循環文簿一扇分季登記凡遇一應使客往來驗有關文牌票真正者查照來文即撥夫紅當官查支前銀照依後定銀數給領雇覓應付母得時刻遲違每季終該縣將簿具中入遞送道查考奸弊該縣仍將嘉靖六年以前



已派步夫一體徵完收庫以均勞逸已後年分併夫船等項盡行革去不許再行編派其缸戶務查實在名數每年每缸量貼走差銀二錢減去六錢仍分上下半年亦聽本縣綱首公同本里見年里長二次帶徵與同廢寺租一併支銷親齋前項四季文簿送 查另僉該年人戶代替如此則每年步夫省派銀二千五百兩缸戶減徵銀二百一十兩錢糧之出入可稽侵冒之宿弊可革矣

### 庚寅賑饑議

夫夏滂則秋旱理之常也即今雖有水災繼後尙防秋旱若遠以見在官穀賑給或平糶則每縣少者不過數千石多者不及二萬石雖暫舒目前之急萬一不測之患秋冬束手無備不免腹心之憂相應立法議處以平米價爲此仰即查支在庫銀兩給發積穀人戶上者許糶銀五十兩上中者三十兩城中米每石給價銀五錢三分鄉間米每石給銀五錢務令分列要市去處較置官升官斗轉糶貧民每石定價五錢五分量將有餘二分作爲盤運脚家之費其鄉村小戶不能赴圭山近稿 卷五 十一 仙居叢書

### 申諭坑徒

循末必究其本溯流必察其源夫坑徒之見利忘害固爲可惡然非地方貪圖微利招引資給則密林深坑之內器物不備供給不前豈能久住但愚民徒知取效於目前不知慮患於日後如近日流徒作耗罪及身家禍連邑里覆轍在前殷鑒不遠 到任以來拳拳戒飭昭示貧富之分開諭禍福之機無非欲汝等改過從善去危卽安俾身無刑戮家免蕩廢地方不致擾攘人人得安生理今乃猶有頑悖不省長惡不悛如義民楊雲暉所呈者合就出曉諭即便散回原搭廠舍確磨就時拆卸燒毀如有仍蹈前轍者不日統率兵快親赴坑場征剿後悔無及

### 武夷新立儒館議

切見崇安縣武夷山水之勝冠絕天下宋儒胡文定公朱文公蔡文修公相繼講道其地而大隱屏鐵板障等處又朱蔡二公著書立言之所武夷九峯書院見存遠近士夫道經其下莫不欣慕偉觀思欲挽舟而上以伸展拜之敬查得先年慮其供應頗擾議將鄰境建陽縣入官田糧一百一十石收入冲祐觀令其收租以爲供應之費每年仍免本糧差役所議不爲不當但近年該觀道士不守清規惟圖專利以充囊橐此人心所由共忿而宿弊所宜速祛者也近該 巡歷到彼訪順衆情僉議本宮之外官道之旁有地一處寬廣平曠堪立儒館一所又訪得崇安縣西門赤石渡等處各有淫祠堪以折毀改造合無委官估計量支 無碍贖以充工食之資仍行建陽縣管糧官將前項田糧一百一十石督令有田里分見年里長每糧一石照依鄉例徵租六錢收貯縣庫陸續解館比照江西白鹿洞事例選崇建二縣有行教官一員在館住筭以司出辦其建寧等各學生員有自圭山近稿 卷五 十四 仙居叢書

### 行古喪禮論

願赴館講學貧不能自給者一體館穀如遇上司及一應士夫到彼就於本館樓宿亦將前項租銀支給供應豐儉隨宜年終通將供應過起數支用過數目造冊繳報守巡道查覈庶幾正道不雜於異教名山取便於遊觀矣

建寧宋稱小鄒魯仁厚之俗宜足以範四海今訪得軍民人等凡遇父母之喪不遵喪禮爲子若婦哀戚不至飲酒食肉無異平時同姓聯姻者吊賻不施殺牲留宴如同歡會或用布帛以酬客或用鼓樂以娛賓或廣設筵席邀請隣友名曰伴夜或多招僧道大修佛事名曰做七不惟昏愚小人冥行徑趨而士君子之家間亦有之或有執禮不與俗同或家貧無力隨衆者羣加非笑坐以吝財薄親之謗是以或揭債以塞衆口或鬻產以杜浮議至於父母殯殮衣衾棺槨之備悉從簡薄不暇留意又有將父母屍棺燒毀名曰火葬尤可痛惡夫父母于子恩德罔極不幸死別欲見無期欲養不及骨肉痛傷肝腸決裂惟恐送終之禮一不盡則爲



終身之憾何暇設席待客何心飲酒食肉又何必聽信邪術以作無益之佛事耶夫爪髮之落而人心愛惜者以吾體所生也父母吾身所自出又奚忍置其軀魄于烈焰中耶爲之親友隣族者非徒念死者之可傷抑且憫生者之無主爲喪主以相其禮節致贈賻以助其殯殮尤將不及亦豈忍飲啜其家重爲哀苦者之累哉似此惡俗相應釐正已經申明律例通行府州縣但恐人心陷溺難據改悟合再禁諭仰所屬軍民凡遇喪事親族尊長即便選請知禮之人爲之主喪小殮大殮衣衾棺槨一遵禮法毋得過中失正其有財力不及者親族量資助之使無遺憾爲人子者痛念父母鞠育之恩執禮盡哀喪具必從其厚葬祭必竭其誠一洗相沿之陋習敢有怙終不悛仍違前非者本道爲世道人心起見斷不爾貸也

建崇賢書院議

切照建之崇安邑居八閩之首其山川奇麗毓爲人文自宋胡文定公康侯游文廟公定夫道傳伊洛學究玄微繼是胡則籍溪致堂五峯茅堂劉則文靖文簡章圭山近稿 卷五 十五 仙居 書 堂劉聘君開考亭之統文公朱仲晦集諸儒之成蔡西山之律呂新書洪範解蔡節齋之周易訓解蔡九峯之洪範數書傳江少微之通鑑熊勿軒之儀禮大學廣義皆有功於聖門咸啓佑乎來學夫以一邑而產諸大儒世所罕有相應崇祀以詔後人訪得諸賢雖各立專祠但僻居節和五夫豐陽等里相去縣治一日之程人跡鮮到無由瞻仰 欲於該縣西城門外官路之傍置買居民李麟山地一片開闢成基查支紙贖銀兩建立祠宇名曰崇賢書院奉祀香火非特可以激勵後學抑亦足以增重閩邦矣

建寧等九學延師議

切見建寧一府乃宋大儒輩出之邦近年人材寡少蓋乏明師指誨之功今當大比應作興以振士氣訪得興泉等府退閑知府給事中御史等官黃偉鄭一瞻朱浙等志行超卓學問宏深素爲鄉邦推服堪居師席 欲行建陽浦城松溪等縣查支在庫銀兩置買表裏束脩差官敦請前來環峯屏山等書院住坐選擇九學

材質可進者執經受業庶後學得所依歸貧寒者有所造就矣

圭山近稿

卷五

十六

仙居 書

圭山雜著卷之五



明張 儉存禮甫著

乞放歸田里疏

臣以一介飯生謬膺三巴重寄拜命之後奉節星趨遠挈祖父之遺深冒江湖之險實欲效犬馬以馳驅樹勳邊圉豈能甘蓬蒿而泯沒晦跡衡門行不違夫古人報稱期以國士奈養身無道既味勞逸之宜而聽斷寡才僅免叢挫之誚禁奸興利志雖銳而謀或疎弭盜平戎法徒立而患未殄晝無停披夕輒廢寐緣是心神俱耗因之疾火交攻况夫軍旅頻親恆奔馳以卒歲兼乃寒暑薄侮希調理以靡時方愈復作增劇轉深茲者中途感患遍體疾楚毒中三焦呻吟徹夜病傷六脉吐泄連朝枕席爲穢形影相弔幸賴天啓之明猶知守己之誼修身俟死力疾視師稍延殘喘于目前恐終委骸于劍外望斷赤霞之堞涕泗交流夢回紫籬之陽情魂欲絕非敢萌慕外之心實惟切生還之願且近邀皇上無疆之休軍士用命圭山 近稿 卷六 一 仙居 叢書

之力渠魁授首反側粗安惟瘡痍疲憊之黎赤尙須繪監門之圖若螳當豕突之變讎今咸知漢家之大南人不敢復叛臣肩可以少息伏望陛下俯垂矜憐放歸故里俾代馬獲北風之依越鳥遂南枝之托則臣結草啣環不足云報矣

麥子山議

近該 巡歷夔州府詢訪民情土俗俱稱麥子山地方重巖復嶺陡澗深箐非惟山勢惡險兼且地連湖陝素爲盜賊淵藪如先年鄒藍嘯聚於此釀成大患全蜀被其荼毒卽今雖云寧靖但舊穴猶存難免日後之患已委夔州府銜經歷文尙綱陳朝瀚前去踏勘地勢詢采居民方略或焚其林箐或塞其險阻或究其出沒要路應否設堡守把務使賊巢掃蕩永保無虞以爲經久之計去後今據各官呈稱遵依親詣本山訪勘得山勢延袤數百餘里東底湖廣當陽房竹及本省寧昌等縣北隣陝西平利及本省東太等縣西南三面與本省奉節雲開萬等縣連界內有紅線巖篩羅壩粟子寨雙古墳四處原有古寨舊基可容百萬餘人壁立萬

切四面俱是懸巖止有一線之路可通上有平田古井足供衣食山腰天生石門

一座若被賊把守再無別路可登眞所謂一夫當關萬夫莫敵者也山內雖有新舊居民千有餘戶但地廣居散力分勢寡難以守禦况北連萬頃柴山常有各省流民一二萬在彼砍柴以供大寧鹽井之用一遇饑荒卽投入山據險流劫尤爲可慮本山居民願乞於石門雙古墳篩羅壩等處通賊要路設立關堡情願鄰近居民編爲夫甲輪流守把緩急有備使各賊不得入山據險民得安生等因轉呈到道看得麥子山之利害繫全蜀之休戚歷年以來因無先事之備往往致賊據險流劫釀成大患今據所呈欲於石門雙古墳篩羅壩通賊要路設堡編夫把守則本山居民各以保家爲念不待督責而嚴似爲有見合無依其所擬委官前去估勘設立并將本山新舊居民量地遠近編立火夫分屬各堡每堡仍選立千夫長一名百夫長五名本道給與粉牌管束令其輪流守把杜賊入路其立堡所費除本山原有石木不計外應給工食量於附近縣庫查支無碍官銀給發不許侵

圭山 近稿 卷六 一 仙居 叢書

尅冒破仍取各堡千百長夫不致縱賊入寨竄放眞盜妄拿平人結狀申繳 查考各完日將動支過銀兩數目編僉過夫甲姓名各造冊繳報庶幾永爲禦備之規潛消意外之變矣

三賢祠議

據夔州府廉增附生員彭冲等呈隨該 親詣府城西北蓮花峯閱視蓮池濂溪先生手澤猶存及考郡志梅溪先生善政非一潛溪先生流寓於此蓋棺之後壘於蓮花峯下先御史于公文謹守其墓詢之父老尙得其詳况崇德報功國家令典濂溪先生倡明理學上接孟氏之傳梅溪潛溪二公文章政事卓越今古豈可令其過化之地泯沒無聞委宜立祠春秋祭享非特所以崇明祀抑亦可以勵後進矣

弭盜論

嘗聞不教而殺謂之虐教亦不善謂之愚當道撫治重慶甫及歲半每觀盜賊之



縱橫深權政事之缺失及訪民風皆由習染近邊者每假威於土人居山者輒托巢於窩主徒配有官強盜之名河道有小弟兄之號白晝剽掠間聞仕宦之家奴昏夜強梁多起富勢之佃客流民流劫恃林箐而嘯聚獄囚劫囚依城社以恣橫托人報警者難免造意之誅見財起意者不顧親朋之好或闖門被害而燔灼其室廬或家財罄空而姦污其妻女惡態難以盡狀輿言實可痛心但國家之法網不可以苟免父母之遺體不可以輕棄各宜痛加省改復籍歸農力耕以足食勿厭稼穡之艱難勤織以豐衣勿辭桑麻之勞苦共爲盛世之良民成大方之善俗豈不快哉豈不樂哉所有賞格列左

一查得大明令一款凡人捕獲強盜一名竊盜二名各賞銀二十兩強盜五名以上竊盜十名以上各與一官名數不及折算賞銀欽此欽遵

一盜賊之聚散皆由窩主之容留遠則大山深箐近則城市庄窠愚民或貪其酒食或利其財賄恃險倚曠以爲淵藪此盜賊之所得所依附也今後招住新戶

圭山近稿 卷六 三 仙居 卷六

俱要查訪來歷無碍方許容住其久住之人而出沒無定服用可疑即便擒拿

送官依常一體給賞敢有似前回護定坐造意分贓斬罪

一盜賊之放肆皆因官吏之縱容平時則納其月錢節禮事發則受其馬牛金銀

一人監獄一黨資緣欲與開豁輒稱警擊此盜賊之所以愈無忌憚也今後凡

遇盜賊生發務要嚴加緝捕其已獲到官者申呈詳審無干方許開豁仍具不

敢賣放結狀粘連招詳遇有再犯一體連坐

一子弟爲盜父兄烏有不知但或幸於私愛或畏其狠兇不肯首告此其所以日

甚一日莫知省改今後務要訪察子弟不才者便指實告官親則比同自首疎

則減等免死仍令父兄保領改過自新敢有似前回護容縱事發定擬分贓重

罪

一盜賊豈人樂爲其間或逼於饑寒或脅於黨類一時誤犯卒難解散者有之今

後俱許自行投首即與依律免罪若賊黨之內果能捕獲同伴送官亦依律免

其本罪又依常人一體給賞

一河路小弟兄皆由紅戶利其雇錢輕少或陰與合夥分財互相容隱今後務選本分之入方許雇覓仍將雇過姓名年甲籍貫備寫執結一張上水赴重慶府下水赴夔州府投遞立案事發之日根究連坐跟捕該府仍置白牌大書紅戶投結四字於府門以便投遞毋滯行期

一捕盜義民千長快手凡遇捕盜有錢者生無錢者死此賊無懲戒益肆猖獗其

者實放真盜妄拿平民塞責今後州縣正官務嚴加訪究如有實放妄拿實跡

即便申道拿問照例充軍其見獲盜賊止許量供的確賊夥不得妄信警擊牽

連多人而挾財不遂疾死獄中此人命所關其母忽

一盜賊捉獲到官皆由交通慣熟市戶積年禁隸代其打點或誑騙財賄或姦宿

賊妻真官囑吏開射鬆刑小則脫逃大則反獄實有由然今後州縣宜加警省

勿致蒙蔽

圭山近稿 卷六 四 仙居 卷六

一嘉靖十年八年逼於飢寒愚民無知搬搶穀石救命法固難容情或可憫况其

或間由一事而枚舉別事或因一人而干連衆人父或及子弟或攀兄既經招

詳在官畏死逃竄年復一年不得復籍懲創既久宜加矜恤今後許將干連實

情赴道首告審非首惡查照近年恩詔宥免

凡一家被盜住近同堡之人俱要協力救護如賊已去亦要率衆趕逐自然賊無

所容緝捕易得敢有似前坐視觀望許被盜之家備將住近及堡長總小甲姓

名指實告官一體量力均陪所失之財

諭施州諸衛

奉勅書湖廣施州瞿塘二衛并忠州千戶所軍民詞訟俱聽受理問斷干碍軍職徑自參奏不必會同湖廣三司勘問欽此除瞿塘衛忠州地居腹裏各已凜遵外惟施州衛偏在一隅相離夔州府七日之程所轄施南忠孝金峒等二十四司一十八峒與本道奉巫雲萬鄧建忠黔等州縣都會三貴等里地土相連蠻漢雜處



近年以來該衛官員貪財違例擅與土人結婚體統不明鈐束無策土官土人侍其犬羊之性千百成羣越境流劫荼毒萬狀歲無寧月各里居民不得聊生驚逃竄避遂致閭里空虛田地荒蕪一望蕭然錢糧失額復有奸徒投托響名色占種取利糧差靠損漢人尤爲困苦其者該衛不才官員縱賊分贓伴若不知陰爲掩護致各蠻益無忌憚若不及今嚴加約束釀成大患咎安得乎爲此仰各官痛自省改不得違例再與土蠻結婚其土人侵盜漢境俱以見發到官次數爲坐三次以上參提巡捕官五次以上參提掌印官問罪完日革去管事若有縱容分贓實跡從重究治嗚呼官民有自然之體統內外有不易之大防嗜利而忘分殊味官箴縱逆而殃民有乖憲度爾雖托于無知吾敢委于自棄尙圖戒勉毋蹈罪愆

止加丁議

據達州申卷查先奉巡撫衙門案驗爲欽遵聖諭恤災傷革冗官攬里甲均賦役以蘇疲困事准都察院咨該夔州府達州義官趙景夔奏前事案行勒報依奉行

圭山近稿 卷六 五 仙居叢書

據夔州府通判黃圖呈稱州八里已成丁死亡二千九百一十四丁逃一十九丁實在二千四百四十一丁不成丁死亡一千二百四十一丁實在一千六百五十四丁絕戶八十九戶成了六百六十一丁不成丁九十八丁等因前來續該 巡歷達州隨據該州壽官冉添俸等呈稱委官審丁逼併排年里甲增添死名數百餘丁實爲民害等情又該 拘喚八里排年蔡俊高等 親審應增除者逐一詳審明白發州造冊前來通行齎報外今據前因看得國家之養民猶人身之養元氣元氣傷則人病民傷則國病即今罷斂之民何異已傷元氣重以虛耗死亡可待况該州并所屬東太二縣逼近陝湖二省數年飢疫死亡過半山廣箐深人民易於逃竄丁口消耗官民負累故義官趙景夔奏訴於前壽官冉添俸訴於後 目擊其害又奉本院行委勒報親爲拘審頗悉民情若再紛更民患益甚合無俯念民隱備行該州縣照依 親審底冊造報則一分之寬民受一分之賜矣

止解馬議

據夔州府呈看得本院前項馬政不待孳畜而各邊馬軍之舊額頓復不悞走遞積年包攬之宿弊頓除上有益於公家下減輕於民役真一方之美政可久之良規也但巴蜀雖同一區而風物實有二致近蜀者地廣而民稠故易於富庶近巴者山多而民少故易於貧窮且如夔州一府雖名十三州縣西爲施州衛九溪十八蠻峒所侵擾東有湖陝富陽平利之占據中間略有稍平之區即係湖廣瞿塘衛屯田蠶食其中以一占十害猶未已故一州一縣古戶多不踰於百家其餘俱以逃住新民計其所種山地多寡量貼糧差名爲朋戶每遇里甲之年各以分定日子承當少者一二日以至十日多者十餘日以至一月人自承役荷遇繁重亦所不辭路通舟楫者固已原無馬匹雖有馬匹者亦惟自相雇倩如此成俗年復一年雖有善政亦無所施是以督責雖嚴而告擾益衆此該府所以有此呈請也爲今之計合無俯從民俗因其繁簡之宜量爲徵免之等如夔府巫山奉節雲陽重慶忠涪合州鄆都彭水江津定遠安居十一州縣路通川河原無馬匹萬縣長

圭山近稿 卷六 六 仙居叢書

壽水陸最爲衝要山川尤是峻絕雖有馬匹瘦弱難用建始太平東鄉武隆黔江南川綦江俱係極遠亦無畜養馬匹巴縣路兼水陸不時上司往筭連縣新改爲州亦有撫治常住差役實爲繁重已上州縣相應免解榮昌大足俱二十七里永川二十五里各該解馬五匹銅梁三十四里該解馬七匹璧山十二里該解馬二匹已上五縣地里與會城相近相應遵照舊案解馬墊江十二里梁山十一里各該解馬二匹新寧開縣各七里各該解馬一匹半大寧三里大昌二里各該解馬一匹已上六縣山高江險地里頗遠似難解馬每馬一匹量定價銀四兩就於該縣用剩稽弊銀內支解如此則既不背解馬之成規亦且免山川之跋涉事易完而民不擾官不勞而政可常矣

賑糶議

切見近年部院勒合俱以糶穀備賑爲當日急務而有司奉行未見切實事體未見糧當者蓋緣上無定守吏緣爲奸有穀者或不領糶領糶者或非有穀報大戶



則恐嚇逼及貧寒責逋完則賠償根連親識或借名科罰希圖隱匿官銀或故意刁難需求多取餘羨或主守欠嚴以糶糶而充數或查盤過刻致斗級之傾家本以爲民反以殃民欲求善政滋爲厲政夫古人之法年豐穀賤則粒米狼戾故易穀而聚之於官年飢穀貴則民有饑色故出穀而散之於民其聚也順民之情非官府之抑勒其散也濟民之急免事變之倉皇今之民亦古之民也當大有之年穀雖盈餘銀罕出辦或因齋膳夫柴薪馬戶或因戶禮工邊倉折銀官府之比併愈嚴市井之價直益減有穀一石而易銀一錢者矣有銀一錢而易穀石二者矣售於市也有成色之虧折輸於官也有兌耗之加增千態萬狀莫可名言爲今之計莫若因民之情立爲可久之計每歲五六月間先期申該管上司定爲穀價備示曉諭不拘鄉市里甲人民但有編僉前項齋膳夫戶禮工各項銀差或應納本年分邊腹各項糧布銀兩俱許照依定價自將穀石運赴倉前具狀投到各該州縣官員驗無水濕糠粃即與照數收倉仍每石量收耗穀五升以備查盤虧折穀

圭山近稿

卷六

七

仙居叢書

川東均徭議

完之日徑將在庫銀兩扣除起解以充前項差銀其小民有情願輸糶者亦聽照前上納亦要穀完之後方許給價如此則民無展轉之苦官無分外之科矣

據重慶府申看得重慶二府所屬縣州地有廣狹差有繁簡有每丁石而編銀六七錢者有每丁石編銀一二錢者委實不均相應通融議處但聚矩固君子之道而不齊亦常物之大情故增一分不爲重減一錢則爲輕如丁糧四五萬者每丁石增銀一分即是四五百兩所謂一分之加衆毛成毳也此可施於一二錢者也如丁糧四五千者每丁石減銀一錢纔是四五百兩者所謂一錢之減衆輕易舉也此可施於六七錢者也其餘雖有小異各宜遵照舊規若以二府之州縣拘於一則之編僉是乃均齊方正之法非救弊補偏之宜况一縣之丁米須盡一縣之差使始可推有餘以補他縣之不足其加編之差必如三司本府柴薪馬夫及戶禮工料價乃可追徵否則平等衙門徒爲吏胥隱匿已耳合無呈詳九日咨行

總司選委廉能官一員前去重慶二府會同各掌印官吊取各所屬州縣丁糧文冊到官并查先年舊規與今告申事理逐一議處務見某縣太重某縣太輕輕者量爲加增重者即爲減免仍須先儘本縣官生柴薪齋膳鄉飲祭祀等銀及身差外然後至派戶禮工料價軍需及三司本府馬夫皂隸各項銀兩間有不足原額坐派之數方於別縣編解以便輸納其餘輕重雖稍不同各遵舊規毋得徒事紛更自嘉靖十三年起至十五年止編僉一定造冊繳報庶使人無異議役得適均永爲經久之規矣

延師議

據達州儒學廩增附生員曹邦盛等呈竊聞玉不琢不成器人不學不知道故良工爲瑚璉之範圍而明師乃聖賢之陶冶盛等生長下邑習讀殘編雖十室不廢於忠信而四教未淑於師儒知識凡近殊味上達之機文體險怪難免趨時之失近聞監司之明訓粗知趨向之正途北巖會講長抱媿於面壇絳帳傳經深有望

於點鐵乞延明師指示迷途等因 看得巴蜀山川之奇勝鍾爲文藻之敷華在漢則然於宋尤盛自范侍講聆培翁之秘論百年啓鑰張南軒親晦菴之麗澤萬古開蒙雖素傑之挺生亦淵源之有自今據所呈相應振作訪得湖廣瞿塘衛謫成編修楊 學行純正才識高明延居師席必能不振儒風合無行令該州查支貯庫買辦表裏羊酒教誨主講北巖庶程朱之絕學可續而范張之流芳未泯士習可正而民風可淳矣

重慶脩志議

據重慶府廩增附生員鄧文昂萬祿等呈切聞國有史郡有志族有譜非特所以備紀載亦將以示風教而敦民俗也本府先年雖有志書至今板已不存初學晚生歆慕先哲流風遺韻紀載不備事蹟罕聞甚至弘治以後先賢名宦科名節行文學之士一無紀述歲久蕪沒其非所以重行義而勵後進也鄧文昂等幸值名公在上倡明道化莫不翕然鼓舞勉圖進脩乞以禮聘致德行文學先達一人爲

圭山近稿

卷六

八

仙居叢書



之總裁仍選各學素有學行敬職四五人分理其事如此則一郡之史可成而一方之化可新等因到 據此參看志書之舉廢實有關於風化况重慶二府古稱文獻之邦人材類問世之豪傑宦達多先賢之過化聞其風而求其跡孰無思齊之心讀其書而友其人必收私淑之效今重慶志板不存若不及時重脩必將散逸無考訪得瀘州致仕知府曾嶼剛正修潔文學精深使秉董狐之筆必嚴一字之褒合無行令 置買表裏羊酒以禮聘至宗賢書院做史記義例爲重慶志一部傳示不朽其應用筆札供給之費行重慶二府將 貯庫銀兩另立簿籍登記支銷事完日造冊繳報並不許分文侵剋科派致負盛典也

### 達州脩學議

據達州臬增附生員曹邦盛等呈竊聞明潔所以事神廣大所以立志本州僻在一隅人才寡少先年學宮基址寬廣殿廡尊嚴文風頗盛賢士間生近因藍耶作耗一時上司轉集權將本學西邊折爲分司使兩廡逼近民居陰雨積穢而生徒

### 圭山近稿

卷六

九

仙居叢書

號舍卑隘進脩無地上瀆神明下妨肄業况今國泰民安上司罕到本州既有兵備道又有分司又有二處公館前項故地似宜復舊乞將原折學地量改明倫堂使殿廡各就尊嚴庶申崇祀之敬而去卑隘以遊廣大亦諸生遭逢之大幸也等因到 據看得達州接壤湖陝上司往來別有三處公所足以住筭况該學兩廡逼近城墻民居雜處廢瀆不堪前項故地委宜改立明倫堂以爲諸生講肄之地其分司規模頗小合量爲脩理充拓以備守巡道巡歷但工役之興須預防勞民始免后議查得 先爲分豁結交貪淫官舍報挾私讐急救生命事將犯人向專等問擬徒杖罪名納贖折銀約有六七十兩之數呈蒙本院奉批參詳俱在革前仰查照發落楊純仍行戒飭向專革役取庫收領狀繳俱於未奉明例之先已經發仰達州追收在庫實係無礙錢糧合無行令該州委官估計查支前銀脩理事完之日備將動支過細數造冊繳報庶工易完而民不擾矣

民情議一 共四條

嘗考周官司寇矣凡五刑必即天論言欲與天意合也陴爵麗於事言過爵各當其事不以喜怒也五刑之訟必原父子之親君臣之義以權之意論輕重之量以別之悉其聰明致其忠愛以盡之獄疑與衆共之衆疑赦之必察大小之比以成之其慎重有如此者蓋先王之制刑所以畏民禁其欲而協于中非故立科條而使之犯也人心不古此意罕存惡惡太嚴持法太峻用律不量其情之淺深引例不權其意之輕重重比者爲執法忍心者爲避嫌甚至以喜怒而高下其手緣請托而輕重其刑然後無辜之民有死於徒杖者矣有死於編配者矣有死於監併者矣夫姦宄寇攘元惡大憝殺之是也若夫任情而失理見利而忘義在士類且猶不免無知小人不幸罹此正曾子所謂如得其情則哀矜而弗喜者也今得其情而喜者皆是矣况未必得其情而輒喜者乎 入蜀以來嘗見有以私通爲強奸以搶殺爲強盜以殺殺流賊爲殺一家非死罪三人以兄弟用財爲指稱打點以私收官錢花費爲侵盜庫銀以問革官吏追贓致死如此類者不可枚舉雖節

### 圭山近稿

卷六

十

仙居叢書

經辯問然人心不齊未能遽革伏惟 念民命之至重察彌救之本意通行申諭務使人得盡其情法必當其罪則橫死之冤可息而過刻之吏知戒矣 嘗考周官王制矣刑者側也側者成也一成而不可易故君子盡心焉孔子曰愛之欲其生惡之欲其死而况以盜賊之口挾讐怨之心言之反覆奚足盡信哉昔者直不疑無兄盜嫂第五伯魚三娶孤女爲搗婦翁巢父不受天下而旅舍疑其竊冠劉寬貴爲大臣而鄉人認其駕牛無根之謗疑似之辯非大賢不能以自明也尙矣川蜀不古重利薄恩斗米尺帛而骨肉成讐爵酒杯羹而翁婿爲敵富者以吞貧爲能強者以肉弱爲利貿易虧價輒告劫搶取與非情動稱寇攘故見獲強賊不滿三四人而供攀歇案多至百十輩訊于鄉堡地方固以十增四五矣鞫于巡司州縣則又十增七八矣此獄一成參詳于守巡批允于撫按雖賢人君子亦難以自辯無知者類駢首以受戮有覺者率鼠竄而終身戮者固死竄者亦死苟不死則飢寒所逼必將爲盜矣驅民而置于死至重也夫果賊也其孰曰不宜



然而盜賊之計必諱其同黨而駕禍于他人固有偶同姓名者矣有懷挾讐怨者矣有吞謀財產者矣方其供攀實無對證及其緝獲又乏指實究賊仗則委曰年遠詰黨與則推曰物故殘忍者固視爲奇貨慈仁者亦莫之奈何 入蜀以來雖屢經辯問然而含冤負屈尙多也伏惟垂念罹患之民一洗妄攀之習痛加禁革今後凡獲盜賊即以真正賊仗送官照依刑部止坐見犯不許拿賊之人一切混招賊夥則民患可息奸計無施而同盜之人罪惡貫盈天網恢恢終當自陷于刑戮矣

董子曰皇皇求仁義常恐不能化民者卿大夫之職也皇皇求財利尙恐困乏者庶人之職也陸宣公曰先王之制賦無求于力分之外無貸于力分之內不以務穡增其稅不以輟稼減其租則播種多不以殖產厚其征不以流寓免其調則土著固州縣之稅各有定額無容議者近年以來民窮財盡尤宜加卹奈何與利之人反致加稅同一鹽也昔課其井今則計水而增課矣同一茶也昔稅其地今則

圭山近稿 卷六

十一 仙居叢書

計斤而加稅矣鹽井之艱辛非東南煮海之易川茶之微薄無陝西易馬之便課輕則民見其利而趨之者衆此稅所以增也課重則民見其害而逃亡者多此稅之所以減也 入蜀以來嘗過雲安大寧而見鹽井封閉房室丘墟矣問之曰水淡柴貴灶戶逃也嘗過東鄉太平而見茶株砍伐山場草莽矣問之曰稅多商去茶夫徙也其他如廣安如岳池等處滿目蒿萊莫非膏腴之田皆曰糧差重水旱仍民棄墳墓去真播而種山矣夫同一民也昔胡而富今胡而逃得無以其加稅乎民逃而井閉株伐田荒矣常稅且不足况復能加乎伏惟洞察民隱使一切稅課悉照弘治舊額已後加增之數盡行查革則民必以室家丘隴爲念以安土重遷爲心宅爾宅田爾田逃亡可免常稅可充百姓足而君無不足矣

荀子曰上好要則百事詳上好詳則百事荒葉水心曰與其興一利不如除一害與其生一事不如省一事世道不古民僞日滋在上者不勝其忿忿創爲釐革之法誇奇鬪智日積月煩然而法立而弊隨之竟未見利之必興害之必除者何也

蓋自古有治人無治法官得其人則弊革官匪其人則奸生奈何欲以畫一之法而齊億兆人之心以一方之便而同千萬里之俗哉故今日之事有宜責之布安二司者矣有宜責之守巡各道者矣有宜責之守令者矣一邑之利害責于令一郡之利害責于守錢糧責于分守而總于藩司刑名責于分巡而總于臬司至于盜賊驛傳茶鹽水利無不皆然而撫按實提其綱焉綱舉而目張人人各舉其職也苟或不然虛文徒增實效益鮮故錢糧疑而循環繁矣刑名疑而解審衆矣同一給由也藩司查吏臬司又查吏同一勘事也分巡提人而分守又提人同一驛傳也 覆實而兵備又覆實上之文案堆積下之齎報頻繁夫循環似也殊不知至季終而打算登簿曾何問之可尋解審似也殊不知至中途而脫逃搶奪惟解人之爲累覆實似也殊不知兵備法官而 亦法官查吏之弊或過時而使費不經提人之弊或籍口而互相影射而况四川道里遼遠往返以旬月爲期山川險巖舟車非平穩之路緣是以得罪者蓋不知其幾矣伏惟俯察民便一切繁文悉

圭山近稿 卷六

十一 仙居叢書

與查勘可省者省可革者革而地方之利弊惟賢才之倚托則郡邑無牽制之病軍民免道途之勤大綱舉萬目張而民不勞矣

民情議二共四條

川民自正德以來流賊擾攘故賊所出沒之處概將鄉民編爲勇手內擇勇壯者立爲千長委之督率以禦賊蓋一時之權也自後狡猾千長科剋鄉里交結統領或冒功而受冠帶或罔利而致富殷僥倖之機已熟登壇之念難忘凡遇調發輒便密投交結官員委報某處兵快勇壯某處堪調幾千某人堪以統押上司志在克敵萬一過聽文移既下督以軍令莫敢抗違殊不知每兵一名大約盤費衣甲不下三兩調兵一千則費財三千如川東東達新開等州縣不過三里七里盡戶調發其何能堪况老弱者畏勞富驕者怕死其勢只得財賄統押之人此則買閑彼則雇點在途有口糧之冒支在營有賞賜之侵剋害及衆人而利歸奸人矣其者以其所得餘利轉餽交結官員因而冒功受賞合無以後凡遇調即發以應調



之數行所在兵備酌量地方調選時委官督率則調發之令既均精勇之選必嚴而奸弊亦無所容矣

川民自嘉靖七八年旱荒以來家無餘蓄民無固志加以地里廣野山川險阻徒配有官強盜之名河道有小弟兄之號住近邊徼則借勢於土人業傍深山則托巢於窩主保長鄉長本防賊而或藏賊小甲總甲欲詰奸而反長姦禁諭之令徒下寇攘之勢轉深中間怙惡不悛固習俗之無良而睚眦必報亦誅求之太過蓋荒年搶奪之人多為飢寒所逼或一事而毛舉別事或一人而干連衆人已獲者皆瘐死於獄中未獲者尙流落於荒外勢焰方熾在當時之禁治不得不嚴懲創已久在今日之招徠不可不恕合無申明近奉明詔悉將八年前協從之人宥免聽其復業各安生理其水陸要路查照先年舊規每五里設堡一所就以住近鄉民編爲火甲責之防守示諭上下紅隻俱要至此灣泊其鄉村盜賊竊發一人知覺卽鳴鑼爲號聚集一堡之人隨時協力擒捕真正人賊送官審實照依大明

圭山近稿

卷六

十三

仙居叢書

令定格一體給賞以靖地方如或坐視縱賊不行救應許被盜之人指實告官先拘該堡火甲量力均陪所失之財其餘一切捕盜義民老人千鄉堡長悉與革去既不得追風捕影以逼挾平民亦不得假名籍口以窩藏真盜如此則肆惡者知戒而守分者安業矣

川民自嘉靖七年旱荒以來疫厲盛行死亡過半比有在逃僧人真空道士陳果政等倡爲彌勒佛出世妖說扇惑愚民捨身燒香出錢納級因而姦污妻女誑騙財貨先用硃符燒服以動其心繼將水盤照影以堅其志小民紛然鼓動上自潼川安岳仁壽資簡瀘州下至巴涪南川真播忠州等處或縱妻以奉教或棄產而納官千百爲羣夜聚曉散甚且造勅諭而奪取民業改年號而擅給路引按之則反叛之迹未著縱之權二之則意已深除 已經稟問首惡撫散餘黨外第恐偏僻去處聚集已久既乏資身之策又無解散之機萬一禍出不意爲害匪輕合無請給明示通行曉諭憫其陷溺之久開以自新之路聽容自首免罪給帖執照各

安生理仍令合蜀巡捕官兵密切緝拿如有長惡不悛違背省諭者許將妖邪賊徵連人拿送所在官司依律坐以斬罪如此則人知懲戒而妖變可息矣

川東一道近重慶則有真播西平石砭等司近夔州者則有施州九溪十八蠻峒以至長官小夷不下三四十處夷漢雜處地土相攙或因貿易虧價而駕爲搶劫重情或因取與不和而興爲人命大獄或以飛報緊急賊情爲速行之計或以統兵攻打衙門爲聳聽之謀小則申呈大則奏訴僥倖准行不出對理中間有挾財私和者有乘機搶掠者有故陷平民淹禁者有掩飾自己罪惡者有土官占悞不發者有起解中途打奪者委官勘問多至十年少亦數歲躲避者十常七八完結者十無二三比併徒嚴文案虛積究其所由蓋緣土官多不讀書識字護印或是把目婦人主文得以撥置財賄得以買求故以前者悞中其奸謀而未然者節肆其欺罔夫賈屈以求伸含冤而聽理恨其不准未有竄身逃避者也恨其不速未有遷延歲月者也緣其迹而考其心其爲涉虛明矣合無以後一應申奏事情務

圭山近稿

卷六

十四

仙居叢書

令原告親赴勘事衙門聽理方與委官提人若文書案候三個月之上原告不到者查照見行事例立案不行仍行該管官司提問不許一概混拘如此則妄申捏奏之弊可省而報讐挾私之害可息矣

祈雨告城隍文

嘉靖十有三年歲次甲午六月丙申朔越十七日壬子欽差撫治重慶等處四川按察司副使張儉謹以果酒奠告于達州城隍之神曰我國家明則建官幽則享神豈不以民有枉抑則訴于監司監司所不能則惟神之依相爲表裏以爲民庇也哉茲者上天降罰四旬不雨早禾垂實而薄收晚稻方秀而未實人心惶惶如火如湯此固監司刑政之厲而爲神者獨無戚乎故特齋沐以告神早賜滂沱大慰民望則神之所以昭厥職而光我監司者多矣

申告文

四川按察司副使張儉謹遣夔州府推官陳瀛復以果酒申告于達州城隍之神



曰茲者川東亢旱禾穀未登監司憂民之憂急民之急以告于神蒙神鑒格彰其威靈連日甘雨以慰羣望誠可謂昭厥職而光我監司矣但十七雨大而未久十八雨驟而未大是猶一杯之水以救一輿薪之火豈監司求之之心尙未誠耶何所濟者之未博也故謹申告惟神大顯威靈賜滂沱三日之雨濟川東一道之民監司必將椎牛庖羊率官屬吏民再拜宇下以答靈貺惟神留情勿靳厥功

謝雨文

謹以牛酒祭于達州城隍之神曰惟神大顯威靈挽回造化賜滂沱之雨濟川東之民使上田下田莫不沾足早禾晚禾俱獲豐穰默默元功昭昭不昧茲敬率吏民再拜宇下答還前愿惟神鑒格更祈去災布惠福善禍淫振我文教康我黎庶則監司與民益沐神庥于無既矣



